

續

修

四

庫

全

書

《續修四庫全書》編纂委員會編

續修四庫全書



上海古籍出版社

四〇五・史部・紀事本末類

欽定剿平粵匪方略四百二十卷首一卷(卷七十九至卷一百二十二)〔清〕奕訢等撰……………

2284/05

欽定剿平粵匪方略卷七十九 甲寅年

二月十二日辛巳崇綸青麀奏言探聞督臣吳文

鎔紮營堵城距黃州府二十五里正月十五日
黎明派署副將德亮等帶六成隊出戰先獲勝
仗另股賊匪從後抄截兵勇潰散午後該匪潛
來撲營當時存營之兵器械短少被賊縱火營
盤次第焚燒督臣自刎德亮陣亡等語又有報

欽定剿平粵匪方略卷七十九

一

稱督臣投水之說其餘將弁下落均未確知已
委員訪覓督臣等屍身及各官弁兵勇傷亡下
落再行辦理現在賊船因被城礮擊燬甚多斃
賊無算不敢渡江攻城俱匿於漢口小河之內
二十三日夜間大霧迷天遮蔽江面賊船乘此
潛往金口地方未知意欲何往該處係赴荊州
湖南之路防禦最關緊要德安現在無事台湧

應亟回荊州籌辦漢陽小河口尚有賊船一百

餘號祇因船礮維艱兵勇不敷調遣未能即時
進剿臬司唐樹義礮船擅自開放金口聞該司
因賊竄該處所募之勇逃散該司投水自盡經
人撈救未知下落礮船諒被賊擄殊堪憤恨二
十五日金口賊船二百餘隻又往上竄其漢口
賊船百餘隻亦於次日晚間開往上游城礮連

欽定剿平粵匪方略卷七十九

二

環轟擊沈其數隻奏入

上命軍機大臣傳諭崇綸青麀曰現在金口漢口賊船
均已連檣上駛武昌情形稍緩而荆襄一帶萬分喫
緊自應先其所急酌撥兵勇前進與台湧聯絡聲威
互相接應省城防兵六千餘名加以魁玉所帶官兵
一千名爲數尙多不得藉口守城置上游於不顧著
崇綸等迅速抽撥交魁玉帶往助剿仍一面密爲布

置扼其回窺武昌之路軍情變遷無定該撫等務當權衡緩急統籌妥辦

上又命軍機大臣傳諭台湧曰崇綸青麀奏總督吳文鎔兵敗捐軀漢口金口賊船上窺台湧現授為湖廣總督統轄全省自應移兵荆襄一帶力遏賊衝並隨時知照略秉章曾國藩督飭兵勇合力夾擊荆襄為南北要隘斷不可令賊窺擾官文已授為荊州將軍

聖朝方略卷七十九

三

與該督可以互相策應魁玉所帶駐防官兵由武昌上援或令防守荆郡或令隨營剿賊並著該督酌量調遣

上又命軍機大臣傳諭略秉章曾國藩曰前因荆襄等處緊要諭令略秉章選派精兵一二千名前往湖北交台湧調遣並諭曾國藩迅帶礮船順流直抵武漢會合剿辦茲據崇綸青麀奏金口賊船窺赴上游漢

口賊船亦陸續上窺已有旨授台湧為湖廣總督令其統兵馳赴荆襄一帶剿賊並令崇綸等於省城防兵內分撥協剿湖北賊勢狡獪亟須遏其紛竄前調湖南之兵諒已起程仍著略秉章於交界處所派兵嚴密設防如須出境協剿即著嚴飭帶兵員弁隨同台湧協力剿擊曾國藩統帶礮船想已開行著即兼程馳赴下游迎頭截剿此時水路進攻專恃湖南礮船遏其兇鋒務須趕緊前進勿稍延誤至礮船所需糧餉湖南江西各省如有款可籌自當就近提用著曾國藩迅即咨明各該撫酌量籌辦

聖朝方略卷七十九

四

上諭內閣曰據崇綸青麀奏稱吳文鎔紮營堵城督兵攻剿先獲勝仗旋因營盤被賊焚劫吳文鎔兵敗捐軀情形尚未確悉著台湧崇綸青麀再行確查其署副將德亮陣亡情形及臬司唐樹義現在下落著一

併查明具奏

同日英桂奏言臣查豫省壤地寬廣總計額兵僅一萬餘名散處十三州郡為數本屬無多軍興以來歷年徵調出省不下數千近因在防客兵分別選汰本省抽撥實屬為難故不得已飭募餘丁以補額兵之不足即鎮臣柏山駐紮固始帶兵亦不及二千現在東南北三面受敵東

欽定剿平粵匪方略卷七十九

五

南兩面一州五郡與皖楚犬牙相錯水陸兼通

自安徽廬郡失守歸陳汝光等處民情已為搖動是以臣急移汝郡居中鎮撫迫賊分踞六安距固始僅百餘里距光州商城不及二百里人心更覺惶惑鎮臣現帶官兵不多一經移撤赴楚固始要隘空虛正屬可慮且舍近皖邊防攻楚北羣醜道里較遠眾寡懸殊竊恐鄰省指臂

之效未收而本省腹心之憂滋甚况賊蹤靡定

聞已進泊襄江難保不窺伺北竄萬一荆襄有警則南陽一帶喫重而我軍遠在楚漢運掉不及尤覺可虞臣須通籌全局又未能偏守一隅現北路賊匪未平河北彰衛二屬不能撤防省城根本重地亦須留兵駐守歸陳兩郡密邇皖氛土匪未靖防兵實覺太單不得不據實直陳

欽定剿平粵匪方略卷七十九

六

惟有仰懇

聖明鑒察俯准仍照前奏

飭下江南大營迅移精兵馳勦皖逆庶幾兵力厚集聲威更壯奏入報

聞

同日

上命軍機大臣傳諭僧格林沁勝保曰逆匪竄踞東城

各村該處地方編小積穀無多且聞賊匪所搭木壘
半用樹枝支架必不能十分堅固若不及早併力進
兵又將竄擾他處此時已屬二月中旬春融冰泮馬
隊難行勦辦更難得手著該大臣等嚴飭帶兵六員
一鼓作氣直搗賊巢如將弁中有不遵號令及一營
出隊他營不為應援者即著照軍法懲辦若僧格林
沁等各存意見不能會合進攻耽延時日朕亦惟執

聖恩聖方略卷七十九

七

法從軍決不寬貸

十三日壬午僧格林沁勝保奏言查逆賊被困情

急乘初九日午刻大霧迷漫捨命由小禮文向

東南奔竄經善祿就近帶兵馳赴念祖橋截殺

該逆仍復堅拒我兵極力撲擊斃賊七八百名

賊屍徧地順隄由西南竄逸臣等乘夜追擊該

逆直前狂奔行至邊馬橋偏令鄉民用木搭橋

偷渡我兵隨追隨殺及至河邊賊已過河將橋

燒斷臣等趕緊繞至賊家橋催令搭橋渡河該

逆已竄入獻縣臣等先後趕到乘其喘息未定

極力攻擊該逆不敢踞城又向南門奔竄計復

斃賊數百名時已昏黑因兵馬連夜奔走百餘

里暫令少休臣僧格林沁先督馬隊追擊臣勝

保一面尾督馬隊繼進一面催調步隊接應總

聖恩聖方略卷七十九

八

期窮賊所向盡力殄除

僧格林沁勝保又奏言逆匪竄至獻縣經達洪

阿於西門迎擊斃賊一百餘名該逆退入城中

復由南門竄逸臣等督兵追及於善女橋前後

夾擊至富莊驛地方賊屍枕藉共斃賊一千餘

名生擒五十餘名該逆隨拒隨走到富莊驛村

內設伏抗拒我兵實難撲進現已飛調步隊官

兵一俟到齊卽合力兜圍

僧格林沁勝保又奏言查逃匪全股撲出副都

統雙諭不能遏賊竄逸帶兵追擊亦無斬獲相

懇請

旨將副都統雙諭卽行革職以示懲儆

僧格林沁勝保又奏言查本月初十日前任副

都統達洪阿督帶馬隊官兵在獻縣城外將該

聖聖聖聖聖聖聖聖

九

逆隊伍衝斷擊斃逃匪一百餘名該員曾任二

品大員臣等未便保奏可否量予

恩施出自

聖裁

同日桂良奏言本月初九日亥刻賊匪向東南

西南竄逸臣當飭該地方文武加意嚴防復據

勝保咨稱賊匪大股由小禮文撲竄該大臣已

親督官兵與僧格林沁分路抄截該匪究係竄
注何處一俟偵探明確卽行奏報均奏入

上命軍機大臣傳諭僧格林沁勝保曰逃匪竄踞東城

等村我兵圍攻已逾兩月乃本日據奏逃匪於初九

日乘隙由小禮文向東南奔竄復據桂良奏該逆向

東南西南竄逸是賊匪顯係分股潰竄正當乘其喘

息未定四面兜擊著僧格林沁勝保派撥精兵繞赴

聖聖聖聖聖聖聖聖

十

賊前截擊其逃首各犯尤不可令其乘間免脫並飛

咨張亮基於山東直隸交界地方嚴密堵截河橋爲

賊燒斷我兵繞至賊家橋已屬落後以致賊得竄入

獻縣現在僧格林沁業已先督馬隊追擊何以勝保

僅督後隊繼進前次賊由獨流竄出經僧格林沁痛

加剿洗勝保耽延數日始行趕到此次若復稍有遷

延罪將誰諉刻下賊衆是否分股奔竄該大臣等是

否分路追擊各路帶兵大員如何兜截前後策應著
卽迅速具奏正在寄諭間復據奏稱逆匪由獻縣南
門竄出我兵追及該逆隨拒隨走至富莊驛村內設
伏等語富莊驛地方牆垣堅厚我兵俱係馬隊並無
槍礮行軍以火器爲最利現在軍營便捷礮位爲數
不少該大臣等旣跟蹤追勦並不帶槍礮以徒手擊
賊有是理乎至逆匪奔竄後占踞集鎮輒云礮火猛

聖事方略卷七十九

十一

烈不能撲進而我兵轉藉口於無槍無礮似此遷延
迂緩必致貽誤事機且前此逆匪初到束城該大臣
等卽以專待礮位爲詞此次又以無礮藉口其誰欺
乎若少事耽擱該逆又將築壘空濠負隅堅守或乘
隙奔突若不西竄卽南撲景州德州一帶皆係水陸
要隘我兵又成尾追之勢勦辦何日可了兵貴神速
豈可一誤再誤著僧格林沁勝保等迅就現到之兵

設法進攻並飛催後隊官兵星速前進不准片刻遲
延若復藉槍礮未到以致老師糜餉又蹈東城故轍
朕惟將該大臣等從重治罪

上諭內閣曰達洪阿帶兵殺賊奮勇可嘉著卽開復原
官副都統雙齡不能遏賊竄逸帶兵追勦又無斬獲
無能已極著卽革職留營帶罪自效

聖事方略卷七十九

十二

同日琦善奏言本月初五日總兵羅騰龍督隊
由西岸行至瓜州深入攻勦該逆數千人出拒
經官兵擊退殲賊無數詎意賊匪傾巢而出愈
聚愈多約有萬餘人分股繞襲我兵之後官兵
寡不敵衆羅騰龍下馬步行揮刀力戰手刃黃
衣賊目數名左右泣勸其上馬突圍誓死不顧
衝入賊隊殺賊數十名旋卽遇害臣查羅騰龍
有膽有識謀勇兼優上年力扼三汊河以孱兵

當劇寇每戰身先士卒其忠勇不異雙來茲因
力戰被害身受多傷深堪憫惻又查有甘肅鎮
羌營遊擊王禮等均隨羅騰龍陣亡其餘傷亡
弁兵容臣查明咨部辦理奏入

上命軍機大臣傳諭琦善曰據奏進剿瓜州連獲勝仗
總兵羅騰龍深入遇害是連日雖獲勝仗豈能償比
挫失現在官兵數逾萬人水路廣艇各船亦不下數

欽定剿平粵匪方略卷七十九

十三

十號著琦善督飭各路帶兵大員設法進剿稍贖前
愆至統帶艇船之總兵葉常春等前因琦善奏稱呼
應不靈難以調遣請嚴飭該總兵等緊扼瓜州斷賊
接濟已降旨將葉常春等摘頂示懲如有不遵調度
者卽行正法著琦善仍遵前旨嚴飭軍營將弁兵勇
水陸夾擊迅將瓜州逆匪盡數殄滅毋誤事機

上諭內閣曰總兵羅騰龍由行伍洊升專闔屢立戰功

茲因攻剿深入奮勇殺賊身受重傷爲國捐軀殊堪

憫惜著加恩追贈提督卽照提督陣亡例賜卹任內

一切處分悉予開復應得卹典該衙門察例具奏伊

子羅輔廷羅廣善羅廷熊羅廷豹均著賞給守備其

隨同打仗陣亡之甘肅鎮羌營遊擊王禮山東卽墨

營守備崔萬鎰鎮寧營千總詹榮純漢中鎮千總楊

兆熊河州鎮千總黎玫延綏鎮千總武孝署千總雲

騎尉張秀把總李源白生蘭李永和劉慶祥外委金

有貴額外外委王文德黃和春火器營護軍校武奎

著一併交部議卹

同日湖廣總督台湧奏言查現在偏近德安各

路賊匪雖已被剿退竄難保不窺伺北向之路

臣已飭董玉龍帶所收集之兵仍由東路孝感

縣之三汊鋪前進吳登龍等帶所收集之兵仍

由中路長江準一帶前進復派成福帶所收集之兵由西路應城縣前進均飭步步相機搜捕竄匪次第偪赴漢陽漢口後路堵紮既圖應援省城亦可藉遏北竄至應山縣之武勝關一帶實為入豫咽喉防範尤關緊要臣前調之提標各營官兵五百名現已陸續催齊一面飭都司葉永泰統帶馳赴該處聯絡河南派防官兵扼

聖學聖方略卷十九

十五

要布置貴州提臣佈克慎由麻城收集貴州各營潰兵來至德安自願奮力勦賊臣已商令前往孝感縣屬之湯店堵紮就近督飭董玉龍等相機進剿

同日青慶奏言逆匪在漢口漢陽一帶築有土城三處礮臺數處不但伊得犄角之勢且我處道路梗塞非重兵由背攻擊萬不能散是以臣

函催將軍台湧星夜帶兵前進又探得會國藩行距金口百餘里胡林翼已有函來二十二日到省不料被唐樹義所帶礮船各勇在前恐嚇大約退守上游臣即將賊勢已敗正在窮蹙思竄等情詳晰函致令其速進唐樹義所帶礮船已被該逆搶去一半尤為可慮又探得黃州府城業已退出近日並無上竄之船惟恐廬州賊

聖學聖方略卷十九

十六

匪被勦紛竄臣與撫臣飛咨江西巡撫令其速撥重兵在九江兩岸扼守以截來路又飛咨湖南巡撫等豫為嚴防惟臣係無權之官雖經密為布置而人未必信不得不豫為陳明

青慶又奏言查湖北通數省之關津即使金陵收復餘黨必竄湖北廬州收復亦然各逆起於廣西聯以廣東夥以兩湖追捕窮蹙非由湖北

不能歸巢若不令其歸巢非湖北有重兵不可
且湖北不守則金陵一帶餘黨竄回將來仍是
不了之局惟有仰懇

聖恩北路一經凱撤卽飭勝保前來湖北再撥大兵分
赴安徽廬州江西九江處處截攻果能布置合
宜賊衆當不難殄滅至北路必須仍留重兵防
守金陵一股但使向榮實力勦辦自易克復或

欽定剿平粵匪方略卷七十九

十七

俟廬州湖北一律肅清後再令勝保統兵會勦
金陵彼時湖北亦必須留兵扼守非如此辦法
斷不免於分竄

同日曾國藩奏言臣於正月二十八日自衡起
程湘潭分造之船尙未盡畢臣到潭晝夜督辦
到長沙時支運軍械鉛藥守催數日卽行馳赴
下游臣所辦之船拖罟一號快蟹四十號長龍

五十號三板艇一百五十號又改造釣鈎船一
百二十號雇載輜重船一百餘號所配之礮借
用廣西者一百五十位廣東購辦者去年解到
八十位今年解到二百四十位本省提用者一
百餘位所募之勇陸路五千餘人水師五千陸
路各營編列字號五百人爲大營不滿五百者
爲小營水路分爲十營前後左右中爲五正營
正營之外又分五副營統計全軍約一萬七千
人至臣前摺稱待張敬修解礮到楚乃可起行
頃知張敬修爲粵奏留不能赴楚續購之礮亦
不能遽到下游賊勢急於星火臣更不可少延
矣均奏入

欽定剿平粵匪方略卷七十九

十六

上命軍機大臣傳諭台湧曰昨已有旨令台湧移兵荆
襄一帶力遏賊衝當此逆勢猖獗該督必當統籌全

局妥為布置惟兵力尙覺單弱本日據曾國藩奏已於正月二十八日督帶礮船自衡州起程統計全軍約一萬七千餘人此時水路進剿賴有此一軍應援曾國藩一人統領重兵朕心實深懸繫台湧統轄兩省責無旁貸所有湖南礮船應如何調撥布置之處著該督與該侍郎和衷籌畫現在魁玉已帶兵由武昌上援自可酌量調度佈克慎現由麻城帶兵到營

聖諭方略卷七十九

九

上又命軍機大臣傳諭青麀曰現在賊船全行上竄已有旨令台湧督兵進剿並諭曾國藩速帶礮船前來應援該學政係奉旨籌辦防堵大員一切應辦事宜自可會同巡撫熟籌妥辦遇有調遣之處地方文武

何至呼應不靈乃該學政屢次奏報總以無權之官人未輕信為詞殊不可解武昌省城內防禦緊要著與崇綸嚴密布置毋得各存意見

上又命軍機大臣傳諭曾國藩曰楚北賊勢猖獗連艘上竄曾國藩現已由衡州進發所帶戰船礮位均經配搭齊備務即剋期駛赴下游惟員弁丁勇一萬七千餘人係派何人分起管帶已有旨令台湧飛飭已

聖諭方略卷七十九

二十

革提督佈克慎前往幫帶兵勇矣本日據青麀奏探聞曾國藩帶勇已距金口百有餘里貴州道胡林翼隨同前來現復退往上游該侍郎礮船早入楚北胡林翼何以退守著曾國藩飭知該道迅速前進應如何相機攻剿之處著隨時知照台湧務期水陸聲息聯絡合力剿辦

十四日 癸未 工部右侍郎載齡奏言據探逆匪盤

踞束城村地方經僧格林沁等於東西北三面
紮營特留南面誘其敗逃並於南面距賊壘較
遠地方挑濠設伏又將附近村莊飭令騰空該
逆匪果於初九日夜乘霧潛逃被伏兵擊回竄
至河間府被鄉勇擊退現在河間府地北二十
里堡盤踞我兵陸續追至紮營進剿奏入

上命軍機大臣傳諭載齡曰昨據僧格林沁等奏逆匪

聖學聖略卷七十九

三

全股竄出官兵追至富莊驛桂良奏稱有賊由東南
西南紛竄之語富莊驛係在河間東南其西南一帶
何處有賊分竄亦未確指現在逆匪亡命狂奔後路
之防尤關緊要著載齡卽飭各路弁兵分投確探隨
時速奏其固安東安黃村涿州通州蘆溝橋等處防
堵各營仍著嚴飭各該帶兵員弁加意嚴防不得因
逆氛漸遠稍存大意

上又命軍機大臣傳諭僧格林沁勝保曰昨據桂良奏

有賊向東南西南紛竄之語本日據載齡奏稱逆匪
現在河間府屬地北二十里堡盤踞富莊驛在河間
府城以南二十里堡在河間府城以北相距一百數
十里其間必有分竄之處究竟該逆是否全聚富莊
驛村內抑另有零匪潛匿附近村莊束城等村是否
尚有餘賊著該大臣等迅速據實具奏務須分投確

聖學聖略卷七十九

三

探四面搜剿方能盡殲醜類現在大兵盡力南趨備
北面尙留餘孽致令再有裏脅衝突情事豈非顧此
失彼著僧格林沁勝保嚴飭各路帶兵大員迅掃賊
氛斷不准藉口於無礙無槍耽延時日

同日台湧奏言查湖北全省官兵早已徵調一
空更無可調之處所恃者祇此收集潰兵爲數
不及二千銳氣皆失以之剿除小股竄匪尙屬

可用而欲驅其直搗漢陽未見其可曾國藩所帶舟師猶無抵北信息唐樹義所領礮船前已駛上金口旋經省城調回二十二隻餘船均為賊奪並有唐樹義陣亡之說四川松潘建昌兩鎮官兵未聞來楚且湖南四川兩路兵來均必由大江以南進勦目下賊氛中阻實恐緩不濟急臣於未奉

聖朝聖略卷十九

三



三

諭旨之先收集黃州大營潰兵派分三路前進飭其前赴漢陽漢口後路堵紮而將新調提標官兵五百名派赴武勝關與河南派防之官兵聯絡布置即以嚴防北竄者為前三路之後應臣一面催令松潘建昌官兵前來一面飛咨湖南撫臣駱秉章迅速撥兵趕緊東征至荆襄等處均隨時諄飭各該文武實力防範並咨會河南撫臣

英桂聯絡聲勢其漢陽漢口盤踞賊匪逆敵正張非俟兵力稍厚未可貿然攻勦堵城之敗覆轍可鑒查該處距黃州府城二十五里濱江臨壑三面皆水大營十一座排比屯紮已犯兵家之忌而吳文鎔滅賊心急催戰甚嚴正月十五日進勦出隊六成之多未能防賊抄襲致中詭計吳文鎔臨陣捐軀並無避至靈沙河之事現

聖朝聖略卷十九

三



三

據應城縣知縣翁吉士稟稱吳文鎔屍身已在堵城覓獲此外文武尙未詳查臣外審賊情內度兵力不能不量敵後進未便稍涉鹵莽同日駱秉章奏言據貴州委員黃鳳稟稱正月二十三日粵匪上竄金口臬司唐樹義督帶水勇開礮擊沈賊船十餘隻斃賊無數並砍斃紅衣賊目二名繼因眾寡不敵船被擊破該臬司

落江身死查漢口上通荆襄爲南北往來要地
又與湖南岳常澧等府州屬路路可通而岳州
爲湖南門戶雖已派有兵勇在彼堵禦究恐兵
力單薄查曾國藩於正月二十八日自衡起程
赴鄂須由岳州經過臣已咨商曾國藩先撥兵
勇數千趕赴岳州一帶迎擊以勦爲堵並請

飭下四川河南督撫臣一體迅撥兵勇合力堵剿防其

欽定剿平粵匪方略卷十九

三

北竄再湖北臬司唐樹義帶勇勦賊落水身死
殊堪矜憫相應請

旨從優賜卹均奏入

上諭內閣曰湖廣總督吳文鎔歷任封圻均能盡心職
守自調任湖廣卽值逆匪復擾武昌漢陽當經督率
官兵擊退迨該逆竄聚黃州吳文鎔出省迎勦先經
獲有勝仗正月十五日以力攻堵城中賊詭計連營

被燒遂致陣亡據台湧奏該督滅賊心急催戰甚嚴
因而失事吳文鎔此次督兵失利本屬罪有應得念
其臨陣捐軀不虧大節著照總督陣亡例從優賜卹
任內一切處分悉予開復應得卹典該衙門察例具
奏湖北臬司唐樹義督帶水勇敵船趕赴金口被賊
將船隻擊破落水身死亦堪憫惻著加恩開復革職
處分照臬司例賜卹

欽定剿平粵匪方略卷十九

三

同日崇綸青慶奏言查臣等前調荆州滿兵一
千二百名到省者僅八百名現在賊臨城下若
專務防守任其猖獗恐愈聚愈多尤難抵禦並
聞黃州尙有賊匪船隻各處擄搶土匪因之竊
發不得已飛咨將軍台湧酌撥精兵二千會同
夾擊而驛路不通遞往德安尙須繞道湖南紆
遠數千餘里何能卽到曾國藩之戰船聞正月

杪可以起程廣東所解洋礮並弁兵人等均被
截留貴州候補道胡林翼帶勇千餘名來楚聞
已入境現所恃者惟此三處援兵未定能否速
至臣等已飛咨催促以資接應

崇綸青麀又奏言查江西製造戰船諒已就緒
該省適當其中若能多派將弁於大江扼要處
所截賊往來之路不獨江西可保無虞且使皖

聖學考卷七十九

三

楚竄匪首尾不能相顧辦理較易得手伏乞

飭下撫臣張芾妥速辦理奏入

上命軍機大臣傳諭陳啟邁陸元烺曰自逆匪竄擾以
來長江數千里任賊往來游駛現在金陵未克廬州
復陷而同竄武昌之賊紛紛駛赴漢陽金口一帶逆
蹤剽忽非亟籌肅清江面不能奏功會國藩由湖南
統帶舟師順流迎擊業於正月二十八日起程計期

應抵楚北上年八月間張芾有飭令夏廷樞修造船
筏之奏此項戰船為數若干停泊何處即著陳啟邁
飭知陸元烺揀派諳習軍務及熟悉水師得力員弁
配齊軍火礮位星速管帶駛出九江擇扼要之區截
賊往來之路與會國藩聲勢聯絡上下夾擊非但遏
賊分竄南昌且使皖楚紛擾之賊首尾不能相顧該
撫等惟當妥速籌辦不准遷延迂緩

聖學考卷七十九

天

同日福濟和春奏言查逆匪占踞廬州業已月
餘臣和春督率官兵更番前進初四日移營三
里岡該逆往來窺伺均經官兵追擊斃賊十餘
名初六日卯刻逆匪分五路來撲每路約二千
人臣和春同已革副將鄭魁士率同官兵由中
路迎擊適四路賊匪分撲總兵吉順副都統薩
炳阿知州江忠濬總兵全玉貴等營盤俱經各

鎮將奮力攻擊斃賊多名嗣中路之賊紛紛敗走又經鄭魁士帶兵追勦擒斬甚多惟時分撲各營之賊均被我兵出營追至河邊落水死者不計其數此次之戰自卯至巳約斃賊匪一千數百名實緣湖南官兵久於戰陣勇敢得力雖爲數不多竟能使新到之兵齊力用命深堪嘉獎奏入

欽定剿平粵匪方略卷十九

三

上嘉之

福濟和春又奏言查總兵珠克登音德布楊青鶴等雖督兵打仗不致畏縮然俱未久歷行間必須屢經戰陣勇敢可靠之員酌帶親信官兵爲之統領始足以資得力臣和春前奉

諭旨飭令向榮卽派總兵秦定三趕緊帶兵來廬會勦迄今尙未見到一俟該總兵秦定三來廬卽行

相機會勦

福濟和春又奏言查正陽關係壽州所屬近接潁州與河南毗連前因廬州失守皖省兵力過單飛咨河南趕緊堵禦嗣聞逆匪竄踞六安已派山東官兵一千二百名飭參將劉玉豹馳往防勦計已行抵壽州昨袁甲三以正陽關防堵喫緊奏奉

欽定剿平粵匪方略卷十九

三

諭旨飭令河南嚴加堵禦如能先事防守諒不致再有

竄入

福濟和春又奏言查巢縣爲廬州後路必須趕緊派撥官兵前往勦捕查有副都統忠泰幹練老成當派仁勇一千名徐州官兵八百名交其管帶連原帶馬隊二百五十名馳往巢縣進勦並查有在籍編修李鴻章熟悉該處情形已令

前往會同相機勦辦奏入均報

聞

十五日甲申青慶奏言查賊船在江面游弋無定

漢口漢陽河內真賊不足二千惟守城兵勇斷不能分又無船隻可渡祇有德安府距省尙近將軍台湧如可統兵由背進攻不難勦滅不料撫臣已咨催將軍前赴荊州設防不知荊州雖

聖學聖方略卷七十九

三

屬緊要省城先已被圍况省城能合兵攻勦則荊州自可安如泰山將軍台湧如可帶兵前來將漢口之路打通武昌尙可保守否則何堪設想漢口爲湖北第一要隘何以該撫以漢陽爲外府現賊船踞武昌上游六十里金口地方二百隻又踞武昌下游九十里青山陽邏地方數十隻踞武昌對岸漢口漢陽二三百隻大江

聖明加察

一帶賊已占踞二百餘里臣係學政本無守土之責又無調兵之權所有地方文武如何能聽調度即使臣能撫馭得宜而隻手空談亦屬萬難布置况事關重大倉猝之間臣之材力本有不及者乎臣勢處危急不能不竭盡血誠力陳中外粉飾之弊惟冀

聖學聖方略卷七十九

三

青慶又奏言頃聞岳州府賊船二百餘隻將黃州至岳州東西江面占踞而武昌省城界在江之南岸通省各府州縣均在江之北岸呼吸不通各府州縣亦無設法前來送信者將軍台湧亦無音信大約各處總以道路梗塞爲辭省城對岸卽是漢口漢陽賊若久踞兩處較之金陵尤甚何也金陵尙有數省可以合兵前進武昌

無處可通文報困守既難久待若被攻撲又將何以禦敵惟有懇

恩飭下四川陝西河南各督撫調撥精兵交堪勝統兵之大員管帶來鄂以資勦辦奏入

上命軍機大臣傳諭崇綸青麐曰現在賊船陸續上竄荆州情形亦甚喫重而孝感應山等處皆有賊匪肆擾賊船盤踞江面台湧所帶官兵無多豈能飛渡竟

欽定剿平粵匪方略卷七十九



置北岸於不顧省城防兵共有六千江面礮船亦尙有二十餘隻昨據崇綸青麐奏報攻勦情形尙云擊沈賊船多隻而青麐則總稱地利人心兩不足恃且崇綸奏報均與青麐聯銜而青麐則單銜具奏並云崇綸不及會銜豈有同在一城防守竟至隔閡如是值此危急之時兩人各存意見必致誤事該學政味於事機不知輕重該撫復一籌莫展徒事牴牾豈江

北各府皆非該撫等所轄耶至摺內所陳明言賊在漢陽陸續上竄忽又言武昌被圍既言曾國藩於正月杪可以起程而青麐正月二十八日所發之報又稱曾國藩已距金口不遠其偵探不確已可概見崇綸前次請飭吳文鎔出省勦賊逮朕嚴諭吳文鎔前赴黃州該撫又稱省城緊要請令暫留似此毫無定見卽知省城布置亦未必確有把握現在台湧已授

欽定剿平粵匪方略卷七十九



爲湖廣總督亟應先將江北逆匪勦除以杜北竄該撫等但當協力和衷固守城垣不得徒以無可籌辦藉詞爲他日卸罪地步總之德安一帶賊匪盡除則漢口逆匪自不敢徑攻武昌朕於軍情緩急慎重權衡並非重北輕南不爲湖北省垣計也

上又命軍機大臣傳諭裕瑞曰連日疊據台湧崇綸青麐奏賊船由武昌漢陽上竄金口荆襄情形喫重亟

待應援等語現在台湧嚴扼北路恐該匪沿江上竄
勦辦愈難著裕瑞飛飭雙保福忻迅卽帶兵前進迎
頭截擊一面知會台湧應向何路分派援應相機妥
辦並著裕瑞派員確探楚境賊情如應添兵接應卽
著於各路防兵內酌量緩急調撥前往攻勦無得株
守一隅仍嚴飭界連楚省文武隨時嚴密防範無任
匪蹤闖入

聖諭方略卷七十九

三

上又命軍機大臣傳諭王慶雲桂明日賊船回竄武昌
駛擾漢陽金口一帶曾國藩統帶船礮水勇馳赴下
游迎擊惟賊蹤剽急尤應防其乘虛分竄所有陝省
界連湖北之商維一帶均須一體設防扼要堵剿桂
明現駐潼關著卽嚴飭帶兵員弁實力巡防隨時與
楚省知照聯絡聲勢互爲應援並著王慶雲督飭各
該地方文武嚴防邊境勿稍疏失

同日向榮彭玉燮奏言查大營自分兵赴廬後
續因撫臣許乃釗以上海攻勦緊要又撥去黔
楚各兵共一千名兵力更形單薄且該逆屢次
窺伺蘇常處處派防並隨時迅圖進攻委難再
將各兵抽撥日來句容之龍潭太平之黃池均
有賊船分擾紛紛請援均應籌兵分投堵剿伏
查臣軍共撥過北路兵五千名並調赴鎮江上
海東壩各處堵剿官兵七千餘名總兵秦定三
本難再令前往然

聖諭方略卷七十九

三

聖諭諄諄臣不敢瀆請再留已札飭該總兵卽日馳赴
廬州會勦前因琦善進軍瓜州臣已飭鎮江水
師營船乘機會勦並飭已革總兵李德麟來營
面授機宜一面咨會琦善就近調遣果能水陸
會合攻擊卽可乘風駛泊上游一帶扼堵江面

斷賊往來則瓜州鎮江可期次第克復矣

同日張亮基奏言據探逆賊由東城竄出南奔
獻縣大兵在後追擊該逆疾趨而南臣駐防德
州邊隘距逆氛漸近機有可乘即日統帶在德
官兵練勇馳赴景州迤北迎頭邀擊與大兵南
北夾攻臣北行後恐德州後路空虛且距西路
東昌臨清等處稍遠輓長莫及查東路之武定
府屬不甚喫重應將現駐樂陵縣之青州滿兵
陽信縣之登標兵飭調來德交督糧道姚錫華
就近統帶以爲西北兩路聲援均奏入報

欽定剿平粵匪方略卷七十九

三

聞

欽定剿平粵匪方略卷八十 甲寅年

二月十六日酉乙僧格林沁勝保奏言逆匪竄入
富莊驛恐被我兵兜剿分其前隊千餘名竄入
阜城臣勝保督帶馬隊千名星夜馳抵阜城抄
截臣僧格林沁密派官兵在富莊驛迤南設伏
該逆於十二日寅刻向南潰竄臣僧格林沁帶
兵追剿斃賊八百餘名該逆隨分兩翼抄襲我
兵衝入賊隊復斃賊七百餘名是日約斃賊一
千六百餘名生擒三百餘名臣勝保繼至復督
馬隊官兵迎擊斃賊數百名該逆另出一股接
應經臣勝保派令營總那爾胡善等帶兵殺退
斃賊數十名該逆竄入阜城及附近各村臣僧
格林沁派侍郎瑞麟等在北面屯紮十三日丑
刻帶領馬隊官兵由閒道繞至阜城迤南將西

欽定剿平粵匪方略卷八十

一

南之高家莊宋家莊二處攻破一面搜殺一面
燒燬房屋隨督兵進至後康莊有逆匪六百餘
名在內盤踞欲與城內賊眾為犄角之勢臣僧
格林沁當飭西凌阿等帶領步隊官兵攻撲經
文岱首先攻進樹柵參領關福等拔毀木壘官
兵一擁前進該逆見我兵攻入村內手足失措
我兵刀矛並進斃賊三百餘名逃出村外一百

聖恩聖方略卷十

二

餘名經馬隊官軍盡行殄滅匪入樓房二百餘
名我兵四面放火立時燒斃其西北黨村亦經
賊踞臣勝保等督兵攻擊斃賊一百餘名該逆
經此次痛剿殊足以寒賊膽
僧格林沁又奏言暫行革職總兵經文岱十三
日攻擊後康莊親督官兵撲入賊壘斬殺長髮
賊多名可否仰懇

恩施開復原官併

賞還翎頂之處出自

聖裁

同日桂良奏言賊匪於十一日由獻縣奔至富
莊驛地方經僧格林沁督帶馬隊擊斃多名該
匪復竄至阜城縣境現在大兵跟蹤追勦臣派
赴獻縣防堵之署都司陳毅等拏獲騎馬賊二

聖恩聖方略卷十

三

名內有楊庭居一名自稱漢陽縣人然口操廣
西土音據同獲之長髮賊魚士有等均指認為
偽丞相林瀛詳惟該犯堅不承認現已解送大
營是否實係林逆由該大臣等質訊明確分別
辦理

同日袁甲三奏言查蒙城之賊先來者實係土
匪隨後逆匪踵至並貼有偽示前列偽官許陳

二姓其真長髮者甚屬寥寥皆由六安正陽而
來於蒙城北關搭蓋浮橋四道有竄擾宿州並
直趨徐州之意本月初七日蒙城縣知縣劉瀛
階帶同團練數百人直抵城下而逆賊大隊已
向西北亳州永城竄去臣以先到永城之賊若
東竄宿州東北竄徐州處處可通而後到蒙城
之賊其所向尙未可知遂酌留義兵千餘名駐

欽定剿平粵匪方略卷八十

四

守南坪以防北竄臣於初十日亥刻行抵宿州
西旺埠距永城七十里賊已於是日午刻由永
城竄往西北並聞後路之賊復有分赴亳州之
說現在南來之賊其勢方張臣一經遠離則宿
州不堪設想委員徐曉峯等本紮營於蒙城西
路二十餘里聞蒙城後至之賊向永亳一路而
去該文武趕卽進城彈壓招撫乃居民不敢遠

行入城是蒙城之民心渙散已屬無計可施惟
有請

旨迅飭北路領兵大員及河南山東各巡撫確探賊蹤

攔頭截擊勿令與北賊會合其正陽關門戶

飭令和春等撥兵扼守以絕來路庶該逆首尾不能相

顧尙可分路剿除

袁甲三又奏言查此次逆匪陸續分竄均由正

欽定剿平粵匪方略卷八十

五

陽關而來該處爲水路通衢距六安州百餘里
牛鑑能否扼守尙未可定昨接廬州紳士信稱
廬賊竄出不下兩萬人潛赴六安另有巢縣賊
船千餘隻接濟廬州逆情詭譎或係外面不動
聲色牽掣廬州大兵實則分股他往與北賊接
應正陽之路不塞無論竄出之賊未能卽時撲
滅卽果能隨到隨除而往來相續其患何所底

止和春等攻復廬州尚無確耗能否兼顧正陽亦未可知臣惟有俟此路賊蹤稍定宿徐可以無憂卽帶兵勇前往正陽並將參將劉玉豹所帶山東兵一千就近移赴正陽歸臣統帶均奏

上

命軍機大臣傳諭僧格林沁勝保曰逆匪竄踞阜城縣城並分踞村莊爲犄角之勢若不乘此聲威奮力

聖朝聖訓卷八十

六

進擊恐又蔓延爲患著該大臣等趕緊進剿將首逆悉數殲擒頃據袁甲三奏皖省逆匪竄擾亳永一帶顯係意圖北竄與直隸逆匪互相勾結河南兵力甚單若俟直隸軍務告竣始行撥兵前往應援恐有貽誤著僧格林沁勝保迅撥馬步精兵一千名揀派得力大員管帶星夜馳赴歸德一帶探明賊蹤迎擊會同英桂相機剿辦不令皖匪闖入京旗各營兵調赴

大營者爲數不少勢難再行分撥惟該大臣等追剿逆匪正在喫緊之際儘必須撥兵協剿卽著迅速奏明辦理又據桂良奏署都司陳毅等擊獲逆首林鳳詳現已解赴大營著僧格林沁等審明該犯如實係林逆迅卽派員解京現在皖楚賊氛已偏豫境較前情形更爲緊急是以令該大臣等分兵往援尙恐一千名不敷剿辦若此股賊匪不能剋日殄滅致令大兵爲所牽掣遲延貽誤之罪更將何辭張亮基現帶兵勇馳赴景州以北正可前後夾擊使逆匪腹背受敵自不難迅就掃除也

聖朝聖訓卷八十

七

上又命軍機大臣傳諭桂良曰賊匪由富莊驛南竄阜城僧格林沁等跟蹤追捕後路尤關緊要逆匪聲東擊西是其慣技現雖逃竄東南距省較遠然亦難保不乘間他竄該督務當察看情形相機堵禦或自行

出省防守或令署提督張殿元帶兵擇要駐紮必須
悉心籌畫斷不可株守省城致有貽誤

上又命軍機大臣傳諭袁甲三日據奏逆匪有竄擾宿
州並直趨徐州之意徐廣縉牛鑑所帶兵勇由歸德
陳州出境迎剿尙恐未能得力刻下廬州派來之兵
如尙未到著卽派員迎提飛催來營參將劉玉豹所
帶山東官兵一千餘名亦可就近調遣確探賊蹤迎

欽定剿平粵匪方略卷八

八

頭截擊毋令勾結爲患並著隨時知會和春福濟英
桂等併力勦辦迅掃賊氛

上又命軍機大臣傳諭和春福濟曰現在河間東城逆
匪南竄阜城皖省逆匪又由永城竄往西北儻南北
兩股乘間勾結勦辦更形棘手且恐與廬州之賊潛
通消息前調廬州大營之兵如已起程卽飛催前進
交袁甲三調遣並著和春福濟迅攻廬州設法斷賊

來往勾結之路隨時確探賊情勿墮奸計

上又命軍機大臣傳諭英桂鄭敦謹曰逆匪大股由蒙
城西北竄往亳州永城又有由永城他竄之說袁甲
三跟追至宿未能繞出賊前礪山夏邑一帶處處宜
防雖歸德有徐廣縉所帶兵勇牛鑑亦馳赴陳州但
兵力尙單恐未足遏其兇燄英桂前奏暫駐汝郡原
爲各路應援現在楚省逆賊雖盤踞漢陽竄擾沿江

欽定剿平粵匪方略卷八

九

地面而皖省之賊已入豫境英桂自當扼要嚴守切
不可顧此失彼本日諭令僧格林沁等迅撥精兵一
千名派員帶往河南與英桂會勦其河南各路將弁
兵勇及柏山所帶官兵均准此次派往大員相機調
撥至省城並河北各屬匪賊雖遠亦應嚴密設防著
卽責令藩司鄭敦謹妥爲布置並將近日軍情迅速
奏聞

上諭內閣曰逆匪自奔竄富莊驛後向南潰竄我兵分

路兜擊屢戰屢勝僧格林沁勝保等調度有方奮勇

追勦深堪嘉尚僧格林沁勝保等各賞給威羅瓦佛

一尊白玉翎管各一枝白玉搬指各一箇黃繡珊瑚

豆大荷包各一對所有打仗出力之二等侍衛達崇

阿著賞給蘇彰阿巴圖魯名號吉林營總關保著賞

給年昌阿巴圖魯名號健銳營委前鋒參領關福著

聖學方略卷八十

十

以副前鋒參領升用盛京營總昇仲黑龍江佐領委

營總巴揚阿委參領業普鏗均著賞戴花翎藍翎驍

騎校委參領富克精阿著賞換花翎巡捕營千總何

健鼈著以京營守備升用先換頂戴巡捕營六品頂

翎把總回國慶著以京營千總升用經文岱著開復

原官並賞還翎頂

同日

上諭內閣曰前任江甯將軍托明阿著幫辦軍務馳驛

前赴僧格林沁勝保軍營

同日王履謙奏言臣由柳口北渡往查下游各

口復由山東劉口渡河溯查上游南岸直至孟

津口折回北岸於二月初十日行抵祥河工次

所有豫東南北兩岸上下游官渡民渡逐口稽

查其船隻除官渡酌留應用外餘俱卸舵去桅

聖學方略卷八十

十一

收集淨盡即委文武各員專駐河口稽察臣明

查暗訪俱各認真惟聞獨流靜海賊匪全股竄

逸難保無奸匪改裝易服溷跡偷渡前已札飭

各口文武如遇楚粵口音更須加意嚴查至虎

牢關為上游險要之區臣聞洛陽縣知縣舒亨

熙等所帶練勇協防虎牢關實能不分畛域容

臣查察得實奏請

恩施奏八報

聞

十七日丙戌略秉章鮑起豹奏言接岳州府賈亨

晉稟稱二十八日逆船仍在漢口金日停泊勾

引通山通城等處土匪有擾及崇陽之說該郡

居民搬徙一空又探稱初一日午刻賊船竄至

岳州城陵磯賈亨晉會營上城守禦詎賊匪已

欽定剿平粵匪方略卷八

十三

到城外愈聚愈多兵勇眾寡不敵賊匪已入西

門現在賊由岳州上竄湘陰縣城外查湘陰縣

離省百里一水可通連日北風大作舟行甚速

省城為根本重地亟須先專豫防臣等一面飭

委將備帶兵在城廂內外駐紮惟城外兵勇尚

屬不敷聞曾國藩已抵湘潭臣等復節次咨催

該侍郎迅帶練勇來省會商迎剿以期滅此朝

食岳州府城文武員弁下落容俟查明另辦臣

略秉章臣鮑起豹均有地方之責未能先事防

範相應請

旨交部議處奏八

上命軍機大臣傳諭略秉章曾國藩鮑起豹曰逆船在

漢口金口勾引通山等處土匪擾及崇陽闖入岳州

城內現已竄至湘陰距省甚近急應派撥將弁兵勇

欽定剿平粵匪方略卷八

十三

前往堵剿省城防守最為喫緊曾國藩既已行抵湘

潭著該侍郎迅帶練勇馳赴省垣會剿前據該

撫等奏岳州為水陸交衝陸續派撥兵勇一千名交

該府賈亨晉等統帶駐紮並咨江西令將南省派往

兵勇五千八百餘名酌量撤回何以賊至岳州並無

兵勇接仗遽令關入其出省勦辦土匪之署參將塔

齊布並江西撤回之兵勇此時是否均已趕到著略

秉章卽速催調妥爲布置鮑起豹節制全省軍務著與該撫酌量緩急相機迎勦岳州失守文武員弁下落迅卽查明奏聞至荆襄一帶與湖南接壤地方是

否有另股賊船駛往滋擾並著隨時確探具奏同日張亮基奏言查本月初二日委員陳韜等在直東邊界截獲逆匪王小湧劉瀛彩二名據

王小湧供稱上年九月閒投入賊營逆首林瀛

聖朝聖考卷十

十四

聖朝聖考卷十

十五

詳因其兇悍用爲親軍十一月二十三日羣逆攻撲官兵營盤該犯用長矛刺殺都統佟鑑見知縣謝子澄前往趨救該犯卽在陣前大喝活捉天津謝知縣羣賊蓋擁向前槍礮齊施旋聞謝知縣已死羣賊憚其威名互相慶賀劉瀛彩供稱屢與官兵接仗亦爲林逆信用是該二犯確係賊營遣出緊要頭目無疑查謝子澄忠勇

素著聞其陣亡遠近軍民無不同聲痛憤今兇渠就擒應卽解往天津寸磔致祭惟由德州至津必經河間恐致疏虞臣於審明後將該犯等正法並摘取王逆之心在德州城外爲都統佟鑑天津縣知縣謝子澄設位遙祭以慰忠魂而快衆憤奏入

上諭曰佟鑑奮勇捐軀深堪憫惻謝子澄素得民心效

死疆場今旣獲逆犯王小湧其爲戕官逆犯無疑已經摘心遙祭洵足以快人心著該旗傳知佟鑑家屬俾伊家自行告祭並著該部亦傳知謝子澄家屬以慰忠魂

張亮基又奏言查皖省逆賊直撲永城顯欲渡河北犯曹單黃河渡口雖有武隆額等統帶兵勇督防惟兵力尙慮單弱該逆果來應援北賊

勢必兇悍本省弁兵已無可抽調查濟甯州知州黃良楷勇敢素著臣已飛飭該員馳往並飭曹單兩縣及附近之菏澤鉅野濮州等五州縣各募精悍壯勇一千名交該州黃良楷統帶協同官兵實力堵禦並飭該護鎮道等將渡口船隻盡數收藏所有運銷鹽船亦飭停運務使該逆無船可掠以杜偷越奏入報

欽定剿平粵匪方略卷八

十六

聞

十八日丁亥僧格林沁勝保奏言臣等查阜城縣西北之堆村連村杜家場三處地勢平坦攻剿可以得手十五日卯刻親督達洪阿等各帶官兵同時進攻兩村逆匪俱由牆孔施放連環槍礮我兵奮勇齊進切近賊柵由兩村撲出逆匪一千餘名欲抄我兵之後臣僧格林沁當令馬

欽定剿平粵匪方略卷八

十七

隊官兵奮力截擊一面仍飭步隊官兵極力攻撲將堆村連村屋上賊匪盡行殺斃村內逆匪並無一名走脫總兵孔廣順等攻擊杜家場臣勝保策馬指揮我兵先用草束火藥燃燒鹿角柵連殺賊匪二百餘名該逆即由南面撲出五百名經那爾胡善等追殺全數剿滅即由堆村連村擁出逆匪一千餘名經馬隊官兵在村外圍擊臣僧格林沁飭貝勒拉木棍布扎布等將馬隊官兵壓下逆眾向東飛奔欲進阜城西門我兵緊追斃賊五六百名城內擁出逆匪三四百名直撲我兵接應敗賊臣勝保與臣僧格林沁合兵一處復又斃賊三四百名該逆狂奔入城此次兵勇追剿逆匪斬獲甚多立破賊巢三處尤屬奮勇出力當即賞給兵勇銀一萬兩

至該逆狡猾異常其蕝事之期不敢豫定然賊

匪屢受懲創斷難蔓延北竄之虞似可無慮

僧格林沁勝保又奏言查賊奔河隄時善祿傳

知駐紮大禮文之總兵德坤遊擊格洪額出隊

截殺詎德坤差弁回稱恐小禮文有賊俟天明

始能出隊追天微明善祿又傳知德坤格洪額

帶兵追賊乃遲至逾時方到茲據德坤等呈報

聖朝方略卷八十

十六

沿路追殺賊匪希圖諱過邀功現當勦賊喫緊

之際該鎮等乃敢任意延緩致誤事機相應請

旨將兗州鎮總兵德坤三屯營遊擊格洪額卽行革職

仍責令帶罪自效

僧格林沁又奏言本月十五日進攻賊巢頭等

侍衛巴隆阿二等侍衛達崇阿等十九員身受

槍傷仍負痛殺賊尤堪嘉尙除巴隆阿由王家

口追賊出力經臣僧格林沁保奏

賞給頭等待衛爲日無多達崇阿業經請

賞勇號該二員均不敢再邀

恩獎外謹將尤爲出力之員繕寫清單懇給獎勵奏入

上命軍機大臣傳諭僧格林沁勝保曰逆匪經此次痛

勦存城賊黨無多必當乘勝將縣城攻克生擒首逆

不得因其勢已窮遂謂可以無慮備任該逆空濠

聖朝方略卷八十

十九

築壘爲負隅之計或又乘閒奔突不但西向武邑南

向景州蔓延爲患卽東濱運河亦防其復行掠船偷

渡官兵分投追勦又落後著惟有趁其蟻聚城中一

鼓殲擒况皖境賊匪大股已由蒙城亳州竄入河南

永城而徐州蕭縣黃家口地方又有土匪爲賊嚮導

並有將擾徐州之謠是皖賊北竄情形萬分緊急該

大臣等不速將阜城之賊悉數掃除儘永亳等處逆

賊分路衝突又將何以禦之德勒克色楞現在何處
駐紮何以兩次奏報並未見其帶兵攻勦著遇便覆
奏

上

諭內閣曰逆匪竄踞阜城縣城分占附近各村經我
兵兩次痛勦勢已窮蹙著僧格林沁勝保督飭將弁
趕緊殲除勿留餘孽其尤爲出力之頭等侍衛巴隆
阿二等侍衛達崇阿身受槍傷仍負痛殺賊深堪嘉

欽定剿平粵匪方略卷八十

二十

尙著僧格林沁等傳旨嘉獎山西大同鎮總兵孔廣
順著賞給噶爾薩巴圖魯名號巡捕中營副將史榮
椿著賞給哈希巴巴圖魯名號副將用天津鎮遊擊
吳深著賞給奇車博巴圖魯名號副將銜陝甘督標
揆發參將樂善著賞給阿克敦巴圖魯名號升用遊
擊涼州營都司文魁著賞給穆特恩巴圖魯名號副
護軍參領慶昌色普徵額均著以護軍參領升用佐

領博恩著以副參領升用委護軍參領毓福著以副

護軍參領升用委前鋒參領海羣著以副前鋒參領

升用委參領祿昌著以協領升用前鋒校烏林布百

祥德興均著以委前鋒參領升用護軍校和連著以

委護軍參領升用烏槍護軍校鳳山定福均著以空

花翎升用烏槍護軍校全廣著賞給六品頂翎卓索

圖盟協理台吉布木濟特察哈爾總管約遜黑龍江

欽定剿平粵匪方略卷八十

三十一

墨爾根協領那爾胡善吉林三姓協領豐山紅德城
營守備楊殿林均著賞戴花翎署守備朱起鴻都司
李鴻寶守備保升都司龍汝元均著賞換花翎都司
用守備額音額守備陶植劉長清候補守備千總白
鳳龍署千總田敦信員善外委丁永安候補額外
委霍振國署外委楊大喜哲里木盟兵海壽黑龍江
領催蓋哈蘇漢中等營兵丁蕭明鳳劉成功趙禮六

品軍功王致祥均著賞戴藍翎武生王萬年著以把
 總用川勇頭目傅國成著以外委用均著賞戴藍翎
 侍衛蒞秀著開復原官天津勇目趙奎七著賞給六
 品頂翎棟發湖北遊擊薩爾善著毋庸發往湖北歸
 部以遊擊儘先選用並賞戴藍翎守備銜千總徐璋
 著以守備用外委宋永興著免補把總以千總升用
 外委唐福王玉恆均著以千總儘先升用馬兵常山
 王勳史永祿均著以把總儘先升用藍翎長成祿著
 以鳥槍護軍校升用

聖朝聖方略卷八

三



上又諭內閣曰兗州鎮總兵德坤三屯營遊擊格洪額
 於賊奔河隄時未能截擊復捏報沿途追殺賊匪希
 圖諱過邀功厥罪甚重德坤格洪額均著革職仍責
 令帶罪自效如再不知奮勉卽著以軍法從事

同日桂良奏言查賊匪分竄景州境內若奔向

聞

西路武邑最爲緊要應駐重兵防其竄赴衡水
 冀州等處現令署提督張殿元帶領馬步各隊
 官兵一千二百名卽日前往駐守其故城所屬
 之安陵鎮附近景州爲南運河要路現經飛飭
 總兵伊綿阿等帶馬步各隊官兵八百餘名星
 馳前往防其由河岸竄赴故城一帶臣仍一面
 勤加偵探如實在後路緊急卽當酌度情形親

聖朝聖方略卷八

三



督官兵堵擊奏八報

同日琦善奏言臣約會艇船水陸夾攻均獲勝
 仗旬日以來該艇船株守焦山延不上駛據總
 兵葉常春等稟稱火藥鉛彈將次用竣臣疊咨
 兩江督臣怡良迅飭蘇州總局撥解未准咨覆
 目下東風順利未免坐失事機不若將火藥鉛

彈寬爲豫備先由蘇州運至京口糧臺艦船一
有所需朝發夕至不致有缺乏之虞惟有仰懇
天恩飭下兩江總督飭令蘇州總局豫將火藥鉛彈撥

運京口糧臺寬爲存留以便隨時接濟

琦善又奏言二月初四日南岸逆船三十餘隻

均插新旗開放槍礮由大江揚帆西去總兵武

慶督率遊擊王巨孝等前往金湯門一帶暗爲

欽定剿平粵匪方略卷八

三



防範該逆船行至老西江口折回至九洑洲地
方全行上岸搶擄百姓燒燬民房該總兵卽帶
兵迎勦該逆一見官兵旋卽逃竄回船官兵施
放槍礮火箭燬賊大船一隻小船二隻溺賊多
名餘船均行逃去奏入

上命軍機大臣傳諭琦善怡良許乃釗曰水師制勝火
器爲先著怡良許乃釗迅飭蘇州總局委員將應用

一切火器寬爲豫備趕緊運赴京口糧臺所有焦山
水師船隻卽遵前旨統歸琦善節制調遣該署總兵
李德麟等儘敢抗不遵調及遷延不進卽著按律懲
辦該大臣務及早克復瓜州勿再遲延貽誤

同日福濟奏言據候選知州江忠濬稟稱有楚

勇周昌發等將江忠源屍身由紫金壇城上垛

口用繩縋下更番背負至岡子集總兵音德布

欽定剿平粵匪方略卷八

三



營中於正月初五日收殮伏念江忠源忠義性
成力戰殉節聞歸屍之日面色如常兩目不瞑
想見報

國滅寇之志雖死猶生 臣等曷禁隕涕又繁昌縣

知縣張廷槐於十二月十九日賊匪攻撲縣城

帶勇迎敵因賊衆另股踰城該令爲賊擒獲罵

不絕口慘被剖心支解並將首級懸竿家丁方

植在旁救護亦被砍傷身死查該令在繁昌疊次與賊接仗頗著勤勞此次兵單城陷猶能巷戰多時罵賊捐軀死事最為慘烈並同時戰歿勇目陶蒼林武生強占鼇等仰懇

天恩飭部一併議卹奏入

上諭內閣曰前任安徽巡撫江忠源因廬州被陷臨陣捐軀當經降旨追贈總督建立專祠並准其入祀昭

聖朝聖考卷八

三

忠祠復將伊弟江忠濟江忠濬先後分別加恩以知府知州用因念江忠源身經百戰力守危城厥功甚偉卒以外援不力致命行間每憶孤忠時深矜憫其靈柩回籍時著福濟和春派委員護送出境並著沿途地方文武各官妥為照料

上又諭內閣曰安徽繁昌縣知縣張廷槐於賊匪攻撲縣城時帶勇巷戰手刃多人嗣因賊眾另股踰城鄉

勇同時戰歿該縣屬賊不屈以致剖心支解被害慘烈實堪嘉憫張廷槐著加恩照知府陣亡例賜卹並於殉難地方建立專祠勇目陶蒼林武生強占鼇及該縣家丁方植同時被害均著一併議卹

同日百勝王夢齡奏言本日據碭山縣稟報逆匪由永城擾及夏邑該縣與夏邑交界之刷家集地方亦有逆匪查蒙城至徐州一路現有袁

聖朝聖考卷八

三

甲三帶兵進剿自可無慮惟永夏至徐州可由蕭碭分道前來路徑紛歧防不勝防且徐州兵勇祇存大同兵九百名練勇千名並舉人李廷忠添募壯勇五百名刻當寇氛逼近各處無兵可調全賴官民一氣併力防守查徐屬團練平日助官緝匪甚為踴躍臣等飛飭蕭碭二邑廣為號召並調集存城兵勇分赴隘口嚴密布守

臣百勝統帶官兵進駐徐城以西二十五里之王家厝地方以扼蕭場至徐州總路惟郡城甚屬空虛現據在籍知縣張夢麟等自願於團練中挑選壯丁五千名來郡捍衛臣等又飭舉人李延忠添募練勇五百名並飭調附近河營兵二百名來郡備何路有警臣百勝統兵上前迎擊臣王夢齡帶領練勇民勇在後策應斷不敢

欽定剿平粵匪方略卷八

天

任其竄越惟徐州西北係與東豫二省接壤無兵攔截應請

旨飛飭河南山東巡撫速派重兵實力防禦無任蔓延

奏八

上命軍機大臣傳諭百勝王夢齡曰逆匪由潁上蒙城分竄永城並擾夏邑距徐州甚近該處兵力單弱該處兵等自應督飭地方官實力團練蕭縣黃家口地

方又有土匪肆行焚掠難保非逆賊勾通令其先為嚮導百勝現駐徐州備附近之處何路有警即著統兵趕緊迎擊並飭王夢齡帶領練勇等於各處要隘嚴密設防萬不可令匪蹤闖入該總兵等仍當與和春福濟袁甲三等並山東河南巡撫聯絡聲勢併力防剿

十九日 戊子

欽定剿平粵匪方略卷八

天

上命軍機大臣傳諭僧格林沁勝保曰逆匪既陷永城復擾夏邑該處情形萬分緊急朕思阜城勦辦賊匪正在喫緊之際前諭派兵一千名前赴歸德是否可

以抽撥該大臣等若能於數日內攻克阜城便可移兵乘勝而南若再事遷延致豫境與徐州賊匪分股比竄豈能不派兵往剿著僧格林沁勝保統籌全局以現在賊情而論或急須撥兵前往或於勦滅此股

後再以重兵分路南下該大臣等接奉此旨迅速商酌具奏朕畀僧格林沁勝保勦賊重任斷不肯令爾等掣肘爾等亦當仰體朕宵旰焦勞之苦衷也

上又命軍機大臣傳諭舒倫保王慶雲曰前據袁甲三奏逆匪由蒙城穎上竄擾河南永城昨又據百勝等奏賊由永城擾及夏邑徐州邊界亦有賊蹤北路防

聖諭

手

力甚單本日已諭桂明酌帶潼關等處防兵一千五百名剋日起程前往迎勦其潼關一帶防堵事宜著舒倫保即日馳往接辦該處防兵經桂明帶去後誠恐不敷布置著於西安滿洲營備調兵內酌帶五百名馳赴潼關及桂明所留官兵一併歸該將軍調遣舒倫保出省後西安駐防官兵現無大員統轄一切應辦事宜卽著王慶雲就近照料仍可與舒倫保隨

時商辦至商維一帶防堵事宜亦關緊要仍著舒倫保等督飭道員陳景亮確探湖北賊蹤認真嚴防如須添調甘肅官兵並著與身棠隨時籌辦

上又命軍機大臣傳諭桂明曰昨據百勝等奏永城之賊竄及夏邑徐州蕭縣界內亦有賊蹤此時靜海竄出之賊尙在阜城一帶盤踞北路兵力旣難驟分廬州大兵又恐不能兼顧河南歸德等處兵數過單且

聖諭

手

無大員督辦現在潼關大慶關等處駐紮官兵不下數千名卽著桂明酌帶精銳官兵一千五百名馳赴歸德一帶迎頭截勦萬不准藉詞耽延其歸德陳州原設防兵及徐廣縉牛鑑等所帶練勇均歸該提督調遣至潼關防堵事宜已飭舒倫保酌帶滿洲官兵出省接辦桂明不必俟舒倫保到關再行起程兵貴神速若行走稍遲致賊蹤闖入河北或沿河而西擾

及豫省腹地惟該提督是問桂明接奉此旨卽將起程日期先行馳奏

欽定剿平粵匪方略卷八十一 甲寅年

二月二十日 丑 己崇綸青廉奏言現在賊船多半

竄往金口又赴上游屢遣弁兵跟蹤確探均至中途阻截湖南驛路梗塞賊船是否盡竄岳州有無分擾別處尙未能悉其漢口仍留賊船二百餘隻因畏礮擊匿於小河之內乘夜暗放上下潛遊每日轟燬數隻不等賊匪約有千餘盤

踞漢陽漢口兩處忽聚忽散詭譎莫測湖北之舊礮船前經 臣崇綸添湊已有百隻今復失散所餘無多 臣於去臘趕造礮船大小二百餘隻因候廣東解楚洋礮經湖南截留未到不能應用將軍台湧兼署提篆統轄滿漢官兵茲賊既赴岳州荊州德安無事自應來省籌剿漢口賊匪又 臣等前調四川防堵巴東等處官兵二千

名移紮漢鎮迄今未接四川督臣覆音合無仰懇

天恩飭催前來接濟並請

飭下台湧迅為辦理聞提臣佈克慎等有赴德安之說

現復飭令招聚將弁兵勇隨同台湧直抄漢口

賊後約會臣等遣發舟師渡江接應如俱不能

前來臣等惟有備齊船礮親率官兵以作背城

聖朝方略卷八十一

二

一戰之舉奏八

上命軍機大臣傳諭崇綸青麀曰台湧勢難遽赴武昌

防守省城崇綸青麀自以力捍危城為要此股賊匪

既係烏合之眾長髮賊目無多台湧兵到漢陽不難

克復其省垣重地仍責成該撫等竭力防堵若擅離

城池致有疏失朕惟崇綸青麀是問楚北賊勢蔓延

大股已竄過岳州現在荆襄一帶該逆是否分股旁

竄並著速行偵探隨時奏聞

上又命軍機大臣傳諭台湧曰現在賊匪已竄岳州其

荆襄一帶是否另有股匪滋擾會國藩水軍甫抵湘

潭不能遽援楚北連日據崇綸等奏漢陽一帶逆匪

半係烏合之眾其長髮老賊為數無多自不難於剿

滅著台湧即督率將弁探賊所向痛加剿洗無得株

守德安荆州襄陽各路是否已有賊蹤抑由何處分

聖朝方略卷八十一

三

竄並著迅速查明具奏

上又命軍機大臣傳諭陳啟邁陸元烺曰前因賊船竄

擾漢陽金口一帶已諭陳啟邁飭派得力水師員弁

管帶礮船駛出九江斷賊往來之路現在湖北上游

下游賊船肆擾著陳啟邁仍遵前旨迅即配齊礮船

派委得力將弁由南昌九江星速駛赴楚北會同進

剿如礮船一時驟難齊備亦必須先撥精兵二千名

派員管帶由陸路前往湖北接應該撫等務當合力
攻剿遏楚北之兇鋒即可保潯江之門戶此時陳啟
邁如尙未到任卽著陸元煊先行遵旨籌辦

同日王履謙長臻奏言查逆匪復擾楚皖黃河
防守事宜急須豫爲籌計如皖省以歸德府屬
劉家口爲最近楚省以汜水滎澤等口爲要區
萬一大股齊來臨流欲渡彼時卽將船隻鑿沈

欽定剿平粵匪方略卷八十一

四

燒燬或卸去桅柁或收集北岸而賊之造舟結
筏未必不計日可成北岸雖有守兵究恐力有
不逮劉董二口南岸臣長臻咨商河南撫臣酌
派兵勇赴該處駐紮惟能否撥付若干尙未接
准咨覆豫境防河兵勇祇九百名東境祇五百
名深慮顧此失彼防範難周臣等亦知鄰省在
在設防勢難再事徵調惟防北尤須防南守近

不如守遠合無仰懇

天恩飭令山陝兩省中就近挑選勇敢官兵二千名並
熟悉營務將弁數員帶領迅速來豫由臣等酌
量地方妥爲布置

同日百勝王夢齡奏言安徽逆匪由永城夏邑
竄入徐州碭山縣境後二月十三日突有大股
三四萬人見豐工以下黃河乾涸屯踞南北兩

欽定剿平粵匪方略卷八十一

五

岸各村莊意圖分道直趨徐州城垣緊靠黃河
大隄隄頂高出城堞丈許形如釜底且北岸係
通京驛道必須在上游夾岸扼守庶可保衛鄰
城兼可遏賊北竄之路紳士張夢齡等所挑民
勇僅到一千餘人而南路探報永城又有逆匪
續至宿州甚爲喫緊此時惟有彈力堵禦一俟
袁甲三所派兵勇並各鄉民勇到齊卽行分路

進剿至豐工口門以下水勢平緩竊慮該逆過河竄擾該處逼近豫東現與徐州隔絕相應請旨飛飭豫東兩省迅速派兵在要隘處所嚴密防堵並

懇

飭派大兵星速來徐剿辦均奏入

上命軍機大臣傳諭王履謙長臻曰逆匪逼近徐州歸德等處援兵不能遽集王履謙長臻巡防河岸是其

聖學聖方略卷八十一

六

專責著卽就現有兵勇派撥扼要防守仍須親身往來督飭地方河工員弁等稽察河口毋使奸細乘閒偷渡並與山東河南互相知照以期聲勢聯絡

上又命軍機大臣傳諭百勝王夢齡曰徐州逼近黃河爲南北要衝且係糧臺重地該總兵等務當體察情形一面扼賊北竄之路一面捍衛城池保守糧臺毋得顧此失彼任賊闖入並著將現在防勦賊匪情形

隨時奏報

上又命軍機大臣傳諭僧格林沁勝保曰徐州爲南北要衝不可不嚴爲防範本日已諭令琦善撥兵援應並令袁甲三由宿州馳赴該處扼守尙未知能否分撥赴援且均在徐州以南而北路空虛甚屬可慮著該大臣等仍派得力大員帶兵一千名迅速前往協剿並偵探歸德一帶情形酌量何路緊急卽帶兵由

聖學聖方略卷八十一

七

何路截擊張亮基現在景州一帶崇恩亦隨大營勦賊本日已諭令張亮基酌量情形或該撫自行帶兵前往令崇恩赴景州防勦或令崇恩前往徐州該大臣卽就近與張亮基籌酌辦理阜城賊匪攻勦情形如何該大臣等未能速殄賊氛致大兵爲所牽掣勢且貽誤大局罪將誰諉耶

上又命軍機大臣傳諭琦善曰據百勝等奏安徽逆匪

由永城夏邑竄入碭山現在突有逆匪三四萬人在
豐工以下屯踞南北兩岸村莊意圖直趨徐城該處
爲南北咽喉且係糧臺重地斷不可任匪蹤闖入該
大臣勦辦瓜州賊匪固屬喫緊之時惟該逆北竄尤
爲可慮著琦善迅卽抽撥精兵一二千名派委得力
將弁管帶馳赴徐州協勦

上又命軍機大臣傳諭袁甲三日據百勝等奏逆匪竄

欽定剿平粵匪方略卷八十一

八

入徐州碭山縣境賊勢猖獗兵力實形單弱徐州爲
糧臺重地且係南北要衝甚爲喫緊本日已諭知琦
善酌量派兵前往應援惟現在瓜州尙有賊匪恐兵
力不能多分且道遠恐難應急該給事中現駐宿州
前諭令和春酌撥精兵一二千名交袁甲三管帶未
知會否趕到著卽將現有之兵勇迅速督帶前進與
百勝等會合夾擊力挫賊鋒遏其北竄不可株守一

隅致誤事機

上又命軍機大臣傳諭張亮基崇恩曰徐州與東省毗
連情形甚爲喫緊張亮基現駐景州杜賊南竄固爲
要著而山東與徐州交界地方尤不可不嚴爲防範
著該撫酌度情形或自行統兵折回南路堵截留崇
恩駐紮景州或令崇恩帶兵前往徐州交界遏賊竄
擾之路務當悉心籌畫毋誤事機

欽定剿平粵匪方略卷八十一

九

上又命軍機大臣傳諭英桂曰賊匪逼近徐州卽係永
城股匪由碭山一帶竄來其歸德等處是否另有賊
股竄擾昨諭陝西提督桂明帶兵一千五百名徑赴
歸德一帶迎頭截擊本日已飛催前進該撫與總兵
柏山在何處堵截徐廣縉等如何帶勇防勦務當隨
時奏報

上又命軍機大臣傳諭恆春曰安徽賊匪現由穎上蒙

城竄至河南永城夏邑復由碭山竄徧徐州甚為猖獗著恆春即於澤潞等處防兵抽撥一千名選派得力將弁管帶馳赴黃河以南探明匪蹤迎頭堵剿並扼賊偷渡北竄之路此項官兵即歸桂明節制調遣毋稍延緩

上又命軍機大臣傳諭桂明日據王履謙長臻奏逆匪徧近豫省已諭令恆春於澤潞防兵內抽撥兵一千

聖朝方略卷八十一

十一

名馳赴黃河以南迎頭截剿該提督著即趕緊帶兵由潼關直趨黃河南岸探賊所向扼要進剿所有山西派往之兵及河南防兵均歸調遣本日據百勝奏賊匪徧近徐州情形萬分喫緊桂明抵豫後熟籌輕重如歸德一帶情形稍緩著即帶兵馳赴徐州與百勝等會合攻剿尤防賊匪沿河偷渡北竄萬勿遷延觀望

二十一日 庚寅 張亮基奏言皖賊攻陷永城分竄

夏邑碭山至蕭縣之黃家口距徐州府數十里查徐兗邊界前經臣委總兵雙齡帶兵五百名駐防聲勢實覺單弱臬司厲恩官前駐江省宿遷縣今聞揚賊多竄廬鳳該處事機稍緩且距徐州尚近臣已飛札該司酌帶兵勇移往兗徐邊隘與雙齡扼要堵剿賊若由蕭碭竄至徐州

聖朝方略卷八十一

十一

該處黃河斷流由徐至兗無險可扼情形更為喫重北賊占踞阜城又成負隅之勢臣分隊至阜城縣屬漫河池北迎剿該逆避匿不出漫河池南至景州四面低窪步騎不能展施阜城至東境僻路甚多西可直竄臨清南可徑撲德州設該逆抄襲臣後轉恐回師應援不及適接勝保來咨囑臣扼守景德交界之劉智廟並遣崇

恩回東扼防臨清州屬之鄭家口臣現帶兵勇
撤回劉智廟該處距鄭家口五十里與崇恩所
帶兵勇聲息相通臨德兩路足資應援如北賊
未卽撲滅臣督同藩司專顧北路而以南路防
堵事宜責成臬司督辦若南路萬分緊要臣卽
統師南行留崇恩兼防臨德庶免顧此失彼奏
入報

欽定剿平粵匪方略卷八十一

十三

聞

二十二日辛卯僧格林沁勝保奏言逆匪自被我
兵追擊連日獲勝訊據賊供僞丞相三人日夜
哭泣賊衆無不嗟怨臣等一面解散脅從有投
出者卽當分別辦理惟該逆詭詐異常未破之
村已密布鹿角樹柵五六層之多離村一二箭
之遠樹柵俱用鐵鎖鈎連我兵未能撲入臣等

現催大礮來營極力轟擊使賊不敢久踞查阜
城城內房屋無多積水之處十居八九該逆俱
在南關東關盤踞並踞有塔兒頭紅葉莊二處
如果堅守不出十日之後我兵挖濠工竣大礮
亦可調到卽極力進攻以期掃數殄滅臣等日
下雖籌畫戰守之計仍須豫防該逆南竄查阜
城縣南通景德二州西南通鄭家口東南通連

欽定剿平粵匪方略卷八十一

十三

鎮西通武邑鄭家口連鎮地方富庶久爲賊所
覬覦儘令竄踞攻勦更形費手現派藩司崇恩
仍統原帶山東官兵於鄭家口一帶扼要駐守
又王劉村孫家鎮二處爲通連鎮要道已派直
隸督標通永天津步隊官兵在彼扼守截其要
路至南路景州撫臣張亮基帶兵駐紮惟西路
武邑尙未派兵該處地勢平坦便於追勦若賊

西竄馬隊緊追截殺無難悉數殄除

僧格林沁勝保又奏言查阜城之賊已成釜底

游魂而殄除究難剋日現在賊巢以北大兵堵

截未便遽行撤動惟有揀派將軍善祿先行帶

兵向南迎剿其阜城以北善祿去後布置不免

稍疏現已飛調慶祺由河間帶兵來營臣等仍

趕緊設法殲滅阜城賊匪儻旬日之內掃穴擒

聖朝方略卷八十一

十四

渠彼時再請

旨於臣 僧格林沁 臣勝保二人中

飭派一人督師南下如賊守尚堅急切未能得手或留

臣 僧格林沁在此剿辦 臣勝保移師繼善祿之

後前往迎剿此時南寇方張北賊已蹙但能斷

絕南援則北賊指日可滅竊料此股皖匪竟敢

公然北來其鋒必銳雖烏合之徒不足當節制

之師然眾寡之勢大相懸殊則制勝之機終無

把握近日用兵之弊往往諱言增兵及至萬不

得已然後請增則賊勢已成情形又變杯水與

薪卒歸無濟軍營一切委婉曲折有未能悉形

於奏牘者如蒙

恩施格外俟直隸軍務辦有端倪准 臣勝保入都親承

訓示即兼程疾赴一面派兵前行一面倍道詣

聖朝方略卷八十一

十五

闕往返不過旬餘仍可趕上大隊不致耽延時日

僧格林沁勝保又奏言查該逆自初九日夜間

由東城等村潰竄 臣等親督馬隊追剿 臣勝保

並飛咨直隸總督山東巡撫飭屬嚴防 臣等沿

途截殺該逆亡命南奔實無分股竄擾及盤踞

二十里堡之事其東城等村尚未竄出之賊早

經官兵搜殺淨盡即河間以南阜城以北各處

聞有潛匿之賊或官兵搜殺或鄉民縛送並無遺留惟賊蹤既去地方土匪揚言賊去復來乘機搶劫或所不免臣等早於經過地方張貼示諭嚴拏土匪並請

飭下直隸督臣通飭各州縣嚴緝土匪毋令擾害地方並不得因土匪冒充賊匪妄行稟報再初十日

臣僧格林沁臣勝保督兵追剿申刻同抵獻縣

欽定剿平粵匪方略卷八十一

十六

因各營馬隊俱多落後已到馬隊不敷追剿是以臣勝保與臣僧格林沁仍折回臧家橋催督後路馬隊又因軍情急須奏報上慰

聖廬擬定摺彙飭繕後即督帶馬隊前進與臣僧格林

沁先後抵富莊驛會商攻剿相隔約有一二時

是日聞賊前隊南竄既有臣僧格林沁在富莊

驛督勦臣勝保即不得不先往追截是以於十

一日夜先行督兵直抵阜城現在該逆受此大創賊膽已寒臣惟有激勵將士乘此聲威檢渠埽穴萬不敢稍遺餘力奏入

上命軍機大臣傳諭僧格林沁勝保曰逆賊由豐工二壩渡河有直撲濟甯之信是山東情形尤為緊急兗州一帶平原曠野無險可扼儘勦辦稍遲必至與徐州歸德之賊聯為一氣僧格林沁等所派之兵即著

欽定剿平粵匪方略卷八十一

十七

飭令星夜起程毋庸俟慶祺來營致滋延誤阜城之賊顯係牽掣我師以待南賊來援即著僧格林沁將該逆設法誘出盡數殲滅勝保著即與僧格林沁商酌督帶馬步精兵進駐德州一帶為善祿等後路策應該處為水陸咽喉既可杜南來之賊並可遏阜城賊匪南竄之路與僧格林沁軍營聲勢亦可聯絡勝保接奉此旨即將如何分兵何日起程迅速馳奏至

阜城之賊尙有塔兒頭紅葉莊二處盤踞爲犄角之勢必須剋日攻剿掃除淨盡斷不准再延時日軍情緊急勝保旣前赴德州著毋庸來京陛見

同日張亮基奏言查豐工上下游水勢平緩並無大溜逆賊旣由該處偷渡其地與東省金鄉魚臺兩縣接壤由金魚北竄非兗州卽濟甯兗濟以北道路歧出無險可扼旣可由大道直達

聖朝聖略卷八十一

十六

德州亦可由間道徑撲省城儘被關入全省震動臣現祇帶兵五百名新練之勇二千餘名不敷分撥祇可將官兵盡數留於德州交道員姚錫華護守州城臣自帶練勇由劉智廟起程馳赴南路探賊所向扼要截擊惟德州防兵甚少北賊聞臣南行勢必竄撲德州卽臣馳赴南路亦恐賊勢猖獗兵力不足抵禦惟有仰祈

飭諭勝保就近先撥兵三千名趕緊前來防護德州並

乞

簡派大員統帶重兵馳赴東省應援俾南北兩賊不致聯合南賊甫竄北路必畏馬隊且東省地多平衍利於騎兵聞僧格林沁所帶馬隊甚爲驍健可否酌派來東以扼北竄奏入

上命軍機大臣傳諭善祿張亮基曰逆賊現由豐壩偷

聖朝聖略卷八十一

十九

渡順隄西竄張亮基親督練勇二千名馳赴南路迎擊惟無官兵隨行深恐不敷勦辦著善祿卽將僧格林沁勝保由大營派撥之精兵二千五百名剋日統領起程與張亮基會合前進務卽探明賊蹤所向迎頭堵剿斷不可任令此股與阜城之賊聯絡勾結至濟南省城及南路金鄉魚臺一帶並附近豐北各偏僻要隘均著善祿張亮基嚴飭各該地方文武員弁

一體嚴密籌防毋稍疏失

同日英桂奏言查汝郡所屬州縣與楚省漢陽府屬接壤所有信陽羅山等處各關隘均派兵勇扼守惟光固一帶因六安失守捻匪四起疊飭該地方官痛加勦洗咨照鎮臣柏山督兵分馳各鄉搜捕一面防堵一面勦辦捻匪二月初五六等日有穎上阜陽等處捻匪數千人自固

欽定剿平粵匪方略卷八十一

二十

始徐家灘過河到期思集焚搶又有月股千餘人由光息竄來當派參將慶瑞等率領兵勇截殺追至烏龍集河邊斃匪百餘名初七日該匪復聚五六千人欲攻固始縣城當經我兵擊退至武昌省城情形旬日以來屢據探報武昌城守嚴密賊鋒已挫現盤踞漢口並有分股至麥旺嘴長江埠一帶擄掠船隻米糧等物且有上

竄荆襄之謠目前汝郡信陽等處既不敢稍疏

防範而光固勦辦捻股堵禦六安逆匪又當喫緊之時夙夜運籌寢食俱廢乃蒙辜股匪忽於初八日竄入豫省攻陷永城臣擬親馳勦辦奈南路此時亦萬分喫緊勢難遠離歸德待援甚急且該郡與山東曹單等縣僅隔一河恐其竄至虞城擾及東境現已飛咨河臣山東撫臣一體嚴防並檄飭省城妥為戒備一面飛調省標及內黃營各兵令守備根齡等星夜帶往宋郡聽候徐廣緒遣派截剿至此股賊匪探係皖省土匪由蒙辜竄入是否土匪假扮長髮抑係長髮捏冒土匪現飛飭確探臣即帶兵馳往督剿英桂又奏言查臣舊有肝胃之證虛氣沖逆喘促益增遇事稍一用心更覺目眩心悸精神委

欽定剿平粵匪方略卷八十一

三十一

體嚴防並檄飭省城妥為戒備一面飛調省標及內黃營各兵令守備根齡等星夜帶往宋郡聽候徐廣緒遣派截剿至此股賊匪探係皖省土匪由蒙辜竄入是否土匪假扮長髮抑係長髮捏冒土匪現飛飭確探臣即帶兵馳往督剿英桂又奏言查臣舊有肝胃之證虛氣沖逆喘促益增遇事稍一用心更覺目眩心悸精神委

頓可否仰懇

簡派大員幫辦如臣病日減固當力效馳驅卽或日久

不痊而經理有人亦不致貽誤

國事奏入

命軍機大臣傳諭英桂曰英桂久任外省司道大員於地方形勢何處緊要鄰省賊氛何路切近本應早事籌防况簡任巡撫兼管提督全省軍務皆其專責

聖朝聖略卷八十一

三

乃株守汝甯於探報楚省賊蹤既未詳確徒以堵禦六安逆匪爲辭竟不知永夏兩縣業被竄擾旬日所報光固勦辦擒匪獲勝現有柏山在彼搜捕辦理防堵該撫何以不移營疾向歸陳一帶迅速迎勦賊匪已入境內尙未探明是否假冒直是形同聾瞶所患肝疾並非急證現當事勢喫緊之時豈得以精神委頓自占地步湖北賊船已由金口上竄岳州直趨湘

陰其荆襄上游未據報有賊蹤仍當飭令柏山隨時確探盡力防範近日該撫奏事遲緩甚至各路軍營及他省督撫報到數日而英桂於本省軍情與賊勢猖獗尙未探明詳奏豈空言寢食俱廢便能了事耶註明未到之前徐廣縉能否堵禦所派赴援官兵七百名是否足資勦辦現在如何籌畫布置卽著詳細速奏儘稍事遷延致賊匪更竄他處惟英桂是問

聖朝聖略卷八十一

三

同日和春福濟奏言查鳳陽一帶時有土匪出沒搶劫頻聞現已分撥兵勇勦除散則易捕誠恐一設糧臺垂涎嘯聚袁甲三所議極爲有見但請仍歸徐州辦理則大有窒礙鳳陽距營二百七十餘里已苦轉運稽遲若再遠數站千里齎糧必致貽誤且奉撥軍餉山陝則由河南而至穎郡江浙則由揚儀而達滁和赴廬州均屬

直捷如令繞赴徐州往返數百里殊非慎重之道袁甲三駐兵穎宿自以徐州爲便然其隨營兵丁僅四百餘名所募義勇雖多無須計口授食與此開兵勇月待餉需者迥別惟有仰懇

天恩飭下山東山西陝西浙江江西甘省各督撫將應解安徽兵餉徑由鳳陽定遠解赴廬州臣等飭令沿途兵勇團練逐程押護以免疏虞而資接濟

濟奏入

上命軍機大臣傳諭和春福濟日前以皖省軍情緊急於福濟奏報內批令數日卽發一報以慰朕念並令傳諭和春知悉茲閱和春福濟所發奏報於廬州賊情及現在如何攻剿之處並未提及一字該提督所辦何事竟置之不論不議實屬不知輕重所請將各省奉撥軍餉徑解廬州著照所議辦理該提督等卽

分投迎提以資接濟

二十四日癸巳僧格林沁勝保奏言該逆自十五日大創之後連日堅匿拒守若徒事力攻不特損傷精銳且恐該逆被攻情急拚命撲出又成紛竄之勢賊自束城潰竄經官軍殲斃過半所踞縣城及附近一二村莊地方狹小比在束城等村時較易合圍現已挑築長濠密布樹柵該

逆兩次衝撲未能竄出俟卡圍既合卽當設法進攻惟北賊漸可翦除而南賊復由豐工二壩渡河順隄西竄善祿已帶馬步官兵馳往堵剿臣勝保復添派副都統魁福帶吉林馬隊五百餘名卽日起程前往以繼善祿之後並嚴飭相機迎擊使賊不敢北犯又派副將邱聯恩帶兵移紮景州扼賊南竄臣等一面將阜城逆匪設

法攻勦並選備馬隊官兵二千儘南賊飄忽北來卽令馳往迎截臣等仍酌量緩急如東豫情形十分喫重臣勝保卽將此開布置周妥分督官兵親往迎勦臣僧格林沁督飭官兵將阜城逆匪設法勦除一俟畿輔肅清卽令官兵一律南下至臣德勒克色楞額患偏疽因軍務喫緊未敢請假十五日與西凌阿在常家村力疾督

聖朝方略卷八十一

三

隊因瘡口未合不能久支扶病回營是以奏報內未經敘入奏入

上命軍機大臣傳諭僧格林沁勝保曰阜城賊匪尙未掃除淨盡南賊復行北犯事勢至此急宜迅籌勦辦勝保著仍遵前旨卽日帶兵進駐德州一帶相機迎勦魁福所帶吉林馬隊五百名卽飭令歸善祿軍營併力迎擊副將邱聯恩移紮景州務須嚴飭扼守遏

賊南奔阜城附近村莊據稱地方狹小較易合圍現已挖濠樹柵杜賊竄路著僧格林沁激勵將士設法進攻務期及早克復至勝保善祿魁福均已督兵馳往前路勦賊德勒克色楞又患瘡疾此時阜城賊匪急須殄滅僧格林沁統領全軍責無旁貸若復蹈前轍致令賊匪乘閒竄逸又滋他患該大臣豈能當此重罪耶

聖朝方略卷八十一

三

同日王履謙長鑣奏言聞河間之賊竄往東南設土匪遙爲援應使山東腹背受敵深爲可慮臣等已飛咨南河督臣帶兵扼勦一面飛咨山東撫臣飭令各處兵勇併力堵禦現在東省曹單一帶甚爲喫緊防守稍疏則兗沂曹州東昌等府處處可通山東撫臣駐紮德州一帶勢難兼顧臣等又無兵勇可撥且聞歸德府屬土匪

未散所有劉董二口船隻已飛飭武隆額等拆
毀淨盡並竭力堵禦免致賊匪乘虛北渡臣等
仍赴上下游各河口嚴密巡防不敢稍涉鬆懈
奏入報

聞

二十五日甲午袁甲三奏言據徐州鎮道函稱賊
由蕭縣西北之黃家口分據豐工下游之包家

欽定剿平粵匪方略卷八十一

天

樓欲紮筏渡河十九日臣馳抵黃河南岸之北
辰集會商徐州鎮道分路進剿並據紳士到營
稟稱賊到包家樓搭橋紮筏自十六日至十八
日陸續渡完竊思賊行飄忽現既前後相差兩
日斷難追及且徐州已保無虞現有之土匪鎮
道兵勇足敷剿辦臣連日接南路稟函雖無續
竄之賊而門戶洞開人心驚恐且土匪乘機嘯

聚刻刻懸心擬即折回宿州查看情形何處喫
緊即馳赴何處剿辦已竄之賊既不能及總期
嚴堵南路不使續來臣現處時勢幾於四面皆
敵惟有隨時知照提臣和春撫臣福濟以期聲
勢聯絡斷不敢畏難苟安稍涉趨避

袁甲三又奏言此股逆匪係去歲十一月自揚
州竄出益以金陵之賊不滿萬人由安廬舒桐

欽定剿平粵匪方略卷八十一

天

六安正陽一路分爲三起陸續前行意在接應
河閒之賊經過地方並不盤踞現聞河閒之賊
所餘無幾北路大兵雲集似尙不難剿除也
同日百勝王夢齡奏言查逆匪由黃家口擾至
黃河渡口覓船不得將附近村莊房屋拆毀運
至豐工下游之包家樓平水處所紮筏日夜趕
渡現在黃家口包家樓一帶尙有賊匪盤踞據

該處土人聲稱實係土匪並非逆賊當此風鶴
時警人心驚惶無論逆賊土匪均應趕緊殲滅
除星夜進兵勦辦外相應請

旨飛飭東省迅撥重兵嚴密堵禦臣等雖因保守郡城
究未能杜賊竄渡實屬咎無可辭並懇將臣等
交部嚴議均奏入

上命軍機大臣傳諭袁甲三日現在徐州雖保無虞糧

聖朝聖方略卷八十一

三十一

臺重地必應嚴為防範百勝等所帶兵勇無多深恐
難資堵禦前有旨令袁甲三趕緊赴援遏賊北竄該
給事中豈不知權其輕重以顧大局轉以徐州鎮道
兵勇足敷勦辦為詞希圖卸責又以賊已渡河追勦
不及藉口折回僕僕在道總未見賊豈不知愧恨耶
袁甲三自到皖省以來屢次勦辦土匪尙屬出力及
逆匪彘擁北犯踉蹌趨避朕倚任該給事中不為不

專宜如何竭盡心力乃株守宿州總未與賊接仗朕
實不解況刻下河閒竄匪死守待援既據奸細供稱
南北之賊意在援救河閒萬一乘虛奔突不惟勾結
堪虞轉致分我兵力該給事中如趕緊跟追相距亦
祇兩日安見竟不能及且既稱南路稟報尙無續竄
之賊何以徑行折回置北來之賊於不顧本日已諭
百勝等嚴守徐州能否布置得宜朕心實深懸繫該

聖朝聖方略卷八十一

三十一

給事中現既折回若再令北來更屬緩不濟急著卽
督飭兵勇盡力之所能為杜截南路竄匪不准稍有
疏虞儘再貽誤事機自問當得何罪
又命軍機大臣傳諭百勝王夢齡曰賊匪由黃家口
包家樓一帶竄渡黃河並有直撲徐城由荆山橋北
竄之意袁甲三追賊不及已折回宿州百勝等所帶
兵勇及調募河兵練勇並招致民勇等項約計尙有

數千著卽於口岸緊要處所分布扼守至山東南路情形喫重已有旨派善祿等帶兵策應百勝等務當先就現有兵勇力保郡城若因黃河斷流無險可扼任令大股賊匪陸續竄渡朕必將該總兵等從重治罪

上諭內閣曰豐工下游包家樓一帶現有土匪假充逆賊紮筏渡河百勝等未能杜其偷竄均屬罪有應得

欽定剿平粵匪方略卷八十一

三

除淮徐道王夢齡前經革職暫留本任外徐州鎮總兵百勝著卽革職仍暫留本任與王夢齡督帶兵勇迅將股匪剿除淨盡江南河道總督楊以增未能先事籌防並著交部議處

同日曾國藩奏言貴州黎平府知府胡林翼前經督臣吳文鎔奏調湖北差遣該員自帶練勇六百名由黔赴鄂於正月下旬馳抵金口適值

聞

黃州師潰賊艘上竄該員所募黔勇係山民不習水戰不能前進臣擬先遣陸勇與該員會合援鄂又值賊匪竄擾岳州湘陰臣思岳州一帶既被竄擾自當先攻克岳州不使南北梗塞方能全師東下現擬札飭該員暫駐岳州附近地方臣迅卽派員督勇先行會剿奏入報

欽定剿平粵匪方略卷八十一

三

同日

上諭內閣曰湖北巡撫崇綸現在丁憂著開缺暫留湖北協同辦理防剿事宜

欽定剿平粵匪方略卷八十二 甲寅年

二月二十六日乙未楊以增奏言查逆匪踞永城

後據探分股西去今忽北竄是明知徐州兵單

乘閒窺伺現在屯住豐工上下聲言直撲徐州

又難保不於口門以下斷流之處潛圖北竄清

江距徐州之蕭碭地方五百餘里人心已覺驚

慌臣若遠離恐生肘腋之患而徐州萬分危急

剿平粵匪方略卷八十二

一

剿平粵匪方略卷八十二

二

又不敢顧此失彼現囑前漕臣李湘棻統帶兵
勇先住宿遷保護糧臺相機前進奏入

諭曰若專待汝奏報則事事遲誤營兵家丁有可靠
者皆可使令偵探軍情重賞之下必得壯士若斬茲
小費是直自貽咎也

同日河南布政使鄭敦謹奏言前據歸德陳州

各路探報大股匪徒陸續由正陽關穎上蒙亳

向西北竄土匪勾結人數眾多歸陳處處逼近

永城夏邑尤與該處毗連十分緊急已由撫臣

英桂迅派官兵前往但省垣重地尤應速為籌

備臣當與臬司林揚祖會督在城文武官紳相

機布置各於五城安設礮臺晝夜巡防不敢稍

懈該匪若由歸郡北竄則下流各河口尤為緊

要亦經會臬太常寺卿臣王履謙河臣長臻設

剿平粵匪方略卷八十二

二

法嚴防惟河北鎮道現駐彰德河岸兵力甚單
查汜水北岸有防勇三百餘名地居上游該處
情形刻下尚不甚喫重自應調赴下游先其所
急並飛咨河北鎮道於所屬各要隘嚴密防堵
賊情詭譎奔突靡常臣仍當妥速布置斷不敢
以賊蹤尚遠稍有鬆懈奏入

諭曰河北之防殊不足恃著再為妥速籌之

鄭敦謹又奏言查夏邑東北接壤蕭碭該處豐工池下河淤灘淺雖無船隻可乘亦可紮筏偷渡已飛咨徐州鎮道嚴密堵截相應請

旨迅飭南河河道總督山東巡撫趕緊嚴防杜其奔竄前已奉

旨飭僧格林沁勝保迅撥精兵一千名前來剿堵似可遏其兇燄惟既探有接應北路賊匪之說則江

欽定剿平粵匪方略卷八十二

三



南蕭碭河南永夏北面毗連山東等處亦須有重兵與河南合力防守庶堯勦尤爲得力奏入上諭曰所見尙是業經派勝保迎勦渡黃逆匪汝在省城無一探報設若有警必致著著落後

二十七日丙申僧格林沁勝保奏言接善祿途次

函開聞有賊自碭山前來現任單縣村鎮之說馳赴荏平探明迎勦臣等查該逆每遇竄擾各

處其行剽急異常此次既爲救援北賊而來自無不疾趨前進似無半途屯紮之理善祿於二

十二日統率馬步官兵三千餘名前赴豫東一

帶如係土匪滋事足敷勦辦卽實係晚賊竄至善祿所帶官兵久經戰陣必能遏其兇鋒臣勝

保若卽於此分兵南下少則不敷調撥多則恐北路兵單且恐該逆窺我兵力旣分乘隙撲竄

欽定剿平粵匪方略卷八十二

四



致餘燼又成燎原所關非細臣勝保應請

旨暫緩南行先將此股逆匪殄除再以大兵全力南注

自可迎刃而解如日內再接東豫緊報臣勝保

自應分督官兵馳往勦辦斷不敢稍有拘執現

在阜城之賊堅匿死拒必須設法攻勦方可得

手連日挑築長濠業經竣事臣已飭各官兵晝

夜嚴防並令投出潮勇蕭良芳等於出隊時遙

向賊壘論以利害散其黨與使知被脅者有可
生之路從逆者無倖免之誅賊勢既孤攻剿較
易

僧格林沁勝保又奏言直隸提督張殿元經督
臣桂良飭令帶兵一千二百名在武邑防堵查
武邑在阜城西五十餘里現在長圍已合逆匪
欲竄不能該處似無須多設防兵臣等竊思善

聖朝方略卷八十二

五

祿魁福已帶兵由德州在平順運河一帶相機
迎剿恐賊聞官軍大至或折向西路乘虛竄入
大名臣等已令張殿元帶兵改赴大名一帶扼
要防堵其原帶官兵內有吉林馬隊三百名本
係桂良截留但馬隊利於追剿抄擊臣軍營正
因馬隊缺乏不敷調遣已飭調前項馬隊三百
名來營助剿另撥隨營通永宣化步隊官兵四

百名統歸張殿元帶赴防所

同日桂良奏言查大股逆匪欲向武邑奔竄武
邑距阜城僅四十里最爲喫緊雖據勝保咨稱
該逆欲竄不能然遑爾撤防恐賊情詭詐乘虛
而至如果逆匪奔竄必須迎頭截擊非馬隊不
能得力臣現在咨會勝保將調去吉林馬隊三
百名仍行撥回交張殿元留於武邑嚴密防堵

聖朝方略卷八十二

六

至安徽逆匪竄偏豫境直隸大名一帶防堵亦
屬緊要臣擬派副將達年由省統帶官兵馳赴
大名會同該鎮道督飭地方營汛於要隘處所
相機設防以資保障均奏入

上命軍機大臣傳諭僧格林沁勝保曰據奏查探東豫
賊情請暫緩分兵南下如所奏果係確情則現在善
祿帶兵南下自己足敷剿辦勝保暫緩分兵亦係通

籌全蜀之計惟此處最難土匪垂危初未可定且即
係土匪亦難保無勾結逆黨先爲嚮導情事朕所以
命勝保進駐德州者原因阜城之賊日久未滅慮其
與南賊勾連是以斟酌再三爲此南北兼籌之策該
大臣等身在行間既有此奏自必確有把握原可不
必拘泥前旨如東豫之賊實係皖賊大股業經朕先
事豫籌而該大臣等以大意誤事朕亦不能曲宥至

欽定剿平粵匪方略卷八十二

七

所稱先將此股逆匪殄除再以大兵全力南注自可
迎刃而解究竟此股逆匪何時可以殄滅大兵何時
可以南下該大臣等徒事遷延坐令南北大局爲此
垂斃之賊所牽掣豈不更墮奸計善祿已馳赴在平
諒已探明南賊確情惟距大營稍遠若事事由該大
臣等轉奏不免耽延著傳知該將軍凡一切進剿機
宜及逆匪情形均准其一面馳奏一面知照該大臣

等以期迅速武邑防兵據該大臣等奏請移赴大名
頃據桂良奏報則稱武邑未可撤防馬隊仍須撥回
並另派副將達年赴大名設防著該大臣等酌度緩
急毋致疏失

二十八日丁酉琦善奏言查直隸帶兵官惟參將

翰殿華陷陣衝鋒不避艱險其驍勇善戰一時
罕匹自上年到揚以來戰功屢著此次直隸弁

欽定剿平粵匪方略卷八十二

八

兵紛紛逃走而提標中營逃兵尙少提臣陳金
綬人極醇謹未免過於長厚其精力雖尙強健
亦非復少壯氣體惟該提督尙能虛衷受益不
至意氣用事貽誤事機近日江中賊船往來上
下絡繹不絕前獲奸細供稱由和州前來探聽
六合儀徵揚州官兵多寡臣已分飭沿江各營
嚴爲之備又探賊船溯江而上攻擾黃州督臣

吳文鎔退至麻城誠恐武昌兵燹之餘難資控扼廬州賊勢猖獗蒙城一失將由永城以窺歸德由蕭縣以窺徐州方今決河未塞河身乾涸可以長驅而過山左兗沂一帶處處戒嚴臣已飛咨和春福濟與河臣楊以增山東撫臣張亮基給事中臣袁甲三嚴密防堵奏入

論曰所論陳金綬誠為公當鞠殿華在二年夏開推

聖學聖方略卷八十二

九

并山西參將引見時朕見其漢仗好箭射有準特旨仍留直隸不料該員能如是出力雖有逃兵亦難吹毛求疵

同日

侍軍機大臣傳諭僧格林沁勝保曰昨據桂良奏武邑未可撤防已諭令僧格林沁等酌度辦理朕思單縣一帶現有匪徒竄擾若由單縣西竄則直隸東明

開州等處與東境毗連大名一帶甚覺空虛以目前情形而論阜城現為賊踞武邑自未便撤防若統籌全局則南來賊眾已至單縣是大名一帶尤不可不早為布置總之阜城逆匪急當剋期勦滅若再事遷延致令垂斃之賊牽掣我師而南來賊匪闖入直境該大臣等貽誤之罪豈能稍寬耶

上又命軍機大臣傳諭桂良曰武邑逼近阜城防堵固

聖學聖方略卷八十二

十

屬緊要但大名為扼要之地現在皖賊由碭山偷渡黃河擾及單縣儻沿河西竄從東明開州等處乘虛窺伺則大名係入直門戶亟應添兵駐守本日已諭令恆春將前調澤潞官兵一千名毋庸馳赴河南即前往大名一帶交張殿元調遣著桂良飛飭該署提督迅往大名扼截至阜城逆匪當可指日殲除然亦難保不因被勦情急突圍逃竄桂良務當督飭文武

員弁兵勇勤加偵探實力防剿軍情變幻靡常該督仍當與僧格林沁等隨時知照酌量緩急妥爲布置上又命軍機大臣傳諭恆春曰現在阜城竄匪尙未殄滅淨盡南來之賊如由單縣沿河西竄則曹州濮州卽與直隸大名接壤永城夏邑等處聞係土匪竄擾較之單縣一帶情形稍緩所有前次諭令抽撥之澤潞防兵一千名著毋庸馳往河南卽令直赴大名歸

聖朝方略卷八十二

十一

張殿元統帶以資防剿

上又命軍機大臣傳諭桂明日賊自碭山渡河有現踞單縣村鎮之說善祿等已帶兵馳往剿辦但恐該匪由曹單西竄直隸大名等處甚覺空虛本日已諭桂良飭令張殿元帶兵馳赴該處防剿桂明仍遵前旨星速徑赴河南歸德一帶探明賊蹤何路緊急卽由何路迎剿毋得遲延

上又命軍機大臣傳諭百勝王夢齡曰渡河賊匪已竄至單縣其屯聚包家樓之賊現又竄往何處是否尙在該處占踞近日有無賊匪續行偷渡百勝等作何布置前據袁甲三奏賊匪係分三起陸續北竄其盤踞河岸之土匪既將前股賊衆導送渡河安知續來逆匪又不藉爲嚮導著百勝等卽就現在所帶兵勇一面保守郡城一面竭力堵剿將此股盤踞賊匪剿

聖朝方略卷八十二

十二

滅淨盡其南路軍情仍著隨時奏報

二十九日戊戌台湧奏言查黃陂孝感兩縣均距漢口較近是以臣商令已革提督佈克慎擇於兩縣居中之楊店扼紮十一日據佈克慎函稱黃陂有大股賊匪二三千人於初七初八兩日攻撲該縣城池初九日城卽失守十七日佈克慎由新店進紮距黃陂縣城二十里之廖公鋪

探聞賊衆在縣城盤踞遂派兵三路進攻十八日董玉龍帶兵攻小西門分兵一隊由東門突攻而入賊蒼黃失措當經殺斃多名董玉龍已由小西門攻進橫衝截擊斃賊無數伏賊突出復經佈克慎督兵擊敗該逆仍敢登高死拒我兵舉火將房屋焚燬敗匪沿城奔逃官兵追至南門外河岸賊匪無路可奔紛紛撲河淹斃黃

聖朝方略卷八十二

十三

陂現已克復其另股賊匪竄至孝感縣屬之李家灣小河溪一帶伏思漢陽漢口賊悍且衆此股不滅則省城與江北阻隔不通而欲攻復漢陽漢口非俟兵力稍厚先將江北雲應黃孝等縣分竄各股賊匪捕剿淨盡難以進攻現惟仍飭各路帶兵將備嚴密搜剿竄匪再併力爲攻復漢陽漢口之計至此各路剿賊文武員弁

兵勇可否由臣擇其尤爲出力者酌量奏保奏

上命軍機大臣傳諭台湧曰前據崇綸等奏漢陽逆匪

半係烏合長髮老賊爲數無多自不難剋日掃除該督務當乘此聲威將孝感一帶賊匪迅速殲除一面督兵收復漢陽保衛武昌一面與駱秉章會國藩迅籌剿辦務將岳州湘陰等處逆匪次第殄除毋得株

聖朝方略卷八十二

十四

守德安僅派弁兵搜捕零星匪致誤大局荆襄一帶是

上諭內閣曰漢陽漢口賊匪膽敢分擾黃陂等縣經台

湧分兵剿擊獲勝克復縣城賊鋒已挫辦理尙爲妥速所有在事文武員弁准擇其尤爲出力者酌量保奏仍著台湧督飭官兵將孝感縣屬李家灣等處股匪趕緊殲除並卽乘勝攻克漢陽漢口務將楚省賊

訊速行掃蕩

同日和春福濟奏言二月初六日逆匪攻撲營盤經臣和春督同鄭魁士帶兵擊剿賊膽已寒自應乘勝奪取城池二十日早派總兵吉順等分路進剿臣和春居中調度天明取齊三里岡距城甚近而東門外街市房屋早爲該逆占住又有小河及護城河兩道河邊均築有營壘原

聖皇聖方略卷八十二

十五

有木橋被該逆拆毀鄭魁士首先帶兵前進紮筏渡過小河該逆突出千餘人迎拒適後路官兵趕到合力奮擊逆匪紛紛敗退我軍搶進柵欄立將木柵拆毀一面放火將街市房屋全行燒燬全玉貴進攻小東門賊匪上前迎敵各勇槍礮連環斃賊無數逆匪不敢入巢全玉貴揮令兵勇搶進賊營當將營壘拆毀江忠濬等進

攻北門城外賊營數座該逆以槍礮回擊堅守

不出各勇拋擲火罐賊營登時火發匪徒驚潰後路接應官兵趕到齊力追殺斃賊多名卽將營盤平毀此戰自卯至午三路官兵接仗四時之久約斃賊匪四五百名除再行設法進剿迅圖克復外並飭西路總兵珠克登等一體移營會剿

聖皇聖方略卷八十二

十六

和春福濟又奏言總兵秦定三由江南前來於二月二十日到營並未帶兵如由此閒另派官兵管帶則將兵隔膜呼應不靈斷難應手相應再行請

旨卽飭向榮將秦定三原帶貴州鎮遠銅仁松桃丹江等營官兵一千名派令星馳來廬以便帶領督剿奏入

命軍機大臣傳諭和春福濟曰據百勝等奏賊匪於二十日全竄東省而竄回永城之賊距徐甚近著和春福濟卽飭秦定三迅帶官兵馳往徐州相機進剿其所調費州官兵一千名到皖需時尙恐緩不濟急現在黃河南北情形緊急無論何項官兵皆可交秦定三帶領星速赴徐州一帶勦辦逆匪並遏南來之賊與潁亳永城等處聲勢亦可聯絡斷不准任令賊匪再行偷渡河北致滋蔓延

聖朝方略卷八十二

十七

上又命軍機大臣傳諭向榮曰現在賊由蒙亳永城夏邑竄至徐州渡河擾及山東境內已諭和春飭令秦定三帶兵赴徐勦賊著向榮仍遵前旨迅將秦定三原帶之費州鎮遠等營官兵一千名飭令馳赴廬州軍營至金陵現在籌辦攻剿情形日久未據奏報該大臣坐擁重兵耽延時日既不能迅速克復又不肯

撥兵協剿移緩就急坐視賊匪蔓延是誠何心向榮於接奉此旨後迅速撥兵赴援仍著設法攻克金陵以贖前愆

同日張亮基奏言前聞賊竄永城臣已嚴飭單縣文武各員豫爲布置而金魚兩縣則係豐工漫溢連年災歉之餘民窮財盡守備單弱知州黃良楷聞金鄉危急由濟甯帶練勇五百名馳

聖朝方略卷八十二

十六

往救援途遇難民聲稱二十一日午後賊擁入城縣官不知下落查賊匪竄近單縣經該營縣截擊獲勝尙可乘此銳氣實力堵剿金鄉孤城失守賊必進撲濟甯臣卽由山道馳赴濟甯迎勦餘仍飭單縣營縣嚴行防禦並飭查金鄉縣城內文武下落另行辦理
張亮基又奏言臣現因金鄉失守由山道徑赴

濟甯並飛咨將軍善祿由東昌一帶馳赴曹州
相機進剿兼遏該逆由曹屬旁竄直隸之路奏
八

上命軍機大臣傳諭善祿張亮基曰刻下賊匪竄至金
鄉善祿自應督兵迎探賊蹤所向扼要截擊萬不可
墮奸匪聲東擊西之計張亮基亦當探賊所至迎頭
截剿與善祿兩路夾攻方可得手若因已派善祿帶

欽定剿平粵匪方略卷八十二

九

兵進剿該撫卽紆道遷延意存觀望貽誤之罪更將
誰誘其附近要隘若有須分兵扼堵之處或令魁福
帶兵前往著善祿張亮基酌量布置萬不可令賊匪
北竄與阜城之賊勾結臬司勵恩官帶兵駐紮宿遷
此時賊竄山東徐州亦尙有賊匪踵至或飭令該臬
司就近赴援徐州或折回山東防剿著張亮基相機
調度

同日百勝王夢齡奏言據探該逆於十六日在
包家樓蔡家莊等處砍伐樹木拆毀民房紮後
渡河都司崇順等帶領兵勇前往擊斃東岸逆
匪多名餘匪二三千人不及渡河仍由永城回
竄臣等馳抵豐工於附近各處搜獲奸細並逃
出難民研訊僉稱此股逆匪分三起來徐沿途
俱有土匪引導意欲由徐州陸路北趨接應直

欽定剿平粵匪方略卷八十二

二十

隸逆匪臣百勝擬帶兵過河追擊乃沿河無船
可濟又據豐縣稟報逆匪二月十九日辰刻攻
破豐縣二十日已全竄東省臣等查渡河之賊
業已去遠而竄回永城之賊距徐甚近當派通
判顏培高帶領臧紆青所留練勇七百名隨同
袁甲三赴永城進剿又派參將高培等帶領大
同兵六百名前赴豐縣收復城池臣等卽於二

十三日帶兵回郡途次又派鎮標兵二百名駐紮包家樓大同兵二百名駐紮郝家集協同該處團練紳民實力防守

百勝王夢齡又奏言查上年四月逆賊由浦口北趨調派吉林密雲熱河大同等處官兵來徐嗣後各處紛紛徵調祇留大同兵九百名雖經臣等先後招募鄉勇一千數百名藉資防守而

聖訓方略卷八十二

三

現在除派赴袁甲三處練勇七百名派往豐縣及各處防堵官兵一千名外存城兵勇僅千餘名雖各鄉團練民勇臣等尚可隨時招致究係未經訓練不足以衝鋒折銳合無仰懇

天恩飭令附近統兵大員派撥勁兵二千名星速來徐俾臣等遇有寇警得以即時進兵迎勦奏入

上命軍機大臣傳諭百勝王夢齡曰逆蹤飄忽無定此

次由包家樓蔡家莊等處竄渡雖經都司崇順督同兵勇殲斃多名餘匪回竄永城所獲奸細業經訊供分起北竄救援阜城之賊並沿途均有土匪為之嚮導則徐州水陸各路皆須加意設防百勝等現已派顏培高帶領賊紆青所留練勇前往永城其河岸口門以下務當實力堵禦秦定三現抵廬州本日已諭和春等迅催該提督帶兵援徐並諭琦善袁甲三等

聖訓方略卷八十二

三

飛速撥兵會勦百勝等務當就現有兵勇併力堵勦不得專待援兵任令南來之賊紛紛偷渡山東臬司厲恩官現在宿遷防堵賊已由豐縣闖入山東境內該臬司何以尙株守一隅不為分兵兼顧之計著即查明具奏

上又命軍機大臣傳諭琦善曰現在大股賊匪由豐工下游渡河已入東境擾及單縣金鄉等處其未及渡

河之賊經官兵擊回逆匪仍復回竄永城該處距徐甚近百勝等所帶兵勇尙形單弱著該大臣迅撥精兵一二千名派委得力將弁卽日管帶起程馳赴徐州協同百勝等妥籌剿辦

上又命軍機大臣傳諭袁甲三日逆匪於十八日渡河東岸餘匪回竄永城此時該給事中折回宿州而徐州爲南北要衝旣已疏防於前致賊偷渡若再不力

欽定剿平粵匪方略卷八十二

三

遇南來賊匪任令陸續北竄該給事中所謂籌畫全局者安在現已有旨派秦定三前赴徐州一帶會剿吉連劉玉豹所帶之兵皆係勁旅著袁甲三卽將所調各兵交秦定三星速馳赴徐州會同百勝等合力堵剿

同日桂明奏言現在賊匪由永城夏邑竄入碭山縣境徐州萬分喫緊臣抵豫後如歸德一帶

聞

情形稍緩卽帶兵馳往徐州與百勝等會合攻勦黃河一帶賊匪尤易散竄一面飛咨河南陝西山西撫臣迅將沿河船隻概行禁止來往以防北竄臣惟有沿途探賊所向併力進剿不敢稍涉遷延奏入報

同日英桂奏言查逆匪探知歸德駐有大兵未

欽定剿平粵匪方略卷八十二

三

得由豫渡河遂從永夏竄至江南碭山臣深慮黃河下游豐北漫口水勢平緩儻該逆紮筏偷渡卽入山東單縣等境爲直隸逆匪應援現在東路情形較之南路尤爲喫緊臣當先其所急擬將汝郡巡防責成南汝光道余炳燾等分駐督率並將營中添募之勇酌留五百名駐守汝郡派參將伊里綳阿管帶飭令何處緊急卽馳

赴何處協同堵剿逆匪雖不敢直逼歸德郡城
惟此次竄越碭山而去一經山東及江南堵擊
難保其不復來且開封府屬之蘭儀衛輝府屬
之考城均與山東曹單接壤亦不可不防而直
隸逆匪聞於二月初九日分二股竄出一往東
南一往西南豫省此時東北兩路處處可慮臣
卽馳回省城與司道面商防守事宜仍卽出省

聖學聖方略卷八十二

三

策應歸德兼防北路隨時相機辦理奏入

上是之

三十日己亥恆春奏言前太僕寺少卿徐繼畬經
臣奏明前赴澤潞遼州一帶辦理防堵所有地
方文武應歸其調遣惟徐繼畬係在籍革員地
方文武恐存玩視可否明降

諭旨派徐繼畬督辦以期呼應較靈奏入

上諭內閣曰山西在籍已革太僕寺少卿徐繼畬現在
澤潞遼州一帶辦理防堵所有各該地方文武員弁
均著徐繼畬就近調遣

同日

上命軍機大臣傳諭僧格林沁勝保曰逆匪竄擾畿疆
已踰五月該大臣等疊次斬擒多匪每云賊勢窮蹙
何以占踞阜城後復任令堅匿死拒又將兩旬以厚

聖學聖方略卷八十二

三

集之兵乘得勝之勢蕞爾小邑豈難攻克卽謂必須
計取又豈數日來尙未籌及坐俟賊糧食盡後聽其
仍前紛竄耶南路賊蹤渡河後攻陷豐縣逼近單縣
復於二十一日竄入金鄉逆敵愈張日趨而北設由
歧途捷徑飄忽疾走與阜城之賊一經勾結彼時該
大臣等再議前截後剿辦理更形掣肘不趁此時殄
茲窮寇一味遷延玩誤實不解是何意見朕信任僧

格林沁勝保所請無不允行必不能藉口於朝命之遙制卽僧格林沁勝保二人平日辦事性情各有所偏早在朕鑒之中屢加策勵亟望其同心合力迅奏膚公若各懷己見兩不相下以私廢公坐致貽誤絕不念朕心之焦切民生之疾苦稍有天良不應如此時事至今萬難再寬期限著僧格林沁勝保卽日將此股賊匪掃除或可不加罪譴訥庫尼素光刀神雀

欽定剿平粵匪方略卷八十三

七

刀之賜非爲該大臣等飾寵示威似此因循日久糜餉老師律以軍法夫復何辭儻以歷奉嚴旨視爲具文不卽奮迅圖功是該大臣等無福承受朕恩朕亦不復再諭矣懍之

欽定期平粵匪方略卷八十三 甲寅年

三月初一日 庚子 張亮基奏言探得賊於二月二

十一日攻陷金鄉後旋向西北分竄一股撲曹州府屬之鉅野縣一股撲濟甯州屬之嘉祥縣經該州知州黃良楷暗遣健勇伏於獨山小道二十四日午刻該匪竄入嘉祥縣境內焚掠村莊伏勇突出邀擊殲斃逆匪數十名是日卽據

欽定期平粵匪方略卷八十三

一

探報另股逆匪竄至鉅野業已攻陷縣城近城村莊盡遭焚掠查該逆渡河而北志在救援北賊必圖迅入直境其撲嘉祥則圖由濟甯汶上取大道北犯其撲鉅野則圖由鄆城濮州等處徑入直隸開州等州縣閒道北犯 臣 由山道馳赴濟甯會慮該逆西竄鉅野飛咨將軍善祿由湖路徑赴曹屬相機堵剿以遏其間道北竄之

路今約計該將軍當行近曹屬臣已行近濟甯
東西兩路可冀分投夾攻惟該逆備入范濮等
處則與直隸邊界處處可通必須嚴堵仰祈

諭直隸督臣迅即派兵於大名府屬直東交界地方

分路堵截俾免南北兩賊聯合致滋蔓延又據

黃良楷馳稟逆匪於二十五日攻陷鄆城欲撲

范縣壽張東平等情該逆必係探知官兵將次

聖朝聖方略卷八十三

二

到濟故竄赴西北一帶臣現在督催練勇迅由

閒道趨赴東平一帶設法繞前迎擊惟賊情慣

於避實搆虛若聞臣由東平一帶進兵善祿由

東昌迎截恐又由僻路繞出善祿之後或由東

昌臨清邊界潛趨直隸以爲阜城逆匪接應且

聞永城賊匪仍欲陸續渡黃現在豐工以下百

餘里之乾河全在江南境內若南北兩岸無兵

扼守難免續渡北竄惟有仰懇

飭下江南督臣南河河臣徐州鎮道迅撥重兵駐守豐

工以防逆匪續渡並請

諭知直隸督臣飭屬嚴密防範奏入

上命軍機大臣傳諭善祿張亮基曰逆匪不由鄆城西

奔濮州乃折而東北欲由范縣壽張奔竄或係探知

善祿由湖路南來爲此巧避之計該將軍於中途會

聖朝聖方略卷八十三

三

否得信趕緊由曹州折回東北繞出賊前與張亮基

兩路夾擊該省山路湖路閒道紛歧若無確實探報

偵知賊蹤所向及至官軍趕到該逆早已剽掠而去

輾轉馳逐貽誤更多該逆意在接應阜城范縣壽張

一帶既須嚴行截阻東昌臨清尤不可爲賊關入至

運河東路汶上東平各縣下則近接濟甯上可東趨

省會該逆如經官兵攔截或肆意衝突亦須豫籌堵

禦究竟此起賊匪共有幾股是否接連而行抑係分路抄掠急須探明情形方不至誤向他途致兵與賊不得一遇現在能否將該逆截剿該撫與該將軍如何聯絡聲勢賊匪究向何處著善祿張亮基迅籌合力邀擊隨時馳奏

上又命軍機大臣傳諭僧格林沁勝保曰本日據張亮基奏逆匪攻陷鉅野鄆城該撫擬由間道趨赴東平

聖朝方略卷八十三

四

設法繞前迎擊善祿由東昌一路進兵究竟已抵何處張亮基由東平一路進兵亦未知能否即與賊遇直隸山東交界處所路徑紛歧賊蹤處處皆可闖入而我兵來往奔馳每苦不能相及我兵稍延一日賊即深入一步此時張殿元曾否前往大名前所謂山西澤潞官兵趕到尙需時日惟有先儘現帶之兵星夜前進隨探隨剿以遏賊鋒張殿元所帶之兵不敷

剿辦仍須於該大臣等營中派撥馬步精兵並派得力將弁統帶前往剿辦方能得手亦不得專事防堵大名致成株守至阜城之賊負隅死拒一聞南賊將來必更急圖竄逸該大臣等既不分兵南下又不能立將此股殲除徒事遷延是何意見著即將布置情形飛速馳奏

上又命軍機大臣傳諭桂良曰逆賊自竄踞金鄉後分

聖朝方略卷八十三

五

股向西北竄逸鉅野鄆城二縣先後失守現在善祿行近曹屬張亮基亦可行抵濟甯分東西兩路進兵攻擊惟逆黨捨命狂奔飄忽已極若由范縣濮州一帶乘閒分竄或南向東明西趨開州路徑紛歧大名一帶尤關緊要著桂良嚴飭張殿元督兵前往扼截並飛飭達年帶兵前進隨時探明賊情相機迎剿至直隸與山東毗連各要隘無論南北兩路仍著桂良

勤加偵探飭令各該文武嚴密堵禦毋令匪蹤闖入
同日楊以增奏言接據徐州鎮道稟稱賊匪竟
有直撲徐州由荆山橋北竄之意現由黃家口
竄至黃河覓船不得將附近村莊房屋拆毀運
至包家樓平水處所紮筏偷渡等情查徐州地
方關繫緊要臣密派幹弁偵探並自蕭碭來者
均稱多係土匪祇以人數巨萬徐州兵勇過單

聖學聖方略卷八十三

六

眾寡不敵漫口之下雖無船隻該逆有紮筏偷
渡屯住單縣者有仍回永城來路者現在既有
分竄恐與北路之賊連而為一則勦辦愈難臣
已飛咨山東河南撫臣各於交界處所帶兵會
勦使該匪腹背受敵庶免蔓延
楊以增又奏言廬州失守後逆匪復攻陷六安
潁上蒙城等處查蔣壩與臨淮一水可通日來

無數賊船在臨淮一帶游弋蔣壩船勇係運鹽
之船槍礮最為得力禮字河暫行緩堵水路可
以無虞陸路有雇募練勇暨各村團練鄉勇不
下二萬餘人又分設礮臺派撥各營兵丁駐防
足資堵禦清江浦兵勇無多臣集各街市民勇
日加訓練各鄉村安堵如常奏入

上命軍機大臣傳諭楊以增百勝王夢齡曰賊匪連陷

聖學聖方略卷八十三

七

鉅野鄆城欲從范縣濮州等處潛入直境北路情形
緊急永城之賊尙欲續行渡黃楊以增雖距徐州稍
遠而黃河兩岸是其專轄百勝等防堵徐州為日已
久一切布置尤應早為豫備此時軍務總應以勦為
防固不可空城而出亦豈有株守郡垣之理著趕緊
妥籌布置不得因有秦定三帶兵赴援遂以勦賊之
事專談之該提督也楊以增所奏蔣壩等處水陸似

皆有備而豐工口岸並未提及豈百勝等如何布置
該河督竟未與聞耶著卽將籌辦情形迅速馳奏百
勝等仍就現帶兵勇嚴扼河岸實力防勦若再令示
城逆匪陸續渡黃朕必將百勝等從重治罪卽楊以
增亦不能辭重罪也

同日湖北巡撫青慶奏言查此次賊匪竄踞大
江西岸凡米廠漢口漢陽城鸚鵡洲沿江一帶

欽定剿平粵匪方略卷八十三

八

均有賊營一月以來巡防未敢稍懈二月初八
日該逆由米廠放船數十隻橫江來撲初九日
由三家店地方放船二三十隻官兵陸續開礮
旋即收入漢口初十日鸚鵡洲有賊船向平湖
門駛上官兵開礮又沿西岸遁去十三至十五
日兵勇出隊直抵鸚鵡洲疊獲勝仗該逆不敢
渡江然省中糧餉匱乏兵勇單薄臣前飛咨四

川督臣及將軍台湧撥兵會勦迄無覆音江西

援兵一時亦未能到至會國藩之兵屢經咨催

現聞退回湖南省城無援四面受敵勢必坐困

青慶又奏言歷計軍興以來凡保全城池之處

城外未有無接應者臣本年正月進省見省城

布置雖妥然四無應援從無此閉門枯守之法

當卽酌量各處可調之兵速爲咨調乃抵省已

欽定剿平粵匪方略卷八十三

九

逾一月而各處杳無覆音觀此情形實難保守
意見所及權不能行伏願

皇上嚴飭帶兵大臣速加振作尙可補救於將來奏入

上命軍機大臣傳諭青慶曰現在皖省及東豫情形均

極喫緊各處俱須援應卽漢陽黃州等處逆匪紛擾

亦當次第殲除青慶疊次奏報不但毫無籌畫且於

別處情形總未知悉偵探亦不能確實是以所奏軍

情於現在時勢悉皆隔膜至所稱意見所及權不能行尤屬藉詞推諉與崇綸同在一城每次皆單銜具奏並不會銜是青廉先自存意見青廉現已授為湖北巡撫統轄全省尙得謂事權不屬乎此時惟有盡心籌畫竭力防守台湧已克復黃陂進攻漢陽當可與省城聲勢聯絡至會國藩所帶船礮現因賊由岳州上竄近偏長沙該侍郎初抵長沙省城已與賊遇

勦平粵匪方略卷八十三

十

不能剋期下駛著青廉崇綸就現有兵勇於城內外審度機宜妥籌布置與台湧隨時知照盡心堵禦毋徒坐待援兵諉過他人也
初二日 辛 僧格林沁勝保奏言查該逆自竄踞獨流靜海疊經官兵痛勦現在長濠空竣加以大礮轟擊偏令出巢一面嚴飭各營防其衝撲必當和衷商推悉心籌辦俾此賊速就殄滅至

東豫賊蹤疊據山東河南咨報已由豐碭竄擾夏邑金鄉鉅野鄆城單縣各地方但賊眾僅數千人善祿張亮基現已分投迎勦足資堵截如能挫其兇鋒自可無虞北犯儻賊仍猖獗臣勝保卽當選帶官兵馳往督勦

勦平粵匪方略卷八十三

十一

僧格林沁勝保又奏言接據善祿函稱行抵東昌探報賊陷鄆城於二月二十七日竄入張秋鎮距東昌不及百里賊眾約四五千善祿卽日帶兵迎擊等語伏思善祿遇賊接仗再得重兵隨後接應固可遏其兇鋒但阜城之賊大兵合力圍攻不久當可殄滅臣勝保若移師南向馬步官兵約需萬餘統計臣等所帶官兵除善祿管帶赴東暨派防各路外尙存三萬有餘僅敷圍剿今驟撤兵萬餘未免卽形單薄臣等再四

商酌與其分兵移紮使垂斃之寇死灰復燃不若合力剿除使南賊勢孤兇鋒易滅即使東省喫緊必應分兵馳往亦須俟善祿接仗後酌度情形以定行止現已派總兵桂齡帶西甯固原河州得力官兵一千名台祿帶吉林馬隊二百五十名馳往德州駐守爲善祿後路聲援如果賊勢甚張臣勝保卽督帶馬隊前進一日可至

欽定剿平粵匪方略卷八十三

十三

德州惟北路兵單不敷剿辦阜城以北並無賊蹤固安涿州防兵似可一律進駐河閒獻縣一帶俟臣勝保分兵南向卽令移至阜城由臣僧格林沁調遣奏入

命軍機大臣傳諭僧格林沁勝保曰逆匪竄入張秋鎮善祿卽日帶兵迎擊此時尙未遇賊接仗如果賊勢披猖勝保自應移兵進剿阜城迤北兵力尙形單

弱仍應添兵協剿惟固安等處防兵均係保衛京師亦難全數調往本日已諭令載齡派雙禧穆輅各帶兵一千名馳往獻縣一帶如勝保前赴德州卽將此項官兵調往大營以資攻剿南來賊衆約四五千前此善祿魁福共帶兵三千名該大臣等現又派總兵桂齡帶西甯固原河州官兵一千名台祿帶吉林馬隊二百五十名兵力似足敷剿辦儻必須勝保前

欽定剿平粵匪方略卷八十三

十三

往亦不過酌帶精兵數千何至撤兵萬餘目下情形總當迅將阜城逆匪全數殄除則南來之賊聞風膽落萬不可以賊匪堅守爲詞再延時日

上又命軍機大臣傳諭載齡曰據僧格林沁勝保奏請撥防兵進駐獻縣等語著載齡卽派雙禧穆輅將原帶防兵各一千名迅速管帶馳往河閒獻縣一帶聽候僧格林沁等調遣現在阜城之賊尙未殄滅徐州

渡黃逆匪已擾及山東境內直隸大名等處防堵均關緊要雙禧穆輅現令帶兵前赴河間近畿一帶尤當加意嚴防是否應須分撥布置之處即著載齡酌量情形妥速籌辦並飭各路帶兵大員嚴密防範毋得稍有疏虞

同日駱秉章會國藩奏言逆匪竄陷岳州後乘風直過洞庭湖於二月初六日竄入湘陰縣城

聖朝方略卷八十三

十四

該縣文武不知下落賊船已抵靖江喬口一帶

約數千號查靖江距省僅五十里所有省城守

禦事宜臣駱秉章會同臣鮑起豹妥為布置惟

靖江汊港紛歧水陸兩路可通河西之甯鄉而

至益陽湘潭等縣臣駱秉章當即札委知縣王

鑫統帶練勇一千六百名先由陸路馳往靖江

一帶截剿適臣會國藩亦已抵省飭派生員會

國葆及同知趙煥聯訓導儲致躬分帶陸路湘勇三營前赴喬口合擊臣駱秉章復添委知州朱孫詒等管帶練勇六百名勝勇百餘名前往策應王鑫先在杉木橋地方見有賊匪上岸據掠當即率勇迎剿擊斃賊匪奪獲船隻十三日戰於新港河岸賊匪抄尾殺至經帶勇之王文瑞抵任兩路鏖戰殺斃賊匪百數十名燒其大

聖朝方略卷八十三

十五

船十餘號復經帶勇之謝仁峻李若霞在於所

守隘口擒斬多名共計生擒殺斃及落水死者

約數百人我勇膽氣愈壯現在趕造浮橋整隊

前進會國葆在新康一帶擊斃長髮賊三十餘

名奪獲米船二隻馬匹多件儲致躬委赴靖江

聞賊分竄甯鄉當即商同趙煥聯前往援剿儲

致躬率勇由龍塘灣殺進西門又殺至北門轉

至南門共殺斃賊匪三百餘名落水者不計其數不料轉至南門該匪復於東城外突出二三百人儲致躬帶勇追殺身受十餘傷當卽陣亡賊匪亦敗竄下船連夜逃赴靖江全數下竄喬口等處臣等隨添委副將塔齊布管帶撫標兵丁及湘勇寶勇共一千二百名又委候補道胡林翼管帶黔勇六百名千總周鳳山等分帶練

勦平粵匪方略卷八十三

十六

勇各五百名均由陸路會同王鑫等馳赴喬口湘陰一帶極力攻勦並飭委千總楊載福生員彭玉麟分帶水師八百名配齊船礮順流跟追臣等仍隨時察看如須續添兵勇亦卽會商辦理武陵縣訓導儲致躬追賊陣亡顯懇

天恩從優賜卹署甯鄉縣知縣馬丕慶岳州城守營參將烏拉理未能堵禦請

旨革職審辦臣駱秉章與提臣鮑起豹均有地方之責

未能先事防範應一併交部議處奏入

上諭內閣曰賊船竄入湘陰縣城並靖江喬口一帶經駱秉章等派令知縣王鑫等帶勇截剿王鑫在杉木橋地方會國葆在新康一帶均能迎擊疊獲勝仗著卽督飭文武員弁跟蹤進剿儲致躬帶勇殺賊身受多傷陣亡實堪憫惻著交部從優議卹岳州城守營

勦平粵匪方略卷八十三

十七

參將烏拉理於賊匪竄擾岳州時不能進剿失陷城池署甯鄉縣知縣馬丕慶不能極力堵禦均著革職學問如訊有畏葸逃避情弊卽著從重治罪駱秉章鮑起豹未能先事豫防均著交部議處其失守地方文武下落著卽查明具奏

駱秉章又奏言伏查該逆先踞黃州時下通皖省實爲心腹大患臣將滇兵楚勇併令馳往皖

省救援嗣聞該逆已由黃州上竄漢陽等處正擬派撥兵勇前往援剿詎因連日北風該逆遂即乘舟上駛竄陷岳州現在南省兵丁及調到鎮守營弁兵僅及四千有零若於各營中酌量抽撥雜湊成軍派員統帶則兵不知將將不知兵平日既不相習臨時難期應手是以歷次剿辦土匪及此次派出追剿者俱係臣與曾國藩

聖學方略卷八十三

十六

召募自練之壯勇較為得力且該逆現已竄至湖南鄂省情形較緩擬俟南省剿辦事竣臣即派撥兵勇馳往鄂省跟蹤追擊奏入

上諭曰楚南之賊明係分竄曾國藩礮船原為肅清江面第此時道路不通暫可留在湖南剿辦亦不能專待事竣緩緩北上俟楚南辦有頭緒仍應速赴湖北為是曾國藩素明大義諒不敢專顧桑梓置全局於

不問比重於南皖鄂重於楚南此不易之局也

初三日壬寅綏遠城將軍善祿奏言臣於二月二

十七日馳抵東昌知鉅野鄆城俱已失守賊眾

三四千被脅難民無數業經占踞張秋鎮距東

昌府城八十里恐其即撲府城亟需兵力彈壓

張秋為三岔總路東北為在平正北為東昌西

北為冠縣館陶等處偏近直隸大名而東昌水

聖學方略卷八十三

十九

陸交衝尤為賊所窺伺張秋鎮橫跨運河中有橋梁若從東岸進剿賊必由西北竄若從西岸進剿賊必由東北竄若兩岸分剿又恐其直撲東昌勢難兼顧因此暫在東昌南關外紮營探得賊匪三路出哨二十九日賊匪馬步隊數千竄撲東昌行不數里折回西去隨又探得賊匪已入陽穀縣城聲言仍撲東昌恐其聲東擊西

意將繞西而北若但取道進擊又恐其仍舊回
撲臣祇得多發偵探嚴兵以待臨清大名各路
在在空虛業已咨明勝保迅為籌備東昌一帶
曠野平原無險可扼臣惟有擇要堵截相機迎
勦遏其北竄之路奏入

上命軍機大臣傳諭善祿張亮基曰賊眾占踞張秋鎮
又竄入陽穀縣城此股逆匪意在救援阜城善祿現

聖學聖方略卷八十三

三

既與賊相遇著卽趕緊督兵進剿並知會張亮基星
速前進為兩路夾攻之舉若攻勦稍遲該逆非負嵎
死守卽乘間紛竄勦辦更難得手昨據僧格林沁勝
保等奏已派總兵桂齡等帶兵馳赴德州本日復諭
令該大臣等酌量派兵策應著善祿卽催提此次續
派官兵遏賊竄路務當以勦為防萬勿遷延貽誤張
亮基所帶之勇改赴東平計日已早到營該逆利在

狂奔臨清大名各路均關緊要此股逆匪卽責成善
祿張亮基合力進攻倘有疏虞致令乘隙竄擾朕惟
善祿張亮基是問

上又命軍機大臣傳諭僧格林沁勝保曰逆匪勢甚劇
疾意在接應阜城之賊必須乘賊蹤未定一鼓殲除
毋令勾結為患著僧格林沁勝保卽酌量添派精兵
馳赴善祿軍營無稍遲誤其直隸大名一帶仍嚴飭

聖學聖方略卷八十三

三

張殿元實力巡防妥為布置該大臣等務當統籌全
局權衡輕重斷不准任令匪蹤闖入直境更滋蔓延
初五日甲辰勝保奏言連接善祿來函賊陷陽穀
已竄過莘縣仍圖北來援救各處所報賊數或
云萬餘或云數萬賊情詭譎其是否應援阜城
之賊抑或繞道由他路北犯均未可定善祿等
馬步各隊僅三千餘名實覺眾寡不敵卽使力

能堵截賊或折而旁竄仍可關入直境與阜城之賊聲息相通如僅派兵爲善祿後路聲援恐緩急仍不足恃再四思維不得不於萬難分身之時爲南北兼顧之策卽於三月初三日選帶馬步官兵起程至劉智廟確探賊蹤如賊由莘縣直撲臨清臣由故城武城前進迎頭截殺如西竄大名臣由邱縣清河一帶橫截總期抑其

聖朝方略卷八十三

三

兇鋒遏其北竄大名府爲畿輔門戶賊如由莘縣西竄相距甚近張殿元帶兵由武邑改赴大名此時計可趕到大名存城兵勇尙有二千餘名合之張殿元之兵共有五千餘名臣復撥河南練勇數百名前往協防該勇等半係籍隸大名皆有保衛身家之念較他勇爲得力至臣帶往官兵馬步六千餘名其餘各營馬步隊尙有

一萬數千名統留歸僧格林沁以資攻勦阜城垂斃之賊數不盈萬臣雖分兵前去而所留之兵其數尙倍於賊惟東省逆氛正熾如果衆至數萬亡命赴援自必倍形兇悍臣與善祿先後帶兵萬人勦而兼堵旣須遏南賊之北來並宜截北賊之南竄俟探確賊蹤將迎勦情形再行馳奏

聖朝方略卷八十三

三

勝保又奏言頃據茌平縣高唐州稟報賊已攻陷冠縣三月初一日竄至清河縣屬之小灘地方屯聚又由館陶縣屬之清水莊竄至李官莊距臨清州祇二十五里善祿現抵何處亦未知曾否與賊接仗是否賊匪分股旁竄善祿爲所牽掣抑係中途延緩致落賊後容俟查明再當具奏查臨清州現在十分喫緊幸已豫派藩司

崇恩帶兵馳往或可藉資守禦總兵桂齡已令其由德州先赴故城迎擊臣卽督帶官兵馳赴故城探明賊蹤相機策應

同日張之萬奏言查安徽之賊竟在碭山一帶渡河防河諸臣漫無抵禦任其偷渡臣思機失於事先患宜防於事後此時黃河上流各渡無甚喫重而碭山一帶河口尤關緊要賊旣渡河

欽定剿平粵匪方略卷八十三

三

擾及山東必與安徽盤踞之賊暗通消息奸細之來往時時有之且賊在山東如大兵攻勦得力則安徽之賊必思前來接應更宜防其續行偷渡現時賊勢尙孤猶易勦辦若不將碭山一帶趕緊設法扼要嚴防誠恐與安徽之賊任意往來連爲一氣應請

飭令安徽帶兵大臣分派精銳兵勇時時巡查斷其往

來之路破其聯絡之謀庶於軍務稍有裨益

同日鄭敦謹奏言伏查逆匪攻陷永夏後卽由豐工漫口偷渡北竄河南歸陳一帶並無另股逆匪接據各路探報該逆渡黃後由曹單直撲金鄉濟甯一帶並據擊獲脅從逃出之人供稱意在救援北路殘賊茲蒙

聖主籌畫萬全已

欽定剿平粵匪方略卷八十三

三

飭勝保帶兵迎勦山東撫臣亦帶兵南下東北兩面兜勦自可迅速蕩平計賊敗後北竄無隙可乘南竄又隔黃河東則有山東撫臣之兵迎擊未必敢再深入而山東曹郡正當西衝萬一徑由曹郡西竄則直隸之開州東明河南之考城滑濬難免蔓延滋擾查現在黃河之南歸德情形較前已鬆曹郡爲豫省東北門戶必須先有大兵

前往迎擊遇其西竄則河北三郡可以不防爲
防合無仰懇

聖恩迅飭陝西提臣桂明帶兵由黃河北岸徑趨曹州

一帶迎擊既可遏其西竄又可與勝保張亮基

三面合攻庶免以有用之兵置之無用之地均

奏入

上命軍機大臣傳諭僧格林沁勝保曰賊由陽穀竄過

聖恩方略卷八十三

三

莘縣攻陷冠縣竄至清河縣屬之小灘地方屯聚

並由館陶清水莊竄至距臨清二十五里之李官莊

勝保帶兵星速前進所見尙是崇恩防守臨清未悉

兵力如何著勝保於馳抵故城後迅卽迎至清河盡

力截剿仍飛飭善祿趕緊設法繞赴館陶冠縣西北

各路面面兜圍俾不得瀕入大名界內與威縣等處

並隨時與僧格林沁知會如須添調馬隊卽由該大

臣咨商妥辦此股賊匪自皖豫北來衆至數萬亡命

赴援若不迅將阜城賊匪掃除萬一突圍而出與南

賊合併勢更不可收拾僧格林沁督兵一萬數千名

足資圍剿著卽迅圖攻克不得再事遷延衡水棗強

各處尙有勝保大軍在南如阜城附近各村賊匪南

竄尙可回兵夾擊其阜城東北各路如何設防該大

臣有無把握雙禧穆輅所帶官兵二千名會否趕到

聖恩方略卷八十三

三

派撥何處防守均著迅速馳奏並著該大臣等隨時

飛咨桂良載齡一體嚴防

上又命軍機大臣傳諭桂良張亮基曰前諭各省大吏

嚴飭地方官實力舉行團練如果認真辦理著有成

效何至逆賊經過地方如入無人之境若直隸省之

天津饒陽武清等縣練勇甚爲整齊卽山東單縣嘉

祥兩縣民勇亦甚得力賊蹤均無由踰入是卽認真

團練之明驗現在阜城餘賊尙未殲滅淨盡而南來之匪復竄及鉅野鄆城陽穀各縣著桂良張亮基仍遵前旨嚴飭所屬凡未經被賊各府州縣一體勸諭紳民辦理聯莊既可協助兵力卽以自衛身家儘有不肖官吏陽奉陰違均著隨時從嚴叅辦張亮基向東平一路迎勦並未與賊相遇若再不迅速探明賊蹤與善祿分投夾攻任令逆匪北竄必將該撫從重

欽定剿平粵匪方略卷八十三

三

治罪

上又命軍機大臣傳諭桂明日逆匪全竄山東連陷金鄉鉅野鄆城陽穀等處情形較歸德尤爲喫緊據鄭敦謹奏請飭桂明速由黃河北岸徑趨曹州一帶迎擊自係先其所急惟逆匪已由莘縣竄入直隸清河縣境鄭敦謹所請意在保山東以固河南就軍情緩急而論惟有徑赴直隸方能迎頭邀擊若專注曹州

已落後著桂明卽統所帶官兵無論何處渡口星夜渡河而北沿途遇賊卽行截擊若能開道出奇繞赴大名以北更可得手斷不准故意紆折致誤事機

上又命軍機大臣傳諭楊以增百勝王夢齡曰賊已攻陷冠縣並踞館陶縣所屬之地距臨清甚近北路情形緊急儘再有南來逆匪陸續渡黃與東省之賊應勦辦愈難得手楊以增旣專轄黃河百勝等又防

欽定剿平粵匪方略卷八十三

三

堵徐州業已疏忽於前漫無抵禦若再任該逆偷渡罪更難追據張之萬奏黃河上流各渡惟碭山一帶河口最關緊要著楊以增等趕緊設法籌防派精銳弁兵嚴緝奸宄斷其往來之路並著百勝等卽就現帶兵勇實力防勦儘仍不知奮勉使逆匪續有偷渡必將該河督等從重治罪

同日台湧奏言伏查賊匪盤踞漢陽其分股竄

擾德安一帶窺伺北路者多則二三千少亦四五百人可見漢陽賊數正復不少荆州襄陽各路尙無賊蹤惟湖南岳州失守賊竄湘陰前調湖南官兵一二千名尙未起程即可留於該省派撥布置曾國藩統有全軍一萬七千餘人既抵湘潭自當分水陸兩路由上壓下迎頭截剿所可慮者岳州之城陵磯對岸即荆河腦地方

勦平粵匪方略卷八十三

三十一

實爲荆州要口賊由此路竄荆甚近不可不防武昌弁兵布置省垣似尙敷用江西派兵來援如能及早趕到則聲勢一振而由德安三路進剿之兵即可會合夾攻漢陽不難克復江北逐處搜剿分股竄匪所以遏其北竄即所以破其牽掣之計使分竄者翦盡便可三路進兵直搗賊巢德郡爲南北咽喉重地與荆襄同關緊要

目下附近一帶賊衆未淨未可驟然移兵遠出前次催調四川松潘建昌兩鎮赴漢應援之官兵二千名均必道出荆州臣即截留在荆以便撥由荆河出口與湖南會剿南北兩省以荆州一帶爲適中之地江北無大員督兵進剿一時不能分身臣以總督兼署提督照料難周河南南陽鎮總兵柏山帶兵出關助剿若以該總兵

勦平粵匪方略卷八十三

三十一

就近署理湖北提督則豫楚聯絡一氣呼應更靈而由此分路進剿之官兵得有大員督飭臣即可分身馳赴荆襄審度南北機宜居中調度魁玉既已帶兵由武昌上援應即令其在荆聽候派撥佈克慎現在帶兵由黃郡一帶進剿未便令其遽往湖南以致東路鬆勁奏入

上命軍機大臣傳諭台湧曰楚北逆匪全股盤踞漢陽



其分竄德安一帶之賊前經台湧撥兵截剿業將黃
陂縣城攻克必須乘勝進攻將雲夢應城孝感等處
餘匪次第殲除方能全軍南注爲肅清漢陽之計武
昌存城兵勇足敷布置若將北路得力之兵撤調赴
省則江北更屬空虛疊據青麀奏報惟以孤守無援
爲詞別無籌辦之策殊不足恃著台湧體察機宜隨
時與該撫互爲知照以期聲勢聯絡所謂江西水陸

欽定剿平粵匪方略卷八十三

三

各軍並著飛提駛赴上游會合迎剿儘能先將江面
疏通則漢陽與武昌南北無阻剿辦庶易得力該督
又稱岳州對岸之荆河腦地方爲荊州要口若竄岳
之賊被剿窮蹙恐由此路旁趨至荆所慮亦不爲無
見仍著台湧兼籌扼截之策於四川松潘建昌兩鎮
官兵提到後卽嚴飭各該員弁將此項兵丁駐紮荆
州以扼賊匪上竄之路仍須探明岳州賊情如須出

境迎擊卽剋期統帶前往與湖南會剿勿以有庸
兵置之無用之地本日已諭令佈克慎署理湖北提
督該員現在黃陂一帶進剿著卽毋庸前赴湖南台
湧身任兼圻一切剿辦機宜惟當妥籌大局迅掃妖
氛以副委任

上諭內閣曰台湧已補授湖廣總督其所署湖北提督
著佈克慎署理該員前由貴州提督獲咎革職因在

欽定剿平粵匪方略卷八十三

三

黃陂剿賊尙知奮勉是以飭令署理提督仍著台湧
督飭該員迅速帶兵剿辦賊匪以贖前愆

欽定勦平粵匪方略卷八十四 甲寅年

三月初六日乙巳僧格林沁奏言臣連日督飭官

兵極力進攻該逆死守不出三月初二日豫派

馬步各隊官兵於夜半暗伏賊巢左近使前次

投出之甯宗揚等七名分向塔兒頭紅葉屯賊

巢聲喊引誘該逆由紅葉屯撲出三四百名由

東南關撲出二百餘名我兵俟其離巢較遠奮

勦平粵匪方略卷八十四

一

勇壓下該逆力不能支狂奔敗退殄斃紅葉屯

賊匪二百餘名其東關撲出賊匪經侍郎慶祺

督帶兵勇殄斃多名餘匪退入賊巢正在設法

籌辦接據各路探報賊匪連陷金鄉陽穀等縣

逆燄甚熾勝保酌帶馬步官兵七千餘名起程

前進連善祿等所帶官兵合計一萬一千餘名

兼之山東本省官兵練勇足資堵剿臣原統京

旗及蒙古官兵七千餘名勝保酌留馬步官兵

一萬四千餘名侍郎慶祺統帶官兵二千餘名

共合二萬三千餘名勝保移營後臣正慮阜城

東北空虛雖商令德勒克色楞移營東北仍恐

兵單難恃適前任江甯將軍托明阿到營當將

直隸官兵一千餘名令托明阿統帶亦在東北

長濠之外駐紮與德勒克色楞互相聯絡現在

勦平粵匪方略卷八十四

二

兵分勢單臣惟有激勵將士迅掃妖氛

同日張亮基奏言據探賊由鄆城北竄占踞張

秋鎮臣催督練勇正由山路前進一聞此報立

卽改赴湖路疾趨於三月初一日馳抵東平州

距張秋僅八十餘里又探賊由張秋攻陷陽穀

竄過莘縣直撲朝城西北顯因大兵將到聞風

而遁若不由朝城旁趨直隸必由冠縣堂邑北

擾臨清臣甫抵東平賊又改竄而所帶步卒每日疾行百數十里急難繞出賊前查東省自逆匪闖入後各屬土匪蠡起又聞黃河以南逆匪尙衆無兵防守紛紛續渡臣以一人兼顧實屬不及查臬司厲恩官業已帶兵回兗現將勦辦土匪事宜專委該司督屬嚴辦至臣所帶練勇僅二千餘人若以全軍盡躡賊蹤徒成尾追之

欽定剿平粵匪方略卷八十四

三



三

勢東平拏獲奸細供稱該匪有由臨清竄赴故城接濟北賊之語因將所帶練勇分撥一半派委遊擊玉山等分隊管帶馳詣朝城會同善祿兜勦其餘練勇親自統領迅由間道馳往臨清以待迎頭截擊如此兩面兜截中間又有善祿在堂邑橫衝勦辦必可得手若防河一事前派濟甯州黃良楷專司其事而金鄉鉅野魚臺等

處難於顧及同知高振洛曾任單縣頗得民心且熟悉情形茲委該員趕募精壯民勇千餘名在豐單交界處所實力巡防以杜南匪續竄惟豐工南北兩岸均隸江南該處無兵扼守相應請

旨飭下江南督臣南河河臣徐州鎮道迅撥重兵駐守豐工以防逆匪續渡

欽定剿平粵匪方略卷八十四

四



四

張亮基又奏言頃接駐紮揚州之安勇等稟稱該員統帶兗曹等營官兵一千名現在三汊河駐紮該處情形較緩近時未派出隊查東省現在處處需兵此項官兵在揚旣無須常川出隊自當移緩就急應請

飭下琦善即將該起官兵飭令安勇等管帶回東實於防勦有裨均奏入

上命軍機大臣傳諭僧格林沁勝保曰此次僧格林沁誘賊離巢殄斃賊匪二百餘名仍不過小有斬獲未能迅克賊巢勝保移營後阜城東北令德勒克色楞托明阿帶兵駐紮自應如此布置設該逆繞道北犯德勒克色楞西凌阿托明阿皆係幫辦大員儘可酌派一員督帶馬隊前往截擊若僧格林沁自行帶兵前往竟將阜城圍困之賊交德勒克色楞等剿辦該

聖學方略卷八十四

五

幫辦等無所統屬事權不能歸一儘該逆乘虛竄出與南來之賊互相勾結或仍由東北回竄交河等處豈非該大臣貽誤此時逆匪竄擾清河勝保由故城進剿必應力遏賊衝尤當設法兜截勿令逆匪繞越朕思遠防不如近剿該逆知我兵由故城進攻或折而西竄則棗強南宮冀州等處在在堪虞著僧格林沁即將雙禧等所帶官兵酌撥於保定池南扼要地

方以剿爲防毋庸折回涿州阜城逆匪不過數千僧格林沁尙有兵二萬三千餘名勝保亦帶兵萬餘兵力不爲不厚若以兵分力單爲詞再事遷延是該大臣等一誤再誤不能倖邀寬典也

上又命軍機大臣傳諭張亮基曰本日據奏報各情於賊竄清河並未提及豈該逆已由東入直該撫竟茫無聞見耶此股竄匪渡黃後連陷金鄉等處意圖北

聖學方略卷八十四

六

竄自到山東所過州縣毫無阻滯如入無人之境張亮基統轄全省已屬罪有應得刻下勝保已帶兵由故城迎頭截擊遏賊北竄張亮基若不趕緊督帶練勇設法進擊爲兩路夾攻之計豈以賊匪竄出東境遂可卸責誘罪耶至各屬土匪卽飭臬司厲恩官痛加勦洗毋令與逆匪勾結並飭同知高振洛於豐單交界處所嚴防河口勿任南匪續竄

上又命軍機大臣傳諭琦善曰賊匪竄擾臨清一帶直東交界處所情形喫緊現在北路防剿重於南路不能不先其所急著琦善卽飭參將安勇遊擊毛三元將所帶官兵迅卽管帶回東以資防剿該大臣務當統籌南北大局力遏瓜州等處逆匪北竄是爲至要

欽定剿平粵匪方略卷八十四

七

上又命軍機大臣傳諭楊以增百勝王夢齡曰現在偷渡逆匪竄擾山東陽穀等縣距臨清甚近爲數亦復不少若再有逆匪續行偷渡恐勾結愈多更難剿辦著楊以增等迅就現有兵勇於豐工兩岸各要隘嚴密堵禦遏賊續竄前派秦定三赴徐會剿並吉連劉玉豹所帶各兵是否趕到並著星速迎提以資防守該督等屢誤事機罪無可逭若再有疏虞國法具在朕斷不能曲宥也

上又命軍機大臣傳諭桂明日昨因賊匪由莘縣竄入

直隸清河諭令桂明統帶官兵星夜渡河而北諒已渡河由北岸行走著卽督率官兵迅速前赴直隸境內沿途偵探賊蹤何路緊急設法追截若能出其不意中途邀擊剿辦更爲得手萬不可稍有遲延

初七日丙午善祿奏言臣探明賊匪由陽穀竄入

莘縣向西南張秋鎮而奔三月初一日卽取道堂邑往臨清扼截初二日行抵臨清東南焦莊

欽定剿平粵匪方略卷八十四

八

地方賊匪由冠縣撲臨清城藩司崇恩已到賊至城南黎官莊見有官兵不敢前進臣卽在焦莊紮營遏其回竄堂邑東昌之路查黎官莊距焦莊七八里夜間賊匪號火由黎官莊直達清莊池南往來不斷五更後臣令魁福帶馬隊往臨清池南堵其北竄臣同綿洵帶馬步隊從黎官莊正南清莊進攻賊匪列隊出迎約數千名

我兵奮勇撲出相持兩時被我兵槍礮轟斃無數黎官莊迤北之賊見前隊已敗直奔隔口賊福在北堵截維時臣擊敗之賊飛奔隔口人數衆多盪聚河岸該逆豫先紮就木筏車載門板運至河干鋪浮水面擁擠渡河落水淹斃者不少適臣大隊繼至賊復整隊拒敵又經擊斃多名共殲斃賊匪約七八百名未渡河之賊奔回臨清關外民房屯聚賊匪初遇大兵受茲懲創頗足喪膽惟未能堵截賊匪北竄相應請

聖學聖方略卷八十四

九

旨將臣從重治罪

同日崇恩奏言臣前奉勝保札帶山東官兵赴鄭家口防堵節次探賊竄入東境攻陷金鄉鉅野鄆城陽穀等縣臨清州勢甚危急該州爲水陸咽喉有關南北大局斷無不救之理並奉撫

臣張亮基札飭帶兵赴臨於三月初二日馳抵臨清賊已占踞城南二十五里之黎官莊臣所帶之兵現存九百餘名卽在城外南關紮營嚴密防範初三日卯刻賊隊大至分東西兩股每股二千餘人繞撲城北當派參將吉興等分路迎勦賊勢少卻而後隊續至因派副將慶順知州張積功等守城臣同遊擊王用安等帶兵出城接應酣戰三時斃賊數百名該逆恃衆不退其大隊復在南關施放槍礮擊我兵勢臣復登陣堵禦嬰城固守槍礮疊施賊匪屢攻屢退未能登城而城外將弁兵丁無不一以當百奮勇直前賊始退入村莊因卽收隊入城仍分布四門梭巡防賊夜攻所有此次打仗守城出力文武員弁可否由臣酌量保奏以勵士氣均奏入

聖學聖方略卷八十四

十

上命軍機大臣傳諭善祿曰賊匪屯聚黎官莊該將軍行抵臨清初次與賊接仗雖殲斃賊匪約七八百名而該逆已渡河北竄善祿自應迅速渡河追剿與勝保大兵合力夾擊爲一鼓蕩平之計斷不准藉口兵馬疲乏遷延貽誤善祿等不能遏賊北竄已屬罪有應得若再有疏虞不知奮勉國法具在豈能倖邀寬典耶著卽督同桂齡迅將渡河逆匪合力殲除俟此

欽定剿平粵匪方略卷八十四

十一

股渡河竄匪剿滅淨盡卽著馳赴臨清以南與張亮基等肅清東境勿令蔓延

上又命軍機大臣傳諭張亮基崇恩曰賊匪在黎官莊被官兵擊敗後隊賊匪直奔牖口紮筏渡河未渡河之賊奔回臨清關外民房屯聚顯係牽掣我兵分股渡河援應阜城之賊張亮基日內可到東昌著卽迅赴臨清嚴督兵勇奮力攻勦務當乘其喘息未定與

崇恩守城之兵內外夾攻悉數殲除斷不可閉門株守此股未經渡河賊匪卽責成張亮基崇恩實力勦辦儻令該匪續由臨清渡河北來朕惟該撫等是問上諭內閣曰據崇恩奏逆匪直撲臨清州該藩司派吉興等分路迎擊復派慶順等出城接應斃賊數百名該逆復在南關占踞又經善祿等帶兵進攻斃賊七八百名此次逆匪竄擾臨清崇恩督率將士等奮力

欽定剿平粵匪方略卷八十四

十二

擊退所有出力官兵紳勇著崇恩酌量保奏善祿等督兵進剿疊獲勝仗惟逆匪分股偷渡運河該將軍等未能竭力堵禦實屬罪有應得善祿魁福均著革職留任

同日和春福濟奏言據探逆匪由豐工下游之包家樓平水處所紮筏北竄袁甲三等追剿不及現在黃家口包家樓一帶尙有土匪盤踞袁

甲三百勝等所帶兵勇足資勦辦卽或土匪衆多亦有臨淮壽州兩處官兵可以酌量調遣臣等復加籌商似無須再行撥兵况秦定三由江南來廬並未帶兵此時既不撥兵赴徐秦定三自亦無庸前往惟廬城西路兵力過弱臣和春前請

聖學方略卷八十四

十三

飭令向榮將秦定三原帶之貴州鎮遠等營官兵趕緊派撥一千名前來一俟到廬卽令秦定三帶赴西路統領督勦較爲得力奏入

上命軍機大臣傳諭和春福濟曰此股賊匪冒死深入原爲接濟阜城而來若和春等早能先事豫籌斷賊來路何至肆其狂奔分我兵力此時秦定三旣無庸前往徐州則廬州西北等處亟應密籌布置不但圍攻廬城尤當力杜南來匪徒續行北竄此時若專待

向榮撥到貴州官兵再令秦定三帶往已誤事機著和春福濟卽酌撥官兵交秦定三帶赴西北一帶扼要截勦或將撥歸袁甲三調遣之臨淮壽州各路防堵官兵移交秦定三調遣欲固徐州之藩籬必嚴杜皖省之竄匪和春福濟業經疏防於前若但知圍一廬州而不顧賊匪由穎亳各處闖入徐界貽誤之罪復將誰諉廬州逆賊雖被攻勦窮蹙尙未克復城池

聖學方略卷八十四

十四

和春等所統兵勇不爲不厚豈容藉口於城大兵單遷延時日著卽乘勝克復毋再延緩
同日勝保奏言臣自阜城督兵起程初四日抵鄭家口接據崇恩稟稱賊占踞黎官莊距州城二十五里擊賊獲勝惟臣派善祿帶兵前往原爲杜賊北竄並非專令其捍衛東昌東路乃至今未聞與賊接仗賊踞黎官莊善祿旣在焦莊

紮營相距不遠何以初三日賊匪撲城崇恩接
仗善祿又未聞前往策應殊不可解臨清南關
現已文報不通張亮基初三日自東平州來文
內稱據探賊由莘縣竄至冠縣與直隸元城接
壤有往元城西竄之信自係探報未確查張亮
基初三日甫抵東平卽便探明賊蹤往剿已覺
緩不濟急臣思臨清固萬分危急必應趕緊赴

勦平粵匪方略卷八十四

十五

援但查鄭家口東爲德州前路西通清河縣實
爲扼要之區臣若竟舍鄭家口而赴臨清賊儻
舍臨清而繞趨北路中間無兵扼守賊仍可北
竄與阜城之賊勾結其患更深此次臣奉

命南來暫棄垂成之功爲籌全局之計重在遏賊北竄
不令勾結阜城逆匪今善祿張亮基兩路之兵
均未迎頭截殺臣若遽移兵往救萬一臣兵到

而賊已繞道北竄臣亦與善祿等同一落後此
時南北通籌臣暫行紮駐鄭家口派總兵桂齡
帶馬步官兵二千數百名馳赴臨清合力攻剿
一面飛咨張亮基迅速赴援保全東路善祿設
法繞道進兵合剿賊雖兇悍飄忽但勢同烏合
且聞槍礮不多桂齡到臨清後如能會合善祿
等併力夾擊賊鋒大挫殄滅無難臣卽可由鄭

勦平粵匪方略卷八十四

十六

家口折回阜城仍與僧格林沁合辦阜城之賊
如因衆寡不敵不能不痛加勦洗臣卽親帶官
兵馳往督勦奏入

上諭曰汝臨事酌度緩急料能胸有成竹儻桂齡前路
得手或能殲擒衆多汝在後路正可杜其豕突豈有
置而不問轉回阜城之理必致兩處貽誤咎將誰執
著隨時相機前進軍威一振逆魄應褫斷難專在鄭

家口待其竄至勾合然必須嚴防繞越亦不可疏忽

同日張亮基奏言查崇恩行抵臨清適賊圍撲

州城該司督兵開仗小挫賊鋒臣初慮賊蹤紛

竄心急如焚旋探賊已停留並搭造木城東西

南三面皆為所踞東關之賊尤多臣即於東關

外紮營誓將滅此朝食緣步卒連日趨程不無

疲乏現在趕緊擇地安營即行嚴陣出隊臣偵

聖學聖方略卷八十四

十七

探賊勢雖眾其中長毛真賊不過三分之一餘

皆裹脅土匪臣所帶練勇人雖不多磨厲以須

似尚可用現聞將軍善祿在該州南門外安營

臣當晤商一切奏入

上諭曰該逆分股過河仍復占踞臨清意圖牽掣我兵

逞其逆跡昨有旨催善祿往北緊追今觀汝奏欲與

伊會商朕恐汝留下善祿或善祿亦藉詞不進則斷

不可汝所帶練勇既可自信足敷剿辦李湘棻能否

得力著隨便奏聞斷不准因係本省大紳稍有回護

賊情變幻靡常此數日又不知若何情形若臨清勢

緩汝仍應迅往北來夾擊為是不可託故觀望

同日前漕運總督李湘棻奏言臣統帶兵勇往

援徐州茲據探賊匪已陸續紮筏渡河北竄臣

聞信之餘萬分焦灼因思此股賊匪意在救援

聖學聖方略卷八十四

十八

北困之賊山東重兵全在北路南路實形空虛

與其由徐州尾追不及莫若徑趨濟兗一帶抄

出賊前迎頭勦擊臣共帶兵勇一千二百餘名

雖兵力稍單而當萬分喫緊之際自當力籌堵

剿現在分起前進激勵將士誓掃賊氛冀稍分

聖主南顧之憂奏入

上諭曰汝以革任大員猶單銜奏事並未有與賊接仗

迫不可緩之勢殊屬妄爲李湘柔著降爲三品頂戴
伊若奮勉出力朕必格外加恩若遇賊接仗大獲全
勝方准專摺具奏

初八日丁未載齡奏言臣體察現在形勢南來賊

匪既竄至清河縣屬之小灘地方係在保定府
迤南而阜城之賊又未殲除訊據獲賊供稱賊
匪因東邊有水北邊有兵欲圖西竄等語是涿

聖朝方略卷八十四

十九

州最爲近畿要隘臣擬將原帶官兵一千名擇
精壯者數百帶赴涿州駐紮至固安縣現在河
水漫溢似覺不甚喫重惟逆匪狡獪恐我兵全
赴西路卽乘虛竄入固安應請

旨飭下侍郎文瑞卽赴固安管帶阿彥達所留官兵駐
紮防堵方爲周密臣俟文瑞到固安後卽行帶
兵起程奏入

上命軍機大臣傳諭載齡曰涿州雖有烏爾棍泰帶兵
在彼駐紮深恐未能得力載齡自應親赴該處以資
防守該侍郎俟文瑞到營迅卽移營涿州未起程以
前所有涿州等處防堵事宜仍著載齡隨時妥籌嚴
密布置並飭烏爾棍泰認真防範毋得稍涉大意

上諭內閣曰刑部侍郎文瑞著俟病痊銷假後卽行馳
赴載齡軍營

聖朝方略卷八十四

二十

同日百勝王夢齡奏言據探逃回永城逆匪約
有二千餘人意欲仍歸六安於二月二十七日
行抵潁州東南之迴溜集該處有沙河一道被
團練兵勇在南岸截擊不得過渡經袁甲三帶
兵馳往可期南北夾攻等情查此次逆匪由六
安竄出自正陽關潁上蒙城永城夏邑直抵徐
境沿途並無堵禦臣等屢獲奸細供稱逆匪自

六安起程係分三起行走迨抵徐後陸續踵至併爲一起現在欲杜續竄之賊必須在六安正北之霍邱縣又東北之正陽關派撥重兵扼堵庶該逆無路可越應請

飭派大員迅速帶兵前赴霍邱縣及正陽關扼要防守嚴遏來路實於大局有神

同日袁甲三奏言臣前因北竄逆匪追剿不及

勦平匪方略卷八十四

三十一

奏明折回南路行抵睢溪口據探渡河餘匪另有一股自碭山境內之定國寺竄出經該縣督同團練殲斃數百人餘匪約有二千仍向永城一路竄去旋探該逆已至永城之丁陳集該處西通歸德之路有徐廣縉布置堵禦諒亦不敢窺伺若向西南而去距河南之鹿邑安徽之亳州太和均在二百里內外查由永城至潁州府

數百里平原無險可扼惟有府城外沙河一道尙可據以爲險當卽飛飭潁州府並飛諭該處團練於沿河兩岸嚴密防禦但能攔住一二日臣卽可以趕到旋探該逆於二月二十七日分爲兩股一撲迴溜集一撲劉伶口乘北岸兵勇不及兼顧搶船搭橋兩股合一卽時擁渡盤踞南岸二十九日全數下竄我兵趕追三十餘里

勦平匪方略卷八十四

三十二

該逆豫有奸細自下游備船接濟揚帆直下已抵正陽關一過正陽卽係六安本爲該逆占踞萬難追剿臣所派兵勇回至大營現飭派駐壽州之參將劉玉豹及該州金光飭極力防禦以現在情形而論非調精兵三四千督以重臣恐南北之關鍵已失卽令廬城克復其患仍無底止應請

速派大員帶兵移紮或

飭令和春福濟等迅速布置臣拜摺後即馳赴王市集就近查看情形如可留兵勦辦臣即折回宿州均奏入

上命軍機大臣傳諭百勝王夢齡曰逆匪竄入徐境該紳士等挑選民勇竭力扼防並隨同官兵堵禦追勦俾蕭碭縣城得以保衛尙屬奮勉著百勝王夢齡擇

欽定剿平粵匪方略卷八十四

三

其尤爲出力者酌請獎敘至該地方文武員弁本有守禦之責乃任賊偷渡黃河不能堵截已屬罪有應得惟念守禦縣城尙無疏虞姑免置議著百勝等督率兵勇紳民將南來逆匪實力防勦毋令續有偷渡上又命軍機大臣傳諭袁甲三曰據百勝等奏永城賊匪在潁州迴溜集地方被民勇截擊不能竄回六安並有經袁甲三帶兵馳往之語現在廬州迤北逆匪

土匪充斥紛擾秦定三在西北一帶堵截未能專顧徐州百勝等又不能離城遠出該處帶兵大員僅止袁甲三一人袁甲三所帶兵勇爲數不少豈可株守宿州不爲進剿之計正陽關一帶雖有劉玉豹撥兵駐守其六安迤北之霍邱縣亦爲南賊北竄要路和春等但知圍一廬州固難辭咎然北路不能兼顧亦係實情袁甲三若仍專駐宿州則潁亳歸陳一帶將

欽定剿平粵匪方略卷八十四

三

聽匪黨橫行置之不問耶著即督現帶兵勇趕緊勦辦務將廬州北路賊匪悉數掃除並嚴杜逆賊自六安一帶續來之路與河南防勦兵勇合力兜截壽州臨淮兩處防兵應如何移緩就急以勦爲防之處著和春福濟妥籌酌撥

同日善祿崇恩奏言逆匪圍攻臨清州城自初次接仗後即將南門外街巷民房全行占踞書

夜對城轟擊東西兩面亦復如是到處豎立雲梯捨死攀上經守城員弁兵丁轟擊斃賊無算該逆於南門甕城下暗設地雷初五日卯刻轟陷月城及外城樓一座乘隙吶喊搶登兩旁兵丁奮力攻殺殲斃賊匪數百名隨將轟塌月城趕用木柵堆土攔護適 臣善祿統兵繞至北城與 臣崇恩趕緊設法協同會剿並聞勝保張亮基均各分路帶兵前來晨夕可到臨清 臣等惟有勉保危城力杜匪蹤北竄奏入報

勦平粵匪方略卷八十四




初九日 戊申 僧格林沁奏言查阜城現已周圍挑挖長濠各營官兵尙足堵禦 臣前聞南匪勢甚猖獗恐勝保善祿不能遏其北犯易州紫荆關一帶為至要之地原擬探得警報即先其所急

直前橫截現在勝保張亮基等計期均可趕赴臨清 臣自當在阜城大營迅速奏功不敢稍事延宕其雙禧等所帶官兵可否飭令前赴易州紫荆關擇要屯紮伏候

聖裁

同日勝保奏言 臣催督官兵於初六日至清河縣屬之油坊鎮地方距臨清三十餘里探聞賊

勦平粵匪方略卷八十四



眾約有二三萬人粵匪數不盈萬另有潰勇四五千人投入逆黨係李三鬪為首餘皆安徽捻匪被粵匪邀結而來此股賊匪自豐工渡河分三股北竄至張秋合為一股疾趨千餘里屢陷城池眾至數萬聲言救援阜城賊匪統計 臣及善祿所帶馬步官兵僅及萬人現因善祿桂齡等所帶馬步隊俱紮東岸恐西岸空虛已先行

派撥馬隊三百名趕赴臨清西岸防賊西竄查
臨清州爲南北衝要亟宜乘其全股蟻聚之時
重兵合剿以期聚殲 臣卽刻齊隊馳赴臨清或
渡河會合剿辦或卽在河西攻奪浮橋遏賊向
西竄路臨時再行相度地勢辦理現在西岸道
路紛歧在在緊要此股賊匪一經大兵攻剿勢
必窮而思竄 臣所帶馬隊僅二千餘名不敷追

勦平粵匪方略卷八十四

七

勦應請

飭下僧格林沁於多爾濟那木凱馬隊到阜城時或派
德勒克色楞帶馬隊千名或派明慶烏凌額帶
馬隊千名飛速前來以資剿辦均奏入

上命軍機大臣傳諭僧格林沁曰南來逆匪大股盤踞
臨清州城外衆已數萬該州爲南北水陸要衝雖經
善祿崇恩竭力守禦深恐兵力單薄不敷剿辦已諭

令勝保統兵進剿惟勝保所帶馬隊僅二千餘名著
僧格林沁迅由阜城大營內挑撥馬隊一千名卽日
交德勒克色楞統領前往勝保軍營以資剿辦至所
請移兵易州紫荆關之處原爲擇要駐守起見但以
現在軍情而論阜城餘寇未能殲滅而東境逆勢方
張自應扼守來路可期以防爲勦所有雙禧穆輅原
帶官兵二千名著仍遵前旨於保定迤南一帶扼要

勦平粵匪方略卷八十四

八

布置既可固省垣根本兼可爲勝保後路聲援但能
於前路堵截則西北易州一路自可無虞該大臣勦
辦此股逆賊究竟何日可以蕪事應如何設法智取
爲掃穴擒渠之計著卽趕緊籌策毋再遷延玩誤

上又命軍機大臣傳諭勝保曰逆匪攻擾臨清州城情
形甚屬危急桂齡善祿會攻賊巢殲斃多名該逆仍
堅匿不出州城尙未解圍勝保刻下亦必馳抵臨清

卽著與善祿等設法分路勦辦並與張亮基崇恩妥籌內外夾擊務將此股逆匪趕緊殲擒勿令奔突大名等處更滋蔓延現在涿州一帶防堵亦關緊要多爾濟那木凱所帶察哈爾馬隊未便遽行撥赴阜城惟勝保勦辦賊匪正在喫緊之際已諭知僧格林沁飭令德勒克色楞迅帶精銳馬隊一千名馳往該大臣軍營並令雙禧穆輅帶兵二千駐紮保定迤南防

聖朝方略卷八十四

三

賊北竄著勝保酌量情形相機調遣扼要布置一面咨催德勒克色楞所帶馬隊一面就現有兵勇極力截擊毋得專俟該貝子馬隊兵到始行進剿致有貽誤

同日

上命軍機大臣傳諭和春福濟曰穎亳一帶土匪叢起永城逆匪雖已由正陽關奪船回竄六安等處難保

其不去而復來和春等圍攻廬州固應迅圖克復但逆匪西繞六安乘機紛竄處處可以北犯大兵全力專注廬州而正陽關門戶洞開僅恃劉玉豹千餘兵勇豈能堵遏況和春等連日奏報並無圍攻之策不過賊出與之接仗賊歸卽計無所出大軍全駐東南正陽關一路任賊往來紛紛北竄總不肯遽爲抽撥貽誤之罪其何能辭朕以皖省全局委之和春等並

聖朝方略卷八十四

三十一

非專令株守廬州也本日已諭袁甲三由宿州進駐臨淮扼廬州東北之衝其西北一帶壽州霍邱正陽關等處卽著和春等添撥兵勇飭令秦定三管帶扼要防剿秦定三抵正陽關後或應進攻六安或應沿河迎剿以分廬州賊勢並杜逆匪北竄之路均著隨時審度機宜向前截擊亦非令其專事防堵避難就易若逆匪再由西面繞越北來秦定三不能以剿爲

防朕必重治其罪

上又命軍機大臣傳諭袁甲三曰昨據袁甲三奏請派大員帶兵駐紮正陽關本日已諭知和春福濟令秦定三帶兵前往現在永城敗竄賊匪已由正陽關南竄六安袁甲三追剿不及仍欲折回宿州該州爲徐亳適中之地而臨淮爲前路要隘必須兼顧今正陽關一帶有秦定三扼守可以杜賊竄突穎亳之路惟

欽定剿平粵匪方略卷八十四

三

臨淮要隘僅有吉連等在彼防堵兵力尙單著袁甲三卽帶得力兵勇迅速前往扼守臨淮督同該處防兵遏賊北竄儻有土匪勾結滋擾仍隨時派兵剿辦並可與秦定三劉玉豹聯絡聲勢俾廬州賊匪不敢北窺如賊由鳳陽左右分股渡河或擾及定遠均惟袁甲三是問該給事中仍須統籌全局不得株守臨淮幸賊蹤尙未及關謂可塞責也

初十日己酉載齡奏言查涿州固安爲京畿要隘

理宜嚴密設防固安留兵二百餘名尙形單弱臣已將所帶官兵除酌帶六百八十名移赴涿州外其餘兵丁三百名俱留駐固安足資防守易州尙屬空虛不得不早爲防備擬將良鄉官兵令珠勒亨管帶馳赴易州擇要駐紮其黃村官兵令都爾通阿帶赴良鄉防堵奏入

欽定剿平粵匪方略卷八十四

三

上命軍機大臣傳諭載齡曰昨據僧格林沁奏請移兵紫荆關一帶扼守山路當以阜城餘匪未淨臨清賊勢方張不得以有用之兵置之無用之地仍令雙禧穆輅帶兵赴保定池南扼要布置聽候勝保調遣以勦爲防如能遏其來路則易州一帶自可無虞載齡請令珠勒亨駐紮易州之處著卽無庸前往良鄉一路又添都爾通阿之兵亦可與固安互相策應著嚴

飭該員等加意防範不准稍有疏懈本日復諭恆春將綏遠城備調駐防官兵一千名調赴紫荆關一帶駐紮如該處情形喫緊亦可就近調遣

上又命軍機大臣傳諭恆春曰綏遠城官兵一千名前准該撫調赴省城此時晉豫交界防勦情形較緩著即派赴紫荆關一帶扼要駐紮聽候調遣

同日百勝王夢齡奏言據探六安被匪占踞該

聖學聖方略卷八十四



處無兵堵禦恐復乘虛北趨臣等敢不竭力布

置惟徐州祇留有大同兵九百名又鎮標兵二

百六十七名內除派赴豐碭防守黃河北岸兵

六百名又派防包家樓碭山等處兵四百名郡

城僅存官兵一百六十七名練勇一千餘名所

有前留民勇一千二百名訓練尙未純熟前調

秦定三及各路援徐之兵均未接有來徐文報

前清臣李湘棻帶兵行至宿遷因聞東省緊急又改赴濟甯一帶援勦臣等惟有帶領現存兵勇在徐城以西之九堡地方夾岸分守並在附近各處設險布伏不使賊匪紛趨一面曉諭團練按段巡邏以助聲勢再豐碭二縣所轄之黃河北岸綿長百餘里刻下僅有大同兵六百名不敷防守應請

聖學聖方略卷八十四



飭派山東按察使厲恩官帶兵移紮豐碭黃河北岸萬

一厲恩官及秦定三均赴別處進勦未克前來

臣等當另籌添撥以資防勦奏入

上命軍機大臣傳諭百勝王夢齡曰據奏現籌防禦情

形仍以兵力不足為詞並因秦定三援師未到請飭

厲恩官移紮豐碭黃河北岸徐州為江南重鎮南北

要衝自應嚴密防範而欲固徐州之藩籬尤必斷皖

匪之來路昨令秦定三帶兵與劉玉豹扼守正陽關
袁甲三進紮臨淮東西兩路力遏賊鋒則徐州一帶
亦可藉資保障此時厲恩官已折回山東隨同張亮
基勦辦臨清竄匪李湘棻亦帶兵勇在曹沂等屬勦
辦土匪百勝等仍著督飭現有兵勇夾岸分布並諄
諭鄉團一體巡緝勿稍鬆懈張亮基前請調回參將
安勇等原帶兗曹各營官兵一千名已令琦善飭令

剿粵匪方略卷八十四

三

迅速回東如此項官兵過徐或可暫留協防之處著
百勝王夢齡酌量辦理毋得一意株待致皖匪陸續
偷渡亦不得因徐州前路有秦定三袁甲三等帶兵
堵截轉於徐境遂不設備也

十一日 庚戌勝保奏言 臣於初七日行抵臨清卽

親赴河東相度地勢州城東西南三關地面均
爲賊踞賊衆約三四萬當與善祿商定乘勢合

力進攻該逆大股遙擁而出我兵俟其接近開
放連環槍礮賊衆紛紛倒地馬步官兵直前截
殺立斃賊二三百名賊始敗入村內兵勇連拋
火彈延燒村屋賊冒煙突出復經兵勇擊殺百
餘名我兵連日趨程喘息未定力戰多時方始
收隊獲賊及逃出難民僉供賊意亟欲援救阜
城儻不能直達阜城亦欲由他道北犯等語臨

剿粵匪方略卷八十四

三

清地勢三面運河環抱西南又有漳河可通大
名臣所帶之兵分撥東西兩岸每處馬隊不過
千餘名步隊二三千名僅能遏賊由東西兩岸
北竄之路而漳河以南尚不能分兵兼顧現在
城外東西南三面關廂俱爲賊踞非有官兵四
五萬不能合圍查善祿張亮基所帶兵勇俱有
數千本云迎頭截殺詎意賊匪未到臨清以前

俱未遇賊接仗以致州城被圍城外關廂賊得踞為巢穴幸臣現已趕到州城或可無虞茲撥出官兵四百餘名設法令其入城助守一面飛催張亮基即日移營前進與臣會商辦理應請旨速行添調官兵來東助剿庶兵力厚集易於奏功

勝保又奏言接據德勒克色楞初六日函稱僧格林沁擬即親帶官兵南下堵禦其阜城之賊

聖學聖方略卷八十四

三

奏留德勒克色楞及慶祺瑞麟在彼防其北竄等語伏思臣分兵南向之時已慮阜城之賊伺隙而竄恃有僧格林沁及達洪阿在彼可以相機剿辦今若帶兵前來阜城甚覺空虛臣以為萬不可行應請

旨速飭僧格林沁無論起程與否必須仍駐阜城力圖

圍剿奏入

上命軍機大臣傳諭勝保曰逆匪竄擾臨清現在城外東西南三面關廂俱為賊踞匪眾雖至三四萬其中多係裹脅之人勝保請多調官兵圍剿現在阜城之兵剿辦正當喫緊難再調撥前諭桂明帶兵二千餘名徑赴直隸並諭恆春迅撥澤潞防兵一千名赴大名一帶著該大臣迅速迎提張殿元是否已抵大名並著飛催前進所有桂明張殿元之兵均歸該大臣

聖學聖方略卷八十四

三

酌量調遣至僧格林沁欲親帶官兵迎剿本無如此辦法前已諭令仍駐阜城一俟掃穴擒渠即可與勝保合軍剿辦南來之賊若臨清逆匪乘間竄越直境朕惟勝保是問逆匪雖恃眾猖獗斷不可先存畏難之見務當督飭善祿張亮基等迅速進攻勿令負隅久踞及分股北竄致干重罪善祿張亮基先後由景州阜城督兵迎剿何以於賊未到臨清以前俱未遇

賊接仗以致州城被圍城外關廂賊得踞爲巢穴著勝保確切查明如有遷延觀望情事卽著據實嚴參上又命軍機大臣傳諭僧格林沁曰此股南來逆匪意在援應阜城並有繞道北犯之意必須於前路厚集兵力遏其兇鋒著僧格林沁卽飭德勒克色楞額日督帶馬隊一千名前往勝保軍營毋稍遲誤阜城距臨清甚近該大臣惟當趕緊設法籌攻迅圖蕪事如

欽定剿平粵匪方略卷八十四

三

臨清之賊北竄惟勝保是問如阜城仍不能卽日克復以致賊匪突圍而出又滋蔓延惟僧格林沁是問上又命軍機大臣傳諭桂良曰南來逆匪已竄至臨清城外該州爲南北衝途三面濱臨運河其漳河一路可達大名現獲奸細訊供有逆匪若未能直援阜城便有繞道北犯之說直東接壤處處可通而大名尤爲扼要張殿元達年等是否趕到著該督卽嚴飭

該署提督等與地方文武於要隘處所嚴密設防加意堵截其武邑防守事宜亦須先期布置務臻周密

欽定剿平粵匪方略卷八十四

四

欽定勦平粵匪方略卷八十五 甲寅年

三月十二日 辛亥 張亮基奏言 臣馳抵臨清後以

練勇初到利在速戰探知東南賊眾多歸黑家

莊屯聚若以奇兵掩其不備醜類必力不能支

三月初七日夜閒派兵分道齊出直攻黑家莊

並選敢死之士豫於莊外埋伏該逆猝不及防

登時驚擾擊斃及焚燒者無數轉至東城該逆

勦平粵匪方略卷八十五

一

恃眾抗拒我兵開礮轟擊旋將木城轟燬殲斃

逆匪多名天明收隊回營據逃出難民供稱黑

家莊至礮臺等處屍骸枕藉約計二千有餘 臣

仍卽續行出隊駐營八里莊偏近賊壘以期迅

掃妖氛

張亮基又奏言逆匪自張秋鎮竄陷陽穀後經

由之莘縣冠縣亦相繼失守朝城縣土匪肆擾

乘閒進城焚燒衙署曹屬土匪四起有先攻濮

州再攻曹州府城之謠 臣現在進駐臨清八里

莊勢難分兵前往惟飭該府縣先行多雇民勇

盡力勦捕一俟逆匪肅清 臣卽分兵勦辦惟逆

匪闖入東境連陷城池 臣防勦不力實難辭咎

仰懇

天恩將 臣 交部嚴加議處奏入

勦平粵匪方略卷八十五

二

上命軍機大臣傳諭張亮基曰逆匪圍踞臨清東西南

三面眾至三四萬雖經勦殺多名兇鋒仍未大挫該

撫但當專意進攻與善祿等併力兜剿一切機宜隨

時咨報勝保妥籌商辦張亮基身任封疆屬境城池

疊遭蹂躪罪實難辭本日明降諭旨僅將該撫交部

議處應如何激發天良知感知奮盡力勦賊稍贖前

愆若但以土匪肆擾為詞希圖避難就易或將臨清

逆匪驅入直境遂謂本省無事朕必將張亮基從重治罪決不寬貸

上諭內閣曰張亮基身任封疆於逆匪竄入東境未能先事籌防本屬罪有應得惟此次遇賊接仗獲勝尙知愧奮著加恩交部議處以示薄懲

十三日壬子僧格林沁奏言查阜城之賊自獨流靜海竄出經臣屢次痛加勦洗斃賊萬餘現雖

欽定剿平粵匪方略卷八十五

三

因踞阜城該逆百戰之餘狡猾異常臣前與勝保合力勦辦統計馬步官兵三萬有奇未能剋期蕝事不意南賊復至勢不能不分兵堵截計先後撥兵一萬二千餘名兵分勢單地方遼闊堵禦頗形喫力數日以來連次極力進攻未能偏近賊巢屢蒙

嚴諭切責惶恐無地臣受

恩深重何敢有心遷延實因無能以致仰勞聖慮惟有仰懇

皇上天恩將臣從重治罪奏入

上命軍機大臣傳諭僧格林沁曰阜城逆賊窮蹙餘生即使堅匿死拒亦何至兼旬累月無計可施朕若欲加僧格林沁以罪原不難立降嚴旨所以屢次訓諭不卽加罪尙冀該大臣知感知奮迅速圖功乃此次

欽定剿平粵匪方略卷八十五

四

忽以自請從重治罪等詞搪塞入奏豈謂有此一奏便可卸責耶朕於該大臣倚任不爲不專相待不爲不恕一切辦理遲緩之處朕總詳細指示不肯遽加嚴譴該大臣乃稱非敢有心遷延實因無能所致試思有心遷延應得何罪該大臣豈能當之卽此無能二字已不應出之於口如各路統兵大臣人人皆以無能請罪國事孔艱更有何人可任該大臣素性質

直乃亦效此虛文殊不可解如果視朕疊次嚴旨爲具文故意遷延不能迅克阜城朕自能按律治罪不待僧格林沁之奏請也

同日勝保奏言連日探知臨清城內糧草槍礮甚多惟兵勇僅有二千環攻之賊不下數萬臣挑派得力兵勇五百餘名由北門進城協守現在賊勢方盛總以計出萬全爲主而大局攸關

聖事粵方卷八十五

五

又不敢顧此失彼此時權衡輕重自以扼賊北竄爲要臣紮營之地正當賊衝東北一帶善祿在彼諒亦可以無虞東面則巡撫張亮基駐兵堵禦其能禦與否尙未可知惟有竭力設法認真攻擊以期早就殲除現在馬隊無多不敷調遣仍乞

皇上飭撥馬隊官兵千餘名迅速來營以資扼截查臨

清地面四通八達臣過其西北萬一該逆繞竄正西則數十里卽入大名府境東面又可直達天津皆當豫爲防範官兵營盤中隔運河漳河未免聲勢稍阻現已於運河搭造浮橋如賊由東竄則西岸馬隊可以渡河追剿賊由西竄則東岸馬隊亦如之惟聞大江南北逆黨尙多儻再分股由故道渡河北竄則兼顧愈難臣愚昧之見似應於汴梁省城並徐州豐工地方添設重兵控制勿令賊蹤再有竄出俾臣得以專力籌辦迅掃寇氛奏入

聖事粵方卷八十五

六

上命軍機大臣傳諭勝保曰賊匪攻撲臨清守城兵勇單弱勝保當一面就現有兵勇設法攻擊一面嚴催桂明所帶官兵並澤潞防兵迅卽前來酌量調遣張亮基所帶練勇二千應歸何員管帶著勝保酌度派

撥藉資協助河北鎮總兵花里雅遜布所帶官兵是
否可以檄調助勦著該大臣酌量調遣至前請添調
馬隊早經諭令德勒克色楞統帶精銳一千名前往
臨清計期亦應趕到所有各路官兵統歸勝保節制
崇恩現已授爲巡撫正當力籌保衛州城埽除此股
賊匪以報厚恩著該大臣傳旨諭知該撫合力同心
內外夾擊一併與桂明張殿元歸該大臣節制卽統

欽定剿平粵匪方略卷八十五

七

籌南北大局該大臣見解所到不妨遇便奏聞

上又命軍機大臣傳諭和春福濟曰賊匪全股竄踞臨
清州城外多至三四萬人雖經勝保帶兵趕到而逆
燄方張阜城餘寇仍復負隅死守爲今之計總以嚴
扼北路關隘爲第一要著卽著和春福濟通籌熟計
應於何路分兵扼剿以挫賊氛並如何兼顧廬州力
籌攻克以及六安霍邱西北一帶作何布置務卽趕

緊相機籌辦此時固當攻克廬州爲要然權其緩急
輕重嚴防北路尤爲要著卽使廬州剋日收復而大
股賊匪紛紛北竄伊于胡底和春職司統領福濟身
任封疆數月以來勦辦迄無成效儘再不能遏賊北
竄或仍令南賊占踞如常朕惟有執法從事決不寬
貸

上又命軍機大臣傳諭舒倫保王慶雲曰本日據勝保

欽定剿平粵匪方略卷八十五

八

奏請於汴梁添駐重兵所籌誠爲要著但就河南情
形而論斷無可以添調之兵若將舒倫保防守潼關
之兵移至豫省駐紮黃河南岸較爲近便於歸德徐
州等處均可援應但舒倫保出境之後距陝較遠副
都統常亮雙成又皆在軍營西安駐防官兵事務並
無大員督辦且湖北復有大股賊船竄踞孝感縣屬
之龍宮廟紅鸞渡一帶肆掠雖去潼關尙遠而商雒

等處均與湖北毗連舒倫保能否分身亦難懸揣著
舒倫保王慶雲卽行妥商陝西防堵如何布置但有
可靠之人總以分兵赴豫策應爲要

勝保又奏言遵查山東巡撫張亮基人似有才
心存巧猾當賊竄東境時該撫於二月十八日
由德州起程迎剿紆折回省又由齊河赴濟甯
繞赴東平聞賊至臨清遷延不進迫行抵王家

聖學聖方略卷八十五

九

集地方距臨清僅二十里又復耽延數日當賊
蹤甫入東境該撫與善祿若能迅速前進何至
臨清被圍城外三面關廂皆爲賊踞該撫既未
移營前進咨令前來會商又不肯來不解是何
意見崇恩因城守太單向該撫請撥練勇入城
助守該撫雖已允許至今並未分撥一若舉守
城剿賊之事盡以委之於臣推諉取巧莫此爲

甚况賊自豐工渡河以後凡所竄擾地方皆屬
山東境內其爲平日毫無防範已可概見該撫
聲稱進攻黑家莊傳知善祿派兵接應其實善
祿營盤相距十數里之遙該撫明知善祿鞭長
莫及故作此言以相誇示因於初七日夜向東
面無賊村莊開放連環槍藏復用火焚燒空村
揚言攻奪以爲粉飾彌縫地步巡撫大員居心
若此惟有不避嫌疑據實直陳奏入

聖學聖方略卷八十五

十

上諭內閣曰張亮基前由雲南巡撫調任湖南適聞賊
竄長沙卽奏請防守常德擁兵折回舉動乖方不知
緩急嗣經嚴飭赴省保守城池並辦理湖南湖北善
後事宜尙有頭緒是以於署湖廣總督任內調任山
東巡撫行抵河南卽以山東兵餉匱乏等詞入奏豫
占地步朕已知其居心巧詐當經硃批訓飭該員應

如何愧奮固守疆圉乃賊匪竄入東境疊陷各城以致臨清被圍重煩兵力猶不知趕赴城下與善祿崇恩內外夾擊由德州紆折回省繞道東平遷延不進至臨清後紮營八里莊距城遙遠經勝保咨商該員仍不移營前進亦不肯分撥練勇爲崇恩守城之助推諉取巧已堪痛恨復向黑家莊無賊地方空放槍礮縱火焚燒閒房捏稱殺賊二千餘名冒功陳奏不

欽定剿平粵匪方略卷八十五

十一

知是何肺腑敢肆欺罔若將其卽行正法亦屬罪所應得姑念其平日尙能辦理地方公事張亮基前已革職留任著卽革職發往軍臺效力贖罪卽交勝保派員押解起程不必再留軍營

同日台湧奏言查荊州現在無賊而德安附近一帶則逐處皆賊省城聲息梗阻難通雲夢應城兩處股匪經兵勇疊次勦敗後退竄出湖總

於漢口要隘上下盤旋另股滋擾孝感縣屬李家灣等處經佈克慎移兵往勦該匪聞風卽退忽於三月初二日大股賊船四五百隻自漢口連帆駛上在該縣龍宮廟紅鸞渡一帶登岸大肆焚掠佈克慎督兵迎頭堵截現尙相持俟將此等大股逆匪勦退再爲進攻漢陽漢口之計同日略秉章總起豹奏言探得逆船自被省城

欽定剿平粵匪方略卷八十五

十二

兵勇擊退後陸續竄至湘陰經大兵前往追截賊卽下竄隨於二月二十三日收復岳州郡城詎鹿角等處賊船數百隻驟至城下正欲爬城弁兵登陣守禦一面派勇出城攻勦該匪遂各上船逃逸仍由洞庭下竄探聞賊船已赴荆河口以下現在岳州雖復逆氛未靖仍須加意嚴防且新祥一帶及北省之崇陽通城通山興國

大冶等州縣土匪四起偏近岳州府屬之巴陵平江臨湘等縣難保不勾結滋擾業已札飭王龔等督帶練勇駐紮該郡就近勦辦至下竄之賊船自須乘勝疾追滅此朝食現經曾國藩親帶水陸兵勇於二十八日由省起程督師東下當可指日蕩平均奏入

上命軍機大臣傳諭台灣曰江北雲夢應城兩處賊匪

聖學聖方略卷八十五

十三

經台灣疊次勦敗退竄出湖惟孝感縣屬又有賊船關入著該督卽就現有兵勇迅速相機迎勦堵賊竄路其潰口要隘往來逆船仍須及早勦洗將此股逆匪掃除淨盡以次攻克漢口漢陽其竄往湖南賊衆據駱秉章等奏報節次截勦獲勝收復岳州府城惟該逆全數由洞庭下竄則鄂省大江南北均形喫重曾國藩統帶舟師自長沙起程跟蹤追勦自可扼賊

後路並著台灣派員迎催爲肅清江面之計目下江路阻隔能否設法疏通與省城聯絡聲勢並著相機籌辦上游荆襄一帶仍應嚴密籌防勿致顧此失彼該督統轄全省惟當隨事酌度緩急妥速辦理仍與駱秉章曾國藩等互爲聲援勿令由岳州下竄逆蹤再滋延蔓

十四日 癸丑 桂良奏言 臣前奉

聖學聖方略卷八十五

十四

諭旨以大名係八直門戶著飭張殿元迅往扼截遵卽飛咨星夜前往並 臣先派之副將達年俱經馳抵大名查大名地在臨清以南有漳河一路相通難保該匪不乘閒折回固當扼要防守至臨清西面係廣平府屬之清河威縣較之大名尤爲切近更不可不豫爲之防穆輅雙禧所帶官兵二千名現在甫過省城駐紮尙無定所可否

卽以此項官兵就近在清河威縣一帶擇要防
勦伏候

命下臣卽飛咨穆輅等遵照前往俾臨清西面足資堵

禦似覺更爲周密現據開州知州劉煦及署提

督張殿元拏獲奸匪均有催令後起賊匪由蘭

儀渡河之供已於三月初九日札派副將達年

先行帶兵七百名前往開州東明一帶堵禦該

聖學方略卷八十五

十五

署提督駐紮大名以防臨清之賊回竄奏入

上命軍機大臣傳諭桂良曰張殿元已在大名達年已

赴開州東明一路防堵著嚴飭該員等相機勦辦不

得以有用之兵置之無用之地總期以勦爲防毋許

一味株守至清河威縣一帶卽係臨清西面甚關緊

要所有穆輅雙禧統帶官兵二千名卽著飭令駐紮

該處擇要設防旣可爲勝保後路聲援卽可杜賊匪

北竄不准觀望遷延軍情變幻靡常該督務飭文武
員弁妥籌布置勤加偵探仍著隨時與僧格林沁勝
保等互相知照以期聲勢聯絡

上又命軍機大臣傳諭王履謙長臻楊以增英桂曰河

南山東等省辦理防堵以扼守黃河爲第一要著長

臻楊以增皆職任河督王履謙係奉旨派辦防河大

員英桂統轄豫省於河南境內口岸處所均應實力

聖學方略卷八十五

十六

巡緝現在南來之賊攻擾臨清若從前豐工下游撥

兵扼守何至任賊渡黃肆行奔竄本日據桂良奏開

州拏獲奸匪及署提督張殿元所報均有賊目催令

安徽後起賊匪由蘭儀渡河北犯之說著王履謙長

臻英桂等嚴飭地方河工文武梭織巡邏力加堵截

楊以增近在清河亦應一體緝捕儘再令匪蹤北犯

朕必將王履謙等從重治罪

上又命軍機大臣傳諭舒倫保王慶雲曰據桂良奏開州拏獲奸細及署提督張殿元所報均有賊目催令安徽後起賊匪由蘭儀渡河北犯之說河岸防禦關繫匪輕儻皖楚賊匪關入豫省而潼關之兵始行出境堵截仍恐緩不濟急著舒倫保即行帶兵馳赴豫省於黃河南岸擇要駐紮實力防守如有南來匪徒冀圖渡河北竄即行督兵截擊並與王履謙長臻英

聖學聖方略卷八十五

十七

桂等隨時知照以期聲勢聯絡毋稍大意至商維等處與湖北毗連應如何派兵防堵之處即著王慶雲妥籌辦理

同日署青州副都統載岱奏言臣自抵青任事後探聞副都統常清帶領青州滿營官兵現屯安徽廬州岡子集置之無用之地殊為可惜又值逆匪繞越已入東境臨清一帶常清既不能

奮力進剿何若調回本省在濟南一帶扼要防堵比在他省較為得力臣現於青州滿營餘兵聞散內連日揀選精壯者五百名訓練而月可資戰守奏入

上命軍機大臣傳諭載岱曰南來賊匪竄擾臨清一帶自應嚴密防範惟黃河兩岸正在防剿喫緊之際此項兵丁未能撤回該署副都統於青州駐防餘兵閒

聖學聖方略卷八十五

十六

散內揀選精壯五百名訓練可期得力著即將存營兵丁勤加操演或再多選餘丁練習技藝以資捍衛

上又命軍機大臣傳諭和春福濟曰青州駐防官兵素稱勁旅如果調遣合宜攻剿可資得力所有副都統常清帶領前赴安徽之青州官兵現在駐紮何處是否實係扼要地方此時黃河兩岸正在防剿喫緊之際自未便遽行撤回若將此項兵丁派赴要隘處所

庶可遏賊紛竄本日已諭令楊以增等於黃河兩岸嚴行防範或卽派常清統帶青州兵屯紮河岸杜賊續行竄逸之路亦爲要著該提督等熟籌妥辦勿以有用之兵置之無用之地

同日張亮基奏言臣前次擊賊獲勝三月初九日復整隊出擊進至東南沙灘遙見隄後賊幟如林經臣傳令嚴陣設法誘敵逆衆旋自隄東

欽定剿平粵匪方略卷八十五

十九

襲我後隊兵勇轉陣開礮迎擊彼此相持數刻竊料逆衆巢穴空虛或可乘機直搗乃我之前隊先趨賊之後隊大至我軍復用槍礮環攻並以刀矛進刺賊恃衆撲來旋壓旋上臣激勵將士極力壓下委員陳韜奮勇薄賊手刺執旗賊目一名賊始紛紛退去我軍乘勢掩殺斬擒無算生擒偽總制曹城等五名約計此役斃賊千

餘名大挫兇鋒連日善祿崇恩亦一律出隊該逆首尾不顧攻城稍緩又經崇恩向勝保處借撥兵勇數百名入城幫同守護稍可放心所有在事尤爲出力人員容臣覈明另行請獎奏入

上命軍機大臣傳諭勝保善祿崇恩曰據張亮基奏派委陳韜等整隊出擊斃賊千餘所奏是否飾詞欺罔希圖掩過邀功著勝保善祿崇恩迅卽查明據實具

欽定剿平粵匪方略卷八十五

二十

奏行軍之道首貴賞罰嚴明旣據稱殺賊千餘名且兵勇亦有陣亡受傷如果是日打仗獲勝自必共見共聞張亮基已身獲重罪其出力員弁亦不可沒其勞績該大臣亦毋得因有前奏稍存回護

十五日甲寅勝保奏言臣前因臨清城內守禦單

薄已撥官兵五百餘名入城協守嗣該州復以兵力尙單稟請添撥因於所帶川勇內精選三

百名照前護送入城日來用礮向賊壘施放傷賊甚多一面又調天津大礮由運河趕緊前來較之阜城等處地勢遠近懸殊轟擊必可得手查臨清城外關廂糧食自聞賊警俱已移運入城其未及運入者已屬無多該逆數萬之眾豈能久支現在東面及西北面俱有官兵該逆無從採食惟西南空虛尚難斷其接濟然附近村

聖學聖方略卷八十五

三

莊存糧無幾斷難供數萬人之食該逆內乏糧食外受攻擊勢必他竄西北有威縣邱縣清河三路賊如由西北奔竄臣與善祿尙可竭力堵截如由東北竄向恩縣武城一路桂齡魁福等亦尙可扼截若由西南竄向大名一路臣卽由館陶渡河追殺較爲便捷館陶舊有浮橋一座已飭該縣趕緊修理但恐賊蹤飄忽必得前有

迎截之兵勦辦方可得手可否卽令張殿元帶兵前進於直東交界之處扼要駐紮以便迎擊如賊向南回竄則東昌適當其衝現聞前任清督李湘棻帶兵北來若令駐守東昌自爲周妥但豐工蟠龍集地方防河最關緊要若令李湘棻就近在彼嚴防則東昌一帶應請

飭下山東撫臣派兵駐守

聖學聖方略卷八十五

三

勝保又奏言據開州盤獲奸細供稱賊破廬州後由蒙城到永城夏邑旋由蟠龍集渡河攻破山東各縣到張秋鎮後賊目派令前赴安徽催趨後起賊匪由河南蘭儀口渡河北上現來之賊係偽西王派來尙有偽易王偽東王派來之賊未到等語伏查和春駐兵廬郡旣未能克復郡城又未能遏賊北竄所擁重兵俱成無用臣

愚以爲與其置兵於無用之區郡城仍難收復
不若移兵於扼要之地賊蹤不敢北來可否

飭下和春移兵皖豫之交力遏賊氛毋令再有北竄至

所供後起賊匪由蘭儀渡河一節該處河面較
寬河流湍急既無渡船又難紮筏該逆未必從
此渡河恐仍由豐工故道而來臣已札行徐州
鎮於蟠龍集一帶實力嚴防但恐兵力不厚難

欽定剿平粵匪方略卷八十五

三

以圖功或令李湘棻就近前往協防或卽令提
督桂明將所帶之兵嚴防黃河以北速乞

聖裁奏入

上命軍機大臣傳諭勝保曰臨清城外糧米無多該逆
斷難久踞東面及西北面俱有官兵扼截西南竄大
名之路該大臣已飭修館陶縣浮橋以備追剿惟賊
蹤飄忽靡常該處旣搭浮橋若不撥兵扼守轉恐賊

匪藉以偷竄張殿元已抵大名達年在開州東明一

帶堵禦雙禧穆輅所帶官兵二千名在清河威縣駐
紮該大臣均可酌量緩急就近調遣桂明此時想已

帶兵馳抵大名一帶澤潞之兵亦已分起出山並著
飛催前進李湘棻如已行抵東昌卽可令在彼防剿
以杜逆匪南竄該大臣所帶之兵雖不甚多加以雙
禧穆輅桂明張殿元達年及澤潞等處官兵均歸調

欽定剿平粵匪方略卷八十五

三

遣亦不得謂之單弱惟當激勵將士迅將此股賊匪
就地芟除毋令再有竄逸

上又命軍機大臣傳諭和春福濟曰前據桂良奏開州

拏獲奸細及署提督張殿元所報均有賊目催令安
徽後起賊匪由蘭儀渡河之說復據勝保奏賊供現
來之賊係偽西王所派尙有偽易王偽東王派來之
賊未到等語和春福濟駐紮廬州城外徒擁重兵城

中大股逆匪既未能設計殲除外來奸匪又不能實力盤獲已屬罪無可道著懷遵前旨嚴遏賊匪續行北犯現在勦辦逆匪遏賊偷渡北重於南自應督兵扼守移緩就急著和春福濟分兵圍攻廬州不得任令該逆出入自由以顧全局儻逆匪續行渡黃和春等不能遏勦惟有執法從事決不寬貸

上又命軍機大臣傳諭百勝王夢齡曰前次皖匪闖入

聖學聖方略卷八十五

五

徐境渡河竄擾山東若百勝等早能布置何至東境又遭蹂躪黃河天塹為南北關鍵節經嚴諭各地方官加意防範及逆匪北來仍令偷越殊堪痛恨昨據桂良馳奏該逆竟有催令後起各賊欲由蘭儀渡河北犯之說本日勝保奏報情亦相同是逆黨眾多欲謀渡黃者已非一起前經疊次諭令百勝王夢齡嚴防陸續偷渡昨又諭令長臻王履謙楊以增英桂一

體巡緝惟賊情詭譎異常或故作此虛聲使我兵專注蘭儀一路仍催隨後隊由豐工下游續行竄越均屬不可不防勝保奏請防蟠龍集等處未為無見該處係皖匪從前經過之地著百勝等懷遵疊次諭旨嚴飭文武官弁實力邀擊不得任令賊匪渡河又蹈覆轍

十六日乙卯載齡奏言本月十四日據署天津道

聖學聖方略卷八十五

五

錢忻和報稱探聞臨清失守賊匪意圖搶船來津滄州地方回民眾多良莠不齊如能派撥弁兵分往布置庶可有備無患等語臣已飛咨天津河間兩府令其加意設防伏思東路防兵祇有載堪管帶官兵五百名駐守通州兵勢甚單西路防兵因阜城之賊未滅防堵正在喫緊未便調撥相應請

旨飭下巡防王大臣再派官兵令大員管帶即赴東安
抑或俟有確切信息再赴東安駐紮之處伏乞
皇上訓示遵行

同日文謙奏言臨清之賊現被大兵圍剿恐其
再圖他竄滄州靜海一帶不可不防該處居民
紛紛遷徙人心惶惑不能固守查滄州池南雖
有扼要處所惟津郡無兵可調督臣遠在省城

欽定剿平粵匪方略卷八十五

三

保定亦甚喫重天津雖係一郡之地最關緊要
可否

飭下僧格林沁就近酌撥弁兵分往滄州擇要防守惟
阜城正值攻勦喫緊或另派官兵前往之處伏
候

聖裁均奏入

上命軍機大臣傳諭載齡曰臨清逆匪意圖搶船來津

載齡所慮東路防兵單弱自係實在情形惟京營官
兵萬難再行撥調著載齡與文謙隨時知照互相聯
絡如天津有警或令載堪酌量移營前進相機接應
載齡前奏擬駐涿州於東路聲援不無遙隔京外東
西各營統歸該侍郎節制必須通盤籌畫毋致一處
稍涉空虛著嚴飭各營多設偵探何路有警即赴何
路應援毋墮該逆聲東擊西奸計本日已面諭巡防

欽定剿平粵匪方略卷八十五

三

王大臣悉心妥籌果須調兵援勦屆時自能派員馳
往堵禦該侍郎既飭天津河間各郡嚴密防守仍著
與僧格林沁勝保軍營聲勢聯貫毋稍疏虞

上又命軍機大臣傳論文謙曰據奏滄州等處居民紛
紛遷徙人心惶惑請飭令僧格林沁派兵前往現在
阜城圍勦喫緊斷難分兵滄州為津南門戶亦不可
稍有疏忽著文謙飭令該處文武嚴密設防勸諭團

練以固眾志並著多設偵探如賊匪果有竄擾消息
 文謙卽相機堵禦毋許觀望不前致有貽誤天津全
 郡防守事宜朕已責成文謙督辦固不能以請兵一
 奏意存推諉總兵特克慎署天津道錢忻和亦屬責
 無旁貸儻文謙須往滄州等處郡城防守事宜卽責
 成該鎮道等妥籌布置毋稍疏虞

上又命軍機大臣傳諭僧格林沁曰現在阜城攻勦喫

聖學聖考卷八十五

五

緊大兵全力注此而京營及各路防兵無可分撥該
 大臣前此本有東面空虛之說如果該逆伺隙而出
 憑何勦辦目下大營兵力能否酌分應如何前勦後
 截該大臣豈無成算臨清東北一路雖有勝保駐兵
 扼勦而西南一面與直境毗連之處仍須防其闖入
 若不將阜城窮寇趕緊勦除任其勾結會合僧格林
 沁自問當得何罪現在究竟如何圍攻何日可以殲

滅著僧格林沁迅卽籌辦速奏

同日李湘棻奏言臣於三月初十日行抵沂州
 地方接山東撫臣張亮基咨稱賊匪已越濟甯
 東昌竄至臨清境內卽尾追亦恐不及囑臣帶
 領兵勇赴曹單一帶嚴防豐工北岸臣思迎勦
 旣不能及而豐工堵截續來之賊尤屬緊要臣

一面飛調水路之兵徑赴徐州會同鎮臣百勝

聖學聖考卷八十五

五

帶兵迅往豐工南岸紮營以防皖省續竄之賊
 山東臬司厲恩官帶兵二千餘名在曹州查辦
 土匪若就近移兵曹單南北聯絡一氣更爲得
 力奏入報

聞

十七日丙辰勝保奏言查臨清城中守禦雖嚴賊
 之覬覦未絕目下城守最爲緊要臣於三月十

三日帶兵由北門入城閱視一切布置尙屬妥協至暗窰地道爲賊之慣技日前轟塌南門城樓勢甚危險現雖堵築完好仍恐該逆故智復萌臣已傳知城內刻刻嚴防城寬九里有餘統計守城兵勇二千數百名不敷分布臣所帶官兵實無可再撥惟有俟新兵到後再行分撥入城該逆屯踞城外關廂賊壘十餘處惟西北東北兩處木壘堅固賊之精銳俱在其內必先攻克一處方能破其詭謀十四日派隊進攻直撲州城西北之彌陀寺甫近賊壘卽密放槍礮拋擲火器燒其鹿角該逆傾巢出拒我兵整隊相迎斃賊百有餘名賊衆披靡遁入壘中我兵卽時趕到一擁而進殺賊數百名將壘內之賊盡行燒斃其西關之賊擁出千餘奔至救護復截

殺一百餘名餘賊敗退共計殺賊一千二三百名斬獲首級二百餘顆生擒五十餘名其東北之林家園賊巢經善祿督兵進攻殺賊多名並將餘賊擊回使之不能相救該逆詭譎異常連日趕造雲梯呂公車等件極力攻城並四門暗窰地道均經該州張積功等多方守禦幸保無虞今受創之後或仍盤踞或圖他竄均未可定如其窮而思竄西北一路臣以血戰當之決不任其北犯如同竄東南或竄向西南臣仍跟踪追剿昨又飛催德勒克色楞帶兵速來俟其到時擬令紮營西南河岸以防大名之路其南路東昌一帶仍請飭下李湘棻速行帶兵進駐以資防守伏思臣兵力雖單然勉強維持縱未能剋日殲除或不致令該

逆大肆猖獗所虞南賊接踵渡黃必至不可收拾查桂明所帶係陝甘官兵以之打仗本可得力惟刻下河防緊要桂明計已行抵洛陽一帶擬令就近帶兵前赴劉家口扼要嚴防東距蟠龍集西距蘭儀口均不過二百餘里東西有警俱可隨時策應其豐工包家樓蟠龍集等處仍責成厲恩官百勝等認真防勦至張殿元之兵

聖朝聖方略卷八十五

三

三

應於直東交界處所駐守以便賊至迎擊就現在情形而論似宜如此辦理軍情變幻靡定如有遷移之處仍當酌量緩急隨時變通

同日桂良奏言查穆轄雙禧於軍務未能明晰察其才具似難勝將領之任該員等所帶之兵前在定興縣已有斃命毆官之案今甫出省城又據被擾村民紛紛呈訴其為約束無方已可

概見該員等現赴清河威縣一帶防勦既不能管束兵丁恐督勦難期得力理合據實直陳均奏入

上命軍機大臣傳諭勝保曰勝保奏連日進攻獲勝並布置各路情形所稱逆匪或仍盤踞或圍他窳均係尙無把握之詞軍情變幻靡常雖難豫定豈有全無定見能操勝算之理逆匪之不至北犯該大臣既以

聖朝聖方略卷八十五

三

三

身任之其回窳東南西南之路僅能跟蹤追勦終非長策前據稱就地芟除自是正辦何以一經接仗又稱縱未能剋日殲除或不致大肆猖獗直似俸其南窳以為勉顧目前之計甚不可解現在兵勇雲集著勝保卽行乘勢進攻務將此股逆匪盡力殲除不准稍延時日逆匪精銳旣屬集東北西北兩面我軍已將西北彌陀寺賊壘全平其林家園賊勢已孤何以

善祿僅止擊賊回巢不卽揮兵深入如果兩面同時
並破則向南夾擊勢如破竹此亦該大臣力所能爲
並非朕苛於敦促也李湘棻所帶兵勇因追賊不及
已折回徐州厲恩官已由在平折回曹州勦辦土匪
該大臣請飭李湘棻進駐東昌而以包家樓嶧龍集
等處責成厲恩官等此時難以照辦若改令厲恩官
赴東昌李湘棻顧豐工較省往返之勞兩面亦均有

欽定剿平粵匪方略卷八十五

三

裨益桂明抵洛陽後業已遵旨渡河若徑抵大名卽
可與張殿元等會合西面設防之兵無須如此之多
應令何人迎勦何人防守卽著該大臣迅籌撥布單
縣劉家口一帶未免空虛濟甯州知州黃良楷是否
可恃若令該知州先往嚴防俟舒倫保行抵河南卽
飭移兵進紮亦可防賊續來之路百勝等疊有嚴旨
諭令嚴扼河干諒不敢再存玩泄德勒克色楞所帶

馬隊何以至今未到著加緊嚴催不准再有延誤穆
輅雙禧不能約束兵丁致有搶劫斃命情事已將該
員等摘頂嚴議暫留勝保軍營帶罪自效所有原帶
官兵卽著該大臣另委得力大員管帶

上諭內閣曰委散秩大臣穆輅健銳營翼長雙禧管帶
京營官兵不能嚴行約束以致該兵丁等沿途騷擾
實屬大干法紀著桂良迅卽飭屬將滋事兵丁按名

欽定剿平粵匪方略卷八十五

三

提省訊明後卽行正法以肅軍律仍一面派員前往
安撫居民妥爲彈壓穆輅雙禧均著先行摘去頂戴
交部嚴加議處仍暫留勝保軍營責令帶罪自效儘
再不知奮勉著卽嚴叅治罪

欽定剿平粵匪方略卷八十六 甲寅年

三月十八日 丁巳琦善奏言查皖省賊匪由豐工

渡河竄入東境亟須防另股賊匪續行北竄又

須防北竄之賊敗回南奔宿遷實爲南北咽喉

清江屏蔽且濱臨黃運兩河爲山路湖路輻輳

之區北入兗沂均屬寬平驛路南距清江僅兩

日程無須經由徐郡清江五方雜處並無城郭

剿平粵匪方略卷八十六

一

若宿遷有備則清江可以安枕宿遷地方實較

徐州爲衝要徐州有百勝帶兵駐紮又有袁甲

三在宿州距徐較近蔣壩又經河臣布置尙足

以資防剿至宿遷僅有山西防兵八百餘名文

煜係專辦糧臺之文員於帶兵旣非所長亦難

兼顧臣通盤籌畫似宜先其所急與其增兵以

守徐州不若嚴扼宿遷爲得計當酌撥吉林頭

二起馬隊五百名直隸大名兵二百名陝西延

綏兵二百名共計馬步官兵九百名派令副都

統德崇額頭等侍衛容照總兵錫綸帶領前往

宿遷駐守其原派之山西防兵卽請歸錫綸管

帶以資聯絡查自來用兵合則見多分則見少

全仗哨探迎擊不在按處分守乃不諳兵法者

往往畸零分布必欲處處有兵遂致處處兵單

剿平粵匪方略卷八十六

二

甚至築室道謀十羊九牧債事半由於此現在

楊以增百勝袁甲三李湘棻厲恩官皆有帶兵

之責卽皆有調兵之權而諸臣各駐一方各顧

一面無暇會商儻將此駐守之兵紛紛檄調顧

彼失此朝令夕更恐政出多門弁兵無所適從

臣是以特派大員前往以資備禦並囑其毋聽

他處調動致賊匪得以乘閒而入庶可以一事

權而專責成至吉林頭二起官兵本在六合防堵今撥往宿遷誠恐六合兵單已飭總兵多隆武帶領山東官兵四百名前往六合接替奏入報

同日張亮基奏言臣查臨清州城經該州知州張積功等登陴守禦復空破該逆地洞數處連

欽定剿平粵匪方略卷八十六

三

日出隊均轟殺賊匪數十人十四日臣親往督陣突有紅衣賊目帶領二百餘人向我兵施放大礮勇目周學文先點擡礮將賊目轟斃倒地並擊斃餘賊數十名都司王殿元等又擊斃多賊餘匪奔竄入巢臣又督隊直攻東門外楊家橋一帶賊穴賊從南北兩路突出其眾約有萬餘抄襲我後我軍分五隊迎敵該逆旋退旋撲

勇目李朝俊馬進科各手刃賊目一名係偽冬官副丞相許姓偽檢點郭姓並奪獲大小黃旗三十餘面擡礮二尊刀矛雜械不計其數乘勝進攻九家村蔡家村將其兩處巢穴燒燬又復斃賊無算約計不下二千餘人洵足大快人心張亮基又奏言臣前在景州連接稟報知南路逆燄甚熾一係沂州一路一係豐單一一路而濟甯所屬之金鄉縣復為賊陷該州素稱富庶又屬適中之地各路皆可救援臣當自景州取道山路帶勇南下途次探知沂州各匪大被懲創情形已緩而逆匪進踞張秋臣即改由湖路進剿迨臣抵東平距張秋七十餘里該逆又由張秋西竄彼時曾知會善祿速由東昌進扼西南飭知崇恩速由鄭家口移師臨清臣一面馳赴

欽定剿平粵匪方略卷八十六

四

甯所屬之金鄉縣復為賊陷該州素稱富庶又屬適中之地各路皆可救援臣當自景州取道山路帶勇南下途次探知沂州各匪大被懲創情形已緩而逆匪進踞張秋臣即改由湖路進剿迨臣抵東平距張秋七十餘里該逆又由張秋西竄彼時曾知會善祿速由東昌進扼西南飭知崇恩速由鄭家口移師臨清臣一面馳赴

臨清迎頭遇其北竄奈賊已由莘冠等縣直撲
臨清統計 臣自景州繞赴臨清先後一十五日
計程一千三百餘里裹糧卷甲心急如焚猶幸
馳至臨清尙得與賊接仗方冀勝保勦力同心
共圖勦賊豈料其毫無調度任性行私卽如彼
此出隊交鋒喫緊之時勝保每撤隊先回一切
掣肘情形難以殫述明知

聖朝方略卷八十六

五

宵旰憂勤何敢以瑣屑上瀆而是非曲直有不得不直

陳於

君父之前者惟有懇

恩另派大員來東查辦奏入

上命軍機大臣傳諭勝保善祿崇恩曰據張亮基奏稱
連日進攻獲勝各情所奏是否鋪張入告攘功自居
著勝保善祿崇恩秉公確查據實具奏張亮基原帶

練勇二千人諒已遵旨派員管帶該勇等必須統帶
得人方可隨時驅策現在大兵雲集著勝保卽督飭
各路員弁兵勇乘勝進攻賊巢與崇恩設法內外夾
攻不准稍稽時日

同日曾國藩奏言 臣自靖港甯鄉新康三獲勝
仗後卽令各營馳赴湘陰截勦賊聞官兵水陸
大至當卽退出湘陰探悉西湖口賊船尙多當

聖朝方略卷八十六

六

派五品頂翎張宏邦等駛駕礮船迎擊轟斃賊
匪數十名燒燬賊船十餘隻守備褚殿元等三
營共奪獲賊船十隻勇目黃忠等復在團山地
方奪獲賊船逆黨屢經懲創全數竄逃岳州亦
已退出 臣前派之陸路各營二月二十五六等
日先後抵岳 臣亦督帶水軍於三月初二日行
抵岳州查洞庭湖周迴八百里港汊紛歧最易

藏奸全湖入江之所名曰荆河上游爲監利荆州其虎渡河等處多與湖水相通屢獲賊探供稱賊內藏湖汊外竄荆河俟官軍東下再在上游滋擾等語臣現駐岳州多派哨船分巡內則哨探湖中港汊外則哨探荆河以上必須逐處搜查上游肅清然後壹意東下至陸路各軍屢據稟報崇陽通城先後失守臣已札飭貴東道胡林翼等帶勇千餘前往勦辦若能乘臣在岳時就近將崇通股匪辦有頭緒則馳赴下游可無彼此牽掣之患奏入

欽定剿平粵匪方略卷八十六

七

上命軍機大臣傳諭駱秉章曾國藩曰據曾國藩奏搜捕湖汊並勦辦崇通股匪各情是水軍雖已抵岳而馳赴下游尙無確期現在湖北賊情喫緊不但漢口漢陽亟應克復卽孝感等處亦豈宜久任狃狃况雲

夢應城退竄之賊尙在潰口上下盤旋台湧兵力過單未能兼顧襄陽武勝均屬扼要之區既未便移兵助勦前調松潘建昌兩鎮官兵尙無抵荆消息佈克慎所帶東路弁兵數祇千名卽陸元烺派撥之防兵練勇全到湖北仍須有水路藏船方能夾擊鄂省兵勇單弱豈可仍在上游遲滯著懷遵前旨迅赴湖北先清江漢其湖汊藏匿餘匪想已無多著駱秉章嚴飭地方文武實力搜捕崇陽通城各匪盤踞未久當易撲滅著卽飭胡林翼等分路勦辦曾國藩所統水勇旣不准青廉等留守武昌若駱秉章欲藉曾國藩爲保障任意牽留朕亦不能允行也

欽定剿平粵匪方略卷八十六

八

十九日戊午勝保奏言臣於十四日攻克賊巢獲勝後該逆攻城愈急連挖地道城內兵勇多方迎拒破其地道五處俱遠逾二里深至丈餘臣

知該逆慣用此技恐其所窺尙不止此諄飭城內一律挖濠注水破其詭謀不意該逆於城之西南挖地道兩處直從水底穿過十六日丑刻地雷震發城西面火光燭天西門及西南城角兩處登時塌陷賊衆於西門蟻附登城城外關廂盤踞之賊未及入城者尙多臣麾令官兵向彌陀寺以南賊壘進攻連破二處斃賊五六百

聖朝方略卷八十六

九

名復用噴筒火彈將其西關外賊營燃燒忽西南風大作賊匪順風揚沙人馬俱難立足臣此時不難卽以身殉惟念大局攸關儻冒險輕進再有疏虞更何以力圖勦賊不得已暫行收隊城中逃出難民供稱本日地雷外發本地民勇先潰臣所撥入城兵勇及山東官兵抵死巷戰逾時之久俱各陣亡思之深爲痛惜查提督桂

明本係留防劉家口一帶茲接該提督來文已於初七日行過蘭儀計日內可以到營未便復令折回已飛飭該提督來營助勦德勒克色楞亦帶兵到營臣仍當竭盡心力相機勦辦此次州城失陷臣雖無地方之責惟係統兵大員未能兼顧咎無可辭相應請

旨將臣暨善祿一併交部議處

聖朝方略卷八十六

十

同日山東巡撫崇恩奏言本月十五日南風大作是夜風勢愈烈臣知該逆詭譎異常每乘風夜非逃卽攻隨帶隊於城北一帶梭織巡視丑刻忽聞西南正西有聲甚厲少頃火光突起人聲嘈雜臣知城中有失隨同勝保飛奔向南撲救奈一路皆有賊巢攔阻勝保與臣馳至北門賊已憑城施放槍礮猶聞城中喊殺之聲知爲

巷戰無如崇墉屹立其可措手 臣調度無方布
置不善咎無可辭惟有顛懇

天恩將 臣 交部治罪均奏入

上命軍機大臣傳諭勝保德勒克色楞善祿崇恩曰逆
匪竄踞臨清城外該州北門外並無賊匪儘可內外
策應何至任賊復用地雷轟陷城池勝保善祿統領
重兵救援州城豈得以無守土之責藉詞諉卸崇恩

聖學方略卷八十六

十二

本在城內不知督率文武兵民同心固守輒至城外
勝保軍營意圖趨避該大臣等貽誤之罪均無可辭
臨清州城糧米軍械頗多逆匪勢必負隅久踞桂明
行過蘭儀計日可到德勒克色楞已帶兵到營著該
大臣等卽督飭官兵設法進剿迅將城外賊壘盡數
鏟除勿令該逆恃爲犄角庶可四面兜圍亟圖克復
逆匪詭譎異常且意在救援阜城之賊勝保統領全

軍尤應防其水陸北竄其東昌濟南一帶卽責令崇
恩嚴飭地方文武妥爲布置該大臣等務當迅圖攻
剿以贖前愆倘不知奮勉致此股逆匪久踞臨清或
肆行竄擾國法具在豈能屢邀寬典耶

上又命軍機大臣傳諭僧格林沁曰逆匪攻陷臨清大
肆猖獗該處爲水路總匯幾於防不勝防刻下阜城
之賊業經空濠圍困僧格林沁當通盤籌畫卽將阜

聖學方略卷八十六

十三

城餘匪設計殲除如能迅速奏功則督兵直赴臨清
會剿非但可爲勝保援應實所以保全大局儻蕘事
稍遲致該逆潛通消息或有勾連必至更難措手僧
格林沁接奉此旨後應如何設法進攻直搗賊巢爲
移兵赴援之計務當籌畫萬全迅速具奏

上又命軍機大臣傳諭桂良曰臨清州城失守直東毗
連要隘必須加意嚴防張殿元駐紮大名並清河威

縣各處防兵是否足敷堵剿此外扼要處所應如何添兵防守著桂良妥速統籌與勝保等隨時知照毋得稍有疏虞

上又命軍機大臣傳諭王履謙長臻楊以增崇恩英桂百勝王夢齡曰皖省之賊竄擾臨清以致州城失陷北路軍情緊急若南路賊匪續有竄逸畿輔地面何日得以肅清著王履謙長臻楊以增崇恩英桂及百

聖朝聖方略卷八十六

十三

勝王夢齡等懷導疊次諭旨嚴飭地方及河工文武各員分段設防並著將每段派兵若干名列礮若干位繪圖貼說迅速具奏並聞賊匪偷渡時每起不過數百名乘零星半渡之時用礮轟擊不難盡數殲除何得藉口於賊多兵少任聽從容紮筏陸續偷渡自此次申諭之後儻再稍有疏虞賊由何處偷渡即將該管員弁及各上司以軍法從事決不寬貸

上諭內閣曰賊用地雷轟陷臨清州城勝保身為統帥督率無方善祿先抵山東不能力遏兇鋒崇恩身任地方毫無布置以致城池失陷均屬罪有應得勝保善祿崇恩均著摘去頂戴卽行革職帶罪自效仍責令督率官兵合力攻剿儻再不能迅速克復必將勝保等從重治罪其城內文武下落著卽查明具奏

二十日 己未

聖朝聖方略卷八十六

十四

上命軍機大臣傳諭載齡曰逆匪於十五日夜用地雷轟陷臨清州城北路情形萬分緊要京外東西各營統歸載齡調遣著該侍郎隨時審度機宜統籌守禦尤應多設確切偵探隨地密拏奸細天津滄州一帶兵力單弱並著載齡設法兼顧仍與僧格林沁勝保桂良等聯絡聲援妥籌布置軍情變幻靡常該侍郎應否移營防堵務須熟籌緩急斟酌辦理

二十一日庚申勝保奏言該逆自十六日攻陷州城十七日臣親督官兵進攻東面賊壘賊竟堅匿不出忽附近壘中突出賊眾二三千人分兩股來撲我兵亦分投迎擊傷斃賊黨二百餘名餘賊俱伏壕內我兵追至槍箭並發旋將壕內賊匪全數殲斃其壘中之賊不敢出援仍復堅匿臣與將士等恨不生啖其肉以抒積憤而連

欽定剿平粵匪方略卷八十六

十五

日兵力疲乏暫令撤隊再圖進取查城中火藥無多各倉廩並囤積糧食之所業令知州張積功等放火焚燬是以賊陷城後亦大失望仍分聚城外關廂就此時賊勢而論果能就地芟除臣豈敢稍遺餘力奈賊黨眾多一經受創輒復堅匿且其志本圖北犯勢必乘隙而竄地方遼闊大兵難以合圍不得不先事豫防爲勦而兼

堵之計除飛催桂明及穆輅雙禧迅各帶兵前進外臣酌度情勢首以遏賊北竄爲目下要務賊果南奔惟有盡力追擊其西北正北似可無虞德勒克色楞駐營在土城西南以扼賊由威縣竄擾大名之路崇恩帶兵嚴堵東面其威縣之南尙有僻路可由館陶冠縣繞赴大名已派馬隊晝夜偵探一聞賊警飛速報知卽當渡河追勦其穆輅雙禧之兵先令扼要駐守再行酌度緩急調撥李湘棻所帶之勇未到當令其卽在東昌一帶扼守臣仍激勵將士勦力同心賊守則設法進攻賊竄則合力追截不敢存一毫畏難之見奏入

欽定剿平粵匪方略卷八十六

十六

上命軍機大臣傳諭勝保德勒克色楞善祿崇恩曰前因臨清失守將勝保等革職責令迅圖克復姑予薄

責不即加罪原冀其稍知愧奮刻即圖功乃本日所奏十七日進攻東面賊壘不過斃賊二百餘名迨將濠內賊匪全數殲斃亦未將賊壘即時攻奪空言積憤於事何濟且據稱城內倉廩及積糧處所均為知州張積功等焚燬該逆失望仍分聚城外關廂是城中賊匪無多所賴關廂村莊為犄角之勢若不趕緊設法將城外賊巢盡行平毀州城終難克復頓兵日

聖朝方略卷八十六

十七



三

久師老力疲又必復蹈故轍桂明於十八日已抵大名仍著勝保飛調到營並另派得力大員將雙禧穆輅之兵迎提統帶酌量地方駐守計各路徵調之兵將次到齊德勒克色楞崇恩分駐西南及東路其東南一路必應顧及况東昌亦商賈輻輳素稱饒裕之區豈可稍有疏失必俟該逆竄往再籌盡力追擊已落後著李湘棻厲恩官兵力是否足資扼截該大臣

可以就近調遣令即堵守臨清東南之路該大臣固當嚴扼賊匪北竄仍須面面兼顧迅圖收復州城毋再遲延致干重典

同日琦善奏言臣接奉

諭旨令將三汊河防堵官兵一千名即飭參將安勇遊

擊毛三元帶領回東以資防勦自當欽遵辦理

伏念臣節制江北所以力扼瓜州等處江面者

聖朝方略卷八十六

十八



三

即所以杜北竄並非專顧南路也現在瓜州尚為賊踞三汊河適當其衝必須有兵駐守臣駐營秦家橋控扼瓜州儀徵兩路防勦兼施時有顧此失彼之慮自三汊河東岸下抵瓜州處處濱江雖陳金綬穆克登額等各守要隘而臣須時時代為籌畫兵愈分則愈單所以能勉強支持者實賴三汊河營盤力扼中權以便東西岸

官兵分張兩翼庶幾戰守交資水陸有備今若將山東防兵裁撤則官兵兩岸齊進難保賊船不由水路闖入儻分兩岸之兵移紮三汊河則東西兩面空虛賊必由高寶而趨清江由清江而竄邵宿又偪山東之南境北路之賊復添一股是調兵北行適所以縱賊北竄權山左之緩急者或未計江北之安危如張亮基必謂此係

欽定剿平粵匪方略卷八十六

九

勁兵足資防勦臣自應飭令回東斷不敢留以自衛但三汊河地方緊要必須另撥官兵前來更換查舒興河原帶之陝甘兵現在廬州歸和春統帶內有河州西甯兵各五百名與山東兵數相符可以前來調換如蒙

俞允一經調到節飭參將安勇等帶兵星馳回東是否可行恭候

聖裁奏八

上命軍機大臣傳諭琦善曰現在賊陷臨清所調各路官兵將次到齊已命勝保等迅圖克復若俟山東官兵調回亦屬緩不濟急且淮北情形喫重雖有袁甲三秦定三分駐臨淮正陽仍須和春福濟統籌兼顧力杜逆匪北竄所有河州西甯官兵未必能調赴揚州其張亮基請調回山東官兵亦著毋庸調回仍留

欽定剿平粵匪方略卷八十六

二十

三汊河交琦善調遣

同日向榮奏言臣前將二月二十三日攻打神策門情形馳奏連日疊次進攻朝陽太平通濟各門無如賊眾死守屢攻均未得手內應事機已洩該逆逐日在城搜殺各門俱閉出入嚴緊現將逃出內應妥為安撫以期收拾人心另圖克復貴州鎮遠等營官兵一千名已遵

旨派令遊擊鮑雲翥管領馳赴徐州歸秦定三統率臣

現帶之兵計存六千數百名中多疲乏必須添

調勁兵前來以憑更換撤遣合無仰懇

天恩飭令廣東選調潮州黃岡惠來等營兵一二千名

令總兵壽山統帶與福建漳州雲霄詔安同安

等營兵一二千名前來江南助剿以資得力奏

入

聖學聖方略卷八十六

三

上命軍機大臣傳諭向榮曰臨清州城失守北路情形

緊急惟望金陵及早收復埽穴擒渠茲聞向榮奏報

金陵疊次籌攻均未得手是向榮於收復之事尙屬

毫無把握已諭令王懿德葉名琛各調官兵二千名

前往向榮軍營該大臣務當先就現有兵勇設法進

攻將金陵及鎮江城池次第收復則皖豫賊匪有所

牽制自不至續行北竄北路勦辦較易爲力

上又命軍機大臣傳諭王懿德葉名琛曰金陵爲首逆

盤踞之區自應添撥精兵助剿以期及早收復著王

懿德於漳州雲霄詔安同安等營葉名琛於潮州黃

岡惠來等營各挑選精兵二千名派員管帶其廣東

官兵並著潮州鎮總兵壽山統帶迅速前往向榮軍

營聽候調撥

同日和春福濟奏言三月初十日臣等令各營

聖學聖方略卷八十六

三

四面攻城分派江忠濬等帶兵攻打東西南北

大西得勝等門臣和春居中調度與秦定三往

來督戰臣福濟督兵赴各路接應北門內衝出

賊匪五六千人分三路來撲我軍分三路迎剿

一面飛調鄭魁士等分左右中三路進攻立斃

賊匪無數該逆猶敢拼死迎敵我軍奮勇爭先

又斃賊匪多名賊漸敗退此日之戰約斃賊匪

一千餘名惟署總兵全玉貴打仗受傷該營紮於北門外偏近大橋爲逆匪出北門必由之路隨令秦定三前往駐紮十三日逆匪突出四五千人來撲秦定三督兵出營攻擊臣等派隊飛往接應又斃賊匪無算該逆敗走落水死者甚多容再設法圍剿迅克圖復

同日袁甲三奏言查臨淮爲水陸要路賊之窺

欽定剿平粵匪方略卷八十六

三

臨淮無異於窺正陽因臨淮有備而正陽無備且六安又爲捷徑所以旁竄耳現在自淮以南鳳定土匪大肆猖獗臣擬到臨後卽行分兵勦辦臨淮至正陽爲鹽船必由之路近因粵逆竄擾上自六安下至懷遠沿河皆爲土匪盤踞商賈無路可通臣到臨後必當竭盡心力疏通河道然正陽一有阻滯下游徒勞罔功至於正陽

以南由六安至舒桐安慶等城逆匪並不甚多亦未踞守城池民間蓄髮者頗多含垢忍辱爲苟延性命之計此時正陽駐紮重兵一面防賊北竄一面布置進攻舒六與廬州作接應之勢風聲所到賊有戒心且百姓聞之亦生感奮同仇禦侮必有可爲內應者至賊蹤未到之區聞霍邱縣土匪猖獗該縣與六安聲息相通僞逆賊乘亂而至霍邱一失直達潁郡則皖豫楚處處可通正陽亦不能守矣現奉

欽定剿平粵匪方略卷八十六

三

旨派秦定三扼守正陽必須多帶精兵與劉玉豹會合一處且防且剿以收民心而分賊勢駐防陳州之牛鑑亦宜進駐潁州以壯聲威庶北竄門戶處處聯絡臣駐守臨淮遙作各路聲援如有可進之機亦卽酌量前進斷不敢一隅株守自倖

無罪總之六安來路既扼不惟潁郡無虞豫省
歸陳及宿徐以北均可無虞臣思慮所及不敢
稍存畛域伏祈

聖明垂察均奏入

上命軍機大臣傳諭和春福濟曰前諭和春等撥兵交
秦定三迅赴正陽關霍邱一帶嚴杜賊匪西北竄路
霍邱土匪狡獪該縣與六安接壤為正陽關之犄角

聖賢方略卷八十六

五

此處一有疏虞則正陽亦難固守現據和春等奏報
勝仗秦定三尙在行間是直坐擁重兵竟置全局於
不顧耶著卽派撥兵勇迅交秦定三剋日統帶起程
不准稍有耽延現在六安舒城桐城安慶等處逆匪
均不甚多祇因大兵專顧廬州人無固志以致該逆
肆意往來若秦定三移兵正陽或援霍邱或攻六安
時時出賊不意備以兵威不但賊難他竄卽廬州攻

勦亦易得手向榮現派貴州兵一千名前往徐州此
項官兵赴徐道路紆折著和春等飛提迎催卽交秦
定三統帶但不可坐待此兵致誤事機仍著先撥官
兵數千速令秦定三馳往

上又命軍機大臣傳諭袁甲三曰皖省情形敗壞至此
卽使廬州計日克復亦難收拾援潁郡以固正陽實
係緊要關鍵袁甲三現辦捻匪如大致已定卽應迅

聖賢方略卷八十六

五

赴臨淮該處距宿州不遠聲勢儘可聯絡鳳陽定遠
等處土匪均著隨地勦辦亦不必專駐臨淮致成株
守至淮河上下如何設法疏通總當力籌妥辦不得
諉之正陽阻滯下游徒勞無功也和春等已飭恩錫
督帶兵勇前赴臨淮所帶之兵究係若干就現在情
形而論似臨淮之兵多於正陽而正陽之防重於臨
淮該給事中既能統籌全局卽可與秦定三和衷商

推互相策應據稱近日正陽關以南民情被賊煽惑
總由安慶舒桐六安一帶官兵不能兼顧以致脅從
此時惟有力遏廬州臨淮正陽霍邱等處要隘以圖
進攻轉移之術全在隨時相機籌辦不可諉之時事
難爲也

上又命軍機大臣傳諭英桂曰皖省霍邱一帶土匪猖
獗其地距潁州甚近若有疏虞則皖豫處處可通歸

欽定剿平粵匪方略卷八十六

三

陳等處亦甚可慮著英桂卽飭牛鑑帶領兵勇剋日
馳赴潁郡以資防勦袁甲三現赴臨淮庶彼此聲勢
聯絡固皖省之藩籬卽以保豫疆之門戶其蘭儀河
口仍當嚴密巡防毋任賊匪續渡彰德地方官民團
練尙堪自衛衛輝地面則團練寥寥殊不足恃著卽
督飭該處文武督率紳民實力團練毋稍疏懈英桂
現時究竟曾否出省並歸德信陽兩路防堵情形作

何布置著卽統籌全局不可株守省垣致滋貽誤

同日崇綸青巖奏言近日賊船上下分竄倏去
忽來三月初四日漢口開出逆船一百餘隻小
河內陸續出船無數乘風直撲前來卽經城上
用礮連環轟擊逆賊頭船直冒槍礮紛紛登岸
分撲武勝漢陽兩門臣等督飭將弁奮勇直前
擊殺一百餘名江上賊船始退其潰逃賊匪登

欽定剿平粵匪方略卷八十六

三

船不及落江溺斃者甚多彼時漢陽以上鷓鴣
洲泊有賊船四十餘隻亦乘時渡江直撲白沙
洲大營經遊擊侯鳳岐等礮船擊退初五日東
南風順密飭侯鳳岐等督帶礮船渡江攻擊鷓
鴣洲賊船賊始畏怯移匿小河之內現聞竄赴
上游金口逃散者不少查漢陽盤踞賊船上下
分竄約有二千餘隻其往下游者探報已過黃

州其上竄者自金口登陸分往咸甯通山蒲圻等縣現在小河口內尚有賊船一千數百餘隻探得賊匪不過二三千若有一枝援軍乘此機會合力攻剿可以解圍臣等屢次函咨台湧令其速遣佈克慎等統帶已招兵勇二千餘名由德安直抵漢鎮日久並無音耗惟有再懇

天恩飭催台湧速為應援奏入

聖學聖方略卷八十六

五

上命軍機大臣傳諭台湧青麀曰漢陽漢口一帶逆船遊駛江面意圖直撲武昌此次水陸交戰尙能稍挫賊鋒省城現存兵勇約有萬餘兵力不為單弱青麀等惟當鼓舞士氣激勵民心不得以外援不至為詞徒深焦灼曾國藩水上一軍聲威頗壯本日復諭令迅由岳州統師東下以為楚北應援並陸元烺派撥應援兵勇著一併迎催前進會台夾攻但使江路一

通不獨武昌南北兩岸聯為一氣即上下游分竄逆匪亦易於次第殲除台湧節制兩湖無論何路剿匪事宜均應熟籌兼顧相機而行荊州一帶籌防是否嚴密孝感漢陽等處如何督率進攻佈克慎以獲咎大員特恩派令帶罪殺賊著即飭令分投進剿以期稍贖前愆

上又命軍機大臣傳諭曾國藩曰昨諭曾國藩迅由岳

聖學聖方略卷八十六

三

州統領舟師馳赴楚北為肅清江漢之計原以該省軍情緊要上游荆江一帶籌防至重孝感等縣賊勢方張屯踞漢陽漢口逆眾仍復肆意遊駛此股一日不除武昌一日不能解圍著曾國藩迅即遵照前旨剋日帥師東下迎賊所向併力殲除此時得力舟師專恃曾國藩水上一軍惟當權衡緩急相機速辦朕既以剿賊重任付之曾國藩一切軍情不為遙制應

如何與台湧青塵等聯屬聲威互相援應並著隨時妥籌毋誤事機

同日桂良奏言賊匪既踞臨清直隸毗連處所誠應倍加嚴防查穆輅雙禧前次所帶官兵業已到防分布扼守其澤潞官兵一千名亦經勝保札令在各要隘駐紮第恐賊勢狡獪尙須添兵堵禦當於駐守正定之大同官兵內抽撥五百名就近馳往直東交界交張殿元擇要分紮以期嚴密奏入

欽定剿平粵匪方略卷八十六

三

上是之

同日

上諭內閣曰自逆匪竄擾以來所過州縣村莊慘遭蹂躪曾經疊降諭旨令各省紳民辦理團練既可保衛身家又可隨同官兵勦賊近覽軍營奏報各該處紳

民人等或殺賊被害或殉節捐軀實屬深明大義均堪憫惻著各路統兵大臣暨各該督撫等迅速查明凡逆匪經過地方鄉團紳民人等有能奮勇勦賊者隨時分別奏保朕必立加優獎其陣亡鄉勇除隨同官兵打仗例得請卹外其有激於義憤殺賊殞身者無論防勦逆賊土匪悉准令紳民於各該地方建立總坊一併題名並從祀各州縣忠義祠以昭激勸

欽定剿平粵匪方略卷八十六

三

臣等謹案鋤奸詰暴惟守土責有專司取義成仁在臣工分所當盡至於編氓之賤椎魯之夫目未識夫詩書焉能責以名義乃自軍興以來無論仕族寒門販夫走卒罔不同心敵愾勦力效忠良由我

朝深仁厚澤二百餘年其入民心者既深斯報國家者愈重今

文宗顯皇帝復降

德音表揚忠義有功者加之獎勵死事者報以馨香

詔旨特頒賢愚同感誰不爭相奮勉願許馳驅異日巨

寇削平大功迅奏雖藉三軍之用命亦由衆

志之成城也

勦平粵匪方略卷八十六



欽定勦平粵匪方略卷八十七 甲寅年

三月二十二日 辛酉 台灣奏言查孝感一帶賊勢

披猖竄入縣城佈克慎督兵由楊店抄出白沙

鋪堵截三月初九日有賊三四千人暗趨西面

抄出陡岡鋪徑撲雲夢縣城遊擊吳定鼈等卽

帶兵回擊賊已攻陷城池而水路之賊不下千

餘亦由長江埠一帶乘虛抄襲其後兵勇力不

勦平粵匪方略卷八十七



能支因而敗潰該遊擊等退抵德安府城南關

駐紮收集潰散兵勇 臣卽日差弁往白沙鋪飛

調佈克慎所帶之兵趕來迎勦初十日佈克慎

等先抵東關兵丁徒步較遲尙未到齊卽據探

報賊匪約五六千由雲夢分三路來距城數里

自雲到德之兵均已散去 臣督佈克慎等直赴

南關列陣初定賊已蟻聚蠶屯四圍擁撲分股

由西關抄往北門竄入城內縱火吶喊弁兵無心戀戰查點兵勇除傷亡外潰散亦十居六七臣惟有退扼武勝關先行收集潰兵再圖整頓進取乃十四日道出應山縣境適有另股賊匪由該縣王家店地方竄入縣城現擬將前調之提標官兵五百名並在關之河南防兵五百名一併交佈克慎統帶力圖遏賊北竄卽由應山而德安次第規復城池飛咨河南撫臣英桂就近派撥精兵一二千名來楚會剿臣調度乖方咎無可道應請

旨將臣從重治罪此次德安府及雲應等縣先後失守兵勇將弁聞風潰散此等惡習實屬誅不勝誅臣受

恩深重百死不足塞責現在會督署提臣佈克慎統率

欽定剿平粵匪方略卷八十七

二

官兵卽由武勝關取道應山德安設法力圖克復以報涓埃

同日英桂奏言查豫省南汝光等府州屬界連楚北黃州德安各要隘防堵尤爲喫重臣先飭南汝光道余炳燾督率防兵一千五百名在信陽之武勝黃土平靖等關嚴密守禦羅山縣屬之九里大勝等關派汝甯府知府廖姓等管帶

欽定剿平粵匪方略卷八十七

三

兵勇八百名分駐扼守鎮臣柏山駐兵固始兼顧光州本省應防要隘尙覺處處有備惟現據探稱三月初三日賊陷孝感隨撲雲夢初十日由雲夢進撲德安府城業已失陷十四日竄及應山准湖廣督臣台湧咨調豫省派防武勝關官兵五百名並調精兵一二千名會合督剿楚省逆氛猖獗應山逼近信陽台湧飭調武勝關

防兵自不能不速令前往臣飛咨柏山迅即選帶兵勇馳往信陽相機堵剿以遏賊衝仍令體察情形酌留官兵駐防固始並派撫標兵五百名練勇三百名交臬司林揚祖統帶即日馳赴歸德兼防陳州綜籌歸陳應防之處甚多兵力仍不敷分撥相應請

旨速飭西安將軍舒倫保移緩就急統帶官兵來豫徑

聖學方略卷八十七

四

赴歸陳與蒙亳交界處所擇要防守其黃河各渡口現有太常寺卿王履謙河督長臻梭織巡防與臣互相知照不敢稍有疏虞均奏入

上命軍機大臣傳諭台湧曰台湧自上年十二月馳抵德安接辦防堵迄今數月自應先事豫籌妥為布置前此克復黃陂正望其督兵進剿何以所帶兵勇遇賊即潰以致德安雲夢孝感應山等處相繼失守僅

欲以一死塞責於事何益逆匪竄入德安其勢甚張此時總以扼守要隘杜其北竄為第一要著該督現駐武勝關該處與豫省毗連務即督飭佈克慎帶兵實力堵禦勿令逆匪闖入一俟兵力稍集即可力圖克復該督統轄全省仍當熟計兼籌以冀保全大局豈可專恃血氣鹵莽債事此次潰散兵勇著查訊明確即行正法德安等府縣文武下落並著查明具奏

聖學方略卷八十七

五

又命軍機大臣傳諭英桂曰湖北賊匪連陷雲夢德安等處勢甚猖獗台湧已督帶官兵繞至武勝關遏賊竄路該處為由楚入豫扼要之區果得精兵鎮守逆匪自難竄越已諭舒倫保統兵由信陽州一帶直抵武勝關與台湧會合攻剿著英桂速即挑選精兵二千名派委得力員弁星夜馳往聽候台湧調遣總兵柏山已經派赴武勝關著即飛催前進不得稍有

遲誤德安等處與豫省交界處所路徑紛歧仍著隨地嚴密防堵毋任賊匪繞越

上又命軍機大臣傳諭舒倫保曰賊匪竄撲德安雲夢等處相繼失守武勝關爲楚豫交界要隘且由德安至信陽一帶路徑紛歧必須扼要嚴守著舒倫保迅速督飭原帶官兵馳赴武勝關與台湧聯絡聲勢防勦兼施總以堵賊北竄爲要萬不可令逆匪闖入豫境致滋蔓延

勦平粵匪方略卷八十七

六

上又命軍機大臣傳諭扎拉芬曰舒倫保已令帶兵速赴武勝關潼關一帶空虛著扎拉芬卽督兵前往駐紮籌辦防堵其毗連湖北之商雒等處仍著與王慶雲隨時咨商辦理毋稍疏虞

上諭內閣曰台湧自上年馳抵德安接辦防堵屢有斬獲特授爲湖廣總督辦理勦賊事宜應如何盡心籌

畫以副委任乃本日據奏德安等處先後失守實屬調度乖方罪無可辭台湧著暫行革職仍留湖廣總督之任帶罪自效

二十四日 癸亥 和春福濟奏言 臣等奉到

諭旨令卽撥兵交秦定三帶往徐州自應欽遵辦理惟軍情變幻且夕不同現查徐州並無賊匪前此北竄未能渡黃之賊已由正陽回竄六安現探

勦平粵匪方略卷八十七

七

由六安盡返廬州賊旣歸併一處正宜聚而殲旃若以得力之員置諸形勢稍緩之地轉恐有誤事機但賊情詭譎難保其不去而復來參將劉玉豹帶兵千餘名雖足堵禦而籌防必應周密查有已革總兵郝光甲人甚勇敢已飭管帶陝甘官兵一千五百名前赴正陽關協同劉玉豹認真防勦務使西北一帶壽州霍邱等處逆

匪不能竄擾並相機進剿六安以分賊勢現值急圖克復城池之際全玉貴受傷未愈合無仰

天恩俯准仍留秦定三在廬助剿以期得力

和春福濟又奏言查逆匪因我軍在北門外逼近大橋堵住城內出路三月十四日雨夜在對河橋邊偷築營壘三座意欲隔河攻我營盤使

勦平粵匪方略卷八十七

八

我軍不能紮駐我兵因值雨夜未便進攻十五日早天氣稍霽臣和春派兵前往攻擊並知會臣福濟吉順督率官兵如東南門賊匪出巢即分投迎剿臣和春隨即帶領滿漢官兵馳赴北門秦定三已先督帶兵勇在前攻擊當令鄭魁士程智泉等帶湖南兵勇廣勇搶過對河由賊營後路抄擊派協領玉崑等督兵在橋頭併力

轟打該逆在營內以槍礮回擊並連開大礮頃刻間北門又突出賊匪二三千人來撲即令兵勇迎剿立斃賊匪多名鏖戰甚久賊漸不支適西路副都統常清帶領青州營滿兵前赴店埠紮營堵禦路過北門常清即飭協領多廉帶兵一齊上前連開擡礮各兵勇爭先力戰賊匪紛紛倒地我軍乘勢擁入賊營盡力砍殺屍橫徧

勦平粵匪方略卷八十七

九

野將賊營三座同時焚燒我軍趕至城下併力攻打聞東南門礮聲甚緊臣和春即督率官兵趕至見逆匪由東南兩門分股出巢經吉順等帶領官兵分途進剿當令鄭魁士等督兵轟擊逆匪愈來愈多攻打兩時之久該逆在河邊死拒不退我軍連開大礮轟斃多名餘賊始奔敗入城此戰計斃賊匪一千餘名生擒十七名陣

斬首級一百餘顆奪獲大礮六尊槍礮刀矛等件無數臣等現仍督率兵勇再行設法進剿奏

入

上諭曰現在廬州固應及早克復爲是但北路門戶已開任賊來去汝二人惟知緊攻廬州並不兼顧北竄由正陽回六安之賊並非窮蹙奔回設該逆由西路繞出非仍循蕭碭卽旁竄河南汝等又不能分身雖

欽定剿平粵匪方略卷八十七

十

立正典刑於全局何濟現雖逆聚廬州正是詭謀不測避實擊虛到處牽掣汝等反謂可聚而殲旃踞廬州之逆閱數月尙未克復今添賊反有把握其誰信之郝光甲朕慮其巧猾汝等何昧於事機昏憤若是耶

上命軍機大臣傳諭和春福濟曰該提督等圍攻廬州固不可緩而西路空虛必須得力大員帶兵扼要防

剿以杜賊匪續行北竄現在廬州不能迅克徒使大兵爲賊牽掣實屬昧於事機郝光甲前在山西追賊遲延迨催赴直隸軍營又復觀望不前其居心巧猾殊不足恃霍邱土匪情形前次寄諭已經詳示正陽關爲賊匪自西竄北必經之路該提督等乃稱爲形勢稍緩派令不能得力之員前往防剿何不知緩急若此著和春福濟仍遵前旨卽將所派官兵交秦定

欽定剿平粵匪方略卷八十七

十一

三管帶剋日馳赴正陽關督同劉玉豹認真防剿其霍邱等處均責成秦定三嚴遏賊匪北竄並相機進攻六安與和春等聲勢亦可聯絡郝光甲仍行撤回廬州軍營隨同打仗其應否仍用陝甘官兵之處亦著妥速籌撥現在賊匪雖盡返廬州六安亦必有賊黨占踞且旣由正陽關回竄難保其不去而復來設正陽霍邱一帶防剿委任非人致令賊匪復乘間北

竄則東豫兩省處處喫重該提督等豈可一誤再誤耶

同日

上諭內閣曰順天府府尹楊霈著馳驛前往河南協同英桂辦理防剿事宜

二十五日甲子勝保奏言賊自攻陷州城無日不

思北竄十九日於西面偷搭浮橋意將乘夜西

竄復折而北經兵勇放火焚燒轟斃賊匪數十

勦平匪方略卷八十七

十二

名餘匪敗退入巢二十一日該逆復於西南面

搭橋一座兵勇馳往施放槍礮立將浮橋焚燬

連夜賊又東西撲擾奪路而出皆被擊退官兵

晝夜未嘗休息俟桂明及穆輅雙禧原帶官兵

到齊臣當督率各路官兵極力攻克痛加勦洗

如日內兵未到齊或有竄逸自當就現在之兵

盡力截擊以遏賊氛

勝保又奏言竊思賊匪守則難攻竄則易制無

如各營官兵僅敷夜間護守營盤及遏截北路

之用至派兵設伏實難分撥臣再四籌度酌撥

黑龍江蒙古馬隊二百名派總管平海侍衛策

全協領巴依胡朗帶領前往西北之范家場渡

河至溫涼社地方扼要嚴防日閒於西南面佯

不設備以示無兵誘令竄至賊果於二更以後

勦平匪方略卷八十七

十三

大股擁至意欲渡河潛竄我兵遙聞聲息寂然

不動俟其行近衝出截殺該逆猝不及防亡命

回奔賊隊大亂我兵追殺斃賊四五百名該逆

黑夜之中彼此自相踐踏及情急投河者不計

其數臣與善祿等復在西北東北兩面乘夜進

攻東西兩關賊營約斃賊眾二三百名其撲出

之賊又經馬隊截殺八九十名前後殲斃賊匪

擊散裏脅約計數千軍威大振暫可絕該逆西
北竄逸之心臣惟有飛催續調官兵到齊並四
路多發偵探趁此聲威力籌勦辦
勝保又奏言臣前奏請將桂明之兵留防劉家
口實恐南賊接踵而來勾結蔓延更難收拾不
得不思患豫防非敢謂此閒兵力已敷勦辦無
事加增也賊供初意欲到北京其所以盤踞臨

欽定剿平粵匪方略卷八十七

十四

清城外者因官軍屢挫其鋒此時雖陷州城仍
不敢直趨北犯臣恨不立殄羣兇豈肯任其竄
逸西北東北兩路臣與善祿儘能盡力遏截其
西南面則有德勒克色楞東面則有崇恩厲恩
官刻下就現在兵數設法布置遏其北竄已覺
大費躊躇若再兼顧南面實屬力有未逮各路
文報或云土匪附合真賊不多或云賊勢不强

易於勦滅此皆局外不知痛癢之言在他人姑
妄言之臣身在局中何敢稍爲粉飾至屢次奏
報臣以遏賊北竄自任其實賊若大股衝突而
出或由東西繞越而北地廣賊多遏截亦頗不
易所以不避艱險力任其難者惟恃一念血誠
置利害於度外衆議紛紜未必皆能見諒臣若
稍存諉卸之見當時遵

欽定剿平粵匪方略卷八十七

十五

旨移紮德州緩兵徐進則臨清早當有失逆賊更當北
竄目下之計自以遏其北竄爲第一要務如欲
遏其南竄不能不分西北之兵西北之兵本單
再一抽撥則賊之北竄勢所必然臣之不能兼
顧南面者所謂兩害相權則取其輕也若幸其
南竄藉以塞責臣安敢若此奏入

上命軍機大臣傳諭勝保曰前降諭旨謂勝保幸賊南

竄原因該大臣前奏於西北一路則稱以血戰當之於回竄東南西南則稱惟有跟蹤追勦是以責令就地芟除亦仍係該大臣前此自行具奏之語且所稱東昌豐工劉家口等處應行布置之處無不一一指示並未嘗令該大臣抽撥進攻之兵分防南竄之路乃此次奏報轉稱遏其北竄已覺大費躊躇直似北路尙無把握南竄更不待言顯係有心剖辨試思逆

勦平匪方略卷八十七

十六

匪若竟由南竄紆折西向何處不可繞越北犯該大臣之意以爲沿途截殺較之頓兵相持易於得力此亦實在情形屢次奏報無不以此爲長策然自獨流賊竄之後一到阜城又復負隅抗拒該大臣所自信者尙不能收效於前朕豈能不爲顧慮至牽涉前此諭令進駐德州之旨尤屬非是若使當時逆匪竟由大路北竄繞出臨清則德州正當其衝該大臣進兵

清河不又轉在賊南乎况緩兵徐進之語豈亦諭旨中所有緩急機宜原在統兵大臣隨時斟酌朕亦未嘗因該大臣不駐德州責其違旨曉曉置辨於事何濟至所稱局外疑謗豈得盡無朕此時但以勦賊爲重該大臣果能迅殄妖氛卽有性情偏僻之處朕亦不遽加以譴責總在該大臣平心自問有則改之無則加勉自能開執諛口若事事負氣不能深籌熟計

勦平匪方略卷八十七

十七

致逆匪日久稽誅國法具在不待他人之叅奏也桂明已抵館陶穆輅雙禧之兵卽著迅速督催併力進剿大名一帶添派駐紮正定之大同兵五百名前往協防著一併歸該大臣調遣

諭內閣曰此次設伏邀截斬獲賊匪甚多勝保等務卽乘勝會合兜圍一面嚴扼紛竄一面迅籌攻剿收復城池盡殲逆黨所有殺賊出力之總管平海著賞

加副都統銜二等侍衛榮全著賞給頭等侍衛協領
巴依胡朗著賞戴花翎

同日勝保善祿崇恩奏言臣等遵查張亮基兩
次出隊均在臣等收隊之後其殺賊若干臣等
目所未見不知確數連日細加訪察除所報初
七日焚燬黑家莊殺賊二千餘名已由臣勝保
查明實在情形據實奏外其初九十四日兩

欽定剿平粵匪方略卷八十七

十六

次進攻俱經獲勝俱有斬獲每次殺賊一二百
名及百餘名不等但始雖獲勝繼皆爲賊壓下
練勇亦有傷亡查張亮基所帶之勇專委湖北
棗陽縣典史陳韜一人教演聽其調度聞該員
臨陣尙知奮勇似有微勞但不免輕進易退致
有小挫其人機警善辨性喜誇張爲張亮基所
信任縱張亮基不敢有意冒功然於接仗情形

並未目擊但憑陳韜之言不加考覈遽行入奏
實所不免且陳韜每行文出示輒以監軍自稱
其謬妄可知至所帶練勇張亮基未交卸時已
多解散又有陳韜帶赴省城者不知確數現存
之勇若干未據張亮基移交現已行文催查移
覆到日卽行咨辦其實在奮勇出力之勇日人
等仍俟查明保奏奏入

欽定剿平粵匪方略卷八十七

十九

上諭內閣曰張亮基於初九十四日兩次進攻賊壘雖
皆獲勝每次殺賊僅一二百人練勇亦有傷亡該革
員於軍務重情不知詳細考覈輒聽信委員誇張之
詞率行入奏實屬罪有應得著仍遵前旨發往軍臺
效力贖罪並著勝保等派員卽日押令起解不准藉
病逗留湖北棗陽縣典史陳韜雖臨陣尙知奮勇而
性喜誇張語多不實且行文出示輒以監軍自稱謬

妄已極著交部議處所有兩次接仗出力之勇目人等仍著勝保等查明具奏

同日駱秉章奏言臣思湖北與湖南唇齒相依湖北之賊氛不息湖南接壤各府縣在在可危與其坐待賊來不若出境先剿隨與前禮部侍郎臣曾國藩先後札飭胡林翼及副將塔齊布升任同知直隸州王鑫等督帶兵勇分道進剿

剿平粵匪方略卷八十七

二十一

崇通賊匪王鑫由蒲圻前進適蒲圻新到賊眾甚多勢將南犯遂擬就近迎剿初八日行抵羊樓司地方前營遇賊失利王鑫督中營繼至率勇奮擊斃賊百餘賊已敗退正造飯聞忽賊匪叢擁而前分路抄襲王鑫率湘勇分投抵拒鏖戰數時勢漸不支紛紛潰退折回岳州賊眾躡蹤緊追初十日全股直撲岳州曾國藩即飭知

州朱孫詒等率南勇六百先出迎敵頗有斬獲湘勇繼進互有殺傷賊眾更番抗拒湘勇疲乏收隊暫入岳城賊分三面急攻曾國藩調水勇礮船駛赴岳陽樓下開礮轟擊斃賊百餘賊勢稍卻各勇始得縋城而出此初十日接仗失利之實在情形也曾國藩以陸勇失利水勇難期復振探聞賊匪水陸並進省城防兵無多情形

剿平粵匪方略卷八十七

三十一

喫重遂率水勇礮船乘風暫回長沙共圖守禦已於十四日抵省頃探賊舟前隊百餘號乘風上駛已至白魚磯距省城僅百五十里順風一日可到而竄岳賊匪有即日分道竄撲省城之信臣現會同曾國藩鮑起豹熟籌防剿機宜存城官兵實止三千有餘僅敷守堞之用前調新甯在籍知府江忠濟選募楚勇一千二百名甫

於十二日抵省現紮營北城外江忠濟臥病在
家臣復飛札敦促再募楚勇一千力疾督帶來
省聽調並飛調辰州各營兵一千名令都司景
福等分帶前來會國藩現統帶水勇戰船分布
省河扼賊上竄其未及到岳之湘勇各營及招
集新潰之勇擬卽紮營南城天心閣外期於內
外聯絡水陸交防至前委胡林翼塔齊布等進

欽定剿平粵匪方略卷八十七

三

勦湖北崇通賊匪此時賊匪復竄岳州該員等
懸軍深入餉道堪虞臣已密札飭其酌度機宜
全師出險升用同知直隸州王鑫平素勦匪尙
屬得力此次恃勇輕進以致失利咎實難辭應
請

旨革職留營帶勇效力贖罪以示懲儆奏入

上命軍機大臣傳諭駱秉章鮑起豹會國藩曰蒲圻新

到賊眾甚多王鑫迎勦失利折回岳州該匪全股直
撲郡城會國藩遽率水勇礮船回省守禦並未於臨
湘一帶設法扼截致賊舟前隊已至距省百五十里
之白魚磯長沙省城防守自關緊要該撫已飛調江
忠濟募勇力疾赴援復添調辰州官兵來省並與會
國藩布置內外水陸各地方聯絡聲勢當可力保省
垣惟岳州爲南北要隘上則屏蔽長沙下則援應武

欽定剿平粵匪方略卷八十七

三

昌咽喉重地豈可置之不顧仍著會國藩酌撥礮船
設計迎截並著繞道飛飭胡林翼塔齊布斷賊後路
一面分撥兵勇於平江益陽兩路前攻岳州使該匪
腹背受敵則省城不至危急而胡林翼等一軍亦較
有接應且可相機水陸兩路援應武昌會國藩所統
礮船原爲肅清江面今既未能迅速下駛亦豈可株
守長沙坐視逆賊之至而不爲南北兩省通籌大局

耶鮑起豹提督全省軍務何以並未出省勦辦賊匪著與駱秉章等熟籌防剿會國藩仍應統帶舟師下駛或分撥船勇併力攻擊俾湖南境內賊氛掃蕩庶可援救湖北現在黃州上竄之賊非有大隊水軍駛至漢陽江面無以牽綴該逆之後駱秉章會國藩當如何急籌奏功為兩湖全局計也王鑫進剿失利著卽革職該員平素勤匪尚屬奮勉著准其留營帶勇效力贖罪

聖朝方略卷八十七 三

同日

上命軍機大臣傳諭載齡曰文瑞痼疾益甚准其開缺固安地屬扼要載齡駐此居中調度各路官兵聲勢可期聯絡現文瑞既未能前往該侍郎卽無庸移營他處雄縣防堵事宜亦關緊要卽著該侍郎派委得力員弁帶兵前往駐紮

二十七日丙寅僧格林沁奏言逆匪前受懲創堅匿不出二十二日陡起大風該逆乘風由塔兒頭村擁出二三百名撲向西南營壘馬步官兵齊進擊斃賊五六十名該逆敗退二十三日豫派侍衛達崇阿帶領馬隊官兵二百名伏於前次燒燬賊巢其餘馬隊官兵在濠邊屯紮以備接應臣帶領小隊官兵數十名在縣城紅葉屯

聖朝方略卷八十七 三

適中之樹林內暗伏卽飭馬步各隊官兵往誘該逆並不出巢當將官兵撤回臣仍伏林內該逆在城上及樓房瞭望見我兵人數無多大隊全行撤回隨由紅葉屯撲出賊匪二百餘名達崇阿帶兵出村從中截擊斃賊數十名忽南關東南關紅葉屯塔兒頭村撲出賊匪四五千名蠢擁而至直撲南面當將達崇阿撤回同小隊

官兵一字排列該逆三面直撲見我兵屹立不動不敢前進復飭達崇阿帶兵壓下斃賊五六
十名復將達崇阿撤回仍前排列該逆數千之
衆見我兵二百餘名從容不迫隊伍整齊正在
懷疑閒將軍瑞昌等帶領

盛京步隊官兵侍郎培成等帶領察哈爾馬隊官
兵副都統那敷德帶領昭烏達密雲官兵從東

聖朝方略卷八十七

三

南正南西南壓下副都統烏凌阿等帶領官兵
從東北正東壓下副都統達洪阿帶領官兵撲
近賊隊奮勇直前斃賊不計其數該逆見官兵
驍勇卽欲奪路逃回我兵四面兜擊該逆潰逃
無路拌死抗拒我兵奮力攻擊復又斃賊多名
鏖戰三時之久時已昏黑徐徐撤隊該逆受此
大創勢必死守不出惟有再爲設法極力進攻

以期迅速肅事

同日勝保奏言臣前因設伏截賊獲勝知賊思
竄愈急當於二十三日夜派隊直撲賊巢賊衆
大驚殺斃無數當將林家圍賊壘登時焚燬乘
勢掩殺復將該逆所踞校場賊壘二處放火焚
燒該逆因東關巢穴已失不能抵拒全股逃至
西南城廂屯聚仍於西北東南營壘抗拒揣測

聖朝方略卷八十七

三

賊情似已不敢北竄現在賊巢尙有十餘處城
上守陴之賊亦復不少地方遼闊不能合圍東
南西南正南皆無可撥之兵不得已於馬隊內
抽撥三百名令其渡河分紮范家場戴家牖劉
家莊三處以爲奇兵查桂明之兵現已到營似
屬精悍可用穆輅雙禧之兵不知行抵何處現
在軍營馬隊爲數無多擬請將穆輅所帶未到

之步隊官兵一千名撥赴阜城軍營請

飭僧格林沁於明慶烏凌阿所帶馬隊官兵酌撥一千

名或八百名速來臨清大營並請

飭下吉林黑龍江續派馬隊官兵三四千名暫駐關內

聽候隨時調遣均奏入

上命軍機大臣傳諭僧格林沁曰逆匪竄踞阜城堅匿

不出總未大受懲創經該大臣設計誘賊出巢該逆

聖朝方略卷八十七

天

聖朝方略卷八十七

天

突出四五千名直撲南面顯係奪路奔逃欲與臨清

之賊互相勾結現在大礮業已到營著該大臣即督

飭員弁趕緊進攻以期迅速蕝事勝保請將穆輅所

帶之兵一千名撥赴阜城於僧格林沁軍營內明慶

烏凌阿所帶馬隊官兵酌撥一千名或八百名速赴

臨清聽候調遣即著僧格林沁酌量調撥

上又命軍機大臣傳諭勝保曰逆匪竄踞臨清經勝保

等督兵攻剿屢獲勝仗惟賊巢尚有十餘處城內之

賊亦復不少必當乘此聲威迅圖殄滅不可任其奔

突致與阜城之賊勾結逆匪疊受懲創其勢已挫我

兵於西北一路必能力遏賊衝其東南西南正南僅

抽撥馬隊三百名波河分紮尙恐不敷堵剿該大臣

務即統籌全局迅將此股逆匪就地剿除毋令蔓延

又命軍機大臣傳諭景瀆麟瑞英隆清安曰阜城之

聖朝方略卷八十七

天

賊尚未殲除皖省逆匪又竄踞臨清經勝保等督兵

圍剿必得多集兵力方可及早撲滅著景瀆即將前

項備調官兵一千名交麟瑞管帶英隆即於前項備

調官兵二千名內挑選一千名交清安管帶即日起

程由天津行走徑赴軍營聽候調撥

又命軍機大臣傳論文謙曰阜城臨清兩股逆匪疊

經僧格林沁勝保等攻剿獲勝當可扼其北竄惟津

郡爲畿南門戶滄州又爲天津南路藩籬皆應加意防範津郡所屬多與山東地面犬牙相錯其運河池南一水直達若該逆勢窮思竄或由閒道北犯文謙當就現有兵勇擇要防堵勿令闖入滄州鄉勇數千著飭地方官勤加操練以濟兵力之不足青縣慶雲鹽山南皮等縣亦當一律辦團不得以兵勇單薄爲詞稍涉疏懈載齡現駐固安距津不遠儘可就近策

聖學匪方略卷十七

三

應著文謙多設遠探遇有警急卽行飛報巡防王大臣並知會載齡以便發兵應援

二十八日丁卯勝保奏言賊匪連日將南關糧食

搬運入城復於城外添築營壘西關外賊巢增至十餘處臣恐其又爲死守之計因將五千斤大礮二尊運上礮臺晝夜向賊巢轟擊傷斃賊匪極多並用神威礮五百斤銅礮助擊使賊不

能安身二十五日臣親帶馬隊在州城外四面

察看地勢嚴密布置分爲三路令提督桂明總兵桂齡孔廣順帶領官兵由西北進攻善祿及雙禧所帶健銳火器營官兵由東南進攻已革藩司張集驛親帶練勇與侍衛恭鈺等帶領通永官兵及各勇由西面夾河攻擊臣親督馬步官兵在城北列隊以待二更後西北風微作我

聖學匪方略卷十七

三

兵銜枚疾走不令賊知二十六日丑刻各勇由西過河暗伏壘邊向西面一帶賊巢同拋火彈齊聲吶喊十餘處登時火起賊衆不知官兵多寡又見巢內火起登時慌亂大隊一擁而進殺聲震天賊巢之內逆黨蟻聚蠶屯尙復抵死相抗官兵愈殺愈勇賊勢不支冒火突出我兵追殺兩時之久斃賊約三千餘名直抵南面賊營

西南關廂長街十餘里賊黨甚多我兵入街賊
卽乘隙出街向南紛竄崇恩所帶之兵乘勢躡
躍登城立斃城上之賊數十名餘賊竄伏大兵
克復州城兵勇分投搜殺復斃賊二三百名統
計斬擒不下四千名裹脅之衆乘閒逃出者又
數千名德勒克色楞善祿及克興阿魁福綿洵
等現已帶兵追往臣一面與崇恩收復城池派
兵搜獲餘匪一面督帶馬隊極力截殺使賊不
得喘息至州城復後撫恤難民彈壓土匪亦關
緊要應令崇恩暫駐臨清妥爲辦理在事出力
之員弁兵勇可否仰懇

天恩酌量保奏奏入

上命軍機大臣傳諭勝保曰臨清州城克復賊匪乘隙
出街向南紛竄並無確實去向難保不繞越他竄臨

聖學聖方略卷八十七

三

聖學聖方略卷八十七

三

清西南緊接大名廣平由東南而北直抵德州距阜
城之賊甚近該逆詭譎百出或精銳早已潛竄而留
孱弱裹脅之衆以當我兵則雖克復州城仍非了局
該大臣等務當乘勝窮追使該逆不得喘息自不至
再有蔓延崇恩著卽留於臨清督辦善後事宜東昌
一帶頗形空虛卽賊蹤未曾擾及亦不可稍疏防堵
上又命軍機大臣傳諭僧格林沁曰臨清州城克復殲
戮雖夥首犯尙未就獲仍恐多係裹脅之衆現在賊
已南竄更慮其詭詐百出從旁繞越北犯著僧格林
沁迅卽確探消息嚴密防範明慶烏凌阿馬隊此時
是否起程如賊果南竄離阜城較遠卽著此項馬隊
趕緊馳赴臨清協同追剿儻賊有北犯之意無論大
名及山東東昌德州一帶均著該大臣迅派馬隊迎
頭截擊萬不可稍事耽延

上又命軍機大臣傳諭載齡曰臨清州城已於二十六日克復該逆向南奔竄現在德勒克色楞等已督帶馬隊官兵跟蹤追剿勝保隨後督兵繼進惟賊匪既拚死北犯必不肯甘心南竄著載齡嚴飭各路帶兵大員慎密防守嚴拏奸細毋稍疏虞

上又命軍機大臣傳諭桂良曰勝保奏臨清州城攻克餘匪向南奔竄惟未經指明賊蹤所向恐該逆詭詐

欽定剿平粵匪方略卷八十七

三

百出仍留裹脅之眾誘我窮追而潛分精銳之賊繞越北犯其由德州繞竄之路僧格林沁尙可兼顧至大名廣平一帶距僧格林沁軍營較遠誠恐得信稍遲著桂良嚴飭張殿元確探嚴防毋任賊蹤闖入卽賊蹤四散狂奔未入直境亦可酌量帶兵出境迎剿上諭內閣曰逆賊由皖豫竄擾東境勢甚猖獗此次勝保克復臨清殺斃及擊散之賊不下萬人勦辦尙爲

得手勝保善祿崇恩前次擒去頂戴革職處分均著加恩開復德勒克色楞著賞還花翎並開復降留處分所有在事出力員弁兵勇等著勝保酌量保奏現在賊匪南竄必須盡力追剿悉數殲滅著勝保等督率各路官兵趁此聲威一鼓殲除毋令餘匪紛竄

同日和春福濟奏言查廬州失陷後鎖鑰已開淮河以南一無關隘北而定鳳懷宿西而潁壽

欽定剿平粵匪方略卷八十七

三

毫蒙處處皆可南通卽處處皆須設備實屬防不勝防祇得以攻勦爲急務我兵若日夜進攻則賊大股在廬不遑旁擾儻擊之稍緩必更陸續北去不可阻遏廬城周遭三十餘里南面尙通舒桐餘已三面合圍足扼北竄之路至六安州西北一帶已派郝光甲帶兵一千五百名馳赴正陽關會同劉玉豹之兵聯絡聲援可資捍

衛惟是皖省全局實處萬分棘手之時南之舒桐懷太潛松六邑西之六安英霍蒙穎等五邑東之巢廬和含四邑皆為賊匪占踞往來之區北路定遠壽州等處土匪又復蠢起冒充粵賊遙作聲援且賊有約齊巢湖匪徒攻我店埠之信廬州兵勇一散全皖皆為所有我若分兵正中賊計臣等紮營於此實類核心非敢頓兵堅

勦平粵匪方略卷八十七

三

城之下為株守自衛計也奏入

命軍機大臣傳諭和春福濟曰正陽霍邱一帶門戶洞開全軍為廬賊所牽掣儻再墮賊奸計復令伺隙北趨勢更不可收拾自應分兵嚴扼北路為緊要關鍵並非謂廬州可不必攻亦非令秦定三帶兵株守正陽遂不進剿六安賊匪也試問該提督等克復廬郡有無一定把握若廬州不能即復重兵為賊牽掣

與株守之防兵何異若能於正陽霍邱一帶扼其要隘相機進攻六安舒桐等處即可以防為剿不但遏賊北竄且與廬州大軍聲勢聯絡輕重緩急機宜該提督等何不一加審度耶郝光甲若果足資捍衛何以不留於廬州可見不如秦定三之得力以賊匪衝突要路委任非人儻致再有疏失誰當其罪著和春福濟即將郝光甲撤回迅速酌撥精銳官兵飭令秦

勦平粵匪方略卷八十七

三

定三剋期統帶前往正陽關督同劉玉豹嚴密設防扼要堵截其六安霍邱一帶逆賊土匪均責令秦定三相機防剿和春福濟仍即督率將士設法攻剿廬州不得藉口兵分力單徒事株守一面與秦定三袁甲三等聯絡聲威以資接應

同日曾國藩奏言臣於三月初五日在岳州舟次札飭貴東道胡林翼前平江縣知縣林源恩

前往平江防勦崇通賊匪隨又派副將塔齊布
守備周鳳山帶勇直搗通城旋據林源恩會同
署平江縣知縣汪敷灝暨胡林翼等先後稟報
初二初六兩日與賊接戰疊獲勝仗前後共計
殺斃賊匪千餘賊匪連夜狂奔由通城竄回崇
陽又據塔齊布稟稱初五日自岳起程聞白港
地方有賊匪沿村擄掠初七日督勇至石南橋

欽定剿平粵匪方略卷八十七

三

進勦斃賊四十餘人生擒二十二名初八日馳
赴通城收復縣城此勦辦平通股匪疊獲勝仗
之實在情形也至岳州一城前經撫臣札飭朱
孫詒帶勇六百人追勦又札王鑫帶勇二千餘
人扼防臣隨身又帶有陸勇一千六百人兵力
本不爲單因崇通股匪過多王鑫於初六日自
岳起程取道蒲圻前進初七日至羊樓司地方

適與賊遇前鋒少挫王鑫率勇踵至殺賊百餘
大股賊匪分四面抄出衆勇勢難抵禦紛紛潰
散初八日仍回岳城初十日早賊大隊卽來犯
岳官軍衆寡不敵勢難拒禦各營以次奔潰惟
監生鄒壽璋一營五百人毫無驚怖被賊數千
圍在各勇併力苦戰卒得衝圍而出殺賊極多
各勇有退回城內者賊卽乘勢圍城三面皆係
賊隊惟西面濱湖一門無賊臣當遣大小戰艦
駛赴西門開礮環擊共斃賊百數十人賊勢稍
卻各勇卽乘隙縋城而出此岳城陸路戰敗水
軍小勝之實在情形也臣奉
命赴下游會勦舟次岳州原飭水陸各勇俱於岳州會
齊俟各勇畢集誓師東下爲肅清江面之計不
料後幫陸勇二千水師二千皆以阻風洞庭不

欽定剿平粵匪方略卷八十七

三

克依限抵岳而前幫陸勇又先遣千八百人至平通臣隨身止有陸勇千六百人猝遇金口大股賊匪數萬來犯遂至潰敗陸路既已失利水軍亦無固志初七大風以後各船損壞力難應敵適因賊水陸大隊全數南竄湘省臣遂乘風上駛退保省城但冀保此船礮留為將來殄寇之資則臣雖蒙恥獲罪亦不敢惜至臣奉

聖學集略卷八十七

四

命會勦尚未出境卽有此挫皆由臣調度乖方所致請旨將臣交部治罪奏入

上命軍機大臣傳諭駱秉章曾國藩曰岳州陸軍敗潰水路小勝並船隻遇風損壞已將會國藩交部嚴加議處曾國藩所統各勇為數過多既須勦辦粵逆又須搜捕土匪卽如所奏有撥赴平江通城者有撥赴臨湘蒲圻者又有不能依限前進者散布各處照料

既不能周勦捕自難得力此時肅清江面專恃此軍曾國藩一人誠恐不能處處照顧著卽與駱秉章妥為商推有可協同帶勇之人卽著一面具奏一面飭令來營管帶以資攻勦四川鹽茶道夏廷樾現已留於湖南著卽幫同帶勇進勦駱秉章所謂兵勇諒已陸續到省曾國藩師船總以進復岳州兼籌東路為要鮑起豹本係水師大員何以不令督帶舟師勦辦

聖學集略卷八十七

四

賊匪是否不能得力且該提督何以陸路亦未帶兵前進著駱秉章等查明具奏

上諭內閣曰此次岳州水軍雖獲小勝惟因陸路失利以致賊匪復行上竄曾國藩統領水陸諸軍調度無方實難辭咎著交部嚴加議處仍著督帶師船迅速進勦克復岳城卽行赴援武昌毋得再有延誤

欽定剿平粵匪方略卷八十八 甲寅年

四月初一日己僧格林沁西凌阿托明阿奏言

臨清逆匪於二十五日夜開潛由南門全股向正南而逸旋於二十六日竄至距臨清二十五里李官莊盤踞伏查此時臨清截剿至關緊要臣自應撥派馬隊迅速前往惟阜城圍困之匪狡猾異常現在時時探看路徑亟思逃竄防範

剿平粵匪方略卷八十八

一

不容稍疏是以臣一面選撥精捷馬隊一面飛咨勝保迅飭穆轅帶兵來營一俟行抵阜城卽飭明慶帶領選出馬隊八百名兼程赴東不敢稍涉遲緩

同日勝保奏言上月二十六日我兵攻復臨清州城餘匪向南潰竄臣卽商令德勒克色楞等帶馬隊跟剿甫過溫涼社浮橋卽追及賊匪與

臣豫派在東南西南截剿之馬隊合力併擊該

逆一面拌命回拒一面狂奔我兵亦分路追截逆賊驚竄不能成隊殲斃無數德勒克色楞率領侍衛榮全親自開槍擊斃賊目多名賊眾拖旗而走復督率馬隊官兵極力掩殺二十餘里至李官莊地方逆賊已受懲創不敢復行遂全股竄踞村中時臣亦督兵趕至與德勒克色楞

剿平粵匪方略卷八十八

二

會合卽令續到馬隊繞赴西南東南先扼其竄東昌大名之路該逆整隊而出經官兵奮力截回斬殺多名該逆復列隊抗拒臣卽飛催步隊官兵奮力攻擊分兩翼抄入擊死又數百名逆賊始退入李官莊拌命踞住村口臣激勵將士乘勢由東北撲入該逆每股約二三千拌死衝突臣督令馬步隊奮力截殺賊屍徧野又用神

威銅礮轟擊斃賊甚多逆眾又退敗入村仍復槍礮如雨冒死拌拒一時難以攻入臣因天色

已晚若一時急於貪功設有疏失關繫甚重傳

令各軍列隊更番休息嚴防賊匪竄撲詳看地

勢並查得該逆前番北犯時曾在此占踞兩日

修有木柵濠溝竄至臨清後居民因偏近賊氛

尙未歸來溝壘亦未平毀因商令德勒克色楞

聖學聖方略卷八十八

三

紮營西南堵其竄館陶冠縣之路桂明紮營西

北扼其竄尖塚鎮之路善祿紮營正東扼其竄

東省各府之路雙禧克興阿紮營正西扼其旁

竄館陶之路魁福綿洵紮營東南扼其竄堂邑

東昌之路臣駐紮正北扼其北竄要衝並可策

應各路惟正南無兵可撥祇得分撥馬隊晝夜

扼截至李官莊四面空闊周圍二十餘里道路

紛歧臣惟有竭力圖維設法勦洗並多集人夫
空築濠牆以資堵禦均奏入

上命軍機大臣傳諭僧格林沁曰逆匪由臨清南竄占

踞李官莊經勝保等督兵斬殺尙有一二萬之多若

不趕緊殲除又必負隅抗拒僧格林沁已挑選精捷

馬隊八百名俟穆輅帶兵來營卽飭明慶帶領馳赴

勝保軍營穆輅之兵何以尙未趕到著卽派員一面

聖學聖方略卷八十八

四

催提一面飭令馬隊官兵兼程前進李官莊與東昌

大名等處俱有大路可通該逆詭譎異常難保不繞

越思竄該大臣仍當確探賊蹤妥籌防範至阜城之

賊仍前死守何日始能蕺事朕宵旰焦急日盼捷音

早至著僧格林沁督飭將弁兵勇剋期將此股賊匪

一鼓殲除毋留餘孽

上又命軍機大臣傳諭勝保曰我兵攻克臨清州城餘

匪向南奔竄雖經勝保等督兵追勦殲斃多名而逆眾尙有一二萬之多全股盤踞李官莊馬隊扼截布置尙未能周密雙禧之兵業已到營而穆輅所帶官兵未抵阜城何以如此延玩著該大臣迅卽查明嚴叅懲辦逆匪現踞李官莊尙有餘存木柵濠溝未經平毀此時若不乘其喘息未定迅速進攻痛加勦洗必致敗竄餘匪又成負隅之勢該大臣統兵勦賊總

欽定剿平粵匪方略卷八十八

五

未殲除淨盡若再令此股幸脫更滋蔓延必將勝保從重治罪

同日長臻奏言查蘭儀口河面本狹前因中流沙漲兩邊水勢過溜渡河非易已將船隻裁撤一切文報歸併柳園口行走嗣經臣親臨查勘積沙數道水亦更淺恐其乘閒偷渡惟有加意巡查竭力堵截適將軍舒倫保來豫並聞固原

提臣桂明亦折回駐紮劉家口臣當俟該將軍

等到後會商布置以期周密其上游虎牢關移

紮河南府屬練勇一千名現由太常寺卿王履

謙前往查驗臣卽在陳橋鎮扼守柳園蘭儀二

口察看緩急隨時策應並請

飭令河南山東各撫臣轉飭沿河各州縣無分畛域與

廳汛聯爲一氣偵知賊蹤所在會同堵截奏入

欽定剿平粵匪方略卷八十八

六

上命軍機大臣傳諭王履謙長臻英桂崇恩鄭敦謹曰黃河形勢散漫前次屢諭沿河督撫嚴飭所屬員弁分段巡防及至賊由豐工結筏偷渡地方官旣未聞阻遏於前復不能追擊於後皆由各州縣區分畛域而聽汛各員亦不肯會籌合勦致該逆陸續北來如入無人之境長臻所稱分防河口不如各就地方聯絡扼截較有憑藉亦不爲無見現在臨清股匪經勝

保等克復州城該逆勢極窮蹙回竄李官莊尙未能
盡數殄滅安徽賊匪有欲由蘭儀偷渡再行北犯之
說河南山東沿河地方防範總宜嚴密長臻已將蘭
儀擺渡船隻全行裁撤並在陳橋鎮扼守柳園等處
口岸王履謙亦前赴虎牢關一帶查驗練勇惟桂明
現在山東軍營勦賊舒倫保飭赴豫楚迎勦其劉董
各口及豫東各屬上下游河岸均慮空虚王履謙係

聖朝聖方略卷八十八

七

特派巡河大員長臻身任河督英桂崇恩有地方之
責鄭敦謹雖暫時署篆均屬責無旁貸著卽嚴飭沿
河州縣廳汛各官務須聯爲一氣偵探賊蹤所在如
有窺伺河口者飛卽咨會籌商各出兵勇設伏出奇
毋令一匪偷渡儻不遵照辦理立卽從嚴叅劾

初二日 庚午 台湧奏言 臣到武勝關後將潰散兵

勇收集合署提 臣佈克慎先行督率前往應山

臣一面督兵前進並飛函諄致河南撫 臣英桂
囑其迅催桂明統兵抄出棗陽遏賊竄襄之路
乃籌布甫定而竄擾應山之賊已到隨州阻我
西路希圖斷絕荆襄聲息盤踞德安逆衆又分
大股踵至應山佈克慎所統兵勇聞風卽逃一
潰再潰委靡不可復振 臣憤恨之下萬分焦灼
明知此時各路官兵無可徵調籌餉尤屬萬難

聖朝聖方略卷八十八

八

豈敢姑爲請兵請餉之說惟大局所關必須從
長籌畫查江西副將羅玉斌所帶赴楚援兵請
飭卽由江北麻城黃安一帶迎賊截擊 臣目下惟盼柏
山迅速帶兵前來爲力扼北竄急圖克復郡縣
之計

同日曾國藩奏言道員胡林翼等勦辦崇通股
匪續獲勝仗查崇通兩縣向爲匪徒嘯聚之區

自正月以來居民畏賊多已蓄髮其旁近州縣如通山蒲圻大冶興國咸甯嘉魚等屬亦皆爲賊所踞自初六日胡林翼上塔市一戰十四日塔齊布沙坪一戰又有初二初七十二等日三戰賊勢始就衰挫人心漸有轉機本擬再加兵勇二三千痛剿崇通一股即可直抵鄂省以資救援不謂岳州陸勇一敗金口大股之賊全數

欽定剿平粵匪方略卷八十八

九

上竄不特不能加兵再剿崇通且須酌撤通城之兵回保長沙此皆臣調度乖方不諳軍旅所致若仗

天威岳州上駛之匪攻剿得手卽日下竄則陸軍仍須由崇通一路痛加剿洗乃能與鄂省文報相通其崇通屢次獲勝在事尤爲出力之員弁可否開單保奏出自

天恩均奏入

上命軍機大臣傳諭台湧曰應山之賊由間道竄往隨州希圖斷絕荆襄聲息總由該逆知我江北兵勇無多故敢於東北西北兩路肆行奔突曾國藩現已諭令仍督舟師自岳州赴援南昌協副將羅玉斌所帶兵勇復諭陳啟邁飭由麻城黃安一帶直赴台湧軍營但此兩路官兵趕到尙需時日松潘建昌兩鎮官

欽定剿平粵匪方略卷八十八

十

兵亦未據奏起程舒倫保已於上月二十四日起程計日當可到關總兵柏山相距甚近何以尙未趕到著卽飛速迎提合力進擊該督所謂武勝關黃土關陝甘兵共一千名加以柏山所帶官兵約有二千餘名務當激勵將士設法相機進攻力遏賊匪北竄其荆襄一帶仍須與官文等聲息相通互爲策應上又命軍機大臣傳諭曾國藩曰據台湧奏稱江北賊

情猖獗該督現由武勝關收集疲乏兵勇止有一千二百餘名多係驚潰之餘不可復振而應山之賊又已竄往隨州斷我荆襄聲息德安之賊又分股踵至應山以爲隨州後援鄂省情形萬分緊急曾國藩務當通籌全局迅圖克復岳州直抵湖北武漢之間以資救援至陸路帶兵員弁道員胡林翼副將塔齊布均能勦匪獲勝卽飭由崇通一路痛加勦除與師船

聖學聖方略卷八十八

十一

聯絡聲勢以期與鄂省會合進攻前在崇通勦賊獲勝各員著擇其尤爲出力者酌保數員毋許冒濫

上又命軍機大臣傳諭舒倫保曰現在賊勢猖獗台湧由武勝關進勦兵力單弱情形萬分緊急舒倫保無論行抵何處卽著星夜督兵前進會同兜勦

又命軍機大臣傳諭裕瑞曰台湧扼守武勝關餉絀兵單情形急迫前經疊諭裕瑞飛調建昌松潘兩鎮

官兵星馳往援迄今尙無抵鄂消息著裕瑞嚴催此項官兵迅赴楚北聽候台湧調撥再於川省各營內添撥精兵遴選將弁管帶剋日起程赴台湧軍營備調

上又命軍機大臣傳諭英桂鄭敦謹曰楚北軍情萬分喫緊著英桂鄭敦謹挑選官兵二千名速派得力員弁卽日管帶起程赴台湧軍營聽候調遣並飛催柏

聖學聖方略卷八十八

十二

山迅速帶兵前進武勝關防兵五百名現經台湧札調出關應如何嚴兵扼守並著英桂等妥籌辦理

上又命軍機大臣傳諭陳啟邁曰據台湧奏請飭赴楚援勦之南昌協副將羅玉斌由麻城一帶前進等語著陳啟邁卽飭羅玉斌迅領原帶兵勇一千名由麻城黃安等處繞出賊前迎頭截擊

上又命軍機大臣傳諭青麀曰青麀株守武昌因道路

多梗偵探未確於江北一帶賊勢尙未詳悉現在江北盼望援兵情形緊急甚於武昌該撫所擁兵勇已踰萬人若但用以守禦省垣試問江北再有疏虞武昌豈復可恃辦賊之事雖專責之督臣巡撫亦職任守土不能辭咎著卽酌派將弁抽撥兵勇赴台湧軍營助剿

初三日 辛未 琦善奏言正月初六日艇船自焦山

欽定剿平粵匪方略卷八十八

十三

乘風上駛進攻金山賊巢連發大礮擊仆黃衣賊一名餘賊紛紛顛踣隨駛越金山進薄瓜州轟摧瞭臺二座卽於瓜州上游江面拋泊是夜狂飈暴作至初九日稍息十一日賊以輕舟載荻欲乘夜縱火我師俟其駛近豫發大礮擊之賊舟潛遁次夕復然十三日師船派黃天蕩而上追及賊船於老河影燬大賊船五隻復追至

泗源溝沙漫洲見賊棄船梟水而逸我師開礮攻勦奪划船二十九隻焚燬百餘隻次日退泊黃天蕩十五日見瓜州賊營西北火起知是陸路官兵進剿卽令廣艇夾擊往來開礮風微溜急截駛不靈十六日賊騎百餘馳驟江干艇師對之開礮賊騎遁去是夜賊駕划船數十隻載礮環攻該總兵等飭弁兵鎮靜以待計礮力可

欽定剿平粵匪方略卷八十八

十四

及始令發礮擊沈賊船數隻賊猶死拒不退我師起碇迎風於黑暗中往來衝擊覆賊舟多隻斃匪無算餘匪驚遁十七日午刻賊匪於江邊向我船施放槍礮經兵勇開礮擊倒執旗賊數名至申刻始退是夜復分水陸來犯仍爲我師擊退至陸路進剿實因瓜州地居卑下濠塹深廣猝難飛渡正月十五日臣飭滿漢官兵由三

汜河東西兩岸銜枚潛進西岸官兵遇賊接仗
 將附近賊巢之草棚房屋悉行燒燬東岸官兵
 直抵賊營該逆連放大礮並不出戰十七日偵
 知東岸賊匪潛出急飭兩岸官兵夾河追躡該
 逆一見官兵即行退回二十一日署遊擊馬祿
 遊擊馬永泰由西岸進剿擊斃多名二十三日
 賊匪潛至管家橋經驍騎校喜山帶兵截擊槍
 斃十餘名生擒二名據獲賊供稱有偽總制之
 子陳從右偽師帥陳運從偽監軍張泳城均為
 大兵所殺又稱金陵賊渠欲調安慶湖北賊黨
 至金陵合成大夥再犯揚州等供臣營官兵陸
 續調赴皖省又經派防宿遷兵數較前頓減如
 果大股賊匪前來衝突誠恐不敷剿截惟有設
 法周防竭力堵禦奏入

聖朝聖略卷八十八

十五

聖朝聖略卷八十八

十六

上命軍機大臣傳諭琦善曰此次艇船由焦山上駛連
 日接仗雖經擊沈賊船多隻轟斃逆匪多名仍未能
 痛加剿洗進攻陸路賊匪亦屬小有斬獲該逆蟻聚
 瓜州屢誘不出一遇官軍進仗輒復退回死守似此
 狡猾詭譎若再令其負隅抗拒勦辦何日蕝事琦善
 督師日久朕之倚任不為不專著即嚴飭統帶水師
 鎮將迅速管領各項艇船設法駛進瓜州併力環攻
 與陸路官兵會合夾擊毋得藉口火藥缺乏再事遷
 延至由皖北竄之賊眾至數萬直犯臨清竄踞李官
 莊地方阜城餘匪亦未能一律肅清畿輔情形萬分
 喫緊而皖省分踞廬州安慶各匪負固如常上竄湖
 北逆眾久踞漢陽漢口復由雲夢孝感疊陷德安應
 山進逼隨州其由金口紛竄之賊又擾及楚南再陷
 岳郡各路賊情猖獗至此朕昕夕焦急寢食難安琦

善應如何通籌全局爲朕分憂蕞爾瓜州攻勦如此費手亦豈不知滅一股卽少一股庶可分兵策應爲漸次廓清東南之計耶

同日英桂奏言頃准台湧咨開賊匪現由應山之馬坪港竄入隨州境內調取武勝黃土各關防兵前往助勦臣思用兵之道量敵而進方能制勝若撤武勝等關防兵歸台湧統帶進勦在

欽定剿平粵匪方略卷八十八

十七

台湧兵力仍爲單弱在豫省則藩籬遠撤且現在逆匪尙踞德安萬一乘虛抄襲則比竄堪虞其另股又竄隨州更與南陽府屬之桐柏唐縣新野等縣接壤必須密籌堵禦方不致貽誤事機臣正以兵力過單現飭南汝光道余炳燾轉飭各屬督帶練勇擇要防守以助聲威值此防堵喫緊若將駐關防兵驟行調赴湖北助勦必

有顧彼失此之虞此外如光州歸德陳州及河北之彰德等處防兵亦各派守要地無可抽撥籌思夙夜焦灼殊深臣恭讀

諭旨知已

飭令舒倫保統兵馳赴信陽總兵柏山亦趕緊前往實力堵禦一面飛咨台湧暫緩調撤武勝黃土關守兵俟舒倫保柏山抵信後酌留弁兵駐守各

欽定剿平粵匪方略卷八十八

十八

關再行相機進勦庶嚴守豫省門戶實斷絕比竄賊蹤一切布置事宜臣惟有力疾支持盡心籌辦斷不敢旦夕偷安上負

聖主訓誡諄諄之至意奏入

上命軍機大臣傳諭英桂鄭敦謹曰昨據台湧奏催調黃土關陝甘官兵已有旨諭令英桂迅飭帶兵各員出境赴援乃本日據英桂奏報竟有飛咨台湧暫緩

調撤武勝黃土關守兵之語何昏憤若是調兵進剿豈得謂之調撤此時台湧軍營兵勇潰散殆盡若不調河南官兵更有何處可以濟急卽舒倫保柏山所帶官兵全數赴楚猶恐不敷進剿若但知株守本境坐任湖北賊勢猖獗豈此數千分布之兵遂能力保豫境耶前次諭旨令該撫再行挑選精兵星夜前進並催總兵柏山星馳赴援原令其出境迎剿該撫乃

聖朝方略卷八十八

十九

以遵旨嚴防交界要隘爲詞並欲俟舒倫保柏山抵信陽後留兵駐關方可前進似此必致兩處貽誤該撫之漫無把握已可概見著英桂鄭敦謹仍遵前旨飭令武勝黃土兩關陝甘官兵剋日前進總兵柏山亦當兼程前往台湧現駐應山縣境之東旺店距豫省較近所有調到豫省之兵卽著台湧相機督率進剿其舒倫保赴援之兵卽係柏山之後路仍著英桂

沿途飛催並飭經過地方妥爲應付朕所以屢催豫兵赴楚者正爲嚴遏前路卽以固豫省藩籬該撫所奏何以尙未深悉朕意耶

初四日 壬申 僧格林沁西凌阿托明阿奏言該逆

自三月二十三日經臣設法誘其離巢殄斃多名後死守不出數日以來用礮轟打遙見賊踞村莊煙土飛揚坍塌屋宇甚多斃賊不少惟該

聖朝方略卷八十八

二十

逆刻刻思竄四月初一日丑刻該逆攻撲南面濠牆拖拉樹柵經副都統那敷德侍衛那爾松阿參領永奎督飭官兵開放槍礮侍衛綳闊亦督兵協同轟擊該逆仍拌死撲近濠邊我兵槍礮齊施斃賊無算該逆退出樹柵復撲向侍郎培成營壘走入大道路遇地雷登時煙火衝天雷聲震地轟斃不知其數初二日子刻該逆又

撲向北面臣托明阿督率已革總兵德坤等帶兵極力抵禦臣僧格林沁聞報卽派侍衛達崇阿副都統郭什訥等帶領馬步各隊截勦賊用噴筒火罐向我兵拋擲拌命攻撲適德勒克桑布帶領卓索圖盟官兵從旁攻擊該逆力不能支踉蹌敗退回巢斃匪不下數百名臣等惟有嚴飭各營帶兵官員仍妥爲防範不得稍有疏

欽定剿平粵匪方略卷八十八

三

虞至此尤爲出力之已革總兵德坤已革遊擊格洪額摘去頂戴熱河協領柏林仰懇

天恩准予開復以示鼓勵

同日勝保奏言該逆自臨清竄至李官莊經官兵追擊獲勝並見我兵防守甚嚴欲竄不敢直至二十八日天明馬隊將欲撤回該逆始以全股排隊向西南衝出約有一二萬人我兵分兩

路追殺該逆無心戀戰拌死狂奔德勒克色楞魁福綿洵克興阿等帶領馬隊一齊馳往追擊臣恐該逆由西南繞竄西北除各營馬步隊及臣所帶馬步官兵均令一律緊躡賊蹤外臣自帶馬隊二百名遏賊由西北旁竄該逆知難脫身率衆回放槍礮拌命抗拒我兵益加奮勇賊勢不支追殺三十餘里沿途斃賊二千餘名半

欽定剿平粵匪方略卷八十八

三

係長髮真賊並有坐八人轎逆首一名經德勒克色楞督兵攢射該逆身中兩箭帶傷逃竄並殺死坐轎廣西女賊一名追至清水集地方逆衆勢難遠竄被我兵逼入村內並占踞附近村莊三處適善祿督帶步隊趕到縱火焚燒斃賊約五六百名立將三村奪回該逆由西北竄出臣親帶馬隊二百名衝入賊隊立斃賊匪百數

十名該逆屢撲屢敗適後隊官兵趕到合力掩殺開放連環槍礮斃賊無數賊始伏匿村內復於戌刻全股向東北衝撲經善祿等先後迎擊斃賊二百餘名惟德勒克色楞當賊撲營時親率馬隊壓賊黑暗之中左腰被賊槍子打穿血透重衣彼時殺賊心切尙不覺痛及將賊擊敗方欲回營竟難立足令人扶回臣親往看視其

勦平匪方略卷八十八

三

傷處雖非要害而受傷頗重臣已囑令安心養傷一面飭令榮全西拉布及塔布囊布彥圖等將蒙古馬隊妥爲管帶俾得一面專意醫調總管平海項受槍傷甚重臣亦諭以安心調養統計日夜殺賊二千餘名生擒二百餘名擊散裹脅及投出者不下二三千名分別從逆久暫蓄髮長短或卽正法或予矜釋奪獲大礮十二尊

查該逆以數萬之衆經屢次痛剿及擊散者十去六七勢日窮蹙惟該逆情急思竄儻布置稍有疏漏難保不死灰復燃臣當就現在所有之兵亟籌勦辦並嚴防東北西北及正西各路如能將該逆就地芟除固爲上策否則審度機宜極力布置必當層層截殺以期悉數殲除至此次帶隊出力各員相應開列請

勦平匪方略卷八十八

三

旨分別給予獎勵均奏入

上命軍機大臣傳諭僧格林沁曰此次逆匪由阜城南面撲出被地雷轟擊殲斃甚多復向北面衝突又經官兵擊退回巢逆勢窮蹙急圖竄逸該大臣已面面安設地雷正當乘此機會誘令出巢悉數殲除惟該逆詭計百出一經受創恐另圖繞越之路或奸細潛通消息知我地雷處所設法揭破不可不防該大臣

務卽懷遵疊次諭旨迅督各路官兵將此股賊匪盡
行掃蕩收復阜城毋令竄出致與東境賊匪會合本
日勝保奏二十七八等日將李官莊賊匪痛剿沿途
擊殺五六千名追至距冠縣四十里之清水集該逆
占踞三村立即奪回復又焚斃多名賊匪現在屯聚
清水集必須併力圍攻而德勒克色楞額受槍傷甚
重不能督帶馬隊平海亦項受槍傷計該逆所最畏

欽定剿平粵匪方略卷八十八

三

憚者馬隊官兵當此得力之時無人管帶且不敷追
剿著僧格林沁於接奉此旨後卽日飭令明慶將挑
選精銳馬隊官兵八百名統帶起程前赴勝保軍營
隨同剿辦毋庸俟穆輅到營再行換撥該大臣卽將
明慶起程日期馳奏穆輅自桂良奏參後不知行抵
何處殊堪詫異著僧格林沁迅速檄提仍一面查明
何以日久尙未到營如有沿途逗留情節據實嚴參

從重治罪

上又命軍機大臣傳諭勝保曰此次逆賊被剿窮蹙向
南奔竄經勝保等督兵分路截殺追剿擒斬約有五
六千人辦理尙屬得手惟該逆被創情急現復竄踞
清水集地方南距冠縣僅四十里若勦辦稍遺餘力
又必致負隅拒守以老我師且壤地緊接大名此時
自以嚴扼西南兩面爲緊要斷不可任令逆衆肆意

欽定剿平粵匪方略卷八十八

三

奔突仍復擾及畿疆卽東南一路亦須周密布置盡
力追擊總期就地芟除免致餘燼復熾所請添調馬
隊本日復諭令僧格林沁迅飭明慶統帶前次選出
精銳八百名剋日起程馳赴該大臣軍營協同追剿
並毋庸俟穆輅帶兵抵營後再行換調卽著勝保派
員飛檄迎提以期迅速所有蘭儀及豐工各河口節
經嚴諭各該督撫鎮道等多撥兵勇防守要隘該大

臣仍當督率帶兵各員乘此股竄匪喘息未定一鼓聚殲方爲不負委任若再延時日又致該逆竄擾他處但以追勦獲勝爲詞而不計南北大局貽誤之罪更將誰諉德勒克色楞忠勇之忱朕所深悉疊次勦賊獲勝均能奮不顧身尤堪嘉尙此次親督馬隊進勦於黑夜之中被賊槍打穿左髀血透重衣覽奏之餘實深懸繫已明降諭旨加恩賞賚並特派乾清門

聖專匪方略卷八十八

三

侍衛恩全前往看視用示恩眷仍著勝保先行傳旨嘉慰令其一面加意調攝俾得及早就痊與勝保等同心戮力殄此妖氛朕方懸不久之賞爲該大臣等褒獎勵勞也仍著勝保將德勒克色楞及總管平海受傷輕重情形隨時馳奏以慰朕懷至賊匪自竄入山東境內連陷州縣地方文武總未能實力堵截卽如李官莊賊竄過後其木壘濠牆地方官任令留存

並不平毀可見平日團練防守盡屬空談現在賊匪被勦又將回竄冠縣或東西分竄著勝保傳旨崇恩厲恩官嚴飭地方文武員弁激勵兵勇四面堵擊以助官軍追勦若守土之官漫無布置仍前貽誤卽著該大臣指名嚴參以肅軍律

上諭內閣曰此次賊匪經僧格林沁等攻擊又轟斃數百餘名賊已疊受懲創惟仍未殲除淨盡克復縣城

聖專匪方略卷八十八

三

著該大臣迅卽督飭官兵設法進攻毋再延誤所有奮勇出力之已革總兵德坤已革遊擊格洪額及摘去頂戴熱河協領柏林均著准其開復

上又諭內閣曰此次逆匪奔竄占踞清水集地方經我兵痛勦已屬殘喘苟延著勝保督飭官兵盡力圍剿務令就地掃除勿任再有竄逸德勒克色楞督兵追賊連次獲勝此次親督馬隊擊賊黑暗之中左髀被

槍子打穿猶復奮力督戰實屬忠勇可嘉德勒克色楞著賞給賽冲阿巴圖魯名號並賞給白玉翎管一枝漢玉搬指一箇珊瑚豆黃瓣大荷包一對小荷包四箇小卷江綢馬褂料一件如意拔毒散十料派乾清門侍衛恩全馳赴軍營傳旨看視以示恩眷副都統銜總管平海奮勇擊賊項受槍傷並著賞給白玉翎管一枝白玉四喜搬指一箇小刀一把大荷包一

欽定剿平粵匪方略卷八十八

三

對小荷包四箇如意拔毒散五料健銳營翼長雙禧自抵軍營屢次出力著賞還頂戴並開復嚴議處分其帶隊尤爲出力之黑龍江協領委營總托克通阿蒙古副管旗章京穆克登額三等塔布囊莫德齊佐領賽因圖均著賞戴花翎黑龍江驍騎校委參領米雅明阿著賞給業鏗額巴圖魯名號吉林委參領常林黑龍江領催委防禦朱爾杭阿杜噶爾札布拉多

爾濟均著賞戴藍翎披甲西們克什克達木林容噶哩領催巴勒丹均著賞給六品翎頂嚮導處護軍校福克清阿著以委護軍參領補用

欽定剿平粵匪方略卷八十八

三

欽定剿平粵匪方略卷八十九 甲寅年

四月初六日 甲戌 兵部右侍郎王茂蔭奏言查徽

郡與浙省相錯距廬最遠陸路既極崎嶇水路

又不與江通而與浙通故自來安省皆食淮鹽

而徽郡獨食浙鹽蓋前人之因地制宜已如此

本年正月匪徒攻擾祁夥劫財物擄民人其勢

方熾一聞浙省援兵將至相率退去是徽州有

剿平粵匪方略卷八十九

一

事本省救援不及必賴浙省救之且徽處浙上

游為浙西門戶若有疏虞順流以達於杭實有

建瓴之勢徽境皆崇山峻嶺足可控扼能保徽

州即能保浙况蘇杭素稱富庶久為逆匪覬覦

其所以不即攻擾者以常鎮一路有向榮扼之

上年擾及饒州本年擾及祁夥未必非窺伺浙

省之意為今之計似宜稍為變通以徽郡暫歸

浙江統轄緩急相援可以藉浙之力保徽亦可藉徽之力保浙唇齒相依庶期得力奏入

上命軍機大臣傳諭黃宗漢曰徽州據浙江上游為浙

西屏蔽前次皖賊攻陷祁門竄赴夥縣並聲言欲至

屯溪經黃宗漢派兵勇分路防堵祁夥賊匪旋即

聞風退竄茲據王茂蔭奏稱徽浙有唇齒相依之勢

保徽即以保浙並因徽郡距廬郡寫遠江路不通恐

剿平粵匪方略卷八十九

二

皖省控馭不及欲請暫歸浙省管轄雖係因時制宜

惟地勢情形仍須詳加體察現在該逆雖暫舍祁夥

而去亦恐復來竄撲黃宗漢前於嚴衢各屬節節設

防刻下徽郡有無賊蹤著飭令該府達秀等隨時偵

探飛速稟報遇有警急即著迅飭前派之將弁兵勇

等出境進剿總以外援鄰封內保本境為第一要著

其防剿一切事宜諒該撫自能籌畫萬全也

同日崇恩奏言現准江蘇巡撫許乃劍咨稱探得南股賊匪共計三起竄入永城有偽丞相三人統之約計共有五六萬人已入蕭場境內勢極囂張並據蕭縣獲到奸細供稱已在黃家口東南築窰土城土濠南面偏近郡城北面聲息隔絕偷渡竄擾在在可虞奏入

上命軍機大臣傳諭崇恩曰據奏接許乃劍咨稱南股

聖軍聖略卷八十九

三

賊匪五六萬人已入蕭場境內屯聚日內並未據徐州等處奏報是否即係前此豐工渡河之匪抑係另股續來者著該撫迅速確查具奏

初七日乙亥勝保奏言賊匪竄入清水集後於三

月二十九日初更時假冒官軍傾巢撲出經臣

飭令黑龍江吉林營總那爾胡善台祿托克通

阿等分兩翼抄截登時斃賊二百餘名旋見該

逆又分二股一撲善祿之營一撲桂明之營經

善祿督兵迎擊斃賊甚多其桂明之營距賊較

近帳房車馬亦被焚燒經臣飛派侍衛克興阿

佐領常林帶領馬隊馳往接應斃賊一百餘名

餘賊狂奔回巢黎明時復全股撲出臣仍督馬

隊分兩翼抄截合力奮擊斃賊無數初一日督

兵進攻賊巢並用二千斤大礮及神威礮向賊

聖軍聖略卷八十九

四

巢轟擊該逆不能安身於初二日丑刻向南全

股奔竄臣於丑刻整隊密探並親督馬隊緊追

善祿督步隊亦即前進天將明時見賊眾綿互

數里當令馬隊分三路馳往奮擊吉林營總台

祿帶兵由北勦殺副都統魁福帶兵由南抄殺

臣督兵由中路一齊吶喊衝入賊隊賊眾自相

踐踏分股亂竄我兵亦分投截殺該逆旋竄入

孝頭谷等六村莊臣先令侍衛蘊秀遊擊穆隆阿帶馬隊分路抄圍時善祿督催步兵亦至同時縱火焚燒奮力躍入賊眾自亂各村先後齊破統計此次殲斃逆匪五六千名逃出生擒者千餘名其餘零匪南奔冠縣臣已令魁福管帶馬隊千餘名馳往截剿查冠縣前次失守後被賊蹂躪城中居民早已逃亡此時城池似已不

聖祖聖訓卷十九

五

能再踞臣將各村餘匪搜盡督兵已抵冠縣審度情形該逆如果踞守冠縣臣自當設法圍剿以期就地殲除勝保又奏言臣追賊至清水集紮營逼近賊巢相距僅及一里因一時無從雇覓人夫挑築濠牆是以僅止列隊未能紮營以致該逆暗用奸細拋入火彈焚燒帳房車輛並延燒火藥數篋

黑暗之中火光忽起後隊官兵及隨營糧臺有退至數十里之外者即在營將弁兵丁見賊乘火撲來亦多心慌意亂若非臣處以鎮定親督馬隊將賊奮擊回巢則全軍為之一驚幾至失利此次營帳雖被焚燒而士氣未挫惟究屬臨心實難辭咎請

旨將臣及提督桂明一併交部議處奏入

聖祖聖訓卷十九

六

上諭曰前隊有警後隊不但不救轉退至數十里之外各不相顧何怪乎總未成功著查明先退者正法數人以儆其餘汝從前軍法尙嚴何歷練日久頓易初心豈有所回護恐人挾制不敢振作耶朕並非疑汝汝可返躬自問有則速改

上命軍機大臣傳諭勝保曰此次逆賊假冒官軍鄉勇焚燒帳房車輛並延燒火藥何以事前毫無覺察如

果步伍嚴整奸細何由得入軍營重地豈可昏夜稍弛防閑想彼時擾亂情形幾欲貽誤大局焉知不由該大臣屢次戰勝心高意滿有此疏虞若僅將勝保桂明議處了事轉足以釋該大臣等疏失之愆而無以見朕諄諄訓誡速望成功之意且初二日追勦逆賊奪回各村亦尙勇往勝保等姑免置議著將南竄冠縣之餘賊盡數殲擒該大臣既令魁福馳往截

欽定剿平粵匪方略卷八十九

七

勦能否不令該逆占踞縣城何以既稱該逆不能再踞復稱如果踞守自當設法圍勦可見魁福之能繞出賊前與否該大臣尙無把握該處緊接大名果係縣城空虛逆賊無所繫戀尤防其西竄直境復爲北犯之計仍與阜城賊匪會合該大臣應卽飛飭張殿元等一面嚴守要隘一面督兵迎擊與大軍合力夾攻較易得手該大臣仍不得任令該逆肆意南奔一

味尾追縱有斬擒而餘賊愈竄愈南官軍愈追愈遠北路之援應不靈南賊之勾結更易大勢轉爲牽掣何以迅就肅清仍著該大臣速將冠縣境內逆匪剋日掃蕩淨盡朕方懸賞以待正不必先予議處也勉之懷之

欽定剿平粵匪方略卷八十九

八

上又命軍機大臣傳諭百勝王夢齡曰昨據崇恩奏逆匪分三股陸續北竄或卽係前次渡河及由永城折回六安之賊本日又據勝保奏稱訊據賊供並拏獲逆信果有囑令後隊渡黃多帶火藥口糧來北接應之語是北賊之情急求救南賊之希圖續渡已屬顯然儻堵禦再有疏虞復致墮賊聲東擊西奸計直以天險要隘棄之不扼任令逆蹤南北衝突復肆狼狽該鎮道等有心玩視一誤再誤罪豈容誅著百勝王夢齡於接奉此旨後迅速認真籌辦一面飛探賊蹤

相機迎勦一面嚴扼險隘使之無隙可乘仍與秦定三袁甲三隨時知照聯絡聲援先事防備即將布置情形隨時由驛馳奏總之此股北竄逆匪該鎮道既疏防於前若南匪復有偷渡情事朕惟有治百勝王夢齡以貽誤之罪

同日台湧奏言查賊撲德安郡縣相繼失守兵勇潰散實堪憤恨此次派往應山各兵勇除佈

聖事聖略卷十九

九

克慎將聞賊先逃者手刃三人外其餘尚有九百餘名迄今杳無蹤跡臣現已行飭各原營地方及各府州縣一體盤拏無論何處查獲即行就地正法以昭炯戒其失守之府縣文武員弁尙無下落應俟將來收復城池後彙查確實再行分別辦理奏入

上諭曰府縣失守城池各文武除不知下落外其猶生

者豈能晏然無事並不叅辦著迅查真情不准任其捏飾正法數人或概予正法亦無不可

同日

上命軍機大臣傳諭僧格林沁曰本日玉明等回京呈遞阜城軍營形勢地圖朕詳加披覽布置尙爲周密賊匪自初一日被地雷轟敗初二日復因撲濠被勦後連日作何情狀曾否出撲此時誘賊離巢痛加勦

聖事聖略卷十九

十

洗固爲要策但據玉明等面奏僧格林沁曾帶親兵數人輕騎誘賊爲賊匪大股抄圍勢甚危急大兵隨後趕到始獲全勝按之該大臣二十六日所發奏報情節適合該大臣因逆匪堅匿不出急欲圖功輕於一試固屬不得已之苦衷惟統帥爲一軍之主國體攸關非如偏裨將弁專以衝鋒陷陣爲功前此該大臣在王慶地時輕騎前往天津朕卽有硃批詳示並

非教以畏蕙輕敵冒險究非統帥所宜該大臣務當督飭將士將阜城賊匪設計殄除於勇往之中仍寓持重之意庶免朕心懸繫至圖內所繪阜城東面紮有董占元營盤該革員前在懷慶打仗卽不甚得力數月以來直隸軍報從未敘及該革員隨同打仗究係何時留於該大臣軍營是否尙堪驅策著卽認真察看毋稍遷就現在山東逆匪經勝保連日追殺竄

欽定剿平粵匪方略卷八十九

十一

往冠縣一帶所餘之賊不過數千冠縣與大名接壤已諭勝保嚴飭張殿元達年實力堵剿防其西竄惟擒獲生賊搜出阜城逆匪書信仍有催其迅速救援之語是阜城一日不靖賊心一日不死儘再有續來逆匪勢必又肆鴟張僧格林沁固不可恃勇輕進亦不可專恃長圍致延時日也

同日

上命軍機大臣傳諭文謙曰前因天津紳勇於上年九

月閒保守城池出力會降旨將在事之文武員弁紳民兵勇等分別獎敘復諭文謙等將其餘各員弁及出力之紳董商民俟事竣再行請獎迄今已逾數月聞該郡各紳勇於逆匪竄踞獨流時每幫同官兵打仗其中奮勇殺賊赴義捐軀者頗不乏人並聞該處附城紳董多出資募勇晝夜嚴防使逆衆不能乘間

欽定剿平粵匪方略卷八十九

十二

闖入實屬同心敵愾奮勉堪嘉著文謙卽遵照前旨將未經保奏之出力官紳兵民等迅速查明奏請恩施以昭激勸並將節次陣亡各勇按名詳查咨部議卹以慰忠魂現在阜城之賊尙未殲除淨盡天津爲近畿重地仍著文謙等諄勸各紳民認真團練保衛鄉閭並飭令所屬各縣一律辦團儘能始終奮勉衆志成城朕必將該郡紳民優加獎勵正無慮勞績不

能上達也

初八日丙子僧格林沁西凌阿托明阿奏言近日

狂風大作塵沙飛揚臣等因恐出隊輕進致誤

事機嚴飭各營不分晝夜巡守長圍以防潰突

初四日夜該逆撲近濠邊我兵槍礮齊施追至

埋有地雷處所被轟逃回初六日子刻該逆復

趁風勢向東南培成營盤捨命豕突該處與烏

聖軍方略卷十九

三

凌額防所相連雖經培成烏凌額等極力抵禦

竟被撲出重濠順風拋擲火彈噴筒將培成等

營內帳房焚燒培成督兵奮擊未容竄潰臣一

聞逆匪竄出立即催調各營馬隊趕至該處合

力截殺我兵奮勇直前殲殄逆匪無數該逆退

至濠邊死拒不回我兵總未容其突出此時惟

有俟狂飆暫息或不致債事蕺此垂成之功

設竟不能撓攔臣等立即前截後追亦不敢任

其遠颺至培成等營盤失控任賊突出雖因風

勢太狂人力難施究屬堵守不力相應請

旨將侍郎培成摘去頂戴責令立功以贖愆尤副都統

烏凌額亦有應得之咎惟是日進攻頭受槍傷

請從寬免議臣僧格林沁統率無方以致官兵

營盤挫失應請一併議處奏入

聖軍方略卷十九

十四

上命軍機大臣傳諭僧格林沁曰阜城軍營濠牆樹柵

層層布置已有月餘之久何以逆匪撲出竟無攔阻

致令焚燒營盤直抵濠外抗拒不回是連日安設長

圍全不得力其防守官兵所司何事實堪痛恨今該

逆死踞濠邊雖未全竄已在長圍之外防堵愈難且

該逆屢出竄撲皆向東南一帶顯係欲從景州德州

等處潰逸與南來之賊勾結現在臨清賊蹤雖已漸

遠仍在冠縣境內距直隸大名甚近若向東南竄出由景州故城循運河而南便可合爲一股即使我軍能向東南力截又恐大兵全聚一隅該逆窺我他處空虛陽撲東南潛向東西北三面突圍衝撲尤爲可慮僧格林沁不能迅速奏功轉以人力難施爲解看其光景直似束手無策若不能將撲出之賊全數截回極力殲戮致令稍有疏虞朕自能將僧格林沁從

欽定剿平粵匪方略卷六十九

十五

重治罪不僅以議處了事所稱前截後追不任遠颺等語亦係毫無把握之事總以就地殲滅爲要至此次撲出賊衆是否係阜城內外全股突出抑城關兩村仍有賊匪聚伏我兵以全力扼其東南設該逆窺我空虛處所分投奔突轉致我兵疲於接應又墮賊聲東擊西之計該大臣務當通籌布置毋稍大意上又命軍機大臣傳諭勝保崇恩曰阜城逆匪被圍日

久窮蹙思竄冀圖與南賊會合現既大股向東南衝撲雖經兵力截擊仍復退至濠邊死拒不回萬一防勦稍疏該逆必致伺隙南奔其由景德二州折而西南至臨清冠縣不過數百里之遙一經奔突勾結勢必復肆鴟張而勝保一軍轉有腹背受敵之患冠縣逆衆不過六七千人若此股迅就殄滅卽移得勝之師向北迎截庶勦辦可期得力該大臣務卽速籌南

欽定剿平粵匪方略卷六十九

十六

北兼顧全策先將現辦之賊聚殲淨盡免致稽延時日並如何堵截北路竄匪以勦爲防總期計出萬全毋墮該逆聲東擊西奸計崇恩身膺疆寄現駐臨清距直境較近若阜城之匪竟致突圍而出該撫帶兵迎擊亦甚便捷儘敢畏縮不前或藉詞株守一隅朕必治該撫以貽誤軍情之罪其由慶雲鹽山至山東武定並清河大名與山東交界處所均著崇恩嚴飭

各該地方文武實力籌防如守土之官仍前玩誤即著隨時嚴叅懲辦從重治罪

上又命軍機大臣傳諭桂良曰阜城賊匪大股衝突重濠向東南培成營盤拋擲火彈將營內帳房焚燒勢甚猖獗雖經僧格林沁等督兵堵截現在死拒濠邊尙未回巢難保不四出紛竄該處東通連鎮北達獻縣東南與景州西南與武邑衡水均屬壤地毗連最

聖朝聖略卷八十九

十七

關緊要著桂良嚴飭各該地方文武員弁嚴密防範斷不可令賊蹤乘間闖入至臨清餘匪昨據勝保奏現已竄至冠縣又經官兵殲戮甚多亦須防其竄入大名等處著該督仍飭令張殿元懷遵前旨盡力截扼或酌量帶兵出境迎擊不得專事防守仍著桂良與僧格林沁勝保載齡等互相知照並多設偵探將界連阜城各地方情形隨時迅速奏報

上諭內閣曰阜城賊匪久經官兵圍剿窮蹙思竄於初

六日夜間乘風撲出重濠向培成等營盤拋擲火彈噴筒焚燒帳房雖經僧格林沁催調各營馬隊合力截擊斃賊無數該匪死拒濠邊尙未竄出實屬防範不力培成著摘去頂戴烏凌額因擊賊受傷免其置議僧格林沁未能先事豫防著傳旨嚴行申飭仍著該大臣督飭各路官軍盡力圍剿務將此股逆匪悉

聖朝聖略卷八十九

十八

數殲除毋任竄逸

初九日丁丑勝保奏言逆賊竄踞冠縣將西北關

廂及附城村莊占踞臣督兵進攻奮勇抄殺斃

賊二百餘名訊獲賊供該逆有回南逃命之語

臣以賊若窮竄步隊萬難趕上當囑善祿督押

後隊官兵臣督帶馬隊緊追該逆於初三日亥

刻乘夜向僻路奔竄其後隊賊匪暫留冠縣牽

掣我兵惟爲數無多經善祿督飭官兵擊殺淨盡賊分股竄至張秋鄆城一帶臣督令魁福等分路截殺賊衆奔潰我兵槍箭齊施奮力追截殺賊四五百名該逆沿途拋棄器械米麪無數伏匿附近各村莊抵死抗拒我兵併力擊殺復乘風縱火燒燬各村莊斃匪不計其數餘匪冒火突出奔上梁山復經官兵追殺殲斃數百名

欽定剿平粵匪方略卷十九

十一

四散逃命及棄械投出者不下千人臣仍親督馬隊乘夜馳往追殺總以殄滅爲期奏入

上命軍機大臣傳諭勝保曰此股逆匪屢經我兵追擊所餘不過四五千入其勢已極窮蹙惟由冠縣莘縣及陽穀一路竄赴梁山復由梁山南竄賊勢剽疾異常必須乘其喘息未定奮力窮追尤應派員管帶馬隊設法繞出賊前兩路夾擊庶可聚而殲旃若徒事

尾追轉恐該逆沿途裹脅逆賊復張或占踞村鎮又成負隅之勢著勝保卽督飭馬步各隊迅速追剿總期四面兜圍爲一鼓蕩平之計逆匪由梁山南竄究竟欲往何處著該大臣迅卽確探賊蹤痛加剿洗至投誠裹脅之衆該大臣擇其有技勇者留於軍營效力自爲解散賊勢起見然必須加意防範前次勝保及桂明營盤被焚安知不有此等奸匪內外勾結賊情詭詐異常務當慎密周防不可因屢獲勝仗稍涉大意

欽定剿平粵匪方略卷十九

十二

上又命軍機大臣傳諭崇恩曰前有旨令崇恩查探何路緊急卽往何路剿捕或赴勝保軍營協剿不得株守臨清誠以該撫統轄全省賊匪尙在東境自應統籌兼顧藩司厲恩官與知州黃良楷駐紮東昌東南一路務卽酌量情形嚴飭該員等分兵截剿濟甯爲

水陸要衝該處團練甚多尤須分布要隘防賊紛竄
不得以有勝保等在前勦賊稍存諉卸

上又命軍機大臣傳諭百勝王夢齡曰逆賊由冠縣竄
出復由鄆城縣之梁山地方南竄此股賊匪經勝保
等督帶官兵跟蹤追勦勢窮力竭必至南向狂奔儘
有續來股匪又將勾結為患徐州東省交界百勝等
統兵防堵當一面力扼河岸不可使南來賊匪乘間

聖祖聖訓卷十九

三

偷渡一面仍當確探北路賊蹤如勝保等追擊漸近
卽著提兵前進與勝保等合力兜勦儘南匪或有偷
渡北匪竄至該處境內並無官兵攔阻截勦朕惟百
勝等是問

同日琦善奏言連日由三汊河東西兩岸進勦
鐵斃賊匪數名及數十名不等四月初一日賊
匪百餘人出土城拒戰官兵施放連環槍礮斃

賊數十名余將鞠殿華等由東岸進勦直抵賊

濠斃賊數名至江中賊船往來靡定疊經武慶

等破之於浦口等處現據獲賊供稱逆賊欲用

鐵鎖橫江以阻舟師艇師各船協力防勦候風

修船動輒經旬臣已嚴飭趕辦卽日上駛查統

帶艇師各船雖有總兵四員而蘇松鎮葉常春

署狼山鎮李德麟均係革職留任温州鎮陳世

聖祖聖訓卷十九

三

忠係革職留營署定海鎮周士法係遊擊護理
兼之葉常春近又多病在營水師將領亦少出
色人員設有更換無人可委相應請

旨飭下閩浙總督於水師副將以下各官中遴派數員

迅速前來幫同管帶戰船聽候差委奏入

上命軍機大臣傳諭琦善曰此次官兵由三汊河東西

兩岸分路進勦仍不過小有斬獲該逆一經挫敗卽

堅拒不出似此曠日持久以蕞爾瓜州竟不能出奇制勝力破賊巢該大臣貽誤遷延罪將誰諉至浦口六合兩處屢有賊船駛至甚至登岸焚掠雖經官兵擊退而該逆狡獪異常必仍思乘隙肆擾該大臣務當嚴飭武慶等實力防勦不可稍涉大意水師艇船專爲肅清江面前此駛至黃天蕩頗爲得手正可乘機上駛將江面賊船盡數掃除豈可藉口於候風修

欽定剿平粵匪方略卷十九

三

船致誤事機七號口以上賊以鐵練攔截此等伎倆豈能阻我舟師細閱該大臣所奏於瓜州則云賊匪不出於江浦則謂防不勝防勦辦事宜毫無把握試思該大臣統領諸軍在場已逾一載老師糜餉日久無功若再事遷延不知振作朕惟執法從事不能屢邀寬典也

上又命軍機大臣傳諭王懿德黃宗漢葉名琛柏貴曰

江南賊船在瓜州一帶江面游駛經琦善督飭水師鎮將於老河影沙漫洲等處屢加攻勦正當喫緊之際著王懿德黃宗漢葉名琛柏貴迅卽於閩浙廣東水師副將以下各官內遴選數員飭赴揚州琦善軍營聽候調遣前據葉名琛等奏飭委總兵謝焜督同署副將梁顯揚統帶拖風船吳全美陳國泰督帶紅單船前往江南諒早起行仍須於此數員外另揀得

欽定剿平粵匪方略卷十九

三

力數人迅飭前赴揚州不得以無員可撥藉詞推諉同日和春福濟奏言廬州逆匪自臣等移營後節次督率官兵奮力攻勦奪獲賊營多座燒燬賊巢十餘處先後斬擒不下四五千名三月十五日該逆於北門添築營壘我軍奮勇爭先立將賊營三座同時奪獲接仗六時之久斬擒甚衆洵屬大振軍威自應乘勝奪取城垣經臣等

連日派兵各帶雲梯出其不意三面圍攻乃官兵將及城根該逆已有準備我軍攻擊多時逆匪槍礮頻施未能得手現在已飭各營移紮河邊偏近賊巢設法圍攻以圖克復奏入

上諭曰惟有切盼捷音之至雖廬城克復安慶等府縣猶須費手恐克復廬郡亦祇空言儘即日克復撫恤一切固應急辦然到處皆賊福濟斷不能安坐省垣

聖事集略卷八十九

三

和春福濟又奏言遵

旨飭派秦定三馳赴正陽關督率官兵扼要堵剿以遏

逆匪北竄奏入報

聞

初十日 戊寅 向榮奏言金陵逆匪屢出窺伺礮臺

臣令將大礮對準朝陽門日夜轟擊所有城頭當面望樓瞭棚擊毀一空二十一日 臣復親督

隊伍至礮臺察看形勢適東風大作可用火攻因令勁兵槍撲賊營施放火箭噴筒該逆抵死不出復查聚寶門外雨花臺屯聚賊壘數處二十五日二更後傳令前往襲攻詎該逆防守甚

密哨見兵勇潛來遂即鳴角相應城上大礮與賊壘槍銃一時併發我軍仍冒險攻撲施放火具黑夜未知賊斃多少攻至天明賊匪愈集因

聖事集略卷八十九

三

恐該逆抄我後路隨即撤退其進攻太平朝陽兩門之兵亦未得手祇可相機另籌攻取至鎮營當蘇常門戶堵剿尤為緊急業經 臣抽撥廣東壯勇五百名赴鎮助勦力圖克復奏入

上命軍機大臣傳諭向榮曰本日閱該大臣所奏仍不過敷衍塞責於攻剿各情毫無把握至進攻鎮江亦未能即時克復城池向榮統領全軍攻剿逆匪是其

專責乃屯兵日久師老餉糜不能出奇制勝埽穴擒渠似此觀望遷延自問當得何罪江南勦賊必須力扼長江爲水陸夾攻之計廣東所備船礮昨已諭令琦善派員迎提爲攻勦瓜州之舉此項船隻專爲肅清江面而設該大臣與琦善分勦江南江北所辦實係一事况江路一通使南北之賊聲勢不能聯絡則該大臣等勦辦均可得手所有廣東各船並著向榮

欽定剿平粵匪方略卷八十九

三

與琦善會商飛速分提以資攻勦湖南舟師一時不能駛赴下游該大臣惟當就現在兵勇並飛催前調之閩廣官兵迅速設法籌勦一面嚴飭余萬清督率弁兵剋日收復鎮江毋得株待湖南船礮致誤事機同日崇綸青慶奏言該逆現踞漢陽漢口一帶沿江設立木椿三層高約丈餘復築土牆一重意在專困省城臣等覩此情形日夜焦灼此時

江水正漲兵力旣單又無船隻可渡經臣崇綸委員四處搜覓僅得小划二百餘隻加以礮船百餘隻商令設法進攻旋經已革總兵楊昌泗等在塘角江岸等處督戰二十一日自丑至巳鏖戰四時之久斃賊甚多維時攻勦漢口南岸之兵勇已冒雨直抵北岸將該逆大小船隻用水隊包裹該逆情急投江者不計其數惟該逆

欽定剿平粵匪方略卷八十九

三

沿江一帶木椿數層十有餘里木椿以內全是陷坑泥滑不能登岸旋即收隊此次勦賊獲勝出力弁兵可否量子鼓勵之處出自

逾格恩施奏入

上諭曰此次並非大勝何必如是鋪張出力人員姑念其處於賊中處處棘手尙能小有斬擒且固守多日省垣暫可無虞著准其擇尤保奏數員以示獎勵

青廉又奏言探聞德安府已於初十日被賊占
踞該府所屬之雲夢應城應山均為賊踞臣前
在德安起程時曾面向台湧商及一時調兵不
及祇可將城外附近之勇暫為紮營一俟有警
再將各勇招集詎臣起程未及三日已將各勇
裁撤以致漢陽黃德等府蹂躪不堪臣甫經莅
任又值省垣被圍已逾兩月外援不至內餉已

聖朝聖略卷十九

三

虛當此時勢乖舛萬分棘手之際除設法偵探
再行奏報外不敢不豫為陳明奏入

上諭曰德郡之失固台湧之罪然潰散情形出乎意外
汝在彼時幸賊未至設該逆已撲德安汝豈能守現
雖憤惋已無及矣汝摺云不敢不豫為陳明太不成
話不過希冀免處分起見亦覺小器朕非臆度於事
後實時勢所必然也

同日駱秉章會國藩奏言逆賊自二月由水路
上竄湖南被兵勇擊退茲復糾聚醜類水陸並
進大舉南犯賊船數千號分泊長沙之靖港湘
陰之樟樹港等處距省城數十里陸路之賊由
靖港取道甯鄉直趨湘潭臣等現派兵勇馳赴
湘潭相機攻勦仍留水路四營扼紮下游以遏
其上竄之路奏入

聖朝聖略卷十九

三

上命軍機大臣傳諭駱秉章會國藩曰賊匪前由湖北
復擾岳州陸路官兵失利曾國藩遠率水勇礮船回
省守禦疊次諭令與駱秉章熟籌防勦相機進攻不
得株守長沙原以楚北賊勢猖獗肅清江面專恃南
省水軍茲據奏稱該逆水陸並進大舉南犯賊船數
千號分泊靖港樟樹港等處距省數十里陸路之賊
由靖港取道甯鄉直趨湘潭是該逆已繞越省城何

以毫無阻隔曾國藩所帶礮船練勇甚多何以未經
與賊接仗胡林翼塔齊布所帶各兵現在何處勦賊
該撫前調江忠濟募勇赴援並添調辰州官兵計日
約可到省且鎮守鎮標兵丁素稱勁旅並辰沅道所
轄屯兵亦可酌調來省著駱秉章曾國藩卽就本省
弁兵設法布置迅掃賊氛

欽定剿平粵匪方略卷九十 甲寅年

四月十二日 庚辰 勝保奏言該逆竄擾梁山後於

初六日丑刻向南奔竄經臣軍疾馳三十餘里

始能追及沿途斬殺數百名該逆至鉅野縣因

官兵緊躡穿城而過不敢少停適有告假在籍

頭等待衛田在田率領團勇千餘名將其截殺

百餘名逆衆又復南奔官軍追至陽山地方又

斃賊二百餘名並將山下要路截住臣先派馬

隊赴金鄉池南自督馬隊從北繞東縱擊該逆

果於夜半潛竄經先到之兵分路迎截不敢入

城臣一面分飭吉林黑龍江官兵追殺賊之前

隊一面留兵分圍各村極力搜殺斬獲一千餘

名其裹脅之衆臣本欲一概加誅見其伏地痛

哭詞意懇至且察其情狀蓄髮雖已數寸其中

多係商賈莊農遂仰體

皇上德意准令薙髮派副都統綿洵常亮妥為料理就近發交金鄉縣安置分起解歸臣一面馳追前隊之賊午刻過曹馬集沿途皆有斬擒行至趙莊又有賊眾數百不能狂奔入村占踞經吉林黑龍江營總巴彥呼朗莫爾廣額等斬殺殆盡仍復極力窮追尙餘逆匪二三千人竄入豐縣

聖朝方略卷十

二

城中臣趕到後查知百勝派山西大同鎮兵六百名在賈家樓一帶堵截臣復派營總那爾瑚善托克通阿帶領馬隊官兵四百餘名先行馳赴盤龍集一帶以便截擊一面分撥各起馬隊圍列縣城西北西南兩面以便覘賊動靜設法勦辦奏入

上命軍機大臣傳諭勝保曰該大臣前奏逆匪奔上梁

山乘夜南竄計節次擊斬所餘不過四五百人我兵步隊縱或不能趕到何以跟蹤追擊之馬隊亦不能極力扼截致令徑由鉅野金鄉竄入豐縣我兵忍飢追趕晝夜馳騁誠屬實情而該逆於鉅野穿城而過金鄉不敢入城沿途皆曾被蹂躪之區諒亦無可擄掠以窮蹙喪膽之眾其行轉疾於得勝之兵殊不可解豐縣緊接黃河設再令由偷渡處所依舊南奔該

聖朝方略卷十

三

大臣但事尾追竟不能將此窮寇掃除淨盡但謂河北肅清豈遂可以塞責若令久踞豐縣又復築壘濠濠我兵但事圍攻如靜海阜城故事久且仍令逸出與皖省賊匪復圖勾結勦辦何時蕺事該縣前經賊匪竄擾疊經諭令百勝王夢齡嚴防河岸不准南來之匪續行北竄即不得令北路之匪回竄而南何至一無準備縣城復為賊踞是否該縣文武先期逃避

該處土匪勾結開城該鎮道專轄河工地方何以不派兵迎截與該大臣追兵合力夾擊著該大臣查明速奏並先將畏葸逃避之員卽於軍前正法至所稱乞降脅眾三百餘名既已蓄髮數寸豈得因其詞意懇至信爲商賈村農墮其奸計其甘心久於從賊卽應概與駢誅且金鄉甫被滋擾民心未固又以此項降眾多名安置該縣焉保其不故智復萌爲河北留

欽定剿平粵匪方略卷九

四

此餘孽並恐豐縣城內卽有似此匪徒先行潛入以致迎賊失陷該大臣務須濟以嚴明不事姑息將此股餘匪勦殺無遺迅卽收復縣城萬不得令復行渡河滋擾致干罪戾

上又命軍機大臣傳諭楊以增百勝王夢齡曰前此逆匪由豐工竄越黃河長驅北犯百勝王夢齡近在徐州防河是其專責乃任令逆眾從容紮筏偷渡數日

之久一無攔阻已屬形同臂曠比經勝保由臨清扼截追殺該逆果卽亡命南奔節次嚴諭楊以增並百勝王夢齡等加意嚴防毋令南賊續行偷渡北賊乘虛竄入該鎮道等應如何實心堵禦稍贖前愆茲據勝保馳奏由鄆城之梁山一路追勦直至金鄉以南沿途斬擒無算下餘逆賊二三千人竟於初七日竄入豐縣城中是直以厯奉嚴旨視爲具文殊堪痛恨

欽定剿平粵匪方略卷九

五

該逆負隅死守乃其長技豐縣一城爲南北衝要西與豫皖接壤尤不可不防其會合勾結致令廬州六安之賊接踵而至復肆鴟張著楊以增嚴飭百勝王夢齡一面就現有官兵練勇督令隨同勝保協力進攻一面分防南北河岸毋令該逆復又乘隙竄突儻賊匪不能剋期勦滅堵禦仍有疏虞朕必將百勝王夢齡立予正法斷不能再從曲宥楊以增職司總河

亦不得以該處距清江稍遠謂可置身事外希冀倖邀寬典也懷之

同日琦善奏言查浦口六合均係江防要地若有疏虞可由陸路繞至揚城西北襲我軍後路又可由儀徵沿江而下水陸並進所關匪細此次賊船滋擾浦口連日屯泊江干並不駛回南岸愈聚愈多臣於無可抽撥之中復撥馬步官

勦粵匪方略卷十

六

兵五百餘名馳往策應並擬將德崇阿錫綸所帶馬步官兵暫調回揚相機派撥奏入

上命軍機大臣傳諭琦善曰本日據琦善奏報仍係賊撲浦口等處於瓜州攻勦情形毫未敘及前次賊在揚州並未大受懲創不過從容遁去朕僅將琦善革職稍示薄懲猶復畀以勦賊重任原冀琦善愧奮圖功乃自事權歸一以後仍不能迅克瓜州於艇師推

誘藥鉛缺乏事事歸過於人於接仗進攻不過小有斬獲遷延至今轉稱瓜州浦口兩處皆當要衝竟似有不能兼顧之勢數月以來所布置者安在總之琦善所統之兵如何調撥應防應勦朕皆不為遙制但以瓜州之賊能除浦口之防無誤為真實憑據若僅以抽撥隊伍拏獲奸細數日一奏或囁於虛聲束手無策儻賊匪果有再撲揚城之事琦善即陳奏在先遂得誘為無罪乎著即嚴督水陸各軍趕緊進勦並浦口續辦情形迅速馳奏不得再有延誤

勦粵匪方略卷十

七

同日荊州將軍官文副都統貴陞奏言據荊州府知府達昌阿等稟稱土匪勾結逆賊於三月初五日竄擾監利沿江水陸道路梗塞荊郡東南皆為賊匪盤踞之地臣等現派兵在荊郡水陸各要隘嚴密防堵以截其上竄之路至岳州

大股賊匪乘虛窺伺不可不防相應請

旨飭下四川督臣令將巴東駐紮松建二鎮官兵二千名迅速來荆助剿奏入

上命軍機大臣傳諭台湧官文貴陞曰現在漢陽漢口一帶賊蹤未就殄滅德安應山等處逆燄復肆狃狃而監利一縣又被土匪勾結逆賊竄踞城市該處接壤江陵爲荊州要衝亟應及早殲除免致蔓延爲患

欽定剿平粵匪方略卷九

八

官文現復添派弁兵前往協剿合之守備福興等管帶進剿之兵勇一千二百名是否全數勦辦駐紮巴東之建昌松潘二鎮官兵節經諭令裕瑞迅飭帶兵之總兵雙保福忻飛速前進何以尙未趕到著官文等趕緊派員迎提毋任再有延宕一面就現有兵勇督飭在事文武員弁併力截勦剋日收復縣城貴陞統兵駐紮荆郡水陸要隘自係爲嚴密籌防起見仍

須探明逆蹤所向相機迎擊力扼賊衝其竄回岳州之賊大舉南犯已由甯鄉直趨湘潭並著官文激勵城守兵丁妥爲布置以固藩籬

十三日辛巳僧格林沁西凌阿托明阿奏言逆匪自占踞濠邊我兵連日進攻斃賊無數並屢覓人夫另挖長濠該逆恐長濠工竣不能脫逃於初九日夜全股南竄臣等當卽帶領馬隊官兵

欽定剿平粵匪方略卷九

九

跟蹤追擊沿途殄斃多名奪獲大礮三尊該逆分爲兩股一股抗拒我兵一股竄至連鎮查連鎮東西兩鎮中隔運河我兵追至河邊苦無船橋臣僧格林沁沿河尋渡至距連鎮二十里之東光縣地方始得渡河該逆已搶劫民間木料搭造浮橋占踞東西兩鎮並附近村莊現在臣僧格林沁西凌阿在河東紮營臣托明阿在

河西屯紮趕緊催調步隊以便合力進攻並令
侍郎培成副都統那敷德帶領馬隊官兵星夜
馳赴桑園地方擇要屯紮一得該逆竄逃之信
卽迎頭截擊奏入

上命軍機大臣傳諭僧格林沁曰此次追剿賊匪雖有
斬獲而我兵傷亡亦復不少該逆竄據阜城已幾兩
月朕疊降嚴旨諭令掃穴擒渠不准再有竄逸於該

剿平匪方略卷九

十

大臣調兵調敵無不立允所請原冀僧格林沁早將
此股賊匪殄滅以保全朕倚任之恩茲閱該大臣奏
報卒令潰圍撲出復踞連鎮我兵追剿又落後著該
大臣疊次所謂布置者安在連鎮地方分據運河兩
岸西南可達景州東南可達吳橋由河而北又距泊
頭鎮不遠若不就地殄除又恐蹈獨流故轍剿辦何
時戴事此股竄匪務當乘其喘息未定督飭馬隊官

兵實力截擊悉數殲除儘令該逆又在連鎮地方久
踞或又竄踞他處朕必治僧格林沁貽誤之罪別亦
無可再論矣

同日文謙奏言據青縣等處稟報阜城賊匪全
股竄至連鎮查該處距天津三百數十里一水
可通該逆亡命狂奔去來未定津郡較爲喫重
防守甚單查現在駐守楊村之載堪距津較近

剿平匪方略卷九

十一

如賊匪實係東竄臣卽帶勇相機前進可否先
令載堪帶兵來津會剿奏入得

旨惠親王等速行酌擬具奏

同日巡防王大臣奏言查載堪帶兵駐守楊村
情形不甚喫重而距津較近應由臣等札知載
堪將所帶駐守楊村之兵先行赴津合力防守
奏入

上命軍機大臣傳諭載齡曰阜城逆匪全股南竄占踞連鎮東西兩鎮並附近村莊該處距天津三百餘里一水可通該逆亡命狂奔津郡較爲喫重現存兵勇單薄著載齡迅卽飭令載堪將駐守楊村官兵五百名卽日管帶馳赴天津與文謙合力守禦

上又命軍機大臣傳論文謙曰阜城賊匪竄踞連鎮跨占運河與天津一水可通自應豫爲嚴密防守該郡

欽定剿平粵匪方略卷九十一

十一

存兵分撥各處殊虞單薄載堪帶兵五百名駐守楊村該處情形現在不甚喫緊而與津郡相距較近已諭載齡派令載堪將所帶之兵由楊村移赴天津會同文謙合力守禦著文謙就現存兵勇與載堪慎密妥籌並激勵紳民同心勦力幫同巡緝以期先事豫防

十四日 壬午 勝保奏言該逆占踞豐縣城垣臣於

初九日親督兵勇分攻四門並令綿洵克興阿托克通阿繼福列隊於東北南三面臣親率馬隊列於西面督陣該逆匿於屋內由牆孔放槍臣急令兵勇等奮勇向前拋擲火罐噴筒木城之內火乘風勢西南北三面同時延燒賊衆大亂避匿入城其被馬隊衝散餘賊紛踞沿途附近各村者經善祿及各地方官並聯莊團勇等

欽定剿平粵匪方略卷九十一

十二

搜殺無遺臣揆度賊情窮蹙已極斷難久踞當卽乘馬詳看城外地勢指示帶領馬隊各員分路布置二更後賊果向西南竄出因見我兵列隊甚嚴折而東竄臣卽督令馬隊馳往李九集一帶杜其西竄並派官兵於蟠龍集口門扼住南路一面令善祿赴東南督擊復派綿洵托克通阿乘夜跟蹤追截擊殺十餘里天色微明賊

衆向東狂奔我兵追及賊復拚命抗拒我兵奮力擊殺斃賊數百名賊勢不支拋棄槍械向前奔竄我兵追殺已抵漫口支河河水陡漲湍流甚急馬賊千餘名均陷泥淖我兵乘勢掩殺斃賊無數逆衆百餘圍繞逆首旋轉河岸經我兵連放槍箭擊斃數十人該逆自知無可倖逃一同躍馬入水偽丞相曾立瓚許棕洋登時淹斃

聖朝聖略卷九

十四

偽副丞相陳侍保據獲賊供稱已於本月初二日在冠縣孝頭谷地方被官兵殲斃並斃其偽指揮陸姓藍姓其餘廣西老賊俱已盡數殲斃淹沒並無一名漏網查此股逆匪渡河北犯既欲救應阜城又欲直趨津郡自攻陷臨清後賊志益肆經臣等日夜勦辦逮克復臨清痛殲逆黨辦理雖漸得手而該逆猶窺伺東昌大名等

處希圖北犯自清水集殲去悍賊之半賊膽始寒此次所餘數千逆衆頃刻殲除實足以快人心而伸

天討其在事文武員弁兵勇可否仰懇

天恩准臣擇其尤爲出力者酌量保奏以示鼓勵

勝保又奏言臣所統馬步官兵從征日久器械

衣履俱多不齊若不暫予休息令其趕緊製備

聖朝聖略卷九

十五

勢難整旅南下各處征兵距營遠近不一若令其歸伍備辦往返需時不日即當南征又恐有誤調遣臣查大名曹州距黃河最近與河南接壤俱屬緊要之區再四思維擬將步隊暫駐曹州馬隊暫駐大名俾得休息以便南下其器械衣履即令趕爲備辦聽候調遣臣現擬統帶黑龍江吉林馬隊官兵並直隸通永宣化正定天

津步隊官兵北上將步隊官兵卽留阜城助勦
仍酌度緩急如需臣會合辦理卽當前往會辦
俟蕪事後再行進京儘僧格林沁可以得手臣
卽將所帶官兵留於阜城兼程入都面聆

聖訓現在阜城逆匪南竄必當爲迎截之計臣卽統帶
所部分兩岸前進相機迎截以期殲斃無遺不
敢稍分畛域奏入

欽定剿平粵匪方略卷九

十六

上命軍機大臣傳諭勝保曰該大臣轉戰經年力挫兇
鋒茲復從臨清追賊直至豐縣將此股逆匪悉數掃
除自宜渥沛恩施以酬勞動並令各省軍營將士知
所感奮迅奏蕩平惟楚皖逆氛方熾大江南北首惡
稽誅東南民生顛連困苦之狀朕每一思之難安寢
饋卽阜城窮寇現復南竄連鎮思爲困獸之鬪未能
卽時廓清肘腋之患未除宵旰之憂彌切乃勝保遠

以紅旗馳報河北肅清不知朕所期望於該大臣者
至大至遠似此鋪揚過甚殊覺跡涉矜張該大臣承
受朕恩益當加以敬畏軍士從征勞苦致器械衣履
不齊卽飭趕緊備辦仍一面加意拊循至步隊各官
兵著照擬暫令駐紮曹州派善祿統帶搜捕餘孽彈
壓土匪就近與百勝等聯絡聲勢嚴防南匪續行北
竄並可爲豫楚一帶援應該大臣旣令馬隊官兵緩

欽定剿平粵匪方略卷九

十七

赴大名親自統帶分兩岸前進迎勦阜城竄匪卽當
與德勒克色楞兼程北行會同攻剿此時斷難來京
陛見連鎮踞匪不卽殄除恐蹈獨流故轍著勝保迎
頭兜擊與僧格林沁合力夾攻不准該逆蔓延他處
並不得令久踞連鎮重煩兵力朕方拭目以待該大
臣等肅清河北同膺懋賞也朕於疊次諭飭勝保之
旨訓勉之中恩眷備至該大臣果能懷遵與面承方

略無異亦何必亟請入覲始能秉受機宜且朕信任該大臣畀以統師重任該大臣既知無不言朕亦悉如所請不為遙制尙何虞有所隔閡總以羣醜悉就殲滅寰宇均獲乂安為該大臣之不負朕望耳

上又命軍機大臣傳諭僧格林沁曰本日據勝保馳奏勦辦臨清竄匪於初九日在豐縣黃河北岸殄滅淨盡因聞阜城逆匪全股撲出擬酌帶馬步各隊官兵

聖朝聖略卷十

十六

確探賊蹤相機迎截僧格林沁惟當懷遵疊次嚴旨速將連鎮盤踞賊匪就地殲除無留餘孽不得因勝保督師折回稍存觀望致失事機刻下大江南北尙未蕩平皖楚賊氛甚熾朕瞻懷南服深切隱憂而阜城之賊圍攻兩月尙未能悉數殲擒又令他竄爾等帶兵大臣當如何愧憤焦急迅圖蕝事勝保勦辦臨清竄匪能將全股殄除辦理甚屬迅速惟遠稱河北

一律肅清竟以紅旗報捷跡涉矜張殊失朕望此時連鎮餘匪再加以勝保得勝之兵自無難剋期殄滅僧格林沁秉心誠樸不尙虛文朕所素知即日連鎮全股賊匪殄滅亦不必以紅旗報捷致涉鋪張該大臣務當與勝保合力同心迅奏膚公共膺懋賞

上諭內閣曰本日勝保等由八百里馳奏官兵勦辦賊匪殄滅淨盡首逆伏誅此股逆匪由豐北渡河竄入

聖朝聖略卷十

十七

東境勢甚猖獗經勝保等督兵迎勦克復臨清州城屢獲勝仗該逆勢窮力竭亡命狂奔復經該大臣督率馬步官兵晝夜窮追馳行數百餘里於豐縣漫口支河將潰竄餘匪二千餘名全數殄滅計該大臣等自臨清追賊南下疊次大獲勝仗擒斬及擊散賊匪數萬人辦理甚為迅速深堪嘉尙勝保著加恩賞加太子少保銜並賞還花翎開復降級留任處分並頒

賞御用冠一項巡幸褂一件御用鈕帶一分大荷包

一對小荷包四箇珊瑚帽頂一箇白玉巴圖魯翎管

一枝德勒克色楞善綠均著賞穿黃馬褂並頒賞黃

馬褂各一件大荷包各一對小荷包各二箇白玉巴

圖魯翎管各一枝以示優獎所有在事出力之文武

員弁兵勇著該大臣等查明保奏候朕施恩現在阜

城賊匪竄踞連鎮經僧格林沁督兵攻剿屢有斬擒

欽定剿平粵匪方略卷九

三

著勝保酌帶馬步兵勇迅速會剿掃蕩妖氛肅清畿輔以慰朕望

同日袁甲三奏言臣於三月二十二日自臨渙

起程於二十九日行抵臨淮當查定遠界接廬

城現經和春福濟等於店埠柘皋等處各安大

營以遏賊竄之路廬州大營所需餉銀軍械均

由臨淮派勇分起護運經過定遠往來七八百

人相望於路亦可藉壯軍威其正陽關一路秦

定三遵

旨駐防已於初八日行抵鳳陽臣親赴鳳陽接見將正

陽一帶防剿事宜並臣與霍邱縣紳民先行籌

辦各情形詳細面商秦定三樸誠勇敢亦能和

衷商推西路似可無虞奏入

上命軍機大臣傳諭袁甲三日前據和春等奏令秦定

欽定剿平粵匪方略卷九

三

三統領郝光甲劉玉豹官兵赴正陽關扼截並兼顧

壽州霍邱等處以固西北門戶現在秦定三已抵鳳

陽袁甲三亦進駐臨淮正可聯絡聲威杜逆匪續竄

之路其臨淮以南地勢既以總鋪為定遠北路要衝

且可通鳳陽五河即著飭令吉連等擇要紮營藉壯

聲援和春等在廬州已連毀賊營直逼城下計日當

可克復惟攻克後潰匪奔突不可不扼要截擊毋令

遠竄又擾他處至臨淮為大營運餉必由之路並著多派兵勇隨時防範

袁甲三又奏言臣前於臨淮拏獲奸細為粵賊私買硝磺現又盤獲阜陽縣販馬四人搜出粵賊給予偽札內稱沿途勿得攔阻是該逆勾通奸民幾於到處皆是本月二十日忽有小船竄擁來淮貴價買米運至下游數日之間米價增

欽定四庫全書

三

至一倍探知小船之米均運入洪澤湖歸併大船駕船人多係湖北口音該處米價並不昂貴何以買米販運如此之多形跡不無可疑現當賊焰方張布滿奸細不得不加意嚴防應請

飭下河臣楊以增密派委員於洪澤湖上下及緊靠湖岸之盱眙縣一帶嚴密稽查防範以杜奸萌奏

八

上命軍機大臣傳諭楊以增曰洪澤湖周圍廣闊交通江河賊蹤最易潛藏現有小船運米入湖顯係接濟逆匪該地方官何以毫無覺察淮揚等處偏近賊氛奸細潛蹤在所不免必當嚴加搜捕勿令窩藏著楊以增迅即密派委員於洪澤湖上下及緊臨湖岸之盱眙縣一帶嚴密稽查如有此等形跡可疑船隻著即查拏究辦本日勝保奏豐縣逆匪業已追至河邊

欽定四庫全書

三

殲除淨盡該縣民人重被蹂躪深堪憫惻著楊以增就近妥為撫綏俾無業窮民不致流而為匪此股逆賊雖經大兵勦洗尙恐有逃散餘匪與土匪乘閒滋事且恐南來匪徒續行偷渡並著該河督嚴飭百勝王夢齡及地方河工文武員弁實力巡防不得稍有疏懈

十五日 癸未 琦善奏言浦口官兵於本月初三日

四更出隊至寶塔根一帶次日黎明逆匪千餘人分三股上岸武慶等督兵分路截剿斃賊無數賊由馬家莊一帶抄襲復經擊退隨督兵盡力攻剿圍賊於塔山之下又斃賊匪三四百人偽頂天侯秦回南等均被擊斃查浦口兵單賊眾該總兵連日督兵鏖戰大獲勝仗洵足以寒賊膽惟逆匪大受懲創必不甘心現在賊船尙

欽定剿平粵匪方略卷九十

三

未駛回南岸必圖勾結報復臣已嚴飭該總兵等加意防範奏入報

十六日甲僧格林沁西凌阿托明阿奏言該逆占踞連鎮步隊官兵陸續到齊臣等商定合力進攻臣僧格林沁臣西凌阿帶領達洪阿由東岸進攻臣托明阿帶領瑞麟伊勒東阿由西岸

進攻我兵行至賊巢吶喊齊進該逆暗放槍礮密如雨下我兵冒煙而進該逆隨由兩岸撲出數百名我兵槍箭齊發斃賊數十名該逆拚死抗拒勢甚兇猛侍郎伊勒東阿左臂受鉛子傷仍負痛督兵將該逆擊敗回巢是日之戰各路馬步官兵無不奮勇爭先惟

欽定剿平粵匪方略卷九十

三

盛京第七八起帶隊官員因馬受礮傷輒敢退後以致兩起兵丁畏縮不前當攻剿萬分喫緊之際若不從嚴懲辦何以申明紀律相應請

旨將營總佛恩恩祿卽行革職該逆飄忽靡定亟宜防其回竄及順流復擾天津現已將各營步隊官兵屯紮西岸先於西岸挑挖長濠並札調天津船隻停泊下游以阻其回竄之路其天津東南二面仍擬挑濠築壘待賊匪捨命撲出以便攻

勦奏八

上命軍機大臣傳諭僧格林沁曰逆匪竄擾連鎮跨河營巢若待其布置已定勢必至如獨流故事攻勦難以得手該大臣與西凌阿托明阿分紮東西兩岸並密防該逆回竄西北之路復將天津船隻停泊下游使賊眾不得擾及津郡逆匪自阜城竄出並非窮蹙奔逃一到連鎮即死守抗拒該大臣於東南二面挑

聖學聖方略卷九

三

濠築壘誠恐兜圍嚴密益堅該逆負隅固守之心此次馬步官兵雖極奮勇而賊巢仍未攻破且致伊勒東阿臂受槍傷是其明證不如誘令離巢設伏以待一俟該逆撲出迅即合圍兜擊俾該逆不得回奔入巢再以奇兵將賊隊衝斷勦洗更易得力著該大臣等酌量辦理萬不可專待勝保兵到致延時日前因德勒克色楞接仗受傷特派乾清門侍衛恩全前往

看視本日已諭令勝保迅飭恩全馳赴連鎮察看軍營情形回京覆奏該大臣務將現在賊情及一切布置告知恩全即飭令回京以慰朕念

上又命軍機大臣傳諭勝保曰勝保統領得勝之兵由運河兩岸前進此時不知行抵何處阜城逆匪竄踞連鎮僧格林沁督兵進勦僅獲小勝想勝保沿途已有探報本日已諭知僧格林沁如逆匪死拒難於得

聖學聖方略卷九

三

手即設法偏令出巢以便南北夾擊勝保當亦豫計及此該大臣所留曹州步隊官兵三千餘名原為備辦軍裝聽候南征之用此時皖省軍務節經朕指示機宜分派袁甲三秦定三嚴防臨淮正陽兩路和春等進攻廬州兵力亦不為單薄惟楚豫交界自應山德安先後失守賊又北撲隨州西擾安陸台湧原帶之兵本係堵截殘敗之餘今復疊次潰失幾不成軍

河南武勝等關防兵甚少雖儘數湊調僅止千餘舒倫保由汜水縣前赴武勝關所帶官兵僅一千餘名後隊甯夏官兵數百名尙未能趕到似此兵力單薄恐難堵禦著勝保即將留駐曹州之陝甘官兵酌撥一千名或一千五百名交桂明統帶星速馳往武勝關或防或剿隨時酌度辦理該提督與舒倫保所帶之兵均係陝甘勁旅自可聯絡得力其餘官兵仍留

剿平粵匪方略卷九

三

曹州以備調遣現在楚豫交界較之皖豫交界尤爲喫重荆州已有賊蹤安陸復偏近襄陽湖南上竄之賊已越長沙而至湘潭曾國藩師船及四川沿江東下之兵均屬緩不濟急必須近移得勝之師方足以扼北竄勝保統籌大局定能熟悉機宜也前次派往看視德勒克色楞之侍衛恩全當已早抵軍營著勝保即將該侍衛帶赴連鎮軍營或卽令該侍衛先行

馳往速將該處形勢軍情詳細查勘於回京時據實覆奏總以迅速爲要朕日盼畿疆綏靖早奠民生該大臣等務當合力同心殄茲窮寇無負厚望

上諭內閣曰逆匪竄踞連鎮經僧格林沁派兵接仗各路馬隊官兵俱屬奮勇爭先惟盛京馬隊官員輒敢退後以致兩起兵丁相率退縮實屬怯懦無能營總佛恩恩祿均著卽行革職並著將先行退縮之兵查

剿平粵匪方略卷九

三

明正法

同日台湧奏言據獲賊供稱應山賊衆約計三千有餘現來德安之賊一二人擬於四月初五六日前來撲關往攻信陽因聞此閒調來北兵多至數萬是以未敢遽進又據由應山城內逃出難民報稱賊衆在城一日數驚紛紛戒備現有退回德安之意復探聞前此竄往隨州之

賊因聞北兵由棗陽一帶進剿未敢北向遂即折竄安陸府境臣思趁賊疑懼之時正可督兵克復郡縣無如兵太單薄誠恐一戰弗克轉為賊所輕視勢不得不俟兵力稍集以期一鼓作氣乘機迅掃奏入

上命軍機大臣傳諭台湧曰所稱賊眾心懷疑懼不敢冒險北竄現因兵力單薄恐一戰弗克敢賊輕視之

剿粵匪方略卷九十

三十

見自係實情因思提督桂明前帶陝甘官兵二千餘名隨同勝保勦辦北竄臨清逆匪業已全數勦除本日諭令勝保將此項得勝之師由該提督統帶起程開道馳赴武勝關協同台湧併力進攻為移緩就急之計著台湧即就現有兵勇防勦兼籌西路安陸荆州緊接襄陽與豫省毗連處所路徑紛歧該督尤須妥籌兼顧總兵柏山前赴桐柏唐縣防守現在該處

是否適當賊衝並著台湧嚴飭該總兵相機出境迎截毋許株守一隅

十七日酉乙勝保奏言阜城逃匪如果由東南竄出則德州東昌一帶頗形喫重臣定於十三日督帶馬隊及雙禧所帶步隊官兵由濟甯東平取道順運河東岸前進善祿帶步隊官兵由金鄉鉅野取道順運河西岸前進同赴東昌一帶沿途探明賊蹤所在合力迎擊其桂明所帶陝甘官兵仍令統帶暫駐曹州既可扼南北之衝將來大兵南下時並可就近調遣奏入

剿粵匪方略卷九十

三十

上命軍機大臣傳諭勝保曰曹州地方當南北之衝固屬緊要惟此時楚豫交界情形甚為喫重自應仍飭桂明帶兵赴武勝關以資防勦善祿既帶步隊官兵由金鄉一帶前進其留駐曹州之兵應派何員統帶

著該大臣酌量情形妥速布置至阜城逆匪竄踞連鎮昨諭僧格林沁誘賊離巢設伏以待若該逆果向南潰竄該大臣等由運河兩岸前進正可迎頭截擊儻仍伏匿連鎮該大臣務與僧格林沁合力夾攻就地鏟除此次保舉單內各員並無蒙古官兵是否該官兵於克復臨清時勦賊未甚出力抑或有遺漏之處著該大臣迅卽查明具奏蒙古列在藩服儻著有

欽定剿平粵匪方略卷九

三

勞績尤應破格請獎斷不可令其湮沒不彰至軍營打仗衝鋒冒險武職居多勝保將文職開列在前亦屬非是統兵大臣首在賞罰平允卽輕重先後之間亦須權衡至當始足以鎮服軍心慎勿蹈重文輕武積習

同日和春福濟奏言四月初九日官軍進攻廬城先取文昌樓賊營臣和春居中調度臣福濟

統領各路官兵在後策應鄭魁士等會合官兵四面圍攻連拋火罐火箭頃刻之間樓卽倒塌賊匪紛竄我兵一擁而入盡力砍殺立將賊營踏毀南門突出逆匪三四千人復經我軍擊斃無數是日約斃匪五六百名砍獲首級二十七顆初十日東南兩門撲出賊匪數千人南路又擁聚數千分股來撲鄭魁士督催各隊連放槍

欽定剿平粵匪方略卷九

三

礮逆匪紛紛倒地屍橫遍野並擊斃黃衣騎馬賊二名得勝門又出賊匪二千餘人復經我軍抄擊敗退是日接仗四時之久斃匪一千餘名砍獲首級五十一顆奪獲器械多件臣等惟有再行設法圍攻迅圖克復奏入

上命軍機大臣傳諭和春福濟曰連日督兵進剿燒燬賊營雖捻斬尙多仍未能將廬州克復現在勝保已

將續行北來賊匪於豐縣全行殲滅廬州之賊自必
聞風膽落該提督等正當乘此督率將弁兵勇迅復
郡城秦定三計已抵正陽關卽飭督同郝光甲劉玉
豹等勦辦六安霍邱一帶賊匪嚴防北竄安慶舒桐
等處賊勢如何亦須設法激勵紳民散賊黨與斷賊
接應和州地方與江浦接壤著卽相機布置隨時與
袁甲三秦定三知照援應不可稍有疏虞

聖朝方略卷九十一

三

諭內閣曰此次廬州逆匪分路撲出勢極兇猛經和
春等督飭兵勇連獲勝仗著卽乘勢進攻迅圖克復
鄭魁士先後進勦屢立戰功著開復副將儘先補用

欽定勦平粵匪方略卷九十一 甲寅年

中央民族學院圖書

四月二十日戊子勝保奏言臣前於十一

捷報後傳令各官兵班師北上旋據豐縣稟稱
沛縣樓子集等處有餘匪二三百名其爲初十
日鳧水得生之賊無疑臣因一面料理起程一
面囑令善祿暫留督辦十五日行抵濟甯據黑
龍江協領那爾胡善等稟稱初十日落水淹斃
之賊內有鳧水逃至彼岸者約三百餘人竄入
各村覓食造飯仍謀渡黃竄逸經我兵上前勦
捕殺斃二百餘名餘匪情急奔逃復經徐州兵
勇在河岸兜捕截殺查看河灘之上羸馬陷死
泥淖及賊屍浮積甚多徧搜各村實已無賊亦
無一賊渡河伴逃者此項零匪業已勦盡無遺
臣已催善祿趕緊督帶步隊官兵由運河西岸

聖朝方略卷九十一

十

前赴東昌一帶以便迎擊阜城竄賊

勝保又奏言此次臨清潰出逆匪狂奔南竄經

臣督兵跟剿署濟甯州知州黃良楷單縣知縣

盧朝安在籍侍衛田在田各帶團首練勇四路

搜殺潰匿村莊賊匪千有餘名實屬殺賊出力

臣不敢沒其微勞可否仰懇

恩施准 臣查明保奏奏入

欽定剿平粵匪方略卷九十一

二

上命軍機大臣傳諭勝保曰該大臣於十五日即抵濟

甯十七日發摺後始行起程尙須相機再進是直以

班師自詡按轡徐行殊屬非是現在自阜城竄踞連

鎮之賊即係該大臣去年由豫晉追剿至直之賊並

非另有一股此賊一日不滅即該大臣一日不得辭

責豈恃東境無賊爲全功而以應辦未了之事諉之

他人耶據奏阜城賊蹤竄向何方尙無確耗何偵探

遲滯至此連鎮之賊跨河營巢死拒不出幾與獨流

相等僧格林沁挖濠築壘分紮官兵於東西兩岸並

將天津船隻停泊下游布置雖周而進攻總未得手

所殺逆匪不過數十名且有伊勒東阿烏凌額受傷

之事該處地勢河東較河西尤固勝保現從東岸進

兵即當迅速馳抵連鎮一面飛催善祿由西岸星速

前進同抵該處合力進攻若任意遷延徒以休息兵

欽定剿平粵匪方略卷九十一

三

力爲詞自問何顏對朕功自功罪自罪斷不能希圖

相抵也知州黃良楷知縣盧朝安在籍侍衛田在田

各帶練勇搜殺賊匪著准其歸入豐縣剿賊出力各

員內一體保奏候朕施恩

同日

上命軍機大臣傳諭僧格林沁曰前以阜城竄匪復踞

連鎮諭令僧格林沁誘令出巢設伏兜剿數日以來

未據奏報不知該大臣作何布置朕心焦切萬分以此股賊情而論顯係伏匿抗拒意圖耗我兵力且牆垣堅厚米糧充足一經負嵎久踞復蹈獨流故轍又將何以著手該大臣前奏挑濠築壘祇計及兜圍並未

勦擒逆方略卷九十一

四

入連鎮後又不能即時勦洗任其從容布置該大臣貽誤遷延罪將誰諉現在勝保善祿統兵於運河東西兩岸分路北趨由東昌會齊前進若該逆果向南竄僧格林沁惟當竭力追殺而勝保等亦正可迎頭截擊儻仍伏匿連鎮則勝保計日趕到即可合力進攻僧格林沁亦不得專待勝保到後始圖勦辦總之此股窮寇一日不滅畿輔一日不安朕急切苦衷該

大臣豈不知之著卽體察機宜嚴飭各路帶兵各員速籌進攻無論合圍攻擊或竄出截殺總期悉數殲滅迅速辦理朕斷不能再爲該大臣寬予限期也

二十二日庚寅僧格林沁西凌阿托明阿奏言十

五十六等日臣等豫派馬步官兵伏於賊巢左近該逆結隊而出我兵奮勇齊進兩次斃賊約百餘名十九日臣僧格林沁前往西岸會同臣

勦擒逆方略卷九十一

五

托明阿查看長濠地勢臣等僅帶親隨數十人該逆於明濠池北築起礮臺用礮擊打空濠人夫臣僧格林沁嘗派委參領玉亮帶領前次投出之張德順等將其礮臺拆毀該逆向臣等猛撲經臣等豫派設伏之馬隊官兵從兩翼抄出斃賊百餘名餘匪敗退該逆又撲出大股一千餘名臣等因附近賊巢地勢不平且恐馬隊深

八不能得力一面飛調步隊一面傳令馬隊撤
同時瑞昌瑞麟督帶步隊業經趕到馬步齊進
又斃賊二百餘名該逆連日受創死守不出現
在惟有用大礮轟擊俾該逆潰圍而出攻剿或
可得手

同日勝保奏言臣於十七日由濟甯督兵起程
善祿帶兵由金鄉鉅野順運河西岸北上托克

通阿綿洵先赴東昌由鄭家口德州西岸一帶

北上臣於十九日申刻行抵荏平約三四日內

可抵連鎮前令善祿桂明各統所帶官兵留駐

曹州以備南下善祿現已帶兵由運河西岸北

上連勦阜城竄賊惟桂明帶陝甘官兵二千餘

名尙駐曹州今楚豫軍情緊急自應遵

旨飭令迅速督兵前往第查武勝關地屬信陽臣上年

欽定剿平粵匪方略卷十一

六

曾經過其地相度形勢固爲要隘然稍覺偏僻

不如襄陽水陸通衢商賈輻輳爲賊素所垂涎

且逆情詭譎聲東擊西是其故技不可不防臣

已飛飭桂明卽統原帶官兵自曹州起程由劉

家口或柳園口渡河馳赴許州一帶探明賊蹤

所向如襄陽有警卽可由南陽前往迎擊如信

陽喫緊卽馳往武勝關會合舒倫保併力防勦

均奏八

欽定剿平粵匪方略卷十一

七

上命軍機大臣傳諭僧格林沁勝保曰逆匪竄踞連鎮

雖經僧格林沁等督兵進勦小有斬獲未能掃穴擒

渠剋期殄滅覽奏實深焦急該逆於連鎮空濠築牆

意圖久踞我兵惟用大礮轟擊仍不能出奇制勝力

破賊巢似此曠日持久勦辦何時蕝事勝保於十九

日行抵荏平計日已可行至連鎮兩軍會勦兵力較

厚該大臣等務當協力同心迅圖攻勦儘該逆負隅死拒我兵不難四面兜圍爲就地鏟除之計設勢感南竄仍可設伏以待出其不意一鼓殲除軍情變幻靡常惟在該大臣等相機妥辦迅速奏功斷不可再延時日附近連鎮村莊是否有賊占踞萬勿任其裹脅居民並當嚴斷接濟使該逆援絕勢孤攻勦自易得力其東北一帶尤應加意嚴防毋令搶掠船隻再

聖朝方略卷九十一

八

滋延蔓前諭勝保酌撥官兵交桂明馳往楚豫交界會勦著卽嚴飭該提督與台湧舒倫保英桂楊需等互相知照探明何處緊要卽馳赴何處迎頭堵勦至東路鹽山慶雲一帶與山東武定毗連地方防守官兵勢尙單弱著僧格林沁勝保妥籌應如何撥兵扼要堵截並知照崇恩嚴飭地方文武與紳民人等實力防堵該大臣等務當統籌全局合力進攻總期早

滅妖氛肅清畿輔毋負委任

同日署河南巡撫鄭敦謹奏言連日據信陽州文武稟報逆匪前踞應山分赴各鄉搶掠揚言定期北犯於本月初七日全數南竄仍回德安又據南陽府縣稟報隨州之賊竄回武漢襄樊一帶尙無賊蹤又據羅山縣知縣稟報湖北逆匪在漢陽等處被官兵擊敗餘黨逃赴黃安縣

聖朝方略卷九十一

九

河口南沙河地方焚搶該處鄉民齊心殺賊斃匪五六百人奪回賊船六百餘隻並米糧衣物等件合境居民聞風爭奮約衆追殺復斃賊數百人該逆猶盤踞德安查豫省之信陽南陽與楚北犬牙相錯難保不乘虛偷越臣已飛飭南汝光道余炳燾等各帶兵勇仍於要隘處所極力嚴防復飛咨舒倫保俟所帶官兵齊抵信陽

即會同湖廣督臣台湧合力進剿奏入

上命軍機大臣傳諭英桂楊靈鄭敦謹曰逆匪於初七日由應山竄回德安隨州之賊亦回武漢一帶總未大受創懲仍當防其北竄該撫等已飭南汝光道余炳燾等扼要設防並有柏山及舒倫保等在信陽一帶堵剿勝保又派桂明帶兵二千名由曹州直赴許州一帶探明賊蹤迎頭截擊各路官兵不爲單弱正

欽定剿平粵匪方略卷九十一

十

當乘機剿辦迅殄賊氛英桂現雖告假仍當與鄭敦謹合力同心妥籌布置楊需計已抵豫務即確探楚豫交界處所何路緊要即帶兵馳赴該處駐紮協同防剿

上又命軍機大臣傳諭台湧曰應山逆匪竄回德安隨州之賊亦竄回武漢襄樊一帶現無賊蹤著台湧即就在營兵勇相機剿辦勝保已令桂明帶兵由曹州

探明賊蹤迎頭截擊並著台湧即督飭現帶官兵與各路赴援之兵合力堵剿不得專事株守

上諭內閣曰軍興以來屢經降旨諭令各督撫飭屬團練鄉勇原期衆志成城人心自固該地方官果能實力奉行紳民人等定必踴躍用命自衛身家於剿匪事宜大有裨益本日署河南巡撫鄭敦謹奏據羅山縣探報湖北黃安縣南沙河地方有賊匪竄至經該

欽定剿平粵匪方略卷九十一

十一

處鄉民斃賊數百並約會河口等處鄉民殺賊五六百人奪回逆船六百餘隻並米糧衣物等件該縣合境居民聞風爭奮約衆追殺復斃賊數百人該民人等合力同心捍衛鄉閭甚屬可嘉若賊匪竄擾之處地方百姓皆能如此齊心禦賊何至任其蹂躪慘遭荼毒然總須地方官實心勸諭倡率有方遇有出力紳民即行據實詳報上司隨時奏請獎勵庶使羣情

觀感協助官兵盡殲醜類所有此次黃安縣南沙河等處擊退賊匪之居民人等著台湧先行傳旨嘉獎並著查明出力紳民據實保奏現在被兵省分屢據奏報各屬紳民實能團練殺賊保衛地方者亦復不少著各路統兵大臣及督撫等嚴飭各府州縣勸導紳民一體實力團練果能辦有成效如近日天津饒陽單縣等處力挫賊鋒保全城邑者即著隨時奏聞

聖學聖略卷十一

十三

定當格外施恩以獎忠義

二十三日 辛卯 駱秉章鮑起豹曾國藩奏言逆賊

大股水陸並進逼近省垣陸路之賊先散踞岳州湘陰各境賊船分布臨資口樟樹港喬口靖港等處連日北風甚勁大雨經旬水軍不能進勦北路水陸各賊聚泊靖港港外環列戰船堅築礮臺為負嵎之計三月二十四五等日臣曾

國藩飭水師各營駛赴靖港更番疊擊約共斃賊二百餘名擊沈賊船三隻燒賊火藥船一隻賊謂知省城水陸防勦綦嚴不敢闖入欲由陸路繞越甯鄉徑撲湘潭臣曾國藩先遣湘勇一千八百人扼要立營防賊侵軼二十五日賊分三股撲營湘勇力不能支紛紛潰敗二十六日塔齊布馳往援勦賊已於是日卯刻由間道直

聖學聖略卷十一

十三

赴湘潭塔齊布等亦即繞道前進二十八日馳抵湘潭縣城外高嶺地方賊前隊於二十七日已到署湘潭縣知縣劉建德督勇於城外響水壩沙市嶺一帶堵禦賊已由西路暗襲縣城分遣死黨四處擄船並在城北豎立木城意圖久踞塔齊布以該逆頻年猖獗每用以守為戰反客為主之法若不及時速勦賊壘一定攻克為

難卽於二十八日同周鳳山督帶弁兵壯勇分
路進攻賊營槍礮如雨塔齊布令兵勇聞礮卽
伏礮止卽進數伏數起直逼賊營各兵勇奮不
顧身闖入賊營施放火箭火彈殺賊五百餘名
燒斃無算生擒三十餘名二十九日塔齊布等
分路進攻賊分五路出撲我軍縱橫血戰立斬
僞統領先鋒六名僞都督元帥三名斃賊六百

欽定剿平粵匪方略卷九十一

十四

餘名賊匪敗潰旋乘我兵造飯之時分路來撲
我兵佯敗誘賊從營後繞出轟斃賊匪五百餘
名追至嶺下塘邊四面圍逼淹死賊匪不計其
數四月初一日賊復於城外高築木城選長髮
老賊分路出拒塔齊布督率兵勇奮力衝突殺
斃老賊數百人燒燬賊房無算生擒三十餘人
追至城根復殺賊數百名其水面賊船經褚汝

航等督率戰船分隊進剿轟斃紅衣賊目十數
名延燒賊船無數初二日復督船進攻擊沈賊
船八十餘隻斃賊二百餘名褚汝航親點大礮
擊死紅巾賊匪十數名又燬賊船二百餘隻斃
賊三百餘名彭玉麟楊載福親坐小艇往來督
戰先後燬賊船三百餘隻燒斃及生擒賊匪三
百餘名岸上之賊亦被燒斃無算是日卯刻臣

欽定剿平粵匪方略卷九十一

十五

會國藩親率大小戰船四十隻陸勇八百馳赴
靖港上十里之白沙洲相機進剿午刻西南風
陡發水流迅急戰船順風駛至靖港不能停留
更番疊擊逆賊在礮臺開礮適中哨船頭桅各
水勇急落帆收泊靖港對岸之銅官渚賊眾用
小划船二百餘隻順風駛逼水營水勇開礮轟
擊臣會國藩聞信急飭陸勇分三路速撲靖港

賊營以分賊勢初三日落齊布偵賊在潭城窺

灣地方高豎望樓逆賊散處潭城總市將由水

路逃竄知會水師迅速兜剿遇船即燒共燬賊

船六七百隻賊屍沿江漂流該逆被燒情急復

回縣城委員江忠淑會同署湘潭縣劉建德設

伏城隅乘隙登城開門接應塔齊布揮兵直入

將城中賊匪盡數搜殺敗殘餘匪紛紛竄逸已

聖朝聖略卷十一

十六

飭塔齊布等四處搜拏升用同知直隸州知州

王鑫追賊至雲湖橋魯家壩等處殺斃數百名

湘潭縣城立即克復其由涿口竄至醴陵縣界

約數百人將竄入江西萍鄉臣等飛咨江西撫

臣速飭堵剿此次逆賊大舉南犯意圖竊踞湘

潭與靖港之賊互為首尾儻不及早撲滅不獨

省城孤注難以圖存衡永郴桂及兩粵匪黨聞

風響應東南大局不堪設想幸仗

皇上威靈八日之間水陸十獲大勝全股掃蕩賊膽已

寒現在靖港一股亟應回軍剿辦俟水陸兵勇

調回即行相機進攻補用副將塔齊布忠義奮

發勇敢當先士卒樂為之用通城剿賊已獲大

勝此次復著奇功實屬武員中傑出之才懇請

賞換花翎加總兵銜並

聖朝聖略卷十一

十七

賞給勇號其餘文武員弁並請

逾格恩施給予獎敘

會國藩又奏言臣派水師剿賊靖港初二日靖

港水勇潰散實由臣調度乖方自去冬欽奉

諭旨速援皖鄂兩省盼望既殷臣之求效愈急而其辦

理亦愈乖謬征戰之事論瞻技或兵不如勇論

紀律則勇不如兵募勇萬餘人必須有大員協

同管帶又須有文武員弁及得力紳士一二百人節節統轄乃足互相維繫臣先時未能奏請大員幫同管帶又未多調文武員弁分布各營每營僅有一二官紳主之紀綱不密維繫不固以致潰散其謬一也靖港之戰臣因湘潭水陸大捷意欲同時並舉破賊老巢使賊首尾不能相顧是以風順水溜進戰則疾駛如飛退回則

寸步難挽賊舟來偏礮船牽挽維艱或縱火自焚或閒以資賊戰艦失去三分之一礮械失去四分之一是臣但知輕進之利不豫爲退敗之地其謬二也水勇無曾經行陣之人不得已召集船戶水手編派成軍訓練未及一月陸勇雖經訓練亦須隨同久經戰陣之兵接仗數次乃可期其得力今驅未經戰陣之勇驟當百戰

兇悍之賊一營稍挫全軍氣奪非真勇不可用乃臣不善調習而試用之故其謬三也臣整軍東下本思疾驅出境乃該逆大舉南犯臣師屢挫鄂省危急不能速援江面賊氛不能迅掃大負

聖主盼望殷切之意請

旨將臣交部從重治罪並懇

天恩特派大臣總統此軍臣非敢因時事萬難遂推諉而不復自任未經赴部之先仍當竭盡血誠一力經理如船隻已修水勇可恃臣亦必迅速駛赴下游不敢株守片刻
曾國藩又奏言臣於二月閒知水勇未可盡恃咨會勞崇光代募水勇二千名已准咨覆派知府李孟羣管帶來楚尙未見到又查有廣西臬

司許祥光右江道張敬修皆夙諳水戰素蓄健卒製備火器多而且精該二員膽識過人與現在臣軍之褚汝航新經咨調之李孟羣均堪膺水路統領分領之選相應請

旨飭令許祥光張敬修各帶精勇礮械來楚併入此軍厚集其勢以保東南之全局儻蒙

俞允得謀勇兼優之大臣主之於上而以此數員者分布其間必能同心戮力迅掃逆氛則臣雖身膺重罪亦足少紓耿耿之忱奏入

欽定四庫全書

三

欽定四庫全書

三

上命軍機大臣傳諭駱秉章塔齊布曾國藩曰此次湘潭水陸連獲大勝殺賊甚多惟大股雖已殲滅而靖港賊巢並未能同時攻破曾國藩復以輕進遭此挫衄若不亟圖勦辦恐該逆負隅抗拒必致牽綴我軍阻扼南北要衝駱秉章等現既移軍回勦務即與塔

齊布等乘此聲勢分帶兵勇水陸夾攻為一鼓成擒之計斷不准任令該逆踞巢死守再肆鴟張所稱由湘潭上竄下竄餘匪究竟奔突何處亦須探明趨向分派將弁竭力搜捕其由醴陵將竄萍鄉一股並著迅飭江西交界各文武一體嚴密堵勦曾國藩現在所存水陸各勇僅有四千餘人若率以東下誠恐兵力太單曾國藩現復添修戰船換募水勇據稱一兩月間當有起色果能確有把握亦尚不難轉敗為功目下楚北賊蹤由應山竄回德安隨州之賊亦回武漢是鄂省望援甚急該撫等務當督飭水陸各軍迅將此股敗竄之匪殲滅淨盡兼可赴援武昌以顧大局鮑起豹以提督大員安坐省中一無布置該撫等屢次奏報打仗情形均未敘及該提督畏葸無能已可概見本日降旨將鮑起豹革職不准留營特命塔

齊布署理提督全省水陸各營皆歸統轄該署提督
責無旁貸卽著統領各路將弁相機進剿

上又命軍機大臣傳諭勞崇光曰據會國藩奏潯梧一
帶雇募水勇業經該撫咨覆交李孟羣管帶其許祥
光張敬修二員能否赴楚助剿著勞崇光酌度緩急
毋得顧此失彼

上諭內閣曰此次剿辦湘潭逆匪八日之間水陸十獲

欽定剿平粵匪方略卷九十一

三

大勝斃賊不下萬人奪獲船隻米糧火藥等項無算
解散之衆亦以萬計著略秉章塔齊布會國藩卽督
水陸兵勇乘勝進剿務將靖港賊匪一律掃除卽行
統兵東下迅殄妖氛補用副將塔齊布前在茶陵剿
匪出力業經賞換花翎著加恩賞加總兵銜並賞給
喀屯巴圖魯名號守備周鳳山著以遊擊升用並賞
換花翎卽補同知褚汝航著免補同知以知府儘先

補用並賞加道銜卽選知縣夏鑾著以同知升用千

總楊載福著以守備補用並賞換花翎附生彭玉麟

著以知縣遇缺卽選哨官張宏邦著以千總拔補訓

導江忠淑著賞加五品銜至屯聚靖港逆船經會國

藩親督舟師進剿雖有斬獲旋以風利水急戰船被

焚以致兵勇多有潰敗據會國藩自請從重治罪姑

念湘潭全勝水勇甚爲出力著加恩免其治罪卽行

欽定剿平粵匪方略卷九十一

三

革職仍趕緊督勇剿賊帶罪自效湖南提督鮑起豹
自賊竄湖南以來並未帶兵出省疊次奏報軍務僅
止列銜會奏提督有統轄全省官兵之責似此株守
無能實屬大負委任鮑起豹著卽革職所有湖南提
督印務卽著塔齊布暫行署理

同日青廉奏言臣防守孤城設法攻勦餉路已

絕惟念湖北省城有失則長江數千里均爲賊

踞尤恐克復為難應請

旨飭下就近省分速撥精兵星夜來楚迅圖攻勦庶可

轉危為安

青慶又奏言查該逆占踞漢口漢陽與武昌為

一江之隔臣再三籌酌惟有由後路攻擊易於

得手省中兵勇萬難分撥相應懇

恩迅飭督臣台湧來省會勦儘該處果有賊蹤意在北

欽定四庫全書

書

竄督臣難以分身來省懇

飭署提臣佈克慎多帶兵弁前來如能將漢鎮疏通迅

解省圍卽有零星餘匪擾及楚豫邊界省城亦

可派兵追捕奏入

上命軍機大臣傳諭台湧青慶曰青慶請令台湧速行

赴省之處尙未知江北實在情形逆匪由漢黃等府

擾及德安時復窺伺荆襄其意方欲以蹂躪各屬使

武昌勢成坐困則我軍亦惟有以勦除各屬賊匪為

救援武昌之策此時台湧豈能置江北羣賊於不顧

卽佈克慎所帶之兵均係收集潰散兵卒亦豈能衝

賊而過直達武昌且武勝關為入豫要隘台湧自以

遏賊北竄為要一面催提續調各路官兵為進援鄂

省之舉現據勝保奏報已遵旨飭令桂明帶陝甘官

兵自曹州起程渡河馳赴許州一帶探明賊蹤兼程

欽定四庫全書

書

前進四川援兵本日亦論裕瑞飛催東下舒倫保於

初七日由汜水起程剋日亦可抵關與台湧會合前

調之羅玉斌勦辦江西匪徒現已蕝事亦可馳抵黃

安一帶著台湧迅速催提並著就現有之兵設法分

路攻勦自德安進逼漢陽庶省垣重地聲勢聯絡不

致坐困青慶此時惟有督飭將弁兵勇激勵紳民極

力守護省城該撫身任封圻全省之事皆應熟籌兼

顧不得以株守省城坐待援兵爲卸責地步也

上又命軍機大臣傳諭裕瑞曰巴東利川之兵赴楚協
勦若待續調漢屯官兵接防始行起程必致有誤應
援著迅飭帶兵員弁卽日前往不准耽延

二十四日壬辰勝保奏言臣由荏平起程督兵前
進馳過德州至柘園鎮距連鎮僅五十里擬卽
督帶馬隊先行馳赴連鎮相機進剿奏入報

聞

二十五日癸巳袁甲三奏言探聞豐縣竄出之賊

經勝保等督兵追剿並徐州鎮道各督兵勇截
殺餘匪於十三日竄至蕭縣境內經該縣文武
督飭團練兩次接仗先勝後敗該逆仍由永城
一帶南竄又聞逆賊於十六日竄擾蒙城東西
北三門俱用木料屯閉現有兩三千人馬二百

聖皇聖略卷九十一

三

餘匹勢將復熾臣已於由廬至蒙一路分派兵

勇嚴密防禦如或他竄卽飭各將弁奮力窮追
又恐賊由穎上霍邱一路竄回六廬臣並飛致
秦定三擇要堵扼不至稍有疏失奏入

上命軍機大臣傳諭和春福濟袁甲三秦定三曰逆匪
由豐縣竄出經勝保等督兵追剿斬擒殆盡徐州鎮
道亦各督兵勇截殺該匪渡河時人馬並不甚多何

聖皇聖略卷九十一

三

以竄至蕭縣境內尙能與兵勇兩次接仗且由蕭永
一路沿途裹脅二三千人竄擾蒙城前據百勝王夢
齡奏稱分紮豐工南北兩岸扼賊南竄又有李鴻棻
在南岸郝家集一帶防堵何竟任賊竄越到處裹脅
所謂督兵截殺者安在該給事中旣派兵勇會剿著
卽督飭文武員弁迅將此股逸匪在蒙城就地殲除
前有旨諭令秦定三於抵正陽關後督飭郝光甲劉

玉豹等勦辦六安霍邱一帶賊匪並諭和春福濟於和州與江浦接壤地方防賊窺伺原恐金陵及廬州賊匪再行分股北來續圖援應該提督等務當於各處要隘實力嚴防毋稍大意李湘棻在南岸郝家集駐紮未能堵賊該革員所帶之兵一千餘名著交百勝王夢齡就近調撥並著袁甲三迅即揀派得力將弁前往管帶北竄餘匪逃散偷渡者為數諒必不少

聖朝聖略卷十一

天

聖朝聖略卷十一

天

且皖省逆賊聞風亦難保不續來勾結為救援之計此時總宜嚴遏南來之賊並速將渡河回竄餘匪勦洗淨盡若稍遲延令與逆匪糾結又圖北竄惟該提督等是問

同日

上命軍機大臣傳諭僧格林沁曰朕聞阜城逆匪竄出時察哈爾官兵並未知覺迨將防濠之礮擲向營盤

轟擊始知賊出兵已大亂林鳳詳爬越濠溝平毀濠牆賊眾跟出以致焚燬營盤搶去帳房百餘架馬匹駝隻數百匹傷亡兵丁數十人前據僧格林沁奏稱逆匪於初六日子刻撲出重濠燃燒帳房僅請將培成摘去頂戴烏凌額尙請因傷從寬免議迨逆匪竄至連鎮始奏稱培成營盤陣亡官兵八十餘名並未將培成失事實情及被賊搶去帳房駝馬火藥各情詳細入告是該大臣前次奏參培成顯有不實不盡逆匪竄踞阜城壘據僧格林沁等奏稱挖築濠牆杜賊竄逸乃初六日賊踞濠邊初九日全行南竄此數日中竟不能設法堵勦以致該逆竄踞連鎮餘燼復燃重煩兵力可見該大臣平日布置毫無把握至各營帶兵大員均歸該大臣節制有功則賞有罪則懲毫釐不容假借儻有失事之員即當據實嚴參

又豈可諱敗爲功所有培成營盤如何被燒逆匪如何撲出培成及該營兵丁是否在營何以毫無知覺帳房等件被賊搶去若干著該大臣迅速詳查據實具奏該大臣於軍營一切事宜自當秉公酌辦方足以折服人心不可稍有瞻徇回護致負委任

二十七日乙未僧格林沁勝保奏言逆匪自占踞

連鎮堅壁死守臣等恐該逆潰竄先於西岸挑

欽定剿平粵匪方略卷九十一

三十一

挖長濠尙未竣工該逆恐被圍困於二十二日夜復又占踞西岸村莊離所挖之濠甚近用礮擊打挖濠人夫所有業經擇定挖濠之處斷難工作祇得另行擇地挑挖惟地方愈廣工竣更需時日連日督兵進攻並用礮轟擊斃賊百餘名數十名不等二十二日進攻賊巢侍衛綱關奮勇爭先胸受槍傷是夜該逆由東岸撲出都

統西凌阿帶領馬隊官兵將該逆殺退臣勝保

現於二十三日帶馬隊官兵馳抵連鎮當卽由

東面繞至東北與臣僧格林沁會晤察看情形

北面與東北西北兩面均經臣僧格林沁搭橋

挖濠修築礮臺妥爲布置南面與東南西南兩

面官兵不敷分撥稍覺空虛臣擬卽於賊營南

面紮營一面調集船隻支搭浮橋可以東西接

欽定剿平粵匪方略卷九十一

三十一

應聲氣相通如果賊匪窮極思竄卽當認真擊

殺痛加勦洗奏入

上命軍機大臣傳諭僧格林沁勝保曰該大臣等奏賊

於初九日夜閒竄出占踞連鎮我兵緊接跟追何以

遲至二十二日尙任該逆從容占踞西岸村莊且稱

另行擇地挖濠是此十日之內所辦之工全歸無用

偏逆匪愈占愈廣我兵濠塹亦將愈挖愈遠自來困

賊有此下策否阜城覆轍已可概見尙復沾沾必出此策耶勝保已抵該處步隊亦卽日到齊自當力籌進攻與僧格林沁和衷速辦此股逆匪本係勝保專辦不得一味諉過於人前此寄諭業已詳示若勝保竟恃山東勦賊爲莫大之功於連鎮勦辦事宜輒視爲有人分任徒事遷延斷不能逃朕洞鑒前此所論誘賊出巢設伏出奇等事能否遵辦卽著相機妥籌

聖訓卷九十一

三

若任其負嵎死守朕度該大臣等才力亦必不能剋日奏功也綳闊胸受槍傷實屬奮勇著發去白玉四喜搬指一箇玉靶小刀一把大荷包一對小荷包四箇交該侍衛祇領

二十八日 丙申 官文貴陞奏言賊匪由隨州棗陽

一帶竄至安陸荆門先後失守 臣等查荆門界

連荆襄爲南北往來必由之路亟撥兵一千二

百餘名派遊擊王國才參將佟攀梅分紮於龍會橋了角驛等處相機進剿四月十三日賊匪四千餘名直撲龍會橋軍營勢甚猖獗經王國才等督率滿漢官兵開放大礮該匪抵死相拒我兵奮勇直前斃賊甚多該逆豫於橋北一帶民房內暗伏王國才派令千總畢金科拋擲火彈焚斃伏賊百餘名餘匪逃竄王國才及佐領

聖訓卷九十一

三

玉貴等追殺至馬隍山復經貴陞率協領功額訥等從樂壤橋板橋兩處堵截佐領貴鳳等帶兵接應合隊攻剿賊衆潰逃復追殺二十餘里統計殺斃賊目四名逆賊七八百名十八日賊匪竄至浩子口地方經佟攀梅督兵奮勦斃賊二百餘名餘匪四散逃竄此次逆匪攻撲荆郡經官兵奮勇迎擊連獲勝仗軍威大振惟潛沔

一帶賊匪尙眾臣等仍當督飭官兵嚴密防守
不敢稍有疏懈奏入

上命軍機大臣傳諭官文貴陞曰逆匪進偏荆郡經官
文貴陞派遊擊王國才等督兵由東北二路奮力迎
擊連獲勝仗剿辦尙爲得手惟安陸荆門係荆州前
路屏障何以任令逆蹤先後竄踞尙未據台湧奏報
此時固以力保荆郡爲要仍須乘勝相機迎截爲前

欽定剿平粵匪方略卷九十一

四

後扼剿之計該將軍等務卽嚴飭帶兵員弁迅圖截
殺使該逆無由乘虛回竄方爲上策其逃散餘匪亦
應加意搜捕免致蔓延勾結江路現尙阻隔湖南賊
匪難保不旁竄勾結青磨坐守省垣有不能兼顧之
勢台湧籌勦北路賊匪現擬由應山進攻德安等處
所有荆郡一切剿辦機宜該將軍等務當隨時知照
互爲策應豈得以驛路阻塞爲詞遂不思設法疏通

爲彼此援應之策耶

二十九日丁酉僧格林沁奏言查四月初六日該
逆趁風撲出站牆官兵見該逆撲近開放槍礮
極力抵禦培成等營紮在東南是日西北風大
作該逆搶上濠牆拋擲噴筒火罐致將培成營
盤帳房火藥全行燃燒奏入

上諭內閣曰阜城賊匪既有長濠圍困又有各營官兵

欽定剿平粵匪方略卷九十一

五

沿濠紮營互相聯絡僧格林沁復派員時往查看何
以四月初六日逆匪奔突竟從培成營盤全股竄出
搶越濠牆並將帳房火藥燃燒失去駝馬一百餘匹
是培成平日漫無準備臨事又不能實力堵擊畏葸
無能已可概見僧格林沁前奏僅將該侍郎摘去頂
戴不足蔽辜培成著卽革職仍留軍營效力贖罪儻
再不知奮勉卽著從嚴懲辦

同日琦善奏言官軍於本月二十一日由東西兩岸進剿瓜州賊匪約斃賊五六百人復經追殺數十名外委張其彪等身受礮傷是日接仗因驟雨初霽塗潦未乾收隊時風雨復作致未得手臣視師日久焦灼萬分艇師各船延不上駛該總兵葉常春陳世忠署總兵李德麟周士法均係革職之員如果始終不知愧奮惟有從嚴叅劾以肅戎行現在粵省拖風紅單各船尙無消息前奉

欽定四庫全書

三

欽定四庫全書

三

諭旨令閩浙廣東各省揀派水師人員來營調遣容俟

該員等到營之日統帶水師接替有人再行察看以便酌量更換奏入

上命軍機大臣傳諭琦善曰琦善督兵進剿瓜州賊匪未能得手總由水師戰船不能得力之故琦善統帶

水陸各軍葉常春等均歸節制如該革員等竟敢始終疲玩託詞延宕致誤事機卽當以軍法從事前調閩廣水師人員尙未到營著卽飛催起程現在該大臣營中如有得力之員亦可暫行派令管帶俟紅單等船到時再行酌量派員更替至該匪以鎮江爲巢窟欲清江面必須於克復瓜州後以水師南擣鎮江與余萬清水陸夾攻若能克復鎮江則水師船隻可以直達金陵俟拖風紅單等船到江事機不可失也其儀徵浦口等處均有逆船窺伺雖俱經擊退仍當加意嚴防扼其北竄毋稍大意

欽定四庫全書

三

欽定剿平粵匪方略卷九十二 甲寅年

五月初一日 己亥和春福濟奏言查廬城賊匪被官軍擊敗入城勢已窮蹙防範愈嚴必須設法暗圖方克有濟現飭各營添置攻城要需擬於夜間出其不意或由雲梯而上或設法轟陷以圖克復提臣秦定三已行抵正陽關因該處地勢四通八達當飭郝光甲劉玉豹於水陸隘口

剿平粵匪方略卷九十二

分紮營盤扼要防守並相機進剿六安霍邱以遏賊匪北竄其貴州官兵一千名於秦定三起程後始到廬州即飭趕緊前往計此時可到正陽至舒桐安慶等處逆匪占踞如故地方紳民多已遷避現飭知縣張埴前赴南鄉招集團練極力堵禦斷賊接濟如廬州及早得手更可激勵該二縣紳耆設法解散賊黨其江浦六合等

縣逆船時往滋擾該處緊接和州此時廬郡剿捕喫緊無兵可撥已飭該州金寶樹督練防範毋任闖入

和春福濟又奏言金州副都統薩炳阿在巢湖烏江一帶剿賊於四月十一日病故該處防務未鬆必須另揀大員前往督辦以資得力前因副都統忠泰患病未能前往現在病愈仍令帶

剿平粵匪方略卷九十二

同吉林官兵剋日馳往督同原派兵勇相機進剿奏入均報

聞

同日江西巡撫陳啟邁奏言江西籌辦戰船已成三十隻其餘二十隻亦將工竣惟應用銅鐵各礮約需三百餘尊江西舊存礮位堪以配置戰船者不及三分之一專望廣東購備運江應

用前經請

旨飭催未知能否及時解到其雇募水勇兩月以來僅

募千餘臣到任後於各項兵勇中量為抽撥配

駕戰船上緊演試以足三千之數現在長江上

下游逆船充斥江省惟有戰艦五十隻若遠駛

至湖北援剿究恐孤軍深入擬俟配齊礮位並

確探曾國藩大隊舟師將出楚境方能約會夾

聖皇聖方略卷之三

三

擊計出萬全

陳啟邁又奏言臣疊據探報近有賊船數百隻

駛入湖口越過南康轉入饒河湖口及安慶東

流一帶賊船停泊不少查饒河可達廣信恐竄

廣饒擄掠糧食或以小股分擾牽掣我師而以

下游停泊之船乘風直上窺伺省垣賊情詭譎

不可不防當即飛飭廣饒二府文武設法堵剿

並酌撥兵勇應援省垣亦密為布置以備不虞

奏八

上命軍機大臣傳諭陳啟邁曰此次江西籌辦戰船為

數無多以之遠出赴援雖形單弱若以備本省防剿

之用足敷調遣現在賊擾湖南曾國藩舟師一時未

能東下據該撫奏稱現有賊船轉入饒河該省毗連

湖南湖北處所均有匪徒出沒所有本省各隘口需

聖皇聖方略卷之三

四

用水師之處正復不少著即將已造船隻配齊礮械

派員督率兵勇駛赴本省要隘以資防剿仍一面督

飭趙如勝等趕緊訓練水勇一面於現造各船外陸

續添造總期聲勢聯絡相機進剿不得株守一隅置

礮船於無用之地至廣東購備礮位並著該撫與葉

名琛等妥商速辦

初二日庚子都察院左副都御史王履謙奏言臣

從上游折回陳橋鎮當查東路賊匪有裹脅餘黨陸續潰逃此等兇悍性成難保不日久蟻聚餘燼復燃亟須上緊偵拏况賊竄連鎮尤恐潛通勾結因思劉口董口有鎮道督飭查拏柳園蘭儀有河臣扼要控馭惟豫東交界之曹考一帶兵勇甚單不足以資偵緝臣卽馳往該處派員搜拏先後檢獲三四百名日內漸就肅清臣

欽定剿平粵匪方略卷九十三

五

擬卽渡河往查南岸上下游以昭嚴密奏入報

聞

初三日辛丑勝保奏言臣抵連鎮後連日察看逆

賊於連鎮東西已紮木城拏獲奸細供稱該匪急思竄逸而又不取是以暫行堅匿死守臣因步隊已到當於二十九日督飭官兵進攻西岸賊巢由西南進兵勇直前攻撲施放噴筒火彈

將賊壘房屋燒燬賊見火光四起情急竄出經兵勇擊退因東北風大作沙塵揚起煙燄回撲不能前進查該逆竄踞連鎮地勢雖寬然較之在獨流時人數已少所築濠柵木城其牢固嚴密亦較獨流爲不逮似尙有隙可乘惟其伏匿不出槍礮從暗擊明兵勇仍多受傷若不設法攻取徒耗精銳似非善策臣前在梁王莊所製

欽定剿平粵匪方略卷九十三

六

攜牌可資抵禦因獨流地勢難用是以交存天津現已飛調來營激勵兵勇總期及早破入或偪令出巢奔竄我兵卽可得手

勝保又奏言臣前經奏明擬派得力馬隊馳赴楚豫防剿現在新調之吉林馬隊尙未到營賊匪盤踞連鎮分占各村東西兩岸地勢甚寬臣所帶馬隊派撥西岸七百餘名防景州一路東

聞

岸一千四百餘名防德州一路正東及東南面
責成德勒克色楞與培成那敷德嚴防此時馬
隊官兵僅敷勦辦勢難分撥應俟新調吉林馬
隊到日再行派赴楚豫防勦奏入均報

初四日壬寅僧格林沁勝保奏言逆匪自竄踞連

鎮堅匿死守誘之不出現在西岸長濠不日工

聖朝聖訓卷九十三

七

竣卽飭各營沿濠紮營以資圍勦臣等酌商同

時四面合攻使該逆應接不暇自易得手四月

二十九日臣僧格林沁督帶馬步官兵攻撲賊

巢東北西北二面臣勝保進攻西南賊營各斬

擒賊匪百餘名及數十名不等惟時東北風作

煙燄回吹又兼河隄之上風起沙揚未能得手

是以督令收隊奏入

上命軍機大臣傳諭僧格林沁勝保曰賊匪竄踞連鎮
已越兩旬仍未殄滅朕心實深焦急勝保統帶得勝
之兵馳抵連鎮已及十日正當與僧格林沁同心協
力設法進攻以期迅殲羣醜如能遏令奔竄務當前
截後擊設伏以待斷不准令該逆再踞他處致滋蔓
延

同日勝保德勒克色楞崇恩奏言查連鎮逆匪

聖朝聖訓卷九十三

八

知東南一帶布置較密乘隙於五月初二日帶

騎馬賊二千餘名從正東突出由甯津六路分

竄臣勝保得信後傳知各營合力圍擊卽親督

馬隊跟蹤追勦該逆先向許王村地方旋折而

南取徑吳橋比及追至復折向西南因柘園鎮

地方臣崇恩派有兵勇防堵又折向東南竄去

臣德勒克色楞亦帶蒙古馬隊趕來會合前進

其連鎮後隊賊匪由 臣 僧格林沁等相機勦辦
臣 崇恩於偵實後卽派兵分路追勦並飛飭地
方營汛文武一律嚴防 臣 崇恩因賊後隊尙在
連鎮慮其續向南來未敢移兵隨同南下奏入
上命軍機大臣傳諭僧格林沁勝保曰據勝保等奏逆
匪帶騎馬賊二千餘名從正東突出由甯津大路分
竄復親督馬隊跟蹤截勦該逆由吳橋柘園鎮一帶

聖皇軍方略卷九十二

九

折向東南分股南竄僧格林沁近在連鎮何以未據
奏報勝保所奏僅云在平原恩縣一帶賊蹤究在何
處亦未能確實指明逆匪詭譎異常又係騎馬逃竄
其勢剽急必須探明追勦迅速殄滅勿令此股竄匪
占踞村鎮以致牽掣我軍逆匪係由連鎮東面竄出
該處有培成那敷德在彼堵禦何以毫無知覺任令
該逆肆行奔突培成營盤前在阜城被賊焚燬此次

又復失事著僧格林沁確切查明貽誤情形據實嚴
叅連鎮賊匪旣已分竄其勢益孤僧格林沁正當督
飭將弁乘勢進攻爲一鼓殲除之計如該逆全數南
竄務卽督帶馬步各隊奮力追勦斷不可稍涉觀望
致誤事機崇恩現在德州仍當探賊所向相機截勦
毋得專事株守

同日閩浙總督王懿德奏言 臣 欽奉

聖皇軍方略卷九十三

十

諭旨令於福建挑兵二千名前往向榮軍營聽候調遣
查現在漳浦雲霄等處雖疊獲勝仗而詔安銅
山餘匪未靖各營兵丁勦辦本省賊匪尙形單
薄一時萬難抽調惟有籲懇

皇上鴻慈俯准將應調各兵暫緩抽撥 臣 仍察看情形
一俟防務辦理就緒卽行調赴江南協勦奏入
上命軍機大臣傳諭王懿德李廷鈺曰王懿德奏漳浦

等處餘匪未靖各營兵丁勦捕尙形單弱未便抽調自係實在情形但金陵現在攻勦喫緊該處官兵不敷分撥自應移緩就急著王懿德等卽飭水陸文武各員剋期將閩省土匪勦辦完竣仍遵前旨將前調官兵飭赴江南交向榮調遣毋得藉詞延宕

初五日癸卯僧格林沁西凌阿托明阿奏言臣僧

格林沁於五月初二日據勝保差人聲稱探得

聖學聖略卷九十二

十一

賊匪由連鎮南面逃竄勝保會同德勒克色楞善祿就近帶同培成那敷德督領各路馬隊官兵跟蹤追擊生擒逆匪一名訊據供稱係丞相林瀛詳帶騎馬賊一千名逃竄欲往臨清迎接南來賊匪該逆前隊騎馬賊約有二千餘名已由德州之東十餘里地方向南奔竄該大臣已督兵連夜追擊臣僧格林沁現分撥馬隊在東

南西南列隊儻該逆續有竄逃卽可就近截勦至大股賊匪現在仍踞連鎮及附近各村臣等惟有激勵將士相機進勦奏入

上命軍機大臣傳諭僧格林沁曰本日僧格林沁馳奏各情與勝保昨日所奏不符是否培成前因失事獲咎此次與那敷德防堵東面恐負罪更重遂以賊由南面竄出飾詞具報該大臣不察虛實據以入奏且

聖學聖略卷九十二

十二

勝保於二十三日到連鎮後其善祿帶領步隊於何日到營未據僧格林沁等奏及此次勝保摺中亦未言會同善祿跟追並帶同培成那敷德勦賊之事該大臣雖駐兵連鎮北面相距非遙何以所探情形毫無確信可見該大臣與勝保共辦一事聲勢絕不聯絡以致圍攻不密該逆得乘閒脫逃至該大臣分撥馬隊在東南西南列隊防賊續竄固屬要著惟不可

徒事分防毫無把握該大臣等均經朕特簡辦理軍務若不能和衷商榷迅速勦捕何日始能了事該逆精銳既已南竄且賊目亦已逸出所存連鎮餘匪務當剋日籌攻悉數殄滅萬不可再令分股奔突止冀直境肅清便謂可以塞責仍將論詢各情迅速詳查具奏

同日袁甲三奏言逆船連日上竄約有五百餘

欽定剿平粵匪方略卷九十二

十三

隻停泊和州大東門外接連鮎魚嘴搭蓋土木城四出擄掠所得糧物屯積城內人口均羈押船上並分擾含山又於江浦縣張貼偽示嚇令百姓歸從人心甚屬驚惶現在皖省大江以南徽甯等府久已聲息不聞儻和州再有梗塞則江南文報更屬隔絕且前次和春等拏獲奸細搜出偽稟有約會至店埠斷絕廬州糧路之說

臣拏獲販馬奸細亦有俟南京逆賊到齊分路北犯之語現聞廬城之米均已由丙子鋪上船運往江甯且不惜重價多購馬匹是其志不僅在廬州已可概見况北賊一日不盡即南賊接應之志一日不息儻和州之賊竟與廬六會合併力北竄大局更難收拾和春等圍攻廬州正在喫緊之際勢難兼顧和州該處距金陵僅九

欽定剿平粵匪方略卷九十二

十四

十里如遇順風頃刻可到應請

飭令向榮迅速派兵就近追勦以杜勾連臣聞前次江六告警琦善飛調派防宿遷官兵千餘名移紮浦口旋因逆賊擊退仍即停止現在南賊日肆詭謀應請飭令琦善將此項官兵調赴滁和關山一帶擇要扼紮既可為廬郡聲援並可為江六接應似較株守

撲懷遠奪路渡淮旋因探知懷遠有備且臣所派兵勇均由懷遠一路前進該逆遂於十八日西竄旋經團練截殺該逆復折向南竄臣所派兵勇遂由蒙城東路飛向南路追剿行至呂望集遇鳳臺縣屬之展溝集練總王恩綬等解送逆賊據稱該逆奔至該集經團練四面圍剿擊殺三百餘人內有偽丞相陳姓首級尙有數百

欽定剿平粵匪方略卷九十二

七

人乘夜四路窮奔約計程途已遠追趕不及且恐北路豐縣另股賊匪續來遂折向蒙城暫駐旋探該逆於二十日竄過潁上境內經各團練截殺甚多復繞向正陽之西八里塚擄人奪船意欲由彼偷渡經秦定三督兵渡河擊殺殆盡尙餘二三百人由垂岡集竄往霍邱欲歸六安復被參將劉玉豹等圍困必可悉數斬擒此次

展溝集團練同心敵愾洵屬深明大義應請將文生王恩綬

賞加縣丞銜武生賈鵬霄以經制外委拔補童生王恩福給予八品頂戴庶幾聞風觀感人懷同仇之志奏入

上從之

同日河南南陽鎮總兵柏山奏言臣現帶官兵

欽定剿平粵匪方略卷九十二

十六

祇有二百七十名勢難出省剿賊頃探賊匪直撲荊州欲犯襄樊其漢陽等處逆匪被官兵剿敗餘賊竄至河口及黃安等處焚殺擄掠民心忿怒聚集團練約會殺賊舒倫保計已馳抵武勝關正可與台湧乘此人心忿激之時合力進擊該逆必不敢復窺信陽至信陽及武勝等關所駐之兵臣前已交南汝光道余炳燾統帶設

防荊州與襄陽唇齒相依襄陽又為豫省門戶
由新野南陽入豫平坦大道新野並無防兵南
陽兵力太單僅有襄城營防堵兵三百名臣之
印務又未經撫臣委員接署現在沿邊一帶千
有餘里既無大員又乏重兵地方實屬緊要臣
責無旁貸不敢深入楚境致令首尾不顧當即
飛移余炳燾等督率兵勇於各要隘加意嚴防

聖學聖略卷九十二

十九

並多設偵探隨時移知臣營以資策應臣即帶
領官兵前赴新野迤南楚豫交界之新店鋪駐
紮防堵如有警報即帶兵前往接應並可與台
湧舒倫保聲勢聯絡互相策應現聞河北地方
肅清如能移得勝之兵由信陽南陽兩路夾擊
並湖北兵勇合力攻剿必更得手奏入

命軍機大臣傳諭英桂楊需鄭敦謹柏山曰柏山所

帶之兵僅有二百七十名即出省剿賊亦屬無益著
英桂等即飭該總兵於豫省邊界扼要駐紮嚴密防
堵新野南陽等處為毗連楚省要地即責成該總兵
竭力防守斷不准令楚北賊匪乘間闖入儻有疏虞
惟柏山是問仍飭該地方文武團練民勇合力設防
毋稍鬆懈前據楊需奏稱前往信陽光州南陽周歷
履勘是否已經起程著於楚皖豫交界之處察看何

聖學聖略卷九十二

二十

路緊要即赴何路協同防剿不可株守一隅顧此失
彼柏山究應駐紮何處即著英桂等妥籌調遣

初六日甲辰勝保奏言逆賊竄恩縣後在關廂造

飯一聞官兵追到即復乘夜南竄時臣所帶馬

隊皆已疲乏初三日追及腰站地方該逆即乘

馬飛奔臣傳令截殺隨擊隨散立斃賊匪數十

人據生擒賊供該逆恐官兵攻克連鎮即不能

逃是以商同老賊欲騎馬渡河而南否則或奔
東昌濟甯一帶希圖占踞一處裏脅良民分我
兵力又供稱逆首李開芳先行林鳳詳仍在連
鎮臣當卽督兵馳至高唐州該逆甫至東關街
內我兵馬隊已到三百餘名臣分撥一半在外
接應一半衝入街內擊殺不令該逆稍緩喘息
我兵在街內殺斃多名詎該州兵丁僅數十名

欽定剿平粵匪方略卷十二

三

練勇三四百名俱因賊行太速未知賊來以致
東門大開該逆見我兵殺入關廂遂全行入城
將城門堅閉我兵未得痛勦臣現已派撥馬隊
馳赴荏平一帶設伏惟有極力追勦迅圖殄滅
再行北向迎擊其步隊官兵已咨會善祿仍令
會勦連鎮餘匪
勝保又奏言賊情狡猾異常現在急欲免脫無

論賊首在內與否其前隊必皆精銳老賊稍一
放鬆卽中奸計必致各處裏脅又張賊勢臣再
四酌度必須親自督勦是以選調馬隊星馳前
來而步隊各兵仍留連鎮與僧格林沁會勦臣
到高唐後德勒克色楞培成那敷德亦帶馬隊
趕到臣令於城廂西面分布無論賊由何處竄
出一面截殺三面救應該逆惟欲速奔未攜槍

欽定剿平粵匪方略卷十二

三

礮而行聞其在恩縣攜取擡槍數桿高唐本有
武營兵雖調撥出征而軍裝火藥必有存營者
又爲所得昨令馬隊直徧南關東關城下該逆
在城頭用擡礮擡槍向外施放觀其抗拒情形
必有賊首在內此時惜無步隊又無礮位不能
立時攻入臣已飛咨崇恩就近速撥步隊兵勇
並飛調大營步隊數百名星夜前來如其在城

死拒卽當設法攻偏而出以期殄滅無遺奏入

上命軍機大臣傳諭勝保德勒克色楞崇恩曰逆匪乘馬逃竄雖甚剽疾究在恩縣腰站均有逗留崇恩所派參將定順遊擊文英設伏之兵何以未見要擊高唐州城兵勇雖單該州知州究在何處何以我兵在關廂殺賊尙不知閉門拒守殊出情理之外此股竄匪無論有無逆首在內總宜迅速剿滅若稍事耽延

聖朝聖略卷十二

三

使賊喘息已定不但南奔東昌濟甯爲可慮卽該州城內之人被其裹脅勦辦亦已不易且恐連鎮之賊再有續竄勝保大軍必至腹背受敵現在已諭僧格林沁照勝保所請迅撥步隊前往接應善祿步隊官兵於何時馳抵連鎮此次會否折回南路疊次奏報未據敘及今勝保處旣急需步隊卽可令該將軍統帶前往仍合爲一軍以資得力連鎮至高唐州尙有

二百餘里恐步隊行走稍遲所謂就近地方兵勇著崇恩星夜撥往不准片刻遲延附近各處有存營大礮比之大營調用較爲近便亦著飛調解往總以神速爲要東昌濟甯皆係繁富之區水陸衝途極關緊要該逆旣萌窺伺之心難保其不鋌而走險儻毫無準備又蹈高唐故轍雖有大軍緊追亦難殲除淨盡崇恩現在德州所有東昌濟甯防守事宜卽責成崇

聖朝聖略卷十二

三

恩督飭厲恩官黃良楷等嚴密防備多設偵探一聞賊蹤入境卽行盡力兜截與大軍前後夾擊儘稍有疏失惟崇恩是問不能專諉之地方文武也本日復諭百勝王夢齡酌撥兵勇渡河迎截其能否得力雖未可知究竟南路又多一隊截勦之兵亦可稍助兵力著勝保一併飛催前來統歸調遣其高唐州文武下落卽著迅速查明如有逃避情事卽行嚴叅治罪

上又命軍機大臣傳諭僧格林沁曰竄匪奔入高唐州城閉門拒守訊據獲賊供稱有占踞東昌濟甯之意勝保進剿之兵並無步隊又無礮位著僧格林沁迅撥步隊精兵千名星夜趕赴高唐飭令剋期到齊不得稍涉遷延應帶礮位亦卽設法攜帶並著飛飭善祿仍令馳往勝保軍營會剿並可統領步隊前行至連鎮賊匪尙有逆首在內尤當迅籌攻克不得更令

欽定剿平粵匪方略卷九十二

五

乘間兔脫

上又命軍機大臣傳諭百勝王夢齡曰逆匪竄入高唐州城雖經勝保等派撥馬隊馳赴在平設伏截剿惟逆勢剽疾利在奔突若堵剿稍遲該逆由山湖兩路直趨而南則豐沛一帶適當其衝一經乘虛偷越渡河必致復肆臨張仍圖北犯此時惟當前後夾擊務將此股兇悍老賊就東境截殺無遺方爲上策百勝

王夢齡前奏備防兵勇尙不單薄各屬紳耆自練民勇亦均可協同攻守著百勝等派撥兵勇嚴扼黃河要隘一面飛探賊情相機渡河於北岸迎剿總期併力兜圍毋任再有竄逸儘河防稍有疏虞任令賊蹤闖入朕惟知以軍法從事勿以節次嚴旨視同具文也

欽定剿平粵匪方略卷九十二

五

同日台湧奏言臣先飭叅將隆安等前往德安進剿遊擊吳登鼈等帶兵繼進並令佈克慎管帶提標官兵接踵馳往旋接隆安等稟報德安賊衆概由水路陸續潛往漢口當將城池收復又據署雲夢縣知縣徐步雲稟報該縣城內之賊亦相率退往下游臣正飭將弁相機進剿詎知安陸下竄之賊於四月初六日由石牌地方乘間竄入荊門州城初九日竄往荊州被滿漢

官兵擊敗卽由荆門州屬之沙洋回竄安陸該郡城僅有兵丁七十餘名城遂失陷十九日賊出北門似欲回竄隨州臣所帶之兵分飭前往德安僅有武勝關帶來之陝甘兵五百名殊形單薄因思佈克慎所帶提標官兵較爲得用卽經起調折回並先行飛飭隨州知州楊嘉運督帶練勇迎擊賊於二十三日竄至該州西南鄉

聖朝聖略卷九十二

七

之朱家集地方該員已調集練勇千餘名馳往堵剿維時黃土關之陝甘兵已出關臣遂以此隊派歸佈克慎督飭仍往德安防賊由水陸潛竄府河臣卽親督提標官兵並武勝關之陝甘兵前往隨境剿辦以破其後路牽掣之計又咨商舒倫保由東旺催齊所帶之兵趕來接應其桂明所帶之兵如已渡河馳抵許州當可直趨

樊城由棗隨一帶前來會合進剿青磨望援甚切臣處俟各路兵力稍集卽當迅圖攻復漢陽惟現聞漢陽賊衆有全股由襄河大趨荆襄之說臣當統兵抄出其前迎頭截擊而武昌亦須分兵過江盡力尾追奏入

上諭曰現在湖北情急勢迫總以扼其北犯及上竄荆

襄爲要安陸文武查明概行正法柏山雖係隔省大

聖朝聖略卷九十二

天

員亦可據實奏

同日陳啟邁奏言查副將羅玉斌管帶赴楚援兵一千名取道義甯相機前進行至中途聞通山賊氛甚熾遂於江楚交界之南樓嶺暫時屯紮詎賊分三股撲營愈聚愈多該副將因衆寡不敵折回義甯州城賊見我軍撤動乘勢闖入至江西解赴湖北餉銀先由九江次改義甯嗣

復繞道湖南不知能否解到尤深焦灼奏入

上命軍機大臣傳諭陳啟邁曰前因湖北崇陽通山一帶賊眾肆擾其地與義甯接壤經諭知該撫迅催帶兵赴楚之羅玉斌星速前進茲據奏稱該副將於江楚交界遇賊接仗失利折回義甯是楚省賊匪已闖入江西邊境著卽嚴飭羅玉斌督兵竭力固守萬不可令該處州城再有失事致干重罪該撫所派額

欽定剿平粵匪方略卷九十二

三

州兵勇馳往協防務當飛速前進不准稍有延誤如江境之賊擊退仍飭羅玉斌帶兵赴楚將崇通匪徒協力剿除以爲楚省援應所有解往湖北之餉銀並應解金陵兵餉均著悉心籌畫設法運往不得因道路梗阻任意稽延

陳啟邁又奏言查江西彭蠡姑塘江湖遼闊湖流而上亦均無險可憑擬於南康府上下將新

造戰船三十號小船百餘號配載各勇二千有

奇擇要駐泊無事則勤司操練有警則出隊堵擊兼備火攻舟筏相機施用再選陸路兵勇二千名分紮兩岸爲犄角之勢以作聲援仍俟探明侍郎會國藩擊賊東下卽行整師會剿又准湖南撫臣駱秉章咨逆匪擾及湘陰甯鄉湘潭等處請飭派兵勇一二千赴交界之袁州吉安

欽定剿平粵匪方略卷九十二

三

二府會剿亦卽酌撥兵勇分馳堵禦但江省額兵本少前已派兵勇千名應援湖北更覺不敷調遣臣惟有殫精竭慮審度機宜妥爲調度陳啟邁又奏言查九江府屬之龍開河地方有賊船數百隻停泊該匪紛紛登岸經該處文武督兵迎剿先後在蛇岡嶺等處接仗彼此互有殺傷該逆分股由僻路繞至東林地方將該處

廟宇民房焚燬又經官兵轟擊斃賊多名餘逆退竄回船奏入均報

聞

初七日乙巳僧格林沁西凌阿善祿托明阿奏言

查連鎮之賊雖有潰逃其大股逆黨仍前死拒

初三初四等日乘夜攻撲東南長濠西凌阿明

慶督帶官兵奮力攻擊斃賊不計其數臣善祿

聖皇聖后

三

聞賊竄往東南隨帶步隊同蘊秀所帶吉林馬

隊尋蹤追趕沿路隨問鄉民據云賊東赴吳橋

由陵縣竄至恩縣騎馬賊約一千數百人每過

鄉莊徧脅民人牽馬聽用節節替換聞有兵追

復由恩縣向南逃奔是大股賊匪尙在連鎮圍

勦仍當喫緊計逃出之賊至多不過二千人有

勝保等足資勦辦臣部馬隊已交蘊秀帶領緊

追臣於初四日仍折回軍營奏入

上命軍機大臣傳諭僧格林沁曰逆匪攻撲長濠雖經

我兵擊敗惟賊情詭譎仍恐聲東擊西再圖乘虛竄

逸現在勝保等已成尾追之勢設連鎮逆匪再行竄

出必致腹背受敵且該逆沿途裹脅兇燄復張勦辦

更形棘手該大臣總當督飭將弁迅將此股餘匪就

地殄除即使誘令離巢亦當設伏要截斷不可任其

聖皇聖后

三

四路狂奔或另踞村莊以致蔓延為患勝保所帶官

兵全係馬隊此時逆匪竄踞城池必須步隊官兵協

勦著僧格林沁仍遵前旨迅撥步隊精兵一千名酌

帶礮位卽交善祿統帶星夜趕赴高唐與勝保等合

力攻擊萬勿遲延

同日崇恩奏言逆匪竄至高唐城池失守臣卽

帶兵馳赴該州與勝保會商勦辦並嚴查失事

文武員弁是否畏葸先逃從嚴懲辦臣布置未能周密愧憤實深請

旨先將臣交部嚴加議處至臣現在紮營之富馬營地方爲德州北路要隘北爲柘園鎮接應南爲州城屏障未便撤防應派參將玉山帶領德州兵五百名仍前駐紮加意防守柘園鎮原派兵勇應由署登萊青道張鳳池等統帶嚴防其德州

欽定剿平粵匪方略卷之三

三

防守事宜已飭督糧道姚錫華會同新任城守尉瑞成督飭文武和衷商辦柘園鎮富馬營兩處防兵並歸姚錫華調度奏入

上諭內閣曰連鎮賊匪竄入高唐州城該州知州魏文翰守備吉麟毫無準備致被賊匪竄踞著崇恩查明如有畏葸逃避情事卽行嚴叅治罪崇恩未能先事防範著交部議處

崇恩又奏言臣拏獲奸細杜有仲據供初二日

逆賊林姓由連鎮竄出先向正東又向西南再向正南繞路奔竄聞得臨清一股剿滅淨盡令伊改裝潛赴連鎮與賊目金姓等送信不必再等救兵囑其卽刻回南又據供連鎮餘賊尙有二三千騎馬賊有六七百名火藥將盡惟思南竄至於賊目吉汝元已在阜城被兵轟斃奏入

欽定剿平粵匪方略卷之三

四

報

聞
同日和春福濟奏言廬城逆匪經官兵節次進剿勢已漸蹙惟有堅伏死守臣等前派勇敢得力弁勇密授機宜設法進取迅圖克復因雨未能進兵二十七日午後雨勢稍止卽於是夜四更帶領兵勇潛赴城下計圖登城詎雨後城河

水漲溜勢甚急未能搭橋無從飛渡隨督隊赴北門進攻揮令兵勇奮力轟擊逆匪於城上開放槍礮回拒相持甚久未能得手現在兩猶未止一俟天氣稍霽仍當趕緊設法攻取斷不敢稍有稽遲奏入

上諭曰仍應盡力攻擊迅圖克復汝二人責在全皖今一處之賊尙不能勦盡亦何顏對朕耶

聖訓卷九十二

聖訓

上命軍機大臣傳諭和春福濟曰逆匪占踞廬州已及半載福濟統轄全省和春專辦廬州軍務若能將逆匪及早殲除何至籌餉撥兵毫無善策現在北竄之賊尙未殄滅楚豫交界處處設防若坐擁重兵一籌莫展和春福濟豈能諉罪耶

和春福濟又奏言查臨清竄回之賊經勝保擊敗竄至正陽關旋經秦定三督帶官兵水陸夾

聞

攻殲斃賊匪多名連獲勝仗民心安定六安廬州之賊聞風膽寒諒不敢再窺北路奏入報

同日長臻奏言現在德安應山一帶賊雖退出兵力正單固原提臣桂明白劉口起程前赴武勝關進剿足為諸軍援應已於四月二十七日行抵蘭儀率領全隊過河王履謙前赴下游巡查臣仍駐守陳橋鎮為柳園蘭儀二口策應奏入

聖訓卷九十二

聖訓

上命軍機大臣傳諭長臻曰長臻現駐陳橋為柳園蘭儀二口策應盤查奸匪責無旁貸近日連鎮逆賊分股竄至高唐勝保已督率馬隊跟蹤追剿沿河一帶尤當嚴防偷渡該河督卽飭河工地方文武併力搜捕毋稍疏懈

長臻又奏言臣接據探報賊匪竄入應山隨州時先令奸細至信陽州探路一面張貼偽示聲言搭造浮橋後即取三關北上以期搖動人心嗣聞兵勇防守較嚴陸續退回漢口又經官兵連獲勝仗截奪輜重米糧甚多賊始蒼黃失措紛紛潰散現聞武昌等處均無賊蹤奏入報

欽定剿平粵匪方略卷九十三 甲寅年

五月初八日丙午勝保奏言高唐踞匪乘夜擁出馬步數百人前來撲營經我兵轟擊敗退入城堅閉不出查高唐本為南北通衢四面平行道路紛歧必須分兵圍剿方能杜其竄越之路在平為往來大道已由臣與德勒克色楞選派吉林黑龍江馬隊前往擇要設伏以備邀截其夏

津一路即派撫臣崇恩分撥之練勇三百名及青州馬隊堵截臣復飛檄東昌博平一帶地方官督率兵勇紳團將城守事宜趕緊布置儻遇賊至但能固守數刻大兵一到內外夾擊必可殄除臣仍一面飛催步隊並趕造攻具於一兩日內設法進攻該逆雖極兇悍計其人數不過千餘高唐州城垣周圍約八九里如能乘隙撲

入就地芟除最為妥善惟恐連鎮餘賊從後撲至臣營馬隊不敷分撥計新調吉林馬隊一千名日內可抵連鎮該處剿辦亦在喫緊之際臣已飛咨僧格林沁將此項馬隊酌留五百名其餘五百名飭令麟瑞星夜管帶馳赴臣營以資圍剿奏入

上是之

聖祖聖訓卷之三

二

同日舒倫保奏言臣於四月二十二日到武勝關探得應山各處賊匪均已遁至漢口一帶盤踞又湖北所屬地形卑隘馬隊難以馳驟擬量為變通趨程前進不致貽誤並催續派官兵迅速來營以備調遣一面趕緊雇覓小車推載軍火前赴德安府與督臣台湧會商進剿奏入報

聞

初九日丁未僧格林沁西凌阿善祿托明阿奏言臣僧格林沁接奉

諭旨令查連鎮賊匪分竄培成那敷德堵禦不力情形遵查逆匪分股逃竄時臣並未接據培成那敷德稟報培成那敷德帶兵追賊亦未向臣告知查東岸長濠東面北面先已工竣南面長濠初二日尙未完工臣因聞該逆竄出俱係馬隊非將濠溝平墊斷難偷越逆匪分竄後臣周歷查看東面濠溝一律完整並無平毀情形其東面大道亦無人馬踐踏蹤跡是否係由東面潰竄應俟培成那敷德追剿事畢再行查辦該逆竄出時臣原欲撥兵協剿旋據生擒賊匪並各路哨探俱稱分竄逆匪不過千名勝保督帶馬隊數千名似敷追剿且大股逆匪仍踞連鎮地

聖祖聖訓卷之三

三

方較大東南二面甚形空虛勝保等營追擊去後官兵已不敷堦圍並據獲賊供稱竄出之賊如探明前次南來賊匪實係剿滅仍回連鎮併夥是以更不得不極力慎防臣等連日督兵進攻用礮轟擊並將藏匿賊匪之附近小村全行燒燬該逆復乘風雨驟至撲出賊匪一千餘名又經我兵放箭射回因天時已暮藥繩器械無

欽定剿平粵匪方略卷之三

四

不涇透祇得徐徐撤隊回營奏入

上諭曰連鎮之賊豈容其負隅日久又作詭謀現在兩逆已分首尾不顧正是

天假我滅賊時也若不上緊進攻待已出之賊復回連鎮連鎮之賊或南竄勾合無論其裏脅又多勦辦棘手遷延時日餉項何堪著速破逆巢盡殲醜類或誘之使出截剿無遺斷不能再寬期限也

僧格林沁又奏言副都統麟瑞帶吉林兵一千名於五月初六日馳抵軍營臣已飭該副都統暫在北面紮營至帶馬隊之侍衛繃闊達崇阿均係得力之員現在受傷未愈每遇接仗設伏差委乏人查護軍參領阿克東阿舒保前隨多爾濟那木凱在徐州等處防堵現已撤防應請飭下該二員迅即來營以資差委奏入

欽定剿平粵匪方略卷之三

五

上從之

同日四川總督裕瑞奏言臣接奉

諭旨令臣添派勁旅赴楚助剿遵即會同將軍樂斌提督萬福悉心商酌川省邊腹各營官兵現在極形單薄實有未便再調之勢查有上年臣捐募練丁一千名分交省標十營操練半年以來該練丁等技藝純熟悉與制兵無異以之派往軍

營可期得力又另抽調綠營兵丁一百名統交遊擊李昂帶領馳赴台湧軍營聽候調遣定於四月二十二日自省起程其雙保等管帶之防兵二千餘員名節經嚴催因距省較遠尙未據報起程計日內當已整隊東下奏入報

聞

初十日 戊申 僧格林沁西凌阿托明阿奏言 臣等

聖學聖方略卷九十三

六

接奉

諭旨令分撥大營步隊遵卽選撥步隊精兵四百名並得力練勇四百名令善祿於初九日統領馳往勝保軍營惟兵力旣分連鎮東南二面益形空虛不克兜圍 臣等惟有嚴飭各營竭力防勦如該逆潰竄 臣等卽督兵追擊奏入報

聞

同日荊州將軍官文副都統慶如貴陞奏言逆匪上竄德安等處失守以來分股攻撲宜昌府城經該處官民極力堵禦賊匪愈聚愈多大雨如注城身崩塌丈餘賊衆由缺口直入以致府城失陷查宜昌係荊州上游爲由川入楚門戶荆楚所需鹽糧一切莫不仰給於川現當江水盛漲之時儻該逆等攬船編筏順流而下不難

聖學聖方略卷九十三

七

朝發夕至荊州駐防官兵僅贍二千數百餘名實屬不敷調遣急望川兵早到會合進擊前次奏調之松潘建昌二鎮官兵二千名屢經飛催至今尙無拔營信息查巴東利川由川北順流而下一日可抵宜昌恐該鎮等以賊至交界更宜守護川省門戶爲詞殊不思宜昌與四川唇齒相依護宜卽所以保川豈可觀望遷延 臣等

復查荆門雖已收復仍恐宜昌賊匪勾結德安等處逆賊由安陸荆門南竄川路現經阻滯江路又復隔絕若再荆襄聲氣不通則西南半壁甚屬可慮爲今之計宜殲除此股逆匪爲急現在情形萬緊望援益切應請

旨飭下四川總督嚴催該官兵迅速前來助剿疏通川

楚道路並請

欽定剿平粵匪方略卷九十三



飭令附近省分籌撥勁旅酌濟餉銀迅來荆襄應援以

期掃蕩逆氛奏八

上命軍機大臣傳諭官文台湧青慶曰逆匪分股攻撲宜昌府城由缺口突入因而失陷此股賊匪是否卽由荆門荆州而來抑係湖南潰敗之匪沿江而上該郡爲由川入楚門戶此時各鄰省接濟餉需調撥兵勇均屬緩不濟急惟四川相距較近可以藉資援應

若不迅將該郡收復則川楚道途梗阻武漢德安一

帶聲息又皆隔絕荆州一郡勢成孤懸四川駐紮巴

東利川之兵四月中旬尙未據報起程赴援本日復

降旨嚴催並令裕瑞將續撥之練丁一千餘名一併

迅速馳赴宜昌俟此股賊匪掃蕩後再行酌量何處

緊要派往調遣仍由官文就近迎提如帶兵之總兵

雙保福忻有意遷延不進卽由該將軍嚴叅治罪官

欽定剿平粵匪方略卷九十三



文仍當督率荆州在城滿漢官兵力籌防守一面設

法進剿一面勸諭紳民招募壯勇藉助聲勢地方兇

悍之徒不爲官用卽爲賊所迫脅尤須斟酌緩急權

宜辦理大江船筏急須密飭地方官吏妥爲收集勿

爲賊有並須嚴防奸匪爲賊指使偷窺江隄此事尤

關緊要仍須慎密籌辦台湧青慶均有地方之責雖

相距較遠亦當妥籌兼顧豈得專管一隅於荆襄險

要情形竟置不問楚境賊匪疊陷郡縣若再令蔓延該督撫自問當得何罪

上又命軍機大臣傳諭裕瑞曰前以楚省賊氛甚熾諭令裕瑞將派防巴東等處之松潘建昌兵二千名令雙保等統帶赴楚助剿正月以來疊經嚴諭飛催昨始據裕瑞奏稱遵旨派往仍未將起程日期奏報川楚壤地毗連勦楚省之賊匪卽以固川省之藩籬裕

聖朝方略卷九十三

十

瑞於奉撥官兵延不催令前往是於事勢緩急全未審度且此項官兵若於奉撥後卽行赴楚協勦則安陸荊門等處不致失事又何至賊匪擾及宜昌裕瑞旣已遲誤於前若復心存畛域稍涉觀望罪將誰諉現在荊州待援甚急著裕瑞迅飭雙保福忻統帶前項官兵卽日兼程前進所派赴台湧軍營之練丁一千餘名並著飭令先赴荊州聽候官文調遣若再有

遷延情事卽將雙保福忻等嚴叅治罪以肅軍令

同日陳啟邁奏言據南昌府知府史致諤等稟報四月十一日忽有賊匪糾集湖北匪徒約三四千人並勾結土匪竄至武甯縣之京口已革都司宋光玉已革知府劉熾昌與都司海通等竭力抵禦奮勇衝殺不意賊匪愈聚愈多官兵衆寡不敵以致劉熾昌海通宋光玉鄧資揚均

聖朝方略卷九十三

十一

力竭陣亡其餘弁目兵勇傷亡約二三百人該處與縣城小河阻隔適大雨驟至溪水陡漲天時已晚賊未能渡縣城有已革候補知府林懋勳卸署武甯縣知縣陶璽等帶領兵勇協團防守又有續派援兵前往或可無虞

陳啟邁又奏言據九江南康等府縣稟報四月初十日賊船數百號由湖口駛入姑塘青山游

弋並有另股逆匪千餘由陸路直撲九江之通遠等處竄入德安建昌二縣鄉間勾結土匪大肆焚搶市鎮爲墟經兵團截擊賊卽回竄鄉村境內尙未肅清又據袁州瑞州等府縣先後稟報十一二等日萍鄉萬載兩縣忽有由湖南敗竄逆匪數百或千餘分股結隊避過隘口潛越山徑闖入江境擄掠鄉村各處兵單堵援不及

聖朝方略卷九十三

十三

以致竄擾宜春新昌各縣境現經宜春營縣督率兵勇民壯沿途截勦大獲勝仗殺賊無數新昌縣兵團截殺甚多餘匪四散奏入

上命軍機大臣傳諭陳啟邁曰武甯縣境又有由楚竄入逆匪勾結肆擾勢甚猖獗該處逼近義甯界連楚北各要隘現在全楚賊氛方熾而江西袁州瑞州九江等屬均有賊匪分竄若勦辦稍有遷延致該逆愈

聚愈衆南昌省垣重地亦不免因而震動該撫務當計出萬全迅籌扼勦之策一面添撥兵勇分投堵截一面激勵紳團協同守禦尤應隨時隨地嚴緝土匪盡法懲辦以免到處勾結消患未萌其近省水陸要隘並著嚴密設防以固根本仍嚴飭勸辦團練及帶領兵勇之林懋勳陶璽等設法固守武甯縣城務將此股竄匪相機殄滅勿令蔓延所有此次陣亡之已

聖朝方略卷九十三

十三

革知府劉熾昌等並各員弁俱著確切查明一併請卹至九江德安及萍鄉等縣匪徒合水陸兩路滋擾情形該撫仍須妥籌策應並分飭所屬實力堵勦不得稍涉疏虞

同日雷以誠奏言探聞瓜州逆賊現築土城於江邊各處編釘木樁又於土城內設放槍礮水師兵勇勢難登岸琦善陸路攻勦旣阻隔運河

逆賊復於運河北岸添挖深溝數道又將舊城加高城根安置礮眼分三層施放故官兵未能得力又屢據江浦六合探報逆賊船隻或由金陵上駛至廬州接應或赴江西湖廣或由廬州敗回金陵每次自十數隻至二三百隻不等又聞湖廣商販木簞大半為賊所有現欲造船數百隻並多鑄大礮如果屬實則製備齊全蔽江

聖皇聖方略卷九十三

十四

而下恐非數十號師船所能抵禦此時用兵應以趕緊截燬賊船為要臣已密函知照安徽撫臣福濟於瀕江各屬遴委幹員就近確切查勘何處可以扼險設伏為暗地焚燬賊舟之計俾逆賊聞之到處驚疑不敢肆行無忌庶幾我軍得以相機合剿現聞所謂廣東紅單船五十隻計日可到應一面檄飭江浦六合及沿江一帶

燒燬賊船一面將所謂之紅單船並現存各船分作三軍前軍駛過金陵駐泊兔兒磯以截江安往來之賊中軍駛赴瓜州以上駐泊土橋與琦善陸路之兵合剿以杜金陵往來之賊後軍仍泊焦山以防下竄均宜派統領副領各一員以專責成一遇賊船即行轟擊務使賊船不得往來賊勢自然窮蹙奏入

聖皇聖方略卷九十三

十五

上命軍機大臣傳諭琦善向榮曰逆匪由金陵揚州上竄湖北湖南旁擾江西安徽皆以擄船為事沿江一帶毫無阻截琦善向榮僅於陸路進攻又不能剋期收復致令賊船來往自如若不急圖肅清江面何日始能蕝事本日據雷以誠奏逆賊又有搶奪商販木簞造船添礮情事如果屬實江面賊船愈眾瓜州艇師船既無多且在下游湖南江西水師船又皆為本

省賊匪牽掣聲勢不能聯絡因思廣東所謂紅單船
日內當可駛入大江若將此項船隻與現存各船分
作三起前起駛過金陵駐泊兔兒磯以截江安往來
之賊中起駛赴瓜州以上駐泊土橋與琦善合勦瓜
州後起仍泊焦山以防下竄瓜州一經克復卽將後
起之船上偪五龍山觀音門一帶堵勦中起之船上
泊兔兒磯與向榮大軍夾攻金陵前起之船駛赴攔

欽定剿平粵匪方略卷之三

十六

江磯安慶一帶進勦並知照和春福濟瀕江設伏爲
暗燬賊船之計似此節節堵截使賊不至肆行無忌
陸路諸軍方可得手若瓜州廬州兩處克復一路自
鎮江沂流而上一路自安慶沿流而下會勦金陵傾
其巢穴自不難逐漸掃除琦善向榮頓兵大江南北
並未攻克一城爲朕分憂朕博採衆論審度機宜非
用水師橫擊江面不能制賊之命現在紅單船隻爲

數不少礮勇均可得力著琦善向榮於接奉此旨後
妥速會籌迅卽密商布置此係江面全局非專爲東
南三城起見該大臣等如有善策較此辦法尤爲扼
要者亦著速議奏聞總期水陸兼籌不分畛域以清
江路

十一日己酉勝保奏言賊踞高唐州城每於夜間
突出衝撲意欲奪路而奔俱經我兵擊回連日

欽定剿平粵匪方略卷之三

十七

賊在城外挖濠以阻我兵進攻之路復經馬隊
隨時擊散又於東南西三關立柵築壘仍思起
造木城爲犄角之勢其意欲待連鎮賊至再圖
抗拒臣商令德勒克色楞攻其南關派培成那
敷德攻其西關臣親督官兵攻其東關同時並
進該逆匿於關廂屋內施放槍礮臣傳令兵勇
直前撲進斃賊百餘人賊見我兵勢猛又因壘

柵登時焚燒我兵隨殺隨進賊紛紛敗退我兵
 攻至城下門已緊閉即將其三面關廂所築柵
 壘盡行焚燬查高唐州本非富饒之地城中倉
 儲糧米該州知州魏文翰儘數糶賣賊至無可
 擄掠存城火藥經撫臣調赴德州賊無所得臣
 揣度賊情此次率領逆眾南竄思與臨清之賊
 會合迫竄至高唐確知南援已絕乃遣逆黨潛
 往連鎮送信令眾賊前來林逆為此股渠魁眾
 賊聽其驅使則連鎮之賊必由此路南竄無疑
 所慮此處未即殄除而北賊續至實不免腹背
 受敵之虞臣前咨僧格林沁將新調吉林馬隊
 分撥五百名庶兵力稍增以便派撥迎截防賊
 續竄連鎮南路空虛步隊未敢遽調僅抽撥正
 定固原及健銳營官兵共一千餘名令其速行

聖學方略卷九十三

十六

聖學方略卷九十三

十九

日內可以趕至即當設法攻擊俾無噍類再當
 移師北向會剿連鎮之賊如連鎮之賊日內竄
 出臣亦當設法迎擊以免勾結
 勝保又奏言臣恭奉
 諭旨飭令百勝王夢齡酌派兵勇渡河迎截查徐州豐
 工一帶防河最關緊要雖南賊未必遽敢續渡
 而江皖賊氛尙熾仍宜思患豫防該處兵勇本
 不甚多若再分撥未免更形單弱擬令此次酌
 撥兵勇即於渡河後在豐沛所屬及黃河口岸
 扼要之地據守嚴防聽候臣隨時調遣如果賊
 蹤南竄該處臣督兵追剿徐州兵勇正可前進
 迎截似覺更有裨益奏入
 上命軍機大臣傳諭勝保曰逆匪困守孤城其勢益蹙
 且據稱城內糧米甚少火藥已調赴德州賊無所得

正可乘此機會設法進攻勿令乘閒脫逃連鎮南路
空虛該逆知我軍圍攻高唐必亟思南竄以冀兩股
會合該大臣現已咨調吉林馬隊五百名並抽撥正
定固原等營兵一千餘名趕赴高唐其連鎮南路仍
當設法兼顧斷不可使北賊續來致我軍有腹背受
敵之患該大臣請將徐州兵勇擇要據守著卽傳旨
飛飭百勝王夢齡於兵勇渡河後卽在豐沛所屬及

欽定剿平粵匪方略卷九十三

二十

黃河口岸扼要嚴防聽候調遣

同日向榮奏言據探上游賊船陸續駛回金陵
並聞該逆有分竄句容來抄我營之說臣軍屯
於鍾山之陽緊靠太平門出城之路因思該逆
屢誘不出正可乘其外竄出奇攔截詎料賊知
我兵有備始終不敢輕出二十七日探聞雨花
臺踞賊防守疏懈卽派湖南貴州官兵攻打朝

陽門廣西兵勇攻打洪武門四川兵勇攻打通
濟門而以將軍蘇布通阿分路來往督戰並派
前提督福興總兵明安泰密帶兵勇先撲雨花
臺賊營縱火夜攻乘該逆猝不及防盡燒其寨
棚哨樓逆眾開礮迎拒堅不出營我軍過濠攻
打該逆情急突從城內出賊千餘來襲我後各
兵勇分投迎擊立斃賊匪數十人生擒六人餘

欽定剿平粵匪方略卷九十三

三

賊奔潰現在設法攻勦非有得力師船不足制
沿江各城之賊臣前接兩廣督臣葉名琛咨稱
所雇紅單船共五十號已由粵放洋隨經飛咨
琦善專弁至上海迎提一面沿途飛催一面函
知許乃釗待此船一入吳淞海口卽嚴飭督帶
將官催令駛赴瓜州以備琦善調遣但念瓜鎮
金陵賊勢輕重緩急不同勦辦宜分先後以現

在情形而論總以淨掃逆船肅清江面斷賊應援為主現擬先勦瓜州趁勢南向夾攻克復鎮江至金陵為首逆老巢賊船尤眾且為上下游匯聚之區必得大幫戰船方足痛加掃蕩如果紅單船加倍得力可以先提二十隻駛至金陵上游扼要停泊攔勦來去賊船使賊南北不復聯絡然後會合陸軍加意堵勦便可掃穴擒渠

聖學聖方略卷九十三

三

奏八

上命軍機大臣傳諭向榮曰官軍連日攻打太平朝陽各門並轟擊雨花臺賊營雖小有斬擒而該逆恃其壁壘高厚濠塹重疊總欲堅匿以老我師若但以陸路兵勇與堅城猾寇相持殊非籌畫全局之策該大臣因勦辦未能得手欲先淨掃逆船肅清江面斷賊應援擬先勦洗瓜州趁勢南向夾攻克復鎮江至金

陵賊船尤眾必須大幫戰船方足痛加掃蕩所奏機宜朕亦豫見及此是以昨諭琦善向榮將前調紅單船隻並現存各船酌量布置俾瓜州鎮江等處以攻克復方能直駛上游制賊死命與和春等會合同擣金陵破其巢穴紅單船計日可到著即與琦善籌商速行迎提並一面飛咨沿海文武催趨進口其水陸各路應如何併力夾攻之處著與琦善協力同心毋

聖學聖方略卷九十三

三

得區分畛域致誤事機

上又命軍機大臣傳諭琦善曰逆匪竄踞瓜州久未克復總緣舟師不能得力所致此時紅單船指日入江自以先復瓜州為第一要著鎮江金陵即可次第進勦紅單船隻礮勇均可得力仍須駕馭合宜自可扼要制勝琦善與向榮雖分駐大江南北實則共辦一事總須彼此聲勢聯絡隨時知照務當乘此機會力

挫賊鋒肅清江面若能迅復瓜州併力進攻鎮江金陵斷賊南北兩岸分竄之路自不難一鼓成功也

同日崇恩奏言臣於初六日行抵高唐因連日風雨大作槍礮難施進攻尙未得手臣卽在州城東北紮營旣堵高唐之賊東竄兼防連鎮之賊南來一俟雨止天晴卽與勝保會商進剿不敢稽延至高唐失守情形臣沿路查訪逃出難

聖學聖方略卷之三

三

民咸稱初三日探報賊至而賊已到城該州魏文翰因兵勇無多難於抵敵當將城門關閉與營弁商議守城不料賊已由城東積土高處爬入奪開東門全隊闖入魏文翰罵賊不屈登時遇害

崇恩又奏言查賊匪竄踞高唐省城亟宜防範省西要隘以齊河爲第一層門戶該處大清河

尙屬有險可守然非在城西設防礙難迎擊臣先經咨商該處帶勇防堵之給事中毛鴻賓等囑其相機辦理茲據覆稱現已撥勇分駐城西之五里鋪扼守要路與城東營盤遙爲聲援並與前任藩司王簡知縣李金聲各營相爲犄角嚴密堵禦至邱家岸地方乃省西閒道亦令同知譚伯筠分撥練勇移紮實力嚴防

聖學聖方略卷之三

三

崇恩又奏言查逆賊竄踞高唐經臣勝保督兵追及臣亦帶兵續至連日所調礮位及大營步隊將次到齊合力進攻不敢刻緩但該逆攻急必竄竄必向南高唐正南在平西南清平均當衝要荏平先經勝保派台祿帶領吉林馬隊四百名駐紮臣復飭令東昌府王觀澄撥勇三百名協同防守清平已由臣飭該縣崔燦帶勇四

百名在縣城東北一帶擇要堵禦臣稔知在平
 迪南東阿舊縣銅城驛有夾溝一道延亙十五
 六里兩崖壁立僅容一車若於此地設伏可期
 得力臣已派前兗州府岳齡帶領兵勇三百名
 在彼密伏以便要擊又慮該匪繞路潛由陽穀
 壽張等處奔逸並飛飭黃良楷速帶素習戰陣
 之練勇三千名在張秋鎮戴家廟各處分兵迎
 勦其東秦兗濟各府州屢經嚴飭節節防範至
 連鎮之賊時防南竄是以臣自德州起行時所
 有柘園鎮富馬營二處之兵均未調動德平為
 省北門戶藩司厲恩官駐彼正資控制亦未敢
 撤備賊匪入境即當盡力兜截與大軍前後夾
 擊不敢稍有疏虞奏入均報

聖學方略卷之三

三

聞

十三日辛亥掌廣西道監察御史伍輔祥奏言查
 賊匪重擾湖北已及宜昌而宜昌府屬之巴東
 與四川之巫山接壤巫山大昌營地勢險阻為
 陸路入蜀關鍵又湖北之恩施縣與四川之萬
 縣亦有陸路可通應請

飭下四川總督迅調重兵駐紮大昌營另分兵於萬縣
 扼要防堵以截其入蜀之路至夔門三峽峽口

聖學方略卷之三

三

最窄為水路入蜀關鍵亦須嚴防川省兵丁已
 多調往他省聞川東道所募鄉勇尚不乏人應
 令一併帶往以補兵力之不足奏入

上命軍機大臣傳諭裕瑞曰據御史伍輔祥奏湖北逆
 匪擾及宜昌該郡所屬之巴東地方與四川夔州所
 屬之巫山縣毗連又湖北之恩施縣與四川省萬縣亦
 有陸路可通均為入蜀門戶最關緊要著裕瑞迅派

得力將弁調撥精兵於各該處扼要防守斷賊匪入蜀之路並飭地方文武員弁於水陸要隘均各嚴密布置毋任竄匪乘間闖入至夔門三峽爲水路入蜀門戶亦須擇險防堵毋稍疏虞川東道所募鄉勇如果得力並著酌量調往以補防兵之不足仍責令各處緊要地方曉諭居民實力團練保衛鄉閭做照嘉慶年間川省堅壁清野之法一律辦理以冀消患未

欽定剿平粵匪方略卷九十三

三

萌

十四日壬子台湧舒倫保奏言臣等接據探報賊匪由朱家集竄入隨州由小路竄至應山縣城四十里之孟畝店揚言來撲縣城實欲乘間撲營臣等熟商於初五日黎明臣台湧親率兵勇先行馳至縣北之八里沖一帶相度地勢布置派令都司平德帶領陝甘河州等營官兵作爲

頭隊都司葉永泰等帶領湖北提標等營官兵作爲中隊臣舒倫保親率西安甯夏滿營官兵列爲後隊令署應山縣知縣聶光燮帶領該縣鄉勇作爲左右兩翼以防旁抄又先於通武勝關之楊家岡地方派增生王熙密帶鄉勇二百名埋伏以防偷竄布置甫畢即見賊衆四五千入抄由東北山後蠶擁而來直撲我軍前隊臣

欽定剿平粵匪方略卷九十三

三

台湧指揮郡司平德督同河州鎮官兵槍礮截擊斃賊多名賊勢稍卻突有騎馬黃衣賊數十人躍出賊隊飛奔直前當經槍斃十餘名該逆等遂即折回將賊衆分股橫衝疊經各軍四面轟擊賊勢不支四散奔逃皆抄由楊家岡僻路偷竄適遇伏勇截殺多名其餘翻山越嶺而逃者多被鄉民擊斃此次接仗自辰至酉鏖戰竟

日統計各隊斬獲首級八百十三顆生擒二百
七名奪獲賊隊羸馬三百五十一匹槍礮旗幟
等件不計其數所有出力文武員弁兵勇合無
仰懇

天恩俯准臣等擇尤保獎以示鼓勵至應山後路現已
肅清臣台湧卽當馳赴德安爲進攻漢陽之計
臣舒倫保後隊兵尙未到仍當暫紮應山一俟

聖朝方略卷九十三

三

催齊後隊再當會商進剿

同日青麐奏言查逆船分泊漢口小河及漢陽
鸚鵡洲一帶沿江二十餘里均築立木柵土城
並挖掘深濠徧插鐵竹各釘以爲負隅之計又
將漢口通衢各巷全行堵塞沿路要口空有陷
坑埋伏地雷等物襄河各賊亦全數折回並揚
言欲攻省城臣與文武將弁相機籌剿各兵勇

奮勇衝鋒數月來屢獲勝仗賊膽已寒其所以
不敢深搆賊巢者因一面進攻一面仍須扼守
兵分則少恐有顧彼失此之虞再四思維非漢
口漢陽分路夾攻難期得手臣現激勵漢陽南
鄉各堡紳民共舉鄉團爲背攻之計又探德安
賊匪已退將軍舒倫保亦行抵信陽臣已將漢
鎮賊匪情形詳細函致以便星夜前來分路背

聖朝方略卷九十三

三

攻庶幾前後夾擊可期一鼓殲擒均奏入

上命軍機大臣傳諭台湧舒倫保青麐曰賊匪以漢口
漢陽爲巢穴台湧擬由德安進兵爲直搆漢陽之舉
自應迅速進剿以通大江南北之路惟由德安進抵
漢陽其勢不能直達必須隨剿隨進方能與武昌聯
絡夾攻若竟恃雲夢等處現已收復銳意直前儻安
陸等處逆匪乘我後路空虛復折而東北或德安等

處餘匪未淨復肆鷓張我軍均有腹背受敵之慮該督前令桂明直趨樊城由棗隨一帶前進即可爲後路聲援著卽飛速咨催以資會剿舒倫保後起未到之兵已諭英桂等趕緊應付前進不日當可到齊若舒倫保能嚴扼德安迤南要隘桂明卽從隨州南向下攻安陸荆門上顧襄樊門戶亦可分投勦辦軍情變幻靡常總須隨時察看緩急寓慎重於神速以期

欽定剿平粵匪方略卷九十三

三

計出萬全本日據青麀奏報省城防守情形尙爲周密著卽嚴密防守遇有可乘之機隨時渡江攻勦以待江北援兵

上又命軍機大臣傳諭英桂楊需曰台湧舒倫保會剿隨州竄回應山之賊殲擒殆盡該督等卽由德安一路移兵南向次第進攻漢陽惟武勝黃土等關爲由楚入豫要隘桐柏唐縣各屬亦緊與楚境毗連官軍

一經南指則北路門戶空虛且前此由棗隨下竄逆匪仍踞擾安陸荆州一帶均不可不嚴密籌防以固豫省藩籬全豫防守事宜英桂責無旁貸楊需亦有協同防守之責著卽統帶現有兵勇剋日馳赴武勝關一帶扼要駐守妥籌堵剿柏山駐新野縣屬防禦邊界並著英桂楊需隨時酌量調遣不得任令該總兵飾詞巧避貽誤事機其歸陳光固一路與皖楚交

欽定剿平粵匪方略卷九十三

三

界處所仍責成徐廣縉牛鑑督飭各屬練勇認真堵截務須聯絡聲勢協助官軍以期周密所有舒倫保後隊未到官兵著英桂迅飭所屬飛催前進至由連鎮分竄高唐之匪仍恐伺隙南奔冀圖裹脅沿河各要隘尤宜嚴飭文武營汛分督兵勇實力巡防

上諭內閣曰此次竄回應山之賊經我兵痛加勦洗殲擒殆盡所有在事文武員弁兵勇著台湧舒倫保擇

其尤爲出力者覈實保奏仍著台湧等督飭官兵乘勝進攻漢陽漢口務將楚北賊匪悉數掃除毋任再滋蔓延

同日崇綸奏言臣聞西安將軍舒倫保帶兵來楚若能速剿漢陽賊匪後路約會省兵渡江夾擊可冀成功現在該處賊匪不過數千之衆乘其不防直搗巢穴不難殲除各處分布之賊無

聖學聖方略卷九十三



所歸附即可解散且楚北之黃安等州縣均與豫省道路相通賊蹤竄越靡常豈能到處分兵防堵今若不迅圖剿賊武昌勢難久持省會有失全楚不可問矣新任撫臣青麐到省已歷數月從未辦一得當之事惟以濫發功照爲能不顧名器沽譽市恩督臣台湧於賊竄德安時即奔往豫楚交界避匿託故遷延置地方於不顧

至藩司岳興阿不能深悉漢字浮泛誇張公事毫無實濟不勝理繁治劇之任臣不敢不據實直陳惟有仰懇迅

簡賢能大臣馳赴楚北查訪辦理臣無能補救負罪良深今復抱病難支一切情形難以備陳奏入

上諭內閣曰前任湖北巡撫崇綸經朕擢任封疆宜如

何通籌全局悉心經理乃於防勦事宜毫無布置以

聖學聖方略卷九十三



致賊匪擾及黃州漢陽等處迨丁憂開缺復諭令留楚幫辦防勦輒以抱病入告實屬不知振作崇綸著卽革職

欽定剿平粵匪方略卷九十四 甲寅年

五月十五日 癸丑 河南巡撫英桂順天府府尹楊

需奏言南竄逆匪現復回擾隨州信陽防堵緊

急陝西提臣桂明計日內已到信陽臣等飛催

該提督速由黃土關進剿以遏賊鋒臣楊需酌

帶兵勇於十三日馳赴信陽相機防剿並飛飭

河北鎮道將前調之官兵六百名星夜馳赴信

剿平粵匪方略卷九十四

陽如兵力不敷尙有臬司林揚祖帶赴歸德之

兵勇八百名可備續調備南路緊急東路稍鬆

卽一併調赴南路爲迎剿之計以杜賊蹤北竄

奏入報

聞

十六日 甲寅 僧格林沁西凌阿托明阿奏言臣等

連日督兵進攻賊巢該逆堅壁死守現在兩岸

長濠均已工竣兵丁沿濠紮營逼近賊壘惟地

方較廣兵力不敷兜圍惟有慎防西北其東南

兩面兵力單薄僅敷防守濠牆盤詰奸細設逆

匪大股乘夜衝撲恐難攔前截剿臣等不時親

身周歷並派員實力巡查嚴飭各營互相聯絡

奏入

上命軍機大臣傳諭僧格林沁曰逆匪竄踞連鎮已及

剿平粵匪方略卷九十四

月餘僧格林沁統領重兵勦辦此股賊匪是其專責

乃軍營布置不過用礮轟擊及兩岸挖濠而已逆匪

堅匿不出我兵卽束手無策似此曠日持久糜餉老

師勦辦何時蒞事所稱東南兩面兵力單薄若逆匪

衝撲恐難攔截等語可見該大臣於西北一帶布置

尙屬嚴密而東南兩面竟毫無把握設該逆乘虛竄

逸與高唐州賊匪聯爲一氣則勝保一軍勢必腹背

受敵且恐賊眾另踞村鎮恃險負隅攻勦更形棘手
著該大臣督飭各路將弁迅將此股賊匪就地殄除
或先於附近設伏誘令出巢四面兜擊一鼓殲滅斷
不准再令免脫又致蔓延他省兵勇精銳未有過於
此者人眾未有多於此者該大臣統領全軍日久無
功尙有何顏對朕若不趕緊圖功肅清畿輔寬典不
能屢邀該大臣其自量之

聖朝方略卷九十四

三

聖朝方略卷九十四

四

十七日^{乙卯}官文慶如貴陞奏言賊匪占踞監利
縣城經臣等添派廩生張于銘等帶勇前往協
勦四月二十五日守備宗維清由中路前進守
備福興等在後接應張于銘等督帶礮船礮勇
由大江水路策應鹽經歷吳振鏞等由西路前
進同知湯譽光等督勇策應於二十七日在太
馬河地方會齊出隊遇有賊匪千餘人盪擁而

至宗維清身先士卒奮力攻擊張于銘等衝入
賊隊殺賊數十名巡檢俸家林等四面圍勦殺
賊一百餘名賊匪敗走兵勇追至劉家鋪地方
遇埋伏賊匪數千人我兵槍礮齊施鏖戰三時
之久轟斃黃衣賊目一名殺斃一百餘名生擒
十五名該匪敗退入城二十八日復傾巢而出
分五路圍撲宗維清等亦分隊迎擊李光榮抄
至賊後督勇登陸掩襲守備高騰滿等躍過賊
營濠塹我兵勇氣百倍乘勢痛勦殺斃賊目四
名賊匪一千餘名撲水淹死者不計其數生擒
二百餘名其脅從在馬前投降者約五六百名
當卽釋令歸農賊匪敗竄宗維清等當將縣城
收復三十日復拔營追勦逆匪於中車灣地方
設立木卡宗維清福興高騰滿張于銘楊際春

等卽督兵勇進剿殺斃空隄築卡賊匪數十名
吳鵬程等由隄下抄出賊陣之後連放大礮賊
匪紛紛倒斃追擒賊目一名復殺斃五十餘名
生擒十名統計殲斃賊匪三千餘名燒死溺斃
之賊無數燒燬木卡二座奪獲槍礮等件甚多
敗殘餘匪逃往東河一帶臣等現飭宗維清等
乘勝追剿暫令參將佟攀梅會同旗營官兵仍

欽定剿平粵匪方略卷九十四

五

駐了角驛勦辦江陵等處土匪俟事竣再飭前
往武昌應援所有出力文武員弁統俟查明奏
請分別獎勵

官文慶如貴陞又奏言臣等接據探報宜昌賊
匪在沿江一帶擄掠已下竄至宜都枝江二縣
境內當卽酌調協領依西布遊擊王國才帶領
弁兵由臣貴陞統帶於五月初九日前往堵剿

又經江陵縣知縣陳均遠飭義勇曹立全帶水
勇五百名自江口前進復調張于銘帶勇五百
名過江往松滋迎剿以扼賊下竄之路川兵若
已移營前進上下夾攻不難撲滅現已飛咨湖
南撫臣暨岳常澧道趕緊撥兵堵剿以防南竄
奏入

欽定剿平粵匪方略卷九十四

六

命軍機大臣傳諭官文曰此次收復監利縣城辦理
尙爲妥速其沔陽江陵交界地方土匪未靖仍應防
其與逆黨勾結煽惑復滋蔓延現旣飭令參將佟攀
梅會同旗營官兵駐守了角驛扼要勦辦務須速籌
殄滅並與守備宗維清等將敗逃餘匪竭力搜捕毋
任此勦彼竄目下監利沿江一帶情形較緩所稱俟
此股土匪辦竣後卽飭佟攀梅赴援武昌自係爲慎
重根本起見惟天門潛江等處是否尙有賊蹤安陸

荆門兩屬逆勢多寡何如西路獲勝之軍能否派流而上惟在隨時相機籌辦前踞宜昌之匪現竄至宜都枝江二縣該處界接楚南貴陞已帶兵出境堵剿知縣陳均遠等分路前進扼賊竄路著卽嚴飭該員弁等合力圍剿並飛咨駱秉章等飭屬一體兜擒勿令與湘潭靖港回竄之賊會合勾引四川官兵當已趕到著官文相機調遣仍就荆州現存兵勇竭力捍

聖朝方略卷九十四

七

禦隨時確探賊情豫籌布置務當計及全局不得顧此失彼所有帶勇出力之官紳宗維清張于銘等均著先行酌予獎勵

上諭內閣曰官文等奏官兵進剿監利賊匪疊獲勝仗殲擒賊目夥賊統計三千餘名溺斃賊匪無數立將縣城收復辦理尙爲得手在事出力之官紳兵勇著官文等酌量保奏候朕施恩

同日和春福濟奏言查豐縣敗殘餘匪逃往霍邱之李家橋經參將劉玉豹等合力追剿殺賊數百餘名生擒三十餘名餘賊梟水而逃淹斃殆盡奪獲黃旗刀矛多件舒城久爲賊匪占踞現經知縣張培招集鄉團三萬餘人派趙維瓊等先攻桃鎮並分路進攻舒城四門每門突出賊匪數百人經該鄉勇等奮力攻擊該逆敗退

聖朝方略卷九十四

八

入城共計殺賊四百餘名勇目沈鋆帶勇攻入桃鎮賊巢殺賊十餘名餘皆紛竄隨將桃鎮收復又據署和州知州金寶樹稟報賊船大幫在各江口停泊屢被滋擾經該州添募兵勇於沿江叢葦中埋伏該逆聞風畏懼裹脅之人乘閒逃散其停泊各江口賊船數百隻均已全行竄駛下游各江口並無賊船潛匿

和春福濟又奏言廬城逆匪經官兵節次進剿勢已窮蹙亟應乘勝進攻迅圖克復現派常清等分三路進兵臣和春居中調度臣福濟在後路接應各軍奮勇爭先我軍攻擊多時該匪堅伏不出惟南門突出逆匪三四千人前來撲營卽經江忠濬等開礮轟擊賊勢不支旋即敗退官兵追至城邊賊匪逃入城內閉門堅守共計

欽定剿平粵匪方略卷九十四

九

斃賊三四百名生擒四名奪獲旗幟器械多件惟賊勢雖蹙而城大且堅非四面環攻難期得手西路官兵進剿不甚勇敢現已添派江忠濬帶楚勇二千餘名程智泉帶廣東兵勇七百餘名前赴西路於得勝門一帶擇要紮營會合圍剿奏入

上諭曰進剿雖銳然機謀不慎每爲賊覺斬殺並不甚

多果能計出萬全何至曩爾廬城曠持若是耶

上命軍機大臣傳諭和春福濟曰和州賊船下竄江浦六合又形喫緊且難保其不再竄和州和春等仍當督飭練勇認真守禦一面知會琦善於下游沿江處所設法攻截一面知會袁甲三於上游滁州等處豫籌扼守毋任賊蹤來往自如至廬城日久未下著卽迅圖克復卽行分兵沿江進剿以爲奠安全皖之計

欽定剿平粵匪方略卷九十四

十

廬州南鄉居民薙髮集團攻復桃鎮是其不甘從逆已可概見朕念其被脅之苦不忍咎其既往果能殺賊出力該提督等加以獎賚亦無不可舒城如能克復亦可橫扼廬桐之衝斷賊接應有機可乘萬勿坐失其六安霍邱等處仍著傳知秦定三設法進攻不得專以扼守正陽防賊回竄爲詞致成株守

同日百勝王夢齡奏言前次豐縣竄出逆匪尙

有騎馬賊數百名由河套內虜水過岸經臣等與李湘棻分投截殺偽檢點總制等官八名轟斃逆匪二百二十六名又生擒偽將軍總制等官十名長髮老賊一百四十三名昨聞連鎮逆匪北竄臣等即飛飭文武加意嚴防現當黃水長發之際豐工漫口以下河湖相連汪洋一片與三四月間情形不同若該逆由豐沛南遁臣

勦平匪方略卷九十四

十一

等即當督兵扼擊不任一名偷越惟徐城北岸為通京陸路並無險要可扼臣百勝現移營城北三十里之王可洛地方該處有黃河漫水道策馬可渡防禦最為喫重臣等前獲偽將軍張泳荒搜得逆書一册內敘逆賊洪秀泉自廣西竄至江甯俱用林瀛詳李開芳為先鋒攻陷郡縣省城多處該二賊著名驍悍現因臨清賊

匪被大兵掃滅孤立無援急思逃回不惟高唐之賊不敢久踞即連鎮之賊亦圖續竄若被潰圍而出勢必拌命狂奔亟須設法使其棄馬而步該逆無可衝突即可悉數殲除臣等現於王可洛河底暗釘木樁中夾鐵錐並於兩岸多設陷阱使賊騎不能竄越又派遊擊胡松額帶領兵勇五百名移紮前路韓莊地方如遇逆賊關

勦平匪方略卷九十四

十二

入即與該處團練繞出賊後與臣等兩面夾擊其豐工南北兩岸前派參將高培都司崇順帶領大同兵一千一百名扼防南岸下營之郝家集潘家屯等處現有參將張琴堂等帶兵六百名駐紮以為後路接應臣等仍不時派探賊蹤督率兵練併力截勦斷不敢坐失事機奏入

上諭曰李湘棻安坐徐州並未迎擊逆匪汝二人雖狂

於外官習氣必入其名亦是常事惟入奏不實自問當得何罪前次逆匪偷渡致滋蔓延未將汝二人正法尙冀奮發有爲今如是負恩雖立置重典毫無可惜現踞高唐逆匪若任令竄過河去必將汝二人軍法從事別無可論也

十八日丙辰勝保奏言臣前將高唐州城外賊壘焚燬該逆連日不出臣派馬隊晝夜圍攻賊屢

欽定剿平粵匪方略卷九十四

十三

遣奸細出探在平博平路徑每於夜間突出撲營俱經我兵擊回十三日夜間賊衆數百直撲西面培成那敷德之隊臣派兵接應合力奮擊賊敗退後復撲東南魁福之隊又經我兵擊退先後傷斃賊匪數十名臣本欲令其竄出前截後追可以速滅詎該逆見我兵布置甚嚴欲竄不敢偏令城內居民於周圍城根挖濠自衛深

至丈餘臣因飭趕造雲梯二十餘架以爲攻城之用十五日出隊善祿攻其東面崇恩與侍衛恭鈺攻其西面德勒克色楞於南門左右排列馬隊以俟賊出截殺臣親督正定天津及健銳火器營官兵攻其東北已革五品頂戴張翊國帶領江南練勇五百名隨同進攻賊見我兵逼近隨於城上開放槍礮從暗擊明兵勇間有損

欽定剿平粵匪方略卷九十四

十四

傷仍復鼓勇直前填濠而過已經樹立雲梯賊衆情急矢石交下並豫行拆毀民房梁柱安設城頭我兵甫欲登城賊卽推木壓下兵勇墜地雲梯斷折一時未能得手臣仍當隨時相度機宜迅圖克復奏入

上命軍機大臣傳諭勝保曰賊匪占踞高唐州以來已將半月據勝保奏稱於十五日分隊進攻仍未得手

該城周圍僅八九里收復本易為力惟遷延日久則賊之守衛愈密而我兵之銳氣漸挫且連鎖賊匪時思越濠遠遁若竟全股南竄與高唐之賊聯絡則勝保一軍前後受敵勦辦更致費事經朕疊次申諭豈勝保身在行間竟未慮及吉林馬隊武成永固礮位已由僧格林沁令副都統麟瑞管帶赴營濟甯州練勇亦可趕到統計隨營步隊兵勇亦不為單著勝保

聖學聖方略卷九十四

十五

督同各員弁迅籌進攻務將州城即日收復並將此股逆賊就地殲除毋得以竄出之後較易勦殺為詞致賊蹤蔓延他處

同日會國藩奏言查靖港餘匪業於四月初八九等日全竄下游岳州以上現無賊蹤署提督塔齊布即日先赴岳州臣親督水陸兵勇繼進自岳州以下即出湖南地境臣有援鄂之責自

應出境勦賊撫臣略秉章職任地方難以出境署提臣塔齊布亦有地方專責未敢遽赴外省惟塔齊布與臣共事年餘實見其忠勇絕倫堪膺辦賊重任今同奉

諭旨統兵東下該署提督自應即令遄征無庸稍涉拘泥株守本省其提督印務應否派員護理抑或帶印出省之處伏候

聖學聖方略卷九十四

十六

聖裁

會國藩又奏言現在賊船全竄下游所有陸溪口倒口金口等處藏泊船隻之所皆被該匪占踞並於口門築造礮臺兩岸修置土城以陸路之賊守河干之船為抵死抗拒之計臣此次整旅東下喫緊固在水路而制勝尤須陸軍日內將陸勇嚴汰另募添用勁兵以濟勇之不足水

師亦重整規模廣東派來之兵與廣西新招之
勇計本月內可以到省衡州新造之船與長沙
重修之船出月亦可竣工一俟料理完畢臣卽
星夜遄征誓殲此賊以雪挫敗之恥而贖遲延
之罪奏入

上命軍機大臣傳諭駱秉章曾國藩塔齊布曰前此回
竄楚南之賊節經曾國藩會同塔齊布等於甯鄉湘

欽定剿平粵匪方略卷九十四

十七

潭痛加勦洗阻扼兇鋒所有竄踞靖港餘匪現已全
數竄往下游是南境情形稍緩而鄂省望援更急曾
國藩添募水陸兵勇及新造重修戰船既據奏稱已
可集事則肅清江面之舉仍藉此一軍以資得力該
省大股逆蹤尙踞漢陽漢口一帶其隨州應山等處
匪黨奔突宜昌下竄枝江賊勢如此延蔓若剿辦再
有稽遲東南大局不堪設想塔齊布膽識俱壯堪膺

勦賊之任著駱秉章卽飭該署提督統領弁兵迅速
出境與曾國藩會合進攻務須酌度機宜隨剿隨進
方能次第殲除曾國藩與該署提督共辦一事尤應
謀定後戰確有把握萬不可再致挫失該署提督等
仍當兼籌全局與官文台湧青麀等聯絡聲威藉資
援應所調廣東紅單等船月內應可由海入江已節
次諭令琦善向榮飛速迎提分起布置以備派流而

欽定剿平粵匪方略卷九十四

十八

上爲沿江節節堵截之用至塔齊布現在出省其所
署提督篆務卽著駱秉章委員接署

曾國藩又奏言臣係革職人員蒙

恩飭令督勇自效此後出境勦賊所有一切軍情必須

隨時奏報可否容臣專摺奏事之處出自

天恩奏入得

旨允行

同日

上命軍機大臣傳諭僧格林沁曰前因僧格林沁奏進攻賊巢情形仍未能得手當降旨諭令迅督各路將弁四面兜擊以期一鼓殲滅近聞該處軍營所以不能得力之故總由帶兵各員不思齊心進剿而僧格林沁空握總統之名又不肯破除情面令在必行甚至任令兵丁占居民房營盤之中所餘無幾且所挖

聖學聖方略卷九十四

十九

之濠盡在北面而南面空虛任賊行走我兵紮營率皆在數里之外虛張聲勢徒費鉛藥似此疏懈耽延無怪逆匪屢次竄出而僧格林沁毫無知覺也各路帶兵官員究竟能否用命若積習相沿不遵號令必當從嚴懲辦僧格林沁身受重恩非尋常統兵大臣可比亦復何所瞻顧不肯破除情面將士不能用命卽係該大臣無能之罪雖與士卒同甘苦亦不過小

節微長豈朕所期於該大臣者著僧格林沁嚴督各弁偏近進攻若再以恐傷官兵爲詞不肯努力接仗卽以軍法從事僧格林沁於將弁可以姑容朕於僧格林沁斷不能以姑息示恩僧格林沁撫衷自問當亦知之儻日內不能將逆匪殄滅致令又向他處占踞朕亦別無他諭自有懲辦之法至蒙古官兵勤勞久著值此天氣漸炎於水土節候不甚相宜必須及

聖學聖方略卷九十四

二十

早奏功庶得凱旋休息該大臣務當仰體朕心傳諭諸軍同心協力迅速蕝事共膺懋賞

二十日 戊午 漕運總督邵燦江南河道總督楊以

增奏言查皖賊屯踞蕭碭境內意圖分道直撲徐州府城該道王夢齡於城外紮營兼顧郡垣該鎮百勝自應統帶兵勇扼其北渡乃藉口於賊衆我寡任其紮筏從容渡河及賊至徐境有

練勇七千餘人齊赴郡城情願隨同殺賊而該鎮又復遷延不進直至賊匪全數渡河始帶兵前往希圖掩飾耳目此次逆賊由豐縣竄出經勝保追至河岸勦殺殆盡逆匪梟水偷渡器械全無百勝接仗失利致令兵勇傷亡迨餘匪由西南竄至蕭縣百勝帶兵往追並未接仗聽其沿途裹脅而去嗣聞賊住蒙城王夢齡商令該

欽定剿平粵匪方略卷九十四

三

鎮帶兵追勦仍復中途觀望謂賊已遠遁帶兵

空還是該鎮之畏葸無能前後一轍應請

旨將已革暫留徐州鎮總兵百勝先行撤任一面請

旨迅賜簡放以重職守奏入

上命軍機大臣傳諭邵燦楊以增曰徐州係江南重鎮據黃河之險實力防守足以扼賊往來之路現在連鎮之賊亟思南竄卽高唐逆匪亦困守孤城勢難久

占大兵圍勦卽能就地斬擒難保無零星散匪捨命南奔復向豐工一帶梟水逃生而廬州之賊尙未殲滅更恐分股北犯希圖援應是徐州之緊要較前尤甚該處文武員弁果能與大軍前後夾擊更可得手傳振邦署理徐州鎮總兵到任需時卽著與慶暫行代理該參將距徐較近且係曾經行陣之員著邵燦等飛飭來徐以資堵禦徐屬練勇七千餘人前此已

欽定剿平粵匪方略卷九十四

三

自請前驅殺賊士氣尙爲可恃若加以鼓舞振作使與將弁官兵同心勦賊定能制勝况黃流湍急能於南北岸及上下游等處層層布置該逆豈能飛渡邵燦楊以增於該鎮道等之能否勝任均應據實入告如興慶抵徐後未可深倚卽當隨時奏聞毋稍回護若連鎮高唐之賊被勦窮竄正可迎頭截擊斷不准再任偷渡該督等務當認真督率毋得稍存大意

上諭內閣曰已革徐州鎮總兵百勝畏葸無能實堪痛恨著卽發往新疆效力贖罪所遺徐州鎮總兵員缺著傅振邦署理該員現在向榮軍營著飭令卽赴新任未到任以前卽著興慶暫行代理

二十二日 庚申 僧格林沁西凌阿托明阿奏言臣僧格林沁接奉

諭旨令查營中積習臣所統各營將士非不精銳惟逆

聖朝方略卷九十四

三

匪所踞村鎮壁壘甚堅各營步隊備嘗艱辛兼之身冒鋒鏑傷亡較多以致日形懦怯臨敵不免退縮臣亦知法貴森嚴實因所統步隊皆係滿蒙勁旅一旦繩之以法殊覺可惜是以總以善言開導冀其共明大義未忍斬殺一兵惟人數較多惟有願懇

天恩將臣重懲仍令帶罪圖功各營或能知所感惕鼓

舞奮興似於軍務有益奏入

上命軍機大臣傳諭僧格林沁西凌阿托明阿曰僧格林沁勦辦直境逆匪經朕查知疏懈耽延各情降旨嚴催進兵乃據奏稱各營步隊倍著艱辛因傷亡較多不免恇怯不忍繩之以法僅以善言開導仍不能無頑梗之人試思行軍紀律首貴嚴明若以該官兵曾經身冒鋒鏑偶爾臨敵退縮遂置不問各營紛紛

聖朝方略卷九十四

三

效尤何以處之且各路軍營所調官兵孰非久經行陣之人勇敢者賞退怯者誅斷難稍涉游移如不能用命卽當查明首先退縮之人立以軍法從事庶足懲一儆百儻一味姑容致各兵丁習以爲常所謂素稱勁旅者安在僧格林沁總統全軍不能破除情面嚴督馬步各隊剋日攻勦但言懇恩重懲該大臣亦思似此糜餉老師豈屢次請罪所能塞責僧格林沁

著先行傳旨申飭各營既經偏近賊壘南面亦不空
虛該匪無所逃避卽著親督大軍實力進剿攻破賊
巢一鼓掃蕩將弁中有抗不遵令者無論滿蒙各旗
卽在軍前正法不得再以可惜不忍等詞瀆奏如該
逆仍前竄出致與高唐一股會合惟僧格林沁等是
問

同日琦善奏言臣接奉

欽定剿平粵匪方略卷九十四

三

諭旨令分水軍爲三復准向榮函商分提紅單船應用
臣已囑其徑行酌提果得水師用命一經分提
上駛總可斷賊接濟至其駐泊之所又必與陸
軍相表裏蓋陸路無兵之處水師向不敢泊船
而指定駐泊之處岸上又未必能安營但取聲
勢相倚卽可互相應援惟是鎮江師船不甚得
力紅單各船二月自粵放洋迄今尙無過浙消

息其爲沿途逗留可知臣與向榮同膺重寄且
蒙

指授方略惟有殫竭心力斷不敢稍分畛域有失機宜
奏入

上命軍機大臣傳諭琦善曰據奏遵籌師船布置機宜
該大臣旣與向榮函商將紅單船隻分提上駛卽著
飛催辦理現在此項船隻尙無過浙信息其爲沿途

欽定剿平粵匪方略卷九十四

三

逗留誠所不免鎮江師船旣不得力廣東戰艇又復
遷延江面何日肅清覽奏實深焦灼該大臣與向榮
共辦一事總當妥速會商迅圖克復瓜州再行次第
進剿不得專以將弁疲玩爲詞冀可自卸遷延之罪
也

琦善又奏言臣接奉

諭旨令將宿遷防兵調赴和州剿賊伏查和州賊船現

已全赴下游而北路連鎮竄出之賊現踞高唐其地為驛站大道距宿遷不過數程就目下情形而言宿遷最為喫緊若將防兵撤赴和州則宿遷空虛民情不免驚恐臣不敢稍有拘泥仍令防兵駐紮宿遷以資堵禦

同日向榮怡良許乃釗奏言臣等欽奉

諭旨令將已故江南提督福珠洪阿殉難情形詳細查

聖學聖方略卷九十四

三

奏臣等查福珠洪阿前由松江帶兵馳赴金陵於咸豐三年正月十二日抵省駐紮雨花臺經將軍祥厚等邀令進城在聚寶門會同堵禦日夜接仗二月初十日卯刻據報儀鳳門攻破福珠洪阿隨帶松江兵三百餘名前往救應馳至鼓樓池北遇賊巷戰斃賊多名賊即四散正追殺閒又報通濟門危急轉往赴援馳至南門賊

聞

匪大股上城與滿漢官兵對仗福珠洪阿督兵登城殺賊眾寡不敵身受重傷數處周身血汚所帶官兵大半傷亡勢難抵禦福珠洪阿猶手刃數賊罵不絕口遂被戕害臣等徧加諮訪無不異口同聲是其殉難情形實無疑義均奏入報

聖學聖方略卷九十四

三

同日官文慶如貴陞奏言接據知府達昌阿等稟稱四月二十五六等日署總兵訥欽等各帶兵勇水陸並進連獲勝仗生擒逆首胡得義等七名五月初一日復率湘湖練勇分路進攻該匪力不能支紛紛逃竄當將宜昌府城克復訥欽乘勝追至離城三十里之虎牙灘口燒燬賊船九隻殺賊無數因江水泛漲羣匪敗竄上船

順流直下不能追及卽率兵勇回城招集流亡
民心稍定臣貴陞恐其下竄荊州卽帶滿漢官
兵水陸堵剿而該匪擾及宜都枝江關八松滋
復竄北岸之董市地方揚言直撲荆郡因聞川
兵已抵宜昌荊州布置周密盡行過江南竄現
在南岸彌陀寺地方搶掠船隻希冀水陸分竄
臣貴陞卽飭千總畢金科等過江繞路往截並
統帶協領依西布等分起渡江追襲臣官文等
於沿江各要隘添派兵勇設卡嚴防杜其回竄
並飛咨湖南撫臣駱秉章迅卽撥兵擇要堵截
其四川松建二鎮官兵於收復宜昌後始到疊
經札催進兵沿江一路追擊迄今未達荆郡實
屬遲滯現仍嚴檄飛催奏入

上命軍機大臣傳諭官文慶如貴陞曰宜昌府城收復

欽定剿平粵匪方略卷九十四

三

該逆渡江南遁擾及枝江宜都關八松滋縣境貴陞
現飭千總畢金科等先行繞越往截並自行統帶依
西布等滿漢各軍渡江追襲務將此股烏合匪衆無
分水陸四面兜擊既不可使之伺隙南犯尤宜防其
被剿窮蹙復行回竄軍情變幻靡常必須隨時察看
何路緊要卽赴何路截剿勿令再滋蔓延荊州上游
雖已肅清其安荆一帶及沔陽潛江各屬是否尚有
賊蹤官文於沿江要隘駐兵設防杜賊回竄尤應兼
籌西北兩路妥爲守禦四川松潘建昌兩鎮官兵何
以如此遲延所有帶兵之總兵雙保福祈著官文等
查明如係有心逗留卽著據實叅辦一面檄提到營
或防或剿擇要調遣

上又命軍機大臣傳諭駱秉章塔齊布曰宜昌收復賊
衆竄擾松滋聞荊州兵勇水陸並進遂渡江南竄現

欽定剿平粵匪方略卷九十四

三

在大江南岸彌陀寺地方搶掠船隻希冀水陸分竄是湖南與湖北交界之處情形甚為喫緊著塔齊布速帶精兵與曾國藩所帶船勇水陸迎擊並著駱秉章嚴飭岳常澧道及地方文武撥兵擇要堵截萬不可令賊匪復竄南省現在台湧舒倫保已由德安一路督兵南趨駱秉章塔齊布務當與官文等隨時知照彼此併力夾擊將此股逆匪悉數殲除

聖朝方略卷九十四

三

二十三日 辛酉 向榮奏言 臣接據探報逆匪竄入

太平府城滋擾並有窺伺東壩之信該處乃入

蘇州捷徑 臣聞信後即派已革提督鄧紹良選

帶勁兵前往截勦乃該逆聞風先遁竄回金陵

並有上游賊船千餘隻由和州東駛而下隨將

太平郡城收復當即飛調鄧紹良回營惟該逆

負固伏匿非誘之使戰不能大加懲創參將蔡

應龍等帶領兵勇繞至鍾山之後由高處瞭望太平門外賊營維時龍脖子一帶賊窺伺遙見我兵人數無多潛由右山包抄而上蔡應龍等分兵夾擊賊即敗潰復開門率眾回撲我軍且戰且退將賊誘近明陵之西伏兵齊出兜擊臣聞該逆被誘出城即親往督勦適朝陽門亦出賊千餘人救應各營盤排列大礮轟擊斃賊

聖朝方略卷九十四

三

甚多餘眾驚潰經伏兵橫衝而出斬馘溺斃者無數適七橋壘兵勇聞聲出應繞城喊殺賊中槍礮齊施我軍冒死衝鋒奈城下濠水寬長末由飛渡旋聞通濟門城上賊守稍疏復派總兵明安泰堵勦洪武門之賊福興堵截雨花臺之賊蘇布通阿督同遊擊張國樑直取通濟門於四鼓銜枚潛進前阻重濠張國樑督領兵勇鼻

水渡至城下正欲架梯登城詎被賊營知覺城上輒石火礮紛紛擊下兵勇不能援登仍行退回該逆乘我軍撤動突於聚寶門出賊一股繞定河橋來抄我後各路兵勇聞賊出拒衝入賊隊該逆見我軍勇猛全股驚潰官軍分投截殺殲斃不少追至城濠城上礮子如雨我兵難以進追現在屢催鎮江進兵而余萬清節次稟報

欽定剿平粵匪方略卷九十四



不過逐日打仗未能迅速克復惟望紅單船早到俾南北水陸合擊庶可漸次得手此次太平失而旋復學臣孫銘恩尙無下落已飭確切查明辦理奏入

上命軍機大臣傳諭向榮曰逆匪竄入太平府城聞我兵進勦退出郡城該逆詭譎異常難保不復圖窺伺且上游賊船千餘隻去和州而東駛是江上賊船往

來自由意在乘隙肆擾此時總以肅清江面為最要機宜昨據琦善奏紅單船尚無過浙信息其為沿途逗留已可概見著該大臣飛速迎提一俟此項船隻駛入大江即妥為布置儘能將江面賊船次第肅清則剿辦自可得手至金陵逆匪雖經我兵連日誘敵仍不過小有斬擒師老餉糜罪將誰誘余萬清攻勦鎮江賊匪亦不過逐日打仗未能克復余萬清本係獲罪之員如果不知奮勉卽行據實嚴參前任學政孫銘恩下落並著查明具奏

欽定剿平粵匪方略卷九十四



獲罪之員如果不知奮勉卽行據實嚴參前任學政孫銘恩下落並著查明具奏

欽定勦平粵匪方略卷九十五 甲寅年

五月二十四日 壬戌和春福濟奏言臣等連日派

吉順等帶領官兵攻打賊營並派何朝亮等攻打北門常清等攻打東門並先期傳知西路珠克登等攻得勝水西兩門以分賊勢臣和春往來調度臣福濟在後路接應鄭魁士等冒雨揮兵奮勇攻擊賊營以槍礮回拒都司蕭開甲等

勦平粵匪方略卷九十五

一

奮不顧身於槍礮如雨之中拔去梅花樁直抵濠邊連拋火罐噴筒賊營登時火起該逆驚潰越牆而逃卽乘勝槍過深濠擁入賊營盡力砍殺斃賊無數立將大股賊營攻毀適南門突出逆匪二三千人分路來撲當經鄭魁士蘇勒芳阿帶兵迎勦立斃賊匪多名該逆旋敗入城追至城下大東小東兩門又各突出逆匪二三千

人分路奔來欲抄我軍後路隨飭常清等兩路夾攻後路兵亦趕到各開槍礮立將逆首斃斃餘匪敗逃入城南門外尙存賊營數座隨令鄭魁士等分途攻擊我兵轉戰無前偏至濠邊拋擲火罐賊營火發復將賊營三座平毀自辰至申酣戰五時之久連奪賊營四座先後斃賊一千餘名生擒二十一名砍獲首級一百餘顆十

勦平粵匪方略卷九十五

二

三日復攻打北門賊匪堅伏未出東南兩門各突出賊匪千餘人官兵三面夾擊斃賊三四百名生擒三名其水西得勝兩門亦各突出賊匪數百人經珠克登等率兵攻勦斃賊數十名該逆退敗入城勢極窮蹙其六安逆匪經該署知州茅念劬會合紳團並知會秦定三上緊進攻五月十二日探有逆匪二千人押解小車六十

餘輜裝運糧食向東南行走該州知會各勇截擊於八九十鋪等處攔頭堵截殲斃多名該逆棄車而逃殺賊一百餘名餘賊驚散入城臣等查六安廬州逆眾已成犄角之勢必須設法先復六安則廬州得手自易現飛飭該州密商紳勇迅圖克復並移知秦定三相機進剿奏入

上命軍機大臣傳諭和春福濟曰逆匪占踞廬州經我

欽定剿平粵匪方略卷九十五

三

兵焚燬賊營四處大挫兇鋒惟城外賊營不止此數必須乘銳圍攻爲一鼓殲除之計至六安逆匪與廬郡之賊互爲犄角雖經該署知州茅念劬奮力截擊斃賊多名而州城尙未克復逆匪仍可往來自如該提督等奏稱必須先復六安則廬州克復較易自係最要機宜著和春等一面迅攻廬州一面知照秦定三督飭茅念劬剋期收復六安則廬城賊勢益孤剿

辦更可得手

同日英桂奏言臣聞南陽鎮總兵柏山聲名平常上年六月間逆匪竄擾許州該總兵帶兵已至城外之八里橋探知賊匪圍攻州城輒退兵二十餘里之臨溝河駐紮以致賊匪由臨潁南竄連陷數城秋閒固始縣捻匪滋事前撫臣陸應穀咨令督兵往剿詎到彼月餘安居城內並

欽定剿平粵匪方略卷九十五

四

未親駐營盤臣當以軍務需人望其愧奮改悔乃自皖省六安告警固始偏近逆氛經臣飛咨督兵堵剿該總兵竟緩程行走復繞道信陽及臣催提始行就道並未深入賊巢本年奉

旨飭赴楚北援剿該總兵始則欺誑台湧由南陽桐唐一帶截擊繼則以所帶之兵僅二百七十名不能進剿改駐新野防堵蓄心取巧畏葸無能相

應請

旨將柏山卽行革職並請毋庸留營效力以爲巧飾欺

朦者戒奏入

上諭內閣曰柏山係專閫大員當此軍務喫緊之際應

如何力圖報效乃一味畏葸任性巧詐若不嚴加懲

辦何以挽積習而肅戎行英桂奏請革職不足蔽辜

柏山著卽革職發往新疆效力贖罪並著卽行起解

聖學聖方略卷之十五

五

不准逗留

英桂又奏言臣接奉

諭旨令籌全豫防守事宜查信陽近接應山前因隨州

之賊回竄孟賑店距信陽黃土關僅二十餘里

急須嚴防北竄楊需卽帶兵前往並飛催桂明

由黃土關迎勦其平靖武勝等關亦經南汝光

道余炳燾督兵扼守昨據該道稟報探得孟賑

店賊匪約二千餘人於五月初四日由黃土平

靖兩關外繞越而過因聞各關防守甚嚴避道

行走初五日行抵應山縣城外經我兵迎擊斃

賊甚衆該逆分路逃散現在台湧與舒倫保屢

次勦辦得手正宜乘此聲勢次第進攻收復漢

陽迅解武昌之圍力據長江上游以爲大兵南

下合勦之計臣復飛催桂明迅督官兵緊追前

聖學聖方略卷之十五

六

進冀爲台湧舒倫保後路策應並飛咨楊需就

近督催仍於豫境密籌堵遏如果該逆被勦窮

蹙復竄隨州則須酌分兵勇移堵桐唐並將南

陽一帶與湖北荆襄棗隨接壤各處扼要布置

以固豫省藩籬北路連鎖之賊分竄高唐情急

南奔豫省衛輝考城及開封蘭儀等縣皆與山

東接壤均應豫爲布置沿河各要隘臣已會同

副都御史臣王履謙河臣長臻派委委員在直隸山東各處偵探晝夜梭巡

同日崇恩奏言逆匪困踞高唐勢極窮蹙官軍攻城時見城上賊衆多半薙去長髮身穿藍白布衣意在溷跡潛逃又據獲賊供稱賊衆晝夜趕製號衣意欲扮作綠營官兵零星逃竄臣立卽通飭各地方文武及各路派防處所遇新薙

頭髮及身穿新號衣者細加盤詰勿稍疏虞均奏入報

開

二十五日癸亥和春福濟奏言據署六安州知州

茅念劬稟稱五月十三日探得州城賊防稍懈卽挑選壯勇二百餘人密約城內百姓爲內應令各紳勇分路前進並派勇堵遏要路十五日

欽定剿平粵匪方略卷九十五

七

茅念劬督率紳董練勇萬餘人分三路進攻賊衆出拒各勇槍礮齊施斃賊無數將城外賊營平毀次日各勇併力登城砍殺守陴賊匪開東門一擁而入該匪不能抵禦由南門逃竄復經茅念劬等追擊將餘匪悉數殲除立將城池克復六安地本繁難久遭蹂躪一時簡調乏人可否仰懇

欽定剿平粵匪方略卷九十五

八

天恩卽以署知州布政司經歷茅念劬升補六安州知州辦理善後事宜練首舉人李元華免補知縣本班以知州儘先選用先換頂戴在籍候選仍辦團練以資熟手奏入

命軍機大臣傳諭和春福濟曰此次六安鄉團協助官兵奮勇殺賊立將州城克復洵屬深明大義殊堪嘉尚亦由該知州素得民心故能人人用命和春福

濟等惟當加以策勵堅其固守之心藉可協同搜剿
目下廬州大股經官兵屢剿獲勝逆膽已寒著和春
等迅督將士乘銳進攻廬城及早克復仍知會秦定
三移兵南向並酌帶劉玉豹忠泰所領各兵進偏南
路賊巢探賊所向分投剿辦若能乘勢將舒桐一帶
逆眾掃數廓清則廬州安慶之賊自可一鼓蕩平六
安收復以後是否仍須兵力著該提督等相機籌辦

欽定四庫全書

九

茅念劬始終可靠即責成該知州辦理一切事宜
和春福濟仍通籌南北全局勿令該逆乘虛北竄
諭內閣曰此次克復六安州城該署知州茅念劬督
率練勇奮勉出力該練勇等同仇敵愾忠義可嘉均
應優加獎勵所有六安州知州員缺即著茅念劬補
授練勇首領人李元華著免補知縣以知州儘先升用
先換頂戴並在籍候選仍辦團練其餘出力紳民及

陣亡練勇著和春等分別查明請獎並咨部議卹

二十六日甲子勝保奏言高唐踞逆自五月十五

日後將三門緊閉用土木掩塞暗窺賊眼拒守
有絕城出修濠柵者疊經官兵擊退連日大雨
未能進攻現已於城之東北築成礮臺安設大
礮晝夜向城內轟擊二十一日出隊進攻善祿
攻其東面崇恩攻其西面德勒克色楞攻其南

欽定四庫全書

十

面臣親督各步隊由北而東復繞至南面往來
催督兵勇負梯越濠直抵城下甫欲登城城上
槍礮如雨兵勇冒死前進攀援登城城上賊眾
死拒我兵連傷十餘人僅奪其城上黃旗一面
殺斃賊匪數人並焚燬西門甕城前木柵臣等
復於次日丑刻乘夜進攻川楚勇已越濠樹梯
又被槍礮傷二十餘人其東面因兵勇力攻逆

衆情急由東面地洞撲出二百餘人經我兵擊斃數十人賊卽敗退我兵追至東門濠邊賊由地洞逸去復由南門東南角地洞突出百餘人來抄我兵之後臣卽飛馳截殺擊斃十餘賊賊伏濠中施放擡槍馬隊勢難越濠臣復令兵勇一齊擁上該逆不敢踞濠退入地洞我兵復用火彈向其焚燒賊不敢出其南關街內尙有賊

欽定剿平粵匪方略卷九十五

十一

數十人被我兵殲斃並將南門甕城賊柵及附近南門房間一律焚燬連日進攻雖已逼近城下終未得手臣現仿古人呂公車製造攻具變通古法斟酌時宜此閒地勢當可得用奏入

上諭曰地洞木寨何成之若是之易呂公車固可酌改適用然我有以制之彼必有以應之徒勞無益藉口耽延終無了期已屢次登城奪獲賊旗豈有不能攻

進之理明係接應遲誤各不相顧培成那敷德著查明叅奏如有心觀望卽在軍營正法

上命軍機大臣傳諭勝保曰高唐葭爾州城逆匪不過千餘何以一經踞守進攻卽如此之難據奏西面兵勇業已登城且經奪獲賊旗如果迅速接應何難立時攻入培成那敷德禁營正在西面並不揮兵繼進是何居心且賊在連鎮卽由培成等營盤撲出追竄

欽定剿平粵匪方略卷九十五

十一

踞高唐又屢向培成等列隊處所奔突是培成等始終不能得力實堪痛恨著卽查明叅奏該大臣務當嚴申軍律萬不准稍事姑息所稱製造呂公車尙須數日而我兵又無護身器具似此遷延何日始能了事崇恩昨奏城中逆匪多半薙髮暗造青布號衣欲假冒綠營官兵潛蹤竄逸儻我兵攻具甫成而賊已潛遁僅賸空城我兵卽欲追襲亦須處處分撥愈難

兼顧該大臣又何以處之至西南兩門官兵既已偏近甕城焚燬木柵是其地洞通透之處已無遮護或設法塞毀或用火藥填轟均可相機速辦

同日成都將軍樂斌四川總督裕瑞四川提督萬福奏言湖北宜昌失守在在與川疆接壤省垣根本重地臣裕瑞未便遠出應由臣萬福親赴萬縣夔巫一帶扼要駐紮各營存兵無多實

聖朝方略卷九十五

三

難再行多調現於省標各營及峨邊營酌派精兵六百七十名隨臣萬福同往與先後派防官兵堵剿兼施相機辦理惟各處要隘甚多兵力極形單薄前此續派赴楚兵練一千一百名尙未出境應請

旨將此項官兵截留在川俾壯軍威臣萬福現於五月十二日自省帶印起程奏入

上命軍機大臣傳諭樂斌裕瑞萬福曰楚北賊氛方熾雖分竄宜昌一股全行南遁惟仍擾宜都枝江縣境儻逆眾乘虛回竄或伺隙西奔川省邊防關繫最要萬福現帶兵勇前赴萬縣夔巫一帶扼紮即著該提督隨時確探賊情督率防兵分守要隘實力堵截儘須出境迎剿亦即相機而行斷不准以防堵為名致成株守如有緊要情形即著萬福專摺馳奏前派赴

聖朝方略卷九十五

十四

楚之兵練一千餘名現尙未出川境著准其截留在川一併歸萬福管帶調遣至駐紮巴東利川之松潘建昌兩鎮官兵由雙保福忻分帶駐守節經嚴諭飭催帶赴荊州宜昌協同防剿迄今數月之久仍復遷延不進該總兵等畏葸無能深堪痛恨著松潘鎮總兵副將雙保著革職暫行留任建昌鎮總兵福忻著先行摘去頂戴均仍責令上緊帶兵起程前赴官文

軍營聽候調撥儘敢再事稽延卽行從嚴叅辦按律治罪

二十七日^{乙丑}台湧奏言查宜昌荆門監利等城均已克復西路情形較鬆且添有四川官兵二千名助剿當亦足敷調遣桂明已抵應山舒倫保所調後起官兵尙未出豫入楚若早日趕到則聲勢較壯可乘勢南攻惟孝感應城兩路賊

欽定剿平粵匪方略卷九十五

十五

蹤飄忽而湖河港汊處處間隔甚爲礙手臣現擬分兵兩路由孝感之楊店應城之長江準節節設法隨剿隨進以期力攻漢陽漢口後路並密派得力兵勇前往作爲內應一俟桂明舒倫保來至德安卽面籌辦理奏入

上命軍機大臣傳諭台湧舒倫保曰逆匪盤踞漢陽漢口大江南北形勢阻隔亟須設法進攻以爲武昌援

應該督現擬分兵兩路隨剿隨進直達漢陽漢口著

卽與桂明舒倫保督率將弁分路進兵並著舒倫保飛催所調後起官兵趕緊由豫入楚以資攻剿仍須嚴防黃州陸路賊匪乘虛北竄大兵剿辦得手能與武昌聲息相通卽知會青麀速行派兵爲兩路夾攻之計毋稍遷延前據青麀奏孝感練勇得力飭令該縣李殿華抽撥二三千名由楊店驛進剿並據官文

欽定剿平粵匪方略卷九十五

十六

等奏飭令參將佟攀梅會同旗營官兵駐守了角驛扼守勦辦俟土匪辦竣卽令赴援武昌該督等卽可就近飭催會合夾擊

十八日^{丙寅}僧格林沁西凌阿托明阿奏言臣

等現因逆匪防範甚嚴召募熟習路徑之人擬於夜間進攻並將西岸長濠收近一千餘丈令慶祺帶步隊二千五百名在南面紮營令侍衛

都興阿帶馬隊一千名移紮西岸惟官兵逼近賊壘不能選擇地勢是以各營盤皆紮附近河干低窪之處設運河水勢漲發該逆掘隄放水甚為可虞臣等飛咨山東撫臣委員於上游設法宣洩二十五日該逆撲出多名臣等親督各營官兵乘機勦洗殄斃三四十名該逆敗退回巢我兵均尚奮勇惟副都統明慶接應遲緩應

聖朝聖略卷十五

七

請

旨將該副都統明慶革職留營以觀後效二十六日臣等派官兵平墊濠溝該逆大股出巢臣等豫派營總格綉額帶馬隊數十名在樹林設伏時該逆離巢已遠格綉額乘勢擊殺斃賊四五十名該逆馬步數百餘人向格綉額攻撲該員策馬當先馬隊數十名隨後繼進將該逆擊回副都

統達洪阿督帶官兵復抄該逆之後斃賊五六
十名該逆仍前抗拒經我兵放礮轟斃無數共
計兩日斃賊約二三百名臣等仍激勵將士剋
日進攻黑龍江總管格綉額連日接仗身先士
卒二十六日之戰該員以數十騎破賊數百人
斬殺多名實屬奮勇可嘉應請

聖朝聖略卷十五

十六

旨將尤為出力員弁量加鼓勵奏入

上命軍機大臣傳諭僧格林沁曰據僧格林沁等奏稱
各情是我兵業經逼近賊壘若能四面合圍聚而殲
旃不使一名漏網固為上策但該逆負隅死守是其
慣技我兵既不能直搗賊巢而窆築長濠又未必能
處處周密徒延時日迄無成功且我兵亦被長濠所
阻進退不能自由前車可鑒設該逆乘閒竄逸我兵
又成尾追之勢似此曠日持久勦辦何能蕙事此時

逆匪被圍日久意在狂奔不若擇要設伏督兵進剿
盡驅該逆出巢奮力截擊較之合圍坐守更可得力
該大臣務當悉心籌畫亟思剿除之策斷不可再事
遷延各營屯紮河干低窪之處賊掘運河固屬可慮
現在夏令雨水較多泥淖之中我兵攻剿豈能得力
該大臣仍當相度機宜妥爲布置

上諭內閣曰逆匪竄踞連鎮經僧格林沁等親督官兵

欽定剿平粵匪方略卷九十五

十九

進剿黑龍江總管格綳額身先士卒奮勇可嘉著賞
給富隆阿巴圖魯名號黑龍江委防禦旺齊克扎布
等均著賞戴藍翎接應遲緩之副都統明慶著卽革
職仍留軍營差遣

同日青廉奏言五月初十日漢口逆船忽有四
百餘隻竄赴下游已革總兵楊昌泗隨往密探
該逆已由磯窩登岸砌築土城望屋蓋欲占我

要隘絕我米糧楊昌泗僅帶兵三百名不敷攻
剿臣因派都司周祿等各帶兵勇數百名交楊
昌泗統帶都統魁玉委協領安貴等帶領滿兵
三百名星夜馳往臣另派副將書紳等帶領標
兵一千名續往接應楊昌泗等一擁直前當將
其土城轟倒該逆千餘人出敵槍礮如雨周祿
等伏兵齊起將其頭座賊營踏毀該逆齊出抵

欽定剿平粵匪方略卷九十五

二十

拒適書紳等趕到我軍勇氣倍增復將賊營四
處一律平毀並焚其望屋該逆勢不能支奔竄
回船我軍追至江邊四路勦捕殺賊一千餘名
生擒五十餘名焚燬賊船七十餘隻奪獲二十
餘隻磯窩一帶業已肅清又該逆先於初九日
出船三百餘隻在江游弋旋分撲塘角鮎魚套
兩處經副將舒寬等督兵擊退初十日漢口復

出大小船一百五六十隻直撲塘角鷓鴣洲出
 船一百餘隻直撲鮎魚套維時西風正厲帆檣
 如矢飛駛而來侯鳳岐等疊開槍礮該逆仍冒
 死前進適值楊昌泗由磯窩折回飛調礮船應
 援臣在城樓督開大礮擊沈塘角逆船二十餘
 隻鮎魚套逆船九隻該逆乘夜逃竄其武昌南
 門外石嘴地方逆匪潛築土城亦經我兵拆毀
 餘匪逃散此次尤為出力之協領安貴等應行
 開列仰懇

聖學聖方略卷九十五

三十一

天恩給予獎勵奏八

上命軍機大臣傳諭青廉曰此次漢口賊船竄擾磯窩
 並分撲塘角鮎魚套青廉飭令楊昌泗等帶領兵勇
 合力擊退勦辦尙為得手刻下宜昌荆門監利均已
 先後收復舒倫保桂明督兵已入楚境昨據台湧奏

報孝感應城兩路水次尙有賊蹤該處湖河港汊甚
 多該督已擬分兵進剿以期掃蕩漢陽漢口青廉卽
 當移得勝之師迅將沿江一帶逆匪殄滅與台湧等
 會合夾擊不得因武昌可保無虞專務株守且石嘴
 緊對漢陽沌口磯窩地皆濱江仍恐該逆再圖分撲
 欲保省垣當以肅清江漢為要該撫務當統籌全局
 與台湧等同心合力不准各存意見

聖學聖方略卷九十五

三十二

上諭內閣曰此次逆賊欲占磯窩要隘並於塘角等處
 駛船分撲均經官兵擊敗大挫賊鋒所有打仗出力
 之委協領安貴著賞給霍斐廷巴圖魯名號並賞戴
 花翎遊擊玉山著賞給阿穆爾翰巴圖魯名號賞戴
 花翎並著免補本班以參將用都司周祿著賞給備
 勇巴圖魯名號從九品李保邦著俟補府經歷縣丞
 後以應升之缺升用

青廉又奏言已革總兵楊昌泗奉

旨發往軍臺臣等以統帶乏人奏請暫留軍營旋因省城東門外之長春觀爲適中最要之區當飭前往駐紮並將城外兵勇悉歸統帶該革員不辭勞瘁周城十餘里無日不晝夜梭巡數月以來接仗數十次匹馬橫刀身先士卒所向有功可否仰懇

聖恩

三

天恩免其發往軍臺仍帶革職處分留於湖北軍營效力奏入

上從之

二十九日丁卯向榮奏言臣接奉

諭旨令俟紅單船入江節節堵截使賊不至肆行無忌現在紅單船將次到江自宜豫籌扼勦臣擬分提二十隻並配艇船數隻由臣營挑派得力弁

兵前往協同管駕分籌扼勦以清江路伏查下

游金山土橋與瓜州各江口皆有險要可扼惟距臣軍較遠應由琦善就近布置與下駐焦山之師船悉歸調度一俟瓜州克復再次第上駛扼攻至金陵上游兔兒磯與臣營聲勢緊接固宜駐泊師船惟上游太平蕪湖兩處河口係通東壩與徽甯之路及江北之裕溪口鍼魚嘴一帶均爲最要關鍵臣愚以爲太平蕪湖之間宜有水上一軍堵勦更形嚴密但戰船扼截之處非有陸軍犄角屯紮勢難駐泊擬由臣營抽撥官兵並移出東壩之兵會合水軍聯絡分駐則不特可斷上下賊船援應並可堵其旁竄分擾之路但臣軍分撥日少所有前調福建官兵日久未到應請

聖恩

三

旨飭下該督催令迅速前來以資調遣至安慶濱江一

帶仍當知照和春福濟相機設伏以圖暗毀賊

船節節扼勒而上庶大江漸得疏通兩湖江西

逆蹤自斷金陵亦易奏效奏入

上諭曰專待鄰省之兵緩不濟急且可藉口耽延著速

就現有之兵籌剿

上命軍機大臣傳諭王懿德曰金陵大營兵數分撥日

聖學聖方略卷九十五

三

少福建漸就肅清無需多兵留守著王懿德迅將前

調之漳州各營精兵二千名即日派委得力大員管

帶兼程馳赴向榮軍營毋少遲延

向榮又奏言據探和州駛回賊船停泊觀音門

外可以潛往火攻並查金川門外賊營二座該

逆防備頗疏亟宜出其不意潛夜往襲臣派翼

長福興等帶廣東兵勇專襲金川門而以廣西

之勇往焚觀音門賊船復令已革提督鄧紹良

等帶領湖南川東官兵往襲神策門另派川兵

捷勇伏於鍾山左右來往策應防勦太平門而

以總兵德安督領貴州廣西兵直搗朝陽門牽

制賊眾三更後廣東兵勇首先馳至金川門外

越過重濠拔取竹簽乘賊不覺大呼撲入賊營

立斬賊匪一百三十餘人將前營踏毀餘賊竄

遁後面賊營即時開礮迎拒各兵勇奮不顧身

擁殺上前賊營焚燒匪眾潰散維時廣西各勇

已到觀音門遙見賊船連泊對面之七里洲參

將蔡應龍等督令各勇潛上划船乘風射放火

箭延燒賊船多隻該逆各向上游逃駛統計襲

破賊營二座擊毀賊船五十餘隻斃匪三四百

名容再相機進勦奏入報

聖學聖方略卷九十五

三

欽定剿平粵匪方略卷九十六 甲寅年

六月初一日 戊辰 陳啟邁奏言據帶兵各員稟稱

逆匪二千餘名由九江竄入德安建昌縣境勾

結土匪大肆焚搶該文武等集團截擊詎意逆

匪分股竄入建昌縣城該文武等聞變折回救

援不及適值遊擊富克金泰等統帶兵勇行抵

建昌縣地方該縣知縣景瑞隨同進剿直薄城

下三面夾攻該逆堅守抗拒我兵奮力攻擊逆

勢不支紛紛逃竄各員弁沿途追殺斃匪四百

餘名生擒四十餘名餘匪回竄德安署德安縣

知縣劉希洛等因眾寡懸殊以致敗績該縣遂

退至西鄉堵截武甯股匪以杜糾合署武甯縣

王宇英等協守縣城連日被賊攻撲均經竭力

抵禦不意土匪乘勢由北門撲入縣城該縣回

救不及臣已嚴檄遊擊鐵林等馳赴武甯會督
進剿並令已革總兵趙如勝酌撥兵勇由義甯
就近策應一面札飭遊擊富克金泰等即移建
昌得勝之師進薄德安復添派兵勇馳往協剿
並令九江鎮總兵佛隆速集弁兵由九江躡賊
之後相機夾擊務期速殄逆氛該地方官防禦
不力咎無可辭相應請

聖旨

二

旨將知縣劉希洛等革職九江鎮總兵佛隆不能力遏
寇氛以至蔓延數縣應請一併革職臣調度無
方並請

飭部議處奏入

上命軍機大臣傳諭陳啟邁曰此次土匪乘勢撲入武
甯縣城建昌雖經退出餘匪仍聚德安該撫現飭遊
擊鐵林等會剿武甯一股並添派兵勇令遊擊富克

金泰移建昌之師進攻德安務即嚴飭各該員弁迅
速相機前進分投夾攻九江為該逆來路所稱速集
弁兵由彼處躡賊之後自是要著果能扼守要口絕
其來蹤截剿自易為力義甯一州緊連楚境即為武
甯前路前派副將羅玉斌所帶官兵能否扼要堵截
自應督飭各員與已革總兵趙如勝合力援剿不得
任令偷安巧避至各處土匪乘機竊發並著陳啟邁

聖旨

三

飭屬認真搜捕佛隆現已革職新授九江鎮總兵居
隆阿到任需時儘委署無人或暫令該革員隨同剿
辦亦無不可但不准率請留營效力為事後開脫地
步

上諭內閣曰賊匪竄至江西之德安等縣地方該署知
縣劉希洛等防禦不力實有應得之咎著德安縣事
即用知縣劉希洛建昌縣知縣景瑞署武甯縣事通

判王宇英均著革職仍責令帶罪自效九江鎮總兵佛隆不能力遏寇氛致賊匪蔓延數縣實屬辜恩溺職佛隆著卽革職陳啟邁疏於防範著交部議處

初二日己琦善奏言查瓜州濱江阻險直對京

口密邇金陵賊舟滿江無從杜其接應臣奉

命節制水師滿擬藉資羣力殄此巨寇無如水師積習

相沿江南廢弛尤甚臣嚴檄戰船上駛屢次遲

欽定剿平粵匪方略卷九十六

四

回罔應五月十九日督令陸路兩岸官兵同時

攻勦西路賊營出數百人拒戰經官兵斃賊匪

百餘名是日水師各船仍未上駛二十二日陸

路各營官兵適由三汊河先抵瓜州東岸出賊

一二百人經副將鞠殿華等擊傷多名該匪遁

入土城堅守不出遊擊馬永泰等由西岸進攻

開放銅礮斃賊二百餘名忽有賊船由鎮江來

接我兵乘勢焚燒賊船二隻其時土城內出賊

接應又經官兵擊斃多名餘匪仍遁入土城現

在四鎮艇船俱寄泊瓜州上游未及東下所有

艇船接仗情形尙未據該鎮等稟報儻能持久

雖鎮江之賊不能扼住而金陵接濟卽可斷絕

臣惟有竭力進攻早圖克復

琦善又奏言臣據報水師各船上駛行過南岸

欽定剿平粵匪方略卷九十六

五

鎮江甘露寺一帶賊營開放大礮有雇募之夾

板船一隻被賊礮引燃延燒火藥船上之人多

有傷亡現該鎮等均已督帶戰船駛至上游或

可藉其堵截金陵接應俾陸軍得以痛勦惟臣

親至水營察看浙師各船駕駛不能得力各色

船隻滿江毫無紀律安能制勝臣膺此重任事

事掣肘仰懇

聖恩鑒 臣心力交瘁非敢藉詞推諉奏入

上命軍機大臣傳諭琦善曰連日官兵攻剿瓜州東西

兩岸賊匪雖擊斃多名仍未能克復豈得謂大挫賊

鋒况夾板船為賊礮轟燒人多傷亡是水師已不免

挫折雖陸路疊有斬擒亦屬得不償失現在艇船俱

寄瓜州上游究竟如何接仗據稱浙師各船駕駛不

能得力且毫無紀律水師疲玩積習最堪痛恨現在

欽定方略卷九十六

六

既歸該大臣節制惟當激勵將弁力圖振作督飭各

船駛赴上游力扼鎮江金陵賊匪接濟之路一面飛

催紅單各船剋期駛入長江與向榮合力攻剿務當

督飭各軍迅圖克復毋再遷延干咎

同日舒倫保桂明奏言 臣桂明統帶陝甘官兵

馳抵應山縣面晤 臣舒倫保探知賊匪從南路

竄出至孝感縣屬之三汊港花園小河溪等處

分股滋擾查小河溪距武勝各關僅百餘里恐

一路北竄一路分抄則南路官兵首尾不能兼

顧恐有腹背受敵之虞 臣等熟商先撥兵五百

名在距小河溪七十里之廣水鎮屯紮 臣等即

於武勝各關擇要嚴守俟賊蹤竄近即行迎頭

兜擊庶可稍遏兇鋒

同日英桂奏言據探由張店退回麻城股匪在

欽定方略卷九十六

七

該縣築立土城並分竄梅家樓地方滋擾現在

麻城之宋埠上中驛等處均有賊數千名 臣查

光山與麻城交界之董范店虎頭關等處偏近

賊氛僅有都司楊鼎金等帶領兵勇分駐要口

實形單薄府尹楊需咨商添調兵勇 臣已於省

城酌派壯勇三百名委弁管帶馳赴光山並飛

飭參將伊里綱阿帶勇五百名由信陽馳往統

歸楊需調遣相機截勦其歸德陳州一帶仍當隨時策應如果皖境邊防緊急臣當馳往督辦英桂又奏言據探湖北德安隨州棗陽襄陽地方俱無賊匪其德安隨州竄出之匪俱歸漢口麻城逆匪竄至商城邊境西界嶺馮店等處盤踞查商城距省遙遠若由省撥兵前往恐緩不濟急當飭派防固始之參將慶瑞帶兵二百餘

欽定剿平粵匪方略卷九十六

八

名並副將慶德等帶兵四百名練勇八百名星馳赴商交楊需調遣徑赴光州督勦儻賊勢猖獗臣即酌帶兵勇馳赴應援均奏入

上命軍機大臣傳諭台湧舒倫保桂明英桂曰湖北逆賊四處滋擾該將軍等即於武勝各關擇要防勦此仍係前數日情形現在賊踞漢陽一帶該督等當統籌全局和衷共濟總以隨勦隨進援應武昌爲要若

株守武勝各關豈不貽誤事機現在楊需帶兵已馳往豫楚交界防堵舒倫保桂明白應迅速進兵並催後路續到之兵趕緊前進與台湧相機進勦不得稍涉遲誤前由張店退回麻城股匪在梅家樓地方滋擾現在麻城並宋埠上中驛等處均有賊匪數千名著英桂飛咨楊需由信陽馳至光州督勦並著台湧等慎遵前旨嚴防該逆乘虛北竄仍隨時知照楊需

欽定剿平粵匪方略卷九十六

九

加意嚴防

初三日庚午僧格林沁西凌阿托明阿奏言連鎮踞逆仍前死拒臣等列隊進攻該逆在賊壘以外復行空濠達洪阿催督兵勇奮力攻撲擊斃甚多詎料左勝忽受槍傷勉強支持整隊而回臣等當飭各營官兵將該逆擊退景州知州李麟遇選帶壯勇來營協勦臣即飭隨同進勦乃

該逆狡悍異常堅壁不出李麟遇督帶壯勇奮力越過賊濠偏至牆邊我兵相繼而進該逆槍礮如雨不能得手斃賊雖衆而勇丁傷亡亦多臣等惟有竭力進攻以期速奏蕩平奏入

上命軍機大臣傳諭僧格林沁西凌阿托明阿曰該大臣統領全軍勦辦此股逆匪惟恃空濠坐困於攻勦事宜毫無把握賊巢何日可以掃除高唐竄匪尙未

聖恩厚澤卷九十六

十

殄滅設此股負隅久拒牽掣我師或紛竄蔓延肆行勾結其患曷可勝言况皖楚賊匪難保不復圖北竄畿輔一日不清大兵卽不能南下朕宵旰焦勞難安寢饋該大臣身受重恩亦當爲朕分憂也副都統松玉日久未見打仗現在何處紮營是否得力著查明具奏

僧格林沁又奏言副都統烏凌額前在阜城大

營頭受槍傷力疾隨營至東光縣調理復患重疾出缺歿於王事深堪悼惜理合奏

閩奏八

上諭內閣曰墨爾根副都統烏凌額在阜城軍營頭受槍傷力疾隨營因病身故殊堪憫惻著照軍營病故例賜卹

初五日 壬申 官文貴陞奏言荆郡爲七省通衢前

聖恩厚澤卷九十六

十一

次面面皆爲賊擾宜昌府潰敗賊匪由西南下竄華容石首監利潛江沔陽等州縣均爲賊匪盤踞而襄河道路復梗臣等疊經分投勦辦刻下漸就肅清宜昌潰敗之賊由臣貴陞督率遊擊王國才等渡江追勦至公安縣鼃空地方遇賊千餘名我兵開放槍礮擊斃數百名餘匪追殺殆盡其水路之賊飛駛遠颺我兵奪獲賊船

二隻殺賊數十名餘俱四散仍留兵設卡虎渡
口一帶以防回竄是上游江面已清楚蜀要道
不至梗塞監利縣城經守備福興等克復而所
轄之下車灣朱家河等處賊巢復經守備宗維
清等帶兵勦辦將賊卡概行拆毀餘匪逃入沔
陽州屬境是監利賊已敗遁可無上竄之虞復
令鹽運司經歷吳振鏞等管帶兵勇折回監利
會合守備宗維清等由洪湖沔陽新隄一路相
機隨進隨勦赴省應援惟沔陽州城及所屬之
府場洪湖隄猶爲賊踞且省城待援甚切必應
通盤籌辦隨添派佐領錫齡阿等統帶官兵三
百名會合參將佟攀梅等進攻府場以期撲滅
淨盡其襄河一帶現有四川松建二鎮漢屯官
兵二千餘名先後抵荆已飭令原帶之總兵雙

保福斫剋日起程由丁角驛前進收復潛江後
再渡襄河由天門仙桃鎮岳家口麥芒嘴行走
遇賊卽勦直趨漢川漢陽過江到省聽候調派
至石首華容等縣經吳振鏞等統帶兵勇先後
克復刻下荊州所屬七邑安靜如常臣等酌撤
防兵以節糜費專派官兵一百餘員名在沿隄
一帶查拏奸細保護江隄以期有備無患奏入

上是之

初七日甲戌青廉奏言刻下省垣危急全望援兵
早到腹背夾攻庶可藉解省嚴聞督臣台湧前
往德安駐紮決意不來省會西安將軍舒倫保
固原提督桂明於五月初十前後進紮應山均
無拔營來省之信鷓鴣洲逆匪屢來攻撲晝夜
不休且聞上游湖南之匪下游江皖之匪因被

勦敗亦續來漢鎮省中前雖處處受困而東門
尚有路可通今該逆復於距省上六十里之金
口下七十餘里之白湖鎮正東六十里之豹子
澗分布屯踞多則七八千人少亦三四千人直
欲四面偏圍省城情形日危一日乃督臣於應
山賊退後遷延月餘坐視不救疊經臣函咨隻
字不覆昨據探報德安雲夢黃陂一帶俱已肅
清該督之意自以嚴防北竄爲詞不知德安勢
緩省垣勢急該督身任兼圻何竟將根本重地
漠不相關惟有懇

聖朝集略卷之六

十四

聖朝集略卷之六

十五

恩飭催舒倫保桂明等星夜赴省速救危城奏入
上命軍機大臣傳諭青磨曰逆匪屢敢窺伺武昌皆恃
漢鎮爲老巢台湧等兵旣未能直達漢江青磨亦專
守省垣致令賊衆得由鸚鵡洲一帶屢圖攻撲前有

旨令舒倫保桂明由應山遣發諒該將軍等即可與
台湧先後進兵應援武昌本日復降旨催令督兵前
進惟賊蹤靡定江北之兵利在速勦須嚴防賊匪北
竄武昌勢固危急亦須兼籌全局豈可專恃外援諉
罪他人青磨仍當激勵將士以勦爲守或扼截該逆
登岸之路或於沿江上下時出奇兵明攻暗擊不可
稍有疏懈青磨與台湧均職任疆圻並當和衷籌辦
不得各懷意見致誤軍情

上又命軍機大臣傳諭台湧曰前於五月初八日卽據
台湧奏稱馳赴德安相機進攻漢陽自應與舒倫保
桂明趕緊督兵前進迅圖攻勦何以又隔多日未見
將攻賊情形馳奏此時舒倫保桂明先後趕到雲夢
應山等處亦漸次肅清正當嚴飭官兵會合前進急
攻漢陽漢口以爲武昌應援刻下省城危急儘稍有

疏虞該督貽誤之罪豈能末減著卽與舒倫保桂明
迅速進兵攻克漢陽爲救援武昌之計台湧與舒倫
保桂明係共辦一事嗣後務與會銜奏事總期同心
協力肅清江漢儻仍藉詞延宕致有疏失朕惟執法
從事決不姑寬

同日和春福濟奏言自逆匪竄踞廬州府城疊
經官軍攻勦勢極窮蹙臣等派令江忠濬等帶

欽定剿平粵匪方略卷九十六

未

領兵勇三千名赴得勝門一帶紮營進逼賊巢
以便合圍五月十七日後復派兵分攻各門四
面圍勦臣和春居中調度臣福濟在後接應同
時進攻該逆於南門突出賊匪二三千人分路
來撲鄭魁士等分投迎勦先後擊斃騎馬黃衣
賊二名餘賊敗退入城閉門不出得勝門亦突
出賊匪一二千名經江忠濬等督勇攻勦斃賊

無數該逆退走音德布等由水西門趕至合力
追擊逆匪奔敗入城約斃賊匪二三百名連日
更番環攻逆匪堅伏如故二十二日逆匪由南
門突出二千餘人鄭魁士等揮兵迎擊開放大
礮逆匪紛紛倒地並擊斃執令騎馬賊一名餘
賊敗退入城同時得勝門外賊營並大西門各
突出賊匪七八百人經江忠濬等迎擊斃賊二

欽定剿平粵匪方略卷九十六

七

百餘名二十三等日飭令兵勇更番環擊逆
匪突出千餘人迎拒兵勇擊斃無算二十五日
五鼓鄭魁士等潛赴南門遇匪千餘名往南行
走正追逐間南門又突出賊匪二三千人適嵩
瑞等趕至一齊追殺逆匪敗退入城仍前堅伏
先後約斃賊匪五六百名生擒十一名收隊時
北門復突出賊匪二千餘人經玉崑等飭令官

兵擊斃無數該逆退回城內是日酉刻得勝門有逆匪坐轎帶賊數百人出城似欲窺探廣楚各勇營盤經江忠濬等督隊攻擊斃賊數十名臣等即傳令各營連日將大礮運至城邊晝夜轟擊時聞人聲鼎沸其為驚怯無疑祇以城大而堅急切未能得手臣等惟有設法攻取迅圖克復

聖朝聖略卷九十六

十六

和春福濟又奏言據署太平府知府李三捷等稟稱四月十八日晚間有賊船多隻泊城外金柱關口上岸燒燬民房當督兵勇堵剿賊即乘船逃去城內驚惶居民星散該署守等正在設備該逆於二十八日復乘船駛進金柱關經署當塗縣知縣王乃晉等帶兵迎擊槍斃賊目數人該逆另股由大信關河口登岸直撲南門該

署守等集團環攻兵勇勢不能支紛紛逃走學臣孫銘恩於賊匪入城時身穿公服在大堂罵賊被賊網縛該家丁等亦被戮傷逃避臣等查太平府城失守雖旋即克復而該署守等果能先事籌防何致遽被闖入相應請

旨將署太平府知府同知李三捷署當塗縣知縣府經歷王乃晉一併先行革職仍留署任學臣孫銘

聖朝聖略卷九十六

十九

恩究係如何殉難容臣等查明請卹和春福濟又奏言臣等查廬州北路官兵節次剿賊尚屬奮勇惟西路官兵數月以來大捷甚少總緣兵力輒弱帶兵大員珠克登等駕馭不得其宜又巢湖一帶為該逆往來之路前派兵勇二千餘名委副都統忠泰帶往剿辦乃時逾兩旬所報接仗獲勝情形諸多捏飾相應請

肅西甯鎮總兵珠克登陝安鎮總兵楊青鶴副都統忠泰先行交部議處仍令督兵上緊攻勦迅圖克復

和春福濟又奏言署壽春鎮總兵全玉貴前由金陵來廬先後招募費勇八百名派已革都司吳錫光隨同管帶忽於五月十七日據吳錫光面稟奉江西巡撫陳啟邁札飭帶勇前往臣等

聖朝軍略卷九十六

三

以廬城攻勦喫緊不准前去詎該革員向各勇揚言江西餉足賞優以致軍心搖動將費勇八百名全行帶走並帶去川勇數百名狡詐營私殊出情理之外相應請

飭令陳啟邁另揀委員專司募帶各勇不得容留吳錫光以懲抗玩奏入

命軍機大臣傳諭和春福濟曰我兵攻勦廬州逆匪

雖屢獲勝仗而郡城總未克復和春等辦理此股賊匪已逾半年何尙毫無把握據奏賊衆千餘向南行走恐竄出之賊尙不止此數儻該逆大股潛遁又擾他處而以零星賊匪牽綴我師即使收復空城於事何益和春節制全軍福濟職任封疆均屬責無旁貸總當設法進攻及早克復已革守備吳錫光竟敢造言煽惑私行帶去各勇一千餘名和春於此等抗違

聖朝軍略卷九十六

三

不法之員僅請飭令陳啟邁不得容留並未嚴叅治罪無怪將士不能用命著和春迅將吳錫光截回廬州卽在軍前正法總兵珠克登楊青鶴未能奮勇副都統忠泰捏報勝仗僅請議處不足蔽辜已降旨將該員等暫行革職帶罪自效和春係朕特派督兵大員各路鎮將均歸統率何以珠克登等帶兵不能奮勇直至接奉硃批後始行奏奏似此瞻徇何以統率

將士福濟自到軍營屢次奏報不過後路接應亦未見運籌決策擁兵糜餉日久無功豈謂朕不能執法從事耶失守太平府城之署知府同知李三捷署當塗縣知縣府經歷王乃晉著一併先行革職仍留署任學政孫銘恩殉難情形著查明具奏

上諭內閣曰賊踞廬州西路官兵數月以來大捷甚少並巢湖一帶派撥兵勇二千餘名勦辦亦屬遷延帶

聖學集略卷九十六

三

兵各員統率無方亟宜嚴行懲辦甘肅西甯鎮總兵珠克登陝西陝安鎮總兵楊青鶴副都統忠泰均著暫行革職留營效力

初九日 丙子 青麐奏言查漢陽賊船直撲塘角經

我軍擊沈七隻轟斃逆匪三十餘名小河口復出賊船一百三十餘隻上撲紅廟磯我軍擊沈數隻連日該匪於小河口東門浦鷓鴣洲三處

各出船十餘隻在江游蕩經我軍先後擊退本

月十九日逆船千餘隻由下游梁子湖竄至豹

子解臣與已革總兵楊昌泗密派兵勇四千名

分路往勦該逆聞風即遁是日江上有逆船百

餘隻由金口直下欲撲省垣經兵勇擊沈二十

餘隻轟斃賊匪百餘名二十一日鷓鴣洲至三

家店共出賊船數十隻分撲省城經平湖漢陽

聖學集略卷九十六

三

兩門大礮擊沈十二隻次日小河口鷓鴣洲各

出賊船二百餘隻至塘角下十餘里登岸放火

楊昌泗親帶兵勇往勦共殺斃六十餘名溺斃

二三百名又江中逆船與我軍礮船鏖戰四時

之久擊沈逆船九隻並斃執旗賊目三名漢陽

門大礮將其對岸晴川閣礮臺轟倒壓斃逆匪

多名五月以來疊次獲勝情形雖大小不同而

軍威尙未稍挫惟有激勵兵勇設法痛勦以期
力保危城奏入報

聞

初十日丁丑勝保德勒克色楞善祿奏言臣等所
造呂公車已成四架卽擬進攻適值連日大雨
高唐地本窪下泥淖數尺呂公車重笨難挽該
匪每夜潛出數百人來撲馬隊官兵迫我兵知

欽定剿平粵匪方略卷九十六

十四

覺賊已突入營總托克通阿揮兵力戰身中矛
傷登時陣亡適臣接應之兵趕到將賊擊退回
巢該逆復潛出撲正北礮臺侍衛恭鈺猝不及
防手刃二賊身已受傷數處傷重陣亡賊遂暗
撲礮臺俱被我兵擊退回巢復於次夜撲南面
西面蒙古馬隊我兵開放連環槍礮將賊擊回
兵丁傷亡數十名六月初一日臣激勵兵勇四

面齊進崇恩攻其西面德勒克色楞善祿攻其

西南東南兩面臣親督各官兵攻其東北西北

正北面賊見我兵逼近於城上開放槍礮我軍

進攻兩時之久陣亡三十餘名受傷一百六十

餘名候補把總葛太平鼓勇向前甫欲登梯頭

中槍傷登時陣亡楚勇黃開榜率眾登梯連傷

十八人未能得手伏思攻城之時奮勇者自必

欽定剿平粵匪方略卷九十六

十五

當先而傷亡實多殊覺可惜臣身爲統帥不能
迅除寇孽固難辭咎然不能愛惜人材以致徒
傷精銳負罪尤深初三初四等日復分兵攻東
西兩關用大礮轟擊城樓屋瓦俱飛因連日陰
雨收隊現存城之賊數不盈千然皆楚粵真賊
兇狡異常欲竄不能負隅死守一俟天氣晴明
三五日內仍極力設法攻取現飭購辦布袋數

千屆時囊土填濠以便呂公車過濠直抵城下
攻勦庶可得手吉林營總托克通阿等臨陣捐
軀應請

飭部照例議卹奏八

上命軍機大臣傳諭勝保德勒克色楞善祿曰逆匪每
夜潛出數百人暗撲我軍顯係被圍情急意欲乘間
免脫雖經我兵隨時擊退未容竄逸而該逆負隅死

聖朝方略卷九十六

三

守殄滅無期若再遷延時日坐待逆匪潰圍而出該
大臣何顏對朕據稱現存之賊數不盈千我兵馬步
三四千名似已足敷圍勦該逆雖兇狡異常何至屢
次暗撲我兵毫無知覺竟至官弁陣亡多名該大臣
所謂布置者亦不過徒託空言希圖塞責耳營中精
銳之材固應愛惜亦豈得藉口耽延該大臣勦辦此
股敗竄餘匪既未能克復孤城又於賊匪潛撲我營

不能先時設備似此曠日持久何時始克奏功著勝
保嚴飭各營將弁一面迅速進攻一面嚴防賊匪竄
逸之路務須相度地勢設伏以待斷不可任令賊匪
乘虛逃竄陣亡之吉林營總托克通阿二等侍衛恭
鈺候補把總葛太平均著交部照例議卹

聖朝方略卷九十六

三

同日琦善奏言據已革總兵葉常春等稟稱五
月二十二日水師各船上駛派令副將張攀龍
帶領快槳船爲頭隊葉常春等各駕師船爲二
隊其餘廣局浙艇爲三隊相繼而進行至七號
口以上見有鐵練橫亘江面張攀龍督率兵勇
上前撈斫賊匪分路來攻兩岸賊隄連施大礮
張攀龍率師奮擊葉常春等亦分隊進攻擊沈
賊船數隻並將鐵練斫斷我師上駛陳世忠周
士法帶領三隊師船由北固山甘露寺一帶攻

勦燒燬鎮江大馬頭瞭望屋一座南岸賊船十餘隻亦經擊毀並擊毀北岸礮隄一座進偏金山擊倒執紅旗賊匪多名適江風大作該總兵等仍乘風進攻瓜州照準賊營連發巨礮於未刻駛至瓜州以上江面等情臣於二十五日督令陸路官兵進攻遊擊馬永泰等由西岸行至四里鋪迤南賊匪突出千餘人分股來撲官兵迎勦斃賊百餘復以銳卒直擣賊卡伏賊盡出復經擊斃數十名當卽焚燒賊卡並焚其積聚之米麥柴草毀其濠外之牆垣該逆復蠡擁前來經守備梁愷等協力攻勦殲斃數十名餘匪驚竄我兵追至江汊渡口未及過橋之賊全行溺斃遊擊張維義等由高橋等處四路勦捕繞至江邊焚燒供運賊糧之小村數處二十八日

欽定剿平粵匪方略卷九十六

天

欽定剿平粵匪方略卷九十六

天

有賊船三十餘隻自金陵駛下我軍俟其駛近卽起碇圍攻奮勇進擊覆其大賊船六隻淹斃賊匪無數並奪獲賊船十一隻餘船乘風下駛陳世忠李德麟在上游尾追葉常春周士法在下游迎擊又獲賊船六隻臣卽飭陸路官兵復攻瓜州副將鞠殿華等由東路進攻該逆以數千人拒戰經官兵擊退伏匿之賊又經官兵擊斃數百名餘俱遁入土城惟江面遼闊各師船須分泊南北岸方可截勦但恐船分單薄因飛咨向榮飭南岸官兵於陸路接應並飛飭六合儀徵等處一律防範與水師互爲應援此時專盼粵中紅單船前來助勦一俟駛入長江卽當嚴催上駛與艇船會勦瓜州賊援旣絕卽不難迅圖克復奏入

上命軍機大臣傳諭琦善向榮曰賊船占踞江面必須水師衝擊斷賊南北往來之路勦辦方能得手現在水師連次獲勝可見各路師船如果調度有方尙屬可用江面遼闊師船已提至瓜州以上分泊南北兩岸惟有扼要布置自能以少勝多賊船屢次由金陵下駛向榮株守城外卽不能迅復堅城亦當於陸路接應扼賊分竄向榮與琦善共辦一事若先將瓜州

聖朝聖略卷九十六

三

賊匪殄除卽可次第進勦會同克復鎮江金陵著該大臣等於南北兩岸嚴飭帶兵各員於陸路要隘併力截勦與水師互爲援應毋得稍失事機紅單船於四月杪已由廈門起碇何以至今未到卽著飛催迎提並查明統帶各員在何處耽延從嚴叅辦

上諭內閣曰此次揚州水陸各軍連日進勦屢獲勝仗而水師尤爲出力已革總兵葉常春陳世忠署總兵

已革副將李德麟護總兵已革遊擊周士法署副將已革遊擊張攀龍尙知愧奮著一併開復原官

十一日 戊寅 英桂奏言湖北麻城賊匪約五六百

名竄至商城之西界嶺馮店等處盤踞經知縣劉宗岱集勇會同紳弁馳勦該匪聞風退竄該縣跟蹤緊追擊斃賊匪數十名餘俱竄回麻城商城現已安靜光山之新店一帶又有逆匪竄

聖朝聖略卷九十六

三

擾經知州趙登峻等分路擊勦該匪抵拒兵勇點放擡礮轟斃三十餘人又殺手執紅旗賊目一名紅巾賊二十餘名餘匪均各逃回麻城所屬之宋埠 臣仍嚴飭各州縣照舊團練並飭帶兵各官扼要防守以杜北竄奏入報

問

十三日 庚辰 台湧奏言 臣進紮德安後派署安陸

縣知縣楊大齡等會帶兵壯民團搜捕餘匪並令佈克慎等馳赴應城攻勦該逆約三四百人出城抗拒我兵擊斃多名逆眾敗逃追至西門外河岸擊沈逆船九隻餘匪淹斃殆盡當將城池收復卽留董玉龍等在城彈壓旋探知天門縣屬與應城交界之阜市一帶帶賊約二千餘人盤踞該處水路下達涓口陸路可至應城抄

聖朝方略卷九十六

三

我進兵後路現派佈克慎帶兵勦辦一俟此股殄滅仍令馳赴應城以便由長江埠下游渡湖直出涓口相機進攻兩漢孝感縣自練勇潰散縣城失守至今尙爲賊踞該縣水陸與楊店偏近臣已咨催舒倫保迅將已到綠營官兵星馳前來德安其滿營馬隊官兵卽由孝感縣屬之小河驛直達楊店雙廟進勦藉扼黃州北來陸

路並咨令桂明督飭所統陝甘官兵一千八百餘員名迅趨黃陂縣屬之涓口與舒倫保會商步步相機進攻

台湧又奏言查固原提督桂明行抵應山後臣卽函咨頻催始則覆稱應山喫重舒倫保留其幫同堵勦繼則咨稱乘馬跌傷駭勝應請寬限趕緊調治迨桂明來至德安臣察無病容詢其

聖朝方略卷九十六

三

駭勝亦無擦傷情形西安將軍舒倫保年逾七旬步履蹇澀乘馬頗難當茲軍情萬緊官兵分路進勦非各有統兵大員幫同督勦難以得手不得不據實密陳奏入

上命軍機大臣傳諭台湧曰應城旣經收復德安等處餘匪漸就肅清阜市一帶尙有賊眾盤踞台湧現派佈克慎帶兵馳往勦辦不難迅就殄滅此時黃州漢

鎮大股負固如常兼以楚南逆蹤全行下竄皖江潰敗之匪紛紛駛入上游武昌待援情形何等緊要儻以援兵未到致有疏虞台湧豈能置身事外著該督迅籌進攻之策一面嚴飭佈克慎速將阜市一股滅盡以爲前路之導一面統兵前進探賊所向奮力殲除總期與省城聲勢聯屬庶可爲會合夾攻之計桂明現已行抵德安其所帶官兵皆係勁旅或令該提

欽定四庫全書

書

督全數帶同進剿或應留若干扼要設防均由台湧酌量調度桂明如不得力卽著隨時叅奏舒倫保旣屬不能助剿著卽傳知來京陛見所有原帶之已到官兵卽歸台湧統帶其未到之後起各隊仍著檄提來營以資攻剿

同日駱秉章奏言逆賊竄踞湘潭經水陸兵勇痛加剿洗零匪四竄臣飭衡山等各州縣先後

截擒潰匪各百餘名維時靖港賊船因逆賊連日大敗兇渠授首賊黨乘風下駛比塔齊布等水陸兵勇回軍長沙該逆已由灣河蘆林潭一帶揚帆下竄經過湘陰岳州等處因舵工水手逃散遺棄船隻頗多其由醴陵水路逸出餘匪探由江西萍鄉萬載新昌等縣轉至湖北邊界會合通城賊匪希圖乘間南犯臣飭知縣陳鑑

欽定四庫全書

書

源等各帶兵勇相機進剿該逆首隊已至上塔市知州林源恩督率勇丁暗抄其後各勇直前衝殺斃賊九十餘生擒賊匪沈連升等五名官軍卽移營進紮通城九嶺地方該逆分三路來撲各路約千餘人官軍亦分路迎敵向前衝殺轟斃紅巾賊匪數十名匪衆敗潰楚勇乘勝掩殺賊復分踞山頂楚勇亦分路搶上山梁兩

路斃賊數十名生擒六名賊匪奔潰五月初四

日該匪復分三股由間道抄襲官軍後路經訓

導江忠淑等分投迎擊大獲勝仗斃賊數百生

擒數十名賊匪敗退臣據探報有崇通賊匪邀

約蒲圻之賊相助事復添調守備蔣大勝管

帶楚勇六百四十名馳赴平江北界協剿復面

商署提臣塔齊布督領兵勇即日馳赴岳州相

欽定剿平粵匪方略卷九十六

三

機防勦奏八

上諭內閣曰此次湖南官軍疊勦竄匪大獲勝仗崇通

賊匪業已大受懲創其湖南之賊兇渠多已授

首敗殘餘匪經各州縣兵勇團眾協力截勦湖南近

省地方一律肅清著塔齊布等督領兵勇乘勝追殺

馳赴岳州相機攻勦出力各員弁兵勇著該撫彙案

酌保

欽定剿平粵匪方略卷九十七 甲寅年

六月十四日 辛巳 琦善奏言據水師總兵葉常春

等稟稱六月初二日黎明賊舟百餘連檣東下

經署副將張攀龍帶領快棹船迎擊沈燬賊船

十餘隻溺斃賊匪無數賊眾披靡各艇連環進

攻四時之久又沈燬賊船五十餘隻奪獲三十

九隻生擒賊匪十數名起獲大礮二十五尊遊

欽定剿平粵匪方略卷九十七

一

擊照信等分督兵勇馳赴江干助勦總兵李志

和等分帶官兵齊至四源溝沙漫洲一帶堵禦

望見賊船百餘銜尾而至經艇師截擊賊遂敗

退艇師乘勢力追奪獲大小賊船七隻賊匪處

水上岸復經兵勇四面斫殺殲斃黃紅巾賊各

十餘名次日卯刻復有賊船百餘隻自金陵觀

音門往儀徵沙漫洲經艇船攔擊四窺南岸賊

船最多擊燒殆盡其竄至北岸者亦經水師與儀徵水勇擊沈多船並有竄至六合交界青山江面者經知縣溫紹原派兵迎剿斃賊多名惟鎮江與瓜州切近江心又有金山賊營對設大礮聯成一氣聲息相通戰艦縱多亦難扼斷現值江水漲發瓜州賊濠三道引江灌注倍常寬深臣連督陸路官兵進攻東岸之賊一見官兵即閉壘施礮西岸之賊阻水為固均不出戰稍近賊濠礮子雨至現值狂風積潦未易得手惟有設法繞越相機攻剿

琦善又奏言據擊獲之偽總制劉玉山供稱此次金陵賊船共有一百十四隻賊匪共一千四百五十名有偽檢點曾姓等統率不知其名又供賊渠楊秀青聞北路賊匪被圍欲派大股賊匪

聖學聖方略卷十七

二

前往接應偽丞相獻計以安徽道路紆遠浦口有官兵阻擋不如從揚州清江北竄查浦口直對金陵寬平無阻揚州近接清江係驛站大道尤為賊匪所注意臣視師邗江方愧瓜州未復逋寇稽誅何敢稍有疏虞使賊得以竄越奏入

上命軍機大臣傳諭琦善曰揚州水軍溯流迎剿兩路追截賊船不能下竄六合儀徵一帶官軍亦各有拏斬軍聲大振即可水陸夾擊杜絕接濟以孤瓜州賊勢琦善因瓜州與鎮江密邇中有金山賊壘與為犄角恐官軍戰艦難於扼斷尙屬實情然水師既能得手亦須由陸路設法直抵瓜州土城方為勝算若如所奏情形仍以閉營阻水為詞當此夏令盛行積潦狂風江鄉常事豈能待水退泥乾方作破巢之舉著即迅速進剿克復瓜州勿再延緩逆首楊秀青因浦

聖學聖方略卷十七

三

一第... 下... 頁... 〇... 頁...

口有兵阻攔安徽道路紆遠欲徑走揚州直奔清江
琦善果能迅克瓜州則該逆寒心褫魄必不敢覬覦
揚郡若但株守邗江不復再謀進取使賊衆輕視我
軍卽連鎮高唐一律肅清亦恐另圖滋擾琦善節制
水陸各軍何至瓜州一股束手若此舟師鎮將葉常
春等前已開復原官此次復能打仗出力著傳旨嘉
獎

欽定剿平粵匪方略卷九十七

四

上又命軍機大臣傳諭僧格林沁曰前據僧格林沁奏
連日大雨進剿仍未得手當經諭令趕緊進攻數日
以來未見續報逆匪旣分竄高唐則連鎮之賊其勢
已孤該大臣於攻剿事宜何以尙無把握本日據琦
善奏稱拏獲僞總制劉玉山供稱逆首楊秀青聞北
路賊匪被圍欲派大股黨與從揚州清江北竄現在
琦善大兵駐紮揚州自可隨時堵禦惟北匪一日不

除設南匪又從間道北竄其事更不可開總之連鎮
逆匪若能及早殄除不但該逆不敢窺伺河北大兵
且可乘勢南下皖楚之匪亦可次第掃除若以殘敗
餘匪牽掣大兵曠日持久深恐別滋他變該大臣亦
當籌慮及此著卽督飭進攻毋再遷延

欽定剿平粵匪方略卷九十七

五

上又命軍機大臣傳諭勝保曰據琦善奏稱拏獲僞總
制劉玉山供稱逆首楊秀青欲派大股賊匪由揚州
清江北竄應援琦善駐紮揚州自可隨時堵剿設或
大股復來剿洗更屬不易高唐逆匪不足千人該大
臣督兵攻剿日久無功恐南賊聞之有輕量我軍之
心勢必乘虛北竄更肆猖獗著勝保等督飭將弁迅
將高唐州城克復此股旣平卽可與僧格林沁合力
剿辦連鎮逆匪旣可肅清畿輔兼可爲南下之舉
同日都察院左副都御史袁甲三奏言臣查六

安係由皖入楚入豫捷徑自被賊古踞廬賊之接濟恃此南賊之北竄亦恃此聞該州紳民有集團攻城之說臣卽酌派將弁統兵前往會勦乃官兵未到該署牧茅念劬已督率紳士義勇攻復州城殺賊甚多該紳民同激義憤建此大功實爲軍興以來第一快事現聞舒邑團練攻城未克六安紳民卞如舒等復率領千餘人自

勦平粵匪方略卷九十七

六

備糧餉往舒助攻該署州亦擬親督大隊前往合肥紳民亦有集眾助勦廬賊之說應請

旨飭令福濟查明捐糧督勇實在出力者共有幾人優敘官職復

特予

恩詔酌免糧賦二三年並酌廣學額數名斯

曠典同邀鼓舞尤廣至現任六安營參將慶齡守備王

連陞把總陳法魁聞於城陷後逃至山中該紳民糾約義旅患無統領該參將等伏而不出置若罔聞應請

旨交福濟查明分別治罪至賊陷舒城時聞六安有劣紳孔廣春等串通城關紳民豫輦財物迎賊該劣紳等家擁厚貲轉齎盜糧實屬法所難容應一併請

勦平粵匪方略卷九十七

七

旨交福濟查明該劣紳等家產先行入官以備公用並訊明餽賊後有無甘心從賊情事分別治罪其前任六安州知州宋培之城陷時如何下落此次克復後曾否見有蹤跡吏目梁繪事巡檢俞元齡鍾恕有無逃避情事此次督勇攻勦共成義舉是否功過足抵並請

飭令福濟查明具奏奏入

上命軍機大臣傳諭和春福濟曰據袁甲三奏此次六安州紳民攻復州城舒城圍練攻城未克六安紳民卞如舒等復率領千人自備糧餉往舒助勦合肥紳民亦有糾衆助勦廬賊之說請卽立與恩施等語著和春福濟確切查明據實具奏其六安營參將慶齡守備王連陞把總陳法魁於城陷後逃至山中伏匿前六安州宋培之有無下落著一併查明分別懲處

欽定剿平粵匪方略卷九十七

八

六安劣紳孔廣春等豫輦財物齎送逆賊小民食毛踐土尙當義切同仇况身列搢紳乃敢迎賊送糧情同叛逆如果查明屬實著卽將家產查抄入官並查明有無甘心從逆情事分別治罪吏目梁繪事等有無逃避情事此次督勇攻勦著有微勞是否功過尙足相抵並著查明具奏

十五日 壬午 僧格林沁西凌阿托明阿奏言自六

月以來陰雨決旬逆匪益聚高阜我兵紮營河次地處低窪該逆死拒不出難保不另生詭謀臣因咨山東撫臣派員將連鎮上游四女寺引河挑濬以期宣洩一面沿濠修築套隄藉資浸灌東光閩屬紳民甚形踴躍復札飭吳橋縣一律舉行臣仍督飭各營兵丁幫同修築俟興築稍有規模體察情形如可以水爲兵立即設法

欽定剿平粵匪方略卷九十七

九

浸灌仍當趕緊另籌攻勦之法斷不敢以開挖套隄爲詞意存耽延奏八

上諭曰以水爲圍專爲杜其逃竄不能制其死命現惟利在速戰惟恐其不出何反使之不出耶徒勞無益曷若趕緊進攻較有把握沿濠築隄朕謂適啟其詭謀汝出師半載有餘未能殲茲小醜屢次請罪朕皆寬宥若如是耽延畏葸軍法豈能倖逃愾之

十六日癸未台湧奏言據都司葛以敦面稟六月

初二日午刻賊由青山一帶分股撲至武昌城

外之塘角洪山等處營盤兵勇敗潰營被焚燒

青麀派官兵千餘名出城抵禦令該都司持令

前往督催甫經接仗突見城中數處火起城上

賊旗分布漢陽漢口賊船亦紛紛渡江圍撲官

兵四面受敵勢不能支賊遂由大東門入城該

聖事略卷九十七

十

官兵等奔至平湖門外聞崇綸青麀及在城文

武大小各員半已絕城得脫省城失守實緣城

中奸匪內應所致伏思省城既失賊勢愈形披

猖江北一帶本為該匪分股牽掣臣所統官兵

僅二千餘員名難以制勝仰懇

天恩加派得力統兵大員迅速督率北路步隊星馳來

楚會合剿辦臣飛咨英桂楊需督兵嚴防豫遏

北竄之路臣咎有難辭應請

旨治罪其崇綸青麀及在城文武大小各員下落容俟

確查另行奏辦奏入

上命軍機大臣傳諭楊需曰台湧頓兵江北屢次諭令

進攻漢陽如果迅速前進即未能直達武昌亦何至

省城倉卒失陷此時武昌之賊跨江分踞又有黃州

之賊為之犄角其勢愈覺披猖楊需現授巡撫武勝

聖事略卷九十七

十一

關防守事宜已諭令英桂趕緊出省督辦所有河南

防兵即留該處交英桂擇要布置舒倫保先到之滿

漢兵已由小河驛進抵楊店台湧所帶之兵加以舒

倫保後起未到之兵數已不少即著楊需全行統帶

迅速進攻阜市盤踞之賊為數無多佈克慎著即隨

該撫前往武昌其阜市一帶即交桂明剿辦武昌在

城兵勇原不下萬人如尚可收用亟應妥為招集內

有魁玉所帶荊州駐防兵紮營洪山此次逆賊係由
洪山直入大東門該副都統作何下落台湧摺內亦
未敘及著與青磨等下落一併詳查具奏武昌爲省
垣重地固宜迅圖克復而漢陽賊黨亦須防其比竄
楊需攝任兼圻應如何設法兼顧相機進剿之處迅
速馳奏

上又命軍機大臣傳諭官文曰武昌既失賊勢愈形猖

欽定剿平粵匪方略卷九十七

十三

獮非厚集官兵難期收復前調四川松潘建昌兩鎮
官兵先後抵荆已由官文飭由漢陽過江赴省著卽
嚴飭雙保福忻統帶官兵星夜前進聽候楊需調撥
此外有無可調將領並著官文酌量派往

上又命軍機大臣傳諭塔齊布曾國藩曰武昌一郡關

繫東南數省大局該逆遽於初二日擁船渡江分股
攻撲省城竟致失守此時若不亟籌攻克必致日肆

臨張楊需在信陽一帶防堵豫楚要隘本日已諭令
迅卽起程南下將台湧所領各軍全數統帶速籌剿
辦目下皖省賊匪紛紛上竄楚南逆蹤全行下駛尤
非上下游會合夾擊不能圖功曾國藩添募兵勇修
造戰船六月初卽可集事塔齊布先已馳赴岳州著
卽督帶水陸各軍乘勢東趨或合力進攻或分投截
擊總須隨剿隨進直達武昌迅復堅城官文等派赴

欽定剿平粵匪方略卷九十七

十三

下游助剿之四川官兵由襄河一路前往並著塔齊
布曾國藩互爲知照以期聯絡聲勢一面隨時照會
駱秉章在楚鄂交界處所妥籌防堵毋稍疏懈

上又命軍機大臣傳諭英桂曰武昌於六月初二日被

賊攻陷已有旨授楊需爲湖北巡撫兼署湖廣總督
楊需現在光山商城各縣堵剿賊匪接到此旨自應
卽日起程赴楚惟前因麻城之賊已赴武昌該處邊

防稍鬆議將兵勇酌撤現在武昌已失賊勢大熾難保不復圖北竄是豫省南境萬分喫緊著英桂卽行出省馳赴信陽一帶往來調度其黃土平靖武勝各關布置是否嚴密光山商城等處應否添兵扼守均著統籌全局迅速由驛馳奏毋得株守一隅坐視貽誤

上諭內閣曰武昌待援孔亟節經諭令台湧進兵策應

聖朝聖略卷九十七

十四

乃遷延日久尙在德安茲據奏稱六月初二日賊由青山一帶分撲塘角洪山等處營盤兵勇潰敗省城遽爾失守覽奏曷勝憤懣台湧職任兼圻毫無布置前次暫予革職尙望其自贖愆尤乃一味因循貽誤大局實堪痛恨台湧著卽革職交楊需差遣委用並著楊需馳驛速赴新任統帶各路官兵迅籌勦辦務將省城趕緊克復以次掃除各屬賊匪毋令日久占

踞武昌城內文武各員下落卽著查明具奏

十七日 甲申

上命軍機大臣傳諭略秉章曰武昌省垣失守賊匪跨江拒守其勢益張昨已諭令塔齊布曾國藩速卽統領全軍星馳進剿以期直達武昌克復城池諒必遵旨迅速前進需用兵餉著卽飭委賢員妥籌應付台湧業經革職已授楊需爲湖北巡撫兼署湖廣總督

聖朝聖略卷九十七

十五

卽日由河南馳赴湖北統兵前進惟自北而南中隔漢陽江面尙須繞道方抵武昌不若湖南兵勇可以直達故此時湖南救援尤爲切近著該撫一面飛咨塔齊布曾國藩速帶兵船東下一面再行酌調官兵以資策應與楊需等兩路夾攻以期迅掃逆氛

二十日 丁亥 僧格林沁奏言 臣統籌全局南匪不

靖須防其續向北竄儻有警報自當分兵截剿

然尙須添調勁旅以厚兵力擬請

飭調察哈爾馬隊二千名綏遠城馬隊一千名哲里木盟昭烏達盟卓索圖盟馬隊各一千名均由本盟備兵札薩克統帶配齊軍械在各本處聽候調遣並請

飭下工部置備應用鍋帳其察哈爾捐輸駝馬一併就近牧放備調似於軍務有裨至連鎮逆匪負固

欽定剿平粵匪方略卷九十七

十六

死拒臣萬不得已空築重隄以水爲兵另籌攻勦之法現在連夜修築月內可以竣工臣擬俟工竣用水浸灌相機攻勦奏入

上諭曰巡防王大臣密議速奏該大臣所調之兵有不能敷再調者亦有難期得力者可斟酌妥籌

同日官文貴陞奏言臣等接據探報知武昌失陷根本重地亟宜速籌攻勦惟荆屬雖就肅清

而沔陽天門以下尙未疏通省城旣失荆郡尤須加意嚴防以杜上竄之路兵勇本屬無多防勦轉須並重督臣台湧尙駐德安已飛咨會商攻勦之策懇請

飭下四川督臣籌撥餉銀來楚以資接濟

官文貴陞又奏言臣等據總兵雙保稟稱該鎮統帶漢屯官兵由了角驛前進行至潛江之廖

欽定剿平粵匪方略卷九十七

十七

家橋遇賊二千餘衆擁擁而來當卽列陣迎擊自辰至申轟斃賊匪八百餘名生擒長髮賊七十四名潛江縣城內賊匪奔出助戰又經我兵截殺數百名賊衆不支棄城逃竄我兵列隊入城收復搜捕餘匪臣等飭令迅由襄河進勦天門沔陽漢陽而援武昌總兵福忻統帶川兵五百名本爲後起正飭由荆起程探稱有大股賊

匪二萬餘人由岳州旁竄常德攻撲富城因思大江以南本屬空虛如常德有警則荆江亟宜嚴防隨飭福忻星速過江在公安澧州交界地方擇要紮營相機防勦截賊北竄之路惟原帶兵僅五百名恐形單薄守備鍾瑋適由川帶來練丁一千一百餘員名臣等已飛咨四川督臣迅派大員來楚統帶如探南省軍務喫緊擬即

聖朝聖略卷九十七

十六

派委福忻統帶前赴澧州常德應援至江陵監利潛江三縣各鄉村向多土匪出沒與各處逃竄之賊勾引滋擾並有賊匪由荆門沙洋地方竄至後港等鄉肆行劫殺尤應掃除淨盡臣等已添派佐領錫齡阿同至了角驛分路攻勦江陵漸可肅清臣等又分飭駐紮監利兵勇迅勦下鄉匪眾進攻沔陽以絕根株奏八

上命軍機大臣傳諭官文曰武昌失陷湖南復有大股賊眾由岳州旁竄常德福忻已帶川兵渡江在公安澧州交界處所相機勦截而監利潛江一帶仍有土匪勾結滋擾沔陽亦尚未復是荆郡防守情形不可稍涉鬆懈惟武昌為根本重地黃州漢陽仍有大股盤踞該逆跨江拒守愈肆猖獗此時自以迅攻武昌為急所有雙保原帶之川兵既由襄河一路前進仍

聖朝聖略卷九十七

十九

著該將軍飭令疾趨進剿即將天門沔陽一帶道路設法疏通以期徑達漢陽為迅速進攻之計惟兵力尚單所有紮營了角驛之佐領錫齡阿等所帶兵勇能否分派赴省並此外有無官兵可撥著官文等相機調度至防勦岳州竄匪亦關緊要四川練丁既行抵宜昌即毋庸令其折回正可擇要布置惟專待川省派員接管恐緩不濟急該將軍如有得力將領即

著先行的派督率前進中途如遇楊需即可歸該撫統帶設或此次官兵可先抵武昌亦不必因楊需未到逗留守候

上又命軍機大臣傳諭裕瑞曰武昌省城失守官文等亟籌派兵隨剿隨進以圖攻復而湖南岳州又有大股賊匪旁竄常德攻撲府城荆江一水可通已派兵赴公安澧州地方防剿需餉孔殷裕瑞前經動撥津

欽定剿平粵匪方略卷九十七

三

貼項下銀三萬兩解往楚省現在道路梗阻著飭知委員徑解荆州交官文截收設法轉運免致疏失並著裕瑞於川省藩道各庫項下無論何款迅速籌撥銀數萬兩趕緊續派委員即日起程解交官文軍營以應急需此外如有可籌之款仍著源源接濟其練丁一千一百餘名據官文奏已抵宜昌該將軍因兵力不敷已飛咨該督另派大員赴楚統帶即著照議

辦理毋庸拘泥前次諭旨再令折回川省

二十一日戊子巡防王大臣奏言臣等遵查僧格

林沁請調察哈爾等處官兵擬將載齡所帶駐

紮固安防兵一千名全數撥赴該大臣軍營令

載齡前往雄縣統轄該處防兵以爲後路聲援

再擬揀挑

圓明園八旗官兵一千名配齊軍裝器械即日前

欽定剿平粵匪方略卷九十七

三

往大營合力攻剿並請

特派大員管帶協剿至該大臣請調察哈爾綏遠城及

哲里木等三盟馬隊官兵擬行知理藩院等衙

門轉行各該處照所調數目挑選齊備聽候調

用奏入

上命軍機大臣傳諭載齡曰現在連鎮攻剿喫緊亟需添派官兵迅將此股殘寇殲除本日已派玉明帶領

圓明園八旗兵丁一千名前往連鎮軍營著載齡卽飭所帶固安防兵一千名一併前赴均歸玉明統帶所有雄縣防兵著載齡迅速馳往統帶以爲後路聲援一切防守情形隨時由驛馳奏

二十二日己丑琦善奏言賊船橫行江面艇船扼

定上游雖未能斷瓜鎮之對渡實已截金陵之

下駛連日拏獲奸細供稱金陵與瓜鎮水路業

聖朝方略卷九十七

三

聖朝方略卷九十七

三

已隔絕往來逆首楊秀青已將湖南北等處賊船調回共攻艇師冀得打通江路再撲揚州糾合大股以窺清江又探賊於上游當塗江面以舟載荻謀用火攻經向榮飭令嚴防並據水師及儀徵帶兵官稟稱賊於金陵城外趕造火攻船隻多紮巨筏上安撫牌各等情是該逆密圖出擾兇燄方張艇師各船爲數無多急盼粵中

施風紅軍各船前來會勦據副將張攀龍稟稱六月初六日廣東遊擊吳全美等管帶紅單船五十隻全抵吳淞江口風聞上海有截留之意臣思賊勢臨張艇師縱能力戰向前無如孤軍莫繼惟有懇

恩飭下怡良等速催紅單船全數駛入長江與艇師會勦以維大局奏入

上命軍機大臣傳諭琦善向榮曰艇師扼守上游金陵與瓜鎮水路業經隔絕吳全美等管帶紅單船五十隻全抵吳淞江口此項船隻駛赴上游扼要分布則水上一軍聲威已壯卽可爲肅清江面之舉著琦善向榮飛催迎提督飭統帶水師各員與艇船合力攻勦逆首楊秀青將湖南北賊船調回共攻艇師冀得打通江路自係意中之事惟在該大臣等妥速調撥

一萬八千六百...

乘賊船未集之時一鼓作氣庶可大挫賊鋒該逆於當塗江面以舟載荻又於金陵城外趕造火攻船隻詭計百出必須先事豫防著向榮於當塗一帶設法破其奸謀並嚴飭葉常春吳全美等加意防範陳金綬近日未見出仗獲勝能否得力著琦善據實具奏上又命軍機大臣傳諭怡良吉爾杭阿曰廣東紅單船全抵吳淞江口聞上海有截留之意此項船隻原爲

欽定剿平粵匪方略卷九十七

三十四

調赴金陵等處協同剿賊現在水路艇師疊獲勝仗正可乘此聲威肅清江面聞該逆欲將楚省賊船調回共攻艇師冀得打通江路再撲揚州情形甚爲喫緊著怡良吉爾杭阿迅卽催令上駛毋得截留上海並著將鉛子火藥等項卽於吳淞口備齊以便趕赴焦山會合水師藉資攻剿

同日和春福濟奏言臣等以廬州逆匪堅伏不

出隨將大礮運至城邊晝夜轟擊時聞鼎沸之聲頗覺驚惶亟應乘勢攻剿六月初一日傳令西北各營攜帶攻城器具四面合圍奮力急攻逆匪死力堅守以槍礮回拒並拋擲火毬火罐勢如驟雨北門得勝門各突出賊匪二三千人官軍奮勇爭先斃賊無數逆勢不支敗退入城復派兵勇於三更後潛至城下計圖暗襲該逆

欽定剿平粵匪方略卷九十七

三十五

已有準備初二三四等日派令各兵勇更番環擊賊匪一味死守未能攻入初五日天尙未曙復令兵勇分攻各門一面密飭音德布江忠濬等於得勝門一帶暗置雲梯如該逆出巢卽乘間登城爲聲東擊西之舉該兵勇乘酣戰之際暗將雲梯三架立置城堞踴躍先登詎逆匪滾木擗石火罐火箭紛紛拋擲兵勇受傷未能得

手廬州各營僅止三五百斤之礮城大而堅難
資得力臣等已飛調揚州大營三千斤大礮三
尊安置礮臺晝夜轟擊以圖進取

和春福濟又奏言據忠泰咨稱該副都統督帶
兵勇進攻巢縣馳抵濠邊見西門城河賊船甚
多匪均藏匿屋內當令兵勇分途攻勦北門突
出賊千餘名遊擊伊林布督兵連開槍礮斃賊

聖朝方略卷九十七

二十六

數十名餘匪敗走將城外賊營平毀並燒燬賊
巢數處嗣東門又突出逆匪一股意在抄襲後
路佐領長壽等揮兵三面夾攻斃賊多名賊勢
敗潰閉門不出約斃賊匪二百餘名霍邱縣賊
匪經劉玉豹等督率兵團三面圍攻斃匪六七
百名仍飭趕緊設法進勦奏八

上命軍機大臣傳諭和春福濟曰廬州賊匪和春等連

日派兵攻襲未得登陴賊能守而我不能攻徒以堅
伏不出及早有準備為詞於攻勦事宜毫無把握所
謂賊勢窮蹙者安在大礮現已解運到營即當趕緊
轟擊一面別出奇兵立時攻克若專恃礮力僅於城
外遙聞驚惶鼎沸之聲是直以虛詞搪塞遷延貽誤
難逃朕鑒秦定三所帶官兵於初四日馳抵鄧鎮合
以紳團兵勇兵力已厚蕞爾舒城無難收復著即飭

聖朝方略卷九十七

二十七

催進攻不得延緩其巢霍兩處賊匪雖疊有斬獲總
未能痛加勦洗逆匪占踞廬郡牽掣我軍而安慶舒
桐等處恣意蹂躪無所顧忌似此遷延何時始能蕪
事和春福濟統領全軍日久無功徒以空言入奏豈
能辭貽誤之罪耶

二十三日

庚 駱秉章奏言查華容界連湖北荆

州各屬時有土匪勾結長髮闖入邊境四月二

十八日突有大股賊匪分四路而至知縣宋昌期督兵勇固守至五月初二日城被殲難當飭都司烏什哈等帶兵五百名就近馳赴澧州一帶進剿行抵龍陽探有賊船百數十隻由華容一帶揚帆直抵西港勢將竄越該縣臣復調都司李輔朝等各帶楚勇一千名統歸貴東道胡林翼節制胡林翼自帶黔勇六百名前已委赴

欽定剿平粵匪方略卷九十七

三六

安化縣搜拏會匪卽飭其取道益陽馳赴龍陽常德一帶相機援剿正調撥間十二日賊匪攻撲龍陽縣城垣坍塌甚多逆匪由缺口擁入縣城失守烏什哈等不知下落臣以龍陽距常德水程僅一日常德雖有兵勇二千尙形單薄咨商署提臣塔齊布派委遊擊周鳳山帶勇一千餘名由益陽前進但賊船乘風飛駛程途迅

速曾國藩所有師船正在趕緊修葺尙難剋期截事廣西委員李孟羣所募水勇千名尙無抵省確耗焦急不可名言惟有嚴催各路將領遣督兵勇迅速殲除以冀稍慰

宸廑奏八

上諭曰失守城池暨殉難之文武各員著查明分別請卹嚴參烏什哈雖非守土城陷猶存豈能任其趨避

欽定剿平粵匪方略卷九十七

三九

亦卽行嚴參

二十四日辛卯僧格林沁奏言臣挑挖重隄冀得藉水浸灌不料連日大雨河水陡長連鎮南面河隄被水衝決水勢甚猛四女寺引河德州已報開挖現在決口之水已將賊匪占踞之陳莊及南面小村浸沒數尺逆匪或在牆垣房上躲避或鼻水奔赴連鎮惟套隄興工未及一半河

隄衝決東面營盤不能屯紮現在調取船隻暫紮水營臣已派員前往德州提廂洩水俟水勢漸消卽趕緊搶護河隄一面相機攻擊奏入

上命軍機大臣傳諭僧格林沁曰前據僧格林沁奏挑挖重隄爲截水灌賊之計朕早知其徒勞無益當經嚴切批示諭令趕緊進攻嗣據僧格林沁奏報並未陳明進攻之策但稱隄工已有就緒是直視挖隄一

聖訓方略卷九十七



節爲可恃以成功而置萬餘重兵於無用之地現在南面河隄被水衝決雖賊踞村莊閒有浸沒而我兵東面營盤竟至不能屯紮可見築隄截水不但未能制賊而衝決浸灌我兵轉受其害更恐該逆乘機紛竄泥淖之中我兵馬隊不能得力僧格林沁以此等迂緩之謀視爲上策朕實不解逆匪竄踞連鎮數月之久未受懲創反得養其精銳蓄其奸謀而我兵力

疲氣餒何日始能蕺事著卽懷遵前次諭旨以速戰制賊之命不得仍恃水圍徒延時日

同日陳啟邁奏言自克復建昌後探聞大股逆匪由九江齊赴德安卽飭遊擊富克金泰等統帶兵勇二千餘名馳赴德安行抵距城十餘里之拖溝嶺地方該逆二千餘人突出衝撲我兵堅陣迎敵斃賊無算已革知縣劉希洛亦督帶

聖訓方略卷九十七



團勇隨營自效章武軍練勇首先登梯各兵勇攀援直上衝煙冒火飛躍登陴賊匪見而驚潰由北門竄出我兵乘勢掩殺當卽收復縣城搜剿逆匪二百餘名餘匪悉竄湖北興國州臣現委臬司惲光宸督兵扼守要隘相機勦辦奏入上諭曰尤應不分畛域越境勦洗不准祇顧本境暫圖目前靖謐致貽後患於無窮也

二十七日甲午英桂奏言查楚北漢黃德各郡徧

地賊蹤皆與汝光一帶毗連今武昌又為賊踞

逆燄愈張難保不復圖北竄現將商光原派駐

守兵勇仍循其舊激勵鄉團以助兵力其續調

援勦兵勇酌量移往信陽武勝黃土平靖等關

分駐兵勇共一千餘名連楊需所帶不過二千

餘名尙形單薄擬將應援之兵擇要分布與前

聖學方略卷九十七

三

駐關兵勇相距或十餘里或數里不等要便聲

息相通防範周密南陽所屬緊與襄陽樊城接

壤襄樊為川陝通衢久為逆匪窺伺若得重兵

扼守不但南陽無憂尤可遏其竄入川陝之路

可否仰懇

天恩飭下川陝督撫酌移防邊官兵扼守襄陽至東路

歸陳一帶防堵仍未敢稍懈臣於拜摺後即行

馳赴信陽先於三關加意布置嚴防逆匪北竄

仍當懷遵

聖訓往來調度不敢株守一隅奏入

上命軍機大臣傳諭英桂曰湖北與河南接壤豫省防

剿事宜英桂責無旁貸據稱馳赴信陽先於三關加

意布置即著迅速起程俟抵該處後查看情形何路

緊要即親往何路督辦

聖學方略卷九十七

三

上又命軍機大臣傳諭裕瑞曰賊匪占踞武昌難保不

更圖旁竄雖宜昌已經收復而川楚交界地方尤應

加意嚴防該督前派巴東利川兩處接防官兵是否

可以量移前進應行駐紮何處並此外有無可調之

兵著裕瑞酌度辦理

上又命軍機大臣傳諭王慶雲曰武昌失守楊需由豫

赴楚英桂亦出省往信陽等處堵賊北竄襄樊一帶

為陝省咽喉著王慶雲酌量情形移調兵勇前往扼截勿得但顧陝境其與河南毗連各隘口仍著照舊設立營卡巡防或即飭糧道陳景亮等督率縣營認真辦理

二十八日乙未勝保德勒克色楞善祿崇恩奏言

臣等置備攻城器具欲即督兵進攻而連日大雨平地水深數尺以致環城大道積水甚深萬

聖學聖略卷九十七

三十四

難進攻該逆知我兵不能前進思乘隙免脫城中米糧將盡其心愈急拼死相爭臣所統官兵僅有數千進戰有餘圍勦不足該逆每乘夜四出撲擾藏身泥水之中各持刀矛伏行暗入我隊官兵奮力進戰並不退卻以致傷亡不少甚覺可惜現在盡力籌辦一俟天氣清明即當合力齊舉克復州城稍紓

宸廬奏入

上命軍機大臣傳諭勝保德勒克色楞善祿崇恩曰高唐逆匪占踞已久連日陰雨逆匪雖未竄出而我兵多有傷亡於攻克城池仍係毫無把握益增焦灼環城積水甚深進戰固難得手當賊匪夜間撲擾之時儘可設法殲除此股逆匪數不滿千因守孤城無從裹脅但能隨時斬戮自可日亡日少何至任此數百

聖學聖略卷九十七

三十五

殘寇久踞城池所稱城中糧草殆盡之語未甚確實無論賊勢窮蹙與否總以剋日攻城殄滅淨盡為上策不能專恃勇力之處即應設謀用計妥速籌攻豈可坐待天晴始圖進取昨據僧格林沁奏挑挖重隄因運河陡漲致有衝決儘連鎮逆匪乘我兵泥淖難追併力南竄勢必勾連復熾勦辦愈難諒該大臣等統籌全局必不敢有意耽延也

欽定剿平粵匪方略卷九十八 甲寅年

七月初二日 己亥 僧格林沁奏言連日天色開霽

運河水勢漸平而決口之水仍然汎濫漫流現

在趕緊設法修築河隄嚴催委員將四面套隄

築固以利圍剿而防水患又恐該逆趁水遠颺

復經雇覓小船派撥官兵往來游弋晝夜梭巡

該逆被圍情急時思潰竄連次乘夜出巢窺伺

聖
軍
平
粵
方
略
卷
九
十
八

一

均經官兵擊退六月二十八日夜風雨大作該

逆乘筏梟水向東面撲來勢極猖獗奔至濠牆

經慶祺明慶綸副舒保巴揚阿等督兵極力截

剿斃賊無數餘匪紛紛落水次日由決口漂出

帶箭著槍賊屍一百餘具我兵陣亡官一員兵

十名受傷官兵十四名其陣亡之黑龍江正黃

旗驍騎校委參領伊郎阿應請

飭部照例議卹目下連鎮軍營形勢利在速戰今臣挑

濠築隄作此緩圖者因該逆百戰之餘狡猾異

常動輒潛匿死拒每遇合力併攻賊壘我兵多

有傷亡徒折精銳兩月以來設法誘引無計不

施臣及各營統帶不論風雨日夜隨時前往督

視實未敢稍耽安逸惟有籲懇

皇上逾格天恩寬予時日容臣趕緊圖功以贖咎戾奏

聖
軍
平
粵
方
略
卷
九
十
八

二

八

上命軍機大臣傳諭僧格林沁曰覽本日所奏逆眾夜

乘風雨奔撲東南面濠牆雖經我兵擊退斃賊並不

甚多且弁兵亦有傷亡攻剿仍不得手該逆圍困日

久必思逃逸我兵盡在西北一帶東南兩面本覺空

虛儘有疏虞官兵爲水所阻更恐顧此失彼著僧格

林沁熟籌妥辦計出萬全或移營逼近賊巢以便堵

擊或設法誘出痛加勦洗如再不能速戰滅此窮寇但欲懇恩寬予時日朕必治該大臣以耽延之罪

上諭內閣曰此次擊賊獲勝該大臣等務即督兵趕緊圍攻速將此股逆匪全數殲除陣亡之黑龍江正黃旗驍騎校委參領伊郎阿著交部照例議卹

同日台湧奏言查阜市一帶賊眾約二千餘人盤踞臣以遊擊平海葉永泰等所帶兵勇一千

聖朝聖略卷九十八

三



名交署提督佈克慎帶往勦賊接據該署提督報稱初六日馳抵應城縣十一日統率弁兵列為三隊進勦甫至距縣城三十里之陳家嶺地方阜市賊匪七八百人迎面抗拒都司董玉龍所帶頭隊官兵正與相值槍礮齊施殺斃賊匪二百餘名生擒長髮賊目唐當潰等二名餘賊敗逃平海等所帶中隊後隊官兵同時趕到追

殺由陳家河直抵阜市生擒賊匪六名擊斃多名撲水淹斃者無數打翻賊船十餘隻該署提督復親率平海等沿湖搜捕隨將賊船焚燬阜市一律肅清該署提督統帶各路官兵仍折赴應城聽候調度又接據遊擊吳登鼈都司劉富成稟報該遊擊等自馳抵長江埠後覓獲划船七十餘隻探知湖內郎豬橋一帶藏有賊船百餘

聖朝聖略卷九十八

四



隻停泊欲往阜市接應當即督帶兵勇分坐划船前往勦捕行抵該處逆匪駛出迎敵兵勇槍礮齊發打沈賊船十餘隻逆始退竄兵勇飛槳趕上燒燬賊船二十餘隻斃匪數十名生擒長髮賊趙義發等十六名餘匪逃散該遊擊等仍帶兵勇回紮長江埠以便添備船隻進勦等情臣查此股賊匪既滅則西南由湖出河一帶自

可漸次疏通一俟船隻稍敷卽當渡出涓口進
攻其東南陸路臣前已咨催舒倫保桂明各督
所統官兵迅趨楊店雙廟瀝口步步相機進剿
茲舒倫保於十一日始自應山拔營十三日行
至小河十六日行至距楊店十五里之盧官店
屯紮距雙廟尙隔七十五里桂明經臣咨催於
十七日始自德安起程十八日行至孝感十九

欽定剿平粵匪方略卷九十八

五

日行至楊店之四里廟屯紮距瀝口尙隔一百
四里均未能扼要堵截臣現又恭錄

諭旨分別咨催前進

同日湖北巡撫兼署湖廣總督楊需奏言臣定
於日內由信陽之平靖關先抵德安調集舒倫
保台湧管帶之兵並催令佈克慎隨赴武昌速
籌攻剿其阜市一帶應否改派桂門往剿以爲

後路容俟臣到德安後妥籌迅辦四川官兵應
由何處徑達武昌臣已飛咨官文酌添荊州官
兵就近設法飭令取道前進一面咨催塔齊布
曾國藩督帶礮船接應一切調度布置統由臣
到任後悉心分別籌畫總期併力進攻迅圖克
復武漢均奏入

欽定剿平粵匪方略卷九十八

六

上命軍機大臣傳諭楊需曰本日據台湧奏阜市盤踞
之賊一律肅清長江準續來賊船亦已擊散佈克慎
督兵折赴應城該處距江口較近正可催令趕緊前
進爲該撫先聲前有旨令舒倫保來京陛見並令台
湧察看桂明如不得力卽行參奏本日台湧摺內並
未遵辦但稱舒倫保於十一日拔營十六日始抵盧
官店距雙廟驛尙有七十五里桂明於十七日起程
十九日始抵四里廟距瀝口尙有一百四里現在飛

催等語湖北軍情急如星火若皆似此耽延豈非有心貽誤楊需既由德安一帶赴任應如何布置卽著節節妥籌以速爲妙台湧仍著嚴催前進不准以聽候調度爲詞任意株待佈克慎亦不准藉詞折回舒倫保桂明果係有意逗留卽著查明據實嚴參武昌省城文武下落仍著確查具奏

初四日 辛丑 向榮奏言查四川征兵共五千餘名

聖學匯方略卷九十八

七

分攻江鎮上海三處去夏歸將軍蘇布通阿統領以虎嵩林明安泰瑞格三人幫同分帶現在虎嵩林督兵調往上海瑞格奉

旨飭赴太原鎮升任僅明安泰分領川東官兵一千名其餘盡係蘇布通阿一人統帶蘇布通阿又奉旨實授江甯將軍勢難兼顧所有四川征兵亟應豫籌管帶之人相應請

旨飭下四川督臣就該省實缺鎮將內揀選明練總兵一員副參一二員前來軍營幫同分帶以利攻

勦奏入

上命軍機大臣傳諭裕瑞曰向榮奏管帶川兵乏員請飭選派鎮將赴營等語著裕瑞卽於該省實缺鎮將內揀選明練得力之總兵副將二三員馳往向榮軍營聽候調遣

聖學匯方略卷九十八

八

向榮又奏言再臣所帶川黔楚粵官兵皆從征四五年其中有疲乏傷病者隨時驗明汰除募補新兵責令各營訓練管束其有藉詞巧避甚至擅離營盤者經臣查拏重辦或卽正法以儆效尤間有遠去無蹤咨行各省通緝總未據報獲一名現當勦逆緊要之時營伍關繫至重若不認真究治誠恐此風一開必致相率潛逃相

應請

旨飭部分飭各直省地方官遇有軍營咨緝逃兵一體

嚴密查拏就地正法以肅戎政奏入

上諭內閣曰向榮奏請飭各直省嚴緝逃兵等語軍營

兵丁擅離營盤甚至私行逃脫於行軍紀律大有關

繫著各直省將軍督撫府尹遇有各路軍營咨拏逃

兵卽照單開年貌趕緊緝拏務獲就地卽行正法毋

欽定剿平粵匪方略卷九十八

九

任漏網以肅戎行

同日駱秉章奏言查逆賊自五月十三日竄陷

龍陽後賊船由滄港白沙市駛進十五日攻撲

常德府城十六日午刻城陷知府景星副將富

勒敦遇害臣飛催遊擊周鳳山都司李輔朝星

速帶勇先進二十五二十七等日周鳳山等行

抵龍陽賊船百餘隻飛駛前來上下分泊陸路

賊匪從後繞撲營盤周鳳山李輔朝督勇分路

鏖戰轟斃賊匪百數十名奪獲賊船二十餘隻

賊船敗潰駛回二十八二十九等日大雨如注

湖水驟長丈餘營盤被水淹浸六月初一日賊

船二千餘隻乘漲直逼營盤三面開礮轟擊周

鳳山等見勢難支持一面分隊拒戰一面覓路

退回毓德鋪沿途野潦縱橫各勇梟水徑過間

欽定剿平粵匪方略卷九十八

十

有溺斃軍裝頗有損失是日貴東道胡林翼帶

黔勇由益陽馳抵毓德鋪詢知前途無船勢難

飛渡決計從益陽馬家塘取道黃土店可由桃

源武陵邊境直抵常德飭周鳳山等帶勇徑回

益陽整理軍裝自帶黔勇斷後以防賊匪追襲

初四日胡林翼帶勇先發周鳳山李輔朝隨同

前進貴州參將閃雲統帶黔兵六百行抵辰州

被害之知府景星副將官勒敦應請

旨飭部照例議卹奏入

上命軍機大臣傳諭略乘章塔齊布曰略乘章奏賊船由滄港白沙市駛進五月十六日攻陷常德府城覽奏憤懣之至常德與岳州對峙重湖賊勢猖獗亟宜迅圖克復胡林翼既由益陽取道黃土店自桃源武陵繞道前進著即催令統領周鳳山李輔朝閃雲所

聖朝聖略卷之八

十一

已飛札會同胡林翼進剿臣伏思逆賊攻陷常德分踞岳州是全湖之險已為該逆所踞雖中路進剿岳州之賊有署提臣塔齊布一軍西路進剿常德之賊有貴東道胡林翼一軍然祇能於陸路相機痛剿若賊匪上船官軍即未免望洋興歎是制賊死命終非水軍莫濟前禮部侍郎臣曾國藩戰船修造甫畢廣西委員李孟羣

聖朝聖略卷之八

十二

所募水勇千名甫經到省鎮臣陳輝龍所造淺水拖罟尚須旬日後始可完工臣與曾國藩悉心商議以目今賊勢而論常德賊船多於岳州情形較岳州更為喫緊曾國藩現擬將水師分為兩起一起由益陽龍陽直指常德遇賊即剿一起稍後察看賊勢或合或分相機繼發務期與陸軍合力夾剿將兩城克復乘勢出江東下

帶各兵勇迅速進剿圖復郡城毋得再有延誤湖北自省城失陷後援兵甚少賊勢方張尤為喫緊著塔齊布飛速統兵前進為收復武昌之計並即知照楊需兩路夾攻勿稍延緩曾國藩所帶戰船既已修造竣事李孟羣所募水勇業經到省著即催令曾國藩迅帶頭起師船進援常德與陸路兵勇合力夾擊迅將岳常兩郡收復乘勢進攻武漢毋稍延緩

上諭內閣曰逆匪攻陷常德府城所有被害之常德府知府景星副將富勒敦著該部照例議卹

略秉章又奏言署提臣塔齊布於五月二十日進兵大荆驛賊匪在新牆築土城三座扼要抗拒塔齊布飭都司普承堯由左守備彭三元由右親督兵勇由中分路進剿並飭中軍都司滕遇春將前隊兵勇進攻槍斃賊匪數十名連奪

欽定剿平粵匪方略卷九十八

三

賊營三座賊匪潰竄適兩路兵勇繼至塔齊布率勇緊追斃賊百餘名生擒長髮賊四十餘名奪獲賊船四十七隻此中路獲勝之情形也其由平江進剿崇通賊匪各軍自五月初九至二十九日大小十一戰據候選訓導江忠淑等疊次稟報統計共斃賊九百餘名生擒百餘名陣斬賊目陳姓金姓偽司馬吳姓等多名此東路

獲勝之情形也現在兩路相機進剿兵勇尙爲奮勉堪以仰慰

宸廑奏入報

聞

初八日乙官文貴陞奏言臣等查武漢爲合省根本重地荆州爲七省往來通衢逆賊旣詭計多端軍情更隨時變幻誠如

欽定剿平粵匪方略卷九十八

十四

諭旨武漢之賊一日不盡則荆州一日不能安枕前探賊由洞庭湖直撲常德經官軍擊退復竄岳州致南北援兵均爲牽掣爲今之計欲復武昌必應先圖漢陽欲圖漢陽必由襄河一帶進兵前派總兵雙保帶領漢屯官兵一千五百餘員名由潛江縣渡襄河隨剿隨進因兵力過單又飭道員羅遵殿備船百隻專派兵勇會合川兵由

沔陽州之仙桃鎮漢陽縣之蔡店一路進剿以期直達漢陽並令探悉楊需帶兵來楚即歸調遣又四川建昌鎮福所帶兵五百名前已由界溪橋孟家溪地方撤回虎渡口現探常德澧州賊皆下竄亦即調往潛江作為雙保後起接應所有岳州一路探聞曾國藩統帶戰船駐紮湘陰塔齊布帶兵在岳州上數十里紮營伏乞

勦平匪方略卷九十八

十五

飭催迅速前進臣等已撥川勇一千餘名駛駕礮船派同知銜李光榮等管帶在調弦口江面防堵相機協勦岳州庶荊州長沙聲氣亦可相通至監利縣與岳州一江之隔已飭同知銜張于銘帶勇五百名在監利屬尺八口地方沿江設防遙為聲勢阻賊登岸復飭守備宗維清帶城守營兵一百四十餘名署監利縣知縣徐文灼等帶

勇六百名駐紮監利飭知縣吳振鏞等帶勇一千名速赴沔陽作協勦漢陽之計又守備鍾墀管帶練丁一千一百餘名前抵荆郡其練丁皆精壯可用當飭由沙市進規沔陽州城直達漢陽現在川兵川勇均經派往進剿武漢荆州防兵仍應分布要隘即由臣貴陞率領副將王國才佟攀梅都司畢金科協領依西布等隨時相

勦平匪方略卷九十八

十六

機接應不致顧此失彼探聞前撫臣青麐涼州副都統魁玉高州鎮總兵楊昌泗收集武昌潰散兵勇尚有數千名繞道已至長沙有來荆之說似未便任其置身事外且聞青麐素得兵心如果來荆擬仍令會同楊昌泗收集兵勇分路勦辦副都統魁玉整頓前帶旗兵作為後隊務期厚集兵力早圖克復武漢以維大局奏入

上命軍機大臣傳諭官文貴陞曰據官文等奏賊撲常德經官兵擊退復竄岳州該將軍此摺係本月初二日拜發去常德失守之日已一月有餘何以官文等尙未得有確信殊不可解略秉章前奏胡林翼周鳳山等由益陽取道黃土店直抵常德曾國藩亦由水路前進此後並未續報該將軍所稱常德澧州賊皆下竄究竟竄往何處亦未詳細敘明澧州與荊州連

欽定剿平粵匪方略卷九十八

七

界道路並非寫遠何以未將實在情形探明具奏該將軍所籌全局尙係爲圖剿武漢之計現在賊陷常德距荊州甚近該將軍務當體察緩急情形隨時設備一面確探賊匪是否尙踞常德抑係竄赴何路迅速奏聞楊需此時諒已馳赴湖北所有四川赴援兵勇卽可歸楊需調遣其荆襄一帶防守事宜卽責成官文貴陞實力督辦並與楊需隨時知照互相策應

相機布置據奏青麀魁玉楊昌泗收集潰兵數千名繞至長沙有來荆之說殊堪詫異青麀等兵潰後何以徑行遠赴長沙再來荆郡係由何路避走此信如果屬實著俟青麀等到荆後卽專摺迅速入奏聽候諭旨其所帶兵勇統歸官文等派員管帶台湧前在德安會因潰兵失事此等潰散兵勇本不足恃且恐與賊匪暗相勾結該將軍等務須悉心詳查分別去

欽定剿平粵匪方略卷九十八

十六

留毋致再蹈前轍

同日和春福濟奏言臣等於六月十七日令各營合攻廬州十八日齊抵城下得勝門突出賊匪三四千人分三路來撲經音德布江忠濬程智泉督率兵勇分途迎勦斃賊無數適珠克登楊青鶴趕至得勝門與音德布等合兵會勦又斃賊百餘名逆匪敗退十九二十兩日督率各

營官兵攜帶攻城器具五鼓潛至城下兵勇蟻附而上守賊驚覺滾木擗石火箭火罐亂擲如雨未能登城二十一日仍帶各路官兵同時進取甫置雲梯又爲賊覺南門突出賊匪二三千人當令鄭魁士等帶領湖南宣化青州兵兩路夾擊斃賊不少維時音德布珠克登楊青鶴江忠濬程智泉攻打得勝大西水西各門開礮擊

聖朝聖略卷六十八

九

死騎馬黃衣賊首二名匪退入城我兵追殺直抵城濠城上槍礮紛至卽行收隊其大小東門北門賊匪未出各官兵仍開礮對城轟擊是日之戰約斃賊匪七八百名二十六日臣等派副都統常清遊擊嵩瑞帶領兵勇於三更由水西門外紫金堧前進城外梅花樁節節密布兵勇攀樁抵城時已天曙旋爲大雨所阻二十九日

仍由紫金堧暗進又因有備而止伏思賊踞廬州自我軍移營進剿以來節次擒斬已逾萬名奪獲巢壘多處足以寒賊之膽祇以城大而堅圍勦愈緊防守愈嚴以致暗襲明攻總未得手臣等惟當殫竭血誠不遺餘力以冀克復堅城和春福濟又奏言提臣秦定三於六月十五日移紮距舒城二十里之白洋鋪十六日督兵在連三橋一帶迎剿賊匪三面夾攻匪衆敗走生擒僞指揮徐從新一名正法奪獲旗槍多件約斃賊匪百餘名十七至二十七等日復於楊家店五里橋王家店等處疊獲勝仗斬馘甚多現已移營楊家店至三角井酌量前進臣等仍飭設法進攻迅圖克復奏入

聖朝聖略卷六十八

十

上命軍機大臣傳諭和春福濟日和春等奏連日攻剿

獲勝並剿辦舒城賊匪情形此次攻剿廬州逆匪惟十八二十一兩日殲斃賊匪尙多此外不過用礮轟擊我兵設計攻城均爲賊覺該提督等雖疊次獲勝而郡城未能卽時克復於攻剿事宜仍屬毫無把握秦定三攻剿舒城賊匪已移營楊家店至三角井該處是否偏近縣城我兵連次獲勝正可乘此聲威迅圖克復著和春福濟懷遵疊次諭旨督飭各路兵勇

欽定剿平粵匪方略卷九十八

三

剋日進攻斷不准以該逆堅守不出爲詞遷延時日致干重罪舒城賊匪並著秦定三嚴飭郝光甲等併力進攻其巢霍兩處賊匪拾匪仍飭催忠泰劉玉豹等趕緊剿辦以期漸次廓清毋稍延緩

同日勝保崇恩奏言伏查連鎮逆匪疊被大兵攻剿勢極窮蹙惟大雨時行河水漫溢深恐該逆乘隙南竄東省武定府屬地方緊與連鎮毗

連該郡爲東北門戶亟宜嚴密防範德平地方雖有藩司厲恩官帶兵駐守而兵勇僅一千名未能兼顧武定且該府知府錢汝楫奉

旨調補山西汾州府知府新補知府祁之鏐尙未到任該府防務現極喫緊又各屬疊獲奸細訊有窺探省城之供根本重地尤不容稍有疏虞臣崇恩自上年八月出省迄今將及一年省垣一切

欽定剿平粵匪方略卷九十八

三

籌防均未身親布置雖節經諄飭司道妥慎經理並令紳士管帶練勇在齊河紮營必須親往查看始可放心擬卽輕騎減從馳赴武定相機布置並便道進省詳審履勘鎮定人心所有臣崇恩現帶兵勇揀留一千一百名交兗州府知府葉圭書統帶會同參將定順遊擊玉山文英仍駐高唐聽候臣勝保調遣隨同進攻其餘兵

勇臣崇恩於七月初三日帶領敢行在省門池北一帶扼要處所駐紮巡防若武郡需兵隨時調取亦非寫遠其德平一路仍飭厲恩旨嚴督兵勇民團實力防剿俟臣崇恩至武定布置妥協後取道赴彼察看如有未盡機宜隨時變通辦理連鎮之賊儘向西南竄逸則德州較爲喫重臣等早經飭令督糧道姚錫華登萊青道張

聖朝聖略卷十八

三

聖朝聖略卷十八

鳳池督飭官兵於該州城廂及富馬營柘園鎮等處扼要防守似尙足資控制若該逆奔赴高唐臣勝保亦必設法抽撥官兵極力迎擊奏入

上命軍機大臣傳諭崇恩曰前因運河陡漲恐連鎮逆匪乘隙紛竄諭令崇恩於武定德平一帶嚴防茲據勝保崇恩奏稱崇恩現於本月初三日自高唐赴省布置再赴武定等語此時勦賊喫緊儘連鎮賊竄而

該撫轉迂道省城豈不有誤事機且高唐距省百有餘里一切事宜豈竟毫無聞見必須親往布置方可放心耶賊匪聲東擊西是其故智該撫豈可株守省垣致墮奸計著崇恩於到省查看後不准逗留卽速出省督兵擇要扼守所有山東與連鎮接壤地方均著飭屬一體嚴防至德州一路仍當隨時督飭姚錫華等小心防範以杜紛竄該撫當權衡緩急毋得避

聖朝聖略卷十八

三

聖朝聖略卷十八

難就易自干罪戾

十二日 己琦善奏言查瓜州賊匪倚江爲固與

金陵鎮江爲犄角之勢非水陸夾攻無以截奔竄而斷應援自艇船壘勝金陵之援雖絕而瓜州鎮江兩處隔江相望仍復來往自如南北兩岸均有賊營礮隄中流金山又有賊壘瓜州大小兩口勢難停泊一經駛赴上游若欲回帆攻

勦又須俟西風之便未能控縱自如紅單船已抵上海經臣晝夜催提始由上海駛抵焦山連日西風大作逆風頂溜七月初一日風色漸轉卽飭陸路各營出隊與水軍併力夾擊由三汊河東西兩岸分路進攻行至四里鋪天尙未曉官兵分路進勦初二日黎明直至賊營頭道濠邊該逆施放大礮向外轟打匿不露面不得已

欽定剿平粵匪方略卷九十八

三

將兩岸官兵暫行撤至相距數里之四里鋪該逆突由兩岸竄出官兵之後我兵轉身迎擊賊卽敗回我兵分路進勦越過頭二兩道賊濠蘆葦伏賊羣起抗拒西岸賊營又竄出多人抵敵亦經官兵擊敗該逆屢敗屢進遊擊馬永泰張維義都司劉琮等將銅礮擺列轟斃賊匪數百名賊始敗入土城匿避不出東岸之賊經副將

鞠殿華督帶官兵擊斃數十名敗入甌城此七月初二日陸路接仗之情形也是日曙後東南風尙微都司陳國泰帶船二十五隻作爲頭起遊擊吳全美帶船二十五隻作爲二起復邀署京口副將張攀龍在陳國泰船上一同進攻至巳刻風力漸勁揚帆上駛陳國泰帶領船隻自北固山至金山進攻瓜州賊以大船十三隻攔

欽定剿平粵匪方略卷九十八

三

截大船之後以小船連搭浮橋幫同抗拒該都司招令各船銜尾前進逼近大口迴環連攻賊於船後及土城內施放大礮我船被礮無不洞穿兵勇頗有受傷者攻至未正不能得手維時遊擊吳全美率二起戰船繼進連燬金山礮臺乘勢進攻瓜州逼近賊隄攻打直至申正風色漸微已接仗四時之久暫且收隊令寄碇瓜州

上游江面再圖進取吳全美船隻經向榮專札
催提已飭該員帶領紅單船二十五隻駛赴上
游聽候調遣其陳國泰率帶船隻駐泊瓜州大
口以上刻下東南風烈該船已駛過瓜州之西
又須相機折下會攻奏入

上命軍機大臣傳諭琦善向榮曰我兵陸路攻勦瓜州
仍未能即時克復覽奏實深焦急至紅單船駛入大

聖朝聖略卷之六十八

毛

江初次與賊接仗雖銳意進攻尤應妥為布置何以
賊船僅十餘隻於船後及土城內施放大礮紅船即
被洞穿兵勇亦多受傷是否陳國泰帶領頭起船隻
未能得力吳全美率二起戰船雖連燬金山礮臺偏
近賊隄究竟斃賊多寡亦未詳敘琦善節制水軍務
當實力督率斷不可任聽該遊擊吳全美等稟報致
誤事機據琦善奏向榮專札催提吳全美船隻已飭

該員帶領二十五隻駛赴上游聽候調遣現在向榮
攻勦金陵如果必須水師協勦自應分撥前往但該
船上駛亦必經由瓜州若先併力攻克瓜州再行節
節進勦則船多勢壯更可得力該大臣等務須體察
現在情形扼要布置合力兜擊斷不準稍存畛域之
見

十四日 辛亥

聖朝聖略卷之六十八

天

上命軍機大臣傳諭勝保曰自六月二十八日接據勝
保奏報後又逾半月並未續有奏報甚不可解豈連
日以來竟未接仗耶朕聞高唐賊匪於七月初一日
由南面竄出將吉林馬隊衝散又由南面竄至西南
面兵勇多有傷亡該逆又復竄至勝保營後吉林馬
隊亦被衝散帳房被賊用刀矛全行挑爛僅賸兩架
聞逆匪於朝西等城牆用布挽做輓梯南城牆下穿

有地道一條其餘三門俱用土木爲壘僅留缺口一處以便出入據此情形勝保頓兵城下不但不能剋日進攻直並該逆出入亦不能防殊堪詫異該逆每撲一處馬隊總被衝散兵勇總有傷亡甚至大營之後亦被任意衝撲準備毫無可見所稱晝夜列隊悉力合圍者全係虛應故事又聞城中逆匪僅有三百餘名勝保以全力制之何難悉數殲滅軍心懈怠竟

欽定剿平粵匪方略卷九十八

三

至於此勝保近日豈復蹈驕矜故習耶著於接奉此旨後即將連日情形據實覆奏不准稍有掩飾並即督飭兵勇悉力進攻早圖克復儻仍前疏懈攻既不

能圍又不密老師糜餉坐令窮寇稽誅勝保等玩誤之罪斷不能曲爲原宥也

欽定剿平粵匪方略卷九十九 甲寅年

七月十五日 壬子 楊需奏言 臣於七月初四日馳

抵湖北德安府初六日莅任視事台湧帶兵現駐德安舒倫保帶兵同桂明並駐楊店佈克慎帶兵進駐應城都司劉富成帶兵分駐長江埠舒倫保後起官兵尙未前來節據探報賊匪分擾省城漢陽黃陂漢川等處而武昌府之蒲圻

欽定剿平粵匪方略卷九十九

一

咸甯武昌大冶興國黃岡府之黃岡麻城蘄水蘄州廣濟各州縣皆蔓延滋擾查楚北南境已多淪沒似當以保守北境爲先省城旣失司道各官無駐紮辦事之所擬請暫駐襄陽以資控制現在德安宜昌荆門等處甫經收復荆州屬邑亦多殘破漢水千里並無舟師控扼安陸城池爲另股賊匪竄踞經安襄鄖荆道羅遵殿派

員帶勇於六月初一日攻復是月二十八日又
爲天門另股賊匪滋擾臣於七月初三日在應
山途次接據京山縣稟函卽飛飭羅遵殿派兵
往勦並調署總兵雙保帶領四川官兵一千五
百名及都司劉富成帶兵就近會勦一面飛咨
佈克慎緊防潰口一帶水陸要隘儻得安陸肅
清則荆襄鞏固然後可圖進取再當與桂明佈

聖學聖方略卷九十九

二

克慎雙保等妥議熟商一由孝感收黃陂一由
天門取漢川一由漢水雇覓船隻裝載兵勇直
達漢口三路並進以攻漢陽一面咨催塔齊布
曾國藩等督帶戰船由岳州順流夾擊至黃陂
麻城一路已飭黃安縣知縣許廣藻委署麻城
縣知縣賀榮等趕緊聯絡義勇併力迅圖收復
奏八

上命軍機大臣傳諭楊需曰此時賊踞武昌以漢陽黃
州爲犄角若不急圖進取則該逆日久盤踞攻克愈
難桂明佈克慎台湧所帶之兵計已不少所駐之應
城長江埠楊店皆已逼近漢江楊需既有三路進兵
之議亟應趕緊前進著卽督飭桂明佈克慎台湧各
帶官兵分道速勦至雙保一軍前據官文等奏已飭
由沔陽直搗漢陽如已起程則該署總兵已就近抄

聖學聖方略卷九十九

三

出漢川黃陂前路桂明等所帶官兵夾江並進愈不
可緩儻因安陸土匪又令雙保折回北境誠恐益形
迂緩該撫但當以速克武昌爲急不可稍涉遲疑舒
倫保所帶官兵卽著該撫統帶前進後起之兵何以
至今未到顯係沿途逗留卽著飛檄嚴催以資攻勦
本日已明降諭旨將青廉交官文就地正法其隨同
潰逃之涼州副都統魁玉已降旨革職與已革總兵

楊昌泗一併交楊需差委著楊需於該革員等到營時認真察看如不得力卽行據實嚴參從重治罪其所帶兵勇曾否已抵荊州卽著知照官文略乘章嚴飭魁玉楊昌泗沿途妥爲約束令赴楊需軍營以備調遣崇綸及省城文武下落仍著詳查具奏

同日駱乘章奏言本月十四日接據提臣塔齊布函稱十一日有把總林從根等自湖北來營

欽定剿平粵匪方略卷九十九

四

稱鄂城失守巡撫青麐荊州副都統魁玉率領兵勇難民南來將次行抵新牆臣接閱之餘不勝駭異現在賊踞岳州常德府城之賊盡由西湖乘船赴岳本省北路防勦戒嚴之時鄂城文報久極眞僞難知若奸匪冒稱北省兵勇乘機詭溷貽誤堪虞當委把總朱廷勳馳往偵察旋據撫臣青麐來函具言失守緣由並飢疲不堪

情狀囑臣速撥米二三百石暫資接濟意在取

道速赴荊州臣一面趕緊籌備一面飛函青麐將各營兵勇及同行難民實數查明以便料理又委補用知府裕麟等迎往安撫截止北來兵勇毋許闖入省城以防奸匪溷跡並裝米八百石錢三千串運赴涇溪渡交青麐暫行散給卽紮營距省三十里白馬鋪地方收集潰卒按名

欽定剿平粵匪方略卷九十九

五

查點聽其分別隨征散遣再由南省酌撥口糧遣赴荊州以圖再振奏入

上命軍機大臣傳諭駱乘章塔齊布曾國藩曰岳州一郡爲南北衝要屢經逆衆竄踞此次該逆復由常德全數退竄該郡城外欲爲久踞之計塔齊布曾國藩水陸各軍皆爲所牽掣不能出湖東下圖攻武昌此時常德回竄之路固不可不防而岳州大股必須迅

圖勦辦以扼其吭所有添撥塔齊布之湘楚各勇數已不少曾國藩頭起師船亦經起行正可乘此聲勢迅籌水陸夾擊之策諒塔齊布與曾國藩同辦此事必能和衷商推計出萬全也青廖於武昌失守後退至長沙實屬偷生無恥本日已有旨將青廖交官文即行正法並將魁玉革職與楊昌泗均交楊需察看差委所有青廖帶赴長沙之兵勇仍責令魁玉楊昌

聖學方略卷九十九

六

泗管帶約束迅赴楊需軍營聽候調遣其湖北難民應如何安撫資遣之處並著該撫迅籌辦理毋令別滋事端

同日青廖奏言臣於三月十三日到巡撫任初六日武昌即已缺餉每日每名祇放制錢二十文米一升如是者將及九十日其自正月十九日起至五月二十三日共獲大小勝仗八十餘

次自五月二十日後省中倉米無存萬分無法祇得放穀二十六日報到豹子海一帶賊船二千餘隻距武昌東南六十里臣即密令楊昌泗統帶將弁分五路馳勦其頭隊傷斃賊匪四五十人二隊滿營槍斃身穿黃馬褂賊目一名又黃旗黃繳騎馬賊目二名惟三隊滿營因稻埂之中突遇埋伏以致陣亡官二員兵四十三名

聖學方略卷九十九

七

撫標陣亡官二員兵十餘名後隊夾擊鏖戰三時之久共傷斃賊匪二百餘人全股皆退駕駛船隻而去將弁兵勇四千餘人無處覓食仍賴省中每人買給麪餅二箇以資餬口六月初一日賊紮營魯家港該處為米糧出入必經之地此路一梗城內外即可斷炊經臣密遣楊昌泗並都統魁玉率領將弁連夜馳勦初二日我兵

正在連踏賊營五座之際乃省城對岸漢口之賊直撲塘角鷓鴣洲之賊直撲鮎魚套臣在武勝門督戰見塘角賊衆四撲四退不料城內蛇山以上黃鶴樓以下黃旗皆出內應紛起城外各營盤兵勇皆潰其出戰之將弁兵勇全在魯家港尙隔三十里之遙一轉瞬間省城萬不能守臣本應與城存亡以全臣節惟數十萬生靈

欽定剿平粵匪方略卷九十九

八

勢必皆爲賊有徒損

國威而添賊勢不得已倣古人移師就餉之法親率大隊一路攻擊於初四初七等日攻復咸甯蒲圻二縣又於初十日到桃林地方遇賊接仗殺斃百餘名臣本欲渡江前赴荊州惟江上無船萬不能渡祇得相機隨進隨剿徑赴長沙將兵勇紮在離城三十里之白馬鋪地方並飛函

湖南撫臣駱秉章就近撥米以救數萬生靈臣暫將兵勇休息三五日分別或留或撤並將積欠口糧分別路途遠近設法稍爲補給以免沿途滋事臣與都統魁玉楊昌泗等仍取道馳抵荊州一帶相機防剿奏入

欽定剿平粵匪方略卷九十九

九

上命軍機大臣傳諭官文曰本日據青磨由長沙發來奏報妄以移師就餉等詞飾其棄城而逃之罪披閱之餘憤恨何極青磨以巡撫大員職任守土賊至既不能嬰城固守迨省城失陷尙復忍恥偷生輾轉越境種種悖謬荒唐殊出情理之外朕權衡至再若不立正典刑無以肅軍律而昭炯戒著官文於接奉此旨後若青磨果至荊州卽著就地正法儻青磨繞越他處迅卽揀派道府大員嚴密迎提到荆由該將軍宣示諭旨卽將青磨正法不得稍有漏洩致稽顯戮

並著官文等遵奉疊降諭旨妥籌防守荆郡毋稍大意

上諭內閣曰前任湖北巡撫青麐自簡任封圻以來正當黃州漢陽賊匪充斥之際武昌兵單餉匱本屬實情朕以青麐在學政任內保守德安郡城念其勤勞畀以重任疊據奏報省垣布置屢次擊賊獲勝計八十餘日中困苦艱難所奏原無虛假朕方節次嚴催

聖朝方略卷九十九

十

各路援兵前赴武漢救應但以道途多阻未能迅速趕到青麐於六月初二日大股賊匪攻城時業已派魁玉楊昌泗帶兵連踏賊營五座苟能督率官兵感激衆心竭力鏖戰何至省城遽爾失陷即使嬰城固守坐待援師亦望解圍有日方當宥過敘功縱或力盡捐軀不失城亡與亡大節褒忠有典豈不心跡光明乃本日接到青麐奏報稱於武勝門督戰時見城

內黃旗皆出土匪內應兵勇潰散卒與魁玉楊昌泗擁衆遠避爲移師就餉之謀徑赴長沙直是棄城而逃曷勝痛恨儻青麐爲收復武昌計或就台湧軍營併力進取或從官文乞師前來帶罪圖功亦可爲之曲諒長沙則去武昌甚遠並非青麐所轄之地越境偷生何辭以辯若再加之寬典則疆吏守土之責幾成具文何以對死事諸臣耶所稱沿途攻勦擬抵荆

聖朝方略卷九十九

十一

州皆是任意鋪張希圖掩飾與前奏不敢畏葸巧避置城池人民於度外大相徑庭朕賞功罰罪一秉大公豈能以青麐前此尙有微勞稍從末減青麐著俟到荊州時交官文卽行傳旨正法中外臣民當知朕倚任青麐之念甚切而青麐喪心負恩自取罪戾國法具在豈能曲爲原解涼州副都統魁玉駐兵洪山賊由該處衝入咎無可免惟前赴長沙係由青麐率

同偕往且非守土之官罪止失律著卽革職與在籍已革總兵楊昌泗均交楊需軍營酌量差遣仍著隨時察看儘該革員等不知愧懼並查有臨陣退縮巧飾推諉情事卽一面據實奏聞一面以軍法從事

十六日癸丑和春福濟奏言准秦定三來函六月

三十日舒城逆匪分三路來撲每路三千人當派郝光甲鮑雲翥約同曹遠榮帶領兵勇分投

欽定剿平粵匪方略卷十九

三

迎勦秦定三居中調度各兵勇奮力爭先斃賊多名該逆恃衆死拒並有黃衣騎馬賊目一名在前指畫把總吳大春揮兵直前將黃衣賊刺落馬下衝入賊隊被裏重圍登時陣亡我兵三面夾擊該逆紛紛敗逃兵勇追至連三橋該逆於營內並樹林中連開槍礮未能攻入將賊住房燒燬是日約斃賊匪千餘名初二日賊匪萬

餘先撲貴州官兵營盤經鮑雲翥督兵奮擊斃

賊無數秦定三督率官兵連開槍礮轟斃甚多

並擊斃騎馬黃衣賊首一名餘賊潰走其陝西

兵並義勇營盤逆匪直前搶撲經郝光甲曹遠

榮督率兵勇竭力攻擊各斃賊數十名均卽退

走官兵追殺數里初三日賊匪數千人分路來

撲秦定三飭令各兵開礮轟擊又斃賊三四百

欽定剿平粵匪方略卷十九

三

名初五日該逆仍以數千人分撲秦定三督率郝光甲鮑雲翥等分投迎擊並先派兵勇赴西南面埋伏以備抄襲旋見三路賊隊各有騎馬黃衣賊一名在後由橫嶺直前來撲兵勇盡力攻擊伏兵齊出前後夾攻斃賊不計其數賊隊大敗約斃賊匪千名餘賊遁入林內查舒城逆匪以大股抗拒並將入城要隘築壘多處阻我

官兵進路訊據生擒賊匪供稱因被勒緊急經
羅大綱帶領賊眾由金陵安慶桐城前來救援
並解廬州之圍卽圖北竄等語秦定三由正陽
關來舒僅帶貴州陝甘兵二千一百名此外本
地紳團止曹遠榮所帶數百人尙可隨同進剿
其六安州茅念劬所稟先後挑選義勇至今並
未到舒合肥縣張靖所招團練現止千餘人因

聖學聖方略卷九十九

十四

經費不繼尙未隨戰是舒城兵力過單必須設
法添撥兵勇查有總兵音德布管帶雲南四川
兵開化勇共一千六百名近在西路應卽派往
又福濟營內酌撥川勇四百名飭令趕緊起程
統歸秦定三節制並將北路青州滿兵八百名
令常清帶赴西路會剿貴州把總吳大春奮勇
殺賊臨陣捐軀應請

旨飭部照例議卹

和春福濟又奏言據六安州知州茅念劬稟報
逆匪由英山竄至霍山有攻撲六安之信查英
霍緊接湖北蕪水已飛飭茅念劬趕緊招集鄉
團會同署參將和寬竭力堵禦毋任闖入並飛
咨秦定三就近量爲撥兵相助惟該逆旣至霍
山誠恐窺伺北路急須加意嚴防秦定三已赴

聖學聖方略卷九十九

十五

舒城督剿正陽關僅劉玉豹帶兵數百名殊嫌
單薄臣等再三籌計臨淮兵力稍厚刻下情形
較緩已咨會袁甲三酌撥一千名馳赴正陽關
駐紮該處爲北路門戶最關緊要臣等相隔太
遠難以兼顧應請

旨飭令袁甲三就近督同劉玉豹等嚴密防堵以固要
隘奏入

上命軍機大臣傳諭和春福濟袁甲三秦定三曰舒城
逆匪屢次攻撲雖經秦定三督兵攻擊疊獲勝仗而
該逆以大股抗拒並於入城要隘築壘阻我進路羅
大綱復帶賊眾由金陵安慶桐城前來救援兼欲解
廬州之圍以圖北竄秦定三兵力甚單和春等現派
音德布帶雲南四川及開化兵勇一千六百名並撥
川勇四百名均歸秦定三節制自應如此辦理音德

欽定剿平粵匪方略卷十九

十六

布現已革職仍責令管帶兵勇迅速前往交秦定三
差委儘再不知奮勉卽著從嚴懲辦逆匪現由霍山
攻撲六安正陽關僅劉玉豹帶兵數百名殊嫌單薄
英霍一帶又與湖北蘄水毗連設該逆乘北路空虛
肆行奔突爲害更鉅著秦定三察看緩急情形一面
攻勦舒城仍應兼顧後路以杜逆匪北竄袁甲三現
駐臨淮和春已咨調該處兵一千名馳赴正陽關著

袁甲三卽飭帶兵各員迅速前往隨時偵探賊情相
機堵剿並嚴飭劉玉豹等實力堵禦毋稍大意和春
福濟仍當察看西路情形如須再添兵力卽速撥往
應援現在高唐連鎮逆匪尙未肅清若令南賊續行
北竄朕惟該提督等是問

欽定剿平粵匪方略卷十九

十七

上又命軍機大臣傳諭琦善雷以誠曰本日據和春等
奏大股賊匪由英山霍山竄至六安並因舒城攻勦
緊急賊眾由金陵桐城安慶前來接應是皖省剿賊
情形極爲喫緊且各路派員防堵以及勸諭捐輸設
法籌餉在在需人經理已革刑部侍郎雷以誠現在
裏下河駐紮著琦善卽傳諭該革員迅速前赴安徽
和春福濟軍營幫同辦理籌餉防堵各事宜其所帶
裏下河募勇並經手事件著琦善另派得力幹員前
往接辦

上諭內閣曰舒城逆匪疊被懲創正可乘勢進攻著秦定三督率各路兵勇迅圖克復毋稍遷延貴州把總吳大春奮勇殺賊臨陣捐軀深堪憫惜著交部照例議卹

和春福濟又奏言臣等因秦定三勦辦舒城逆匪賊眾兵單情形喫緊派令音德布帶領兵勇一千六百名趕緊馳往會剿乃該總兵竟以待

勦平匪方略卷九十九

十一

領口糧為詞延不起程迨再三設法發給二千兩並專文嚴催猶以銀少不能就道秦定三孤軍望援急如星火該總兵明知缺餉並不體念時艱向兵勇剴切開導實屬因循玩延相應請旨將雲南鶴麗鎮總兵音德布卽行革職仍留軍營隨同秦定三帶兵進剿以觀後效儘再稽遲卽行奏請以軍法從事奏入

上諭內閣曰雲南鶴麗鎮總兵音德布經和春福濟派令管帶兵勇馳往舒城與秦定三會剿輒敢藉詞稽留延不就道實屬不知緩急音德布著卽革職仍留軍營隨同秦定三帶兵進剿以觀後效如再不奮勉卽著嚴叅治罪

和春福濟又奏言廬城逆匪因屢被懲創一味堅守臣等督飭官兵晝夜開礮轟擊七月初一

勦平匪方略卷九十九

十一

日傳令於初二日寅刻合力圍攻恐該逆避匿飭令各隊緩進先派守備江忠信帶領楚勇數百名於南門外誘敵俟其出巢圍剿突有賊匪三四千人自南門出楚勇迎擊珠克登楊青鶴音德布程智泉督帶兵勇續至三面夾攻約斃賊匪三四百名初六日令江忠濬程智泉帶領楚廣各勇先在得勝門外誘敵逆匪突出四五

千人各勇齊力迎勦音德布等旋即趕到臣和春督同吉順鄭魁士等帶領兵勇會合夾攻斃賊不計其數並擊死騎馬黃衣賊二名賊勢大潰兵勇追殺屍橫遍野賊入城堅伏不出我軍於午刻回營約斃賊匪七八百名初八日合肥縣在籍郎中李文安帶同本地鄉團千餘人前來臣等即令隨同攻擊該逆堅守如故容再設法進勦奏入報

欽定剿平粵匪方略卷九十九

三十一

聞

同日崇恩奏言臣於初六日抵省探聞連鎮逆匪時有潛竄之意武定防勦喫緊未敢稽延隨即於十一日抵武定府城查該府所屬之樂陵縣距連鎮僅百餘里與賊巢逼近實屬最要門戶去歲臣在武郡會飭該縣署典史葉壽海在

彼團練甚爲認真臣親往查看激勸以固民心至該府存城兵勇共有一千四百餘名合之紳民團練似尙足資捍禦臣帶馬步隊三百餘名擬令權駐郡城以便隨宜調度又查連鎮之賊若欲與高唐合股則平原一路亦爲要隘臣前飭督糧道姚錫華派勇二百名在德州境內交界平原之曹莊扼要防守聲勢可望聯絡茲復

欽定剿平粵匪方略卷九十九

三十一

札飭厲恩官派勇幹千把一人帶兵五十名在黃河涯曲陸店一帶駐紮偵探一聞北股有南竄確信卽行馳報以便兜擊其德州一路仍飭姚錫華等小心防範再臣前與勝保面訂以半月爲期仍回會勦是以全隊兵勇均駐高唐儻連鎮賊匪日內勦滅事機略緩臣卽仍回高唐與勝保商辦一切奏入

上命軍機大臣傳諭崇恩曰據奏馳抵武定布置大概情形高唐攻勦與武定設防均關緊要該撫所稱平原樂陵兩路爲扼賊南竄要隘已有厲恩官等兵勇並典史葉壽海所辦聯莊團練似足以資保衛而該撫全隊兵勇又皆留在高唐正須兼顧妥籌庶不致徒勞往返著崇恩體察情形如果武定之防實在可恃卽仍赴高唐督兵協勦儘該郡防堵尙須親身督辦卽留武定將防務布置嚴密再往高唐崇恩於接奉此旨後總期酌度緩急確有把握不得僕僕道途空有履勘之名於督勦籌防轉致兩無裨益

聖朝聖考卷九十九

三

同日陝西巡撫王慶雲奏言據豐仲函稱襄樊爲陝豫保障非重兵不足以壯聲威現在商南防兵僅二千一百餘名擬將榆林兵二百名仍留防所其一千九百餘名於初十前後分爲四

起派委曾經出兵之遊擊吳士珍等管帶由荆子關水路赴襄等語臣近接駐楚委員候補知縣楊光澍探報並督糧道陳景亮稟稱逆黨自攻陷武昌其德安安陸一帶股匪全行下竄盤踞武漢之間目前楚北上游雖稱安靜而賊蹤飄忽靡常襄陽南北咽喉秦豫門戶此地安則西北皆安與其秦豫處處設兵而防不勝防莫

聖朝聖考卷九十九

三

如移兵前進可以保全大局此誠今日之至計也且兵合則力厚分則力單必移各處防兵與襄郡兵勇互爲犄角而後可期得力惜商維防兵祇有此數現經臣復調駐省之甘肅兵一千名酌量移紮商南兼備添調查商南至荆子關甚近荆子關水路至襄約五百餘里已由陳景亮札飭浙川光化等廳縣速備船隻俾利軍行

其應需軍餉據藩司再籌撥銀一萬二千兩連現帶三千兩共一萬五千兩足資兩月支放至商南與豫省毗連隘口仍令留防兵二百名在梳洗樓界牌兩處設卡巡防其民間團練經該縣知縣李祝齡勸諭聯絡亦頗得力卽由陳景亮督率文武官紳認真辦理奏入報

欽定剿平粵匪方略卷十九

三

十七日甲寅僧格林沁奏言查現在賊情已離米

麥漸缺馬草尤爲短少兩岸套隄竣工擬將圍隄衝決之處補築東面賊巢水深二三尺至四五尺不等再將決口補築俟水勢益深該逆卽難容止惟河西地勢較高現因下游河水太消不能浸灌恐該逆蟻聚西岸然究屬一隅之地設由西岸進攻或易得手臣惟有體察情形籌

度進取不敢稍事遷延護軍統領王明侍衛薩克慎分起馳抵大營經臣飭令帶兵在連鎮南面屯紮新到之兵跋涉勞頓一面暫令休息以蓄精銳一面嚴督統帶之員詳加教導藉收生力之效奏入

欽定剿平粵匪方略卷十九

三

論矣

論曰朕日盼捷音甚切汝豈不知此次所奏各情尙係毫無把握朕實不解功罪惟汝自取朕亦無可再
二十日丁巳英桂奏言臣於七月初七日馳抵信陽連日查看三關情形原派兵勇均於扼要處所紮營當卽督飭各帶兵官勤加操練並將隨帶兵勇添撥駐守以壯聲威現在湖北安陸府城復爲賊擾襄陽情形較緊川陝防兵恐一時尙未趕到豫省南陽一帶尤當思患豫防現飭

署南陽鎮臣崇安由信陽星夜馳回仍於新野原紮營盤之水臺地方激勵士卒加意防堵臣俟調撥隨營兵勇到齊即擬先赴光州一帶往來調度奏入報

聞

二十一日^{戊午}向榮奏言查紅單船五十隻前於

六月二十二日行抵焦山風逆未能即上經臣

聖學聖考略卷九十九

三

聖學聖考略卷九十九

七

先後函商琦善並屢札帶船將弁迅速攻上金山駛赴瓜儀以便分提前進緣自艇船扼駐六合江面江鎮賊已不通而上游逆艘千百來去頻仍亟應趕緊布置扼剿因復咨會琦善一面指調吳全美船二十五隻迅圖進擊一面力籌攻勦金陵朝夕出隊並飭派出游兵嚴堵各路竄逸六月杪與本月初二三等日賊眾到善橋

油坊橋一帶搶掠經游兵會同地方團勇埋伏兜剿前後殺賊百餘人生擒楚粵長髮十五人解營正法臣復派令精細間諜入城張貼告示解散各處脅從曉諭各城附近居民移出十里之外免為賊擄並防奸民接濟資賊連日探報該逆在夾江內趕紮極大木籐上列木櫃為牆內實以棉前後用牛挽水輪運動又於沿江增築礮臺密排大礮並造攔江鐵鎖與火攻船隻欲以拒禦船艇阻我上攻臣已函致各船鎮將隨時加意防範乘賊計未備之先我船一至即可直上扼剿現准琦善來咨紅單船業於初二日駛至瓜州之上已分提吳全美所帶各船前進吳全美到營後面授機宜一俟轉有東風即督師船打過金陵先掃沿江賊艦然後徑赴太

平一帶扼駐蕪湖往來勦洗惟念該逆自兩湖至江皖裹脅百姓甚衆沿途搶船極多紅單船止二十五隻不敷堵擊查金陵下游各項師艇共九十餘隻一面咨商琦善酌配師艇二隻委鎮將管帶協同上勦一面飭六合江浦派撥水勇划船藉張聲勢並擬到蕪太內河招募小船二三百隻添派兵勇截殺登岸逸賊並以保護

欽定剿平粵匪方略卷九十九

三十九

糧運但既扼截長江則陸路倍宜嚴密布置浦口緊在對江相距上下游師艇較遠賊船一日未靖則北竄一日堪虞已飭該處文武加意防範昨接余萬清呈報瓜州賊匪意欲歸併鎮城並於沿江十三門一帶築造石城賊黨日增亟應嚴防內竄現在趕緊設法相機轟擊所有西路沿江之石馬廟高資等處已嚴飭團練局董

堵守並會同游兵出哨梭巡又以霜勇五百名移屯丹陽後路乘紅單船上擊之時卽出隊攻城以分賊勢臣已函飭余萬清加意勦防力籌克復一面令吳全美趕緊督船上駛俟其攻上金陵如何勦辦再行隨時具奏以慰

聖懷奏入

上命軍機大臣傳諭琦善向榮曰向榮所奏各情自係

欽定剿平粵匪方略卷九十九

三十九

因上游緊要欲將此項船隻徑赴太平一帶扼駐蕪湖爲往來勦洗之計惟分提二十五隻卽再配師艇二隻爲數尙不甚多是否足資堵擊且該逆在夾江趕紮木籬並增築礮臺及火攻船隻是逆匪已有準備此項紅單船隻該大臣等惟當扼要攻勦務令上下游聲息相通互爲策應斷不可稍分畛域致誤事機該逆詭計百出尤應嚴飭統帶水師各員加意嚴

防逆匪因瓜州難守陸續竄往鎮江築造石城此時瓜州賊情究竟如何著琦善督飭將弁迅攻瓜州仍嚴防該逆竄路毋令與鎮江之匪合而爲一並著向榮嚴飭余萬清迅圖克復不准再事遷延師船旣扼截江面則陸路防勦更宜嚴密布置浦口一帶與上下游師船是否聯絡恐該逆由此路乘虛北竄該大臣等務須統籌全局迅掃賊氛

聖皇聖考卷九十九

三

向榮又奏言管帶湖南官兵副將傅振邦奉

旨著理徐州鎮總兵自應遵飭赴任惟現在陸路喫緊

湖南官兵乏員接管傅振邦急切難以抽身仰

懇

天恩將傅振邦暫留江甯軍營以資統帶俟楚兵有人

接管卽行飭赴署任奏入

上從之

同日陳啟邁奏言查武甯縣被匪竄擾經臣派撥兵勇馳往勦辦茲據知府史致諤遊擊常海等稟報查探武甯城內逆匪約四千人該縣城本低薄賊於城上加築土牆密排槍礮城外北門高岡暨南西二門俱紮賊營勢成犄角惟東面可以進攻初七至十七等日五次進攻雖有斬擒而近城槍礮如雨急切難下十九日先派

聖皇聖考卷九十九

三

前湖南邵陽縣知縣劉馨朝等管帶兵勇五百名分投設伏賊營之後其餘兵勇列爲四隊分路進攻參將德保史致諤常海督帶兵勇往來策應該逆突出二千有餘向前迎敵常海親督兵勇直擊賊隊衆軍左右衝突自己至未鏖戰三時賊始敗竄我兵乘勝追勦伏兵四起首尾夾擊斃賊甚多常海督兵縱火焚燬北門賊營

奪占高岡安設槍礮擊斃城上賊匪多名卽從
東北二門上城餘匪由西門奔逸我兵當卽收
復縣城並將南西二面賊營一律踏毀該匪四
散奔逃多被劉馨朝等伏兵所殺統計是役沿
途擊斬及連日傷斃賊匪不下千餘其追偏落
河淹斃及翻山跌斃者不可數計陸續生擒匪
徒冷紹芒等共二百零三名於訊明後正法奪

欽定剿平粵匪方略卷九十九

三

獲槍礮器械無算正在籌辦善後事宜續得探
報敗竄餘匪復經糾合在橫路等處屯聚並聲
稱往招武昌大夥賊衆欲圖報復臣現檄調遊
擊富克金泰帶勇數百名由德安前往會剿南
昌府知府史致諤失守屬縣例應議處此次克
復迅速可否准其功過相抵出自

天恩再臬司惲光宸在潯布置尙屬周妥因聞武甯業

已克復毋須再往督辦已於六月二十二日回
任合併陳明奏入

上命軍機大臣傳諭陳啟邁曰此次攻克武甯斃賊無
數辦理尙屬得手惟敗竄逆衆仍糾合餘匪在橫路
等處屯聚並有往招武昌賊夥欲圖報復之說該撫
已檄調遊擊富克金泰等帶勇由德安前往會剿著
卽嚴飭史致諤常海等乘勢撲滅此股逆黨本係由

欽定剿平粵匪方略卷九十九

三

九江關入滋擾是九江爲該逆來路必須堵截臬司
惲光宸前赴九江布置是否周妥如仍須大員在潯
督辦則該臬司不必急急回省務須妥籌兼顧勿稍
大意義甯一州緊連楚北所屬之梁江蒲口等處均
係由楚入江要隘自趙如勝等焚燬港口賊巢之後
近日如何接仗有無賊蹤屯踞亦應飛飭帶兵官弁
趕緊殲除武昌黃州各州縣皆密邇江西湖南岳州

一帶亦皆犬牙相錯陳啟邁務當外殄寇氛內除土匪毋得專顧一隅稍有疏懈

上諭內閣曰此次收復武甯縣城辦理尙爲迅速該撫仍當嚴飭該文武等搜勦逸匪勿留餘孽南昌府知府史致諤例有應得處分惟勦捕出力克復縣城功過尙足相抵著加恩免其議處

聖學聖方略卷十九

十四

欽定勦平粵匪方略卷一百 甲寅年

七月二十二日己未勝保德勒克色楞善祿奏言

查新募川勇八百餘名現已到營當卽挑選奮勇四百餘名令同各兵勇併力攻城三十日齊隊前進臣與德勒克色楞善祿崇恩親督兵勇四面環攻我兵扶梯越濠冒死直前徑抵城下兵勇爭先緣梯而上該逆情急死拒滾木擗石

聖學聖方略卷一百

十一

紛然交下雲梯多被毀折傷亡甚多未能攻克七月初一至初七等日該逆疊次乘夜撲擾俱經官兵擊退該逆因疊受懲創堅匿不出十四日復合各步隊官兵及川楚東豫各勇乘月夜進攻德勒克色楞善祿於東南西南兩路分督兵勇前進臣親至礮臺督陣賊見我兵逼近城上槍礮齊發我兵備帶攻具並用土包填濠而

過西南兩面樹梯城上賊守甚嚴兵勇傷折不
少竟難得手 臣體察賊情每遇攻城緊急之時
未嘗不十分惶恐總因兵力稍單僅有四面分
布兵勇而無層層繼進之兵是以屢次功虧垂
成前造呂公車兩次推近城邊僅逾數武皆因
附城積潦太深車輪陷入淤泥不能推運祇得
仍用單梯至暗攻之法莫如地雷 臣亦派員試

聖皇聖方略卷百

二

辦而此閒土脈甚淺掘地過丈即已及泉夏令
雨水過多實難為力 臣惟有一面分派官兵嚴
密布置防賊偷竄一面激勵將士定期設法進
攻不敢稍遺餘力奏八

上諭曰屢次進攻總有傷亡兵勇殊堪痛恨勝保負恩
貽誤即在軍前正法亦屬罪有應得姑念汝以前尙
知奮勉暫觀後效懷之

勝保又奏言 臣抵高唐州後圍剿已久原期攻
克州城不意該逆拌死負隅至今總未得手惟
有轟開城牆即可攻入 臣前在揚州曾經試用
一萬四千斤大礮足以摧堅破壘因一面採辦
生鐵招募鑪匠擬鑄一萬五六千斤大礮以便
轟城志在必破現在雨水漸少可以動手製造
約須半月可成一面仍督兵勇力圖進取儻仍

聖皇聖方略卷百

三

不能得手俟大礮鑄成極力進攻似可確有把
握奏八

上諭曰藉此遷延時日斷無此辦法即使造成能放何
以運轉靈活朕聞汝等營盤離城有十里外者覽此
益徵蓋萬餘斤大礮非近攻之具不過冀其猛烈實
先存畏葸之心勝保近日習氣已深朕為汝惜利害
大明身家念重朕為汝恨

勝保又奏言奉

旨垂詢高唐賊匪出竄情形查此股賊匪原屬無多而

其兇悍詭譎之情則不能以多寡論臣所帶步

隊僅天津七百餘名三定五百餘名固原二百

餘名健銳營兵九百餘名其西河涼州固原提

標興安漢中及通永宣化官兵四千餘名皆留

連鎮連鎮近在畿輔較之高唐地方更形喫重

若抽調留存官兵則連鎮南面隄口要路必致

空虛臣明知步隊兵力不足因兼籌北路不能

添調前來雖有山東之兵數百名濟甯單縣練

勇一千餘名現令防扼濟南夏津要路每於攻

城時調來究係經戰未多不能如臣之步隊得

力步隊既有不足不得不兼用馬隊而馬隊利

於晝不利於夜利於追截不利於圍剿賊被我

於晝不利於夜利於追截不利於圍剿賊被我

聖事集考卷十四

四

聖事集考卷十四

五

兵圍攻困處城中安能不拚命相向始而向東

西南三面衝突均被擊退回巢五月二十以後

乘黑夜將西南所列察哈爾兵及東面後八起

吉林馬隊衝亂突出經臣派撥馬隊接應將賊

擊回而賊匪因此得計每逢雨夜陰晦即便撲

擾自六月初旬以後賊仍由察哈爾官兵及黑

龍江二起列隊處乘交撲出始由西面抄培成

那敷德之後繼由南面抄德勒克色楞官兵之

後又由東面抄魁福官兵之後馬隊官兵連放

槍箭傷賊不少而官兵皆有傷亡或十餘人或

數十人不等臣因馬隊難恃抽撥步隊兵勇要

路設伏將賊殺退未容竄逸六月二十四日夜

賊復由南面西面撲出馬隊不能遏阻遂由西

面抄至北面至臣營後意欲撲營經臣派撥吉

於晝不利於夜利於追截不利於圍剿賊被我

一第 205 冊 續修四庫全書第 14 反反內

林五起及四起官兵二百餘名攔截賊衆受傷甚多我兵追至城濠賊皆匿入堅拒從此始不敢窺伺北面此賊乘夜撲擾馬隊之實在情形也賊所撲出之處德勒克色楞則稱由培成那敷德列隊之處抄出而培成那敷德則又云賊衝蒙古馬隊由南面繞至西面詢之魁福亦云賊由南面衝出各執一詞臣切實詳查當賊夜

聖學聖方略卷甫

六

撲之時東南西三面之隊皆爲賊撲亂隊帶兵大員均難辭咎惟各隊陣亡受傷者十餘名尙非退縮畏意是以未經叅辦此時官兵力單大營步隊官兵僅二千餘名扼其正北東北西北三面更屬喫緊之地焉能分撥祇得趕集人夫環城空壘二十餘處築以牆濠相距不過百餘步將大營步兵及雙禧所帶步隊官兵並川楚

山東河南各勇設法抽撥分布各處一二百名不等與馬隊官兵同列夜隊圍守方可隨時追截臣親自相度經營數日始行周妥而賊見我如此布置遂又乘夜拌命來撲馬隊官兵藉步隊爲助屢次將賊擊退奔竄回巢從此不敢肆行出擾此前後圍剿之實情也自五月二十日以後至七月初間臣派撥步隊兵勇分防各路

聖學聖方略卷甫

七

賊每撲出卽受創而回我兵並無受傷者吉林帳房被賊挑破一層係七月初一日賊乘夜出擾時黑龍江頭起吉林三起官兵並未紮有營盤距臣營盤三四里空闊地方僅下帳房十餘架爲夜隊造飯之地賊由西面潛至該處是時該起官兵全出夜隊帳房內惟贖跟役數名賊見係空營旋卽退出而夜隊官兵已至槍箭齊

施賊奔敗回城次早查驗帳房並無損壞間有
扎破痕跡或係刀矛挑損亦未可知官兵並未
受傷至逆匪於城牆挽布作梯乘隙下城在城
牆邊或割草空濠或打梅花樁以阻我兵進攻
之路不止朝西城牆一處但每下城不過數人
一聞官兵槍礮仍即挽繫登城我兵追至城濠
擊斃及生擒者已非一次其城內賊數臣細查

聖朝集方略卷一百

八

高唐州城周圍城堞二千餘座每攻城時四面
皆有豎梯兵勇而該逆槍礮連環尙能處處周
顧接應致我兵每多傷亡不能攻入是賊雖無
多似尙不止三百餘名而拏獲奸細訊稱連鎮
之賊被困遣伊送信此股令其回竄救援一同
南竄又據投出之偽司馬韓名壽供稱該逆南
竄高唐州時約有一千餘賊裏脅在外惟高唐

之賊該逆全股精銳皆在其中等語臣至高唐
後攻城已經七次我兵傷亡雖逾數百名而連
次殲擒賊匪業已過半但尙未能殄盡焦灼萬
分總由臣無能未克迅速蕝事又蒙
聖主寬恕優容即不免人言藉藉惟有據實覆奏不勝
激切悚惶之至奏入

聖朝集方略卷一百

九

上命軍機大臣傳諭勝保曰覆奏高唐進攻情形殊多
粉飾以馬步兵勇列營分布攻此孤城不能迅速滅
賊專事晝夜巡防直是反客為主勝保帶兵轉戰經
年何至如此不知振作培成那敷德等係屢經嚴諭
飭令查余之員既稱不能得力即應從嚴甄別何以
一味姑容不行奏轉以尙非退縮畏葸等詞爲之
開脫無怪將驕兵惰日久無功所稱鑄造大礮以爲
轟城之具尤屬無此辦法已於摺內詳晰批示勝保

前此進攻高唐月餘之久始稱步隊未有籐牌今又越月餘始擬鑄造大礮竟似攻城之始毫未計及儘鑄成之後又似呂公車之不能適用勝保又將何所藉口至覆奏吉林帳房被賊挑破一節諉爲造飯帳房尤屬含混外省覆奏事件每多避重就輕朕方且力加整頓軍營之中豈容有此習氣其所稱過蒙寬恕優容卽不免人言藉藉之語更屬非是勝保果能

欽定剿平粵匪方略卷一百

十一

剋日奏功卽有人言何從而入况經朕訪聞特旨詢問之件而勝保敢爲此語將必使朕毫無聞見以遂其遷延掩飾之私耶若再不知奮勉任令逆匪久踞堅城朕惟知執法從事摺內批示諒勝保自能領悉朕亦別無他諭也

上諭內閣曰勝保圍高唐已將兩月進攻總未得手兵勇亦有傷亡蕞爾孤城逆賊爲數無多何致日久負

嶠屢次不拔本日奏報仍以空濠鑄礮藉詞遷延老師糜餉何日蕘功勝保著先行拔去花翎以示薄懲仍督飭將弁卽日克復儘再玩延必當重治其罪

勝保又奏言臣獲逆匪僞總制黃生才一名訊供係湖南衡州府人咸豐二年被裹入夥稔知逆首楊秀青籍隸湖南耒陽縣住城外西鄉三角坪地方楊秀青之父楊大朋曾犯死罪早經

欽定剿平粵匪方略卷一百

十一

明正典刑楊秀青逃往廣西家中尙有親屬等語伏查逆首楊秀青窮兇極惡覆載難容旣據供明籍貫住址則其廬舍墳墓及親屬人等自無難訪查而得相應請

旨密飭湖南撫臣及會同藩遴委幹員明查暗訪如該逆楊秀青實係耒陽縣人尙有該逆親屬在家立卽獲解治罪並將其墳墓發掘焚燒稍洩天

下臣民之憤奏八

上命軍機大臣傳諭略秉章塔齊布曾國藩曰前據略
秉章奏常德賊匪全竄岳州諭令略秉章塔齊布曾
國藩速將此股逆賊合力殲除連日未據續報朕心
懸念殊深此時盤踞武昌之賊仍恃黃州漢陽為倚
角而岳州大股又成負隅之勢塔齊布所領各兵早
由湘陰一路直趨前進嗣復添撥練勇三千六百名

聖聖聖聖聖



兵力尚不為單一一切勦辦機宜是否確有把握曾國
藩後起師船亦應跟蹤疾進以圖併力環攻前派赴
龍陽常德援勦之升任臬司胡林翼所帶楚黔各勇
亦有二千餘名之多即可飛催該臬司迅移岳郡隨
同塔齊布等相機協勦其由平江進勦崇通之江忠
淑一軍前奏早抵湖北亦可由通山咸甯一路馳赴
武昌攻賊之背並著該撫等酌度情形妥速籌辦所

有緊要軍情卽由塔齊布曾國藩隨時由驛馳報不

可稍涉拘泥本日據勝保片奏在高唐州城外檢獲
偽總制一名供稱逆首楊秀青籍隸湖南耒陽縣任
城外西鄉三角坪地方伊父楊大朋犯罪早經明正
典刑家中尚有親屬等語著略秉章迅卽遴委委員
密速馳往查訪如逆首楊秀青實係耒陽縣人卽將
逆族親屬盡行拘拏到省盡法懲治並將該逆祖父

聖聖聖聖聖



墳墓查明後發掘焚燒以除孽種

勝保又奏言臣糧臺前奉部頒銀票內有五十
兩票二百餘張十兩票一千餘張積存難用當
經咨請戶部添撥畸零鈔票十萬兩以資搭放
茲准戶部咨覆以臣自三月間統兵入東勦賊
計已撥給過餉銀鈔票及漕糧變價共銀五十
一萬餘兩無庸頒給畸零鈔票等語查臣所統

各營馬步官兵三萬餘名每月餉銀約需二十餘萬兩正月初旬由梁王莊拔營追賊迄今六月有餘以每月二十餘萬兩計之應需餉銀一百數十萬糧臺統計所收餉銀鈔票僅八十餘萬兩內漕糧變價一項原奉部文本有四十八萬餘兩之數經臣奏奉

諭旨令一半解部一半解赴臣軍營嗣准山東撫臣來

聖聖聖聖聖

十四

咨僅有十八萬餘兩現據布政司稱奉參贊大臣提取漕米五千餘石又冠縣被賊搶掠漕米一萬餘石下餘漕米僅折銀十六萬餘兩有零陸續解交糧臺是於原咨銀數又短絀二萬餘兩支放連鎮高唐兩處兵餉實覺不敷前經委員赴晉勸捐雖有十餘萬兩尚未全數解交臣已咨商山西撫臣先於庫存銀兩無論何項撥

銀五萬兩速解來營以供要需俟捐款解齊即

行撥還歸款並移咨戶部於附近省分豫行籌

撥銀二三十萬兩以供支放軍餉之用相應請

旨飭下部臣設法趕緊籌撥軍餉俾無匱乏奏入得

旨戶部速議具奏旋經戶部議覆勝保軍營兵餉除東

省解交漕糧變價及山西勸捐山東本省捐輸

銀兩約計尚有二十餘萬兩外應再撥給畸零

聖聖聖聖聖

十五

銀票五萬兩實鈔制錢十萬串合銀十萬兩以資接濟

上從之

同日和春福濟奏言臣等攻勦廬州逆匪七月

初九日督率官兵赴得勝門進擊突出逆匪三

千人當令吉順鄭魁士嵩瑞帶領湖南宣化山

東兵三面迎勦斃賊多名適常清珠克登楊青

鶴江忠濬程智泉趕至得勝門合兵圍勦並開
大礮轟擊有騎馬黃衣賊目一名在前應礮落
馬楚兵梟取首級賊大潰敗官兵追殺直至城
下閉守不出約斃賊匪一千餘名生擒十七名
砍獲首級八十一顆是日戌刻該逆復突出一
二千人直撲廣勇營盤經程智泉督勇奮擊江
忠濬帶領楚勇由後抄襲約斃賊匪二三百名

聖朝方略卷二百

七

十二日黎明令楚廣各勇於得勝門外一帶往
來誘敵後路官兵駐紮河邊突出賊匪千餘人
各勇迎擊後路官兵馳至斃賊二三百名又准
秦定三來函七月初六日舒城逆匪紮駐橫嶺
以大礮對壘轟擊當令鮑雲翥於營內用礮還
擊斃賊數十名初七日逆匪四五千人分三路
來撲當令郝光甲等帶同兵勇分途迎勦並先

於營後路左豫爲埋伏橫截抄擊殺斃騎馬黃
衣賊一名餘賊敗逃約斃七八百名初八日秦
定三親督郝光甲等前往攻勦於兩路樹林內
設伏連開槍礮拋擲火箭火鑪立將賊踞房屋
燒燬又斃賊匪三四百名初十日賊匪突出二
萬人分撲各營兵勇連開槍礮斃賊百餘名黔
兵奮勇爭先各兵勇一齊追殺約斃賊匪三四

聖朝方略卷二百

七

百名十一日該逆仍以二萬之衆分路來撲秦
定三一面督同郝光甲等領隊分勦並令代理
舒城縣從九品婁業仕等各帶鄉團在後接應
擊倒黃衣賊二名落馬梟取首級直追至林家
渡該逆落水死者不可勝計約斃賊匪一千餘
名臣等伏查舒城逆匪時以大股來撲經秦定
三督率兵勇以少勝多足以寒賊之膽鄉團皆

協力同心實堪嘉尙現在賊於橫嶺後築營數
座勢猶負嶠臣等所派川勇已於初八日起程
音德布所帶雲南四川兵開化勇初十日亦已
前往約計日內均可到舒現飭趕緊進剿力圖
克復奏入

上諭內閣曰此次廬州舒城逆匪屢經痛剿勢更窮蹙
仍著和春秦定三等督飭將弁兵勇乘此聲威剋期

收復毋稍延緩

二十三日庚申駱秉章曾國藩奏言賊匪復踞岳

州分股竄越西湖攻陷龍陽分陷常澧嗣聞官
軍大至於六月初五六等日駛船退守岳州東
南門外築壘設卡拆毀橋梁爲負嶠久抗之計
臣等念賊舟累萬盈千非舟師莫能制其死命
卽飭水師後營知府褚汝航同知夏鑾知縣彭

聖朝軍方略卷一百

六

玉麟守備楊載福各帶水勇合以先鋒嚮導等
船計共二千人於十三日自省河頭幫啟行進
泊鹿角遏賊上竄之路時提臣塔齊布陸營駐
紮新牆分兵援常澧一帶臣等因其兵力稍單
會調知府羅澤南帶湘勇一千知府魁聯帶寶
勇一千先後會剿復調周鳳山由常德馳至新

聖朝軍方略卷一百

六

等進泊萬石湖親駕小船前往君山一帶見賊
舟灣泊甚多遂將小船前往誘敵逆舟開礮抵
拒嚮導官生員何南青奪獲賊船一號擒賊五
名因天色已晚仍回泊萬石湖該營官等業已
探明虛實會商定計以君山雷公湖等處先須
設伏再用小艇駛入南津港誘賊出追乘隙截
擊遂於二十八日繪圖貼說稟商臣等二十九

日夜分五隊進兵彭玉麟埋伏君山南岸楊載福埋伏雷公湖上游夏燮及先鋒營由廬山直趨南津港褚汝航隨後策應又派何南青在新牆河口多張旗幟作為疑兵午刻夏燮等舟行距港不遠該逆出拒我軍開礮一周轉花佯敗該逆不取出追我軍轉向開礮彼此相持突遣三板數隻斜趨入港賊遂蠶擁而出三板又復

聖皇聖考卷一百

三

佯卻逆舟左右攻圍忽楊載福雷公湖伏兵先起抄賊之尾彭玉麟君山伏兵繼起攔賊之腰褚汝航坐船亦到併力合攻擊沈賊舟數隻匪船登時淆亂狂竄下游自相撞擊我軍嚴鼓進追沈燬賊船百餘號轟斃溺斃賊匪約三百餘名生擒六十二名奪獲賊船大小三十四隻槍礮旗幟無算初一日各戰船駛至城下見水陸

之賊並空褚汝航等率水勇入城安撫難民踏毀賊營此三十初一等日水師獲勝克復岳城之實在情形也時各營水師分泊南津港君山一帶仍刻刻戒嚴防賊再犯初三日賊果蠶擁而來我軍分五隊迎敵先令嚮導官何南青先鋒蘇勝等誘敵褚汝航彭玉麟楊載福等率船齊進槍礮兼施趁北風擊折該逆頭船之花逆

聖皇聖考卷一百

三

眾落水遂奪其船彭玉麟由湖西抄尾而來正遇大鈞鉤賊船扣篷迎敵彭玉麟親點大礮羣子散落中賊十餘人賊船即時紛亂復拋擲火罐中賊之火藥船煙燄迷漫哨官把總孫昌國爭先跳入賊船被賊還擲火包身受重傷左營各戰士不稍退怯反冒火衝煙奮力追殺殲斃偽丞相一名生擒三十五名楊載福坐三板艇

由湖東沿岸斜行捷如飛鳥及近賊船舉旗一
招衆礮齊響斃賊十餘名楊載福微傷左臂轉
戰不休該匪三路皆敗自相仇殺狂竄下游褚
汝航往來策應督令大隊進追由城陵磯羅山
白螺磯等處直追至臨湘縣對河距岳州七十
五里時日已西沈鳴金收隊逆船三四百號全
軍覆沒共計斬首二百七十二級生擒長髮短

聖皇聖方略卷一百



髮一百三十四名奪船七十六號燒斃溺斃之
賊甚多所獲旗械無算此次逆賊重踞岳州被
官兵擊退復集長髮死黨悉銳來犯幸水師連
捷轟擊無遺其由陸路同時來犯者復經提臣
塔齊布派都司彭三元諸殿元普承堯等沿岸
截勦轟斃執黃旗賊目一名餘匪百餘名生擒
四十五名水路敗竄上岸之賊概經我軍截殺

此皆仰託

皇上天威遠震故能將士用命大挫兇鋒郡城克復知
府褚汝航應請免補知府以道員儘先選用升
用同知夏燮請以同知遇缺卽選並

賞戴花翎知縣彭玉麟應請加同知銜並

賞戴花翎守備楊載福應請以都司留於本省遇缺卽

補並請

聖皇聖方略卷一百



賞加勇號文生何南青應請以主簿選用其餘出力員
弁兵勇可否容臣等擇其尤爲出力者覈實開
單保奏出自

天恩

駱秉章曾國藩又奏言廣西升用道李孟羣招
募兩廣水勇一千名已到長沙廣東續解之五
起六起鐵礮一百八十尊亦經解到山東登州

鎮總兵陳輝龍到湘以後新造淺水拖罟二號
 於六月杪畢工臣曾國藩即於七月初六日自
 省河起碇開行鎮臣陳輝龍帶廣東水師弁兵
 四百餘員名李孟羣帶兩廣水勇一千名亦於
 初六初八等日啟行均用湖南柁工水手人等
 攙配約計前後兩幫水師共四千餘人又用陸
 勇二千雇船隨行每遇戰船灣泊之處即用陸
 勇登岸紮營以資護衛現在水師已屢獲勝臣
 國藩率後幫到岳即當會合痛剿奏入

聖皇聖旨

奉

上命軍機大臣傳諭駱秉章塔齊布曾國藩曰此次收
 復岳州得力全在舟師塔齊布於陸路亦有斬獲覽
 奏稍慰朕懷據稱該匪敗竄後率皆自相仇殺可見
 此等烏合之眾一經官軍勦洗無不立就殄除若乘
 此機會設計誘擒又何患勦辦不能得手惟竄往下

游之匪為數尚多究竟遁歸何處褚汝航現在督令
 大隊追至臨湘縣對河該處已臨近大江所有此股
 逆匪是否下趨武漢抑或上竄荊州亟須探明賊蹤
 追躡其後隨地勦滅塔齊布所統陸路諸軍著即迅
 速管帶起程由間道馳赴武昌遵照節次諭旨為協
 同攻克之計曾國藩已率領後起水師自長沙啟行
 務即趕緊出湖東下會合水陸兵勇沿途察看情勢

聖皇聖旨

奉

遣賊即勦以期節節打通直達鄂省儻須先攻漢口
 賊巢或用舟師橫截江面斷賊往來接濟之路則攻
 勦武昌較易為力惟在體察機宜妥速籌辦以副朕
 望仍隨時知照官文嚴防荆襄上游並知會楊需迅
 速督兵進攻武漢南北夾擊至湖南省雖無賊蹤而
 岳州一郡屢陷屢復幾為該逆來去自由之地著駱
 秉章迅飭胡林翼督帶練勇嚴密籌防仍竭力搜捕

餘匪俾地方一律肅清毋致再有疏失

上諭內閣曰此次克復岳州大獲勝仗湖南逆蹤業就肅清江路已通重湖無阻卽著塔齊布會國藩會督水陸兵勇乘此聲威迅速東下力擒武漢賊巢以冀蕩平羣醜至此大督戰獲勝之卽補知府褚汝航著以道員儘先選用升用同知夏燮著以同知遇缺卽選並賞戴花翎卽選知縣彭玉麟著賞加同知銜並

欽定剿平粵匪方略卷二百

三

賞戴花翎守備楊載福著以都司留於本省遇缺卽補並賞給彪勇巴圖魯名號文生何南青著以主簿選用其餘員弁兵勇著略秉章等擇其尤爲出力者覈實保奏候朕施恩

二十四日辛酉載銓奏言聞近日高唐州長髮賊

匪不過三四百人其餘裹脅亦僅七八百人似此賊數無多蕞爾一城自無難剋期攻拔何至

曠日持久未見成功傳聞勝保有俟連鎮報捷

後高唐卽刻報捷之語是其坐擁重兵遷延觀望已可概見並聞貝子德勒克色楞十分焦急屢催罔應若不力加整頓何以除積習而肅軍威臣雖得自傳聞虛實難定然輿論僉同未必全屬子虛雖前奉

諭旨將勝保拔去花翎以示薄懲刻下軍務緊要更難

欽定剿平粵匪方略卷二百

三

任其因循若能將此股勦滅則連鎮自易奏功儻再遷延恐別生枝節辦理更形費手相應請旨再行嚴催勝保設法進攻不准復有耽延方於軍旅有益奏入

上命軍機大臣傳諭崇恩曰高唐賊匪不及千人我兵將有萬人何以蕞爾孤城勝保進攻兩月竟不能迅掃妖氛殊不可解朕聞勝保有俟連鎮告捷後高唐

卽刻報捷之語尤堪詫異勝保與僧格林沁雖分勦
兩處逆匪實則共辦一事若該大臣果有此語是直
坐擁重兵遲延觀望深負朕恩其心術尙可問耶前
聞七月初一日賊由南面竄出將吉林馬隊衝散我
兵多有傷亡復竄至勝保營後帳房被賊挑爛當諭
令該大臣據實覆奏昨據奏吉林帳房被賊挑破一
節諉爲造飯帳房殊屬含混崇恩於五月初間卽赴

聖事匪方略卷一百

天

高唐本月初三日始赴武定與該大臣共事兩月自
必知之最悉勝保初到高唐究竟如何布置屢次進
攻是否認真督辦始則趕造呂公車近復鑄造大礮
並稱高唐城外積潦甚深攻具難施將士不敷分撥
該大臣有無藉詞搪塞任意耽延我兵屢有傷亡是
否該逆撲出抑係我兵進剿致有挫失崇恩身任疆
圻亦不能辭地方之責務須激發天良毋負委任接

奉此旨卽據實密奏不准稍有隱飾

二十五日壬戌官文貴陞奏言臣等前因武昌失

守派撥兵勇分途進剿並飭東路團練約會沔
陽州牧帶勇夾擊先復州城疏通道路以便進
兵七月初十日據知縣林天直稟稱會同沔陽
州知州蕭蔭恩統帶壯勇於六月二十四日由
段家場一路帶勇前進二十五日蕭蔭恩先帶

聖事匪方略卷一百

天

自募壯勇攻入州城卽時收復並據沔陽州知
州蕭蔭恩稟報收復州城情形大略相同其張
家場踞匪復經軍功龍志安等帶勇往剿共殺
賊八百餘名並斃賊首數名十五日據知縣吳
振鏞稟報會同守備銜黃鵬程等督率礮船由
監利進攻沔陽屬之洪湖賊巢四面合圍擊沈
賊船六隻追至洪湖東面又擊沈十餘隻餘賊

逃竄初十一等日陸續擊沈賊船數十隻殺斃多名查沔陽與漢陽接壤被賊盤踞已久茲經各路兵勇協力進剿連獲勝仗該知州蕭蔭恩乘勢帶勇克復州城現仍分飭隨剿隨進務期盡掃賊氛速復武漢

官文又奏言前派署四川松潘鎮總兵雙保帶領漢屯官兵一千五百名又續派建昌鎮總兵

聖學方略卷一百

三

福忻帶兵五百名為後隊均往潛江縣隨剿隨進並飭安襄鄖荆道羅遵殿多備船隻派勇會合川兵渡過襄河收復天門由沔陽之仙桃鎮漢陽之蔡店一路進剿以期直達漢陽漢口旋據雙保稟報在魚泛洪等處連獲勝仗正在飛催速進接據羅遵殿稟稱京山縣土匪勾結天門縣粵匪復竄安陸府於六月二十八日失守

當即飛札續派之建昌鎮福忻帶兵馳往安陸會合襄陽兵勇及雙保所帶漢屯官兵相機攻剿因恐兵力尙單已飭同知銜李光榮帶領義勇礮船速由調弦口直下相機協剿並將同知銜張于銘所帶之勇五百名由尺八口調回自荆門州馳赴安陸應援奏入

聖學方略卷一百

三

上命軍機大臣傳諭官文曰現在沔陽雖已克復而安陸仍為賊踞荆州接壤地方該將軍即派員嚴為扼守不可稍涉大意調回張于銘所帶之勇五百名由荆門州進援安陸是否足資得力務須妥籌布置岳州收復賊竄沿江一路即督飭李光榮統帶義勇礮船嚴密堵截知會湖南追剿之兵相機協剿務將竄匪掃除淨盡毋任蔓延

上又命軍機大臣傳諭楊需曰兵勇克復沔陽京山縣

土匪勾結天門縣粵匪復竄安陸府城失守官文現派建昌鎮福忻帶兵馳往正可與該署督所調之雙保劉福成等會合攻剿福忻雙保等所帶兵勇均歸楊需調遣卽飭迅將郡城克復毋稍延緩儘兵力不敷該署督並可酌量分撥助剿總期上游肅清則荆襄一帶可保無虞我兵進攻武漢亦不致爲該逆牽掣前據駱秉章等奏水師克復岳州惟下游之匪爲

聖學聖方略卷一百

三

數尙多難保不盡趨武漢此時褚汝航大隊追至臨澧縣對河曾國藩亦率領後起水師自長沙啟行塔齊布所統陸路諸軍已諭令由間道馳赴武昌該署督卽可趕緊督飭桂明等與湖南水陸大軍會合夾擊毋失事機

二十六日 癸亥 官文貫陞奏言前撫臣青麀於七

月十七日行抵荊州城外沙市地方魁玉楊昌

泗亦各由陸路來荆所帶兵勇尙有六千餘名臣等卽囑青麀暫駐沙市魁玉楊昌泗俱駐城外一面清查來荆文武並所帶兵勇名冊統俟到齊悉心查明親加點驗分別去留酌量將弁統帶奏入報

聞

二十九日 丙寅 僧格林沁西凌阿托明阿奏言近

聖學聖方略卷一百

三

日連鎮賊匪經臣多方誘引該逆大股仍前堅匿未能大張撻伐若專恃大礮轟擊及零星斬擒何日蕙事臣等萬分焦灼所築套隄現已竣工均高丈餘周圍環抱我兵立於隄頂防守聲勢頗爲聯絡其套隄衝決之處現已趕築惟水勢消長不定不敢一律修整現將出水口門酌留二丈以便隨時查看水勢相機蓄洩前因投

出零匪供稱賊衆心漸乖離臣等揆度逆情恐圖他竄嚴傳各營實力隄防該逆於二十五日夜大股出撲西面勢如蠶擁侍衛都興阿鎮靜以待俟其攀援而登始開槍礮紛紛擊斃該逆猶捨命奔撲向濠牆拋擲噴筒火罐我兵槍礮弓箭連環施放該逆不能前進火光之中惟見賊屍徧滿濠邊我兵並無一人受傷該逆狼狽

聖學集略卷一百

三

回巢逆匪節被痛勦兼之圍隄工竣自必倍思潰竄臣等惟有督同各營極力扼截設法勦洗以期迅就蕩平奏入

命軍機大臣傳諭僧格林沁曰逆匪被圍日久其勢已窮自必亟思奔竄此次雖經我兵殲斃多賊而該逆詭譎異常難保不乘間仍圖竄逸著僧格林沁等督飭各營將弁一面嚴密防勦一面設法力破賊巢

毋任負隅久踞屢據奏稱逆衆被圍情急衆心漸離且糧草均已缺乏正可乘此機會奮力掃除該大臣既知專恃大礮轟擊及零星撿斬無濟於事自應力籌進勦爲掃穴擒渠之計不可因套隄築成僅以防賊竄逸爲詞再延時日前此批諭甚明諒僧格林沁必能懷遵嚴旨妥速辦理以慰廬念

三十日丁卯官文貴陞奏言前因賊撲常德並擾

聖學集略卷一百

三

澧州一帶與荆屬公安縣毗連誠恐竄至荆郡當飭四川建昌鎮總兵福忻帶兵五百名迅赴澧州公安交界之界溪橋防勦又因安陸復失調回福忻及同知銜張于銘分帶兵勇前往救援茲接塔齊布會國藩來咨岳州已復賊船悉出大江荆河腦螺山上下灣泊該提督等又在大江連獲勝仗螺山之上卽係監利更慮該匪

被勦過急竄至監利地方前已札調同知銜李光榮由石首之調弦口順赴監利之白螺磯防堵並加派知縣楊際春等帶勇二千三百名前往協防尙恐兵力單薄又選兵勇二千名派涼州副都統魁玉總兵楊昌泗帶往堵勦並令前留荆郡之四川練丁一千名作爲後隊暫駐荆沙以作應援現在郡城水路要隘仍分撥旗兵

勦平匪方略卷一百

三

防守並有副將王國才佟攀梅等帶兵接應足資防禦至安陸府城據雙保等稟稱在石牌得獲勝仗並聞署督臣楊需亦已調兵上勦安襄卽荆道羅遵殿派勇下擊三路夾攻似不難於殄滅奏入

命軍機大臣傳諭官文曰岳州賊船悉數退出大江而下游逆衆尙復分起上犯亟應南北會合夾擊方

免此勦彼竄之患官文等現已調撥兵勇四千餘名派令李光榮及魁玉楊昌泗等帶赴監利扼要堵勦並將前此留荆之四川練丁一千名作爲後隊暫駐荆沙此時湖南師船已追至城陵磯下與監利縣屬之白螺磯相距咫尺若能乘勢聯絡勦辦更易爲力著官文等飛飭帶兵文武各員務須協力夾攻俾沿江一帶逆蹤及早殄滅荆郡自能安堵惟在該將軍

勦平匪方略卷一百

三

豫籌布置與塔齊布曾國藩互爲聲援妥籌策應至安陸一股旣經楊需調兵進勦該將軍復調回福忻與張于銘分帶兵勇前往應援目下攻勦能否得手所稱石牌獲勝是否確實該郡緊接荆門亦距襄陽不遠尤須亟籌攻克仍著官文隨時知照楊需迅將此股殲滅後爲移師武漢之計毋致遲延疏失

同日湖南巡撫駱秉章湖南提督塔齊布前禮

部侍郎曾國藩奏言前幫水師於初一日克復岳州後初五日戌刻探知下游播鼓臺一帶賊船數百號乘風上竄初六日該營官等會議以北風甚勁與其坐待賊至不若迎其未至而擊之遂令左營彭玉麟右營楊載福副後營夏燮先鋒營蘇勝等分爲前後兩隊營務處褚汝航自領本營督陣行至道林磯遙見逆舟蠶擁

聖皇方略卷一百

三

而來我軍頭隊將到該匪一面開礮抵拒一面齊卸布帆停泊老岸爲以逸待勞反客爲主之計左右兩營連檣開礮更番疊戰正副後營及先鋒營各船分兩翼併力向前殺賊甚多鏖戰二時之久日將西墜北風大作下游賊艘仍復魚貫而上續來者約五六百號我軍船僅七十餘號距南津港老營已逾六十里士卒竟日未

食又不能卽行收隊楊載福親駕三板艇穿入賊隊繞賊之背截其來船轟燬賊船三隻賊衆紛紛墜水復縱火連燒十數船下游續來之船始行退竄上游賊勢亦潰彭玉麟見五彩畫龍三桅船知係賊目冒險衝入該逆攢礮轟擊彭玉麟頸後及左手右髀三處受傷哨官秦國長中礮陣亡彭玉麟猶裹創力進將船奪獲查係

聖皇方略卷一百

三

韋政之兄坐船時褚汝航麾旗督戰攔腰截擊復遇畫龍巨艦急起直追槍礮環擊該匪上岸狂竄落水者無數遂獲其船並獲偽印一顆查係偽承宣林姓坐船夏燮率哨官歐陽春往來衝擊槍斃偽十三檢點黎振輝後營哨官守備羅管全等往來夾擊轟斃偽丞相曾姓奪獲偽印一顆是日自未至戌鏖戰數時之久計燒燬

賊船四百餘號斃賊約二千名生擒百二十餘名奪船二十餘隻內有長龍戰船一隻大礮十四位奪獲旗幟號衣紅黃帽及擡槍子藥刀矛馬匹千餘件此初六日大獲全勝之實在情形也臣曾國藩於十五日已刻到岳據各營官稟稱十四日該逆在城陵磯下游埋伏小划二百餘隻匪黨皆上坡藏匿其羅山對岸之夾洲一

聖事集考卷二百

罕

帶灣船約千餘號沿岸築有礮臺城陵磯以上一字排列戰船數十隻意欲以小艇誘我軍深入然後伏舟齊起迎頭抄尾計甚狡毒時提臣塔齊布陸營駐紮岳州北門外五里許褚汝航先期稟商豫備水陸夾擊隨與楊載福彭玉麟夏鑾等魚貫而行舟過城陵磯伏匪正欲上船抄尾不期樹林內提臣陸路伏兵四起該逆紛

紛上船水軍分途迎擊該逆見伏船已破心遂忙亂我軍乘勢擠進候補千總張世基然燒賊船一隻時羅山一帶上駛賊船約一千五六百號見火起卽行折回復被我軍趨燒而該匪戰船猶橫阻江心開礮抗拒候補把總區聯彪奮斬紅衣長髮老賊一名右營哨官秦國祿復奪得快蟹賊船一隻後營哨官羅管全挺矛躍入

聖事集考卷二百

罕

賊船殺斃長髮賊數名左營各哨官燒賊船十餘隻水軍仍回泊南津港總計燒賊船三十餘號奪賊船七隻轟斃溺斃殲斃約三四百名生擒三十五名該逆二次從武漢下游分起上犯誓爭岳州幸仗

皇上天威屢戰屢捷各將士酷暑鏖戰辛苦萬狀傷亡亦復不少然士氣終不稍挫候選道褚汝航應

請

賞加鹽運使銜同知夏燮請

賞加運同銜知縣彭玉麟請免選知縣以同知選用都

司楊載福請免補都司以遊擊留於本省遇缺

卽補主簿何南青請免選主簿以布政司照磨

卽選其餘出力員弁兵勇由 臣等覈其勞績最

著者開單額懇

聖事畢方略卷二百

望

恩施以示鼓勵哨官六品軍功秦國長擊賊陣亡深堪

憫惻合無仰懇

天恩准照千總例子卹奏入

上命軍機大臣傳諭駱秉章塔齊布曾國藩曰賊匪疊

犯岳州其意總圖扼我重湖之險塔齊布曾國藩等

所派水陸員弁均能奮勇出力疊次獲勝賊膽已寒

正可乘此聲威順流東下直達武漢此時沿江一帶

賊船鱗比我水軍師船既已進擊至城陵磯下與荆

州官兵聲勢聯絡本日據官文奏石首縣之調弦口

監利縣之白螺磯已有派防兵勇二千餘名並魁玉

楊昌泗所帶官兵二千名又有川勇一千名暫駐沙

市以爲後路該提督等如須此項兵力會勦卽與官

文妥速商辦原奏內稱與其坐待賊至不若迎其未

至而擊之甚合機宜不獨插鼓臺一戰卽楚省全局

聖事畢方略卷二百

望

皆應如此辦理卽著迅速督兵前進沿江攻勦毋令

坐失事機武昌旣爲賊踞其通城崇陽一帶是否梗

阻塔齊布陸路官兵若能從此直攻武昌之背水師

順流而東肅清江路楊需所帶兵勇直撲漢陽賊巢

則楚省賊蹤當可漸就掃蕩至塔齊布曾國藩督率

水陸官兵全赴下游岳郡爲南省咽喉且衡州長沙

兩廠接濟船礮皆須由該郡出湖不可無得力兵勇

擇要扼防著駱秉章迅催胡林翼赴岳為塔齊布會國藩後路接應毋令下竄賊匪乘虛繞越上游

論內閣曰逆賊自岳州克復以後疊次回撲經我軍復加痛勦洵足以寒賊膽著塔齊布會國藩乘此聲威迅督水陸各軍東下直撲武漢盡殲羣逆至此大接仗獲勝之候選道褚汝航著賞加鹽運使銜同知夏鑾著賞加運同銜知縣彭玉麟著以同知選用都

勦平粵匪方略卷一百



司揚載福著以遊擊留於本省遇缺即補主簿河南青著以布政司照磨即選其餘員弁兵勇著駱秉章等擇其尤為出力者覈實保奏陣亡之六品軍功秦國長著照千總例賜卹

欽定勦平粵匪方略卷一百一 甲寅年

閏七月初一日戊辰楊需奏言查北境之要西則

荊州東則德安中則襄陽安陸西取漢川東取黃陂中由漢水直下北境之門戶鞏固戰與守方有把握臣前調雙保帶兵由潛江赴安陸合勦其時尙不知有飭由沔陽直搗漢陽之舉及得官文來咨知改調福所帶兵前往現接都司

勦平粵匪方略卷一百一



劉富成報於七月十三日行抵距安陸府城十里之蕭家店賊於城外紮有營盤次日與代辦安陸府事方卓然等分東西兩路夾擊殺賊五六百名是夜分遣守備石清吉等帶兵潛赴東門外樹林埋伏劉富成帶兵直薄賊壘鼓譟進攻賊眾驚擾我兵乘亂進擊立毀賊營賊眾大潰城中賊亦驚惶開小東門逃竄多為伏兵截

殺擒斬千餘名劉富成由東門入城搜捕藏匪
悉皆駢斬當令劉富成探明賊窟何處速行追
勦並飭京山隨州棗陽各處一律堵截一面照
會雙保若尙未起程卽由潛江就近收復天門
由天門進取漢川福圻到安陸卽可由鍾祥取
道漢川爲雙保後應同知銜張于銘亦經官文
派赴安陸並可隨同前進知縣吳振鏞守備黃
鵬程帶勇由朱河前赴沔陽夾攻漢陽守備鍾
埈管帶練丁由沔陽直達漢陽此爲西路之師
東路則派知縣李殿華喬綏福參將花連布督
帶兵勇由孝感進攻黃陂台湧佈克慎帶陝西
綠營官兵由雙廟前進伊勒當阿帶滿營兵桂
明帶陝西兵駐紮楊店以爲後勁惟黃陂漢川
一帶船爲賊據兵不能渡改由雙廟前進襄樊

聖皇聖略卷一百一

二

聖皇聖略卷一百一

三

一帶尙有民船已飭趕緊雇覓飛催楊昌泗等
揀帶精銳二千令於襄陽乘船由漢水順流擊
水路之賊而固襄陽之腹心兼爲東西兩路之
策應其餘兵弁催令來營爲分勦麻城黃岡及
分防長江準瓠子潭及留守德安之用此籌畫
三路之大略也 臣一俟船隻稍集卽帶德安現
駐之兵進紮楊店催督水陸征兵會合進勦奏
八
上命軍機大臣傳諭楊需曰所籌三路進勦機宜頗爲
詳晰其西取漢川東取黃陂兩路兵勇已不爲單安
陸又經收復可無後顧之慮亟應迅速督兵前進不
可再事耽延魁玉楊昌泗兵勇昨據官文等奏報已
挑選二千名飭令統帶前往監利防堵楊需旣藉此
項兵勇爲東西兩軍策應現已諭官文等飭令由監

利折赴襄陽從漢水直下著楊需一面飛速催提一面嚴飭襄陽府縣多備船隻迎候毋許稍涉遲誤昨據塔齊布曾國藩等奏報岳州克復以後疊獲勝仗湖南水陸各軍行至城陵磯以下已諭令速行東下與該署督為三面夾擊之計並著楊需將如何會剿之處妥速咨商

又命軍機大臣傳諭官文曰據楊需奏擬派楊昌泗

聖學聖略卷一百一

四

等揀帶精兵二千由襄陽乘船順流下擊為東西兩路策應此次湖北省城赴荆兵勇共有六千餘名荆州兵力已不為單自無須盡行截留著官文飭令魁玉楊昌泗等按照楊需所咨迅速帶兵前往無稍延誤其應行派留監利防剿兵勇仍著該將軍妥籌辦理隨時奏報

同日袁甲三奏言查逆匪南北奔竄東路以臨

淮為最要西路以正陽為最要如由霍山攻撲六安則正陽自當添兵嚴防惟霍山已於本月初九日收復六安一帶並無賊蹤而東路含山被擾已失復得該逆揚言去而復來該處與巢縣毗連一經勾結不惟巢縣攻剿難期得手即廬州亦倍形喫重且金陵鎮江逆賊疊被水師擊敗勢甚窮蹙其北竄亦須豫防以現在情形

聖學聖略卷一百一

五

而論臨淮更重於正陽都司玉崑帶兵四百名已經和春調赴正陽合以劉玉豹原帶之兵足資守禦臣跨淮而守現帶兵勇除派赴各處剿匪外存營不及兩千原派防守關山之勇經福濟陸續遣散咨臣派兵接守查中關即古清流關右二十里為馬鞍山左二十餘里為龍井口三關並守非二三千人不可現在時勢既不能

分臨淮兵勇盡守關山又不能於現有兵勇之外另添勁旅琦善於浦口派有重兵請

飭將浦口防兵與江六民勇聯爲一氣共圖保衛使該逆不敢北窺防剿更易得力臣復飭知府郭志融由鳳陽至定遠滁州及附近之來安全椒等處整頓團練直接江浦六合以壯聲威而備接應奏入

聖學聖方略卷一百一

六

上命軍機大臣傳諭袁甲三曰據袁甲三奏霍山業已收復六安並無賊蹤現在臨淮更重於正陽其關山防勇經福濟遣散後又須派兵接守大致總在兵力單薄不能分赴正陽所奏尙屬實在情形惟六安霍山等處如果全無賊蹤則西路固覺稍鬆此時湖北黃州麻城一帶全被賊踞英霍之賊儻亦如含山一路逆匪去而復來兩路仍形並重前所以令該副都

御史與秦定三分紮臨淮正陽者原爲東西並扼本

無畸重畸輕今秦定三旣專力舒城是西路之防已較東路稍弱袁甲三亦當妥籌兼顧互爲聲援不可因正陽距廬較近稍存議卸之見至所稱近守關山尤須遠防浦口所籌尙是浦口防兵及江浦六合民勇疊據琦善奏報殺賊毀船尙俱得力本日復諭知琦善令其加意嚴防袁甲三仍應於臨淮以南關山

聖學聖方略卷一百一

七

左右設法嚴扼清流古稱險要扼守尙非難事未可專倚浦口爲屏障遂置險要於不顧也

上又命軍機大臣傳諭琦善曰琦善前奏紅單師船入江接仗以後迄今已及兩旬未據續行奏報懸念殊深此項舟師經琦善提撥陳國泰所統一起扼駐瓜州迤上復經向榮分提二十五隻駛赴上游進扼當塗蕪湖以便往來剿洗其儀徵上游一帶並有陳世

忠葉常春艇局各船節節攔截沿江上下有此布置若能會合聯絡剿辦自必得手但江面賊船一經被剿窮蹙勢必乘虛奔突所有北岸江浦六合各屬均不可不加意嚴防浦口為南北咽喉尤當衝要琦善派防之總兵武慶節經斬獲逆匪燒燬賊船於一切堵剿機宜尚屬得力當此江路攻剿喫緊之際尤須妥籌堵禦不得稍有疏虞即著琦善嚴飭該總兵一

聖事匪方略卷一百一

八



面督令弁兵扼要截剿一面會集附近團練民勇協力保衛毋令賊蹤闖入至關山一路應於何處協同防守即飭武慶就近知照袁甲三妥籌兼顧瓜州近日賊情及水師如何接仗該大臣務即督飭水路各軍迅速進剿仍隨時知照向榮會商夾擊

同日官文奏言臣接奉七月十五日

諭旨遵即派員前赴沙津將前任湖北巡撫青慶調至

郡城公所宣讀

諭旨即行正法並飭知府祿勳將湖北巡撫關防湖北學政印信暫存道庫由臣委員送交撫臣楊需祗領奏入報

聞

初二日己勝保奏言臣商同德勒克色楞善祿於二十七日丑初出隊進襲高唐逆匪善祿等

聖事匪方略卷一百一

九



各帶兵勇分攻四門詎該逆早有準備兵勇等方偪近城根豎梯爬城該逆齊聲吶喊木石交加兵勇等手執攔牌奮力向前隨將噴筒火彈望空拋打逆眾隱身堦內拌死抵禦兵勇攻撲屢傷屢進欲撲上者數次天光漸曙槍隊兵勇對定垛口開槍復於西北城角射進火箭將該逆帳房延燒該逆於敵樓凸出處左右兩邊施

放槍礮從旁橫擊密如雨下兵勇暫伏城根臣
令將弁開放大礮擊中望樓燃燒藥簍登時火
起望樓傾倒並燒帳房七八架逆眾燒斃壓斃
甚多兵勇乘勢上攻該逆復將西南守城逆匪
抽赴東北一面悉力拒守兵勇受傷甚多其城
南一面臣德勒克色楞親督各勇逼近城關拔
其角柵施放火箭噴筒焚燒城樓擊斃賊匪西

聖聖聖方略卷一百一



面亦抵城樹梯皆以兵勇受傷未能得手祇得
收隊暫養兵力查高唐城中該逆連脅從不過
一千數百人自五月圍勦以來業經殲除十之
五六擬俟天氣稍霽誓必克復州城殄茲窮寇
奏八

上命軍機大臣傳諭勝保崇恩曰此次攻勦高唐州城
兵勇尙屬奮勉惟逆匪先有準備以致未能克復失

此機會殊覺可惜該逆僅千餘人我兵屢次勦洗業
經殲除十之五六若我兵四面同時進攻使該逆不
能互相救應必可搆虛攻入據稱賊於危急時尙能
將西南守城之賊抽赴東北抵拒可見我軍未能悉
力合圍該大臣等圍勦已兩月有餘若不知奮勉日
事遷延以數百敗竄之匪牽掣全軍糜餉老師自問
當得何罪

聖聖聖方略卷一百一



同日官文貴陞奏言前因安陸府城二次被賊
占踞當派總兵福忻等帶領兵勇馳往攻勦茲
據稟稱安陸賊匪已過襄河占住石牌鎮市經
署守備陳德新於七月十四日帶兵出隊行至
薛家冲派外委陳源濟等同該處義勇由下大
路繞至河岸堵擊該署守備帶領把總徐步雲
等及團勇由上大路直搗賊巢當殺斃賊首毛

士楨蕭啞叭並匪衆數十名其自來紫坊地方
下河之賊經陳源濟等兵勇槍礮齊施落水淹
斃者百餘名又有一股退回石牌兵勇跟追圍
剿燒斃賊首劉八蕭毛並賊衆多名詎該匪逃
回安陸糾約賊衆千餘人於十六日蠶擁而來
陳德新親帶兵勇直撲賊隊射斃長髮賊僞西
府將軍陳忠賊匪潰散因兵力已疲收隊回營

聖朝方略卷一百一

十二

又據代辦安陸府事方卓然等稟稱京山土匪
孔招濞等勾結天門粵匪於六月二十八日突
至郡城方卓然當經督縣帶勇迎敵因衆寡不
敵卽退至利河口商同千總武天秩等招集精
壯於七月初九日親率至城殺賊四百餘名初
八初十等日安襄鄖荆道羅遵殿派千總賽國
勝等帶兵到利河口會同前進十四日辰刻賊

匪千餘名來撲營盤當經方卓然督飭兵勇在
河北岸出隊適荆州派張于銘帶勇由龔家集
前來聲勢益壯兵勇奮力過河斬殺甚多又署
督臣楊需派遊擊劉富成帶同京山縣派來巡
檢褚鑣到梅子嶺殺賊二百餘名方卓然等商
定於十五日會集各帶官兵由西路進攻劉富
成由東路進攻賊被我兵攻打分路逃竄劉富

聖朝方略卷一百一

十三

成卽從東路追殺當先入城收復安陸方卓然
由水路追趕於十六日進城安撫百姓並據羅
遵殿補稟京山縣先於五月初四日被土匪孔
招濞勾結逆賊竄入城內並往孫家橋一帶槍
擾該縣杜嘉善督帶兵勇進剿縣丞姚拱辰把
總劉春耀同時陣亡該道府派撥壯勇會同該
縣於五月二十日分路進兵該逆聞風出城東

竄該縣隨將兵勇駐紮城內前赴各鄉搜捕餘
匪現在京山境內漸次肅清 臣等現飭令福忻
張于銘乘此兵威會合署松潘鎮雙保統帶漢
屯官兵進攻天門縣卽由仙桃鎮蔡店直抵漢
陽聽候署督 臣調遣奏入報

初三日 庚午 駱秉章塔齊布曾國藩奏言 臣曾國

欽定剿平粵匪方略卷一百一

藩偕鎮 臣陳輝龍於十五日抵岳時賊雖屢敗
尙盤踞城陵磯下游一帶又將漢口賊舟數千
傾巢上犯連檣數十里陳輝龍卽欲親督廣東
水師出隊進剿 臣囑以下游水急進易退難如
遇南風不必開仗且沿江港汊慮有埋伏獲勝
後仍勿窮追十六日陳輝龍自坐拖罟督率所
部前行褚汝航夏燮分坐戰船繼進李孟羣尙

未到岳其前隊廣勇先到者亦隨陳輝龍會剿
左營彭玉麟右營楊載福均酌撥長龍三板藉
作聲援時風色尙覺平靜行至城陵磯正遇該
匪出隊上犯該鎮道等排陣合攻槍礮齊發轟
斃賊匪多名燒燬賊船數隻賊卽下竄遊擊沙
鎮邦礮船乘勝跟追陳輝龍見風勢愈大卽插
旗收隊復恐沙鎮邦頭船有失督催拖罟趕往

欽定剿平粵匪方略卷一百一

救護奈船身重大膠淺於激流旋渦中該逆見
拖罟膠淺卽時蠶擁而來湖港伏船亦出水師
各船奔往救護又被風橫吹而下互相擁擠槍
礮難施當被賊船擁近兵勇陷入重圍不能進
退被賊戕斃多名陳輝龍沙鎮邦均卽陣亡褚
汝航馳往拌救手刃數賊與夏燮均被重創落
水殉難廣東署千總何若澧廣西帶勇候選府

經歷唐燦一同遇害計陳輝龍一營船礮盡失
 褚汝航夏鑾二營失去快蟹四隻三板六隻李
 孟羣一營失去快蟹四隻波山艇一隻長龍二
 隻三板四隻惟彭玉麟楊載福二營獨全十七
 日收集散亡點存礮械一面飛催省城所造三
 板等船以資添補十八日臣塔齊布親督陸營
 出隊適逆匪三千餘人由城陵磯舍舟登岸思
 欲踞險紮營並分三股來撲我軍亦分三路迎
 勦臣塔齊布匹馬當先兵勇奮力猛進陣斬悍
 賊十餘名截殺四百餘名該逆見中路已潰猶
 敢佯敗以圖合抄官兵愈殺愈奮又斃賊匪三
 百餘名賊始敗走搶舟逃竄我軍截殺直追至
 插鼓臺地方計共殲賊八百餘名落水死者無
 數查山東登州鎮總兵陳輝龍自到湖南以來

聖朝聖略卷一百一

十六

聖朝聖略卷一百一

十七

造船製械事事躬親此次雖乘勝輕進而忠勇
 奮發大節克全與同時陣亡各員一併懇

恩賜卹其陸路戰勝出力各員弁懇請

恩施以昭激勸臣國藩未能極力阻止以致挫失應請

將臣交部嚴加議處現在水路關鍵以城陵磯

荆河腦為扼要之區如能防守謹嚴則西可塞

由荆入蜀之門南可截由湖入湘之路惟荆河

以上賊船游弋水師新挫上下勢難兼顧臣等

惟有扼守要隘先清上游以期速殄逆氛奏入

上命軍機大臣傳諭駱秉章塔齊布曾國藩曰我兵克

復岳州水師疊獲勝仗方冀乘勢東下直擣武漢賊

巢該提督等雖經屢勝仍當於銳進之中力圖萬全

之策乃因輕進失利致鎮道陣亡失去船礮甚多雖

塔齊布陸路獲勝究屬得不償失曾國藩係在水路

督戰於陳輝龍出隊時不能詳慎調度可見水上一軍毫無節制卽治以貽誤之罪亦復何辭惟曾國藩前經革職此時亦不必交部嚴議仍責令督飭水師將弁奮力攻剿斷不可因一挫之後觀望不前陳輝龍現已陣亡所有師船必須派員統帶李孟羣丁憂現在留於軍營卽補遊擊楊載福屢次打仗出力卽可派該二員管帶各船省城所造三板等船著駱秉

聖皇聖考二百一



章迅速催赴岳州毋稍延緩城陵磯荆河腦旣爲水陸扼要之區亟應嚴密防守杜其紛竄之路塔齊布仍督飭將弁兵勇乘勝進剿以期水陸夾攻並隨時知照官文楊需一體截剿

上又命軍機大臣傳諭葉名琛柏貴曰湖南水師屢獲勝仗於七月初一日收復岳州賊匪仍盤踞城陵磯又調回漢口賊船數千上犯十六日總兵陳輝龍遊

擊沙鎮邦署千總何若澧等均因拖畧膠淺同時陣亡現在武昌尙未克復亟須舟師下戰會剿統帶乏員甚關緊要著葉名琛等卽於水師揀選得力鎮將二三員飭令趕赴曾國藩水營聽候調遣並將續購洋礮若干位配齊架具迅派委員一併解往備用

聖皇聖考二百一

十九

上諭內閣曰此次陣亡之山東登州鎮總兵陳輝龍奮勇殺賊因船膠淺以致捐軀殊堪憫惜著交部照例議卹道員運使銜褚汝航保升同知運同銜夏鑾屢次督戰疊獲勝仗茲以奮勇殞命均著各照升銜議卹遊擊沙鎮邦千總何若澧府經歷唐燝均著照例議卹其陸路出力之守備童添雲著免補守備以都司補用並賞換花翎把總周岐山著免補千總把總以守備補用並賞換花翎外委黃明魁著免補外委把總以千總拔補其餘出力弁兵仍著該撫等覈實

酌保

曾國藩又奏言臣國藩前調廣西平樂府知府李孟羣招募廣西水勇一千名來楚協剿已於六月初六日督勇到省其時適聞武昌再陷該員之父李卿毅方署湖北臬司即知其萬無生理該員忠憤鬱結晝夜趕辦船廠為報讐殄逆之舉臣國藩於七月初六日起疏該員即於初

聖學聖略卷三十一

三十一

八日成行舟次萬石湖據逃出家丁具述該署臬司殉難情形該員始得發喪成服十六日行抵岳州赴臣行營將其父死事情形及父妾高氏隨同殉難各節稟請

賜卹該員並稱例應丁憂回籍但武昌一日不復父骨一日難收惟當寢苫枕戈隨同大軍進剿以期奔喪收骨返葬故里懇將前營統領官另行遴

委俾得墨經從戎竭誠自效等語應請

旨飭下該員隨營督勇其前營弁勇仍令從權統領以

專責成奏入

上諭內閣曰前署湖北按察使督糧道李卿毅帶兵守城備極勞瘁追賊陷武昌該道投池盡節洵不失城亡與亡之義其妾高氏亦隨同殉難殊堪憫惻李卿毅著加恩照道員例從優議卹伊子廣西平樂府知

聖學聖略卷三十一

三十一

府李孟羣現在丁憂著准其仍留軍營帶勇剿賊

初五日 壬 琦善奏言查瓜州逆匪阻水自固經

官軍屢次進剿堅匿不出艇師各船之上駛者

皆在六合儀徵江面駐泊吳全美所帶之紅單

船二十五隻屢經向榮催提已與拖罾船駛往

金陵惟有陳國泰所帶之紅單船二十五隻駐

泊瓜州上游之土橋距瓜州較近奈船身笨重

非得西風不能駛下賊知其船重難行遂於初八日潛來夜劫我船開礮連擊該賊船亦開礮攻拒直至夜分賊划始退十五日瓜州賊匪與鎮江賊匪共駕划船五十餘隻乘曉攻襲直撲陳國泰坐船陳國泰督放大礮擊沈匪船三隻復經各船開礮合擊焚燒匪船一隻擊沈一隻該匪紛紛落水旋即退去 臣以陸路既阻於積

聖皇聖方略卷一百一



聖皇聖方略卷一百一



水大舟又因於無風豈容不求變通坐淹時日現與水師鎮將議添多槳快艇數隻分駕礮位又恐修造船隻曠日持久買船購料經費無出因揀歷次所獲賊船之輕便者雇覓工匠修改如式計旬日之內即可陸續工竣現據擊獲奸細供稱瓜州鎮江之賊因金陵隔絕頗覺勢孤擬糾兩地匪黨分爲兩股由水陸繞道衝過揚

州上竄清淮等語 臣已密飭水師嚴扼下游焦山南北要隘並令陸路各營分段嚴加堵截一面設法進攻迅圖克復

琦善又奏言查艇師各船宜先併力攻克瓜州然後計取鎮江席捲而上節節進剿方爲得勢前准向榮移咨亦謂防賊北竄必以斷賊援應瓜州爲先及將紅單船分提向榮又以上游喫

緊議欲多調艇師上剿第思此時和州以上賊舟往來如織其喫緊不獨金陵爲然若不熟審事機而急欲溯流直上僥倖嘗試以有限之舟師敵方張之巨寇萬一銳氣稍挫恐難復振且查艇師各船現在焦山者多係壞艦孱兵不足以資攻剿並非皆堪駕駛其現駐六合儀徵者爲數無多不敷分撥而下游瓜鎮賊船人數不

少儻竟鋌而走險直撲焦山下游北可以竄清
淮南可以達蘇杭是下游喫緊情形實與上游
無異臣前准向榮咨商於分提紅單船外又經
臣撥給拖糧船六隻派總兵葉常春統帶上駛
協同吳全美進剿就船數而論已不為少南岸
防勦儘可敷用其北岸之浦口地方一年以來
全賴武慶防堵嚴密未容猖獗故浦口一軍儼

聖皇聖方略卷一百一

三

然為江北之重鎮至瓜州賊匪防守愈嚴每日
於江干運石砌城與鎮江同一情形疊據奸細
難民供稱瓜州之賊多於鎮江並無陸續渡江
歸併鎮城之事向榮所奏自是誤採流言臣以
為必力扼下游然後可逆制上游必保護北岸
然後可徐圖南岸若不顧形勢凌躡以施誠恐
上游未能制而下游先已空虛南岸不可圖而

北岸並致決裂祇以事關大計籌畫不敢苟同
奏八

上命軍機大臣傳諭琦善向榮曰粵省紅單船既形笨
重自應多造適用船隻以期輕捷琦善既稱旬日之
內可以竣工則北岸水陸攻具均已漸次齊備正可
乘勢力攻瓜州斷絕鎮江賊船聯絡之路向榮前奏
瓜州之賊有欲全竄鎮江之說本日琦善奏奸細供

聖皇聖方略卷一百一

三

稱瓜鎮逆匪議分水陸上竄清淮大約賊情詭譎本
無一定趨向瓜州攻勦緊急則歸併鎮江亦在意中
焦山下游堵截嚴密則上竄清淮亦宜防範琦善向
榮總當各就所有水陸兵勇或分或合悉力籌辦若
處處專恃設防而金陵鎮江瓜州三處負隅如故於
大局仍無裨益著琦善於礮船造齊後即行設法力
攻瓜州一面嚴飭余萬清進攻鎮江果能同時並舉

賊眾雖多亦將應接不暇豈能肆其勾結奸謀至向榮所謂吳全美紅單船並琦善續派上駛之拖罾船爲數本不甚多以之防勦上游尙可扼守若竟恃有限之舟師僥倖嘗試冒險深入設有蹉跌則上游既無機會可乘下游亦無以資控制著向榮卽將現在調到各船擇要布置相機攻勦總期嚴遏南岸賊船旁竄之路使金陵之賊不能援救瓜州聯絡鎮江則

欽定剿平粵匪方略卷一百一

三

下游勦辦自易得手毋庸多調船隻專赴上游一俟瓜鎮克復下游師船自能聯檣進勦船多勢壯攻擊方能得力也琦善向榮但當不分畛域合力妥籌毋得各執己見致誤事機

初六日酉癸王慶雲奏言臣聞行軍首重芻糧從

未有專恃銀錢以充兵食者謹按舊例征兵每名月支鹽菜銀九錢日支口糧米八合三勺或

麩一斤近例征兵每名日支鹽菜口糧銀一錢五分不支粟米計每兵月支銀四兩五錢馬乾駝折在外凡以優給兵丁令其自行買食殊不知糧臺有銀無糧則事有可危費亦過甚今軍興三載有餘幸賴各省比歲有秋大軍所至隨地皆堪餬口萬一水旱偏災糧臺無糧銀錢不得充飢枵腹之兵何所不至今征兵之餉較舊

欽定剿平粵匪方略卷一百一

三

例加至五倍宜乎充然有餘然行營所至人人買食糗餌粉糞昂貴數倍今之兵丁百錢不敵當時三二十錢之用餉不節而兵猶苦飢皆自不支粟米始臣以爲兵丁需餉固殷要必先問其飢飽飢則易至離心飽則無可藉口惟有一面籌餉一面籌糧先使兵不苦飢乃可議及攻勦擬請

飭下部臣檢查嘉慶初年軍需成案將每兵月支鹽菜

日支口糧之數斟酌妥議行令廬州及各路糧

臺按照兵數先備一月之糧倣照舊例銀糧兼

支計每兵月支口糧二斗五升有千兵者儲糧

二百五十石有萬兵者儲糧二千五百石兵丁

知有一月之糧不致人人懷自危之心雖軍營

不能不用銀錢而米麪既係實支無須買食卽

聖皇聖考卷一百一

天

復鹽菜九錢之舊於兵丁並無所苦而經費所

省良多矣奏入

上諭曰所奏甚好足見謀國之誠其有未備及各就各

省簡便之處著軍機大臣會同戶部速議具奏

同日陳啟邁奏言九江地處江濱界連楚皖經

臣派臬司惲光宸前往通遠驛等處會同總兵

羅玉斌督率兵勇扼要紮營據羅玉斌等咨報

現到賊船二千餘隻泊龍開河等處以潯城為

巢穴並在西門外張官巷砌築土城安設大礮

都昌地方緊靠鄱湖復有賊船數百隻乘風駛

入臣卽撥勇一千餘名令已革知縣劉希洛管

帶馳往羅玉斌軍營助勦並派知府元善統帶

戰船水勇往援都昌茲據元善稟稱都昌團練

鄉勇與賊接仗互有殺傷該逆偵知官軍赴勦

聖皇聖考卷一百一

天

卽時騰去縣城得保無虞鄱陽境內尙未被擾

臣查九江賊艇多至二千有奇而都昌退出之

船悉復歸併潯中省城為根本重地防禦不容

稍懈現飛催羅玉斌嚴督兵勇相機進勦臣督

同司道激勵兵勇在近省要隘紮營以杜窺伺

奏入

上命軍機大臣傳諭陳啟邁曰逆匪竄踞九江郡城賊

艇多至二千有奇都昌退出之船亦難保不歸併九江爲窺伺省城之計然不嚴扼九江但知退守省垣殊非長策該撫前奏於南康府上下將新造戰船三十號小船百餘號配載水勇二千有餘擇要駐泊並備火攻舟筏復選陸路兵勇二千名分紮兩岸爲犄角之勢統計水陸兵勇約四千有餘其續造戰船二十隻及廣東洋礮諒已齊備該撫現又派勇一千餘

聖朝聖略卷一百一

三

名馳往助勦兵力已不爲單此時自應嚴飭羅玉斌及候補知府元善統帶兵勇相機進勦破九江之賊巢即可固省垣之門戶即使郡城未能迅速克復而湖口姑塘皆係扼要之區亦當撥兵據險牽制賊勢現由武甯一帶調回官兵壯勇並可酌量派赴下游要隘以助防勦若能扼住潯陽不特該省之藩籬可固卽長江全局亦可藉作聲勢曾國藩克復岳州旋

因輕進失利此時湖南舟師能否下駛尙未可知該撫務當統籌熟計不得藉口兵單置九江於不顧

陳啟邁又奏言據知府史致諤等稟報武甯緊鄰湖北池北橫路地方固係賊藪而西路石洋洞亦屬匪巢隨派已革參將德保等管帶兵勇前往攻勦六月二十九日殲斃賊匪多名生擒僞百總徐時鈿等五名賊匪敗竄入洞堅守不

聖朝聖略卷一百一

三

出七月初七日我軍先將兵勇伏於要隘各處聲稱拔營回縣誘賊出追賊果傾巢而出伏兵四起堵其歸路我軍回擊當殺賊二百餘名生擒長髮賊三十名餘匪逃散出境遂將石洋洞巢穴焚燬遊擊常海等先於七月初二日會督知縣馬永熾等統領兵勇前往橫路一帶進勦現在潯中警報頻聞省垣兵單已飛飭兵勇撤

回省垣以備不虞奏入報

聞

初七日甲戌和春福濟奏言廬城逆匪疊被斬擒

亟應趕緊進取七月十八日督領各營官兵分

赴各門四面圍攻北門突出二三千人分股來

迎經吉順等分途擊勦立斃賊匪一二百名時

值東北風大作我軍連放火箭燒燬城內房屋

聖輿圖考卷一百一

三

及城上更棚該逆敗走入巢我軍追殺斃匪四

五百名奪獲鳥槍刀矛一百餘件是夜我兵於

得勝門城根賊巢外潛伏各勇拔樁而進同時

拋擲火罐當焚賊巢兩處其越牆而出者跌落

濠中均被竹籤洞胸貫腹訊據獲賊供稱兩處

巢穴有偽將軍黃姓在內共計賊一千餘人大

半均被燒死三更火息旋即收隊我軍並無傷

亡二十六日四面進勦得勝門突出賊匪二千

餘人當飭吉順等迎擊該匪拚死抵拒適常清

等趕到會勦三面夾擊賊勢大亂敗逃入城斃

賊六七百名俟再設法攻勦力圖克復奏入

上諭曰現在廬城之賊為數無多果能四面齊攻俾應

接不暇自可得手和春久歷戎行因何計不出此屢

次觀汝等奏報未嘗不分路進攻然總未克復皆緣

聖輿圖考卷一百一

三

諸將勇怯不一未免先存觀望及至臨收隊時必趕

至汝陣前以掩其畏葸汝則曰進攻某門未能得手

同時趕到試思汝又未見其直薄城下焉能必其不

能得手號令不嚴故曠持若是也

和春福濟又奏言舒城逆匪於橫嶺築壘勢欲

負嵎經秦定三節次痛勦勢已窮蹙七月十二

日秦定三督同郝光甲等帶兵分撲賊巢該逆

越牆奔逃我軍乘勢擁進立將賊營十四座全
行燒燬復追殺數里始行收隊約斃賊匪千有
餘名奪獲槍礮軍械什物不計其數該逆現在
城外紮營並分股於南鄉宋家灣占踞音德布
於十三日到舒擬卽會商移營調集鄉團設法
進剿並以宋家灣地連六安已派四川兵勇八
百名駐守州城以資捍禦奏入報

聖朝聖方略卷一百一

四

初八日乙亥僧格林沁西凌阿托明阿奏言現在
河東水勢漸消套隄以內間有涸出沙灘之處
初四日夜該逆潛撲明慶舒保營牆勢極兇猛
明慶等俟眾匪逼近濠邊槍箭齊施侍郎慶祺
開放大礮轟斃多名奪獲長梯攜牌旗幟甚多
餘匪踉蹌回巢我兵並未受傷逆匪屢撲屢挫

圖竄倍急自當趁其窮蹙設法攻剿以期迅奏
膚公再已革副都統明慶獲咎以來深知愧奮
此次截擊逆匪甚爲出力願懇

恩施准予開復奏入得

旨明慶既屢次出力著開復原官

初九日丙子向榮奏言查東壩爲蘇常門戶時防
賊船內竄吳全美紅單船二十五隻於七月十

聖朝聖方略卷一百一

五

二日至浦口江面屢催上駛無如經旬未遇順
風仍泊原處查有各船隨帶之三板船小而易
使密飭吳全美妥爲派撥並催浦口划船乘夜
渡過夾江焚襲該逆水營臣另由陸路潛師接
應兩次均有斬擒又恐紅單船少力薄函商琦
善續撥拖罾船六隻前來助剿迄今未據報到
二十三日副將福廣稟報有賊船七八百隻由

蕪湖關入內河已至高淳之小南湖勢將直犯東壩查該處防兵僅一千四百餘名臣當抽撥精銳兵勇二千人交署徐州鎮副將傅振邦率同遊擊蕭知音等管帶立時啟行馳往截剿復飛調鎮江官兵一千四百名由常州宜興以趨東壩迎頭兜剿並咨督臣怡良撫臣吉爾杭阿趕調上海兵勇二三千名守護蘇州省城仍相

聖朝聖略卷一百一

美

機由無錫宜興前來會剿以防內竄並飛咨浙省一體防堵旋據探報該逆已竄越高淳至固城一帶距東壩祇十四五里福賡帶兵迎剿斬殺多人逆眾退於湖口二十四日匪船復乘風鬪至撲近我營福賡督率廣東兵八百名上前奮擊斃匪百有餘人燒燬賊船二隻該逆愈集愈眾四面圍撲自卯至未我兵力不能支福賡

中礮陣亡餘兵潰散聞信之下憤恨填膺隨派翼長福興會同已革提督鄧紹良統帶兩廣兵勇一千六百名星夜馳往督剿旋接傅振邦稟稱該副將於二十五日進距東壩五里山梁該逆萬餘蟻擁來拒我軍施放排槍立斃賊匪無數忽由後湖抄出賊眾數千我軍分投迎剿無不以一當十刀砍矛刺該逆紛紛倒地鏖戰許

聖朝聖略卷一百一

毛

久殺賊不下五六百人生擒新舊長髮賊五十餘名賊目四名斬獲首級五十餘顆奪獲槍礮旗械一百餘件餘逆四散避匿是夜即進營毛公鋪二十六日分兵二隊先由下壩出其不意由後抄擊該逆驚潰回奔其上壩賊黨亦被我兵前隊趕殺即時擊沈五船餘皆開駛遠竄岸上潰匪復經我兵兩路夾攻斬擒甚眾餘逆俱

同高瀆竄走我軍追殺十餘里而止探聞逆匪
尙在高瀆聚集築壘空濠意圖久踞現一面責
成傅振邦趕緊追剿仍飛飭福興督率諸軍併
力追躡務將高瀆一帶肅清臣仍催趨紅單拖
罾各船一遇順風進赴蕪湖等處江面與陸兵
會合夾攻以期盡掃賊氛奏入報

聖皇聖略卷一百一

三

同日官文貴陞奏言據雙保稟稱天門縣賊勢
鴟張當派署參將常德等帶兵會同潛江縣知
縣龔煥枝等合力進剿七月十八日行至渙新
河轟沈賊船三十餘隻斃賊六百餘人餘匪棄
船奔逃我兵過河追擊又斃賊五百餘人生擒
七十餘名隨將賊船燒燬二十一日行至天門
縣城外江家河地方突來賊匪四千餘名我兵

環施槍礮轟斃三百餘名二十二日督兵過河
擊斃賊匪無數適安襄鄖荆道羅遵殿派縣丞
袁政等帶練夾攻該鎮親督兵勇殺進城內生
擒逆首孔招汶及偽職多名梟示當將縣城收
復又據沔陽州知州蕭蔭恩稟稱距州城七十
里濱臨襄河之仙桃鎮爲大股逆匪久踞茲分
三路直撲內湖里云口一帶該牧分派官弁兵

聖皇聖略卷一百一

三

勇兩路環抄自同營汛學官紳士等由中道攻
擊適由荆派往之知縣林天直等管帶練勇亦
至該處正值賊匪在里云口搭橋渡河我兵奮
擊當斃賊三百餘名餘匪逃過浮橋擁擠溺斃
無數生擒偽督軍孫桂元等八名正法七月十
五日至仙桃鎮地方搜殺賊匪四百餘人賊船
五十餘隻卽割纜開放岸上餘匪紛紛逃竄臣

等當飭該鎮等趁此聲威速行前進由楊需調撥攻取武昌惟大江賊匪屬集螺山一帶誠恐南岸攻急突竄北岸沔陽新隄等處土匪未淨雖前派李光榮帶勇協剿兵力尙單茲於青慶帶來荊州兵勇內挑選四千三百餘名卽飭魁玉楊昌泗管帶由監利前往螺山會同湖南官兵相機進剿直達武昌聽候兼署督臣楊需差遣奏入

聖朝聖略卷一百一

甲

上命軍機大臣傳諭官文楊需曰據官文奏雙保等督帶兵勇克復天門縣城沔陽州知州蕭蔭恩等將該州所屬仙桃鎮賊巢攻破已飭該鎮等速行前進聽候楊需調遣卽著楊需催令迅速前進直取漢川與東路黃陂之師力圖夾擊毋任再延至楊需所籌中路之師現據官文奏螺山一帶賊船甚多儻南岸攻

勦緊急北岸賊勇千餘名尙形單弱魁玉楊昌泗已飭由監利馳往螺山隨勦隨進再達武昌意在重防荆岳交界此時湖南水師甫經挫衄螺山地方上通荆郡下接鄂省若必令魁玉等折赴襄河誠恐程途紆緩且難兼顧荊州果能與湖南兵勇沿南北兩岸夾攻而下亦仍不失三路進攻原議著卽照官文所請責令該革員等管帶兵勇與湖南水陸兵勇節節

聖朝聖略卷一百一

甲

進偪毋任南北接壤之處稍有賊蹤闖入楊需想已於日內進紮楊店卽著迅督東西兩路官兵分道進勦至青慶原帶兵勇除魁玉等現在帶赴螺山四百三百名外其餘兵勇如楊需必須調赴襄河直入漢水仍著揀派得力將弁徑往迎提管帶前進以資協勦其克復天門及攻勦仙桃鎮出力之官紳兵勇著官文會同楊需酌量保奏

欽定剿平粵匪方略卷一百二 甲寅年

閏七月初十日 丁丑 陳金綬雷以誠奏言前月二

十七日 臣以誠因急須赴皖當往琦善營中面

商一切見其形容清減詢悉腹瀉日久所致不

意初三日早間復添頭暈痰壅氣喘等證醫治

無效竟於未刻因病出缺所有

欽差大臣關防先經琦善派令江甯藩司文煜護理

聖聖聖聖聖聖

一

其身後一切事宜 臣等妥為照料並懇

迅賜簡放重臣俾資統率再 臣以誠本擬將經手事件

交代清楚即日赴皖因文煜一時未能接辦是

以暫緩起程奏入

上命軍機大臣傳諭陳金綬雷以誠德興阿曰琦善因

病出缺已授托明阿為欽差大臣馳驛前往督辦現

在瓜州賊匪尙在負隅該逆知琦善病故勢必乘隙

窺伺水陸防剿萬分緊要托明阿抵揚尙需時日所

有欽差大臣關防著交陳金綬暫行接辦雷以誠尙

未起程赴皖並著留於軍營會同陳金綬將防剿事

宜妥為經理前據邵燦奏由陸路赴皖與袁甲三會

審案件著陳金綬等即傳旨飭令該清督行抵安徽

後暫留該省辦理勸捐防堵事宜雷以誠駐紮萬福

橋距大營較遠自應與陳金綬同在一處和衷商摧

聖聖聖聖聖聖

二

更為妥協其裏下河練勇及經手事件即飭文煜趕

緊接辦現在副都統德興阿帶滿漢官兵駐紮運河

西岸托明阿未到以前即責成陳金綬雷以誠及該

副都統督飭水陸將弁相機進剿迅圖克復瓜州毋

得專待托明阿致延時日其浦口等處仍嚴飭武慶

等實力防剿毋稍疏懈

上又命軍機大臣傳諭僧格林沁托明阿曰陳金綬等

奏琦善因病出缺已降旨授托明阿為欽差大臣馳驛前往揚州督辦軍務現在瓜州賊匪負嵎死守此時軍無統帥逆賊得信必更肆其猖獗托明阿接奉此旨後即著星夜馳驛迅往揚州接辦到場以後水陸各營均歸節制兵力已多此次就道毋庸多帶官兵行走致有稽遲托明阿經朕簡畀重任即當勉奏膚公悉心籌畫與陳金綬雷以誠等迅殄妖氛以慰

聖學聖略卷一百三



慮念至江防最為扼要金陵鎮江皆與瓜州一水相通抵揚後尤當與向榮等隨時咨商聯絡聲氣不可稍存意見其連鎖之賊已被套隄圍困此時托明阿雖赴揚州並未多帶官兵前往連鎖窮蹙之寇以巨萬兵勇足敷剿辦僧格林沁務即督率將弁剋期殄滅掃穴擒渠斷不准任其潛逃為患

上又命軍機大臣傳諭向榮怡良吉爾杭阿曰昨據向

榮奏賊船由蕪湖江口竄擾東壩情形甚為喫緊東壩為蘇杭門戶亟須嚴為堵扼副將傅振邦等所帶兵勇二千雖兩次獲勝而探聞逆黨甚多必得飛催福興等合力進剿以期醜類肅清不致深入所稱趕調上海兵勇二三千名守護蘇州上海正當剿賊喫緊之際兵勇能分調若干著吉爾杭阿統籌全局酌量辦理怡良現駐蘇州距東壩較遠著即於常州無

聖學聖略卷一百三



錫一帶擇要駐紮遏賊來路既可固蘇省之藩籬並可為福興等後路援應賊匪覬覦蘇常為糧米所出恐由徽甯竄擾急宜防護著怡良吉爾杭阿妥籌辦理琦善現在病故已有旨授托明阿為欽差大臣馳往揚州督辦軍務未到以前著陳金綬暫行代辦所有水陸軍營各事宜仍著向榮隨時咨商妥辦毋得稍分畛域

上諭內閣曰欽差大臣琦善嘉慶年間由部曹外任司

道洊歷封疆蒙

皇考宣宗成皇帝昇以兼圻重任晉贊綸扉疊經獲咎

旋即起用朕御極後因其在陝甘總督任內辦理番

務未能允洽加以嚴譴旋因粵匪肆擾特賞給三品

銜署理河南巡撫並授為欽差大臣賞給都統銜督

兵赴江北一帶進剿該大臣自抵揚州軍營後屢獲

聖皇聖略卷二百二

五

勝仗賞戴花翎復因揚州竄出賊匪未能嚴防截剿

革去都統銜近日進攻瓜州賊巢復命統領水師疊

次獲勝一切調度均合機宜方冀其克復瓜州肅清

江面遽聞溢逝悼惜殊深琦善著追贈太子太保協

辦大學士並賞總督銜即照總督軍營病故例賜卹

准其入城治喪任內一切處分悉予開復應得卹典

該衙門察例具奏伊子員外郎恭釗筆帖式恭鈞恭

鐘百日孝滿後均著該旗帶領引見並查明琦善尙
有幾子先行具奏

上又諭內閣曰前任江甯將軍托明阿著授為欽差大

臣馳驛前往揚州督辦軍務

十一日戊寅軍機大臣戶部會奏言遵議陝西巡

撫王慶雲奏請飭各路糧臺運儲糧石一摺臣

等檢查嘉慶初年陝西用兵籌運糧米成案悉

聖皇聖略卷二百二

六

心覈議查自軍興以來疊奉

諭旨飭令琦善向榮勝保等各軍營運儲米石以充軍

食如湖北湖南江西江安等省咸豐三年應運

二年分漕糧均准截留本省並接濟鄰省作為

軍糈大兵所至准其就近支取本年山東折漕

留為勝保軍需並聲明出入之間不免折耗即

將米石撥營備用此外如各屬倉社米穀均准

軍營關支又如僧格林沁等軍營紳民捐助糧草均與捐輸銀錢一律請獎各路糧臺如果實力遵照辦理日支八合三勺所需糧石支放自可裕如月支銀九錢所撥銀兩何至動虞缺乏此銀糧兼支尤爲現時要務之實在情形也該撫所請酌復舊例行令各路糧臺運儲糧石以備兼支之處自係爲覈實樽節起見臣等公同

聖學匯考卷二百二

七

商酌現在糧臺未見充裕與其空文支領給發不能應時何如按日支糧兵丁得沾實惠應請

飭下各路帶兵大臣及各該督撫嚴飭糧臺承辦各員查照日支口糧米八合三勺月支鹽菜銀九錢舊例設法先期運儲糧石並查覈該撫原奏妥爲籌辦至原奏所未備及各就各省簡便之處臣等查軍需則例內載兵丁加給鹽菜銀四錢

無論本省別省統於出邊口之日加給凱旋進邊口之日停止等語現在賊氛滋擾正當攻勦喫緊之際征兵一項擬請仍於鹽菜項下按月加給銀四錢以示體恤凱旋進邊口之日卽行停止其各路防兵卽照舊例覈支毋庸加給銀四錢以示區別又各省情形不同均宜熟籌簡便之法查湖北湖南江西江安等省咸豐二三

聖學匯考卷二百二

八

年分及山東三年分漕糧均未起運卽或糶變亦應仍有餘存除江西三年分漕糧已報折價銀四十餘萬兩外其餘徵存未運漕糧均准各該糧臺就地動用並准碾動各州縣倉穀以資接濟其無漕各省均令於所屬倉穀項下酌量關支仍將動用漕倉糧石數目分晰報部查覈總之行軍首重芻糧計兵一萬每月祇需儲糧

二千五百石各省比歲有秋措辦尙易爲力其或應動項採買或可勸諭捐輸或令鄰省轉運接濟各處情形不同臣等亦礙難懸斷應由帶兵大臣及各該督撫體察情形通融妥辦如此則兵食無虞缺乏經費不致多糜於現在軍情實屬大有裨益奏入

上從之

聖聖聖方略卷二百二

九

十二日己卯勝保德勒克色楞善祿崇恩奏言臣等於上月二十七日督兵進攻高唐州城獲勝旋因大雨距城濠數十步之遙水深二三尺不等當卽設法引水由城北大道開竅向北宣洩連日以來已形淺涸本月初四日夜賊由東北潛出約數百人至我兵所竅長濠之處用土平墊乘夜衝撲而出隨抽派天津正定官兵分東

西兩路前往橫截該逆甫經過濠我兵施放槍礮賊卽紛紛退匿濠外我兵伏行而前奮勇刺殺賊衆披靡敗回我兵追近東關城濠賊於城頭密放槍礮因黑夜未便再進現在崇恩已由武定回營臣及德勒克色楞善祿等悉心籌度約於一二日內天氣晴霽設法進攻惟賊既有突竄之意尤當格外嚴防現今馬隊官兵分投

聖聖聖方略卷二百二

十

探悉路徑以便隨時追截並飭農民將秋禾及早刈割以免賊匪隱藏魏家灣濱臨運河停泊運船甚多已飛飭糧道將該處糧船移撤下游萬一賊竄不致奪船渡河現復剋日興工趕鑄大礮惟有竭盡心力迅速圖功勝保又奏言查本地民人李啟昌因被賊擾害情願入城作爲內應以助官軍殺賊臣查其意

甚誠當即密授機宜許以功成之日破格獎賞

奏八

上命軍機大臣傳諭勝保德勒克色楞善祿崇恩曰據稱宜洩積水鑄造大礮均不免過於迂緩其遣人內應一節尤屬毫無把握此時總以四面齊攻立破州城將該逆就地殲滅方為上策若任其突竄再圖追襲雖勦辦較易仍恐別有蔓延據奏飭令附近州縣

聖學聖略卷二百三

十二

刈割秋禾並將魏家灣船隻移撤下游均為豫防賊竄起見該大臣所籌多派馬兵分投探路現在該逆尚未竄出焉能必其經由何路徒分馬隊之力亦非良策崇恩現已回營德勒克色楞善祿等均已四面嚴扼即著勝保督飭各路兵勇迅速環攻務將該逆就地勦滅如有竄出零匪即著崇恩嚴飭各該州縣汛兵練勇節節扼截以便馬隊跟蹤緊勦儘不豫為

布置致該逆再有踞城抗拒之事朕惟該大臣等是

問

十三日 庚辰 僧格林沁西凌阿托明阿奏言初七日夜間該逆大股梟水乘船潛向珠勒亨綳闊分防之處奔來綳闊等俟槍箭可及揮令官兵開放槍箭逆匪紛紛傷斃餘匪仍向上撲我兵槍礮連環復用藥包向下擊放該匪火藥船隻

聖學聖略卷二百三

十三

被燃燒斃逆匪甚多各營開放大礮從旁轟擊逆匪始行敗回 臣等現嚴飭各營加意嚴防相機迅圖殄洗奏八報

聞

同日向榮奏言據副將傅振邦稟報七月二十五日東壩之戰逆首羅大綱即羅亞旺率眾竄走高滄東壩上下已無餘匪福興帶兵於二十

八日馳抵高滄之毛公鋪探得逆匪趕築土城
礮臺賊船均停泊附近意圖占踞我兵由東北
隅蘆蕩襲擊該逆驚駭卽棄土城奔避上船我
軍趕殺斃賊百數十名燒燬賊船八九十隻餘
船由丹陽湖向花津逸去該逆知我大營兵分
力薄於三十日率黨四五百人分股由南路至
七橋窺撲川兵捷勇營盤相隔小河槍礮互

聖學方略卷二百二

十三

擊我軍潛從上流鳧水而過繞出賊後直前衝
殺俘斬長髮二百餘人奪獲擡礮鳥槍一百餘
桿刀矛旗幟多件閏七月初一日該逆突由洪
武門出衆數千至河定橋上方橋一帶縱火來
抄七橋窺營江甯將軍蘇布通阿督同參將張
國樑等堅壁不動伺賊氣懈分投縱擊該逆抵
拒不退適參將蔡應龍守備馮子材帶領兵勇

分左右抄出刺中騎馬賊目一人賊衆驚駭始
大奔潰追斬數百級賊復於初二日由洪武門
通濟門雨花臺分出三股先撲七橋窺又於朝
陽太平兩門出賊二股從龍脖子左右撲下窺
我湖南營盤當經楚兵分隊出禦該逆見我人
少兩面抄來都司銜陶茂森首先衝入賊隊賊
皆披靡時南韶兵亦趕到夾攻大加勦擊擒斬

聖學方略卷二百二

十四

百有餘人該逆竄回龍脖子山梁伏匿不退意
圖牽掣維時七橋窺各營該逆分股圍撲不下
萬人蘇布通阿親扼橋口督戰張國樑率精銳
數十人冒賊裝束突入賊中手刃逆匪數十人
該逆莫辨真偽自相擊殺賊衆大亂時有另股
賊匪縱火延燒高橋門一帶經蔡應龍領兵馳
往要擊砍殺不少追奔數里復會合七橋窺各

兵勇大加殲擒逆眾落水淹溺無算餘俱逃竄通濟門雨花臺而去是日之戰自卯至申我兵勇無不以一當百殺賊最多三日之中約計斃賊不下三千餘人割獲首級五百七十六顆髮辮耳記二百五件生擒三百五十六人內有偽丞相譚應桂訊明正法奪獲槍礮刀子旗械不計其數查點我軍兵勇稍有傷亡其水師各船

聖朝聖略卷三十二

十五

葉常春督駕拖罾四隻與吳全美紅單各船會合駛至下關江面見賊礮臺礮隄層層遮護我船逼近轟擊先後毀去礮臺七座大小賊船一百餘隻復燒燬七里洲水營二座賊黨焚溺甚多並擊斃礮隄執旗賊目五人餘船悉數逃入夾江我船勦洗而上直抵三山營江面分扼駐泊初二日上游來船三百餘隻中有黃衣賊渠

指揮迎敵吳全美先令五船沿北岸而上盡將賊船讓過橫截其後前面各師船見賊船已近始將大礮齊發查紅單水師各船礮位環布運掉如飛各水手又能躍入波濤跳上賊船該逆驚駭進退無路遂紛紛投江自溺無一得脫者奪獲大小船二百六十餘隻生擒賊匪二百餘人凡江上所遇賊船一掃而空訊據賊供逆首

聖朝聖略卷三十三

十六

秦曰綱中礮落水其餘陳繼書余幅泉等偽官多人亦皆擊斃惟尙有賊船一百餘號避匿口內不敢出江現檄福興挑選兵勇另乘小船入湖務期勦滅淨盡臣查我軍以少擊衆三戰三捷又經師船痛勦使上游賊援一斷卽陸路亦易得手所有此次水陸出力員弁懇請

恩准擇尤保奏再查鎮江賊匪被勦情急經余萬清設

法解散逃出頗多四面布置情形亦俱周妥並據報七月二十七日及本月初二日出隊攻城均有斬獲奏入

上命軍機大臣傳諭向榮曰覽奏稍慰朕懷此次陸路殺賊不下三千餘人水師亦將賊船沈毀殆盡並擊斃逆首秦曰綱一名該逆狡獪已久經此大創洵足以寒賊膽而振軍威粵東紅單船本係得力舟師一

聖粵匪方略卷二百二

七

經調度合宜即可指揮如意所稱上游賊援一斷即陸路亦易得手此是一定之理向榮正可乘此聲威督飭吳全美等統帶師船迎賊所向往來勦洗一面親督陸路兵勇合力圍攻迅圖克復堅城殲擒首惡為次第肅清江面之計所有避匿高瀆湖口賊船尙有一百餘號仍著嚴飭福興挑水師兵勇竭力搜捕悉數掃除仍須督飭該處派防將弁嚴扼逆眾乘虛

回竄之路至余萬清勦辦鎮江賊匪日久無功前經降旨飭查原恐其不能得力究竟該革員於防勦事宜能否獨當一面著向榮隨時察看據實具奏毋得稍涉瞻徇

上諭內閣曰此次水陸各軍以少擊多三戰三捷均能奮勇勦辦東壩竄匪亦尙迅速著向榮擇其尤為出力各員弁酌量保奏

聖粵匪方略卷二百二

十六

同日楊需奏言賊匪於三月竄陷京山縣城安襄鄖荆道羅遵殿飭巡檢諸璣把總楊飛熊等管帶襄勇會同知縣杜嘉善督率紳團疊次進攻於五月二十六日將京山縣城收復又據孝感縣知縣李殿華稟稱自三月至六月疊獲勝仗七月初九日督率紳團潛赴河干乘風縱火焚燒賊船數十隻城中伏勇亦放火十數處賊

匪驚潰開城逃竄與船中登岸之賊互相踐踏
練勇乘亂縱擊擒斬甚多旋即收復縣城又據
總兵雙保呈報馳赴天門縣督率署參將常德
等在漁薪河江家河等處與賊接仗四次燒燬
賊船八十餘隻生擒長髮賊首及土匪逆首孔
招汶等二百四十餘名溺水燒斃者無算七月
二十二日攻克城池又據知縣李殿華會同遊

聖朝方略卷二百二

九

擊孫學瀛等各帶兵勇與知縣章熙成之勇於
七月二十三日克復黃陂縣城池賊匪竄至河
東魯臺及六指店地方疊經兵勇擒斬二百餘
名又署黃州府知府許賡藻等督率團勇剿捕
麻城縣屬林河店等處賊匪擒斬無數焚燬賊
巢數十處進逼縣城該匪於夜半竄出南門復
被擒斬一百餘名次日收復縣城又沔陽州知

州蕭蔭恩督帶紳勇於六月二十五日克復州
城其天門餘匪竄入應城縣屬之湖中與漢川
賊匪勾結七月二十五日賊船數百隻駛至劉
家隔經署提督佈克慎派守備鐵振國帶兵迎
勦因眾寡不敵敗回賊匪進撲長江埠佈克慎
督兵堵勦殺賊數十名弁兵亦有傷亡臣飛檄
守備王榮帶兵馳往策應於二十七日會同進

聖朝方略卷二百二

三

勦擒獲長髮賊黃大得等六名殺斃溺斃不少
餘賊竄回漢川此次賊匪竄犯雖經擊退因守
備鐵振國迎擊敗回以致賊匪乘勢攻撲傷亡
兵弁應請將陝西督標千總瓜州營守備鐵振
國革職以示懲儆
楊需又奏言查黃州為江防要地與武昌縣相
對為省城下游第一重門戶黃州一失門戶洞

開省城不能一日安堵故收復省城卽須鎖鑰
武黃方可掃除沿江賊藪以通九江爲第二重
門戶因將規復黃州一事責成許廣藻等激勵
紳民相機辦理擬俟黃州復後卽分兵扼守武
黃旁收諸邑上援武漢下通九江至江北賊匪
現惟漢川一隅尙有竊踞已檄雙保等進兵若
克復漢川則江北大局羸定其時湖南兵勇復

聖學方略卷二百二

三

乘勝南下則武漢已處核心不難立時拔取然
後水陸並下會江西兵勇以扼九江庶可肅清
楚北應請

飭下江西撫臣派兵一出九江以樹江路之聲援一防

義甯以遏陸路之竄越實於大局有益

楊需又奏言臣前籌三路進兵之策嗣據官文
咨稱派總兵雙保由沔陽仙桃鎮一帶直達漢

陽福所爲後起接應知縣吳振鏞等由朱河赴

沔陽協勦漢陽守備鍾埈帶練克復沔陽疏通

道路直達漢陽此卽臣所籌三路之西路與臣

意見相合其時官文又改派福所張于銘赴安

陸協勦臣因安陸業已收復卽催福所等由鍾

祥徑赴漢川與雙保會合以攻漢陽尙慮水路

無兵可派適奉

聖學方略卷二百二

三

諭旨將魁玉楊昌泗所帶之兵歸臣調遣因卽飛飭前

赴襄陽簡精銳三千乘船順流而下爲兩路聲

援其餘兵勇派員帶令來營爲留守德安及分

布長江準一帶以斷各水口北竄之路茲復接

官文來咨將吳振鏞黃鵬程魁玉楊昌泗鍾埈

等兵勇或派防監利或留駐荆沙一概不令前

來則西路之師僅雙保福所二千人水路又成

畫餅惟餘孝感黃陂一路通計臣及桂明佈克
慎所帶之兵除馬隊一千僅能留駐楊店不能
前進外共止四千餘人未免太形單薄應請

飭下官文遵將魁玉楊昌泗所帶兵勇飭令照臣調派
辦理雙保福忻張于銘吳振鏞鍾埈之軍皆飭
令遵照原議切勿再行更調致失事機或荊州
需大員調遣則將魁玉酌留荊州飭楊昌泗前

聖學聖方略卷二百二

三

來若慮兵單或將荊郡所收潰兵一千六百名
留荊協守再臣風聞留滇升用副將王國才勇
略兼優現留荊州仰懇

天恩准將王國才調赴行營實於克復事宜大有裨益
奏八

上命軍機大臣傳諭楊需曰現在京山等州縣均已收
復惟漢川尚為賊踞江北大局已可羸有頭緒亟應

乘勢進攻楊需中路舟師由襄陽直達漢水原為東
西兩路聲援嗣因官文奏螺山緊要恐魁玉等折赴
襄陽轉形迂緩是以准其所請令魁玉等沿北岸夾
擊而下竟出大江即可攻漢陽之正面今據楊需奏
此項官兵全留荊州則中路無兵可派而吳振鏞鍾
埈等所帶兵勇復經官文改派則西路之師亦形單
薄所籌均係實在情形著楊需即飛咨官文速飭楊

聖學聖方略卷二百二

三

昌泗將原帶兵勇全數帶赴襄陽毋得再有推諉其
魁玉一員即著管帶荊州所收餘兵一千六百名留
荊州交官文調遣張于銘由鍾祥赴漢川之勇吳振
鏞等由朱河赴沔陽之兵鍾埈由沔陽赴漢陽之練
丁均著悉照原議分路進剿不可再有更調當此軍
務喫緊之時若號令不能畫一將弁無所適從必致
貽誤大局此後楊需應如何調遣之處即著一面奏

聞一面迅速布置不得因意見稍歧徒延時日

上又命軍機大臣傳諭官文曰官文前奏螺山緊要派令魁玉等前往協剿茲據楊需奏此項兵勇留荆則中路無兵可派而吳振鏞等所帶兵勇復經官文改派則西路亦形單薄著官文迅飭楊昌泗將原帶兵勇全赴襄陽勿稍延緩魁玉卽著管帶所收武昌兵勇一千六百名留在荆州應往何處防堵並著官文

聖聖聖方略卷二百二

三

妥爲調遣其張于銘吳振鏞鍾埈分帶之練勇均令悉照原議不可再有更動參將王國才著官文卽飭該員馳赴楊需行營以資差委總之此時攻剿緊急軍營號令須歸畫一若因彼此意見不同紛紛更調必致將弁無所適從所有進剿機宜均著統歸楊需妥籌布置該將軍如有必須參酌之處卽與楊需熟商籌辦不得稍分畛域

上又命軍機大臣傳諭陳啟邁曰前因逆匪竄踞九江

郡城已有旨令陳啟邁嚴飭羅玉斌等統帶兵勇相機進剿茲據楊需奏稱武昌下通九江爲省城第二重門戶必須水陸並下會同江西兵勇以扼九江則楚北庶可肅清著陳啟邁速派兵勇一出九江以通江路之聲援一防義甯以遏路陸之竄越固江西之藩籬卽可保長江之門戶該撫不得以兵單爲詞置

聖聖聖方略卷二百二

三

全局於不顧

上諭內閣曰湖北被擾各州縣先經官文等奏報將沔陽州克復據楊需奏報克復京山等縣荆襄附近地方漸可肅清其竄逸餘匪仍著楊需嚴飭各該地方官迅速搜捕毋留餘孽甘肅瓜州營守備鐵振國迎剿不力著卽革職以示懲儆

同日駱秉章塔齊布曾國藩奏言七月二十一

日臣塔齊布親督陸營進勦行近城陵磯遙見該逆築有土城都司諸殿元拋擲火罐延燒賊壘帳棚逆賊敗竄正在跟追詎湖汊伏匪齊出諸殿元兵力太單力戰陣亡劉士宜同時被害臣塔齊布揮軍往救斃賊多名轉敗爲勝二十六日該逆悉銳來撲羅澤南等大呼衝突直趨高嶺陣斬僞國宗石姓賊始大潰其分撲鳳凰山大營者數以萬計臣塔齊布親督將弁槍礮齊施斃賊一二百名賊分路抄襲我軍亦分路迎敵無不以一當百約斃賊六百餘名適羅澤南等追至會合併攻又斃賊數十名賊被追過河溺斃不計其數二十八日臣塔齊布直擣高橋賊壘連斃數賊正衝突間大股續至適羅澤南湘勇繞抄賊尾該逆後路受敵立即大潰周

聖朝方略卷二百三

七

鳳山等併力齊攻賊始敗退歸巢計共斃賊二百餘名生擒十餘名奪獲軍械旗幟馬羸無算二十九日賊分數股來撲我軍先燒附近民房臣塔齊布揮兵迎擊將中路之匪擊退其左右兩股亦經周鳳山羅澤南等殲斃無數其別隊千餘人亦經李續賓等橫截分抄槍斃賊目二名墜嶺死者不可勝計共殺賊五百餘名臣國藩以賊勢全注陸路其水路必虛密飭各水軍乘隙進勦楊載福等於是日率船進攻道員李孟羣亦派戰船策應行近城陵磯見逆船十餘往來馳突我軍見船卽擊一擁而前燒燬數隻賊皆墜水東岸追至擂鼓臺西岸追至荆河腦忽伏匪兩岸擁出希圖抄尾我軍愈奮轟擊無遺把總秦國祿等深入賊巢賊遂大潰有此數

聖朝方略卷二百三

六

次大戰岳州可保無虞奏入

上命軍機大臣傳諭駱秉章塔齊布曾國藩曰逆賊竄擾岳州疊經我兵擊退茲復經水陸官軍奮勇齊進四次獲勝洵足以寒賊膽正可乘此聲威直搗武漢著塔齊布曾國藩將城陵磯餘匪迅速勦除淨盡卽日整師東下毋再延誤本日據楊需奏京山孝感等州縣先後收復現已派令佈克慎台湧帶兵由雙廟

聖皇聖方略卷二百二

三

進勦並令雙保福忻等由天門進取漢川魁玉楊昌泗等由襄陽水路進趨漢口該署督亦卽日統師前進此時南北兩路辦理均屬得手並經官文等奏報已添撥兵勇派同知銜李光榮等統帶由調弦口協勦當此官兵雲集應如何聯絡聲勢分投進逼之處並著塔齊布等與楊需官文函商妥辦無失事機至前諭塔齊布陸路官軍能否由通城崇隄一帶直攻

武昌之背並著悉心籌畫隨時奏報塔齊布曾國藩自帶兵以來既未嘗遇敗而怯定不致乘勝而驕總宜於妥速之中持以慎重則楚省賊蹤漸可掃蕩岳郡地屬緊要前諭駱秉章飭令胡林翼督帶練勇前往嚴防該撫定已遵辦仍著將該臬司於何日抵岳如何設防之處迅速馳奏

上諭內閣曰上竄湖南賊匪自前次擊敗後尙蟻聚城

聖皇聖方略卷二百二

三

陵磯此次岳州連日大獲全勝兵威愈振所有出力之知府羅澤南著以知府儘先選用並賞戴花翎守備楊名聲著以都司升用千總唐得升著以守備儘先補用兵丁李榮華著以把總儘先拔補並賞戴藍翎其水陸兩營員弁兵勇著擇其尤爲出力者酌量保奏都司諸殿元戰功疊著奮勇捐軀著交部從優議卹千總劉士宜著交部照例議卹

同日詹事府少詹事翁同書奏言金陵與浦口六合祇隔一江臣以南北兩岸共辦一事必應會商夾擊已函致武慶等毋分畛域合謀殲賊查浦口水勇係本地團集不給口糧琦善常令乘駕划船專守本地臣以為沿江州縣皆可團練水勇現在吳全美葉常春屢獲勝仗奪船頗多若上游南岸州縣悉照浦口之例召募水勇

聖恩賜方略卷二百二

三

將所獲船隻分給配駕各守本地不費口糧一遇有警即助水師夾擊於攻剿似有裨益奏入

上命軍機大臣傳諭陳金綬雷以誠曰逆賊跨江踞守原應無分南北會合上下游水陸各軍協力進攻庶勦辦可期得手現在瓜州一鎮負嵎如故鎮江賊船勢必不能斷絕來往前經琦善修造多槩礮船即日竣工正可乘機扼剿以圖攻克著陳金綬雷以誠迅

即督飭陳國泰統領紅單師船順流下駛並飭駐守焦山之周士法等所統各船同時溯流合擊不得因托明阿尙未到營致令該水師將弁頓形鬆懈儘有不遵調度者即著陳金綬等嚴參治罪其陸路官軍並著妥為調遣一面知會余萬清併力堵剿鎮江賊匪使該逆於南北兩岸不暇應接自不難一鼓殲除其回窺揚州及旁擾通泰各路並著與德興阿等嚴

聖恩賜方略卷二百三

三

密籌防勿稍疏失武慶防守浦口尙屬得力近復截剿賊船屢獲勝仗著即由陳金綬傳知該總兵仍前防剿既須遏賊北窺之衝仍當督飭江浦六合民勇並與向榮互為聲援合力廓清江面翁同書所稱浦口水勇由本地團集不費口糧南岸各州縣亦可做照辦理著陳金綬等咨商向榮飭令該地方官相機籌辦以期聲勢聯絡於攻剿更有裨益

十八日酉^乙勝保德勒克色楞善祿崇恩奏言^臣
因兵勇攻城屢有傷亡思在城廂切近紮營建
築礮臺以便進攻十二日卯刻出隊明示攻城
暗加修築城上賊眾見我兵在東北角偏近安
營於城頭開放槍礮我兵勇於槍礮如雨之中
冒死趕築西刻濠牆轟就^臣因其距城僅有二
三十丈諭各兵勇加意嚴守亥刻賊果率眾來

聖皇聖方略卷二百二

三

撲各兵勇待其撲近齊開槍礮賊眾驚退四更
後復行出撲行近濠牆我兵槍礮齊施刀矛攢
刺賊退而復上者再當斃賊數十名賊始奔敗
回城次日加修濠牆趕築礮臺將二千斤鐵礮
移至新營偏近開放轟斃城上賊匪多名現聞
城中一夜數驚若再能於西南兩面偏城紮營
必可制賊死命惜步隊尙單不敷抽撥新鑄大

礮尙須數日現將二千斤洋鐵礮一尊運上新
築礮臺設法進攻奏入

上命軍機大臣傳諭勝保曰逆匪占踞高唐幾及四月
早應移營偏近賊巢用礮攻擊該大臣業經迂緩於
前以致日久尙無把握此時仍當揀選精銳一鼓登
城不得專恃礮轟別無善策儘該逆窮極思竄即可
乘勢殲除斷不准再令蔓延擾害他處該大臣所帶

聖皇聖方略卷二百二

四

兵勇爲數不少所有西南兩面並著趕緊偏近環攻
若再曠日持久勞師糜餉之罪豈能屢邀寬宥耶

十九日^丙陳啟邁奏言據報九江逆艇由湖口

乘風上駛鄱湖將軍廟渚溪口等處經^臣飛飭
知府元善等分投堵禦又催羅玉斌急攻潯郡
賊壘以分其勢該署鎮派已革守備吳錫光同
署德化縣知縣戴榮桂於七月十六日出隊進

攻郡城直抵城下斬獲頗多十七日黎明賊船七八百號擁上竄將抵吳城鎮前河水陸各勇擊沈賊船十餘隻奈東北風大作逆艇繞由後湖攏岸勢不可遏我兵退守上游十九日有賊船三四百號由渚溪駛入建昌縣界之山下渡適由潯撤回官紳等勇馳至協同該處防兵擊沈賊船數隻詎賊眾自下游上岸由後抄襲

聖學聖略卷二百二

三

我軍腹背受敵傷亡不少臣查匪船一千餘號駛入鄱湖分擾吳城建昌地方離省均止百餘里當飛飭革員趙如勝酌帶戰船水勇駛往下游相機勦辦並飭吳錫光等督勇由山下渡陸路追擊惟江省兵勇無多不敷調遣必須迅調大兵剋期殄滅查上年省城被圍經湖南官紳朱孫詒羅澤南等帶勇來江助勦均屬得力懇

請

飭下湖南撫臣選派精銳兵勇三四千名仍令知州朱孫詒教諭羅澤南等管帶迅速來江協勦庶幾兵力稍厚可期掃蕩妖氛

陳啟邁又奏言武甯克復後臣當將遊擊富克金泰等所帶各勇一千五百名仍留該縣以備不虞茲據探報七月十九日湖北逆匪二萬人

聖學聖略卷二百二

三

由興國州蠶擁而來當經富克金泰等督帶各勇臨河迎勦無如匪勢猖獗兵勇無多該遊擊督戰兩時力竭陣亡各勇亦多死傷武甯城池甫經收復城內弁兵不過千餘以十餘倍豺狼之眾攻此殘破小邑誠恐難支現飛飭駐防義甯州之署鹽道王訓督帶兵勇馳往相機援勦奏入

上命軍機大臣傳諭陳啟邁曰逆船竄擾吳城建昌距省均止百餘里該撫現飭革員趙如勝酌帶戰船水勇駛往下游並飭吳錫光等由山下渡陸路追擊是
否足資截勦本日已諭令駱秉章酌調官兵並派員管帶馳往協剿惟鄰省調撥尙需時日誠恐緩不濟急而羅玉斌攻勦九江以分賊勢亦斷難撤回此時
省城情形萬分喫緊必須司道大員帶兵出省相機堵截未可專待外援任其猖獗臬司惲光宸前曾帶兵出省並未馳赴武甯現在賊氛逼近若仍株守省垣專恃趙如勝等帶兵勦辦勢必貽誤事機著陳啟邁卽於司道中遴派得力之員統兵前往扼要駐紮爲迎頭截擊之計其由興國州竄撲武甯之賊衆至二萬該縣甫經收復城內弁兵不過千餘不敷堵勦並著該撫嚴飭署鹽道王訓迅速帶兵馳往勦辦毋

聖聖聖方略卷二百二

三

稍延誤江西與鄂楚毗連處所甚多若楊需等進兵攻勦前後夾擊更恐逆匪乘隙竄擾江西是內患未靖又須堵禦外來賊黨防勦稍疏勢必滋蔓難圖著該撫嚴飭帶兵文武員弁防勦兼籌不得稍涉大意陣亡之遊擊富克金奏著查明請卹

上又命軍機大臣傳諭駱秉章曰江西賊勢披猖省垣兵力單薄急需鄰省分兵援救著駱秉章迅卽選派精兵三四千名馳赴江西以資接應現在朱孫詒羅澤南皆帶兵勇隨同勦賊甚爲得力該二員能否派往著該撫酌量緩急妥籌辦理如實在不能分撥卽著另揀得力員弁管帶所挑官兵迅速馳往江西協勦毋稍遲緩

聖聖聖方略卷二百二

三

陳啟邁又奏言九江地方常有賊船往來經督糧道鄧仁堃飭德化縣民壯孫亮等設法焚燬

派勇長陳飛鵬夏飛渭馳往幫辦並密札署知府顏貽曾等督飭辦理七月十二日有賊船千餘隻續從湖北駛下停泊龍開河內有火藥大船四隻又有船載贏馬數百匹聚泊一處是夜孫亮等將漁船裝載柴薪暗藏火藥混入賊船四更時候西南風大作即縱火焚燒島水上岸警見該賊火藥船轟發延燒各船風狂火烈至次日巳刻始熄約計焚燬大小賊船四百餘隻斃匪不計其數內有奔逃上岸者悉被吳錫光伏勇截殺無遺臣查孫亮等不避艱險深入賊中自應破格請獎署九江府知府顏貽曾等辦理尙屬妥密可否量予

恩施奏入

上諭內閣曰長江賊艘肆行無忌此次設法焚燬辦理

聖學聖方略卷二百二

三

尙爲得手民壯孫亮著以把總儘先拔補文童周文郁著以從九品未入流卽選練勇陳飛鵬夏飛渭均著以外委拔補並賞給六品頂戴以示鼓勵至署九江府知府顏貽曾署德化縣知縣戴榮桂均係帶罪自效之員著該撫查明原案罪名再行請獎

聖學聖方略卷二百二

四

欽定剿平粵匪方略卷一百三 甲寅年

閏七月二十日 丁亥 向榮奏言師船自初二日獲

勝後扼紮三山營江面初四日東北風作下游
大船三四十隻順風直上其後隨有賊船一百
六十餘號連檣齊進吳全美等各督紅單拖帶
分作兩隊散布江面左右讓出中流逆船風猛
舟輕直前衝上被我船用礮兩旁轟擊紛紛碎

聖朝方略卷一百三



沈其時大隊賊船分股抄近我船折截迎敵往
來一時之久我船漸出賊船之後乃從上風齊
發火箭大礮連環轟擊賊船相繼火起立時擊
碎七八十隻轟斃焚溺無算餘船各向江邊逃
逸復經水勇追赴南北兩岸殺賊一百餘人生
擒六十餘人奪獲賊船五十二隻下關賊船約
有五六百隻礮火極多另有一百五十餘船派

來接應旋見賊船大幫從下游揚帆擁上直撲

我船葉常春帶領拖帶四船當先迎擊立時擊
沈二十餘隻復會合吳全美紅單各船截駛下
游兜剿轉過上風將逆船圍偏江心衝盪勦洗
逆黨紛紛撲水我船又四面縱放火箭火彈燒
燬擊沈不下百船斃賊不計其數又據江浦縣
稟報所有逃逸北岸之賊經該處勇練截殺多

聖朝方略卷一百三



人至金陵陸路之逆忽將城北之神策金川兩
門撬開復於西南隅之善橋一帶紮營四出擾
掠而大營兵勇分撥愈單未遑遠襲查有福興
一軍已由高淳至小丹陽茲復調回大營並飛
催鎮江派防東壩之兵勇一千一百名前來協
剿太平小丹陽鎮一路先派傅振邦統帶兵勇
九百名進剿現又派參將張國樑管帶捷勇四

百名湖南精兵二百名由秣陵關一帶接應後路兼防善橋之賊連日探聞太平賊船多有關入丹陽湖內者臣慮其折竄高瀆札飭鄧紹良督率所帶官兵會同上海派來東壩之兵勇七百餘名嚴密防堵惟上游賊船沿江林立因屢被痛勦已趕調皖楚賊黨勢必大幫駛回吳全美及葉常春各船共止三十一隻雖疊獲大勝

聖皇聖考卷三十三

三

究不免有眾寡之殊所有廣東續調碣石之拖風紅單船四十隻久無到江消息焦灼萬分因思上游肅清下游賊援自絕此時我軍下游戰船尙有八九十隻經臣函致翁同書商撥陳國泰之紅單船十隻或十五隻添赴上游協助並嚴飭江北各營與水師各鎮一體嚴密防勦不可稍涉疏虞

向榮又奏言接聞浙總督杏稱前調漳州鎮屬官兵現在防堵粵界另調福甯建甯兩鎮及邵武延平各營兵共一千名派員統領啟行查該省派撥之福甯等營官兵訪之軍中僉稱不及漳州遠甚當茲攻勦喫緊若調此無益之兵不特餉項虛糜更恐事機貽誤應即飛行杏撤如業已啟行即由經過省分截令折回當已杏覆

聖皇聖考卷三十三

四

該督並囑仍選漳州鎮標及所屬之雲霄詔安同安各營兵二千名即或有事防堵未能如數派撥亦應先調一千名來江即以福甯等營之兵留防一轉移間兩有裨益其粵東前報啟行之潮州鎮壽山所帶官兵二千名久無到江消息當此水師得利之時正可與陸兵會攻迅圖克復請

飭閩粵兩省催趨前來助勦奏入

上命軍機大臣傳諭向榮怡良吉爾杭阿曰逆匪自高
瀉敗竄後疊經水師軍船大加懲創江路賊援自可
逐漸斷絕而太平賊船近復闖入丹陽湖內其窺伺
東壩之心未絕現在福興一軍已經調回金陵其鎮
江派防東壩兵勇亦經前赴大營協勦東壩防兵僅
有鄧紹良及上海派往之兵勇約二千名小丹陽鎮

聖學聖方略卷二百三

五

一路僅有傅振邦及張國樑所帶兵勇一千五百餘
名誠恐不敷堵勦怡良前奏親督兵勇赴無錫常州
一帶仍著速行前進不得因高瀉賊已敗退又復中
止此時江面水師正當得手之際若陸路官兵能繞
出太平一帶抄賊後路夾攻更易爲力至向榮所稱
上游紅單拖罾等船單薄亦係實在情形逆賊既經
屢敗其糾合皖楚逆黨大幫回駛固在意計之中且

湖南賊船經我兵勇大加焚燬已追至嘉魚境內儘
武漢一經收復該逆潰竄下駛上游師船實當其衝
下游戰船既有八九十隻分調十餘隻不至遽行短
少著向榮卽知會陳金綬等如北岸無須多船卽飭
陳國泰將所帶紅單船分撥十隻或十五隻迅赴上
游協同攻勦不得稍存畛域藉詞稽留

上又命軍機大臣傳諭王懿德葉名琛柏貴曰金陵大

聖學聖方略卷二百三

六

營分勦各路賊匪水陸口岸紛歧官軍不敷攻擊係
屬實情現在正當堵禦喫緊之時設因兵力不足致
多掣肘何日始能竣事據向榮奏前調福建漳州鎮
屬雲霄同安詔安等營官兵王懿德以防堵粵界另
調福甯等處兵千名前往該官兵恐未能得力此時
福建軍務漸竣著王懿德迅遵前旨卽行選調漳州
鎮標及所屬雲霄詔安同安各營兵二千名如數揀

齊派令得力將弁管帶刻日起程前赴向榮軍營聽候調遣不得稍分畛域致滋遲誤其已調之福甯建甯邵武延平各兵卽撤令回閩留防本省毋再藉詞推諉並著葉名琛柏貴查明前報啟行之潮州鎮壽山所帶官兵二千名何以遲遲尙未行抵江南迅速飭催卽日兼程馳赴金陵以速補遲至葉名琛等前奏續派碣石鎮總兵謝焜管帶之拖風紅單船共四

聖朝聖略卷二百三

七

十隻尙未出洋此次江面剿除金陵城內竄出逆匪轟擊賊船不下數百隻連獲勝仗全藉粵船之力惟上下游江面寬廣往來衝擊船數實屬不敷著該督撫等迅飭前項續調船隻趕緊開洋星速駛入長江以資協剿

同日塔齊布會國藩奏言閏七月初一日升用道李孟羣親督戰船出隊至城陵磯下游擊敗

賊匪初二日臣塔齊布傳令進剿羅澤南李續賓等分路並進立抵高橋燒燬賊營七座擒斬數十人餘匪奔城陵磯一帶臣塔齊布帶同李續賓等直赴城陵磯該逆出隊二萬餘人開礮互擊我軍伏地前進臣塔齊布策馬首先衝入湖勇繼之各兵勇一擁而前適大雨如注賊礮不燃我軍乘勢猛撲羅澤南周鳳山等分投合

聖朝聖略卷二百三

八

擊踰溝越牆頃刻間屍橫徧地殲斃長髮老賊及賊目多名一營旣破其五營亦同時蹋平該逆自相踐踏我軍四路趨殺追至江岸偏溺者不計其數共蹋毀賊營十三座殲斃約二千名生擒一百二十餘名逃散者又數千名臣國藩當飭李孟羣水軍三營追剿該逆先開所據民船而以戰船拒後楊載福蕭捷三等從東西兩

岸抄擊李孟羣從中路進攻該逆驚竄時已昏
黑我軍暫泊插鼓臺下初三日分途進勦先從
荆河口泝流而入復於東岸之旋湖港西岸之
觀音洲等處搜擒敗匪四十餘名蹋平賊營九
座礮臺三座初四日楊載福蕭捷三等追至倒
口石頭關等處疊有擒獲復追至六溪口勦洗
無遺現在臣國藩進紮監利縣屬之羅山臣塔

聖聖聖方略卷一百三

九

齊布亦即日拔營前進一面飛咨官文多派兵
勇從大江西岸直下協助並咨會楊需由德安
一路進攻漢口之背以圖克復鄂省掃蕩逆氛
所有尤爲出力之文武員弁仰懇

恩施量予獎勵

塔齊布會國藩又奏言按察使胡林翼膽識絕
人威望夙著所帶黔勇六百餘人前在貴州黎

平府任內教練有素屢著戰功本年勦辦崇通
股匪安化土匪及收復常德郡城所至皆愜民
望現奉

諭旨仍留湖南軍營辦理防勦事務請

飭該臬司管帶黔勇酌撥他路兵勇自成一隊隨同臣
等東征於大局必能有濟又接陳啟邁咨稱逆
賊竄擾江西亟待南省應援請仍飭上年援江

聖聖聖方略卷一百三

十

之委員朱孫詒羅澤南帶兵前來查朱孫詒現
署寶慶府事能否帶兵赴援應由撫臣酌覈至
羅澤南現帶湘勇一千與臣塔齊布聯營協勦
屢次大捷現已進紮羅山正當勦辦喫緊之際
請免其赴援江省以便併力規復武漢奏入

上命軍機大臣傳諭楊需塔齊布會國藩曰現在塔齊
布會國藩自岳州城陵磯以下沿江追擊將二百餘

里賊巢剽洗殆盡已追至嘉魚縣屬後起大隊官兵亦即日跟蹤前進是楚南一軍愈偏愈緊漸可駛抵武昌楊需儘仍株守德安不即統兵前往必致東下之師又成孤軍無援之勢於攻克武昌全局仍無裨益著楊需即照前奏三路進兵之議迅飭領兵各員分道進攻總以星速出江為要一面親率精銳由楊店進發直趨漢口會督各路兵勇與塔齊布會國藩

聖朝聖方略卷二百三

十一

所統各軍協同攻剿乘此聲勢上下夾擊自無難一鼓殲除楊需與塔齊布等一經會合兵力更厚或先克武昌或併攻漢陽惟在隨時審察軍情相機速辦仍須四面兼顧不致該逆被剿窮蹙乘虛奔突此時攻剿喫緊楊需斷不可再事耽延塔齊布曾國藩亦應倍加慎重總期計出萬全肅清江漢毋負委任臬司胡林翼帶勇剿賊尙稱得力著即隨同塔齊布等

前往湖北毋庸留於岳州知府羅澤南本係隨營協剿之員亦著毋庸派赴江西所有岳州善後防剿事宜即飭藩司夏廷樞妥為籌辦

上諭內閣曰逆賊於城陵磯等處建營築壘縣互二百餘里經官兵於數日之間悉數殲平賊匪數千餘名辦理甚合機宜塔齊布著交部從優議敘曾國藩著賞給三品頂戴仍著統領水陸官軍直搗武漢

聖朝聖方略卷二百三

十二

與楊需所統官軍會合迅掃妖氛遊擊周鳳山著以參將補用府經歷李續賓著以知縣選用並賞戴藍翎千總何越珽著以守備即補並賞換花翎千總余星元滕國獻著以守備儘先補用守備蕭捷三前於湘陰失守案內有應得處分著免其查叅其餘出力水陸員弁兵勇著塔齊布曾國藩酌覈保奏
塔齊布曾國藩又奏言現在出境東下步步前

進程途愈遠轉輸愈遲水路風信無常尤難應
手必須派司道大員專駐岳州總辦糧臺方足
以資轉運前經奏調之道員蔣徵蒲現因設措
捐款不能前來查有新授湖北藩司夏廷樾精
明幹練熟悉兩湖情形現值賊氛梗阻無從到
任仰懇

天恩飭令該藩司總理行營糧臺暫駐岳郡將來克復

聖聖聖略卷二百三

十三

武昌前赴新任仍令兼司糧臺以資接濟奏入
得

旨允行

二十二日 丑 己 福濟奏言 臣接浙江撫臣黃宗漢

咨稱賊匪竄至青陽漸入涇縣地界因涇邑民
團齊心殺賊欲改由太平縣竄入徽州已派知
府徐榮等帶領委員分赴徽甯並派兵勇二千

名隨往協防助剿 臣查徽甯二郡為江浙藩籬

賊因金陵鎮江圍攻嚴密無日不思分竄以圖

吞噬蘇杭儻徽甯稍有疏虞實關東南大局又

查江浙固以徽甯為藩籬徽甯又以池太為門

戶今沿江南岸之貴池銅陵繁昌蕪湖等縣皆

為賊蹤出沒之地向榮併力金陵既難兼顧 臣

等遠隔江北不及分防浙撫所派防剿之兵如

聖聖聖略卷二百三

十四

能追賊出江似宜擇緊要江口如蕪湖大通等

處就近駐守毋遽回浙應請

飭令向榮及兩江督臣怡良浙江撫臣黃宗漢酌議施

行奏入

上命軍機大臣傳諭向榮怡良吉爾杭阿黃宗漢曰逆

匪因江面舟師截擊軼入南岸竄至青陽漸入涇縣

因該縣民團得力復欲改由太平竄入徽甯二郡窺

伺蘇杭備有疏虞實關東南大局和春福濟現在攻
 勦廬州遠在江北不能分兵勦辦自係實在情形據
 奏黃宗漢已派杭州府知府徐榮等分赴徽甯並派
 兵勇二千名隨往防勦是該撫深知保徽卽以保浙
 故能不分畛域布置周詳且該二郡有山谿之險得
 此兵力自可阻遏兇鋒至福濟奏稱南岸之貴池銅
 陵繁昌蕪湖等縣皆爲逆賊出沒之地浙江所派防
 勦之兵如能追賊出江宜擇緊要江口如蕪湖大通
 等處就近駐紮毋違回浙等語黃宗漢向來辦事認
 眞著卽統籌全局該省兵力能否外援鄰封內保本
 境斟酌辦理至太平甯國與金陵接壤並著向榮怡
 良吉爾杭阿體察現在情形酌籌防勦以期聲勢聯
 絡互相接應俾該逆不能乘虛竄擾

同日楊需奏言據報賊匪自螺山敗回屯聚漢

聖學聖方略卷一百三

十五

聖學聖方略卷一百三

末

陽武昌勢頗窮蹙急宜乘此進兵以期與湖南
 兵勇三面夾勦克復武漢 臣現由楊店回營定
 於十八日拔營督催兵勇前進惟水路一軍深
 恐緩不濟事昨接官文咨魁玉楊昌泗管帶兵
 勇已行抵監利查監利去襄陽已遠折回必需
 時日不若就近變通辦理免致迂迴貽誤當卽
 飛飭魁玉等若尙未起身卽可隨同塔齊布曾
 國藩之軍乘勝徑攻武昌接應漢陽漢口兵勇
 所有水路之軍改於陝西駐襄官兵內調撥一
 千名又於襄陽練勇內挑選一千名乘船由襄
 河而下爲兩路策應一面飛咨王慶雲將駐紮
 商南之甘肅兵一千名由荆子關水路順流來
 襄與豐伸之兵一同駐紮以壯聲勢應請

飭下王慶雲卽將商南防兵一千名派員管帶來襄以

資調遣

楊需又奏言探聞賊情近頗慌張各懷去志有
蔣菖梧者受賊僞職原係湖南東安縣武生爲
賊迫脅入夥現赴遊擊吳登鼐行營密稟投誠
臣卽令其捨斬長髮僞官賊目以爲信驗又捨
匪李士林安徽霍邱縣人誤入捻黨近因悔罪
投誠情願殺賊贖罪所帶鄉勇數千名皆精壯

聖聖聖聖聖

七

可用頗能約束臣現今其隨孝感縣知縣李殿
華帶勇進攻漢陽如能殺賊立功再行懇

恩赦其既往奏入

上命軍機大臣傳諭楊需曰現在塔齊布曾國藩業已
督兵進駐羅山該署督旣於十八日移營前進著卽
遵旨迅由楊店直趨漢口會合湖南得勝之師乘此
聲威盡殲羣醜不得稍有耽延並飛催魁玉等統帶

兵勇卽行前進或由沔陽直攻漢陽或隨同塔齊布
等徑攻武昌卽行馳往毋許遷延觀望有誤事機逆
匪自踞武漢以後未經大受懲創此次官兵前後夾
擊該逆必四出奔竄以圖牽掣我軍分我兵力該署
督務當統籌全局杜其分竄爲次第克復武漢之計
斷勿令此勦彼竄爲害他處也至從逆匪徒旣已悔
罪投誠原可予以自新之路惟須察其真僞暗相鈐

聖聖聖聖聖

六

制庶不至中其奸謀所有投誠之蔣菖梧李士林等
二名卽飭遊擊吳登鼐知縣李殿華等加意防範如
果不遵約束未能得力卽不動聲色嚴密懲辦若能
帶領壯勇殺賊立功亦可寬其既往酌量保奏

上又命軍機大臣傳諭王慶雲曰楊需奏水路需兵改
調陝西駐襄官兵一千名又挑選襄陽練勇一千名
赴襄河下游爲東西兩路策應惟襄樊防守兵力稍

單自應設法布置著王慶雲迅派商南備調之甘肅官兵一千名由荆子關順流赴襄與豐伸同駐一處以壯聲勢衛襄樊之腹心即可固陝省之門戶至商南等處應如何布置並著該撫隨時妥辦

二十八日乙未官文貴陞奏言賊船退出大江現

在監利所屬地方肆擾經魁玉楊昌泗吳振鏞等派撥兵勇分爲五路從大江北岸陸路進剿

聖朝聖方略卷二百三

十九

行至監利舒家垸地方即遇賊船上駛當即開礮轟斃多名生擒賊目汪汶瀾等九名又於五合垸陸路遇賊擊敗計兩次生擒二百餘人奪獲旗幟槍礮刀矛多件閏七月初六日先後齊抵螺山適遇南省道員李孟羣兵船抵岸合兵一處先將螺山下兩岸陸路餘匪搜剿淨盡並飛催南省礮船划船到齊即會合兩省兵勇由

江面兩岸分爲三路一直攻下仍派李光榮水勇及南省水師官兵以爲後應又令北省參將恆泰等各帶兵勇取道新隄以扼水陸要隘並分剿倒口等處餘匪奏入

上命軍機大臣傳諭楊需曰據官文等奏稱魁玉楊昌泗一軍從大江北岸隨剿隨進已於初六日與即用道李孟羣兵船會合一處先將螺山以下兩岸餘匪

聖朝聖方略卷二百三

二十

搜盡即會同兩省兵勇順流下擊仍派李光榮水勇及湘南水師以爲後應又令參將恆泰等各帶兵勇取道新隄以扼水陸要隘並分剿倒口等處餘匪是荆郡派剿官兵與塔齊布曾國藩水陸各軍已可沿江夾擊而下不日即應進逼武漢楊需前奏於十八日移營前進所統兵勇已不爲單當此上游進攻得手之時下游進兵愈不可緩無論漢川是否收復亦

不得因此牽掣全師或應分防或應截勦總期迅速籌辦上下夾攻更易爲力該署督務卽與楚南東下之師聯絡一氣迅圖進取魁玉已抵監利卽毋庸折回荊州以便督帶兵勇尅期會合

二十九日

丙申

向榮奏言查該逆嘯聚太平府城

復於金陵城外西南隅板橋善橋一帶築營分踞閏七月十三日傅振邦由丹陽進兵直抵距

聖朝方略卷二百三

三

太平十五里之臧漢橋地方先將伏路守卡之賊搜獲多名張國樑訊知府城西南北三面均有內河繞護東路重濠引水中架釣橋連紮賊營四座防備甚密乃將兵勇分作三隊令頭隊偷出賊營之後渡濠伏於城下以二隊潛赴賊營縱火接應該參將等銜枚疾進十四日天未明時我兵馳近賊營該逆正在相持忽見城廂

火起延燒賊營逆衆後顧驚惶不知所措我兵乘勢趕殺連破賊營逼近釣橋突有大股賊匪自城中衝出各兵勇奮力截殺而城上礮石如雨勢難近前傅振邦立斬退縮兵勇數人張國樑首先衝入賊隊衆兵勇一齊擁上將賊衆撲落濠溝餘賊退過釣橋各兵勇乘勢爭先搶城千總楊萬青勇目程翔蛟不避矢石先登城上

聖朝方略卷二百三

三

砍倒守垛賊目多人接應我兵張國樑及遊擊楊瑞乾衝進城中分投截殺突有黃衣賊目兩人帶領匪衆短兵巷戰經兵勇立將賊目殺斃餘逆殲斃不少兼有從西門奔出上船逃駛者適我大隊由城外趕上沿河追斬並將賊船燒燬無算追至金柱關江口賊船一百餘隻遁赴江北上游一帶我兵始撤回城統計殺死溺斃

不下四五千人擒斬偽官賊目不計其數焚燬大小賊船八百餘隻是日金陵之賊復出巢窺伺先於龍脖子地方築營壘旋由通濟門兩花臺等處出賊數千堵住七橋壘進路另出賊衆四股於上方橋隔河一帶連築六營當派遊擊穆大本等帶領兵勇嚴扼通濟門洪武門等處要路蘇布通阿與福興親駐七橋壘橋頭指揮策應派令參將長桂等各帶兵勇分路攻搗賊營我軍連燬賊營二座斬賊甚多該逆見我留營人少突於雨花臺洪武門出賊兩股直撲七橋壘營盤蘇布通阿卽督令穆大本等率兵迎敵槍礮頻轟蘇布通阿被火燒傷鬚眉被燎福興右手受傷仍各督戰愈力穆大本矛刺賊目數名因用力過猛連馬跌陷河中參將蔡應

聖朝聖略卷二百三

三

龍守備虎坤元戴文英等往來衝殺該逆死拒不退適守備李定太帶廣西等省之兵至橫衝賊隊短兵奮擊殲賊數百人該逆不支相率潰走我軍爭先追擊俘斬甚多又據已革提督余萬清呈稱鎮江逆匪於十四日出巢窺擾經我兵擊退續據逃出難民供稱有瓜鎮併夥內竄蘇杭之語十五日復稱有賊船多隻由瓜州駛過鎮江當於十六日進兵於西北兩門疊獲勝仗正擬收隊該逆又分股衝出余萬清與總兵劉開泰督兵分投迎勦無不以一當十疊刺騎馬賊目數人斃賊二百餘衆餘逆不能抗拒我軍乘勢追逼近城城上礮子如雨乃令收隊回營查張國樑捷勇現已調回大營復令傅振邦領得勝之兵由秣陵至土山潛出賊營之背務

聖朝聖略卷二百三

三

將上方橋賊壘設法掃蕩以便進逼西南善橋一帶並圖踏龍脖子賊營防其竄逸之路惟是太平府城雖已克復而大營存兵過少現催令吳全美葉常春督率師船迅速駛上太平府將高涇之鄧紹良一軍移出會合堵截並飛調甯國浙省防兵出堵黃池河口水陸聯絡進剿蕪湖其丹陽縣爲蘇常門戶已責成余萬清就近

聖皇匪方略卷二百三

三五

堵剿初十日探聞該逆於浦口之九洲洲八子溝等處挖築土城搭造高墩並用木簞架礮聯以船隻意圖阻我上下師船並以窺探江北北岸緊要萬分尤宜迅往攻燬經臣嚴札武慶責令就近進剿並撥總兵李德麟將石埠橋各艇師駛上浦口及六合縣派撥兵勇划船會同水陸夾攻務期迅掃賊蹤肅清江面以杜北竄

向榮又奏言臣大營在江甯省城之東南隅如洪武門及上方橋土山高橋門等處皆係臣營後路賊匪現在上方橋紮營有直趨高橋門之勢中間僅隔一水時慮偷渡蔓延先經分撥遊兵晝夜接替巡防十八日該逆闖入高橋門一股直走沙子岡欲向涇化鎮一帶竄擾一股分撲小水關欲抄我大營之後我兵先馳抵水關

聖皇匪方略卷二百三

三六

整隊迎剿該逆擁衆來拒已革副將巴圖督同都司何振標等率勇橫衝賊隊擊斃騎馬黃衣賊一名逆衆驚走並將沙子岡賊後隊掣動均潰至高橋門適張國樑從旁抄至縱橫肆擊俘斬千有餘衆該逆突圍回奔我軍跟蹤緊剿逼近上方橋水際該逆拌死拒敵守備李定太帶領奮勇一隊直衝撲入逆匪不能抵禦紛紛墮

八河中其已上浮橋之逆正在半渡又被我兵槍礮轟擊亂翻落水何振標衝上石橋追殺突被礮子中傷掀跌淹溺時賊爭渡浮橋將橋踏斷我兵遂分扼橋邊大加砍殺屍塞兩橋河水盡赤統計斬溺賊匪不下四千人內有偽丞相賴四秀偽提督石詳真及偽官賊日多人是日該逆復於兩橋連紮木簞偷渡過河於隄邊築

聖皇聖略卷二百三

三

砌兩營被遊兵攻燬一座對岸之賊過橋接應我兵用大礮連轟擊斃無算復沿河截殺該逆撲水淹溺五六百人我兵立將橋東賊營二座奪占凡未及過河之賊逃向土山一帶經我兵追殺無遺其連日敗逃逸賊並經江甯府知府趙德轍督率團練搜殺淨盡統計兩旬以來斃賊凡二萬餘人再此次陣亡都司何振標及十

五日陣亡之遊擊穆大本與東壩陣亡之副將福廣應請一併

飭部從優議卹奏入

上命軍機大臣傳諭向榮陳金綬雷以誠武慶曰逆賊屢次出撲總圖窺我七橋壘營盤以斷大營犄角之勢復於上方橋築壘焚擾希圖抄截大營後路此次連日獲勝七橋壘危而復安上方橋東賊巢亦經我

聖皇聖略卷二百三

三

兵奪得固已稍寒賊膽但逆賊被勦愈急竄突之計愈狡且蘇布通阿現受重傷上方橋西賊路尙未斷絕金陵大營仍屬在在堪虞正宜於屢勝之餘加以慎重明攻暗防不可稍存大意太平府城既經克復則吳全美師船即可乘風上駛向榮所稱將鄧紹良駐紮高瀆之兵移出並調甯國府浙江防兵出堵黃池河口與福濟前奏請調浙兵駐守蕪湖大通等處

同爲嚴扼南岸起見惟向榮之意慮賊由東壩而入蘇常福濟之意慮賊由青陽而入徽浙兩處並重亟應熟計兼權未可專恃浙兵致蹈各顧一隅之失浦口地方極關緊要旣爲扼賊北竄要衝又爲江面師船往來必由之路前據陳金綬等疊次奏報逆匪於九洲等處築壘紮筏冀阻艇師已飭總兵李德麟帶兵上駛並咨會武慶札飭六合縣分兵進攻與向

聖朝方略卷二百三

三

榮本日所奏大略相同向榮欲令陳金綬等分撥陸軍與武慶合勦而陳金綬以兵無可分爲詞陳金綬等欲調吳全美等艇師回勦而此項師船又須進扼太平儻彼此推諉致賊壘築成我軍聲勢不能聯絡武慶所帶官兵僅二千有餘設有疏虞所關非細著向榮陳金綬雷以誠等飭令武慶與李德麟等水陸夾擊務使賊無立足之地此係緊要關鍵與平時防

堵浦口不同武慶素有膽略必能力遏賊鋒現在托明阿尙未到營向榮不得稍分畛域專顧江南浦口帶船之署副將周希濂前經武慶飭催輒以船單諉卸現在是否隨同李德麟等進勦如再藉詞觀望卽著據實嚴參陳金綬等前奏已令陳世忠水師進駐段要口向榮現奏責成余萬清堵扼丹陽均著嚴飭各該員實力防勦蘇布通阿屢次督戰奮勇當先朕

聖朝方略卷二百三

三

心正深嘉獎茲因親自督陣被火燒傷甚至鬚眉皆燎猶復悉力指揮覽奏殊深懸念著發去如意拔毒散十料交該將軍祇領務卽加意調攝冀得速痊共成偉績以慰眷廕

上又命軍機大臣傳諭托明阿曰向榮奏金陵鎮江連獲勝仗該逆受創亟思竄越浦口之九洲八子溝等處築城並用木箒架礮聯絡船隻意圖阻我師船

以窺江北是浦口情形萬分緊要該處雖有武慶在彼扼勦而江北口岸紛歧瓜州賊眾仍復盤踞牽掣向榮籌攻江鎮兩城並防東路處處喫緊深恐不及兼顧著托明阿迅即兼程馳往毋稍遲延抵營後即將布置攻勦情形速行具奏

上

諭內閣曰此次金陵大軍連獲勝仗鎮江賊匪亦受懲創軍威既振逆膽已寒該大臣即應督率各路官

聖朝聖略卷一百三

三

軍並江面師船會合陳金綬等無分南北水陸並舉速籌攻復兩城肅清江路都司何振標奮勇殺賊中礮淹溺遊擊穆大本因刺賊用力過猛失足跌陷河中均堪憫惻著與東壩陣亡之副將福賡一併交部照陣亡例從優議卹

同日駱秉章奏言本月十一日據曾國藩咨稱

奏調臬司胡林翼帶勇隨同東征臣維岳州關

繫甚大必須重兵駐守始為計出萬全且武漢

各府州縣久淪於賊土匪叢起兼之江西界連

之武甯縣義甯州等處匪黨未就殲除本省之

巴陵臨湘華容餘匪尚須搜勦此次大軍東下

利在遄行儘東下之後餘匪復肆臨張或逆賊

乘我軍後路空虛間道抄襲致大營糧臺聲息

中梗所關非細且湖南官紳兵勇之曾經戰陣

聖朝聖略卷一百三

三

者均已調赴東征今胡林翼又復帶勇隨征則岳州一軍更不可恃實於大局兩有所妨應請仍遵前

旨飭令胡林翼駐岳籌防搜捕餘匪以期妥慎

駱秉章又奏言楚鄂交界險要地方無過岳州

城北十五里之城陵磯荆河口兩處對岸相距

不逾十里湖南全境之水入湖由城陵磯而入

江四川全境之水入江由荆河口東下水道守此湖南一省固可無虞即湖北之荊州宜昌以及入川水路均可控扼然欲於此設防自不得不籌備水師多造船礮曾國藩所統水師船礮本不為多自七月十六日陳輝龍之敗所失船礮不少雖經曾國藩多方整理尙未周全臣正在籌畫間據在籍前翰林院侍講學士丁善慶前工部員外郎陳本欽同知銜即選知縣唐際盛鹽提舉銜舉人李概等均稱水陸官軍既連獲大捷自宜捐造樓船以資攻剿惟洋礮一項未諳作法前蒙奏調浙江候補知縣龔振麟及其子之棠如能速攜鐵模來南即可由紳局捐貲鑄造儘來此需時誠恐緩不濟急即由官咨催廣東採辦洋礮以濟急需至製造工料並旗

聖皇聖方略卷一百三十三

三

械軍械一切均由該紳等設局捐辦繕造大小戰船百餘隻如捐項較多再行添造臣查該紳等力肩重任倡議捐貲實為難得現已一面採購船料擇吉興工一面分投勸捐以期迅速奏

八
上命軍機大臣傳諭駱秉章塔齊布曾國藩曰前以岳州緊要疊諭駱秉章等飭令胡林翼帶兵前往防堵經曾國藩等奏請將該員帶往湖北復經降旨允准其岳郡防守事宜諭令派員接辦茲據駱秉章奏稱岳州必須重兵駐守方為計出萬全湖南官兵之曾經戰陣者均已調赴湖北若胡林翼復行隨征則該郡實無可倚恃等語岳州一郡為湖南全省門戶即為四川滇黔等省藩籬逆賊屢次窺伺雖經擊退防範更宜嚴密且該處駐有重兵則曾國藩等統師東

聖皇聖方略卷一百三十三

三

務緊要仍令雷以誠會同陳金綬辦理並有旨諭令邵燦於行抵安徽後暫留該省籌辦防堵事宜茲據該漕督奏稱淮城防堵亦甚喫緊勢難再行折回皖省等語本日已准邵燦仍駐淮安妥籌堵禦即可不必赴皖所有安徽現在設防督剿及一切事宜仍著和春福濟會同袁甲三實心妥辦既不可稍存意見亦不得互相推諉總期勦賊籌餉兩有神益各專責成而免貽誤

欽定剿平粵匪方略卷一百四

二

初四日庚子陳啟邁奏言據已革總兵趙如勝等稟報七月二十四日帶領戰船駛抵吳城該逆聞省河水軍出勦紛紛先遁僅存船百餘號停泊前河一見我軍順流而下亦卽揚帆退竄趙如勝激勵兵勇奮迅追勦連開大礮擊沈賊船二十餘隻匪船連夜竄出湖口因風浪大作沿

途傾覆多隻溺斃賊匪無數其竄擾建昌山下渡逆船該縣景瑞正擬帶勇堵禦適九江撤回官紳兵勇在山下渡遇賊接仗被該逆抄襲傷亡不少帶勇從九品袁萱林外委鄧作棟手刃數賊旋被槍傷落水殞命該縣會同縣丞趙光裕等馳往堵剿擊斃逆匪數十人賊遂退走上船竄逸我軍因無船隻未能窮追又據署武甯

欽定剿平粵匪方略卷一百四

三

縣事通判王宇英稟報七月中旬有土匪勾結湖北賊匪來縣報復當經已革參將德保臨川縣知縣馬永熾帶勇赴橫路堵禦中途猝遇賊衆馬永熾親率弁勇向前進勦不意兩旁突出逆衆將後路官軍截斷以致前軍腹背受敵已革把總陳世培外委江國泰額外洪大春武舉帥丙照俱力竭陣亡十八日大股賊匪又由東

北兩路前來攻撲遊擊富克金泰已革在籍知縣劉馨朝已革衛千總李天鵬等出隊迎勦麀戰逾時斃匪三百餘名該匪稍卻復分股四面抄襲兵勇隊伍遂亂富克金泰劉馨朝與千總李天鵬外委金大鵬鄧步雲均同時陣亡該匪分股潛竄義甯邊界兵勇出戰失利當即退回據險堵禦臣查武甯逆燄復熾城中兵勇僅千

聖學匯方略卷二百四

四

餘名勢頗危急惟殘破之餘該匪無所覘覷義甯尚係完善之區今逆匪既分股竄擾義甯邊境該處堵勦尤為緊要前飭該道王訓帶兵往援武甯之舉此時暫緩啟行免致顧彼失此現在山下渡肅清即飛飭吳錫光帶勇取道義甯徑趨武甯並派千總楊錦斌等帶勇七百名迅赴靖安以堵為援約期會合進勦綜計武甯兵

數猶恐不敷須由省再行酌撥前往但根本重地未便空虛惟有於外郡各營酌調弁兵來省以資捍衛至吳城賊船雖經擊退第長江無阻難保不復圖竄擾即責成趙如勝於下游擇要嚴備以固疆圉奏入

上命軍機大臣傳諭陳啟邁曰前次由九江入湖下竄之賊經趙如勝等帶兵駛抵吳城立將逆船全數擊

聖學匯方略卷二百四

五

退其旁竄建昌賊匪亦被官兵鄉團擊敗逃遁近省一帶雖漸肅清惟該逆烏合之眾一聞官兵追勦遂即紛紛退竄並未大受懲創省垣重地尤應刻刻嚴防勿令賊蹤闖入其武甯大股屢次撲擾現既進攻失利又有分股潛竄義甯邊境陳啟邁所稱派令吳錫光帶勇前往武甯會攻並派千總楊錦斌等帶勇赴靖安以堵為援仍由省添撥官兵助勦籌畫尙是

但不知該員弁等是否可靠或須另派大員前往督
勦著隨時酌度妥辦道員王訓所帶之兵卽飭令仍
駐義甯實力籌勦此時塔齊布曾國藩等東下之師
已追至嘉魚蒲圻一帶恐楚境下游逆匪聞風潰竄
更向東南奔突則義甯陸路邊界與下游九江門戶
均當其衝以目下情形而論嚴防義甯要隘迅解武
甯城圍嚴扼姑塘湖口在在均關緊要該省兵力雖

欽定剿平粵匪方略卷二百四

六

單他處亦無可調撥惟當就本省兵勇船礮或勦或
防妥爲布置仍責成趙如勝等督兵嚴備江防一面
迅飭義甯帶兵各員妥速勦辦總期熟計統籌毋稍
疏失所有武甯勦賊陣亡之遊擊富克金泰已革知
縣劉馨朝已革衛千總李天鵬外委金大鵬鄧步雲
已革把總陳世培外委江國泰鄧作棟額外洪大春
武舉帥丙照從九品袁萱林均著各照原官交部議

卹

同日陳金綬雷以誠奏言金陵賊匪謀於浦口
紮立水營武慶令知縣曾勉禮將二道河用船
搭橋擬卽乘夜進攻溫紹原亦派撥勇丁數千
交都司富勒渾泰等於十五日赴浦接應是日
浦口水勇先已過河直入賊營殺賊數人因南
岸賊船齊來而總兵李德麟等艇船阻風未能

欽定剿平粵匪方略卷二百四

七

上駛兵勇仍行撤退該處現紮賊營一座臣等
疊催李德麟等上駛與武慶水陸轟擊並飛咨
向榮速飭吳全美葉常春率師下駛乘此賊壘
初就上下夾攻毀除淨盡以杜該逆由浦北竄
之患二十四日總兵葉常春已帶拖帶船四隻
從上游駛過下關直抵浦口與李德麟師船會
合兵力較厚風順卽當進攻其吳全美之紅單

船仍可從上游夾擊奏入

上命軍機大臣傳諭向榮陳金綬雷以誠曰逆匪圖占浦口洲地建築水營業經疊次諭令陳金綬等設法剿除卽陳金綬等屢次奏報亦稱督飭武慶會同李德麟等水陸夾攻何以此次武慶與江浦六合兩縣分帶兵勇進剿而李德麟猶以阻風爲詞以致賊營築就如果李德麟於奉札後卽時上駛該逆斷無立足之地何必專待吳全美葉常春師船回剿始能杜其奸謀今賊壘已成李德麟旣藉詞推諉不能不如所議飭令吳全美帶船駛回但此時江面攻剿正在得手太平甫經收復蕪湖萬分喫重吳全美師船折回後上游太覺空虛尤須嚴防皖楚賊船大幫回竄著向榮一面飭知吳全美迅從上游順流夾擊一面妥籌太平蕪湖一帶布置機宜不可顧此失彼徒令

聖聖聖聖聖聖

八

得力師船往來行駛轉致兩無裨益至李德麟等所

帶艇船上年株泊焦山幾及一年直至琦善嚴札催提始開赴瓜州以上協剿琦善一經出缺又復玩泄耽延屢催不進專待借力於紅單船隻試思紅單船入江原爲肅清江面節節進剿並非爲帶艇各員藏身自固地步設吳全美回剿得手竟將賊營奪毀李德麟又將以協剿居功此等狡猾之員竟至不能驅

聖聖聖聖聖聖

九

策陳金綬何輒弱至此耶洲地突漲江心必須水師圍剿不能專恃陸路官兵武慶旣屢次進攻甚爲奮勇葉常春趕緊回駛亦合機宜著再嚴飭李德麟先就現有之船剋日前進務將賊壘立時掃蕩若能迅速毀除則吳全美一軍仍可專力上游不致掣動大局儻再有心延宕卽著陳金綬等據實嚴參不得稍存姑息琦善所造多槳快船現在當已竣工此項船

隻以之進攻洲地賊巢較紅單船尤爲捷便應作何
布置之處亦著迅速具奏

同日官文貴陸奏言李孟羣等督帶礮船由新
隄搜勦倒口順流直下遇賊卽擊斬獲多名將
嘉魚蒲圻等縣先後收復楊昌泗魁玉等亦由
新隄帶兵直下沿江西岸分勦將岸上竄賊捕
殺淨盡於陸溪口等處擊沈賊船數隻殺斃多

欽定剿平粵匪方略卷一百四

十

名頭隊已抵嘉魚鍾洲對岸之清潭口距漢陽
一百五十里二隊已抵嘉魚對面之龍口現飭
楊昌泗魁玉等會合前侍郎臣曾國藩迅由清
潭口等處進兵毋誤機宜奏入報

聞

初五日辛丑勝保德勒克色楞善祿崇恩奏言逆
匪死踞高唐堅匿不出臣等一面抽撥兵勇進

偏紮營一面激勵兵勇會商進攻新造一萬五
千斤大礮業已造成卽飭各員弁督率夫役挽

運礮車一面選派兵勇添募夫役於城之西北
及正北偏近賊巢之處挖濠築營以便就近攻
擊自閏月二十八至八月初一日正北西北兩
面連築三營俱已竣事其東西兩面卽當以次
添築現將大礮運至城東北面距城二百步遠

欽定剿平粵匪方略卷一百四

十一

近相度地勢安設開放惟城垣堅厚一時未遽
轟破而城上賊衆甚形驚懼其東面城垣經二
千斤鐵礮晝夜轟擊已有鼓裂情形續造八千
斤鐵礮亦於日內可成若運往連環轟擊必可
摧堅破壘但該逆多係粵楚老賊窮極兇狡恐
其不待破城亟思鋌而走險臣等已熟商定議
傳令各營賊如突竄之時北路一帶臣親自帶

隊截殺各路官兵迅速繼進如向南路則臣德勒克色楞帶隊先追東路派令魁福等先追西路派令培成那敷德等先追無論賊竄何路臣聞信卽往督帶官兵跟蹤勦殺總期殲滅淨盡決不令垂斃窮寇乘隙遠颺奏入

上命軍機大臣傳諭勝保德勒克色楞善祿崇恩曰逆匪竄踞高唐堅匿不出該大臣等前次已逼近賊巢

聖朝方略卷二百四

十二

紮營建築礮臺現復於正北西北連築三營並用大礮轟擊覽奏各情不過專恃礮力攻擊仍未能明攻暗襲爲一鼓殲除之計逆匪雖係死黨而爲數無多我兵圍勦已及四月亦豈無隙可乘若始終遷延致敗竄餘匪牽掣全軍師老餉糜罪將誰諉况該逆見我軍逼近安營勢必亟思竄逸該大臣雖已分派各路聞信追勦而能否杜其奔突必須先事豫籌妥爲

布置斷勿令其蔓延他處致勦辦又形棘手該大臣等惟當懷遵疊次嚴旨迅圖克復務將此股賊匪就地殄除毋得日事耽延致干重罪

同日袁甲三奏言皖省軍務以現在情形而論自以克復廬州爲最要惟廬城相持日久克復尙難爲今之計惟有以偏師繞赴南路攻其不備必易得手且斷廬賊接應之路其勢旣孤萬

聖朝方略卷二百四

十三

難久踞據臣派出勦匪文武稟報俞家灣匪巢業經擊破壽定一帶漸次肅清廬營附近可以無慮勾結臣先已密遣妥人赴南路探聽並據桐城廬江紳民方正等來營面請發兵據稱南路十餘州縣除安慶尙有六七千賊占踞往來無定其餘分踞各城多者一二千人少者三四百人民心不甘從逆官兵一到未有不薙髮景

從同心敵愾者一處得手四處響應各城必可次第克復此安危之機斷不可失者也所難者此行必須酌帶三四千人臣已令方正等密行糾約多爲籌備糧米如能布置妥協卽擬親自帶兵前進至進兵之路一由六安一由舒城現在舒城未復繞道頗難且恐該逆先期間知早爲豫備現擬仍以勦辦土匪爲名先到六安暫

聖皇聖方略卷一百四

十四

駐或將附近各縣同時並舉或先攻一二處以壯聲威一切進止隨時酌量六安距臨淮四百餘里一水可通尙可隨時照管正陽三河尖亦可就近控制其臨淮防守事宜擬留兵勇二千名交廬鳳道張光第統率辦理奏入

命軍機大臣傳諭袁甲三曰安徽賊蹤自廬州以南十餘州縣均遭蹂躪現在俞家灣匪巢經官軍擊破

壽定一帶漸就肅清附近廬營無虞勾結此時若能出偏師繞赴南路斷廬賊接應之道不但廬南各屬可望廓清且翦其逆黨卽廬郡勢成孤立亦易收復袁甲三旣令紳民方正等密行糾約多備糧米正當趕緊發兵進駐六安糾齊義旅爲搗穴擒渠之計著卽迅速布置督率兵勇乘勢進取或應同時並舉或先攻一二處袁甲三到六安後隨時斟酌勿稍拘泥

聖皇聖方略卷一百四

十五

惟深入重地謀事尤當慎密六安與臨淮一水可通卽正陽三河尖等處亦可就近控制所有臨淮防守事宜雖責成廬鳳道張光第妥辦袁甲三仍應防勦兼籌北路防守不容稍懈毋得顧此失彼是爲至要

初六日

壬寅

上諭內閣曰前因勝保圍攻高唐未能克復降旨拔去花翎以示薄懲原冀其感奮圖功迅殄醜類以贖前

愆乃圍剿已及四月我兵雖逼近賊壘紮營仍未能
剋期收復似此遷延觀望糜餉老師實屬大負委任
勝保著卽革職仍著督率將弁迅圖克復儻再玩延
朕必從重治罪

初七日 癸卯 僧格林沁西凌阿奏言連鎮逆匪於

八月初二日夜間分向四面撲擾放槍吶喊臣
等督率各營官兵嚴整以待該逆未敢近前各

聖輿方略卷一百四

六

退回巢初三日夜該逆四面來擾大股賊匪乘
坐大船四隻木筏數十箇駛奔水口散秩大臣
穆輅副將史榮椿督率官兵開放槍礮並拋擲
噴筒火彈登時擊沈大船一隻燒燬大船一隻
殄斃逆匪無數並斃偽水官總制廖姓散秩大
臣穆輅此次擊賊出力前因失察兵丁沿途騷
擾奉

旨摘去頂戴今既知愧奮可否

賞還頂戴之處出自

天恩奏入

上諭內閣曰逆賊困守連鎮疊被懲創窮蹙已極著僧
格林沁等督率官兵迅速進攻無任久稽顯戮穆輅
此次擊賊尙屬出力著賞還頂戴仍帶革職留任處
分

聖輿方略卷一百四

七

同日向榮奏言據總兵吳全美稟稱紅單船自
初四日獲勝後因在江甯鎮江面守風二十八
日始抵太平見塔下有賊船千餘泊近小河口
地方被我船連環轟擊立沈賊船三十餘隻延
燒七八十隻並搶獲賊船二十八隻餘船卽由
小河竄赴東梁山我船重大礙難深入追擊忽
西梁山夾洲內又有賊船百餘隻飛駛前來欲

襲我船之後各兵勇回帆戢擊大礮排轟頃刻
沈碎數船該逆卽相率敗竄查該處有夾洲兩
道前後遮隔我船不便寄碇乃仍回泊采石磯
以扼大江江面訊問生擒各賊東梁山有賊船
千餘西梁山亦七八百隻並有多槳快船數百
與陸賊聯絡屯踞等語查金陵賊鋒屢挫而太
平係江皖衝要上由夾江小河可達兩梁山下

欽定剿平粵匪方略卷二百四

十六

有陸路可通江甯鎮紅單船無陸兵策應則水
師仍不能於太平駐紮而郡城仍有嘯聚之虞
卽金陵賊援亦未能絕臣現飭鄧紹良俟浙兵
移出黃池扼紮卽將所帶之兵由高淳就近馳
往會合師船扼住太平俾得相機進取蕪湖但
兩梁山賊船過多下有夾洲隔護若紅單船一
經上駛賊得乘隙潛出下游竄赴金陵查紅單

船堅礮猛扼勒賊船是其所長偏攻賊壘難期
得力一自分提上駛江鎮賊援遂斷賊船阻扼
難下則屬聚上游情形至爲喫重仰蒙

聖明洞察決勝幾先上游賊船過多師船究嫌力薄必
須添調陳國泰紅單船十隻或十五隻前來助
戰更足以壯聲威而操勝算臣已遵

旨飛咨陳金綬雷以誠轉飭陳國泰迅撥師船前來與

欽定剿平粵匪方略卷二百四

十九

吳全美葉常春會合連拖層六隻共有師船四
十餘隻往上攻勦以一半分泊太平梁山一帶
一半駛至蕪湖池州等處則南北兩岸之賊聲
氣隔絕卽可以次掃除矣其浦口九洲洲賊雖
無多亟宜乘時攻勦以固北岸現擬調集師船
與浦口六合勇練四五百人會齊夾擊聲勢頗
壯定可迅掃賊氛臣已節次咨商陳金綬雷以

誠翁同書並嚴飭總兵武慶李德麟等迅圖剿洗以免金陵賊匪北竄之虞現在金陵上方橋賊營尚在固守又該逆水路接濟艱難必於陸路附近處劫糧江甯省城之南五十餘里為秣陵關人煙稠密糧食較多秣陵迤南六十里為溧水可由溧陽金壇竄入常郡實為蘇省緊要隘口臣聞該逆現勾通秣陵附近棚民七八百

聖學聖方略卷二百四

二十

人意欲進關擄掠已飭參將蔡應龍帶領兵勇一千一百名馳往迎剿並知會怡良趕緊嚴飭各該縣一律嚴防臣仍嚴飭將士乘此聲威迅掃賊壘及秣陵賊匪棚民不使或有滋擾以防內竄奏入

上命軍機大臣傳諭向榮陳金綬雷以誠曰前因金陵上游紅單船較少特允向榮所請令於陳國泰所帶

船內分撥十隻或十五隻赴上游協剿原以金陵以上江面遼闊師船二十餘隻不敷剿洗下游紅單拖罾廣艇等船共有八九十隻又有新造多槳快船是以准其酌撥嗣因逆匪於九洲洲地方占紮賊營李德麟延不進剿復諭向榮酌調吳全美帶船回駛亦為先其所急現在洲地賊營是否業已攻毀向榮本日所奏調集師船與浦口六合練勇四五百人會齊

聖學聖方略卷二百四

三十一

夾擊即著陳金綬等傳知武慶迅速進攻不可再有延緩至此次江面師船續獲勝仗已近東西梁山緣該處逆船甚多又有夾洲遮隔未便深入重地固因船數較少不得不加意慎重但此項師船上駛之後賊援已漸斷絕若竟以船少勢孤坐守采石不能派太平而上進扼梁山則江面要截之策仍係有名無實若因下游船隻較多添調助剿固足以壯聲威而

浦口地方現又萬分喫緊權其輕重自以各就各船分投進剿爲要策前次既有准調陳國泰師船十隻十五隻之旨卽著向榮與陳金綬等遵旨妥辦一俟兵力稍厚卽可由太平上駛竟達東西兩梁山掃淨賊船以圖次第攻剿至上方橋賊營萬不可任其久占秣陵關通賊棚民尤應迅速剿捕該處關繫蘇常要隘怡良是否已抵常州著向榮知會該督於溧陽

聖學方略卷一百四

三

金壇一帶加意嚴防不准稍有疏失

初八日甲辰陳金綬雷以誠奏言瓜州賊匪糾合

鎮江賊衆過江相助突於七月二十八日擁出三四千人分由東西兩岸進撲副將鞠殿華等卽帶兵由東岸迎擊賊至八里鋪隔河地面分爲三股抄我首尾臣金綬親自督戰三路槍礮齊發斃賊三百餘名追至四里鋪賊忽併爲一

路我兵併力合攻追至賊壘池北斬殺及落水者無數自辰至申殺賊約有千人此東岸接仗之情形也是日西岸賊來尤衆侍衛德興阿督帶吉林黑龍江各營馬步官兵迎剿遇賊三汊河之西南賊匪施放連環槍礮德興阿步隊躡身而進各營官兵左右夾攻賊不能支退至八里鋪德興阿與副都統富呢雅剛阿分兩路抄

聖學方略卷一百四

三

截殲賊多名追至五里莊德興阿帶佐領常陞等由中路進擊富呢雅剛阿由右斷賊歸路復殲賊三四百名餘賊潰竄將近賊營該逆遠撤浮橋不能相顧盡投濠內淹斃正鏖戰時委營總海全匹馬直衝力砍黃衣賊目僞檢點吳姓一名賊屍徧地淹斃無算溝塹皆盈共計西岸殺賊一千餘名割取首級五十五顆生擒五十

五名此西岸接仗之情形也其另由東岸直撲虹橋管家橋之賊計圖擄掠沿江鄉村分我兵勢復經穆克登額等由四里鋪分路勦殺斃賊數十名餘皆紛紛遁回此次殲斃及落河淹死賊匪二千有餘官兵無一陣亡尤爲全勝之仗該逆經此大挫必仍固守不出惟有乘此軍威大振之時設法環攻以期一鼓而下現在儀徵

聖學集略卷二百四

三十四

多槳快船已將造竣連日選礮運往一俟配架齊全即可與紅單船師船大小相輔足資得力所有此次出力將弁可否量予鼓勵之處出自

天恩奏入

上命軍機大臣傳諭陳金綬雷以誠曰江路逆匪自艇船上駛後援應漸斷惟鎮江瓜州兩岸逆匪聲氣相通此次糾合死黨過江攻撲雖我兵大加殲戮特恐

該逆受創之後伏匿愈堅必須迅速設法破其巢穴鎮江與瓜州江口對渡瞬息可達果能乘此聲威剋日進攻並飭余萬清同時並舉該逆自必急不相顧至江面師艇上駛者已至瓜儀以上停泊者尙在焦山以下雖云聲勢聯絡而瓜鎮兩口仍復任賊來去自由勦辦終難得力焦山池上之象山北固山暨對岸之順江洲上下均有礮隄自被賊占踞後總未議

聖學集略卷二百四

三十五

及設法奪回金山賊築礮臺又復梗塞江路我兵戰船卽有駛至甘露寺之時往往接仗卽退不敢停泊是水軍終未占據勝勢無怪該逆日久負嵎著陳金綬等督飭將弁一面速攻瓜州一面約會余萬清各派奇兵由間道暗襲礮隄使兩岸賊勢隔絕更屬易於得手浦口洲地賊營萬不可任其久占前次疊降諭旨均係緊要機宜著陳金綬等傳知武慶嚴飭李

德麟水陸並進務期平毀淨盡不准稍有遷延奸民接濟火藥亟應嚴行斷絕前次陳國泰所獲運米資賊小船卽有火藥槍子等件在內恐此外尙復不少著嚴飭水陸各營並附近地方文武明查暗訪一體搜拏毋任稍有漏網

上諭內閣曰逆匪屯踞瓜州與鎮江逆衆勾結往來離巢撲擾經陳金綬等督率官軍奮力攻勦共計殲斃

聖皇聖方略卷二百四

三六

及落河死者二千有餘亟應乘此聲威會合水師迅圖攻克瓜州無再延緩所有在事出力各員著陳金綬等擇尤保奏候朕施恩

初十日丙午和春福濟奏言廬城逆匪疊被斬擒

防備極嚴閏七月十八日各營官兵奮力進攻接仗五時之久約斃賊匪六七百名二十二日程智泉江忠溶等帶勇於得勝門大西門一帶

往來誘敵該逆由南門突出千餘人嵩瑞等聞

信馳至合力攻勦斃賊二三百名二十五日探

聞由巢湖駛入之賊因秋稼登場意在搶糧城

內賊匪亦思撲出接應於二十六日各營兵練

馳至南鄉七里站奮力圍攻賊營斃賊二百餘

名生擒僞軍師周鳴江並著名賊目十二名砍

獲首級二十七顆奪獲器械八十餘件八月初

聖皇聖方略卷二百四

三七

一日常清等帶領兵勇攻擊西門得勝門賊匪

千餘人突由得勝門擁出常清等三面夾攻斃

賊二百餘名敗竄入城伏匿伏思逆匪屢被痛

勦其計已窮現在一味堅守官兵攻偏殆無虛

日據節次生擒賊匪及逃出難民供稱城內米

糧尙足菜蔬油鹽甚少等語臣現在設法招集

南鄉團練斷其接濟俾得迅圖克復

和春福濟又奏言該逆自上年冬竄入英山盤踞蹂躪經臣等調六安州候選知州李元華候補知州博勒霍布六安州知州茅念劬招集團練一由金家寨一由霍山分起前進行抵英山境內二十一日直抵北城之竹絲嶺該逆正在築壘經前隊祝澂鑑等奮勇進剿賊見我兵突至紛紛驚潰有長髮數十名上前迎拒生擒九

聖朝聖略卷二百四

天

人立即梟示其餘敗退入城二十二日北路徐振卿樊文鐸等越山直撲城根將附郭民房燒燬火光燭天西南守城賊匪見北路火起越城逃走江繼陶等即由西南城垣蟻附而上殺死守堞逆匪賊皆驚潰開南門逃逸復經北門樊文鐸徐振卿等砍伐樹木梯城而入殺斃指揮賊目四名各門大開我軍一齊擁入城內賊匪

搜殺淨盡並殺逆首張和尚一名此外逃出賊匪復經祝昌奎等督勇尾追殺斃逆賊無數直追至城南瓦寺前交湖北蕪水縣界方始收隊奏入

上命軍機大臣傳諭和春福濟曰逆匪占踞廬州恃為巢穴我兵攻剿雖屢獲勝仗擒斬甚多究未能掃穴擒渠剋期收復據稱城內米糧尙足該逆勢必負隅

聖朝聖略卷二百四

天

死守此時總當出奇制勝力破堅城斷不可再延時日英山既已克復其舒城逆匪仍著嚴飭秦定三迅速進剿儻能將該逆分踞之處次第收復則賊勢日孤勦辦自易為力

上諭內閣曰逆匪竄踞廬州屢被痛剿勢甚窮蹙著和春等督飭兵勇奮力進攻迅圖克復郡城無稍鬆懈其竄踞英山之賊經和春等派委六安州候選知州

李元華等相機籌辦將餘匪搜殺淨盡並將逆首張和尙殺斃立將縣城克復該逆自上年冬間竄入英山盤踞蹂躪經官紳團勇等奮力攻勦殲斃逆首克復縣城辦理尙合機宜所有在事出力官紳並陣亡義勇著一併查明分別奏請恩施以昭激勸

和春福濟又奏言據江浦縣會勉禮稟報上月初旬賊於草輭峽放船百餘隻又在浦口北岸

聖學聖方略卷二百四

三

中路與八字溝各紮營盤又於夾新灘地方添設礮位等語據全椒縣陳其昌稟報有賊船三百餘隻在和州鉞魚嘴地方游弋等語查目前賊勢已經江面師船疊次截擊南岸陸路又經向榮分兵駐紮益難竄越其江北各處六合官紳防守極嚴江浦情形已覺喫重和州含山被賊擾後民無固心官成虛設且夾江離浦口十

里上溯三十餘里卽抵烏江又四十里直抵和城夾江已有賊營勢必乘虛竄擾若使復踞和含接應慮巢賊勢蔓延辦理愈形棘手大營相距既遠兼顧爲難臨淮又無兵可分勢難坐視應請

旨飭令雷以誠於揚州軍營抽撥兵勇一千名由儀六馳赴和州督率嚴防勿任竄入雷以誠一時不

聖學聖方略卷二百四

三

能起程卽令遴派得力員弁帶領一千兵勇先赴該處防禦奏入

上命軍機大臣傳諭托明阿陳金綬雷以誠曰現在金陵上游水軍屢獲勝仗南岸陸路經向榮分兵駐紮江浦情形較前喫重和春等所奏和州含山亟須堵禦原係實情惟昨據陳金綬等奏攻勦瓜州賊匪東西兩岸甫經得手正當迅速督率水陸各軍破其巢

穴托明阿起程已久計當抵揚著通盤籌畫雷以誠
是否能親赴和州瓜州攻勦當喫緊之際或於儀徵
六合等處防兵內酌撥兵勇前往堵防之處務須妥
籌辦理並將能否分兵之處飛咨和春等以免貽誤
不得顧此失彼

十四日 庚戌 陳金綬雷以誠奏言臣等查瓜州賊

匪環城列壘引水注濠圖疲我師不如乘勝環

聖學聖略卷二百四



攻漸圖深入因即先期布置傳令東西岸官兵
於初五日寅刻會齊四里鋪等處各帶木板搭
橋蒲包裝土以為填濠進攻之用是日東岸副
將鞠殿華等督隊前行用土填平運河水口官
兵搶過外濠又用土填平水路三條以進攻勦
之路賊壘槍礮如雨當開銅礮擊斃望樓上賊
三四名西岸副都統德興阿等於四更即至五

里莊帶領各營馬步隊直撲瓜州用銅礮擡槍
擡礮向賊隊連環轟擊該匪紛紛倒地當拆毀
賊卡礮臺三處轟斃約數十名參將安勇砍斷
攔河鐵練三條陳國泰亦分駕礮船駛下偏近
瓜州施放大礮將南面沿江土城擊缺一處至
未刻風色不利始行退出臣等查是日四面環
攻原期漸偪賊巢即可前進今填河搭橋毀其
近卡礮臺斷其橫河鐵練當無阻隔祇以風力
漸微我師一時未能得手擬仍會商夾攻水陸
大舉冀得仰賴

聖學聖略卷二百四



天威一鼓而下奏八

上命軍機大臣傳諭托明阿陳金綬雷以誠曰瓜州濱
臨江岸必須水陸同時進攻使該逆四面受敵始可
乘勢力破賊巢此次陸路官兵已獲勝仗而陳國泰

所駕礮船僅擊缺沿江土城一處旋即退出所稱風色不利殊難憑信水師疲玩積習最堪痛恨著托明阿等嚴飭水陸各將弁務當乘此聲威同時並進剋期收復瓜州儘此進彼退不能互相接應查明何路延緩即將何路貽誤之員嚴叅懲辦逆匪屢被攻勦難保不計窮思竄著該大臣等一面迅速進攻一面嚴防該逆分竄之路總期一鼓殲除毋令再滋延蔓

聖學方略卷一百四

十四

十五

十五日辛亥勝保德勒克色楞善祿崇恩奏言查高唐城高本有二丈三四尺臣前將大礮向東北面城垣日夜轟擊現已轟塌數尺寬至二三丈賊見城被擊壞急用木板遮護囊土修補我兵用槍礮齊擊傷賊甚多現已挑選兵勇一有罅隙即當督兵破入初九初十等日於東南偏近處所築就三營派撥兵勇防守十一日臣復

令於城南正對南關處紮營絕其竄路甫經空濠城上密放槍礮不能興作臣令將隊伍復至關廂誘令出巢賊果突出二百餘人李開芳親自率領撲出南關山東官兵開槍迎擊死拒不退臣親督天津正定官兵馳往督戰賊見我兵勢猛即退伏於敗屋牆內於牆孔內密放擡槍臣揮兵勇冒死撲至屋垣之下拋入火彈將賊

聖學方略卷一百四

十五

火藥焚燒斃賊多名該逆皆楚粵老賊拌命死拒臣復令將銅礮洋礮調至切近處所向賊眾連環轟擊放火焚燒敗屋賊即退入城內臣嚴督兵勇追殺直抵城下城上槍礮如雨以致兵勇傷亡二十餘名現在東南營壘業已築成西南亦即趕緊興築以資控扼但現有兵勇實屬不敷分撥連鎮所留步隊攻勦喫緊又未便續

路則臣國藩步步移營徧搜支湖小河然後扼險要以蹙之閏七月初十日探明黃蓋湖內之新店尙存賊船數十號有賊千餘人遊擊楊載福等親駕長龍三板由倒口入湖初更時行至芭茅湖距新店三里許楊載福等將長龍船盡紮湖濱各坐三板駛進突放槍礮該逆猝出不意轟斃溺斃者無數餘皆上岸狂奔楊載福首

聖皇聖略卷二百四

三

衝賊隊被賊回擲火包舟覆落水旋即躍上守備蕭捷三坐船大呼突陣將賊船四十餘隻登時燒盡並將芭茅湖山後賊船及沅潭市聶家市各船燒燬一空黃蓋湖等路亦搜捕無遺直抵嘉魚縣城副哨官馮登等會同官文派到兵勇合剿附城大股該逆竄入崇陽知縣孫守信等入城安撫居民各營水師始行收隊回紮新

隄老營東岸搜剿已徧乃遣嚮導官何南青搜查西岸裏河一律肅清於是水師乘勝直下金口扼據要隘距武昌僅六十里矣金口之東有淮山西有大軍山小軍山兩岸對峙關鎖謹嚴爲水路必爭之地該逆不虞我軍猝至乃乘我大隊未齊水陸兩路來犯蕭捷三等嚴陣以待各哨官分駕三板往西岸大軍山下遏賊上竄

聖皇聖略卷二百四

三

陸賊千餘人先由淮山越嶺而來直入金口市冀誘我軍登岸而以小艇突入奪我戰船隨有賊舟百餘號分兩翼來抄我軍亦分兩路迎擊將該逆快船轟壞並擊沈小船二十餘隻水賊始行敗走陸賊亦敗北回竄此搜剿湖匪及金口水師大勝之實在情形也臣塔齊布既定親剿崇陽之策知崇陽臨蒲三縣以羊樓洞爲總

隘必紮老營於此然後可以四面策應遂督率各營馳赴羊樓知府羅澤南率湘勇千人先行十七日宿長安驛十八日賊千餘人乘我不備分四路撲營羅澤南令湘勇誘賊近營突出抄尾賊衆大潰次日進紮羊樓洞各營次第皆到四川臬司胡林翼亦自常澧帶勇來會臣塔齊布探明附近羊樓洞山崖險峻爲赴崇第一關

聖朝方略卷二百四

四

隘遂派羅澤南於二十三日出隊進剿該匪於洞尾盧家橋紮立大營中跨溪水攔截隘口我師直抵賊穴踰溝冒刃踏破賊營墮岸死者甚多盧家橋之卡旣破賊衆悉銳踞守佛嶺佛嶺兩山高峻羊腸一縷尤爲險絕二十四日羅澤南等督勇由佛嶺之東西北三面分路直攻賊巢攀巖踰嶺冒險而進賊衆大潰我兵追奔十

五里至雙港口止二日之內東西兩卡皆破崇陽首逆僞總制廖敬瞬探知我兵大隊未進在羊樓洞者不及千人乃自崇城調賊三千餘名前來二十六日猝至羊樓洞尾四面環攻羅澤南率勇迎勦振鼓馳突賊勢瓦解我軍中路之兵乘勝擁上山岡追至盧家橋約七里許殺賊二百餘名蕭啟江追右路之賊圍入石山內殺賊百餘名餘賊竄匿墮崖死者無算此陸兵連破賊卡及羊樓大獲勝仗之實在情形也有此數戰崇陽股匪業已膽寒臣塔齊布現統大隊進攻臣國藩現駐嘉魚卽日馳赴金口一俟崇陽股匪勦畢卽當水陸並進直擣武昌探明武漢賊黨不過二萬餘人自岳州大敗人有離心臣等宣布告示解散脅從自賊營薙髮逃出者

聖朝方略卷二百四

四

欽定勦平粵匪方略卷一百五 甲寅年

八月十八日 甲寅 向榮奏言該逆自七月下旬以

來壘被官兵痛剿拏獲賊目及城中逃出難民
僉稱陸路賊匪四旬之中先後殲斃已不下三
萬人精悍賊黨殲除殆盡現在城內之賊均經
膽落已往調賊渠章俊羅大綱聚集湖北安徽
水陸各賊來此與官軍決戰如其不勝別圖竄

聖皇聖略卷一百五

一

擾之計各等語 臣探得上方橋西各營該逆均
已加高壁壘開挖濠塹並不出戰顯有固守待
援之意自橋東兩營被我軍奪據後該逆始不
敢渡河而東惟是橋西賊營均與城近而雨花
臺賊營又可就近馳救必先斷其應援而後可
攻其營壘我軍始不致腹背受敵 臣密飭總兵
明安泰等帶領兵勇於八月初四日進剿該逆

瞭見我兵伏匿不出僅於穴中施放槍礮相持

約一時許遙見通濟門出賊三千餘人意欲要
我歸路明安泰督同張國樑以兵勇一半攻營
一半回拒正酣戰間張國樑奮入賊隊遊擊王
浚催兵繼進逆勢不能抵敵均向通濟門敗走
我兵跟蹤追剿雨花臺內之賊約千餘人又來
包抄亦被我伏兵全數截住賊眾大潰各營之

聖皇聖略卷一百五

二

賊一意堅守始終不敢出營接仗 臣又訪得太
平門外時有奸民貪利與賊貿易因又密派守
備李定太蔣錫光帶兵五百名馳往截拏先將
長髮賊拏獲二十餘人殺斃三十餘人餘皆向
城逃回遂將該處買賣街焚燬拏獲貿易數十
人分別懲處伏念 臣自上年二月抵金陵後該
逆每戰輒敗輒固守以老我之師匱我之餉彼

轉得分其兇黨四出攻擾使我兵力處處爲其牽綴自江路斷絕以後太平資糧又被焚燬聞其火藥尤少該逆大困不得不盡力與我相抗此閏七月望後所以悉其醜類屢次殊死戰爭也惟是水師紅單僅二十五隻拖船亦祇六隻奉

旨調撥下游陳國泰紅單或十號或十五號現在未能

聖學方略卷二百五

三

前來而上游楚皖賊船蟻聚蕪湖江南及兩梁山者不下數千將來愈集愈多萬一師船上攻不能迅掃一空而我礮火或有不繼賊船順流乘風而下一經退守勢難再上未免前功盡棄實屬萬分可虞至於浦口一路該逆在彼紮營與九洲賊營聲息相通必須先將此處賊營攻燬始可杜其北竄惟須下游水師會勦方能

有濟臣已疊次嚴飭總兵武慶李德麟等水陸會籌亟圖掃蕩所慮吳全美師船已單儘再回攻浦口賊船乘虛而下復與金陵陸路相通事機一失尤爲可慮此不能不專望於江北水陸各營也此時已將水路接濟斷絕再將陸路設法嚴斷該逆萬難久延必將悉其逆黨與我力戰臣仰秉

聖學方略卷二百五

四

廟謨儘能再獲大勝則辦理更有把握而廓清有期矣向榮又奏言臣查該逆於前月上旬竄擾九洲一帶其地距浦口甚近距武慶營盤與周希濂艇船均不過數里當時並不實力攻勦任賊從容紮營不知是何居心臣前奉

旨分提各船原以扼勒金陵上游今紅單連破賊船不下千號業已扼駐采石磯截斷江面水路極爲

得手無如東西兩梁山陸續駛回賊船已有二千餘隻皖楚大幫又將趕回蕪湖嘯聚日多太平尙無兵駐守紅單中流砥柱喫緊萬分若使調回攻勦不特將來上攻匪易賊船順流直下又將蟻聚金陵使陸路之賊困而復蘇水路之舟絕而復續萬一連檣北渡浦口勢益可虞或再下竄瓜州則我船更應接不暇矣臣愚以爲

聖聖聖聖聖

五

賊之竄擾浦口江面者跡雖北窺實欲牽掣我師之後若紅單堵住上游使賊船無路下駛我得節節布置水陸會兵由太平以至蕪湖逐漸扼勦而上賊船雖衆亦可漸次掃除前奉

旨添調陳國泰之船既因瓜州攻勦喫緊不能前來吳全美祇有二十五船葉常春之船又未趕到其勢已孤若一經奉調回勦帶兵官有辭可藉正

可乘此折回大局一壞實屬不堪設想所有浦口九洲賊營武慶既奮勇由北岸進勦李德麟有船一十九隻豈尙不足圍攻縷計下游戰船除陳國泰所領二十五隻之外尙有周士法陳世忠分帶各項艇船亦不下數十隻現又造有多槳快船以之進攻洲城賊巢較紅單尤爲便捷誠如

聖聖聖聖聖

六

聖諭所云卽或李德麟各船未能得手亦可就近將周士法陳世忠之船分撥協勦不必專調吳全美紅單駛回以致顧此失彼掣動大局奏入

上命軍機大臣傳諭托明阿向榮陳金綬雷以誠曰金陵逆匪自七月下旬疊被官兵痛勦此次上方橋賊營復經向榮撥派兵勇攻勦獲勝現在紅單船扼駐采石磯截斷江面水路極爲得手惟東西梁山賊船

陸續駛回已有二千餘隻皖楚大幫又將趕回蕪湖
太平現尙無兵駐守金陵上游爲逆賊所必爭吳全
美紅單船僅二十五隻葉常春師船尙未趕到該大
臣奏稱若調回攻剿不特將來上攻非易賊船順流
直下又將蟻聚金陵萬一北渡浦口更屬可虞所慮
情形甚屬周密以現在而論自應多撥船隻扼住上
游使賊船不能下駛爲最要機宜著托明阿等仍遵

欽定剿平粵匪方略卷二百五

七

前旨於陳國泰所帶船內分撥十隻或十五隻溯流
而上與吳全美師船合力堵剿至九洲洲地方賊營
距浦口甚近陸路有武慶營盤水路有周希濂艇船
皆去賊營不遠何以任其從容布置於前又不能奮
力攻剿於後所有浦口洲地賊營著卽責成武慶由
北岸進剿李德麟現有船十九隻足敷圍攻著托明
阿等卽嚴飭該員等迅速攻燬儻仍前怠玩不知奮

勉卽從嚴參辦至下游紅單拖罾廣艇等船共有八
九十隻又有新造多槳快船如李德麟各船不能得
力並可就近將周士法陳世忠之船分撥協剿托明
阿現已馳抵軍營著卽統籌全局與向榮和衷商辦
毋得稍分畛域奸民接濟賊營火藥必應嚴行禁絕
前已諭知陳金綬雷以誠著托明阿向榮嚴飭各營
並地方文武明查暗訪一體搜拏毋稍疏懈

欽定剿平粵匪方略卷二百五

八

同日駱秉章奏言官軍進逼通城立營城外該
匪負隅抗拒於六月十七日分股前撲營盤訓
導江忠淑等分隊抵禦勇目鄧世堂唐遠祚等
首先陷陣斃賊數十名賊卽敗卻回城守備徐
統緒乘勝追剿逼近濠內伏賊突出徐統緒被
賊矛攢傷殞命署千總楊文元署把總王金福
署外委楊登岸向前救護同時陣亡賊仍收隊

入城不出十九日賊復分路來撲當被兵勇擊退殺賊四十餘名生擒十一名七月初四日賊復分數路前來撲營並潛分一路抄出營後江忠淑等及平江團紳督勇分路抵禦先將營後一股擊敗合力痛勦羸斃賊匪三百餘名初十日官軍分路攻撲城垣賊匪亦分路來撲楚勇及平江各勇分路抄截斃賊四百餘名內有執

聖朝方略卷二百五

九

大黃旗賊目四名十八十九二十二十一連日鏖戰復斃賊七百餘名二十九日賊匪大隊齊出江忠淑等督勇嚴陣以待候其撲近槍礮齊施斃賊約二百餘名奇兵從後抄出又斃賊百餘名賊陣大亂陣斬偽軍帥蔡姓逆目廖四廖六等閏七月初七日夜賊忽開城由北路潛遁江忠淑等偵知派勇四路截擊斃賊三百餘名

奪門直入復斃賊百餘名生擒八十餘名奪獲旗幟器械多件此克復通城之實在情形也現在通城股匪倏分倏合者尙有數起人數約二千有餘亟應次第勦滅免滋後患陣亡之守備徐統緒等應請

旨交部分別議卹奏入

上諭內閣曰賊匪竄踞通城屢被官兵攻勦殲斃多名

聖朝方略卷二百五

十

閏七月初七日夜賊匪潛開城門由北路逃竄江忠淑等偵知帶勇四路截擊斃賊三百餘名奪門直入立將縣城克復現在通城餘匪尙未淨盡著該撫督飭兵勇迅速搜捕務當盡數殲除毋留餘孽所有在事出力各紳勇著查明酌保陣亡之守備徐統緒著交部從優議卹署千總楊文元署把總王金福署外委楊登岸同時被害均著交部照署任議卹

二十二日午^戊袁甲三奏言據江浦等處節次來

稟該逆於江浦下新灘等處添設二營並踏平

蘆葦通路三條圖踞浦城以通和州烏江一帶

又分水陸兩路竄擾和州於和城外江口之鉞

魚嘴添築濠塹又有賊船二三百隻停泊烏江

登陸者四五千人四出擄掠直至和州北鄉之

濮家集距全椒南界河岸僅十餘里查全椒為

聖學聖方略卷二百五

十一

北路門戶儻有疏虞則滁鳳一帶全行震動此

時雷以誠奉

旨留揚和含一路前經和春福濟等飭派署臬司恩錫

馳赴該處扼要堵截曾否到彼尙無確信臣已

派參將吉連帶兵五百名前往關山一帶擇要

堵禦並令廬鳳道張光第帶兵三百名赴滁和

各路鼓勵團練以助聲援至臣前擬偏師繞赴

南路攻復各城等情應俟東南賊勢稍定再當

酌量前往總期防剿兼籌斷不敢顧此失彼奏

八

上諭曰所擬亦是現已有旨令雷以誠迅赴和含以後

情形汝自斟酌略遲亦可

同日和春福濟奏言查江面師船屢獲大勝賊

勢頗蹙游弋甚難南則軼入徽州甯國北則軼

聖學聖方略卷二百五

十二

入江浦和州築壘浚濠意存持久茲據全椒縣

知縣陳麒昌稟稱賊於八月初七日水陸並進

擾踞和州又於鉞魚嘴挑築濠塹賊船愈聚愈

多皆自上游駛下初九日又有賊船三百隻停

泊烏江登岸者四五千人四出抄掠直抵全椒

南境等語伏思和州為廬營東障而全椒為東

來餉道所必經若有疏虞則北震滁定西擾廬

營防勦之師刻不可緩臣等卽飭署臬司恩錫
統帶熱河兵四百名東河標兵三百名壽州營
兵三百名廬州營兵一百名馳赴全椒相機防
勦並飛咨揚營速撥兵勇委果敢之將帶至江
浦聯絡聲勢應援協防以絕北岸賊蹤而扼臨
淮前路此時托明阿已抵揚州接辦軍務仰懇
天恩仍飭雷以誠統帶兵勇一千名馳赴和州扼守烏

聖事匪方略卷二百五

十三

江則兵力較厚可以遏北竄而制西侵俾臣等
併力攻廬而袁甲三亦得統師南進數道並攻
庶勦辦易於得手奏八

上命軍機大臣傳諭和春福濟曰和州爲廬營東障而
全椒爲餉道所經設有疏虞則滁定一帶全行震動
於江北大局關繫匪輕必須亟籌防勦已有旨諭令
雷以誠馳赴和州相機進勦其能帶兵若干尙難豫

定已令托明阿酌量情形辦理該提督等卽迅飭署
臬司恩錫統帶熱河等處官兵前往全椒力遏賊衝
毋稍延誤袁甲三因北路緊要仍駐臨淮現派參將
吉連帶兵前往關山擇要堵禦並令廬鳳道張光第
帶兵赴滁和各路鼓勵團練亦可與恩錫聲勢聯絡
互相接應該提督等務隨時知照袁甲三防勦兼籌
以遏逆匪北竄之路

聖事匪方略卷二百五

十四

上又命軍機大臣傳諭托明阿陳金綬雷以誠曰現在
和州情形益形喫重堵勦之師刻不可緩雖有恩錫
統兵前往恐攻勦尙難得力此時托明阿已抵揚州
瓜州軍務自可督同陳金綬等妥籌辦理著雷以誠
於接奉此旨後酌帶兵勇卽日馳赴和州扼要駐紮
如瓜州軍營兵勇不敷分撥卽將恩錫帶往之兵歸
雷以誠調遣擇要布置務須悉力勦除毋任肆擾至

江浦地方爲南北咽喉若水陸兵勇協力同心及早
攻剿何至任賊上竄以致重擾和州該大臣等務當
懷遵疊次諭旨迅將九洲等處賊營剋期攻燬並
督飭武慶等嚴密防守不得再有疏虞

上又命軍機大臣傳諭裕瑞駱秉章曰自逆賊竄踞金
陵分擾揚鎮繼復攻陷安慶廬州等處蹂躪再及武
漢長江之險半爲賊占皆由我軍僅能扼截陸路而

聖朝方略卷二百五

十五

水師戰船不敷堵剿以致賊匪橫行江面恣其奔突
近來紅單艇各船漸集瓜州等處卽獲勝仗向榮
所派之兵亦收復太平進剿至采石磯以下湖南曾
國藩統帶兵船現已沿江東下直抵金口距武昌僅
六十里是剿賊兼賴水軍已有明驗惟近日逆賊竄
近江西並恐另股由池州甯國進犯徽州窺伺浙境
武漢以下金陵以上如安慶九江等處居中扼要之

地尙無戰艦阻當應廣籌製造四川地方完善多產

材木購料興工較爲便易著裕瑞督飭湖北藩司夏
廷樾辦理戰船以資攻剿或在川購造或但購材木

籌撥銀兩帶赴湖南製造與駱秉章迅速商辦前據

駱秉章奏該員已由辰沅赴川此項戰船如由川之

涪江取徑辰沅勢在會國藩之後若由夔巫上游徑

赴荆江直逼漢水當可與會國藩會合俟江漢道通

聖朝方略卷二百五

未

卽可節節攻剿截斷安慶九江兩路賊船著裕瑞與
夏廷樾悉心籌議將如何辦理之處迅速具奏至湖
南應備船礮前經紳士丁善慶等設局捐辦著卽趕
緊添造多多益善駱秉章務飭該紳士等分投勸捐
庶可多修戰艦肅清江面

上又命軍機大臣傳諭陳啟邁曰現在逆賊竄擾沿江
各處吳全美師船已進逼東西梁山其瓜州至焦山

一帶有紅單拖曾廣艇各船上下橫截會國藩水師亦駛至嘉魚金口等處不日克復武漢江路已頗得手惟自安慶至九江中間扼要之區尙無師船攔阻致賊黨得以任意往來江西前造戰船近日能否駛至九江以資攻剿該省素產材木並著陳啟邁督飭所屬購料加造若干隻派幹員管帶出江與上下游戰船互相策應爲掃盪賊氛肅清江面之計卽如吳

勦粵匪方略卷二百五

七

城等處賊船已被剿敗退因我軍缺少船隻故未能窮追可見水陸兩途必當兼備著陳啟邁趕緊設法竭力籌辦

二十四日庚申陳啟邁奏言武甯餘匪復邀興國

匪黨千餘由瑞昌邊界至武甯之箬溪地方分水陸兩路於閏七月二十四日竄至建昌涂家埠時值續調之署千總哈玉麟帶領章武軍練

勇三百名進剿適至該處卽會同建昌縣知縣景瑞迎頭堵剿該匪旋向德安竄去稟請撥兵勦捕並據已革總兵趙如勝稟報現有逆船四百餘號馳入南康府屬湖南灣泊各等情臣查湖北興國大股逆匪先擾武甯繼竄義甯因被該州兵勇鄉團屢次擊敗復與興國逆黨竄擾建昌德安地方亟應調撥兵勇圍攻隨卽飛飭

勦粵匪方略卷二百五

十六

署遊擊景星統帶各路兵勇折回建昌並由省派撥練勇五百名馳赴建昌德安兩路夾擊一面飛咨署九江鎮總兵羅玉斌扼要堵截所有附近之靖安奉新安義等縣亦令該地方文武調集鄉團協同防範俾免闖入爲害其吳錫光所帶靖勇現在飭催迅將桃樹坳一帶匪徒勦辦事竣從義甯東路徑趨武甯遊擊景星兵勇

俟建昌德安匪徒擒捕淨盡兼程赴武實力搜
勦並令趙如勝等督率戰船水勇嚴密籌防以
杜匪艇上竄之路惟聞湖南水陸各軍業已進
紮螺山勦敗餘匪大半偪入江境以致義武兩
路日見緊急其下游東西梁山又經紅單船攔
截江面逆艘不能竟達金陵停泊安慶船隻無
數亦有回竄江右之謠是此時江省情形最爲

聖朝方略卷二百五

十九

喫重臣惟有激勵士卒將內竄寇氛次第蕩平
再以全力嚴守水陸要隘用固藩籬俟湖南舟
師東下卽撥戰船出湖會勦以靖江面奏入

上命軍機大臣傳諭陳啟邁曰義甯敗竄餘匪復由楚
北勾結逆黨於瑞昌武甯一路竄擾建昌德安經陳
啟邁添調兵勇馳往夾擊自應嚴飭該帶兵員弁趕
緊進攻先將此股匪黨悉數掃除卽可與吳錫光所

帶靖勇會勦武甯之匪該撫所籌布置各情卽著照
議相機妥辦惟水陸兩路面面空虛皖楚逆蹤誠不
免伺隙奔突節次諭令該撫多備師船出江扼截以
顧全局若待湖南舟師東下始行出湖協勦未免迂
緩卽新募水勇未諳紀律亦應卽速訓練遴委水師
員弁剋日管帶出江俾資截勦斷不准屢以餉需支
絀藉口遷延

聖朝方略卷二百五

二十

二十五日辛酉楊需奏言八月十六日探報賊匪
由白水湖駛入野豬湖至三叉埠賊衆二三千
人登岸焚燒民房當卽派兵迎擊該匪望風竄
退避匿湖中十七日賊分東西南三路撲營約
六七千人當派兵勇分路迎敵東路賊衆直前
攻撲臣親自督戰河州都司平德督兵施放連
環槍礮轟斃賊匪數十名賊始稍退南路爲伏

勇所擊劉富成兵勇又從後抄至賊匪三面受敵我軍合圍追殺二十餘里直抵野豬湖邊賊衆紛竄入船乘風開駛計各路兵勇先後殺賊五百餘名生擒二十九名偪入湖中撲水淹斃者無算惟賊船尙匿湖中未能卽時掃蕩仍當設法趕緊辦理本日接據探報漢川賊匪由涓口駛入湖中已飭遊擊趙鴻舉等加意防堵毋

聖朝聖略卷二百五

三

令竄入德安府河並再派兵前往接應現在賊勢全夥北趨漢川黃陂一帶水陸屯聚窺伺衝突連日探報武昌漢陽賊衆無多現已飛飭魁玉楊昌泗會同升用道李孟羣等乘此武漢空虛速行攻復臣嚴堵北竄一面趕辦船隻設法勦辦

楊需又奏言京山逆匪抗踞佛福山其地山深

路隘我軍道路不熟未敢深入適有被脅之田三盛卽田連升率百餘被脅之民投誠因卽令爲嚮導繞道由古樹嶺進攻八月初一日黎明行至太和集賊匪率衆來拒都司劉富成揮兵縱擊賊匪敗退追至佛祖山踏入賊巢斬賊三百餘名初二日追至蘇家湖邊該逆因無船難渡折回死鬪我兵痛加勦洗又斬五百餘名餘

聖朝聖略卷二百五

三

衆盡撲湖中淹斃初四日復督兵勇搜捕四路餘匪勦除淨盡其賊首孔昭溶卽孔洛三劉花子白方氏卽白娘子均已伏誅京山境內肅清天門匪亦無多初八日接李孟羣來稟該道督帶湖南水師船隻已於二十七日行抵金口接仗獲勝塔齊布陸路之師尙攻勦崇陽咸甯未下臣飛飭該道卽會同魁玉楊昌泗進攻武昌

一面催備船隻渡湖前進旋據探報賊復屯聚漢川縣城及繫馬口等處並有賊船數百窺伺涇口一帶地方臣恐其竄入涇口飛飭長江埠兵勇加意嚴防將進攻蔡店之勇暫行停止以防涇口並飛咨官文將四川練丁一千名就近飭赴岳家口一帶接應堵剿飭沔陽州蕭蔭恩同知林天直督帶練勇馳赴仙桃鎮一帶會合

聖學匪方略卷二百五

三

川陝各兵相機進取賊匪以南師日偏全力北趨不得不嚴爲防備稍事持重臣現派兵設法趕將湖中賊船焚燒擊毀然後可以放心前進奏入

上命軍機大臣傳諭官文楊需曰此次逆匪分撲楊店營盤經楊需督率弁兵勦擊大獲勝仗我軍追殺直抵野豬湖邊賊船現匿湖中漢川之賊亦由涇口入

湖該署督現飭遊擊趙鴻舉等加意嚴防並派兵接應著卽嚴飭該員等實力防勦毋令竄入德安府河致滋延蔓前經疊次諭令楊需迅速進兵克復武漢現據奏稱賊勢全夥北趨於漢川黃陂一帶水陸屯聚武漢之賊已爲數無多自因上游勦辦得手故該逆鋌而走險意圖北竄爲牽掣我兵南下之詭計楊需此時自應權其緩急先將北路布置周密然後節

聖學匪方略卷二百五

三

節進攻固不可遷延觀望坐失事機亦不可深入重地致該逆乘虛北竄方爲妥善其武漢之賊本日已諭令塔齊布曾國藩水陸並進迅圖克復該署督亦卽嚴飭魁玉楊昌泗會同李孟羣合力夾擊如能克復武漢則賊巢已破勦辦自易得手其湖中賊船務當趕緊設法全數燒燬毋令久踞荊州現在防堵情形較緩楊需所帶兵勇尙形單弱所有前留荊州之

四川練丁一千一百餘名著官文儘數撥調速赴楊
需大營再留荆之防兵能否抽撥助剿並著官文酌
量選派以資剿辦

又命軍機大臣傳諭塔齊布曾國藩曰前據塔齊布
等奏羊樓洞剿賊大獲勝仗並曾國藩搜捕湖河進
駐嘉魚擬赴金口會剿各情形當經批令速戰勿令
塔齊布一軍為崇陽所牽掣原以逆賊恃武漢為老

聖皇聖方略卷二百五

三五

巢若能急破其窟穴則漢江以下餘匪自可迎刃而
解本日據楊需奏京山賊黨已被大軍剿滅惟由白
水湖竄駛野豬湖之賊竟於八月十七日分三路攻
撲楊店營盤經官兵迎敵擊退賊船伏匿湖中並據
探報漢川逆眾有從潰口入湖消息大抵楚省賊情
南擊則北竄鋌險狂奔是其慣技朕思崇陽一股經
普承堯羅澤南等攻破賊卡後計已膽寒惟曾國藩

必俟此股蕨事方攻武漢兩下相持若逆匪另行詭
謀則全勢北趨恐楊需兵勇過單未能遏其兇燄而
曾國藩所帶均係師船水戰有餘陸攻不足務須與
塔齊布妥籌兼顧水陸並進為克復武漢之計該提
督是否能親來督剿或抽派陸路得力將弁與曾國
藩會合之處均著迅速商辦總以搗穴擒渠不被牽
掣為要李孟羣已抵金口魁玉楊昌泗亦前往武昌
亟當乘此聲威各路並舉諒塔齊布曾國藩接奉此
旨必能趕緊進兵勿但專顧一隅也

聖皇聖方略卷二百五

三五

上又命軍機大臣傳諭英桂曰湖北賊匪自我兵克復
安陸府城後竄回京山本月初間經楊需督飭官兵
全行殄滅京山境內肅清天門餘匪亦已無多現由
漢川一帶進剿湖南水師行抵金口接仗獲勝距武
昌省城僅數十里計日即可與北師會合攻克武漢

所辦尙爲得手惟是賊以南師日偏勢必全力北趨
亡命鋌走亟應嚴爲防備且漢川之賊又已竄入澗
口窺伺之意顯然漢川黃陂一帶路徑紛歧賊匪均
可竄逸北窺信陽等處楚豫界連防守尤關緊要英
桂現駐信陽疊據奏稱飭派兵勇在各邊境嚴密布
置著卽於信陽武勝等關加意嚴防毋許稍涉疏虞
至楚省情形仍應隨時偵探與楊需聯絡聲勢隨時

聖學方略卷二百五

七

戒備豫爲併力堵剿之計

二十七日癸亥勝保德勒克色楞善祿崇恩奏言

高唐州城勢已垂破臣連日加緊圍攻晝夜用
大礮轟擊城垣坍塌日甚而賊守愈嚴並乘夜
於缺口暗用土袋樹枝修補臣因於礮臺以前
加築馬道以便乘機填濠入城二十日夜親督
夫役前往興修賊於二十一日夜由城濠突出

百餘人連拋火彈火罐直衝馬道天津山東兩
翼步隊官兵分抄前進將賊擊退次日二更後
逆眾潛出分路撲我新營勢甚兇很幸新募川
勇及天津官兵冒死迎敵一時之久逆賊死傷
甚多始行退散回至城下新築馬道之地欲行
平毀甫經近前地雷炸礮同時觸機轟發伏兵
乘勢壓下隨路剿殺傷斃約百餘人二十三日

聖學方略卷二百五

六

賊由東門撲出又分股撲出南關意欲衝突奪
路而逃亦經我兵擊回統計兩日之內斃賊一
百數十名然皆楚粵老賊多殺一賊城卽易破
一日臣等惟有乘此聲威竭力設法進攻總期
數日之間力圖克復早慰

聖心奏入

上命軍機大臣傳諭勝保德勒克色楞善祿崇恩曰勝

保圍攻此城已歷數月之久此次殲斃之賊不過百數十名而我兵亦有傷亡竟不能以智謀取勝現既據稱機有可乘期於數日之間力圖克復該大臣自係確有把握儻令垂斃之賊伺隙他竄或仍留一路任其奔突又煩追剿勢必蔓延他處何時方能淨盡此時賊勢自非從前臨清烏合之眾可比彼時來之甚速故驅之甚易今則負隅日久必用全力以制之

聖朝方略卷二百五

五

該大臣惟當妥籌就地剿除之法迅將此股逆眾聚而殲旃庶可以功補過著卽與德勒克色楞等乘此聲勢激勵各營將弁倍加奮勇剋日攻復朕惟盼捷音之速至也

二十九日 乙丑 楊需奏言八月二十四日據遊擊

趙鴻舉軍功李玉田等稟報賊船四五百隻駛

至劉家隔地方上竄趙鴻舉等督帶兵勇迎至

道人橋分三路剿擊殺斃賊匪二千餘人生擒賊目十七名燒燬賊船三百餘隻奪獲賊船六十餘隻餘匪散竄又據蘄水縣際亨稟報八月初三日帶羅田縣練勇二千名收復蘄水廣濟二縣城池擒斬賊匪四百餘名又據羅田縣彭仲芳稟報派勇會同安徽英山縣收復城池剿滅賊匪又委員楊先澍率敢死士五十餘人潛

聖朝方略卷二百五

三

近野豬湖賊船拋擲火罐李殿善由東岸施放火箭焚燒賊艦數隻賊眾驚覺四散二十一日賊匪於湖口泊船設卡楊先澍於二更後帶勇改裝潛至附近湖邊之村莊見賊船五十餘隻灣泊湖岸有長髮賊匪數十人分踞村內民房楊先澍卽帶勇突出圍房縱火將民房焚燒並將船隻燒燬斃匪四五百人本日據千總楊世

澤等稟報在羅漢寺塘步等處乘夜襲擊賊匪
斬殺一百餘名生擒三十餘名追逐三十餘里
至大湖嘴地方撲水淹斃者無數又據潛江縣
龔煥枝稟報探聞漢川縣繫馬口賊匪經沔陽
州鄉勇勦擊獲勝又接曾國藩來咨於初八初
十十二等日水陸進攻連獲勝仗定於十七十
八十九二十等日直擣武昌臣當即飛咨以賊

聖皇方略卷二百五

三

匪大股在北必可乘虛攻復並飛飭魁玉楊昌
泗迅即進攻漢陽二十二三兩日東南礮聲竟
日不絕夜半見有火光必已得手惟漢川黃陂
一帶地方賊眾尙有萬人一經武漢收復必尙
有北竄之賊臣一面飛遣偵探一面飛飭參將
常德相機堵剿漢川之賊飭趙鴻舉李玉田嚴
防長江埠縣丞王國楨軍功王瑞山丁心田堵

勦新溝一帶佈克慎帶兵進駐澠口桂明分兵
進駐馬溪河劉富成駐紮孝感楊世澤等駐紮
黃陂以遏四竄之賊又飭黃州府許廣藻於黃
岡麻城等縣督帶鄉勇嚴行堵剿乘勢收復黃
州府城派兵扼守以冀一氣掃除勿使稍有竄
逸正繕摺間據職員楊衍桐遣報二十二日南
北省官兵水陸進攻漢陽當即帶同商民等數
千人接應賊眾驚散即日克復漢陽漢口二十
三日克復武昌省城賊匪分路逃竄約計尙有
萬餘人各等語理合先行奏陳以慰

聖皇方略卷二百五

三

聖懷奏入

上命軍機大臣傳諭楊需曰我兵自勦滅京山賊匪以
後即將斬水廣濟羅田等縣被賊占踞各城先後攻
克現聞漢陽漢口武昌均經克復惟未將攻勦情形

詳細敘及究係何路官兵攻克何處曾國藩等所帶兵船是否與陸兵同時並進得以迅速奏功據稱潰逃餘匪尙有萬餘現向何路奔竄亦未詳晰聲敘逆匪既有四散之勢卽須籌分路追剿並杜其北竄之計雖漢川之賊有常德堵剿長江埠新溝一帶趙鴻舉王國楨等防堵該署督又已分飭佈克慎進紮潯口桂明分駐馬溪河劉富成往紮孝感楊世澤等往紮黃陂布置尙屬周妥而黃州郡城久爲賊踞許廣藻所帶僅係鄉勇未必可恃以收復楊需卽可調得勝之師前往黃州一路相機剿辦該處卽孝感黃陂等處不遠卽佈克慎桂明劉富成等四路截剿之師均可就近扼擊該署督統領全軍務當通籌大局將楚北餘匪悉數掃除其武漢江面應否酌留水師扼守之處並著與曾國藩等酌議布置並將攻克武

聖朝方略卷一百五

三

聖朝方略卷一百五

四

漢情形迅速馳奏至九江安慶尙爲賊匪淵藪已諭令和春福濟陳啟邁加意嚴防仍著楊需不分畛域互爲聲援毋稍大意

上又命軍機大臣傳諭陳啟邁曰本日據楊需奏探聞官兵克復漢陽漢口二十三日克復武昌省城現在賊匪分路逃竄約計尙有一萬餘人逃往何處並未據明晰聲敘亦未據塔齊布曾國藩奏到該匪被剿緊急難保不乘隙竄入鄰省現在江西武甯等處賊匪未就肅清九江尙爲賊踞若該逆豕突狼奔勾結蔓延爲患甚鉅著陳啟邁於江西湖北毗連處所迅卽派委將弁督帶兵勇扼要駐紮加意嚴防毋令賊匪竄入境內致滋紛擾

上又命軍機大臣傳諭和春福濟曰本日據楊需奏官兵克復漢陽漢口二十三日克復武昌省城現在賊

匪尙有一萬餘人分路逃竄情形若何尙未據塔齊布曾國藩奏到該逆被剿情急難保不亡命狂奔勾結皖省逆匪蔓延爲患著和春等派委得力將弁帶領兵勇於安徽湖北毗連處所扼要嚴守加意防範毋令賊匪竄入剿辦更難得手至廬州等處賊匪被官兵屢次攻剿疊獲勝仗勢極窮蹙著卽督飭兵勇奮力圍攻務當一鼓殲除迅圖克復毋致再有竄逸

欽定剿平粵匪方略卷一百五

三

安慶一帶賊匪尙未殲滅卽著飭令秦定三迅速勦辦毋稍延緩

上又命軍機大臣傳諭塔齊布曾國藩曰楚北賊匪本恃武漢爲老巢現已破其巢穴則下游餘匪自易勦除惟分竄賊匪尙有萬餘人塔齊布曾國藩等水陸各軍如何勦辦此股餘匪究竟竄往何處本日已諭令陳啟邁及和春等一體嚴防該逆被剿窮蹙豕突

狼奔蹤跡靡定且漢川黃陂一帶賊匪尙多尤慮勾結爲患楊需駐紮楊店現已諭令進攻黃州趕緊克復並嚴防逆匪北竄塔齊布勦辦崇陽一股是否已就肅清此時武漢收復後卽可會合曾國藩水師併力東下廓清江面該提督等務當與楊需妥商籌辦勿令東下之師爲楚省零匪所牽掣

欽定剿平粵匪方略卷一百五

三

欽定勦平粵匪方略卷一百六 甲寅年

九月初一日丁卯僧格林沁西凌阿奏言近來逆匪思竄愈急八月二十四五等日該逆連次撲營均經擊退據投出難民供稱賊巢糧米已無惟食黑豆並聞該逆製造呂公車及掘挖地道總要搶死撲出等語現在周圍濠溝嚴密布置足以破其地道並有梅花坑數重及大小木椿

聖皇聖略卷二百六

一

雖有呂公車亦難偏近惟該逆窮蹙已極防守益堅臣等與各營官熟思妥議深恐貪功輕進徒折精銳於事無濟以現在賊勢而論人心不固糧米缺乏撲則不敢守則無糧斷難久稽顯戮一有可乘之機卽當督兵進剿可望就地殲除臣等惟有嚴飭各營加意防範仍隨時設法圖維務期迅速蕩平早紓

聖廬奏入

上命軍機大臣傳諭僧格林沁曰朕日盼捷音速奏而每覽奏摺幾成習見套語毫無出奇制勝之處實屬不解轉瞬天氣漸寒灑隄水凍結該逆另啟詭謀又將作何防範僧格林沁既稱該逆撲則不敢守則無糧卽此豈非可乘之機猶稱有機可乘卽當進剿究竟如何始爲進剿機會虛詞搪塞至於此極朕實爲

聖皇聖略卷二百六

二

之愧恨著僧格林沁卽行督飭各路官兵設法進兵剋日攻破賊巢不得再以徒折精銳爲詞布置嚴密爲解任令該逆日久負嵎

初二日戊辰托明阿陳金綬奏言臣等查雷以誠

自到場以來一載有餘勸捐濟餉著有成效攻勦瓜州時於地勢賊情均能深悉伏乞

皇上天恩准令雷以誠仍留揚州俾臣托明阿得資臂

助至和州瀕江扼要上年琦善派副都統常清帶青州兵一千名前往烏江駐紮旋經皖省調往他處而揚州之兵續經撥赴廬州者約四千名之多以致江防二百數十里之內處處兵單現在浦口洲地賊壘尙未祛除瓜州之賊日久負嵎又須亟圖會勦前此抽調駐防宿遷馬隊二百餘員名折回揚城添防東路正以六合儀

欽定剿平粵匪方略卷二百六

三

徵防兵自分撥江浦後無可再行撤減始爲此萬不得已之計而和州距揚太遠實屬鞭長莫及前由儀徵六合撥兵五百六十餘名添防江浦現又撥浦口馬隊二百名早晚更替赴江浦協防竊計扼守江浦卽所以保障和含其和含等處請

旨飭下和春等於皖省軍營就近派撥防守以專責成

而免貽誤奏入

上命軍機大臣傳諭托明阿陳金綬雷以誠和春福濟袁甲三日前因和含一帶堵禦喫緊諭令托明阿通盤籌畫能否令雷以誠帶兵前往和州妥商辦理嗣因和州已被賊踞復命雷以誠卽日馳往扼要進勦托明阿等此次奏報請令雷以誠仍留揚州自係未經接到續降諭旨惟所稱勸捐助勦必須熟手亦係

欽定剿平粵匪方略卷二百六

四

實在情形雷以誠卽著毋庸前赴和州至揚州之兵誠難再分浦口賊巢亟應力圖攻毀若徒稱扼守江浦卽以保障和含豈尙不知和州失事情形耶雷以誠旣不能兼顧和州卽著托明阿等督飭將弁將浦口賊蹤迅速掃除方爲妥善袁甲三前奏有北路緊要緩赴六安之語著卽體察情形如須親往督勦卽著與和春福濟妥籌辦理儻和春等專待揚州之兵

托明阿等則仍令廬州籌撥各存畛域之見輾轉貽誤咎將誰執袁甲三前奏各情尙合機宜諒必能統籌全局毋誤事機也

初三日己楊需奏言八月二十四日夜賊船二

千餘隻由襄河潰口蔡店擁撲漢口搭造浮橋

圍攻我兵營壘當經曾國藩魁玉楊昌泗等水

陸截勦縱火焚燒礮船堵遏江口賊船盡爲灰

聖學聖方略卷二百六

五

燼火光照耀百里徹夜不絕賊匪二萬餘人斬

殺焚燒溺斃不可計數竄逸者不及十分之一

並皆薙髮四散臣當派知府栗耀馳赴漢陽安

撫商民搜捕餘匪桂明帶兵馳赴黃岡一帶集

團堵勦收復黃州武昌各郡縣臣於二十七日

拔營赴省滿營馬隊及甯夏延綏等營官兵留

駐楊店聽候調遣計北境業已無虞下游沿江

州郡尙爲賊踞卽應會同曾國藩等水陸並進

以冀一氣掃除伏查安徽江西江南賊尙未平

楚北皆與接壤大江上下帆檣瞬息往來控扼

非易與其屯兵久戍勞費而終無把握不若乘

此湖南兵氣方揚賊匪喪膽之際約會江西進

攻九江安徽會勦夾擊以戰爲守作一勞永逸

之計臣擬到省與曾國藩等熟商將兵勇酌量

聖學聖方略卷二百六

六

遣回湖南及留於湖北防守各選精銳帶同礮

船水陸下擊直抵江南協助向榮等剋期掃蕩

滅數載猖狂之巨寇慰

九重宵旰之憂勤其湖北善後一切事宜交臬司等妥

籌辦理

同日塔齊布會國藩奏言八月初三日臣塔齊

布督兵馳抵崇陽縣距城里許該逆二千餘人

1 反之下

分三路抗拒我軍亦分三路衝擊斬其前鋒逆黨敗竄過河半回縣城拒守我軍一面飛渡窮追一面圍城急攻共殺賊百餘名城上槍礮如雨兵勇裹創前進鏖戰四時至暮始行收隊初四日黎明臣塔齊布復督將弁攻城羅澤南等亦由桂口沙坪搜勦而至探明賊勢併注西城遂先攻東北二門以分賊勢選壯士二百人埋

欽定剿平粵匪方略卷二百六

七

伏城根隨督大隊奮攻西門城上連放槍礮拋擲瓦石我軍冒險力攻旋用劈山大礮轟破西門一擁而入前埋伏之二百人亦從北城根肉薄而登四門截殺斃賊約二百人餘匪由東門過河逃竄又追殺百餘名立將縣城克復崇陽向爲亂民萃聚之藪自鍾人傑後反者數起今年賊目廖敬瞬踞爲老巢盤踞數月資糧盡聚

其中悍賊數千嬰城死守又山路險峻城小而固非兵勇奮不顧身未易破此堅城也臣塔齊布卽於初六日拔營前進派羅澤南等先赴咸甯初八日紮官塘驛探明武昌賊黨八百餘人從金牛地方招集崇陽逃匪乘虛而入踞城抗禦阻遏大軍羅澤南等於初九日馳抵城下賊從東門潰出竄至十里外之官步橋忽回駐要

欽定剿平粵匪方略卷二百六

八

隘分路埋伏我軍分路進追繞出賊伏之後賊遂向北路竄去我軍沿途截殺追奔十餘里斃賊八十餘名生擒二十餘名水軍戰船自前月二十七日金口獲勝後該逆不敢上犯已革副都統魁玉總兵楊昌泗帶兵勇四千三百人來會紮金口之西岸同知銜李光榮帶川勇千餘人亦至紮金口之東岸皆荊州將軍遣來協勦

者也初八初十等日官軍在沌口一帶巡哨遇賊鏖戰水陸接應斃賊無算該逆奔退回巢臣會國藩已於十一日進駐金口臣塔齊布自崇陽咸甯沿途剿賊北來雖明知賊匪未淨大兵一過仍虞嘯聚各縣然武昌為省會重地拔其本根則枝葉自萎勢不能兼顧小股祇得飛速進兵直擣武漢以圖迅復鄂垣此次出力員弁

聖皇聖方略卷二百六

九

兵勇應請

皇上天恩容臣等擇尤保獎均奏入

上命軍機大臣傳諭楊需塔齊布會國藩曰賊船由襄河潰口蔡店擁撲漢口經會國藩魁玉楊昌泗等水陸截剿縱火焚燒逆匪二萬人斬殺焚溺者不計其數辦理甚為得手楊需於二十七日拔營赴省自可與會國藩通籌全局為水陸並進之舉惟武漢新復

應如何酌留兵勇防堵使賊匪不得乘虛覬覦方為妥善現派桂明帶兵馳赴黃岡一帶督團堵剿如能收復黃州楚境一律肅清即可乘此聲威水陸並進會同江西兵船下攻九江直達安慶該署督等相機辦理務臻妥協至馬隊及甯夏延綏等營官兵留駐楊店即可為北路聲援前據楊需奏武漢克復尚有賊萬餘此時攻剿下游仍須厚集兵力會國藩等本

聖皇聖方略卷二百六

十

日奏報尙係克復崇陽其攻剿武漢情形仍未奏到塔齊布陸路官兵此時諒與會國藩水路合為一軍著俟楊需抵省後商摧挑選精兵水陸進剿朕日盼捷音之至也所有克復武漢情形著楊需塔齊布會國藩迅速馳奏

初四日 庚午 向榮奏言查上方橋西賊營經官軍連次攻剿仍復負嵎堅守現當禾稼秋成探聞

該逆於鐵星橋河定橋一帶日肆焚掠雖經派去兵勇節次搃斬數百人而板橋善橋一帶嘯聚甚眾亟應設法圍剿幸探得蕪湖之賊業於十一日被涇太義勇擊走收復縣城臣飛調已革總兵王鵬年等迅帶浙江兵勇由甯國出堵蕪湖已於十六日齊到該處紮營鄧紹良一軍亦由高涇調至太平屯紮蕪太陸路之賊漸清

聖朝方略卷二百六

十一

惟采石沿江以下尙有逆黨時來擄掠臣現檄飭鄧紹良帶領兵勇一千二百餘名由慈湖銅津沿江直取江甯鎮進攻板橋善橋並由大營抽撥楚兵五百名令副將傅振邦帶往秣陵關與前派參將長桂所帶兵勇六百名齊往江甯鎮會合統歸鄧紹良調遣攻剿如能得手則與大營聲勢相聯上方橋賊巢前後受敵不能固

守方可一律掃蕩惟吳全美所帶紅單船自前月泊駐采石磯後水路接濟已斷該逆始傾巢出戰陸路復被大創賊情正深恐懼臣方催提紅單船進攻東西梁山節節扼剿而上庶水陸上游皆爲我有實收復金陵一大轉機乃該總兵忽藉口於揚州大營札調回攻九洲洲並不候臣檄飭遂於十一日駛至浦口以下實屬坐

聖朝方略卷二百六

十二

失事機經臣專弁嚴行檄斥始以待解糧餉子藥爲詞繼又以帆纜微脆應須更換爲推諉之計現在上游賊船屬聚乃自放開江路致令聯檣竄下接濟復通賊燄未免復熾茲已特派副將蔡應龍前往督催責令吳全美卽將所帶紅單會同葉常春之拖罾各船趕卽駛上金陵由江甯鎮勦洗前進以期會合鄧紹良陸兵扼住

上游江面然後將兩梁山一帶賊營全行洗蕩
再由蕪湖直溯池州則皖江以南無復賊蹤蘇
杭門戶自固然後以全力規復金陵便有把握
現聞該逆已於夾江九洲之間用糧船排列
復於下關南北兩岸用鐵練中貫巨木橫截江
面並有礮船游弋意欲阻我師船上攻之路臣
已飭總兵陳世忠挑派閩勇赴浦設法斷其鐵

聖學方略卷二百六

十三

練不致有礙江路並飭令吳全美等就便協剿
但俟東北風轉卽仍督船上擊庶可早靖逆氛
奏八

上命軍機大臣傳諭托明阿向榮陳金綬雷以誠曰前
因東西梁山賊船較多諭令托明阿等於陳國泰所
帶船內撥赴上游已據奏稱派撥十隻前往與吳全
美合力堵剿合計紅單船已有三十餘隻兵力較厚

自當力扼上游使賊船不能下竄於剿辦機宜最爲
緊要乃據向榮奏稱吳全美藉口於揚州大營札調
回攻九洲洲輒駛至浦口以下經該大臣嚴行檄斥
又復藉詞推諉實出情理之外該總兵統帶師船係
歸向榮節制各兵勇轟擊賊船本極奮勉若帶兵大
員意存退縮勢必蹈艇師疲玩積習當此攻剿喫緊
之際豈容任意顛預著向榮嚴催該總兵迅赴上游

聖學方略卷二百六

十四

並著托明阿等飭令陳國泰將所撥紅單船十隻飛
速上駛不准片刻耽延儻再不遵調遣卽著該大臣
等從嚴叅辦武漢現已克復湖南水師指日卽可下
駛至黃州九江等處現在蕪湖業已收復若兩路夾
擊梁山一帶賊船自可剋期殄滅該大臣等務當乘
此機會併力攻剿毋稍遲延其金陵逆匪接濟尤當
設法嚴斷毋令到處焚掠涇太義勇收復蕪湖縣城

情形著查明具奏

同日塔齊布會國藩奏言 臣會國藩進駐金口後八月十二日乘小舟赴沌口相度形勢李孟羣等率戰船隨往突有逆船數十來抄陸賊千餘沿江撲犯我戰船以少半擊江中之船以強半擊岸上之賊頃刻間屍橫徧地岸賊敗退逆船亦卽下遁陸軍自咸甯大勝後 臣塔齊布率

聖朝方略卷二百六

十五

各營直趨省會飭知府羅澤南都司彭三元普承堯等先行十三日探明橫溝橋地方聚賊六七千人意圖阻遏官軍並分伏兩旁以圖抄尾羅澤南等分路進攻賊勢大潰追殺百餘名賊之埋伏兩山者復經搜殺二百餘人十五日羅澤南等進紮紙坊距鄂城六十里十六日 臣塔齊布亦至十七日偕羅澤南同赴金口與 臣國

藩會議進兵先後查逆黨盤踞武漢約共二萬

餘人自沌口以下東西兩岸水陸賊營密布連日再四詳究進攻武昌之路有三一爲古驛路由油坊嶺以達洪山一爲新驛路由湖隄以達板橋一爲沿江之路由金口以達花園進攻漢陽之路亦有三一爲沿江之路由沌口以達鸚鵡洲一爲襄河之路由蔡店以達西門一由襄

聖朝方略卷二百六

十六

河建瓴而下 臣等悉心定議必以水師先勦江面使武漢之賊消息隔斷陸路則先攻武昌後攻漢陽 臣塔齊布暫駐紙坊總要之區遣羅澤南等由金口一路先攻花園賊營然後由古驛路進攻洪山至西岸沿江一路則令魁玉楊昌泗等率荆兵進攻一面咨明署督 臣楊需夾攻漢陽之背以期諸軍會合迅復堅城雖據稟崇

陽餘燼復合戕官踞城而陸軍單薄暫時不及
分兵回剿俟攻克鄂城後再行四路遣征奏入
報

同日陳啟邁奏言閏七月二十九日有賊船四
五百號停泊湖口縣之梅家洲一帶經臣飭令
已革總兵趙如勝等嚴密堵剿八月初三日東

聖朝方略卷二百六

十七

北風大作逆船揚帆上竄趙如勝等以瀟溪口
河面較狹俟其駛入聚而殲旃查吳城下東北
沙灣地方有小河一道與瀟溪大河中隔洲地
一片可以瀟繞出溪之下當派廩生錢榮等帶
勇乘坐漁船一百隻由沙灣小河順流而下約
俟賊艇悉進瀟溪即抄襲其後順風縱火趙如
勝等帶勇乘坐小戰船五十隻前往下游迎頭

截擊是日辰刻遙見賊船駛入瀟溪遙擁而來
全數進口其前隊將抵沙灣見隔洲小河有船
下駛知為襲彼後軍該逆將船停泊率領數百
人上洲開放槍礮適趙如勝率眾飛棹而下身
先士卒執旗指揮各弁勇亦奮力爭先連放擗
礮賊陣大亂官軍乘勢登洲掩殺斃匪百餘人
餘俱追逼落水淹斃時錢榮等船隻業已繞出

聖朝方略卷二百六

十六

瀟溪轉占上風直逼賊艇施放火箭拋擲火罐
火彈後隊匪船數十號同時火起風大火烈頃
刻延燒趙如勝等復悉力進攻逆艇有被礮擊
沈者有為我軍槍獲者中隊之賊進退無路紛
紛撲水其狡黠者跳入腳船逃走約有四五十
隻風浪過大仍多淹沒大船五百餘號實無片
帆逃歸是役也槍獲賊船六十七隻燒燬四百

餘隻擊斃賊匪一千餘人焚溺者不計其數生
擒一百五十七名內有偽官多名惟此股賊船

雖已剿滅殆盡而安慶一帶灣泊尚多現在紅
單船截剿甚急該逆鋌而走險難保不復竄江

西 臣尤當督飭各員弁益嚴守禦以備不虞再
廣東詔連各屬土匪蠢起竄擾長甯龍南等縣

疊經兵勇擊退現仍飭令南頓鎮道認真防剿

聖恩方略卷二百六

十九

至竄擾德安之賊經遊擊景星等擊斃數百人
餘匪逃回興國其崇通匪徒擾及義甯西路亦
經擊敗退回楚疆惟武甯匪勢鷓張屢偏義甯
東路現飭景星等統帶兵勇合力夾攻務期剋
日殲滅奏入

上命軍機大臣傳諭陳啟邁曰賊船復犯吳城盡被官
軍焚燬惟竄賊恐去而復來未可以目前小有勝仗

致疏防範且江西地面北鄰楚省南接粵東現在詔
連各屬土匪紛起竄擾長甯龍南等縣均經兵勇擊
退該撫仍當嚴飭鎮道等迅速剿捕淨盡其由楚入
江路徑不但叢山密箐皆可伏匿前此楚賊由崇通
竄越屢窺武義即為前車之鑒現在武漢已經攻克
漢川黃陂等處亦漸肅清是湖北剿辦得手江西更
形喫重陳啟邁身任疆圻籌防不可稍懈至吳城賊

聖恩方略卷二百六

二十

船雖已剿淨安慶江面灣泊尚多即防陸防江亦須
兼顧若曾國藩與塔齊布各軍水陸並進會同江西
兵船前後夾擊江面自可漸就肅清陳啟邁總當防
勦兼顧互為聲援勿稍疏失

初五日 辛未 塔齊布曾國藩奏言八月二十一日

臣塔齊布由油坊嶺進發阨東北洪山總匯之
區臣國藩在金口定議沿江三路齊下之策湖

南陸軍羅澤南等三千人及荊州派來李光榮川勇千人攻東岸花園賊營魁玉楊昌泗四千三百人攻西岸蝦蟆磯賊營水師戰船從中流飛駛衝過鹽關之下直至鸚鵡洲該逆不意我軍之猝出其後也卽回船下救我軍分兩翼上下繞擊賊勢不支紛紛落水楊載福等縱火延燒頃刻之間鹽關二百餘號賊船焚燬盡矣羅

聖朝方略卷二百六

三

澤南等攻花園賊營分爲三路同進賊自木城開礮子如雨點我軍奮力直入賊衆大潰縱火焚其營壘是時西岸魁玉等亦攻破蝦蟆磯賊營縱火焚之賊衆四竄伏兵圍勦屍橫徧野楊昌泗窮追直下與水軍夾擊復破鸚鵡洲賊營李孟羣楊載福等乘勝又攻破漢關等處賊營三座遂徑攻鮎魚套口復燒燬賊舟數十號二

十二日李孟羣率前營先發攻燒鮎魚套未盡之船旋即西渡攻漢陽朝宗門土城楊載福蕭捷三秦國祿等仍衝過賊營直趨塘角何越珽亦衝過賊營直攻漢口兩城焚燒賊船無數兩岸賊營悉數踏平自有此兩日大戰省河上下無一賊船武漢城外無一賊營臣等知其萬無可守之理二十三日卯刻水陸各營豫備攻城

聖朝方略卷二百六

三

武昌之賊已於四更後潛開東北門逃竄猶留悍賊數百在西南城搖旗放礮故作堅守之狀漢陽城上亦然我水上軍及東路陸軍用大礮向漢陽望山等門轟擊而別遣壯士從僻處攀堞而登舉火爲號各營擁入衆賊奔竄截殺九百餘人生擒二百餘人西岸漢陽城上之賊方與水師連礮對擊楊昌泗之兵勇已自南門梯

繩而入魁玉督帶各營在西門外月湖隄一帶埋伏該逆由西門奔赴蔡店被伏兵截斃殲無數生擒二百餘名午未之間兩城同時克復臣塔齊布從油坊嶺來知武昌東北洪山一帶爲陸路竄賊必由之地豫飭大隊四路埋伏該逆不料我軍猝至前臨大敵後偏危城左近梁子湖右隔湯孫湖無路逃生拚死抗拒我軍分

聖朝方略卷二百六

三

路迎擊賊向洪山之背大奔我軍槍登山脊乘勢追北殲賊約六七千人餘衆圍偏沙湖塘角灣地方紛紛赴水溺斃二千餘人二十四日臣等先後入城履勘街道撫綏孑黎現已飛咨湖北巡撫兼署督臣楊需請其迅速渡江鎮撫會城一面妥籌分路進剿事宜所有此次尤爲出力各員相應開列可否先行獎勵之處出自

皇上天恩奏入

上諭曰覽奏感慰實深獲此大勝殊非意料所及朕惟兢業自持叩

天速赦民劫也

上命軍機大臣傳諭楊需會國藩塔齊布曰此次武漢兩城克復聲威大振北竄餘匪復經楊需疊次剿殺漸就廓清是楚省大局已定亟應分路進剿由九江

聖朝方略卷二百六

四

安慶直抵金陵掃清江面會國藩雖係署任巡撫而剿賊之事重於地方自湖南東下水陸各路官軍必須該署撫與塔齊布會同調度方能人人用命斷不能株守省垣楊需昨奏已於二十七日拔營赴省諒已與會國藩塔齊布晤及應如何分兵前進如何留兵防守當已計議周妥楊需所稱會同會國藩等各選精銳水陸下擊湖北善後事宜交臬司等妥辦似

該督亦擬督師出境但此時黃州未復胡林翼尙在岳州曾國藩等水陸大軍正在建瓴破竹之時萬難坐待省垣布置完善再同該督前進且大江風信靡常逆船回竄固應嚴防卽崇陽等處餘匪抄襲我軍之後亦甚可慮自宜酌留大員督辦以爲大軍後路聲援若專委之臬司誠恐呼應不能甚靈著楊需與曾國藩塔齊布妥速商定卽行具奏曾國藩以殺賊

聖學聖考卷二百六

三

自任必能謀定後戰計出萬全楊需遇事持重審度精詳諒不至孟浪同進致令楚境空虛也昨據塔齊布等奏有崇陽餘燼復合戕官踞城之語著楊需迅卽派兵前往撲滅並飭桂明收復黃州等處城池果能一律肅清則桂明之兵卽可由黃梅廣濟一帶間道斜出仍與曾國藩等會合庶英山太湖賊援亦斷皖省勦辦亦易得手塔齊布所帶陸兵旣單魁玉楊

昌泗之兵應否合爲一軍隨同東下亦著曾國藩與塔齊布妥籌調遣並約會陳啟邁飛派兵船礮船由九江出剿以爲水路奇兵勿令該逆旁竄鄱湖又與義甯等處陸匪勾結復致蔓延崇通一帶總之江面必須急剿餘匪尤宜嚴搜沿江勦賊之事朕以責之曾國藩塔齊布楚省防賊回竄及搜捕江北等處餘匪事宜朕以責之楊需該督等務當協力妥籌不可

聖學聖考卷二百六

三

稍涉大意

論內閣曰上年江皖回竄之賊重擾漢陽漢口於今夏再陷武昌逆燄猖獗蔓延兩楚神人共憤覆載難容疊經降旨令塔齊布曾國藩於收復岳州後分督水陸兩軍掃蕩沿江賊壘乘勝東趨直擣武漢茲於八月二十三日武昌漢陽兩城同時克復三日之內焚舟千餘踏平賊壘淨盡運籌決策甚合機宜允宜

立沛殊恩以酬勞勩楊需著補授湖廣總督曾國藩著賞給二品頂戴署理湖北巡撫並加恩賞戴花翎塔齊布著賞穿黃馬褂並賞給騎都尉世職廣西升用道李孟羣著賞加按察使銜並賞給珠爾杭阿巴圖魯名號候選知府羅澤南著記名以道員用候選知縣李續賓著以直隸州知州升用並賞換花翎遊擊楊載福著以參將補用並賞加副將銜守備蕭捷

聖恩匪略卷一百六

三

三著以都司升用並賞換花翎都司彭三元著以遊擊補用守備唐得升著以都司升用並賞換花翎同知銜文生李光榮著以府經歷縣丞遇缺卽選已革副都統魁玉已革總兵楊昌泗均著加恩開復原官其餘出力文武員弁兵勇著會國藩塔齊布查明保奏候朕施恩

初八日 甲戌 僧格林沁西凌阿奏言逆匪自初一

日逐日結隊出巢不敢直前奔撲近於前次拆毀破村空濠築壘惟恐月生詭謀初四日馬步官兵分路進剿直至連鎮賊濠該逆由連鎮李莊分爲三路傾巢出拒我馬隊官兵分兩翼迎剿步隊中路進逼各隊官兵槍箭齊施練勇短兵相接斃賊無數該逆不能抵禦敗回巢穴當經兵勇將前次拆毀破村濠溝全行墊平撤隊

聖恩匪略卷一百六

三

而回是日之戰約斃賊匪一百餘名初五初六等日陸續逃出難民供稱賊匪屢次受創萬分情急兼之糧米缺乏僅食黑豆急於捨死奔撲現在賊巢製造呂公車二十餘座定於初十前後拌命向北面奔竄惟有加意嚴防仍督飭各路官兵設法進攻斷不敢任令該逆日久負嵎自蹈重戾奏八

上命軍機大臣傳諭僧格林沁西凌阿曰逆匪占踞連鎮僅係村莊並無城郭之固僧格林沁圍攻五月有餘前此僅能於該逆出撲時極力擊退卽初四日進兵出戰亦不過將前次拆毀破村濠溝全行墊平究竟如何搆穴揜渠尙無成算且賊糧缺乏僅食黑豆等語朕耳聞已熟若賊巢中果無糧米則夥黨勢必瓦解豈有仍以黑豆苟延數月之理僧格林沁性情

聖學聖略卷一百六

五

誠樸或不免受人欺瞞現在賊匪製造呂公車於初十日前後向北奔撲卽應加意防範然與其防賊出撲不如督兵進攻先發制人兵家勝著該大臣等務當趕緊攻勦勿但以小勝塞責並以進勦過猛恐傷精銳爲詞遷延時日至軍士隨征已及一年更宜加以激勵迅將此股殲除解甲釋戈共相休息如久令負嵎抗拒僧格林沁亦何以對在營將士耶

同日托明阿陳金綬雷以誠奏言八月二十五日浦口官兵瞭見金陵下關駛出木簞大小二座大者約二十餘丈小者十餘丈上紮木城中設瞭臺數座環列大小礮位沿南岸下駛續有大小賊船數十隻圍護木簞連開大礮經李德麟等統帶局艇迎頭截擊槍礮齊發轟沈賊匪快船數隻該逆紛紛解散大小賊船均卽遁入

聖學聖略卷一百六

三

金陵內河其賊匪木簞一座乘隙由江心大溜直奔下游兵船極力進追時總兵陳世忠督率師船由段要口泝流迎截攻毀木城二處小瞭臺一座時已昏黑大霧瀰漫該逆木簞仍順江心大溜而下各師船暗中緊追二三更後霧氣益重咫尺難分駛至下游路過土橋江面總兵陳國泰督率紅單船迎擊上下游戰船槍礮與

賊礮對轟於江昏霧黑之中及至天曉始知木
簞已駛泊鎮江南岸查各項戰船分扼上下游
原以堵截江面賊船今浦口兵勇雖將賊船擊
退未能攔截木簞陳國泰駐泊土橋尤應實力
扼堵乃因夜深霧重竟任其乘夜衝突直赴下
游究屬疏於防範臣等現飭陳世忠嚴扼段要
口以防金陵賊簞續行衝下並飭張攀龍速撥
大礮船由焦山進駛協同陳國泰攻擊務將木
簞二座即日燬除一面飛催李德麟等折回浦
口速將洲地賊營轟洗儻各該鎮等再敢玩延
立即嚴叅從重治罪斷不敢稍有寬縱惟查九
洲與南岸七里洲均有賊營江面甚窄兩岸
賊礮對發又於中流排列巨艦橫互鐵索三道
舟師上駛頗難現已與向榮會商擬先破其鐵

欽定剿平粵匪方略卷二百六

三

鎮橫江之處臣雷以誠於八月二十七日馳赴
焦山督飭張攀龍等礮船與陸軍會剿務期一
鼓攻克以紓

宸廑奏八

上命軍機大臣傳諭托明阿向榮陳金綬雷以誠曰逆
匪於金陵下關駛出木簞由江心大溜直奔下游李
德麟等帶領局艇既不能奮力追擊陳世忠督率師
船在段要口又不能認真截勦陳國泰所帶紅單船
最為得力何以於土橋江面不能堵扼木簞尤堪詫
異可見管帶水師將弁因循積習幾於牢不可破該
大臣等統領全軍若不力求振作致令紅單各船亦
如李德麟等所帶師船不能得力貽誤之罪又將誰
諉現在逆匪木簞駛泊鎮江南岸必係窺伺完善之
區自應一面嚴防金陵賊簞續行衝下一面將現在

欽定剿平粵匪方略卷二百六

三

木簞用火攻燬儻陳世忠在段要口不能扼截張攀
龍陳國泰等不能迅速攻勦卽著該大臣等從嚴叅
辦毋稍瞻徇九洲洲與南岸七里洲均有賊營又於
中流排列巨艦橫互鐵鎖意在阻我舟師必應設法
擊毀李德麟已折回浦口卽著嚴飭該員等會同武
慶速將洲地賊營概行轟洗毋再玩延並著督令余
萬清實力防勦迅圖克復鎮江梁山賊船既多難保

聖學聖考卷二百六

三

不乘勢下駛向榮務當督飭吳全美力扼上游使賊
勢不能聯絡瓜州逆匪仍著托明阿等於水陸兩路
亟圖進勦毋得坐失事機雷以誠現赴焦山親督礮
船與陸路諸軍會合環攻如將賊箠擊毀卽著迅速
馳奏

同日塔齊布會國藩奏言官軍自克復武漢兩
城鄂省上下二百餘里大江已無賊船惟襄河

之內賊船尙多二十四日探報賊舟千餘已由
蔡店順流而下將出大江與官軍決一死戰魁
玉楊昌泗親督荆兵防勦陸路臣國藩卽派水
師各營以大船錯布漢口內外而以三板迅入
迎擊行僅數里該逆已連檣而下其首隊自楊
林溝登岸者約二千人經魁玉等抄擊賊眾敗
潰適戰船雷轟而入該逆開礮抵敵以河身太

聖學聖考卷二百六

三

窄賊船太擠不能迴旋取勢蒼黃失措我軍乘
隙偪入拋擲火毬火箭賊匪向南北岸亂竄經
陸軍殲斃無數水師復乘勝追及上游賊眾大
潰自三更以後賊船逃竄一空我軍行二十餘
里至羅家墩地方將賊船千餘號悉數燒盡四
更始行收隊蓋緣漢水偪窄乘賊船擁擠喧亂
之時擊之又荆州陸路之兵兩岸被害之民亦

乘閒縱火是以二十餘號戰船用力甚少成功甚多自有此戰襄河以內賊舟無幾更酌留船隻徧爲搜剿從此一意東下無後路牽掣之虞矣然臣等細察大局尙有可慮者數端水師搶船太多私匿賊貨頗有飽則思颺之意又屢勝之餘志驕氣溢暗伏挫敗之機此其可慮者一也武昌竄出之賊雖在洪山磯去數千然逃者

聖學方略卷二百六

三

尙多漢陽竄出之賊現皆逃歸蘄黃一帶尙有數萬崇陽興國蘄州黃孝等處亂民尤多設官軍稍有挫衄則四面皆賊餉道易斷此其可慮者二也水陸兩軍銀錢子藥皆取給於湖南此後去湘日遠輸轉尤難一有缺乏則軍士潰散前功盡棄此其可慮者三也現在機勢大有可乘臣等急思東下以圖克復沿江諸城然念此

三者步步艱難又不能不熟思審度縷陳於

聖主之前奏入

上命軍機大臣傳諭楊需會國藩塔齊布曰本日據塔齊布會國藩奏搜剿襄河賊匪以二十餘號戰船焚燬賊舟千餘隻現在河內逆船無多當可悉數殲除是上游如安陸襄陽南北支流如德安孝感沔陽荊州等處均可無虞牽掣會國藩等可以揚帆東下肅

聖學方略卷二百六

三

清江面據稱細察大局尙有三端可慮自係實情此次東出長江不得不倍加慎重况攘外必先安內此時黃州尙未克復崇陽亦有復踞之信均應酌分兵力翦除餘匪省垣善後事宜楊需固責無旁貸至會國藩等以剿賊自任雖當乘此機會急思順流而下以次攻復沿江諸城然須計出萬全謀定後戰方無挫衄之虞著楊需等悉心布置地方之專朕已責之

楊霈則嚴遏亂萌保護餉道該督必須節節妥籌會國藩塔齊布方能專意剿賊其水陸弁勇等務須開誠布公消其驕悍之心鼓其勇敢之氣策勵撫綏寬猛兼濟至出力將士尤須及時酌保不可使有缺望會國藩處事精詳必能與塔齊布妥爲駕馭若能由九江安慶直抵金陵使長江數千里盡蕩妖氛則從征將弁朕必破格施恩以酬懋績

聖學聖方略卷二百六

三

同日和春福濟奏言廬城逆匪疊受懲創防備甚嚴八月十八日四更臣等督率官兵潛伏而進並飛飭常清等一同攻剿該逆在城上以槍礮回拒相持甚久並不出巢我軍大礮環擊子落城上時聞震駭之聲約斃賊匪不少旋因大雨收隊二十日早傳令四面進剿並飭攻打得勝門南門之楚廣各勇先以一二百人徐徐而

進作誘敵之計餘於營盤左近紮住得勝門果突出賊匪千餘名兵勇奮力迎擊立斃十數名江忠濬程智泉帶領各勇直前擊剿正酣戰間南門又出賊匪千餘名欲抄我軍後路臣等親督吉順嵩瑞等帶領湖南山東官兵從賊後兜剿適常清珠克登楊青鶴由大西水西門趕到三面合攻該逆前後受敵殲斃無算餘賊飛奔

聖學聖方略卷二百六

三

入城我軍趕至城邊城上槍礮如雨於未刻收隊是日之戰約計斃賊七八百名二十二至九月初一日連次圍剿該逆一味堅守並於半夜暗襲俱有準備多方誘賊竟不出巢容再行設法攻剿計圖襲取再舒城之賊據秦定三函稱八月十四至二十六日連次督兵攻剿該逆或突出二三百人或百餘人經兵勇迎擊疊有斬

擒又梁山賊船多由裕溪口來至巢縣八月二十日忠泰與李鴻章督兵前往遇賊於五里墩擊斃多名賊即敗退入城隨督兵勇分攻各門忽東門半塘船上逆匪約二千餘人分兩路前進意圖抄襲我軍之後當即分兵急攻斃賊無算餘賊敗退回船自相擁擠落水死者不計其數二十六日復由獅子口一帶進剿賊從東門

聖朝方略卷二百六

三九

突出二千餘人經官兵擊退西門又出賊五六百人並湖中賊船二十餘隻約有賊三四百名上岸合股抄襲忠泰李鴻章等馬步夾攻賊即潰敗殲滅不少臣等伏查舒城巢縣賊匪疊被剿擒其膽已寒現飭乘勝進攻如能及早克復則廬城賊勢自孤似易得手奏入

上命軍機大臣傳諭和春福濟曰此次廬州舒城巢縣

剿賊各情仍不過小有斬獲並無制勝之策如此曠日持久雖屢報勝仗究於大局何裨昨據塔齊布等奏督飭兵勇克復武漢水陸各軍指日東下沿江一帶攻剿得手便可直抵安慶進扼金陵該提督等務當隨時偵探塔齊布等統兵到皖時應如何派兵策應合力夾擊均須豫籌妥辦廬州賊匪經官兵屢次殲剿為數當已無多和春等務當激勵將士併力進

聖朝方略卷二百六

四

攻聚而殲旃勿留餘孽一面嚴飭地方團練兵勇斷賊接濟尤為要著其關山一路雖經派有恩錫帶兵駐守該處為南北要隘該提督等仍當隨時查察並知照袁甲三先將烏口等處賊船盡行剿除庶下游賊船不致續行上竄奏定三攻剿舒城已經數月總未能克復縣城著即飭令乘勝進攻毋再多延時日東西梁山賊船屯聚尚多難保不紛竄肆擾並著嚴

飭忠泰等加意防範仍迅圖攻復巢縣不得稍有延誤

初十日丙子勝保奏言臣連日督工加高馬道商

同德勒克色楞善祿崇恩於九月初五日分由東南西南兩路進攻臣親督兵勇由東北角越濠而進已上城四五十人城上兩邊無路樹柵甚厚賊用火彈擲出又將東西兩面槍礮趕至

聖朝方略卷二百六

聖

東北角連環攢打我兵鏖戰踰時受傷甚多勢難撲進臣一面知會德勒克色楞善祿崇恩三處趕緊進攻以分其力一面挑勇開挖地穴透入城根趕將火藥運入裝滿引出藥綫臣將馬步隊撤退兩箭之遙傳令點放轉瞬間大聲震發煙燄騰起數十丈甄石蔽空而下忽西南風作濃煙直衝東北我兵爲煙塵障蔽不能向前

而賊已於此時豫作準備俟風過煙銷始見城垣已轟開五丈有餘臣急督兵勇搶上缺口賊於煙塵瀰漫之中抵死開放槍礮拋擲火彈並將大小樹枝堆塞隘口阻我上城之路我兵見事已垂成受傷雖多仍復屢撲不退惟地勢偏狹煙氣薰天我兵實不能立足其東南西南正南三面德勒克色楞善等乘東北攻撲緊急之時

聖朝方略卷二百六

聖

督兵齊進究以密柵重濠阻隔城上槍礮甄石交下兵勇多有受傷無路可上此次傷斃賊衆約有一百餘人皆其精銳死黨餘賊殘喘苟延舍命死拒現在城垣已破似不難設法攻入臣等一面嚴飭馬隊防賊偷竄一面多添礮位時向缺口轟擊斷不令逆匪乘夜堵築俟兵勇稍養銳氣再加激勵以我兵全力制窮寇餘生總

期於數日之內克復州城芟夷兇孽而後已奏
八

上命軍機大臣傳諭勝保德勒克色楞善祿崇恩曰逆賊祗有此數豈能面面死拒若如所奏東北面進攻如此緊急則其餘各門賊守必懈何至仍以槍礮阻隔爲詞上城兵勇已有四五十人何以不見陸續攀登東西兩面賊礮旣皆移於東北何以不卽從移去

聖學方略卷二百六

望

槍礮之處設法攻上明係兵心未齊不能同時並舉以致先後參差彼此觀望使賊得以面面設防殊爲可恨轟開城垣至五丈有餘缺口不爲不寬帶隊各官屢傷不退將心不爲不奮此等緊要機會而以煙濃路窄藉作俄延坐令垂成之功失之頃刻諉云蓄養銳氣以圖再舉試思我兵養銳之時非卽逆賊堵築修補之時耶設再舉而仍復如此則克復當在何

時數日總能克復之語勝保已屢屢言之大言無效朕實爲之憤愧德勒克色楞善祿崇恩與勝保共辦一事亦不能事事諉之主帥看此次分攻各門情形德勒克色楞等不能接應之咎亦無可辭若似此貌合情睽致州城仍不能破或破城之後餘逆分路竄逸何路疏懈朕必重治何路督兵大員之罪勝保等勿謂朕不能洞悉其隱也

聖學方略卷二百六

望

欽定剿平粵匪方略卷一百七 甲寅年

九月十二日 戊寅

上諭內閣曰曾國藩著賞給兵部侍郎銜辦理軍務毋庸署理湖北巡撫陶恩培著補授湖北巡撫未到任

以前著楊需兼署雷以誠著賞給三品頂戴補授江蘇布政使仍留揚州軍營幫辦軍務

十三日 己卯 向榮奏言八月二十一日鄧紹良帶

兵行抵太平該逆聞風竄回采石我軍分營扼堵要衝二十四日賊眾由采石前來窺伺經我軍擊退二十五日有賊四五千入復由采石至

剿平粵匪方略卷一百七

一

剿平粵匪方略卷一百七

二

黃山焚擾我軍分三路兜截誘入伏中左右排槍疊擊該逆潰奔追至采石之四喜橋是日計斃賊四五百人二十七日分兵直攻采石拆毀賊營二座二十九三十等日該逆連次分股來

撲適傅振邦長桂各軍由秣陵關繞出沿江會合鄧紹良分路迎剿斬賊多名傅振邦衝入賊隊手腕被礮打傷仍前督戰逆賊抵敵不住奔潰回巢現在兩梁山與金柱關各有賊船數百隻西梁山又有賊營四座時有窺撲太平蕪湖之意查蕪湖為上游要口該逆之所必爭該處雖有浙江甯國兵勇約五千人然皆不甚得力刻下金陵大兵實難再分現擬將前次調赴徽州川兵一千名折回蕪湖以當前敵而令浙江甯國兵勇助勢庶幾戰守可恃鄧紹良扼紮太平之兵先僅一千二百餘名傅振邦折回金陵就醫所帶兵勇已併歸鄧紹良統帶亦止二千餘人堵剿尙覺不敷惟有俟紅單等船駛上庶可會攻上游之賊無如吳全美葉常春各船尙

寄碇浦口阻風不能上駛復據水營各鎮稟報
二十五日該逆木簞二座並賊划快船數十隻
由七里洲夾江口衝出經吳全美等擊沈賊划
十數隻賊簞順流直下一靠金山一泊鮎魚套
臣已知會下游師船迅圖設法攻毀力斷賊援
現聞瓜州攻剿得手賊勢已窮鎮江之賊經余
萬清堵剿亦尙得手臣已分別咨行水陸防剿

聖學方略卷二百七

三

並嚴催吳全美葉常春等督飭水勇及調到陳
世忠閩勇爬船趕緊設法斷賊橋練會攻九洲
洲賊營疏通江路俾紅單等船一遇順風立即
上駛會合鄧紹良陸路之兵相機前進直至蕪
湖庶可遏賊來源但使上游一清賊無接濟則
下游次第籌剿較有把握矣奏入

上命軍機大臣傳諭托明阿向榮陳金綬雷以誠曰鄧

紹良傳振邦等連日采石之戰斬獲雖不爲少但察
看賊情似非悍賊死黨恐係以小勝驕我兵心而兩
梁山及金柱關等處賊船復以大股突撲該大臣既
將傳振邦之兵併歸鄧紹良統帶卽著飭令該員加
意嚴扼能進則進使上游對紮各賊營不能安穩久

聖學方略卷二百七

四

營立即上駛著卽嚴催趨提若該總兵等藉詞延宕
既不速攻洲地又不進扼太平或於掃清賊巢之後
又託言協剿瓜州置上游於不顧卽著據實嚴參連
前此不聽節制之罪一併重懲蕪湖爲上游要口浙
江兵勇既難得力自應以勁兵協守該大臣所稱檄
調赴徽川兵往蕪湖而令甯國兵勇助勢意在酌量
兵勢強弱爲布置之先後著卽妥籌辦理賊簞是否

仍泊鎮江南岸抑又駛往下游雷以誠前赴焦山一帶福建派來之總兵孫雲鴻亦在該處能否相度情形迅將賊簿設法攻毀並著據實奏聞現在師船不爲不多洲地賊巢不過兩三處何以不卽進攻瓜州已屬彈丸洲地尤爲狹小若逆匪每占一處卽牽掣一路得力之兵何日始能肅清江面況師船全在江北托明阿等責無旁貸著卽迅速剿除使烏江之賊

聖學聖方略卷二百七

五

退無所踞自不敢上竄滁州等處關山全椒雖皆派有防兵若水路不斷則陸路終不能防此係南北緊要關鍵托明阿等豈可玩泄視之耶向榮摺內有現聞瓜州攻剿得手賊勢已窮之語托明阿等務當迅速進剿儻一勝之後輒復停兵數日或賊匪出撲始行督兵抵禦是賊逸我勞雖有勝仗終難攻克况上游紅單船業已折回現在金陵瓜鎮賊援復通使不

先復瓜州豈非前功盡棄該大臣等萬不准再事耽延任令負嵎死守

同日陳啟邁奏言據署九江鎮總兵羅玉斌咨報九江城內新添賊匪一千餘名復有逆船一百五十餘號由湖北來灣泊龍開河連前船共有二百餘號約計水陸賊匪七千餘人潯中兵力實屬單薄因遊擊景星德安剿匪事竣知會

聖學聖方略卷二百七

六

該遊擊卽帶兵勇前往堵剿八月十四五日九江營兵川貴勇及景星所帶兵勇陸續前赴蛇岡嶺一帶擇要駐紮乃營壘尙未築就十五日夜城內突出賊匪數千分路撲營景星卽督兵迎剿殺賊多名詎該逆分股繞至我軍之後兩面夾攻以致兵勇被衝潰散傷亡不少該遊擊奮力衝突身受多傷登時被害把總高光裕外

委黃貴珍亦同時陣亡羅玉斌聞信馳往策應
路遇潰散兵勇均已退回隨於通遠驛紮營杜
賊內竄又據探報湖口彭澤泊有匪船七八百
號揚言上竄九江約會該處逆黨分水陸兩路
來攻省城等情臣查九江地方爲賊船往來必
由之路該逆勢所必爭盤踞郡城者皆其死黨
且有江面匪船及湖北興國大股爲之聲援是

欽定剿平粵匪方略卷二百七

七

以臣前擬將武甯股匪勦滅再以全力併攻潯
陽旣無內顧之憂並免輕進之失今景星於未
接到臣札之先經羅玉斌調往協勦被匪前後
攻撲力戰陣亡目下我兵新挫難保該逆不乘
隙窺伺德安而湖口等處停泊賊艇亦有赴潯
約會分竄之謠卽應嚴密防勦現派臬司惲光
宸選帶練勇九百名並於義甯調回已革守備

吳錫光帶領靖勇四百餘名均在建昌會合相
度緩急分投堵禦一俟續到賊舟退去卽馳往
武甯迅將該處匪徒勦洗淨盡再行厚集兵力
圍攻潯郡並飛飭已革總兵趙如勝嚴督水師
實力防守以杜賊船上竄至常州營遊擊儘先
參將景星新喻汎把總高光裕臨江營外委黃
貴珍均著戰功遠遭戕害實深憫惜應請

欽定剿平粵匪方略卷二百七

八

飭部從優議卹以慰忠魂奏入

上命軍機大臣傳諭陳啟邁曰楚北逆衆旣經上游兵
勇追勦得手則潰敗餘匪紛紛下竄本應及早籌防
九江一郡爲江路咽喉久經該逆盤踞此次復添集
賊船乘虛來犯帶兵員弁多有傷亡湖口彭澤一路
有匪船多隻揚言上竄此時欲保守省垣總以併力
先攻九江扼其來路爲要著鄰省援兵一時難以徵

調會國藩等水陸兩軍雖可指日東下然亦不能坐
待此軍任令逆燄更肆猖獗該撫現派臬司惲光宸
添帶兵勇並飭吳錫光帶勇在建昌會合務令鼓勇
直前以勦為堵斷不准逗留建昌致賊艇竄入鄱湖
更難措手仍一面激勵官紳民勇協同防勦以助兵
力之不逮其趙如勝所領水師與其徒令防守不如
出湖迎勦以遏兇鋒至武甯股匪尙未勦除自應妥

聖學聖略卷二百七

九

籌兼顧若俟彼處賊匪勦除淨盡再圖攻克九江是
否不致遲誤該撫務當通籌全局相機而行毋令有
用之兵徒勞往返所有陣亡之常州營遊擊儘先參
將景星新喻汎把總高光裕臨江營外委黃貴珍均
著交部從優議卹

十六日 壬午 湖廣總督兼署湖北巡撫楊需奏言
據署黃州府許廣藻稟報九月初四日督同黃

岡縣翁汝瀛帶領紳團於淋山河團風桃店等
處分道勦賊擒斬數百名直抵黃州城下賊匪
望風逃竄下船開駛追至江邊擊斃數十名落
水淹斃者數十名當將黃州城池收復該逆水
陸奔竄分泊大冶蘄州興國一帶江面 臣即飛
咨桂明速由新洲前進扼要堵勦武昌縣賊匪
聞信驚惶署武昌縣知縣白潤於初五日約會

聖學聖略卷二百七

十

紳團數百人多張旗幟徑偪縣城西門賊匪不
敢抗拒分出南北兩門逃竄追至北門不及下
船者多擠撲淹斃擊沈賊船三隻斬十餘人當
即收復城池其漢川沔陽一帶竄匪先後捕斬
數百名數十名不等湖澤漸次肅清現在會國
藩塔齊布水陸之師均已分起下行 臣先飭魁
玉楊昌泗等會合桂明一同前往並飛咨江西

安徽撫臣一律堵剿以冀迅速掃除查此次收復省城全賴湖南水陸數大戰挫折賊鋒又礙船得力將賊船大加焚燬賊之輜重喪失糧草無存膽落心離分蹤四竄故能一鼓克復勢如破竹現在武昌省城空無居民衙署民房大半殘毀漢陽府城尤爲殘破計清理街道修葺衙署民房甚需時日伏思武昌漢陽夾江對峙形

聖皇聖方略卷二百七

十一

勢雄闊必須有水陸重兵扼守善後事宜自以造船鑄礮練兵儲糧爲最要而經費支絀辦理匪易竊謂坐守不如進攻臣是以有以戰爲守作一勞永逸之計南省礮船分則戰守皆形不足合則攻剿實能擅長大江爲楚省咽喉鎖鑰礮船擊於上紅單船擊於下江路不難肅清江路清而接濟斷江甯鎮江之賊必可盡鏟根株

否則金陵之巢穴難除江皖之蔓延日甚楚南楚北一水相連終無安枕之日聞藩司夏廷樾業已行抵長沙卽飛催速行赴任臣整頓兵勇布置防守俟藩臬兩司到省後卽當親督後隊會同會國藩等合力下擊奏入

上命軍機大臣傳諭楊需曰現在會國藩塔齊布水陸之師已分起東下楊需業飭魁玉楊昌泗等會合同

聖皇聖方略卷二百七

十二

往並咨江西安徽一律防剿所籌尙合機宜前降旨給會國藩兵部侍郎銜辦理軍務毋庸署理撫篆誠以楚北兵威大振會國藩卽可與塔齊布同出長江以次掃蕩九江等處賊艘順流收復安慶各城不能復拘以職守該督所議以戰爲守自是一勞永逸之計惟精銳俱出內地空虛夏廷樾已抵長沙卽著飭赴新任無庸前往四川武漢旣復岳州防務較緩並

可飭令胡林翼速來楚北以資彈壓撫綏曾國藩等專意東下得楊需後隊之師既可互相策應如楊需督兵會剿有夏廷樾等駐紮近省要隘亦可後顧無虞層層布置總宜計出萬全惟漢川應沔一帶湖澤既漸肅清襄陽卽非喫緊之地豐伸前此所駐各兵應移何處截扼楊需務卽咨商王慶雲速飭豐伸擇要移防以便該督等出境剿賊崇陽縣城復被賊陷

聖朝聖學卷一百七

三

官文會咨商楊需與塔齊布撥兵往剿此時如何勦辦何以未見奏報該督務當戰守互資內外兼顧所稱省垣殘破善後事宜以造船鑄礮練兵儲糧爲要務自應次第舉行惟此時曾國藩等水陸進剿湖北防堵事宜該督責無旁貸務當擇要駐兵妥籌布置總期沿江痛加剿洗使該逆窺伺之心絕則楚北之民安城垣衙署再次第修葺猶未爲晚曾國藩塔齊

布各營軍餉向來取給於湖南現在相距路遠轉運更難該督須隨時接濟毋令匱乏

上又命軍機大臣傳諭曾國藩塔齊布曰前此搜剿襄河賊匪諭令曾國藩等乘此機會謀定後戰誠以克復沿江諸城在此一舉必當計出萬全斷不可稍有挫衄現在黃州武昌次第收復我兵水陸並進行抵何處及如何布置情形諒曾國藩等必有奏報在途

聖朝聖學卷一百七

古

黃州賊匪水陸奔竄大冶蘄州興國一帶江面賊船聚泊尙多我兵乘勝追剿自必勢如破竹惟黃州而下卽係九江該郡久爲賊踞前據陳啟邁奏官軍進剿失利湖口彭澤一帶深宥匪船多隻揚言上竄該撫雖已派臬司惲光宸及趙如勝等水陸防剿其能否克復九江殊難豫定若上游追剿得手難保賊船不竄入鄱湖設再蔓延江省牽綴我師不能順流直

下則剿辦又費周章曾國藩等務當統籌全局一面迅速進兵潯江一面知會陳啟邁前後夾擊以期一鼓殲除毋留後患至皖省久遭蹂躪安慶府賊已踞爲巢穴勢必負隅死守况廬州尙未克復江北一帶如無爲和含等處江南一帶如池太所屬多爲賊踞太平蕪湖雖經克復兵力尙單逆匪屯踞東西梁山及金柱關等處每欲乘閒窺伺微甯以現在情形而

聖皇聖方略卷一百七

十五

論向榮派赴太平之兵僅有一千七百餘名南北兩岸兵力究嫌單薄曾國藩前已賞給兵部侍郎銜毋庸署理湖北巡撫旣無地方之責即可專力追勦但必須統籌全局毋令逆匪南北分竄方爲妥善並隨時知照江皖各撫及托明阿向榮等四面兜擊以期直搗金陵固不可遷延觀望坐失事機亦不可銳進貪功致有貽誤曾國藩等必能兼權熟計迅奏膚公

也

上諭內閣曰我軍克復武昌漢陽後水陸各路追勦餘匪武黃一帶尙爲賊藪經楊需飭令署黃州府知府許廣藻等帶領紳團分道勦賊斬擒數百名賊匪望風逃竄遂將黃州府城武昌縣城收復辦理尙爲得手現在曾國藩等水陸各軍已分起東下著楊需仍飭所屬文武員弁進勦蘄州興國一帶江面聚泊賊

聖皇聖方略卷一百七

十六

船務將楚省餘燼全行殄滅卽行進勦下游毋稍延緩

十八日甲申湖南提督塔齊布兵部侍郎銜曾國

藩奏言自武漢克復後襄河以內賊船焚勦殆盡江漢一律肅清急應乘勝進勦查此次敗竄之賊脅從解散分途回籍者約二三萬人逃赴下游回踞舊巢者亦尙有數萬人南岸之解散

者為數尙少其回巢抗拒者多集於興國州北岸之解散者為數極眾其回巢抗拒者多集於蕪州廣濟等屬而皆以水次為老巢以舟楫為藏身之固屢據探稟北岸之黃州府南岸之武昌縣均已收復自巴河以下經田家鎮道士狀直至九江節節皆有賊船臣等現與兼署督臣

聖學聖略卷二百七

十七

楊需商定三路進兵南路由臣塔齊布率湖南兵勇進兵興國大冶等處北路由署督臣派令固原提臣桂明等率各營兵勇進攻蕪州廣濟等處水師由江路直下楊載福彭玉麟等率前幫先發臣國藩督同李孟羣等率後幫繼進俟抵黃州時與陸路北軍一會抵田家鎮富池口時與陸路南軍一會北軍行至廣濟將入皖境再與署督臣商定行止南軍則須勦辦九江後

乃能渡江而北以圖疾擣安慶規復省會該逆據掠民船以數萬計經臣等一軍轟擊焚燒者不及七千各省官軍焚擊者亦不過數千下游現存賊艇為數尙復不少九江以下必當大戰數次臣等惟有激勵士卒步步整頓以期廓清江面奏入

聖學聖略卷二百七

十六

上命軍機大臣傳諭楊需曾國藩塔齊布曰以長江大局而論楚北上游既已漸次肅清則各路官軍乘勝東趨自成破竹之勢楊需前奏坐守不如進攻擬親督後隊會台下擊今曾國藩等定擬南北兩路一由塔齊布進攻興國等處一由楊需派令桂明等進攻蕪州一帶曾國藩水師則由中路直下似此三軍齊發直擣賊巢原屬制勝上策但下游賊船蟻集我兵分道進攻若非首尾相顧聯絡一氣則能分而不能

合殊非兵家所宜所籌於黃州會合北軍於田家鎮
富池口會合南軍雖聲勢不至隔絕但兵機移步換
形賊情亦詭詐百出總須出奇應變步步爲營以免
孤軍深入方操勝算其桂明一軍較之楚南兵勇強
弱是否相當儘彼強此弱南岸被剿緊急該逆必至
伺隙北渡該督等曾否慮及此次東下之師關繫大
局轉機務期成算在胸相機籌辦能制賊而不爲賊

聖朝聖略卷一百七

十九

制庶可次第廓清也

二十一日丁亥袁甲三奏言查皖省現在情形處

處喫重廬郡以南民生之塗炭賊勢之猖獗早
在

聖明洞鑒之中現在湖北之賊將盡江甯之賊漸窮上
游師船追趕下游艇船攔截該逆江路往來已
屬不能自由南岸徽甯一帶節節設防疊次獲

勝該逆亦不敢遽行窺伺儘北岸竟無一旅之

師深恐賊匪乘虛竄入必至無可措手此時廬

郡西南東南情形均爲喫緊須臣親自督辦方

可稍有把握而臨淮爲南北關鍵臣駐防數月

聲威尙壯周圍數千里漸就安帖實不敢輕離

一步再四思維不得不於萬難分身之中爲兼

籌並及之計現派舉人臧紆青同知李安中帶

聖朝聖略卷一百七

二十

勇一千餘名並駐防正陽關之參將劉玉豹帶

兵五百名會合和春等所派道員何桂珍先到

六安相機進剿其全淞一路另派知縣徐曉峯

等會同廬鳳道張光第等共帶兵勇一千七百

餘名由關山至烏衣一帶聯絡駐紮與現駐全

椒之署臬司恩錫防剿兼籌相機辦理臣仍暫

駐臨淮以爲各路策應隨時調度並知會和春

福濟妥商機宜以期迅掃妖氛

袁甲三又奏言此次軍務之壞總由於在事諸

臣各守疆域能分而不能合一處有警四處設

防究其所謂防者不過倖賊之未至未必果有

把握也金陵之賊竄擾北岸統計北岸兵勇不

下六七千人分布尙難周密儻萃各處防兵與

之決一死戰濟以水師夾攻安有不破賊營之

聖恩匪方卷二百七

三

理現在向榮托明阿等業經飭催會勦儻能一

氣掃蕩固屬大快萬一不能得手則賊營一日

不破防兵卽一日難撤卽幸而賊不旁竄而老

師糜餉亦於大局無補臣亟思親自督兵前往

而非沿江一帶防兵及江面水師均歸節制且

所需糧餉金陵揚州隨時接濟則動多掣肘萬

萬不能成事刻下所尤難者臨淮爲南北衝要

無論士民泣留不能脫然竟去且土匪之觀隙

而動逆賊之乘虛而入到處均屬可慮無大員

控制萬萬不能放心臣此次分兵兩路前進原

期西南路如能得手湖北礮船趕下卽可直抵

安慶以扼逆賊之吭東南路如能得手則由和

無而上亦可與西南路會合一氣長江之險據

爲我有金陵廬州必可不戰自復惟事之成敗

聖恩匪方卷二百七

三

不可知不敢以空言豫瀆

聖聽亦不敢以薄才自肩重任儻蒙

皇上另行簡派大員迅來臨淮接辦一切俾臣得相機

前進並乞

恩命假以事權雖成功未可豫卜而軀命不敢自惜經

硯愚誠不敢不瀝陳於

君父之前奏入

上命軍機大臣傳諭和春福濟袁甲三曰此時南路攻
剿誠屬緊要而臨淮爲南北鎖鑰關係尤重袁甲三
督防數月聲威頗壯若遽令其督兵南往另派大員
前往接辦一時殊無得力之員萬一分兵之後匪黨
乘機竊發於北路關鍵大有妨礙既據袁甲三分派
臧紆青張光第等各領兵勇前往西南東南兩路剿
辦袁甲三卽著仍駐臨淮策應各路現在楚北東下

聖皇聖方略卷一百七

三

之師曾國藩與塔齊布桂明定議分三路直搗賊巢
一俟九江肅清卽沿江而下會攻安慶著和春福濟
一面嚴督官軍迅復廬州一面抽撥兵勇相機策應
楚師旣由西而東勢如破竹皖兵卽應自北而南併
力夾擊務須聯絡聲援會合一氣爲掃蕩逆氛之計
其全滁烏江一帶賊營尙多並著該提督等隨時飛
咨托明阿向榮無分南北協力殲除斷不准稍存畛

域失此緊要機會也

二十三日戊子和春福濟奏言廬江自上年冬閒

被賊占踞臣福濟於三月閒卽札飭該縣民人
趕辦團練七月閒密傳貢生吳廷香文生鮑豐
基等來營與臣和春面諭以機有可圖密籌進
取一面探聞該縣之賊由巢湖駛入廬州南鄉
意圖接應隨卽飛飭該紳士等乘其空虛速覓

聖皇聖方略卷一百七

四

內綫妥爲布置頃據稟報文生姚克厚接到密
札首先起練攻城鮑豐基暗糾各約於八月三
十日環剿吳廷香亦由舒統帶練勇星馳夾擊
外委熊允升等率隊分攻各門典史韓澍等統
帶練勇在舒桐交界扼要堵截共計練勇三四
千人分番轟擊忽有逆匪多名由無爲州赴廬
接應城內之賊開西南門接仗姚克厚等內應

外合一擁進城砍殺數十人擒獲賊館逆首十七名及偽監軍任大綱等多名熊允升等陸續進城搜斬逆黨三百餘人臣等查賊踞廬江已閱十月之久該約首鮑豐基等竟能糾約鄉民攻其不備不勞兵餉克復城池洵屬效順輸忠深明大義容俟查明出力紳民練勇奏請

恩施以昭激勸惟該縣四面受敵兼之環繞巢湖現在

聖事聖方略卷二百七

三五

裕溪口江面賊匪來去自由新復之城籌防不易現令道員何桂珍帶勇五百名馳赴駐紮相機進攻桐城防剿兼施並仍飭鮑豐基等整頓鄉團勿稍鬆懈奏入

上嘉之

二十四日 庚寅 勝保奏言九月二十八等日兩

次督兵進攻見賊之全力俱在東北其缺口處

時刻被礮轟擊賊雖不敢堵禦修築但其缺口左右城上棚壘重重槍礮火罐甚密我兵前次上城未能得手即由於此且賊自城垣轟塌後守護愈力日夜伏在城外地洞濠溝之中防我攻撲並於濠內用木板樹枝層層遮護藏身於中我兵擁至城下輒中其計惟有設法先破濠

聖事聖方略卷二百七

三五

內伏賊仍須安用地雷將缺口左右城上棚壘轟開方可得手現已趕造攔牌百餘面並添辦空濠器具剋日分三路進攻查東隅城垣經地雷轟開數丈為賊所併力專注之處我兵亦惟於此處進攻較易為力此次激勵兵勇力圖克復日內即可動手臣等竭力盡心晝夜籌畫祇以此賊詭計多端攻剿萬分費手不勝慚憤之至奏入

上命軍機大臣傳諭勝保德勒克色楞善祿崇恩曰據奏兩次進攻該逆拒守益力我兵未能即時攻克又以添造礮牌各器具稽延時日朕覽奏之餘倍深焦急豈該大臣等身履行閒轉漠然不知愧奮現在攻具造齊已定刻日分三路並攻之舉若仍如前次奏報東北城垣已陷而各門不肯同時並進統帥之罪固無所逃卽德勒克色楞等分任勦賊之責亦豈能

聖聖聖方略卷二百七

三

屢從寬假據稱東北垣缺陷數丈該逆併力專注在此我兵進攻較易亦在此若此路可破自能一擁登陣然亦須於東南西南正西三門糾約齊備同破賊巢使逆匪奔救不暇則柵壘雖堅必不能處處抵禦攻堅攻瑕隨時策應斷無以數百賊黨能爲四面設防之理前此功敗垂成皆由帶兵大員彼此觀望所致一誤豈堪再誤朕於該大臣等疊次訓諭已極詳

備論功罰罪惟該大臣等自取何路退縮卽將何路統兵大員治以應得之罪亟圖克復毋失事機

二十七日^{癸巳}僧格林沁西凌阿奏言近日逆匪

仍前死拒百計誘引堅匿不出十三日^臣僧格

林沁督帶官兵直至賊壘木城該逆拌死抗拒正在進攻之際忽有多匪衝出意在抄圍官軍分投痛勦斃賊甚多我兵受傷四十餘名十五

聖聖聖方略卷二百七

三

日又復進攻該逆負固死守並無一匪出巢祇在壘內施放槍礮密如雨下我兵仍未得手茲據投出之人供稱賊營所做呂公車前推容易拉回極難最怕重濠揆之賊情此時未卽衝撲者諒因防守周匝是以遲疑不敢輕試並訊得該逆已決空河隄引水東面意欲乘船撲出其情形慌張已可概見二十四日夜逆匪撲向瑞

昌營牆經官兵登時擊退臣惟有會同各路統帶將士設法竭力進攻及早蕩掃以贖愆尤奏

八

上命軍機大臣傳諭僧格林沁西凌阿曰此次接仗雖屬得手但僅僧格林沁一路進攻其各路帶兵大員何以不同時並進殊不可解況我兵受傷者亦復不少究竟如何接仗情形亦未詳細聲敘該逆一經挫

聖學聖方略卷二百七

三

敗卽負隅死守已成慣技惟在我兵設法誘敵或潛師襲取四面環攻斷不能因賊不出巢遂至束手無策該大臣屢次奏稱賊糧缺乏何以數月之久賊勢尙能固守況賊中槍礮尙多可見該逆米糧火藥並未斷絕且恐附近愚民暗中接濟似此曠日持久殄滅無期該大臣統領全軍貽誤之罪又將誰誘據稱逆匪決空河隄引水東面欲乘船撲出是該逆已欲

乘閒竄突該大臣等務當剋日進攻一面杜其竄路毋得再事遷延致干重罪

同日江甯將軍托明阿前直隸提督陳金綬江蘇布政使雷以誠奏言臣等商同於初四日出隊分東西兩岸進攻瓜州臣托明阿督同副都統德興阿等由西岸分三路進剿臣陳金綬臣雷以誠督同副都統德崇額等由東岸分三路

聖學聖方略卷二百七

三

進剿先後行抵賊營槍礮齊放擊斃賊匪數十名天晚撤隊是日水師各船因無風不能駛往夾擊臣等復約會水營並豫咨提督余萬清以東南風爲期江南圍攻鎮江江北圍攻瓜州同時水陸並進使賊不能相顧一面飛催陳國泰孫雲鴻周士法張攀龍等迅剿江內賊孽至十五日漸轉東風臣等飛咨余萬清一面傳諭東

西各營暨土橋焦山各水營同時並舉十六日
子刻臣托明阿親督西岸馬步官兵分三路進
兵遊擊馬永泰等由三道濠溝搭橋直撲運河
隄岸進至第二道濠溝賊已將浮橋撤去水勢
甚寬不能搭橋徑渡官兵與賊隔濠相持直至
日暮逐漸撤退是日東岸仍前分路進攻虹橋
等處賊營搭板渡河焚燬賊卡殲斃賊匪多名

聖朝方略卷二百七

三

薄暮撤隊回營伏查是日之戰各營官兵勇
奮力爭先實屬踴躍用命惟自十五日風色稍
轉臣等徧諭各營原冀水師合剿乃十五日傳
令之際又聞金陵續有賊箚下駛並聞江上隱
有礮聲臣等飛飭沿江嚴防次日會攻瓜州未
見江上師船駛至撤隊後接到江浦等處稟報
續有賊箚於十四日未刻駛出金陵下關十五

日駛赴下游各該處師船及民勇快船沿江邀
擊不能截止祇將護箚大小賊船擊沈數隻斃
賊無數賊箚駛近瓜州金山有快船數十隻迎
上接應我軍追至土橋賊已護箚而去俄頃已
過金山礮臺又據孫雲鴻等稟稱接余萬清函
約於十五十七等日派張攀龍等帶領師船進
攻賊箚該逆於甘露寺上下開礮我師逼近南

聖朝方略卷二百七

三

岸奮力轟擊至鎮江大馬頭江神廟地方轟塌
賊營輒城數處擊毀賊船數隻臣等現飭陳國
泰孫雲鴻周士法等趕緊剿毀一面相機協攻
瓜州復飭陳世忠等嚴扼段要口上游毋令賊
箚再來衝突至浦口洲地賊營武慶李德麟等
迄今未能剿除現在吳全美葉常春等所帶紅
單拖罾各船均聚浦口兵力不爲不厚業經咨

會向榮嚴催該鎮等聯絡聲勢協力將洲地賊營並橫江鐵鎖全數勦洗以清江面如再延玩卽一律嚴加叅辦再據探報續由下關駛下之木簞一座在八卦洲江面經艇師各船暨水勇划船圍繞攻擊已於十九日夜間將賊簞燒燬殺斃賊匪甚多並奪獲旗幟槍礮無數合併陳明

聖粵匪方略卷一百七

三

同日向榮奏言上方橋西賊營負嶠堅守該逆每恃通濟門雨花臺各路援應我軍疊次環攻不下因思該逆併守前營其後雨花臺一帶賊營或空當派副將張國樞等督帶精兵二千直擣雨花臺賊巢另派兵勇五隊令署將軍福興總兵明安泰分投接應均於初八日卯刻出隊一齊攻撲賊營該逆槍礮頻施仍前不出我軍

卽以後隊分攻堵紮前隊衝過賊營徑向雨花臺進剿連破賊卡六重斃賊數十乘勢搶上雨花臺山梁焚其木柵三道該逆倉卒潰亂我軍奮身躍入立將兩營攻破殲殺不計其數賊衆狂奔我軍跟蹤縱擊直抵城下該逆抽去鈞橋堵住城闔矢石槍礮並下我軍無路可登四路搜殺賊人並將買賣街焚燬復由雨花臺一路

聖粵匪方略卷一百七

四

撤回各賊營始終不敢出敵是日之戰計斃賊五百有餘旋聞太平門外又有奸民在彼貿易該逆每晨出城買物正可乘機襲攻乃於十二日五鼓派兵二隊一由馬羣繞路往襲一由龍脖子接應進攻該逆相率出城突見我軍旗幟旋即退入鳴角開礮我軍兩路撲攻遙見城門已閉槍礮來回互擊誠恐兵力徒傷乃將賊買

賣街焚燒拏獲奸民就地正法收隊而回查該
逆閉城死守賊壘未平既須趕緊進攻尤必先
斷接濟現在善橋一帶賊卡雖屢經勇練襲破
時有斬俘而該處近接秣陵關不特接濟可通
亦復時虞窺擾臣現復抽派遊兵五百名遴員
管帶於秣陵關小丹陽鎮太平一帶往來巡剿
使聲勢遙聯鄧紹良一軍亦無孤懸之慮惟陸

聖朝聖略卷二百七

三

路扼剿得力亟盼舟師上駛會籌所有續行分
提陳國泰紅單船十隻已到石埠橋與浦口吳
全美葉常春等船犄角屯泊堵剿經臣疊檄督
催因浦口水勢溜急須俟東北大風方可併力
進擊一面斷賊鐵練浮橋與浦口水陸諸軍會
剿九洲之賊以期早清江面迅掃妖氛再據水
營各鎮將稟稱十四日未刻有賊木簞二座由

下關江口衝出後有大糧船二隻及大小礮艇
十數隻相隨鼓噪而行葉常春與蔡應龍先將
紅單拖罾排爲兩翼堵住賊船槍礮頻施擊沈
大糧船一隻賊船數隻餘船敗回下關其時吳
全美李德麟率同紅單局艇緊跟賊簞轟擊追
至八卦洲下淺灘將其牽繩壓斷賊簞擱淺其
一簞已先行竄下我船趕緊下追並會合石埠

聖朝聖略卷二百七

三

橋段要口高資港各處守口師船節節兜擊將
簞上木城打穿多處擊斃賊匪不少賊簞黑夜
駛下鎮江所有擱淺賊簞一座經紅單拖罾等
船合圍攻擊因該處水溜且淺不能進前十五
十六等日有大賊船二三十隻率領快划四五
十隻自下關衝下救應被師船分投衝蕩立沈
賊划八九隻賊衆梟岸潰奔維時七里洲有賊

數百前來接應亦被師船大礮轟退計三日之內擊壞大小賊船三十餘隻斃賊不計其數查此次截剿雖能獲勝而賊箠一則已竄下流一則尚在攔淺師船連日圍攻仍以風微未能即時攻毀該逆以木箠得計難保不陸續下竄臣已疊次嚴飭該鎮將等迅圖焚攻以防賊船接應儻再堵剿不力定即嚴參一面飛飭下游各

聖學聖方略卷二百七

三七

船務將賊箠一律掃蕩以清江面而斷賊援均奏入

上命軍機大臣傳諭托明阿向榮陳金綬雷以誠曰金陵瓜州兩處陸路得勝而水路前次下竄之賊箠尙未毀滅該逆又從下關江口續行竄出木箠二座雖經師船追擊而賊箠一座業已駛至鎮江其在八卦洲攔淺者究竟是否焚燬吳全美等既未能盡數追

勦葉常春及石埠橋段要口高資港等處守口之船復不能實力扼截致該逆游行無阻現在下游十分喫重著即嚴催孫雲鴻張攀龍等趕緊將木箠極力勦除若謂師船不能攔近即束手無策安用此水營將弁為耶浦口洲地賊營久未殲除陸路急攻則由水路奔竄向榮已提紅單船十隻到石埠橋與吳全美等船犄角屯泊著即督飭該鎮等設法斷其鐵練

聖學聖方略卷二百七

三

浮橋先清九洲之賊其段要口地面責之陳世忠等毋令再被竄下鎮江賊箠責之陳國泰孫雲鴻周士法等剋期攻毀儻再任意玩忽不知愧奮即著嚴參懲辦此係南北關鍵最為緊要向榮托明阿等務當分催水軍及早肅清江面瓜州久未攻克雖疊報勝仗於事何濟該逆每踞一地我兵即多一路牽掣若托明阿等不能迅破賊巢向榮亦不能攔截續竄之

賊船則統帥貽誤之罪與各鎮將等朕亦必執法從事諒該大臣等不敢仍前玩泄也

欽定剿平粵匪方略卷一百七

三九

欽定剿平粵匪方略卷一百八 甲寅年

十月初五日 庚子 陳啟邁奏言九江逆船陸續駛

往下游武甯境內賊匪愈聚愈多屢擾義甯邊

界臣飭各軍馳往武甯會剿八月三十日武甯

匪徒及湖北新到之賊竄踞附近三都梁口官

山燕子山等處經都司馬占魁督同千總羅玉

祥等帶領兵勇及各紳士團丁前往堵剿連施

欽定剿平粵匪方略卷一百八

一

槍礮轟斃賊匪三百餘人該匪潰敗退往清江

地方屯踞九月初一日馬占魁等追至清江該

匪全股盡潰兵勇乘勝追逐趕偏落河者甚多

又八月三十日武邑木高地方有逆匪千餘名

撲犯船頭灘經把總楊錦春等統帶練勇鄉團

追剿立將賊巢燒燬餘匪退踞月田等處吳錫

光卽帶靖勇及義武兩處鄉團自梁口迅赴武

甯暉光宸帶領革員程元瑞等自建昌飭催各路兵勇前進初六日行抵武甯縣之月田地方係該逆久踞巢穴吳錫光督率兵勇五路齊進陣斃賊目多名賊遂大敗狂奔窮追十餘里殺賊一千餘名敗殘匪眾均竄回興國州地面武甯城圍頓解暉光宸等一俟籌防周妥即往九江攻勦

聖皇聖考卷一百八

二

陳啟邁又奏言據探報湖口彭澤江岸泊有賊船數百隻揚言約會九江逆黨分路內竄有匪船七十餘隻駛至星子縣屬之神靈湖一帶擄掠經該署南康府知府王楷等督率兵勇並團練首事生員鄂拱垣等帶領壯丁往勦擊斃賊匪二十餘人擊沈賊船五十九隻奪獲七隻其餘匪船均逃竄出湖奏入

上命軍機大臣傳諭陳啟邁曰曾國藩與塔齊布等分兵三路直擣下游計黃州以下賊匪勢必竄入江境武甯雖已解圍其鄰楚水陸各境深防潰匪奔突且據該撫片奏星子縣屬神靈湖地方追勦匪船餘匪逃竄出湖尤恐楚匪大股衝入陸路則勾結義武餘黨經由修河水路則徑達九江湖口皆可入湖一經蟻聚勢更不可收拾惟有豫籌迎擊將義武各處嚴

聖皇聖考卷一百八

三

密布置後即令暉光宸督率吳錫光趕緊帶同兵勇馳往九江調集礮船一面由水路會合楚北之師沿江勦捕一面督催陸兵環攻九江郡城迅圖克復時與曾國藩等知會籌商萬勿株待楚軍轉致遲誤初六日辛丑向榮奏言查賊鋒兩座竄泊金山四面皆有賊划巡哨九月十五日經余萬清派令千總田宗揚帶領兵勇前赴高資港出江往襲

檄會勇練民團埋伏香山二擺渡等處接應一
面出隊分布鎮城各門以截該逆出援之路一
面密約周士法等艇船乘機過江夾勦田宗揚
率領兵勇船隻潛至箬上施放火箭火罐立時
火起該逆不知兵從何來一面冒火開礮一面
奔避箬旁哨船紛紛擁擠落水我船又分投縱
火延燒大糧船兩隻小船三隻焚斃賊匪並撲

聖朝方略卷一百八

四

江者不下一百餘人時有瓜州賊划二十餘隻
飛駕來援各兵勇奮勇迎勦復焚燒逆船二隻
各划亦均被擊敗上游又有木箬一座由中流
放礮衝下我軍恐腹背受敵且因風力漸細師
船未能來助收入二擺渡撤隊而回其時鎮城
遙見木箬火起該逆卽由西門出賊一股當經
在彼埋伏之潮勇迎頭攔勦立斬六七十人餘

卽敗退入城十六十七兩日復約會江北大營
同時進攻瓜鎮余萬清親督兵勇四面攻擊逆
賊堅壁不出所有八卦洲淺關木箬一座自將
賊船擊回不敢復來援應六合水勇管駕師船
各快艇並該縣划船自北岸上流潛行駛撲賊
箬各師船亦分兩翼偪攻施放噴筒火箭賊箬
上木城摧卸木箬亦卽漂散逆眾慌亂撲水焚

聖朝方略卷一百八

五

溺者頗多並將岸邊蘆葦縱火焚燒絕其竄陸
之路統計箬內賊黨不下三四百名焚溺擊殺
無一得脫者其金陵上方橋各賊營自我兵攻
偪南門後聚黨愈多防守愈密臣飭令七橋壘
上方橋各營盤豎立投誠免死紅旗招降每日
投出脅從或數十人或十餘人不等訊明後皆
分別省釋免死酌給衣食並令其營前薙髮以

招餘黨其金山賊箠亦恐下竄江陰通州等處
並飛咨托明阿及賁成焦山水營周士法孫雲
鴻等嚴加攔堵不准稍涉疏虞奏入報

同日勝保奏言臣於八月二十四日親督兵勇
攻賊西南令兵勇各擁旗牌前進賊於城上密
放槍礮幸旗牌排齊兵勇有所遮護受傷尙少

聖學聖考卷三頁

六

膽氣頗壯意欲於此處開空地道通至城根臣
以距城太遠非竭數晝夜之力不能成功隨令
撤回定於二十五日在東北面進攻時用大礮
轟擊賊匪不敢出拒當令各兵勇齊隊前進臣
親往示以地段分兩路開掘地道以破賊濠復
於兩路之中新築礮臺之前添修營牆一道牆
內安設木板填砌土仍照前此修築馬道寬

九尺高丈餘此法能立身於不敗之地功雖略

緩而人免受傷且得尺則尺得寸則寸總可直

達城垣乃該逆乘我興作之際屢次糾黨衝出

俱經我兵擊退傷斃不少自二十五日至今已

數晝夜更番未撤隊伍時時進攻苦於賊不出

戰專在死守其狡猾難破之勢我兵幾於無計

不施而賊之抵死相拒詭詐百出臣焦灼萬分

聖學聖考卷三頁

七

不得不堅忍熟籌以期節節攻進奏入

上命軍機大臣傳諭勝保曰該大臣攻勦高唐業經數
月自應胸有成算乃自謂移攻西南或可得手旋又
在東北面進攻游移兩可毫無定見卽以進攻東北
而論亦祇用礮轟擊而已數月以來所籌辦者皆毫
無成效不過每閱數日敷衍入奏以爲搪塞地步似
此庸懦無能殊堪痛恨逆匪在高唐城內出入自由

並無阻隔其擄掠米糧招集黨與爲勢所必至我兵曠日持久師老力疲而賊勢未衰勦辦何能蕝事該大臣不思斷其接濟併力進攻惟以賊詭詐不出飾詞入告貽誤之罪豈能屢邀寬典勝保接奉此旨後若再不知奮勉朕惟執法從事決不寬貸

初九日甲辰僧格林沁西凌阿奏言逆匪屢次受創心膽益寒九月二十四五等日疊出窺伺均

聖皇方略卷一百八

八

經我軍擊退二十七日該逆分水旱兩隊出巢其旱路賊匪向臣僧格林沁及總兵經文岱營牆交界處撲來因離濠較遠我兵未開槍礮該逆亦未敢撲近其水路賊匪乘駕大船五隻小船十餘隻向穆輅營牆奔撲是時夜黑如墨藉有水光可以看視我兵擎槍以待該逆先用大船一隻駛近營牆被水內木椿所阻該逆即將

長梯搭於濠上先將梯上火彈引燃一片火光逆眾隨卽一擁而上經營總富泰指揮官兵開放槍礮奮力攻擊賊匪紛紛落水船上之賊不能續登倚恃擋牌遮身藏匿不出我兵開放槍礮擊打無不穿透其餘大小船隻爭向濠牆開礮經穆輅西凌阿珠勒亨各帶官兵開放大礮該逆傷斃及投水者不計其數二十九日由河

聖皇方略卷一百九

九

西連鎮擁出賊匪多名捨命攻撲瑞麟營盤瑞麟督飭官兵開放槍礮拋擲噴筒火彈該匪抵死抗拒臣僧格林沁與瑞麟當飭開放大礮從旁橫擊侍郎伊勒東阿擊其後隊三面齊攻斃賊無算該逆力不能支踉蹌敗退十月初五日東西連鎮突出賊匪千有餘名分路來撲總兵桂齡調集官兵鎮靜以待該逆離濠數武桂齡

指揮官兵一齊開放槍礮賊匪紛紛倒地我兵勇氣百倍奮力攻擊旋有賊匪跪地乞降桂齡察知其詐仍施放連環槍礮該逆始行敗退回巢奪獲旗幟器械多件是夜陰雲密布該逆分兩股出巢一股向正北一股向正南蠶擁而來均經官軍擊敗回巢惟該逆窮蹙已極詭謀愈多現在嚴守濠牆俟該逆切近開礮迎擊以期

聖專聖方略卷二百八

十

得手奏入

命軍機大臣傳諭僧格林沁西凌阿曰逆賊占踞連頓數月之久疊經嚴旨催勦總未悉力進攻此次僧格林沁奏報雖據稱連獲勝仗仍係待賊攻撲出巢始行轟擊我兵並未離營一步實所不解該逆米糧斷絕前據僧格林沁言之鑿鑿茲閱所稱撲擾情形逆賊飢餓之餘尙能如此兇橫豈非該大臣爲人

所愚遽以入告耶此時河冰凍合所築濠隄斷不足恃且以因爲勦總須餉糈充足方爲可恃現在我軍既有凍餒之虞若再不速籌勦滅是賊未困而我軍先困何時始能蕺事事勢至此斷難再緩著僧格林沁等迅速設法四面併力進攻萬不准再延時日若復以損折官兵於事無濟等語巧爲搪塞是該大臣等有意遷延聽賊他竄貽誤之罪豈能屢宥儻各路

聖專聖方略卷二百八

十一

帶兵大員不知奮勉卽著該大臣嚴叅治罪

同日向榮奏言九月二十五日逆股二千數百人由觀音門衝出直撲棲霞一帶當派總兵德安帶兵追勦二十六日至橋頭地方該逆分三股迎拒德安督同守備李定太等三路兜圍擊斃賊匪無算至高資汛過河追擊該逆拚死迎拒守備李定太等帶勇突入賊隊適遇騎馬賊

目楊政潮率黨力拒被藍翎兵丁張得祿槍擊落馬斬取首級我兵擁上連砍牌刀手四十餘人都司蔣錫光等各帶兵分路抄截斃斬百數十名該逆六股逃至馬步橋地面先是余萬清派令候選道劉廷鏌帶勇一千名及遊擊饒永福等帶兵五百名赴高資迎勦並派千總田宗揚從九品卞乃諶等管帶兵勇埋伏永豐橋截擊兼防金山木鐸之賊前來接應一面飭令各營隊伍分門堵紮以截鎮賊出城接應及該逆由馬步橋翻山竄越其時劉廷鏌潮勇已由二十里鋪抄來迎擊立斃執旗賊目數名該逆遂分二股爭前衝突各勇兩面力堵復生擒賊匪七名斬首三十餘級適饒永福等亦由洪汎鋪馳至會勦該逆四散奔逃我兵分路跟擊俘斬

益多逆眾拋棄槍礮器械羸馬而走約有三四百人直由江邊竄至新開河渡口田宗揚卞乃諶率勇迎截擊斃黃衣賊目二名斬首二十餘級生擒七十餘人朱景山銳勇亦馳至夾攻又殲騎馬賊一名我軍乘勝痛勦逆眾撲入夾江其時德安大兵已將馬步橋賊匪後隊追下會同鎮營各軍合圍勦洗餘黨全潰余萬清又添派遊擊米興朝等前來協助並會合勇練鄉團追捕俘馘甚多二十七日德安復督令各兵勇搜山又擒斬一百餘人將逆匪全股勦除淨盡當二十六日余萬清派隊之後親督各軍分門堵紮以截鎮賊出城接應該逆果於東南北三門各出賊千餘撲來經我軍三面伏兵並起斃賊前隊十數人余萬清督令各兵勇分左右抄

攻擊倒馬上一賊乘勢追壓斬首十餘級傷斃多賊該逆又由北固山江邊抄出數百人適槩船已駛過江邊開礮轟擊又斃一百餘名該逆敗入城內至金山賊箠於二十七日突出千餘人適被劉廷鎮帶勇截住殲賊多名周兆熊梁成桂亦帶兵勇由七里港抄出合剿該逆亂竄擁擠落水餘匪敗回正擬收隊金山賊箠復竄

聖朝聖略卷一百八

十四

出六七百人適兵勇搜山回隊當即分投馳勦殲賊五十餘名時瓜州賊船又由鮎魚套上岸來助勇目謝錫九衝過賊中短刀相接砍倒黃衣賊目一名斬馘多名生擒四賊該逆大夥敗竄我軍過河追殺數十人餘匪已逃轉金山臣仍責令余萬清乘勝力圖克復以勦為防即將德安一軍撤回大營調遣日來又有賊出南路

殷巷一帶該處近接秣陵關尤為入蘇衝要現已馳兵前往勦辦余萬清督兵鎮江大小百餘戰殺賊實已不少此次派兵截勦尤為得手又連日接仗獲勝兵勇併力齊心似宜量子鼓勵奏入

上命軍機大臣傳諭向榮怡良曰此股金陵分出之匪經官兵即時追殺悉數掃除不得與鎮江之匪會合

聖朝聖略卷一百八

十五

但該逆窺伺蘇常蓄謀已久余萬清將鎮城與金山木箠之賊連日攻擊均獲大勝該逆窮極思竄更屬可虞向榮當乘勝併力攻取金陵仍嚴絕該逆分竄之路所有趕赴句容防勦之游兵是否足敷堵禦不以此次竄匪勦除殆盡不慮該逆故智復萌也怡良近駐常州尤應設法嚴防該郡所練之勇足恃與否界連鎮江之處如何扼守勦賊重任雖專責之向

榮而該督職守封圻尤不可令奔潰餘匪突入無事之境致遭蹂躪向榮一面督兵剋期收復金陵一面與怡良力籌大局設法堵截俾該逆無可旁竄毋稍大意余萬清現已加恩免其前罪仍著該大臣責令迅速圖功儘不能將鎮江趕緊克復甚至老師糜餉貽誤事機卽著從嚴叅奏

諭內閣曰此次逆匪分黨應援鎮江之賊經大兵追

聖皇聖略卷一百八

七

捕全數剿除鎮江及金山之賊又經官軍痛勦連勝是兩城賊匪不能互相救援計窮思竄正當嚴密圍剿迅圖攻克向榮卽統領各軍力籌收復金陵責令余萬清克復鎮江毋再遷延余萬清本係帶罪效力之員自到鎮江督兵以來尙知愧奮所有原定罪名著加恩寬免以觀後效兵丁張得祿著以把總拔補在事出力員弁兵勇著該大臣擇尤保奏

同日曾國藩塔齊布奏言臣塔齊布率湖南將

弁於九月十三日在鄂省拔營由武昌進勦大

冶之賊署湖北提督佈克慎副將王國才遊擊

阿達春從之以行候選道羅澤南亦於十三日

拔營由金牛堡分勦興國州之賊遊擊彭三元

都司普承堯等從之以行陸路之師副都統魁

玉總兵楊昌泗等於十七日拔營固原提督臣

聖皇聖略卷一百八

七

桂明已自楊店先至黃州水師前幫於初七日起碇二幫於十三日起碇臣國藩於二十一日再次黃州與北軍一會卽飭魁玉楊昌泗於二十二日西出蘄水進勦蘄州之賊二十日羅澤南等馳抵興國之鹽埠頭該逆分三路來撲羅澤南彭三元由田隴中路進攻普承堯由傍山左路進李續賓由沿河右路進四面圍抄殲其

前鋒數人賊遂奔潰薙髮逃生者十之四五餘
多回竄興國州二十一日羅澤南等派隊六成
仍分三路前進直薄州城由南門入搜獲偽知
州胡萬智凌遲梟示復捕獲餘匪二十餘名就
地正法該知州保忠亦帶近鄉練勇回城會同
安撫難民其大冶之賊臣塔齊布於二十日由
武昌縣拔營馳勦二十一日抵大冶城外該逆

聖朝聖略卷二百八

十六

整隊來犯臣塔齊布率兵由中路進王國才帶
兵由南路進佈克慎等帶兵在北路埋伏鏖戰
逾時賊眾大潰我兵由縣城北關追出南關斃
賊約一千餘名餘賊爭橋過河橋斷為追兵所
偏落水溺斃又千餘名各營生擒逆匪一百三
十四名興國大冶兩城同時克復各營水師分
紮蘄州上游之蒜花壕道士洲涓源口一帶十

八日探聞賊黨窺我水軍深入希圖抵隙來撲
楊載福彭玉麟等於十九日督同千總秦國祿
等各帶長龍三板自蒜花壕出隊行抵蘄州對
岸賊船開出百餘號放礮迎敵我軍奮勇轟擊
逆勢不支即行下竄我軍分戰船一半追赴下
游趨至距田鎮十五里之骨牌磯先後燒燬賊
船三十餘號轟斃賊匪無數其一半則攻擊未

聖朝聖略卷二百八

十九

開之賊船六十餘號一概燒盡轟斃逆黨甚眾
北岸陸軍未到州城未能即復收隊回營該逆
畏南軍之勁已從下游渡竄北岸於田家鎮多
築土城掘濠數重又以木簞橫截江面阻我舟
師分賊數千踞守蘄州城內亦於臨江一面築
壘安礮拒禦水師臣塔齊布督同羅澤南尙在
南路搜捕餘匪臣國藩現紮道士洲相機審度

如果北岸之賊負隅抗拒仍當令南軍渡江會
勦以期一鼓殲除

曾國藩又奏言探報該逆於田家鎮江面橫安
鐵鎖二道相距約十數丈鐵鎖之下排列小划
數十隻以槍礮護之北岸築土城多安礮位專
防我軍戰船該逆屢次大敗尙兇橫如此殊堪
痛恨臣等擬先攻田鎮對岸之半壁山奪其要

聖軍方略卷二頁

三

隘則鐵鎖一岸無根當易拔去奏入

命軍機大臣傳諭曾國藩塔齊布曰此次連克興國
大冶兩城南岸賊巢已破而蘄州賊勢尙衆水師旣
經攻勦得手何以桂明等陸路一軍未能趕到南軍
攻偏緊急則該逆必伺隙北竄朕早慮及此今覽所
奏各情適與朕前旨相符曾國藩經朕畀以勦賊重
任事權不可不專自桂明以下文武各員均歸節制

儻有不遵調遣或遷延畏葸貽誤事機者卽著該侍

郎專銜參奏以肅戎行該逆現於田家鎮築城挖濠
並於蘄州城外築壘安礮顯係意圖久踞此時進勦
之計自屬北重於南該侍郎等擬令南軍渡江會勦
並籌攻田鎮對岸之半壁山設法毀賊鐵鎖卽著相
機速辦仍嚴檄催提北路官兵協同圍勦一俟蘄州
收復應如何分兵南下直搗九江安慶並著隨時體

聖軍方略卷二頁

三

察情形統籌辦理以副委任

上諭內閣曰此次陸軍分途進勦同日克復興國大冶
兩城水師亦大獲勝仗卽著曾國藩塔齊布乘勢激
勵各路兵勇沿江夾擊以次殲除餘黨迅靖妖氛所
有在事出力員弁兵勇並著准其擇尤保奏

欽定勦平粵匪方略卷一百九 甲寅年

十月初十日^{乙巳}托明阿陳金綬雷以誠奏言九

月十六十七等日金陵下關駛出賊船數十隻

遊擊葉常春等會同副將李德麟周希濂及向

榮所派之副將蔡應龍分幫截勦將賊船擊沈

多隻復與署六合縣溫紹原商議密備火攻子

母柴船裝載火藥於十七日夜間潛襲賊船各

聖學聖略卷一百九

一

師船分兩翼圍攻施放大礮並擲放火罐火箭

頃刻延燒兵勇冒煙躍上賊船殲戮無算餘賊

紛紛溺斃其梟水奔上南岸之賊復被兵勇追

殺多名木簞解散隨流漂蕩^臣等以八卦洲賊

簞旣燬則鎮江之賊簞正可一律勦除且聞金

陵下關尙有賊簞七隻尤須防其下駛連日咨

商余萬清南北兩岸同時進攻瓜鎮並飭水師

南北策應兼勦賊簞以牽賊勢十月初一日^臣

托明阿復同慧成親督德興阿等由三汊河岸

分路進兵賊從土城內擁出數百人遊擊張維

義馬永泰等帶兵迎擊賊皆遁入土城^臣陳金

綬會同雷以誠等仍由三汊河東岸及虹橋分

路進勦直抵賊營該逆僅出數十人隔濠拒戰

經官兵開放槍礮逆匪旋即遁回初二初三等

聖學聖略卷一百九

二

日屢次進勦均有斬擒至焦山水營地處瓜鎮

下游孫雲鴻等督率遊擊張攀龍葉常春管帶

師船分爲兩隊一由南岸先攻鎮江北門甘露

寺一則徑由中流直偏七號口並用大礮攻塌

北固山迤西賊臺一半魯肅墳山上賊屋數間

兼擊塌賊隄數處現定按日進攻與陸路互相

接應^臣等惟有竭盡血誠南北齊心同時並舉

勦廬州賊匪將及一年總未能出奇制勝立破賊巢
貽誤遷延罪將誰諉著卽迅籌進剿之策督飭將弁
克復堅城一面嚴催秦定三忠泰等速將舒城等處
賊匪掃除淨盡毋再遲延干咎湖北興國大冶已經
收復曾國藩等水陸各軍指日東下應如何聯絡接
應之處並著統籌兼計以期會合夾擊速清醜類

和春福濟又奏旨廬江自克復以後賊匪復由

聖學專考卷三十九

五

無爲巢湖等處窺伺竟敢屯聚攻圍縣城甫經
收復練勇無多守禦倍形竭蹶臣等前飭道員
何桂珍帶領開化等處勇五百名馳赴廬江安
撫防禦雖據該道稟稱已令州判蔡鏗等帶勇
四百名馳抵廬江救援而該道帶兵起程多日
尙未據報到廬難保非有心逗留應請

旨將何桂珍先行交部議處奏入

上諭內閣曰何桂珍著先行交部議處如查有畏葸遷
延情事卽著嚴叅懲辦

十一日丙午曾國藩奏言臣自入鄂以來據官吏
將弁紳庶僉稱武漢再陷之由實因崇綸台湧
多方貽誤百姓恨之刺骨而極稱前督臣吳文
鎔忠勤憂

國殉難甚烈官民至今思之蓋緣吳文鎔於上年

聖學專考卷三十九

六

九月十五到鄂接印之日卽值田家鎮兵敗闔
城逃徙一空官弁蒼黃無計吳文鎔傳集僚屬
誓以死守卽日移居保安門城樓隨身僅一僕
一馬無書吏幕賓無親兵夫役晝夜手治文卷
衣不解帶者兩月由是人心稍定潰兵稍集賊
匪仍退下游不敢徑犯鄂垣乃崇綸輒劾奏吳
文鎔安坐衙齋閉城株守其實該前督日夜任

宿城樓並未在署少在片刻也賊匪所持以駭人者全憑船隻之多官軍若無舟師雖有陸兵數萬亦熟視而無可如何自上年田鎮失防以後吳文鎔江忠源二人與臣往來書函皆以籌辦水師爲第一要務臣在衡州試造戰船吳文鎔屢函熟商造船配礮選將習戰之法臣歎以爲不可及其言湖北現僅雇小划擺江之類不

聖學聖方略卷二百九

七

堪戰陣必待臣處舟師辦就駛至鄂中始克會同進剿亦係實在情形乃崇綸茫然不察動云船礮已齊譏督臣畏葸不出吳文鎔素性剛介深以畏葸爲恥遂發憤出征以屢潰雜收之兵勇新募未習之小划半月不給之餉項倥傯赴敵又居者與出者不和事事掣肘遂使堵城之役全軍潰敗湖北府縣相繼淪陷蓋未始非崇

綸參劾傾陷有以致之也尤可異者當參劾之後吳文鎔毅然出征崇綸復率僚屬力阻其行我

皇上曾嚴飭其自相矛盾迫堵城既敗吳文鎔殉難闔省軍民人人皆知而崇綸以不知下落入奏不惟排擠於生前更復中傷於死後正月十九日崇綸遣守備熊正喜至衡州一帶催臣赴鄂救

聖學聖方略卷二百九

八

援僞造吳文鎔咨文借用布政司印信咨內但稱黃州賊勢猖獗並不言堵城已敗督臣已死種種詐僞故作疑似之詞無非謂吳文鎔未能殉難誣人大節始終妒害誠不知其是何肺腸吳文鎔既歿青麀幫辦軍務崇綸又與之百端齟齬求弁兵以護衛而不與請銀兩以製械而不與或軍務不使聞知或累旬不相往還青麀

在長沙時與臣言及崇綸之多方掣肘台湧之坐視不救輒為痛恨怒眦欲裂上年張亮基欲以全力堵田家鎮崇綸既阻撓而不合繼又傾擠吳文鎔旋又忌害青磨皆使銜恨於地下平心而論鄂省前後潰敗決裂之由不能不太息痛恨於崇綸也自賊踞漢陽漢口為老巢由是西至宜昌北至德安南犯湘省三次攻陷岳常

聖朝聖略卷二百九

九

澧州縱橫百餘州縣蹂躪殆徧廬舍蕩然崇綸閉坐一城若罔聞知土匪擄掠亦置不問所失國家土地並不一一詳奏百姓之言皆曰青巡撫在此尙有兵勇驅賊之擄掠尙有告示憐民之疾苦崇巡撫並告示而無之我

皇上優容臣下僅予革職崇綸稍有天良亦當以一死

圖報及六月初二日武昌城陷隨眾軍逃出縣

轉偷生反稱革職回京已於前一日先出鄂城呈請轉奏身為封疆大臣無論在官去官死難是其本分即不死亦不妨明言似此倒填月日諱其城破逃生之罪劾人則雖死而猶誣之處已則苟活而故諱之豈非無恥之尤者哉臣自入湖北境以來目擊瘡痍博訪輿論莫不歸罪於崇綸以年餘之成敗始末關繫東南大局不

聖朝聖略卷二百九

十

敢不據實縷陳其應如何聲罪嚴究

聖主自有權衡非臣所敢擬議

同日正白旗滿洲都統薩迎阿副都統玉明基溥奏言遵查已革湖北巡撫崇綸會否到京據該旗參領文廉署佐領雲騎尉景豐等結稱據崇綸之胞弟筆帖式崇縉稟稱接到崇綸來信云於五月二十八日接奉革職

諭旨六月初一日起行因路梗繞赴荊州患病未愈復由荊州赴陝西就醫至陝又患瘡疾一俟稍痊卽行回京臣等復將崇縉傳到面詢與該參領佐領所稟無異均奏入

上諭內閣曰崇綸經朕簡任湖北巡撫上年賊擾田鎮不能與前任總督吳文鎔共籌戰守丁憂後留辦防勦復與巡撫青廉不能和衷協力共保省城經朕革

聖學方略卷二百九

十一

職示懲宜如何愧奮圖報乃當武昌失守輒卽逃往荊州偷生避難實屬昧良負恩茲據該旗查明該革員現在陝西就醫著王慶雲派員押解來京交刑部候旨訊辦

十二月丁未楊需奏言下游追勦賊匪疊獲勝仗收復大冶興國兩城其崇陽縣前經克復忽有賊匪由通山竄至復行失陷臬司胡林翼署蒲

圻縣孫守信帶勇往勦該匪等復竄往通山胡林翼窮追截勦徧搜山谷斬殺甚多餘俱散竄崇陽民風惡劣匪類至多胡林翼帶勇暫駐督率城鄉紳士嚴行保甲趕辦團練責令將從前莠民執送悉予駢誅隱匿者查出連坐團練不力者罪之業已辦有端緒可冀肅清臣已遴員馳赴通城通山崇陽興國等處署理妥爲安輯

聖學方略卷二百九

十二

撫綏奏入報

十四日己酉向榮奏言十月初二日金陵賊匪三千餘人由南路竄擾股巷馬木橋一帶臣派副將張國樑等帶領兵勇馳往截勦我兵趕至該逆已竄抵秣陵關餘仍竄回南門張國樑等兵繞道徑趨股巷轉落賊後當經加撥勁兵一千

名星夜馳往並飛檄邵紹良分兵六百名由小丹陽前來會剿張國樑等馳至秣陵關後分三路進兵該逆排隊出敵我軍用連環槍礮攻擊立斃賊匪數十名後隊分兩翼抄近關前用擡槍先將該逆大黃旗擊倒各兵勇乘勢殺上賊衆敗入關內張國樑卽從街頭奮勇躍上房屋兵勇繼登拋擲火罐噴筒燒斃賊匪無數該逆

聖皇聖考卷十九

十三

見我兵已入關內前隊驚潰相率由北關口衝出先經王浚督領兵勇在關外廟牆埋伏抄截立時斬馘一百有奇張國樑率同五品頂戴李振甲把總會魁等分投追殺復斃賊三百五六十名生擒二百餘名最後竄出之賊經我軍四面圍剿紛紛撲入塘水擊殺甚多餘黨正圖外竄適王浚等破柵殺入短兵巷戰連砍黃衣賊

多名張國樑又率勇兜擊該逆乃由六家橋竄出各兵勇跟蹤追斬又斃一百餘名生擒四十餘人撲水淹溺不計其數其逃逸過橋之賊均被後隊兵勇截殺無一得脫者並將竄伏關內房屋餘匪搜捕淨盡放出擄脅難民四百三十餘人統計殺斃賊匪八百餘名割獲首級耳辮三百三十四件生擒二百六十八名焚溺者無

聖皇聖考卷十九

十四

算訊問生擒之賊內有僞總制盧得汰僞百長黃義瞬僞司馬張公惠三名供稱此股賊首係僞國宗章潰詳僞提督石明開僞承喧許茂林僞指揮會孟漳四人皆廣西老賊章潰詳先已被槍擊斃石許會三賊均被亂兵殺死並有欲占踞秣陵關紮營以圖窺擾東南並擄多人入城等語餘亦供認賊黨不諱當卽分別正法

釋脅從二十餘人至鎮江自前月大獲勝仗初二三等日賊復令金山木簞之匪及城內黨與出巢窺擾經余萬清派隊接戰相機攻勦兩日復殺賊約三百餘名生擒十八名斬首九顆陸路堵勦尙屬得手惟水路未能扼截探聞賊復連紮木簞續竄下游現已責成李德麟等師船盡力堵勦留署六合縣溫紹原會同艇師嚴防下竄仍催吳全美等趕緊帶船迎勦以清江面而扼上游奏八報

聖事匪方略卷一百九

七

十五日庚戌陳啟邁奏言現據探報湖南水陸各軍已抵湖北省城卽經飛飭總兵趙如勝等將戰船子母船飛駛出湖會同截勦旋准前禮部侍郎臣曾國藩咨武昌漢陽均已克復擬卽乘

勝窮追掃清江面江省礙船應堵截湖口豫備會合攻勦直搗下游又經轉行遵照並派通判程迪昌等帶勇四百名由陸路馳赴湖口以爲水軍聲援據趙如勝等稟稱本月十九日起程前往下游相機堵截至建昌德安股匪已次第殲滅武甯匪徒亦經官兵痛勦先後斬擒三千餘名敗匪竄回興國州境內武邑橫路一帶與興通毗連處所經已革守備吳錫光帶勇千餘名前往搜捕餘匪安撫居民勸辦團練以期一律肅清惟九江之賊仍踞城中亟宜乘此聲威迅速攻勦現飭千總王樹英帶勇二百名由都昌赴潯候選縣丞項松慶等帶勇三百五十名由武甯前往隨同九江鎮總兵居隆阿等先行進攻又飭龍泉營都司馬占魁率領弁兵暨候

聖事匪方略卷一百九

七

補知州陽秉鏞赴武邑籌辦防守及一切善後事宜臬司惲光宸督同吳錫光馳赴九江策應務期埏渠埽穴收復郡城與湖口舟師相為犄角以扼江路奏入報

聞

十六日辛亥曾國藩塔齊布奏言臣等於克復興國大冶後定議先據半壁山富池口兩處臣塔

聖朝聖方略卷一百九

七

齊布於九月二十八日自興國拔營紮富池口羅澤南進紮半壁山本月初一日整隊進發羅澤南李續賓各帶兵勇行抵馬嶺坳距半壁山賊營二三里見該處孤峯峻峙俯瞰大江與田鎮諸山相雄長上紮大營一座小營四座窵溝深丈餘闊三四丈不等引內湖之水環灌之溝內豎立礮臺木柵溝外密釘竹籤賊出接仗千

總何如海中石陣亡賊眾愈聚愈多兇狂異常我軍血戰三時之久羅澤南與知縣李杏春從左隄衝進李續賓從右隄衝進殲賊數十名賊眾大敗乘勝直逼賊營從木柵竹籤中踰溝而入彭三元分途截殺普承堯亦從右坳抄出圍住賊營各勇追至江岸賊急登舟我軍槍入舟中斃匪數千覆舟溺斃者亦不下千人浮屍蔽

聖朝聖方略卷一百九

十六

江賊懼我軍飛渡自將浮橋拆斷我軍申刻收隊查明各勇陣亡者計十三人水軍自九月十九日戰勝後分紮渭源河兩岸二十九日營官白人虎等駕戰船十餘號往下游巡哨風平水溜將近蕪城該逆猝出船百餘號圍擊我軍小挫左營彭玉麟右營楊載福親往救應中營秦國祿等各率快蟹長龍等大船排轟而下哨官

任星元李陞元鮑超等傍南岸而行衝至蘄州
以下之釣魚臺逆擊而上將賊船裹入中段該
逆倉猝不能退轉紛紛棄船登岸我軍自上而
下者攢礮以轟登岸之賊自下而上者縱火焚
釣魚臺之賊船是日上犯之船悉數焚奪無得
脫者計燒賊船約八十號奪獲賊船大小四十
六號巨礮六十三尊白人虎因初時小挫復得

聖恩匪方略卷一百九

十九

大勝憤極戀戰中槍殞命巡檢石熾然監生徐
國本奮往助陣同時遇害賴大隊前往救應水
軍復向岸轟擊始將陸賊擊退伏查該逆自武
漢敗竄卽全數防守田家鎮蓋以南岸之大冶
興國北岸之蘄州廣濟向爲衆賊淵藪而田鎮
與半壁山又實爲天然之關隘故上游之賊併
萃於此復自下游江皖糾集長髮悍賊來此拌

拒阻我東下之師現在鐵鎖尙牢繫江心兩岸
賊衆尙近四萬計日內必須大戰數次臣等謀
定後發斷不敢稍涉疏虞此次與該逆爭此關
隘水陸幸均獲勝所有在事出力員弁兵勇懇
恩酌量保獎白人虎集團倡義收復華容縣城茲又奮
勇捐軀請與千總何如海巡檢石熾然監生徐
國本仰懇

聖恩匪方略卷一百九

二十

聖恩分別議卹奏入
上命軍機大臣傳諭楊需曾國藩塔齊布陳啟邁曰陸
路官軍踏破半壁山賊巢雖已據守險隘而蘄州未
復田鎮未破兩岸賊衆尙有四萬餘人儻江西戰船
一時未能出湖湖北後路官軍相距又遠曾國藩等
孤軍轉戰卽屢次獲勝亦尙可虞前此楊需奏請親
督後隊會合下擊至今未見起程現在夏廷樾是否

到省武漢等處布置事宜當已漸次就緒北路桂明一軍總未會合非楊需親督後軍前往接應恐此路頓弱塔齊布以一路兼顧南北兩岸愈形支絀著楊需迅督官兵妥籌進剿為會國藩等後路聲援下游九江一帶昨據陳啟邁奏已令趙如勝等各帶戰船堵截湖口豫備攻剿並飭居隆阿等先攻郡城儻該省戰船能出湖口溯流而上迎頭攔擊亦可為會國

聖朝聖略卷一百九

三

藩等前路接應著即妥籌聯絡不可各防各境致湖南官軍前後無援是為至要

上諭內閣曰湖南水陸兩軍均獲大勝將半壁山賊巢踏毀我軍已據形勢著會國藩塔齊布督飭各軍迅復蘄州將潯皖各境賊匪悉數掃除所有在事出力員弁兵勇著該侍郎等查明據實保奏營官白人虎著照守備陣亡例議卹千總何如海著照守備例議

卹巡檢石熾然著照例議卹監生徐國本著照從九品例議卹

同日托明阿陳金綬雷以誠奏言金陵尙有賊箚於本月初五日下午駛二隻中藏大船環以木箚上立木城暗藏礮位由南岸大溜衝下臣托明阿飛催各師船上駛迎擊經陳世忠等儘力轟擊賊抵死抗拒追至儀徵沙漫洲將賊箚大

聖朝聖略卷一百九

三

桅擊壞兩箚連合為一適陳國泰由土橋督率遊擊陳世章等管駕紅單船暨已革儀徵縣知縣都察森等帶領快船划船各水勇同時上駛總兵李志和等督率馬步官兵在北岸沙灘列隊以待我船駛至泗源溝江面值賊箚奔竄當卽會合上下夾擊天色已暝東風大作潮汎上湧賊箚猝遇逆風頂潮運動不靈兵勇水勇上

下攔截各船圍攻不息至初六日黎明將賊簿
攻至對江李家溝口四面圍定槍礮齊發賊勢
不支都察森恐賊由南岸奔逃先派水勇過江
在李家溝各要隘分投埋伏賴鎮海盧瑞祥首
先攔近賊簿施放大礮將簿攻破轟斃落水之
賊約數百名餘賊有鼻水竄上南岸奔逃者又
經兵勇撿斬無遺當將賊簿二隻全行奪獲臣

聖事畢方略卷一百九

三

托明阿因上游尚有賊簿防其下駛一面飛催
水師迎截一面與臣陳金綬等仍分東西兩岸
進攻瓜州臣雷以誠會同慧成於初六日督率
師船進勦先攻北固山龍窩一帶開礮擊賊隄
上土城紛紛倒塌燬其大黃旗望樓一座且攻
且進駛至金山循環轟擊逆匪擾攘驚呼墜江
者不計其數維時運河口瓜州小口兩處逆匪

分駕賊船二十餘隻趕來援救各艇分投開礮
擊沈八隻賊匪淹死甚多餘賊收船入口死守
礮隄旁有賊簿爲之犄角各艇兵勇奮力追勦
疊開大礮將瓜州土城賊臺擊塌一處並將大
簿上敵樓一座登時轟塌復擊毀沿江賊隄數
處申刻收隊查點兵勇受傷無多實爲江上出
色之戰奏入

聖事畢方略卷一百九

三

上命軍機大臣傳諭托明阿陳金綬雷以誠曰水師攻
勦賊簿賊船均獲大勝可見賊衆雖聯爲一氣我兵
果能無分南北協力環攻該逆卽有應接不暇之勢
若乘此機會上下夾擊成功更易該大臣等惟當併
力攻勦瓜州或用聲東擊西之計先將金山奪回去
其犄角卽可扼截鎮江斷其應援何得任令該逆堅
匿不出不思力圖進攻其浦口洲地賊營負嵎日久

陸路既有武慶獨當一面水師復有李德麟等艇船若不嚴飭該總兵等實力勦辦仍前遷延貽誤托明阿亦斷難辭咎現在上游師船節節下偏皖江賊眾勢必分赴下游卽金陵大股亦必亟圖旁竄江面白浦口以下尤應嚴密攔截以杜該逆奔突之路著托明阿迅卽攻克瓜州並飛飭武慶等疾擣浦口賊巢仍隨時與向榮會籌扼剿之策就近飭令余萬清圍

聖皇方略卷一百九

三

攻鎮城嚴防逆眾潛竄常蘇並與江北官軍聯絡聲勢互相策應

諭內閣曰金陵水師兩日之間攻燬江面賊簿並江浦兵勇擊退上游賊船均獲大勝正當嚴密圍剿迅圖掃蕩該大臣等務卽督催水陸各路兵勇趕緊將瓜州浦口各賊營賊簿悉數攻燬淨盡毋再遷延致令乘間竄逸所有在事出力文武員弁兵勇及上次

協剿南岸逆匪各員弁均著該大臣等擇其尤爲出力者分別併案酌保候朕施恩

十八日 癸丑 吏部奏言遵議安徽甯池太廣道何

桂珍處分何桂珍帶勇馳赴廬江起程多日未

據報到難保非有心逗留請照任意耽延降一

級調用例降一級調用奏入

上諭曰安徽甯池太廣道何桂珍著照部議降一級調

聖皇方略卷一百九

三

用仍著暫留本任交和春等軍營差遣以觀後效

欽定剿平粵匪方略卷一百十 甲寅年

十月二十日 乙卯 托明阿陳金毅雷以誠奏言洲

地賊營屢攻未拔本月初八日武慶等督率營
總都隆阿等分帶兵勇由金湯門外五路前進
拔去木椿竹籤搭蓋浮橋指麾兵勇直攻賊之
大營該逆大股出巢兵勇齊開槍礮殲賊匪
一千餘名王巨孝等帶領火箭火毬官兵繞道

剿平粵匪方略卷一百十

一

拋燒徑槍賊營分兩翼圍抄江浦六合等兵勇
亦分東西兩路協攻殲賊三百餘名署把總馬
馨等由西面徑爬土城各兵勇四面拋放火毬
火箭破賊大營一座殲斃數百名金陵逆匪爭
駕礮船來援向榮委員蔡應龍等督帶紅單拖
罈艇師各船上駛迎截擊沈賊船多隻殲斃無
算武慶等卽駐師江干曾勉禮與鄧鳳林等連

夜趕回江浦溫紹原亦同秦懷楊等回守縣城

初十日我師水陸並進槍礮箭彈四面齊發賊
勢不支紛竄出營兵勇沿途追殺伏屍徧地餘
賊逃至江邊撲溺水中不計其數逆船被水師
擊敗駛回南岸奪獲大小礮位軍械火藥甚多
洲地全行廓清賊營兩座毀爲平地至瓜州賊
匪勾結鎮江逆黨撲至儀徵都天廟一帶經總

剿平粵匪方略卷一百十

二

兵李志和等帶隊過河截剿賊黨敗竄我師追
至土橋四里鋪賊已分股竄濠築牆紮營二座
該鎮等分路圍攻 臣托明阿派署遊擊滿祿等
分帶滿漢官兵由樸樹灣一路進攻土橋與李
志和儀徵一路官兵互相援應仍與慧成德興
阿等由三汊河分路進攻馬橋瓜州該逆亦分
股出拒千總崔萬雲衝入賊隊殲斃數賊該逆

紛紛倒退崔萬雲乘勢徑越賊濠猝被礮傷陣亡把總梁成通隨往策應中槍殞命該逆復向我師撲來適署遊擊照信知縣都榮森等督率各勇馳至協同官兵直前截剿徑撲賊營用槍礮轟擊土壘斃賊無數是日陰雨泥滑步騎俱難施展照信都榮森步行陷入重圍抽刀奮剿各手刃數賊身受多傷與委防禦凌福等同時

聖皇聖方略卷一百十

三

陣亡遊擊張維義帶漢中兵從北路接應始將賊匪擊退十一日臣托明阿督同各隊官兵由西岸迎剿臣陳金綬雷以誠與慧成由東岸進攻該逆遁入瓜州土城西岸官兵立將賊營攻毀臣托明阿復督率滿漢官兵於十二日黎明合攻土橋賊營李志和等由儀徵前進滿祿等由樸樹灣前進將大小賊營二座全行轟破殲

賊無算十三日臣等由汜河兩岸進攻賊於兩岸各出數十人誘戰經官兵開放槍礮擊斃多名餘悉遁回堅守不出此次陣亡各員應請飭部從優議卹奏入

上命軍機大臣傳諭托明阿向榮陳金綬雷以誠曰洲地賊營焚燬淨盡土橋四里鋪等處賊壘亦未容其紮定辦理尙合機宜惟上游蕪湖一帶需船甚急所

聖皇聖方略卷一百十

四

有前項紅單艇船並續撥之陳國泰紅單船自應仍前上駛以斷金陵賊匪來路鐵鎖攔江之賊船尤應設法剿除此時上游形勢以師船進扼蕪湖為要下游形勢以師船力奪金山為要和州烏江一帶賊船本恃洲地為聲援今洲地已除該處是否尙有賊蹤亦著知照袁甲三妥為防剿浦口地方仍責成武慶等嚴加防範

上諭內閣曰洲地一律肅清賊營悉成平地所有在事出力文武著准其擇尤酌保數員無許冒濫瓜鎮逆黨糾夥撲至土橋及儀徵四里鋪地方紮營築壘均經該處文武奮勇攻勦一律毀除已革江蘇儀徵縣知縣都榮森身受重傷力竭捐軀著開復原官與同時陣亡之叅將照信守備楊明經外委祁登瀛千總崔萬雲把總梁成通委防禦凌福阿克吉哩外委宮

聖皇聖略卷一百一

五

立幹張大鵬勇目侯如均著交部從優議卹

二十二日丁巳曾國藩塔齊布奏言臣塔齊布自

興國拔營與羅澤南分爲兩路羅澤南西往半

壁山臣塔齊布東往富池口初一日夜宿南邨

初二日行至軍山嘴值該逆分股來撲隨督叅

將周鳳山等奮力擊退焚燒富池口賊營一座

卽在軍山嘴紮營與羅澤南之營相去十餘里

中隔小河初四日臣塔齊布遣人搭造浮橋以通兩營之路羅澤南派隊接應數路逆黨二萬餘人排列山之左右氣燄甚張羅澤南駐高阜

之左李續賓駐高阜之右遊擊彭三元等排列江岸都司普承堯等排列馬鈴山左坳堅伏不動俟賊銳氣既竭我軍突起急攻連斃大旗賊目餘衆盡靡反奔半壁山舊營賊船概歸北岸

聖皇聖略卷一百一

六

我軍將南岸賊營盡數焚燬遺壯士百餘絕崖而下將橫江鐵鎖六條竹纜七條盡行斫斷日暮收隊是日臣塔齊布亦隔港對擊斬獲頗多該逆經此大創猶復積忿思逞初五日從田家鎮渡江來犯先撲臣塔齊布營壘當率遊擊阿達春等迎擊羅澤南李續賓由左路出半壁山下彭三元扼截江岸普承堯據守馬鈴山一路

賊忽搶踞山岡羅澤南奮力衝擊李續賓由山坡抄來賊始敗潰追至江邊臣塔齊布亦已追至該逆見官軍盡赴下游遂開船白餘號從上游登岸彭三元等奮勇堵截賊復揚帆上行至牛灌磯對岸各勇沿江追擊羅澤南等復從半壁山下游來援斃賊多名該逆悉數敗歸初八日彭玉麟後營蕭捷三等因移營之便順攻蘄

聖朝方略卷二百十

七

州賊船哨官蕭世祥中礮殞命鏖戰之際釣魚臺下有逆船數十號開竄我軍分船追勦燒燬二十餘號乘勝進紮骨牌磯初九日蕭捷三營燒賊船八隻各營共燒十餘隻賊舟堅伏不出初十夜乘大風挂帆遁去伏查該逆以東西梁山為江南門戶以田家鎮為安徽門戶併力與我爭此關隘臣等定計先奪南岸之半壁山次

攻江面之船然後合攻北岸之賊幸仗

天威南岸業經奪取北兵不甚得力俟江面勦辦得手

即當調南兵渡江會勦務期速破此關庶退可

以固守兩湖進可以規復江皖此次水陸鏖戰

將士用命應請立沛

恩施以昭激勸其餘出力員弁兵勇仰懇

聖恩准臣等擇尤保敘以勵戎行外委蕭世祥請

聖朝方略卷二百十

八

飭部從優照千總陣亡例議卹

曾國藩塔齊布又奏言查自岳州以下久為逆

匪占踞軍中信息難通目下臣營摺報仍須專

人送至漢口方能交驛至與金陵揚州各營通

信須專差赴江西轉由浙江繞道前進動須數

月之久前因粵省紅單船已至東西梁山不勝

欣喜頃聞又折回江浦為之疑慮屢經查探終

未深悉其詳合無仰懇

皇上天恩凡江南揚州各營現在情形及紅單船現泊何處飭令軍機處於

諭旨交寄之便隨時示知一二其安徽廬州等處臣廣遣差探隨時知照奏入

上命軍機大臣傳諭楊需曾國藩塔齊布曰曾國藩等奏南路陸軍斃賊萬餘斫斷江中鐵鎖並水師屢獲

聖粵匪方略卷二百十

九

勝仗覽奏稍慰朕懷我軍陸路奪取半壁山水師亦屢獲大勝逆賊不敢復窺南岸辦理甚為得手惟蘄州之賊堅匿不出田鎮亦未克復北岸情形甚為喫重究竟桂明一軍現在何處何以總未與南軍會合前諭令楊需親督後軍前往接應此時是否已經起程曾國藩等孤軍深入甚為可慮著楊需迅速前進為曾國藩等後路聲援田鎮為皖省門戶逆匪必圖

久踞前次曾國藩等奏北路兵勇未能會合夾擊當諭令曾國藩節制諸軍如有不遵調遣貽誤事機者卽著專銜叅辦乃此次桂明等仍未會同剿賊如不得力卽著曾國藩嚴叅懲辦此時江面已可漸就肅清務當趁此聲威迅調南兵渡江會剿剋日收復蘄州田鎮卽可分路直擣下游並隨時知照江西安徽水陸各軍互相策應毋失事機江南揚州各營情形並紅單船現泊何處已諭軍機大臣將近日兩處奏報及所奉諭旨擇要摘錄封寄矣

聖粵匪方略卷二百十

十

上諭內閣曰此次水陸疊勝將士用命以少擊衆殺賊逾萬洵屬調度有方著曾國藩等乘勝卽將蘄州田鎮速行克復順流直下以次掃除江皖各賊迅殄妖氛浙江甯紹台道羅澤南著賞給葉普鏗額巴圖魯名號直隸州知州李續賓著記名以知府用並賞給

摯勇巴圖魯名號遊擊彭三元著以叅將升用都司普承堯著以遊擊升用並先換頂戴其餘出力員弁兵勇著會國藩等一併查明保奏卽補外委蕭世祥屢著戰功此次奮勇捐軀深堪憫惻著交部從優照千總陣亡例議卹

同日袁甲三奏言皖省軍務北路十分喫重廬江於九月二十五日復被賊陷會國藩究竟行

聖學聖方略卷二百十

十一

抵何處無從確探臣已專差妥人向楚皖交界一帶探迎以便約會進取至全滁一路逼近江岸先經飭令廬鳳道張光第約會署臬司恩錫並江全各處兵勇併力攻勦彙據各州縣探報並該道督飭帶兵文武親赴江岸周歷數十里確見鍼魚嘴駐馬河石蹟橋及烏江一帶賊營聯絡直接東西梁山船隻停泊難以數計張光

第所帶之兵除駐守關山外僅一千二百餘人該逆分踞江面百餘里背水爲營非水陸夾攻恐一與官兵交仗勝則舍舟而陸大隊羣來敗則解纜而逃隔岸難及現已飛咨向榮迅飭師船上駛九洲洲賊營已破且橫江之鎖亦令趕緊翦除儻能各路齊攻似尙不難得手臨淮存營兵勇僅千名六安現無一兵正陽亦僅二百

聖學聖方略卷二百十

十二

餘名前與和春福濟商令駐守正陽之潁州兵五百名因帶兵官遊擊武全先到廬州經和春籌派赴舒城助勦急切不能分撥因思湖北旣已肅清豫省南路防兵是否就近進勦駐紮六安正陽一帶以壯聲威而資防守臣亦難以遙度此外有無可以調撥之處統乞

聖明迅賜施行奏入

上命軍機大臣傳諭袁甲三英桂曰皖北軍情喫重福
濟等力難兼顧袁甲三派往馳剿之兵勇自應與河
南官兵會同剿辦惟占踞廬州舒巢之賊久未就殲
廬江復陷北竄最爲可虞六安現無一兵正陽兵力
亦僅二百餘名雖有袁甲三專駐臨淮恐不足以資
控扼此時河南南路所撤防兵著英桂體察情形酌
量派往六安正陽一帶相機截剿

聖皇匪方略卷一百十

十三

二十三日^{戊午}僧格林沁西凌阿奏言連鎮逆匪
節次被創心膽已寒近日陸續投到多名並有
割取長髮首級來降者據供賊勢甚爲窮蹙恐
官兵乘隙進攻復將壁壘加厚死力拒守又向
詢出李開芳曾向林鳳詳約定如同援時夜間
施放噴筒火彈爲號等語十九日申刻^臣卽令
馬隊千名攜帶旗幟由北而南僞作援賊之狀

並派參領穆騰額帶兵數名於夜間由大王村
沿路施放噴筒火彈向桂齡圍牆奔撲^臣西凌
阿督同珠勒亨等帶領馬隊會同慶祺桂齡在
南營牆豫伏其餘各營官兵在分防處照常傳
號傳籌並派參領玉亮帶領應次投誠之人扮
作長髮賊在桂齡營牆等候二十日寅刻穆騰
額施放火彈噴筒撲及慶祺桂齡營牆官兵卽

聖皇匪方略卷一百十

十四

連開槍礮作爲迎敵之勢玉亮卽帶各勇將豫
積柴草焚燃牆外火光騰起玉亮攜帶假充長
髮賊甯宗陽等手執黃旗在圍牆上吶喊向內
招呼賊正攀拉樹柵向牆上盤問甯宗陽等卽
以高唐前來援救之語回答逆壘中歡聲鼎沸
卽見南面木城之賊全行撲來連鎮之賊相繼
而至桂齡恐有疏失當卽暗傳號令開放連環

置槍以防我舟師之進偏箚上鋪沙船中儲水以防我火彈之延燒自鐵鎖以上皆賊之戰船大小約三四十號自鐵鎖以下皆賊之民船灣泊約六十里大小約五千號其北岸則於田鎮街外築一土城長約二里街尾爲吳王廟賊營一座繫鐵鎖於北岸之根僞燕王秦曰綱駐其中街之上爲老鼠山賊營一座又上爲磨盤山

禦粵匪方略卷一百一

十七

賊營一座又上爲牛肝磯賊礮臺一座自牛肝磯下至吳王廟長約六七里皆密排礮眼向江心轟擊全力以防舟師南岸自初四初五大敗之後不敢復於半壁山上紮營僅於山下十里富池口紮營三座以護下游之賊舟我軍戰船自初九日進紮蘄州之下十二日遂進紮見峯嘴去田鎮僅九里右營參將楊載福左營同知

彭玉麟等密登南岸至臣塔齊布及羅澤南營商定大舉破賊之策分戰船爲四隊第一隊專管斬斷鐵鎖凡炭鑪鐵翦大椎大斧之類皆備第二隊專管攻賊礮船與之對相轟擊第三隊俟鐵鎖開後直追下游大燒賊船第四隊坐守老營以防賊船冒死上犯十三日辰刻戰船出隊臣塔齊布督同羅澤南周鳳山等率陸軍六

禦粵匪方略卷一百一

十六

千人排列江之南岸該逆自牛肝磯礮臺以下直至吳王廟盡銳抗拒千礮環轟子落如雨我水師第一隊循南岸急槳而下徑赴半壁山下鐵鎖之前賊以礮船開近救護我軍第二隊環圍擊之燒其快蟹船二號該逆不敢復護鐵鎖劉國斌等椎斷船上之鐵碼哨官孫昌凱繼以洪鑪大斧且鎔且椎須臾鎖斷各三板飛槳駛

下該逆見官軍衝過鐵鎖卽時旗靡轍亂箠上放礮之賊已駕小划而遁下游賊舟蒼黃揚帆下竄我軍三板追及縱火焚之追至三十餘里之鄔穴地方是時東南風大作賊舟不能下行紛紛撲水不能相顧陸路之軍又縱火焚燬其火藥大船不少當水軍衝過鐵鎖之時臣塔齊布卽督飭陸軍從半壁山飛馳而下見鄔穴以

聖朝方略卷一百一

十九

下尙有賊船復率十餘舟鼓棹窮追至龍坪時已三更凡燒船約四千餘號至次日巳刻始行歸隊奪獲賊船至五百餘號之多彭玉麟恐船隻太多爭奪貽誤又恐眾勇飽則思颺遂將奪回之船一併焚之該逆舟楫被燒無巢可歸無糧可食無子藥可用遂於十三夜四更自焚營壘而遁至蘄水陸賊雖與田鎮之賊爲一而兩

路抗拒各有頭目踞田鎮之逆首爲僞燕王秦曰綱僞國宗章俊等踞蘄州之逆首爲僞檢點曾鳳傳陳玉城等各有眞賊數千脅從數萬田鎮之賊力爭南岸之半壁山南軍破之於前水師焚之於後蘄州之賊與北軍相持日久當田鎮鏖戰蘄州賊忽出數千人來撲都司楊名聲等督勇迎敵陣亡四十餘人水師戰船向岸開

聖朝方略卷一百一

二十

礮轟斃執旗賊目數名賊始退入蘄城十四日賊復偷搭浮橋從牛馬坳來撲魁玉等各營別由東路菩提壩分股抄尾並撲至曹河楊昌泗等分道抵禦始將該逆擊退蘄州之賊知田鎮巢穴已破逆舟已焚遂於十四夜棄城而逃竄往廣濟一帶現已飛飭水師前隊乘勝進攻九江臣塔齊布等卽日由陸路前進此次水陸將

士非常出力應請破格

恩施以勸將來其餘出力員弁兵勇仰懇

天恩容臣等開單保獎陣亡兵勇查明照例辦理

曾國藩塔齊布又奏言接據稟報水師前隊彭玉麟等於十月十九日已追賊至九江沿途續焚賊船百餘號九江城外已無賊蹤城內亦無多賊惟十三夜逃出賊戰船八號尙泊九江之

聖皇匪方略卷二百十

三

北岸其田鎮蘄州之賊概由北岸竄至黃梅孔壘驛一帶臣塔齊布於二十日率羅澤南等渡江至田鎮巡北岸而下擬至九江對岸與水師一會再行相機勦辦

曾國藩塔齊布又奏言查逆賊經屢次大創前後焚燬逆船約計萬餘號長江之險我已扼其上游金陵賊巢所需米石油煤等物來路悉已

斷絕逆船有減無增東南大局似有轉機然檢

閱賊中文卷並細詢逃出各犯知其頭目傷亡

者無多而兇悍亡命之黨爲數實尙不少臣等

初慮江面不清或成割據之勢若勦辦得手又

慮江面一清或成流賊之患蓋水師一入皖境

焚其舟次之巢穴失其飄忽之長技分支四竄

乃事勢之所必至臣等一軍以肅清江面直搗

聖皇匪方略卷二百十

三

金陵爲主設該逆旁竄他縣陸軍竟難兼顧相應請

旨飭下諸路帶兵大臣及各省督撫擇要堵禦豫防流

賊之患其不臨江之府縣或爲該逆盤踞官兵

所必爭之地臣等亦必迂道往攻斷不肯舍難

就易稍誤事機奏入

上命軍機大臣傳諭曾國藩塔齊布和春福濟曰此次

燒燬賊船至四千餘號之多田鎮蘄州之賊潰敗奔竄皆由該侍郎提督等籌畫盡心和衷共濟卽楊載福彭玉麟羅澤南等亦能人人用命制勝出奇朕心實深廕念水師前隊早抵九江該郡城外已無賊船大隊舟師自可順流下擣惟北岸之賊竄往廣濟黃梅一帶祇係聞敗潰逃並未大受懲創北岸一軍係桂明統帶何以屢次奏報並未見其帶兵助剿卽扼

聖學聖方略卷一百十

三

堵蘄州之軍亦並無該提督在內究竟逗留何處殊不可解魁玉楊昌泗等遇賊卽挫猶是從前孱弱積習如此軍威大振尙不能鼓舞奮興尤爲可恨今塔齊布已率羅澤南等渡江而北自係先其所急爲節節打通之計但廣濟黃梅直接皖境皖省西南一帶如潛山太湖等處皆爲賊踞一聞楚軍進剿勢必悉力抗拒若北岸一軍再有遷延必至塔齊布等後路

無援殊爲可慮著會國藩等卽行嚴飭桂明等迅速進剿一面飛咨楊需督兵繼進不得稍形觀望袁甲三前奏已派參將劉玉豹舉人臧紆青帶領兵勇二千先趨潛太一路接應不知會否行抵該處如能剋期會合則塔齊布前路亦有接應可以沿江攻擊直抵安慶與水師會合自成破竹之勢會國藩大隊師船如能於日內駛過九江則江面賊船已無回竄江

聖學聖方略卷一百十

三

西之慮該省派防湖口之礮船一百五十隻爲數不少亦可令其出境隨征以爲後路聲援東西梁山爲金陵第一門戶賊船之多賊壘之固尙不下於田鎮紅單艇船上駛者止三十九隻儻未能突過梁山徑扼蕪湖必須厚集師船方能上下夾擊會國藩等務當加意慎重妥協辦理廬州逆匪日久負嵎和春等不能迅速克復以致桐舒一帶兵力不能兼顧若楚

軍得勝之後餘逆紛紛內竄則旁通顯毫上接淮徐處處皆形喫重曾國藩等水陸各軍本爲肅清江面直搗金陵豈能尾賊北追至成隔絕著和春福濟卽行分撥兵勇於沿江一帶接應塔齊布之兵仍知會袁甲三嚴扼臨淮南北要隘其六安正陽等處前已有旨飭調河南南路防兵出境堵剿著卽飛咨英桂妥速調撥萬不准任令賊蹤踵至秦定三初到舒城

欽定剿平粵匪方略卷二百十

三

尙形奮勇近來又復疲玩著和春等督飭該提督迅將該城克復則此路官兵接應楚軍尤爲近便若處處爲賊牽掣徒以兵力難分爲解致逆匪被偏北竄和春等不能當此重咎也

上又命軍機大臣傳諭托明阿向榮陳金綬雷以誠曰楚境逆賊白半壁山大加誅戮之後田鎮蘄州又不戰而潰紛竄下游到處衝突勢所必至雖已飭令和

春福濟等分兵接應楚師嚴防北竄要隘但據袁甲三前奏廬州舒巢之賊復陷廬江四城犄角我軍有應接不暇之勢計曾國藩等水陸兩軍可以沿江直下節節疏通而腹內各郡縣自難兼顧潛太一路固可由六安繞赴淮河其全椒滁州等處皆偏近江岸所有賊魚嘴駐馬河石蹟橋及烏江一帶數十里賊營聯絡直接東西梁山賊船停泊不可數計若非水

欽定剿平粵匪方略卷二百十

三

陸官軍往上迎擊截其分支四竄之路卽江面肅清其占踞陸地之賊與上游潰匪乘間奔突下而蕪湖太平各口岸固屬可虞上則踰淮而北其蔓延爲患更不可問著托明阿向榮等和衷定計通籌全局一面趕緊攻克瓜州剿除金山北固賊巢一面督飭師船迅速上駛與曾國藩水軍會合由梁山蕪湖荻港以達安慶扼住南岸各要口仍嚴飭武慶等力守浦

口不得更令游匪登岸竄入並令與恩錫張光第聯
為一氣將全滁和含境內賊匪併力攻剿該處兵力
不敷應如何派撥協剿之處著托明阿等妥商調往
能令廬州東境剿洗一空即可與臨淮袁甲三之軍
會合聲勢聯貫逆匪自不敢復萌北窺之志南省轉
機在此一舉該大臣等雖各領各軍分駐南北江岸
實則共辦一事朕日盼成功以酬勞動若坐待楚軍

聖學聖方略卷一百十

三

之至或令該逆等紛紛竄逸釀成流賊之患責有攸
歸該大臣等尙有何顏對朕耶

上諭內閣曰曾國藩塔齊布自岳州統師東下以來沿
江攻克城池殲除醜類所向克捷皆由同心戮力調
度有方節次披覽奏章朕心實深欣慰在事文武員
弁兵勇亦能人人用命奮不顧身尤堪嘉獎大軍現
已追至九江沿途焚擊賊眾甚多該郡城外已無賊

船卽著該侍郎等乘勝追剿直達皖江與下游金陵
大營會合夾擊以期肅清江面淨掃妖氛用副委任
湖南常德協副將楊載福窮追賊船勤勤最著加恩
著賞加總兵銜同知彭玉麟有謀有識著記名以知
府用並賞給詳勇巴圖魯名號浙江甯紹台道羅澤
南著賞加按察使銜遊擊普承堯著賞換花翎守備
劉培元著以都司升用並賞換花翎千總秦國祿著

聖學聖方略卷一百十

三

以都司卽補並賞戴藍翎孫昌國著以守備用外委
洪定陞著賞加守備銜以千總卽補並賞戴藍翎其
餘出力員弁兵勇著卽據實保奏候朕施恩

欽定剿平粵匪方略卷一百十一 甲寅年

十一月初一日 丙寅 安徽學政沈祖懋奏言賊竄

甯郡徽防緊要前經護杭嘉湖道徐榮督飭徽
勇實力堵禦徽郡獲安昨接浙撫來咨令該員
回杭清理籌防局務囑 臣派員接替督防 臣查
賊匪蓄意取道徽甯進攻江浙徽甯為江浙門
戶而池郡之東流建德青陽石埭等處又為八

欽定剿平粵匪方略卷一百十一

一



徽甯之門戶石埭與徽郡太平毗連歙黟均屬

接壤時有偽官潛往脅民蓄髮經 臣選派徽紳
前往勸導居民始薙髮反正惟民志甫定懼賊
復來經 臣咨請浙撫先後派兵赴石防守八月
十九及二十八等日賊匪由大通河復竄青陽
來攻石邑琉璃嶺等處經遊擊周天受督兵剿
殺疊獲勝仗而貴池銅陵青陽東流等處濱江

無險賊匪時來侵擾現聞金陵賊勢窮蹙兩湖
之匪又多下竄廬郡疊次獲勝餘賊多向南岸

逃竄池郡緊對安慶匪船往來自如今建德復
被賊陷石埭亦復震動餘匪俱歸池郡徽甯各
隘雖有兵勇恐難遏其兇鋒現當防堵喫緊徐
榮若一撤回萬一委託非人徽郡或有疏虞咎
將誰諉現在川浙閩兵及本地練勇雲集於此

欽定剿平粵匪方略卷一百十一

二



應請

旨飭下江浙督撫另委提鎮大員前來督理俟江面得
有舟師即可相機收復池郡奏入

上命軍機大臣傳諭黃宗漢何桂清曰徽甯為江浙門
戶池州所屬青陽石埭東流建德貴池等縣皆與徽
郡西境接連該處情形緊要必得統率有人事權方
有專屬著黃宗漢何桂清仍留徐榮辦理徽郡防堵

事務毋庸更易生手現在曾國藩等水軍已收復蘄州追至九江即可直達安慶托明阿等亦分兵協剿該逆奔竄無路恐其由徽甯窺伺江浙必須嚴密設防未可稍存大意黃宗漢不得因擢任川督置身事外何桂清雖甫經到浙亦當悉心籌畫以副委任

初一日丁卯向榮奏言前次逆股竄擾秣陵關業被官兵勦洗查秣陵在江甯城南實為第一要

聖皇聖略卷一百一

三

衝現調兵勇分屯要口共計一千五百餘名旋聞蕪湖賊有侵犯東壩之謠已分股闖入清水河黃池一帶該處接壤高淳關繫蘇杭門戶當檄鄧紹良馳赴高淳攔剿該逆因知有兵來接全股遁回蕪湖城中逆匪自十月十二至二十二等日時出竄擾均經兵勇擊退副將張國樑蔡應龍等復於上方橋等處疊次攻剿斃賊多

名其板橋賊匪經蔡應龍帶兵往襲環濠攻撲兩面合圍槍礮排轟擊斃守牆之賊無數因濠寬水深未能破入分隊撤回水路師船攻破九洲洲賊營後仍在浦口守風查洲地南岸尚有該逆船礮護守橫江橋練阻我上攻已嚴飭吳全美葉常春乘勝設法會同李德麟等迅圖斷賊橋練扼守上游俟湖北師船一到併力夾攻

聖皇聖略卷一百一

四

至金陵下游南岸烏龍山周家山緊對北岸官兵防守地方兩邊皆有沙灘可以安設鐵練阻截賊鋒賊船現飭署六合縣溫紹原就該處造具鐵練相度形勢攔隔江面繫住浮船幫以大筏纜兩道並用大木紮成三角尖式排釘狼牙分擊纜練以鐵錘墜沈水際可以鉤絆賊鋒不能順流衝下仍豫辦柴船數十隻以作火攻並

派划船駐泊扼守該處距觀音門江口不遠僅有守備彭常宣艇船六隻堵勦恐不得力現已咨商托明阿飭將總兵陳世忠所領師艇八隻由段要口移上觀音門會同勦堵以斷竄往瓜鎮之路至鎮江賊勢較蹙經余萬清乘勝進攻連得勝仗前撥去丹陽防兵五百名已移近鎮江聯絡紮堵復密飭幹員前往鎮營與余萬清

商度克復機宜儻有可圖卽再抽精兵往助奏入

上命軍機大臣傳諭托明阿向榮曰前因逆匪敗竄廣濟黃梅當諭令托明阿向榮等撥兵向上迎擊截其分竄之路並嚴飭師船迅速上駛乃本日向榮奏師船尙在浦口守風逆賊橫江橋練尙未攻斷同一鐵鎖攔江伎倆何以該逆用之田鎮曾國藩等一戰破

之用之九洲洲托明阿等屢攻不破殊不可解現在烏江一帶賊壘經袁甲三等進勦平毀無餘惟因水路無兵接應以致敗賊揚帆逃逸若吳全美葉常春能於攻破洲地後卽駛赴上游自可水陸夾擊不但爲楚師接應並可斷絕賊援乃任意遷延水陸隔絕殊爲可恨著托明阿向榮嚴飭該總兵等剋日將各船悉赴上游沿江勦洗直抵蕪湖毋許推諉至曾國

藩等斬斷田鎮賊練係分船四隊以一隊專管毀斷鐵鎖以一隊圍攻其護鎖之船使之不能相救船上之鐵碼椎斷其承鎖小船卽時抽出江路一開四隊戰船皆可分投焚勦下游江面較寬施展更易爲力師船之外尙有多槳快船豈不能酌量分隊倣照辦理總由水師將弁不思設法以致賊練未能卽破而我師復自爲鎖纜攔截上游似此相持將使紅單各

船終無上駛之期徒以湖北師船一到合力夾攻爲詞豈湖北一軍之外各營皆應坐視旁觀耶著托明阿向榮等於接奉此旨後即將攔江賊練迅速攻破不准再有遲延並將籌辦情形速行具奏如水師員弁有意玩延卽著嚴行參奏其和含等處應如何分撥兵勇與袁甲三合力攻剿之處亦著托明阿等妥速籌辦但能洗淨一處卽少一北竄之路並非專顧

聖皇方略卷一百一

七

瓜州金陵遂爲該大臣等職分已盡也

同日楊需奏言十月十四日南岸水師大獲勝仗陸路之賊上下逃竄上竄者羣集蘄州魁玉楊昌泗駐紮蘄州之三道橋地方爲賊掩襲兵勇潰散賊遂乘勝上竄幸黃州府許廣藻等督派練勇在白池翁一帶地方竭力堵遏殺賊數百人賊始退竄同知銜李光榮亦敗退至濫泥

灘孛獲賊匪哨船獲賊九名卽派敢死士假賊衣巾乘賊哨船攜帶火具乘夜駛赴蘄州至賊壘木城邊拋擲火罐縱火焚燒諸勇散伏附近地方見火起奔赴城內賊匪不知虛實不敢出戰未及天明均赴廣濟一路逃竄官兵追殺十餘里收復蘄州魁玉楊昌泗收集兵勇自後追剿臣得報後飛飭許廣藻等控扼要隘防其北

聖皇方略卷一百一

八

竄十六日接曾國藩函商塔齊布羅澤南自田鎮渡江兜剿而上與北軍三面夾擊復飛飭副將王國才調撥各路兵勇剋期會剿並添派四川練丁一千名馳往協助臣俟藩司到省卽日起程赴蘄黃之間督辦魁玉楊昌泗身爲統領不能豫爲防範致被賊匪掩襲實屬疏懈無能應請

旨摘去頂戴以示懲儆奏入

上諭內閣曰副都統魁玉總兵楊昌泗督帶兵勇駐紮
蘄州之三道橋地方於敗匪潰竄之時不能奮力扼
截致官兵有驚散情事雖經事後收集跟蹤追勦究
屬約束不嚴疏於防範魁玉楊昌泗均著摘去頂戴
以示薄懲儆再不知愧奮卽著嚴叅懲辦

同日和春福濟袁甲三奏言前因和含被賊竄

聖皇聖方略卷百十一

九

擾經臣等派署臬司恩錫駐紮全椒之官渡鳳
穎道張光第駐紮滁州之烏衣鎮扼要守禦該
逆於烏江迤西十餘里之駐馬河緊靠江沿紮
大營三座踞水設險勢成犄角並於烏江一帶
節節設卡意圖堅踞該司道等於本月十七日
會軍於烏江之石橋派定協領托雲布等分路
前進左右設伏通判李翰華往約鄉團助戰十

八日出隊時西北風大作行距烏江二里許該

逆一見我兵卽棄卡逃走兵勇追至烏江鎮生
擒紅巾賊十餘名正法並將鎮後小賊巢轟燬
由項王廟取道前進該逆亦分路迎拒槍礮並
發我軍擊無不中各營均斃賊數十人或百餘
人不等並擊斃黃風帽賊目一名逆勢不支我
兵直撲逆賊中營復分撲東西兩賊營該逆彼

聖皇聖方略卷百十一

十

此不能相顧我軍合力縱擊並將火毬火箭齊
向該營拋擲風助火勢立將賊營三座同時焚
燬營內之賊紛紛越牆向江邊奪舟爭渡經我
軍追斬及落水淹斃者不計其數適候補通判
李翰華等各帶團練踵至會合兵勇排列江干
齊放連環槍礮並拋擲火罐火毬火箭燒燬賊
船六隻用大礮擊沈賊船三隻其被燒情急者

俱投江身死餘悉揚帆駛往對岸而逸其附近之石磧橋賊營亦於大風中自行焚燬沿途百餘里內居民歡呼同時薙髮現在探聞九洲賊營雖已全數掃平而賊船往來停聚者仍復不少意為保護攔江鐵鎖豫備我軍衝突已飭該可道等仍回紮官渡烏衣杜賊乘虛紛竄並確探和含等處賊蹤如有可乘卽督軍馳往收

勦平賊方略卷一百一

十一



復務期北岸沿江悉就肅清以斷賊金陵廬巢之應援然後逆捲而上與西南路聲息相通相機兜勦應請

旨飭下向榮托明阿嚴飭文武將弁趕緊設法將賊練

拆毀迅催水師船剋期上駛俾得水陸會擊庶可早殄妖氛

袁甲三又奏言查逆賊所爭者江路是以上游

田家鎮下游九洲均有鐵鎖攔江為併力堵截水師之計尚未暇旁及陸路惟上下游關隘一破江面斷絕則各城之賊勢必鋌而走險卽廬舒各城同時克復亦斷不能以盈千累萬之賊盡殲於各城之中一經潰散其所向難以意料况皖省重兵除臨淮設有大營餘皆屯守廬舒各城下正陽六安地方距廬州不及二百里

勦平賊方略卷一百二

十二



距臨淮四百餘里且與河南之光固湖北之蘄黃六牙相錯均係土匪出沒之區周圍數百里並無重兵鎮壓儻逆匪狡焉思逞希圖分我兵力無論何處突出數百人徑往竄擾沿途裹脅不過數日又成大股邇時臨淮相距較遠赴救需時而廬舒城下之兵不惟不敢分亦且不能分蒼黃失措何以禦之若豫省早派明幹大員

督帶重兵駐紮不惟有備無患且聲勢既壯即可消其奸謀臣現接會國藩蘄州來信備述陸兵尙形單薄查蘄州逼近潛山太湖現聞該逆往來無常臣等所派兵勇現由靈山赴潛太一路相機攻取並可爲蘄州聲援軍機尙屬湊合惟北路空虛現雖奉

旨飭令河南分兵進駐皖境恐不能剋期而來應請

欽定剿平粵匪方略卷一百一十一

十三

飭催英桂迅速籌撥趕緊趨行庶聲援一壯賊膽自寒

或可消患未萌辦理得手

同日英桂奏言查豫省歸陳光三府州所屬皆與皖省接壤水陸可通勢難處處設防惟在扼要以資控制現在情形當以歸德爲最要陳郡次之至光屬之固始雖與六安毗連情形尙非喫重臣前以南陽鎮臣邱聯恩駐紮光州是六

安情形可無北竄之慮陳州水陸兩地皆須嚴密防範仰賴

皇上洞燭機先特派牛鑑駐紮聲勢頗壯至正陽一帶中隔潁州臣愚以爲潁州布置嚴密則逆蹤無虞竄越擬再將信陽三關留防兵勇撥赴陳郡統歸牛鑑調遣或近駐潁州或遠扼正陽容俟咨商妥辦並知照福濟袁甲三互相策應至日

欽定剿平粵匪方略卷一百一十一

十四

前最要之區莫如歸德與蒙亳緊相接壤臣故於信陽遣撤兵勇撥赴歸德獨多並請派候補道張維翰馳往幫同徐廣縉辦理防剿臣接徐廣縉來文以病體難支業將宋郡防剿事宜統交張維翰接辦臣查該道素能辦事且熟悉歸德情形已批飭統由該道會同各帶兵官相機督剿臣在省料理應辦事宜相距歸德不遠自

可隨時策應如果情形緊急仍即親往督辦並
擬察看北路軍情稍鬆即咨照河北鎮 臣崇安
前赴歸德統帶兵勇更資得力均奏入

上命軍機大臣傳諭和春福濟袁甲三日據英桂奏將
信陽三關防兵撥赴陳州歸牛鑑調遣信陽遣撤兵
勇撥赴歸德派道員張維翰接辦防剿袁甲三酌量
何處空虛亦可徑行檄飭牛鑑張維翰迅速派兵前

聖學聖方略卷一百一

五

進如該員等心存畛域有意逗留即著袁甲三據實
奏辦惟曾國藩等水陸各軍即日可抵皖境沿江賊
黨勢必紛竄腹地袁甲三雖駐紮臨淮所有北路各
州縣均須面面顧到亦不得泥守一隅以奏明北路
空虛遂不復設法籌及何處情形喫重即迅速督兵
前往萬不准有賊蹤踰淮而北和春福濟圍攻廬州
日久無功若能與托明阿等互相接應將東路賊匪

先行掃蕩則廬城賊勢益孤更屬易於得手並須時
時與袁甲三知會不得令勦餘潰匪潛謀北竄若頓
兵城下以為藏身之固不復兼籌大局國法具在朕
不能稍從寬宥也

上又命軍機大臣傳諭英桂曰曾國藩進攻九江指日
可抵安慶逆賊被勦緊急必由陸路紛竄皖省重兵
聚於廬舒凡正陽六安等處均屬空虛袁甲三雖駐

聖學聖方略卷一百一

六

臨淮兵力較單勢難兼顧河南現已撤防正可撥兵
前往以資截勦茲閱英桂奏報僅將信陽三關兵勇
撥赴陳郡其或進駐潁州或往扼正陽尙俟咨商妥
辦是豫省之兵現在全未出境著英桂即將撥赴陳
郡兵勇酌量調往正陽六安等處相機協勦至邱聯
恩駐紮光州牛鑑駐紮陳州與其遠為聲援何如帶
兵前進之較為得力並著英桂斟酌情形將該二處

防兵如何分派赴皖迅速籌辦該撫亦應出省防剿不得株守省城至歸德爲上年逆匪北竄之路地方極爲喫緊徐廣縉請假後張維翰是否可恃仍著英桂斟酌辦理毋稍貽誤

初六日 辛未

上命軍機大臣傳諭和春福濟曰前以上游楚師節節下逼恐竄匪突入皖境疊諭和春等迅速分兵接應

欽定剿平粵匪方略卷一百一十一

七

此時安廬舒桐等處賊匪仍聯絡一氣江面旣毫無攔截陸路亦處處空虛賊情狡黠異常萬一糾合上下游潰匪蹈隙而來又將何以爲計該提督等頓兵城下坐令狂寇稽誅不但南路關山一帶應防金陵分股踵至且西路鳳潁所屬皆與豫境毗連一經勾結蔓延則防剿更形棘手昨復諭令英桂將信陽撤防兵勇調赴安徽協勦著和春等就近知照袁甲三

酌量迎提妥爲布置以顧北路大局其烏江賊壘已毀平數處務卽乘勢將沿河賊匪趕緊殲除昭關清流關兩要隘亦宜豫籌兼顧和春等惟當竭力攻克廬州以次收復舒桐各縣斷不准株待會國藩等行抵安慶後再圖合攻一面仍撥兵四路接應臨淮一路責成袁甲三專司防剿該提督等亦不得以督辦有人遂置勿顧

欽定剿平粵匪方略卷一百一十一

十六

初七日 壬申 陳啟邁奏言 臣前派戰船出江會剿總兵趙如勝行抵南康府有星子縣生員鄂拱垣練勇三百餘名情願越境勦賊趙如勝等卽帶同前進抵湖口縣老鴉磯地方當將磯頭賊匪礮臺攻破遙見下游東岸之上下鐘山西岸之梅家洲大小賊營及礮臺四十餘座湖面排列賊船三百餘隻趙如勝等派候選通判程迪

昌等帶勇由陸路進攻東岸上鐘山賊營自督戰船直攻水寨賊船礮密如雨趙如勝等率各戰船衝入賊陣乘風縱火先後擊沈及燒燬賊船一百餘隻斃匪千餘名餘船遠竄我兵追擊十餘里又轟沈多隻隨乘勢攻勦西岸梅家洲賊營將靠岸礮臺營壘悉行攻破擊斃賊匪一百餘人時程迪昌等圍攻上鐘山各員弁奮身

聖朝方略卷一百一

五

槍上山梁殺賊四十餘人將賊巢燒燬並將湖邊賊寨十數座概行踏平遂進攻下鐘山賊營該處山勢陡峻各勇仰攻未能得手是役共計殺賊一千二百餘名奪獲旗幟槍礮刀矛等二百餘件其武甯縣石橋黃化一帶餘匪竄聚勢漸鴟張經臬司輝光宸派已革守備吳錫光等馳往石橋勦捕陣斬黃馬褂賊目二人踏毀賊

營五座斃匪七百餘人墜崖跌斃者無數生擒八十餘名俱髮長尺餘及五六寸不等奪獲槍礮器械五百餘件黃化地方賊巢亦被各勇奮力圍攻殺賊四百餘人生擒賊目陳思號等六名餘匪四竄該處賊巢亦卽縱火焚燒惟梅家洲下鐘山賊衆尙負嶠固守現經臣添撥兵勇七百名馳赴協助以期迅速殲除再安徽建德

聖朝方略卷一百一

三

縣賊匪數千餘人竄入鄱邑洋塘地方擾及四十里街肆行焚掠離城僅三十餘里饒郡本無城垣兵勇又屬單薄亟應撥兵援勦現派署臣標中軍參將祥麟帶兵五百名兼程馳往並飛札趙如勝酌撥兵勇數百名就近馳往會勦奏入報

聞

初八日酉癸僧格林沁西凌阿奏言逆匪自被誘出巢受創後仍前死拒臣等嚴飭各營勿稍鬆勁十一月初一至初四等日該逆屢撲我軍營牆均被擊退傷亡不計其數兇猛之勢大遜於前但困獸猶鬪臣何敢稍涉大意現在一面設法進攻一面諄飭各營嚴密圍困以免疏虞惟節交冬至天氣嚴寒各營將士雖經臣設法勸

聖皇方略卷一百一

三

捐皮棉衣襖一萬六千餘領分給禦寒仍不能一律溫煖每睹單寒艱苦情形不勝焦急奏入

上命軍機大臣傳諭僧格林沁西凌阿曰賊匪自上次誘出以後該大臣等並未實力進攻卽初一等日三次撲營均經擊退亦不過小有斬獲豈得謂兇猛之氣大遜於前該逆連日沿濠窺伺意圖出竄乃稱防守甚嚴不敢很撲似此遷延時日稍有鬆懈必至竄

突他處現在天氣嚴寒各將士冒冷執戈朕每一動念輒爲心惻該大臣僅以圍困爲得計試問守而不攻豈能殲茲醜類况軍營衣領等項向恃捐輸若不趕緊攻勦勸捐斷難爲繼連鎮並無城郭何至抗拒數月未能破其巢穴該大臣旣知士卒艱苦情形卽當激勵軍心迅圖攻取若必待逆賊出巢始行轟擊豈堅匿不出卽束手無策耶隆冬歲暮風雪在所不

聖皇方略卷一百一

三

免此次旣乘風奔撲則其狡譎伎倆必更伺我之隙肆其詭謀與其設計圍困不如迅速進攻該大臣等務當及早藏事以慰朕懷不得自謂調度無能致令該逆久稽顯戮也

同日勝保奏言臣前奏調兵二千名現已陸續來營查看直隸兵丁較爲強壯然未經戰陣必須訓練而後可用現分派守禦濠牆將臣原帶

兵勇抽出以作攻撲之用賊於前月二十五日夜分南北兩路猛撲礮營拉開柵欄連拋火彈將營內帳房席柵燃燒五架經我兵勇奮力死拒賊大受創二十七八等日夜間賊復出撲濠牆均被我兵擊回現在賊情窮蹙日甚萬難久持而拌死愈力臣思賊城柵密濠深我兵豎梯而攻徒傷兵勇無濟於事惟有暗窰地道安用

聖朝方略卷二十一

三

三

地雷一法最為得力此時合圍愈緊賊勢日蹙兵氣日盛如果轟開城垣斷不至如前次之未能攻入惟賊晝夜死守濠溝非我兵出其不意不能徑抵城下臣已將大營挪近以便隨時相機進攻現復於西南東南東北正北就營盤內暗窰地道四處約計旬餘可窰至城根賊之全力俱在東北四路動手諒賊萬不及防臣等惟

有設法力籌進攻機宜早圖殄滅萬不敢稍有遷延奏入

上命軍機大臣傳諭勝保曰此次賊匪乘夜撲營拉開樹柵拋擲火彈雖經官兵擊斃甚多而礮營帳房業已被燒並於二十七八等日屢次出撲可見該逆思竄甚亟勝保等籌窰地道於城根安用地雷冀得轟開城垣著卽迅速妥辦惟賊情既已窮蹙斷不肯束手待斃該大臣等一面籌窰地道一面仍當併力進攻勿徒恃有地雷轟擊復蹈從前呂公車等覆轍勞費無效徒延時日現在官兵業已到齊無可停待天氣返寒士卒疲憊勝保以數月之久攻此區區之城而不下從前勇敢之氣日就銷磨殊不可解著卽迅圖克復出其不意四路合勦毋再遷延自干重罪

聖朝方略卷二十一

三

三

同日托明阿陳金綬雷以誠奏言逆匪自土橋

潰敗後遁入瓜州潛至土橋迤東之雙橋地方
肆行焚劫臣托明阿率領慧成等由西岸進攻
德興阿分馬隊爲兩翼設伏於吳家樓派都司
王永等抄賊後路令遊擊馬永東等迎頭兜剿
行至雙橋探知賊匿民房馬永東等放火燃燒
殲賊十餘名突有大股賊匪蠡擁而來官兵連
環轟擊斃賊甚多王永等已繞出賊後賊陣遂

亂德興阿馬隊左右抄襲逆勢不支遁回瓜州
又經參將安勇等截斃多名餘悉奔入土城官
兵連日進攻勦殺甚衆臣陳金綬雷以誠督同
穆克登額等由東岸進攻分路截勦殲賊三百
餘名奪獲器械多件練勇張大福等生擒執旗
賊目訊係傷害瞿騰龍之賊諸軍無不悲憤卽
爲瞿騰龍設位梟賊以祭臣等查東西兩岸兵

勇遇賊接仗無不奮力爭先軍心實爲踴躍惟
賊瀕江踞險又有鎮江賊黨時時過江相助非
杜絕外援實難破其巢穴非肅清江面尤難斷
其外援屢荷

聖主指示力奪金山誠制賊死命萬不可緩之舉臣等
現在熟商密約百計環攻並督水師將現議攔
截賊鋒之方星夜趕辦齊全所有先踞金山船

魚口之賊鋒賊船迅速勦淨奪取金山使南北
逆勢俱孤庶可一鼓齊下

托明阿陳金綬雷以誠又奏言現據李德麟稟
報觀音門有賊鋒賊船數十隻自金陵下關駛
出口門經守備彭常宣等擊沈二隻賊始遁去
又有賊鋒並礮船二十餘隻從口門繞岸而行
潛圖下駛彭常宣會同各艇直前奮擊焚燬鋒

船木城數處沈其礮船數隻該逆竄回口門各艇乘勢緊追立將船梢黃衣賊目擊落水中餘賊轟斃落水不計其數口門兩岸草中伏賊亦經官兵轟斃甚多其後幫賊匪從燕子磯衝來我師奮力擊沈多隻彭常宣手開大礮將穿繡籠黃衣之賊擊翻落水賊始潰亂各艇火器齊發復燒賊船六隻賊入口門自將後幫逆

聖皇聖方略卷一百一

三

船衝翻數隻水師奪船二隻斃賊無數查觀音門爲賊下駛必經之路該逆連次衝突必當力遏其鋒臣托明阿已飛派總兵陳世忠由段要口移紮觀音門合力堵剿

托明阿陳金綬雷以誠又奏言又副將李德麟等與陸師會攻九洲洲賊營見賊船數十隻紛赴北岸該副將等卽飛檣追截擊沈賊船數隻

奪獲二隻餘賊竄回南岸我師跟剿專攻南岸七里洲賊營派衛千總任銓等由後路抄襲該副將等親督大船攻賊前路槍礮環施擊倒執旗賊目及紅衣賊匪多名任銓等由後路登岸直撲賊營拋擲火器登時火發守營之賊不戰自亂我師乘勢夾剿殺賊一百數十名擠溺江中者不計其數賊營二座全行燒燬共獲大礮

聖皇聖方略卷一百一

三

四位槍刀旗幟三十餘件卽派任銓等赴九洲洲協剿正值賊營火起陸師已經得手該逆復聞水師礮聲四散奔逃陸師勦殺大半餘賊淹斃甚多其奔上船者盡被水師殲斬無遺維時南岸賊船數十隻揚帆來救該副將等開放大礮轟沈賊船三隻擊斃淹溺之賊無數奪獲划船三隻並旗幟器械號衣多件餘船奔回南岸

兩洲一律肅清惟浦口江面攔江鐵練尙未斬
除南岸賊船停泊尙多不特江路梗塞水師不
能迅赴上游更恐該逆復占兩洲我師又形棘
手臣等咨行向榮令吳全美葉常春蔡應龍等
趕緊會剿又聞金陵尙有賊箠欲陸續下駛經
署六合縣溫紹原等於觀音門下口安設攔江
鐵練筏纜破賊木箠至儀徵土橋江面前據總

欽定剿平粵匪方略卷一百一

三

兵陳國泰獻以箠破箠之法嗣因江面遼闊木
料難購亦擬改用鐵練現在催令趕緊布置遏
賊箠下駛之路一面催令陳國泰會商孫雲鴻
周士法等速剿金山賊箠奪回金山以期節節
進剿

同日楊需奏言據曾國藩咨塔齊布羅澤南並
渡江赴北岸追剿南岸空虛卽飭臬司胡林翼

馳赴興國會同都司石清吉扼守富池口半壁
山一帶防堵藩司夏廷樾業經到省臣卽留派
都司施鴻恩等扼要分紮防守省城臣督帶兵
勇四千餘名馳赴荆黃之間相機策應現在賊
匪竄踞黃梅連及廣濟地方塔齊布羅澤南由
田鎮進剿水師彭玉麟等追賊至九江賊匪聞
風下竄復有賊匪自下游上駛竄踞九江城中

欽定剿平粵匪方略卷一百一

三

又另股賊匪自安徽太湖等處擾及黃梅意將
上竄傳聞江甯鎮江賊匪日見窮蹙向榮等必
當乘勢力攻該逆非犯江西卽聚安徽吳楚之
間甚爲喫緊查黃梅縣爲江西安徽三省連界
與宿松太湖接壤賊恃其巢穴之近屯聚黃梅
臣已飛咨安徽撫臣檄飭六安英山霍山等州
縣分攻宿松太湖之賊兩面夾擊則楚皖之路

可通亦以翦安慶廬州之羽翼於勦賊大局頗
有關繫均奏入報

聞

聖皇匪方略卷一百一十一

三

欽定勦平粵匪方略卷一百一十二 甲寅年

十一月初九日 戊甲向榮奏言已革江南提督鄧
紹良前因鎮江失守營盤奉

旨革職留營效力交 臣擬罪查該革員自撤回金陵隨

同帶兵攻勦每逢接仗無不身先士卒本年秋

間馳援東壩轉戰太平攻奪采石賊壘連戰皆

捷逆匪屢次圍攻營盤該革員靜鎮堅守出奇

聖皇匪方略卷一百一十三

一

奮擊該逆創敗數次太平江口內各屬地方亦
皆賴其保障查該革員素稱勇敢從前屢立戰
功此次獲咎以來實能愧奮出力可否仰懇

天恩免其議罪仍責令帶兵勦賊以觀後效奏入

上從之

同日王慶雲奏言 臣欽奉

諭旨已革湖北巡撫崇綸當武昌失守逃往荊州偷生

聞

避難實屬昧良負恩著王慶雲派員押解來京交刑部候旨訊辦欽此 臣遵卽派員押解起程赴部旋據咸甯縣詳稱該革員於十月二十四日在省寓病故經 臣飭委道府各員往驗屬實奏入報

初十日 乙亥 西安將軍兼署固原提督扎拉芬陝西巡撫王慶雲奏言湖北現在一律平靜應將

聖聖匪方略卷一百三

二

商南防兵裁撤歸伍惟賊氛雖遠防範不得不

嚴查該縣團勇守卡盤查尙爲得力擬將防守潼關之西安滿營馬隊二百餘員名酌留二十餘名以備差遣其餘同壯丁七十六名減撤歸伍設有徵調相距非遙又甯夏滿營官兵九十六員名留防日久亦擬撤退其綠營官兵一千一百餘員名仍駐潼關由 臣扎拉芬督令操練

聞

俟連鎮高唐各處賊氛蕩平續行奏撤至商南防兵裁撤各鄉民團聲勢甚爲聯絡 臣現飭道員陳景亮仍將卡勇留防巡詰並令親赴各鄉查閱民團妥爲獎勵以期日久奉行其承辦團卡各官紳如能始終不懈容 臣酌量奏請

恩施再附近潼關之同州府屬沿河一帶漢回雜處素有鬪爭現經官紳會議就民團中挑募練勇擇

聖聖匪方略卷一百三

三

地分駐以期消患未萌奏入報

同日和春福濟奏言廬州逆匪疊被懲創勢已窮蹙而憑城堅守屢攻未下實因得勝門外吳家巷七里站等處賊營堅築高壘屯聚甚衆外濠三道一律寬深防備極嚴得以往來接應必須趕緊圍剿杜絕來路方可得手十月二十至

二十八等日臣等親督官兵疊次設法進攻先後殲斃賊匪一千餘名該匪竭力拒守我兵連日復進攻大西門得勝門及七里站賊營百端引誘賊不出巢臣等復親督各軍潛伏而進計圖暗襲設法搭橋過河或將抵城下或甫置雲梯均為賊所覺滾木插石火罐火箭擲如雨下兵勇連傷數人未能登城攻取奏入

聖皇聖略卷二十三

四

上諭曰雖先後斃賊千餘名實未大挫兇鋒似此曠日持久為蕞爾廬城牽掣大兵太覺不成事體汝等屢次奏報毫無把握負恩糜餉罪責奚辭著仍剋日攻復城池盡殲醜類勿再敷衍入奏也

和春福濟又奏言據探博勒霍布等於十月十九日行抵太湖二十六日楚省敗竄之賊紛紛逃至愈來愈多該員等與賊接仗未能擊退情

形甚為危急已革知府牛鎮已帶勇馳往等語當因劉玉豹臧紆青早抵舒六業經飛飭帶領兵勇赴援現在塔齊布等督兵來皖聲威極壯兩面夾擊不獨潛太可次第克復即牛鎮等兵勇亦可會合直抵安慶惟六安正陽為北路門戶誠恐該逆被勒緊急鋌而走險臣等先經咨會秦定三留心防範昨又調舒城隨營委員候

聖皇聖略卷二十三

五

選知縣尹寶銓秦榮二員來廬面諭迅復城垣兼顧北路臣等惟有扼守要隘加意嚴防斷不使逆匪乘閒北竄致干咎戾並飛咨袁甲三就近防堵正陽關並咨催河南防兵出境一體堵禦奏入報

聞

福濟又奏言查壽州紳士員外郎孫家泰於九

月間率眾八十餘人到州城內居宿門首貼
欽差字條託言袁甲三委派訪辦事件在屋內私設
公座用刑拷問陳大倫孫福田利吳照橫四人
先後斬梟又擅用大枷私行管押人犯並貼木
印告示前列

欽命幫辦團練防勦字樣經 臣 咨詢袁甲三曾否委
令孫家泰查辦團練及管帶兵勇茲接來函並

勦平匪方略卷一百二十二

六

無其事查孫家泰爲前侍郎呂賢基隨員家居
兩年並無經理團練徒然殘害鄉閭茲又假託
防勦越境肆擾擅殺人命私用官刑實屬目無
法紀相應請

旨卽予革職從嚴懲辦奏入得

旨孫家泰著卽革職交福濟嚴行審訊按律懲辦

上諭內閣曰各省紳士辦理團練原爲其熟悉情形禦

賊保家可助官兵之不逮自軍興以來各省舉行團
練紳士中實能秉公盡力捍衛閭閻者不乏其人乃
本日據福濟奏安徽在籍員外郎孫家泰假託團練
擅殺四命殊堪詫異業將孫家泰革職嚴訊因思各
省紳士團練原屬幫同地方官辦理卽或職分較大
總歸督撫統率如有惡棍土豪擾害地方仍應控官
究辦何得擅自用刑罔顧法紀嗣後各省團練官紳

勦平匪方略卷一百二十二

七

務各懷遵疊降諭旨於一切勸捐練勇事宜均會同
地方官和衷籌辦儻該地方州縣各存意見致相掣
肘著該督撫嚴行叅奏若該官紳等藉團練爲名營
私擾累並著隨時稽查一併叅辦

十五日 庚辰 楊需奏言賊目僞丞相羅大綱僞指

揮陳姓率安慶賊匪數萬竄入黃梅分踞廣濟
知南岸官兵已下攻九江意欲乘北岸空虛上

竄斬黃窺伺武漢塔齊布自南岸率領陸軍渡江會勦魁玉楊昌泗由清水河西路進攻殺賊二百餘名追至崇陽橋地方隨勦隨進抵廣濟縣紮營塔齊布與羅澤南等由菩提壩南路進攻賊匪分路來撲我軍奮力衝殺賊勢潰散我軍乘勢縱擊陣斬黃衣賊目一名先後擒斬一千餘名收復廣濟縣城餘賊竄往黃梅復又屯

聖皇聖略卷一百二十二

八

聚距廣濟七十里之大河鋪官兵拔營前進行抵雙城驛賊匪二三萬人分三大股來犯塔齊布督同周鳳山羅澤南等分中左右三路迎擊痛加勦洗賊衆披靡魁玉楊昌泗後隊繼至乘勝追逐與塔齊布大軍縱火焚燒賊營四座殺賊三千餘名生擒九十餘名奪獲器械旗幟多件兵勇進逼城下復斬獲千餘名生擒一百餘

名當將黃梅縣城克復餘匪散竄楚北境地一律肅清其分竄九江安慶賊匪經李孟羣彭玉麟等約會江西陸軍水陸並攻李孟羣親督戰船直趨九江城下見城外賊築礮臺三座江面有快蟹船六隻雜船七八隻對岸築礮臺二座江心大沙洲紮營一座極爲堅厚又大木簞一座周圍築牆開孔安礮甚多簞下大戰船一隻

聖皇聖略卷一百二十二

九

又快蟹等船三隻雜船百餘隻依泊洲後攔截江路李孟羣督兵衝過賊營進攻沙洲直趨上游焚燒賊船數隻殺賊數十人當將城外大小賊船一併燒盡轟斃礮臺內賊匪無數復溯流回攻北岸沙洲轟斃陸賊數十人揮砍船上紅衣賊目落水又燒船數十隻將快蟹各船槳柁斫斷轟斃黃衣賊首各船奮勇前進環攻簞下

大船擊斃賊匪多名力戰四時始行收隊惟聞江西陸兵在十塘鋪等處接仗尙未得手臣行抵黃州計塔齊布必由黃梅出小池口與曾國藩會合擬令頭隊由黃梅進攻宿松太湖協攻安慶臣親督後隊駐廣濟黃梅之間以爲聲援並派兵勇分駐蘄州田鎮以通南岸聲勢惟江西水陸各軍既未得手賊踞九江而竄擾瑞昌

聖皇匪方略卷一百二十二

十

南岸興國一帶情形喫重曾國藩現駐武穴臣擬前往面商機宜妥籌辦理奏入

命軍機大臣傳諭楊需曾國藩塔齊布曰據楊需奏進攻九江情形似該郡賊黨尙復不少塔齊布渡江而北南岸官軍卽不能得手是江西陸兵殊不足恃塔齊布仍須渡回南岸攻克九江方能水陸會齊順流東下若塔齊布一軍由宿松太湖徑抵安慶而南

岸兵力較弱則九江不能卽克水軍爲所阻截未免聲勢隔絕此時曾國藩當已與楊需會晤籌商著卽南北兼籌勿致顧此失彼楊需摺內有逆蹤竄擾瑞昌之語未據詳晰聲敘如果係大股分竄則該逆仍欲上窺湖北興國大冶一帶尙未可恃以無虞楊需既駐黃梅廣濟之間與瑞昌僅隔一江自應酌量分兵會剿先通水師之路然後能上保楚境下擣皖城

聖皇匪方略卷一百二十二

十一

北岸兵勇不下一萬六千人與其分駐田鎮蘄州遙作聲援何如合力進攻杜其繞竄儻南北兩岸專恃一塔齊布奔馳追剿則湖北江西兩省官兵豈不均成虛設耶江西派出督剿之臬司惲光宸前任總兵趙如勝距省稍遠亦可由曾國藩等就近調度俾有稟承不可稍存畛域貽誤事機

十六日辛巳英桂奏言查陳郡與潁州接壤潁州

又與正陽毗連茲准牛鑑函稱潁州為豫省門戶自應駐紮該處會同皖省協防至正陽關隘亦應分兵扼守等語查牛鑑所帶兵勇無多臣現添調管帶山西官兵之副將希拉布遊擊德興額都司沙春元分帶官兵七百餘名迅赴牛鑑行營交其調遣一面咨照牛鑑體察正陽情形酌派弁兵嚴為遏守並囑其隨時知照袁甲

聖朝方略卷一百十二

十二

三會同籌辦聯絡聲勢至六安情形雖未喫重但思患必先豫防現飭參將慶瑞遊擊王定堃帶陝甘兵四百餘名前往駐紮統交牛鑑調遣南陽鎮邱聯恩現帶兵勇一千餘名駐紮光州該處防勦須資兵力若以全師赴皖實覺分撥不遑臣前帶信陽兵勇俱已調撥出防現於省中另行抽兵募勇一俟齊備即親督出省前赴

陳州為牛鑑後路應援並可策應歸德奏入

上命軍機大臣傳諭英桂曰副將希拉布等帶兵赴牛鑑行營聽調加以前調赴陳兵勇八百餘名正陽一路足資控扼究須與袁甲三隨時知照聯絡聲勢邱聯恩兵勇既未能全數赴皖即當飭令將霍邱等處捻匪迅行勦滅不得以駐紮光州為名頓兵安閒之地致商固匪黨橫行釀為腹心之患六安現有添調

聖朝方略卷一百十二

十三

之陝甘官兵前往駐守亦須相機協勦該撫擬抽兵募勇出省為牛鑑後援惟歸德捻匪未除或應駐陳州或應赴歸德英桂當體察緩急親往督辦

十七日壬午曾國藩塔齊布奏言逆匪自田家鎮

經官軍痛勦後其偽檢點陳玉成統蘄州之賊竄踞廣濟偽燕王秦曰綱統田家鎮之賊竄踞黃梅及九江之小池口等處而偽冬官丞相羅

大綱又帶髮賊萬餘分布黃梅境內各要隘臣
塔齊布督同羅澤南等統帶陸軍分路進剿先
後殺賊一千二三百名當將廣濟縣城收復李
孟羣統帶水師各船進抵九江城外分攻南北
兩岸血戰四時之久燒燬賊船四十餘隻殲斃
賊匪五六百名搶獲黃旗黃傘紅衣槍礮子藥
不計其數千總蘇勝把總鄭沐軍功李金樑均

聖朝方略卷二百十二

十四

中礮陣亡伏查該逆水中屢次大敗皆因民船
太多被我燒燬頓失所恃此次民船甚少純用
大小戰船抵死抗拒又以兩岸及洲中營盤木
簞互相保護局勢爲之一變欲攻江中之船必
先破北岸之賊欲攻北岸之小池口必先破黃
梅大河鋪孔壟驛之賊臣塔齊布現擬督軍速
下黃梅與水師合攻九江郡城會同剿辦奏入

上諭內閣曰曾國藩塔齊布奏克復廣濟縣城並九江
水師獲勝已於楊需奏到時降旨矣所有此次力戰
捐軀之守備銜千總蘇勝把總鄭沐均著交部照守
備例議卹六品軍功李金樑著交部照外委例議卹
其水陸出力文武員弁兵勇著曾國藩等查明擇尤
保奏

聖朝方略卷二百十二

十五

一日在離黃梅十五里之大河鋪地方大獲勝
仗殺賊三千餘人踏破賊營五座現查黃梅縣
孔壟驛及江岸之小池口悍賊尙多日內當有
數次大戰臣等陸軍單薄惟當步步謹慎謀定
後進不敢稍涉大意至固原提督臣桂明一軍
臣國藩會與督臣商定咨令桂明駐紮黃州以
防賊由蘄州抄襲後路是以該提督未能同赴

頗深又待籌加鑲板賊情詭詐其堅拒之計既百出不窮該大臣籌攻之具亦已多方均屢試而不效可見兵法所謂知己知彼者該大臣直未講求節次諭令速圖進取毋再遷延豈蕞爾孤城臨以巨萬重兵竟無制勝之策該大臣自知慚憤不思設法剋期攻克以贖愆尤轉慮及於東南兵力之不能兼顧以楚軍南下賊勢必致旁竄防兵偏歲生懈爲虞所言何

欽定剿平粵匪方略卷一百一十二

十六

嘗不中肯綮獨不知該大臣麾下將士裹糧坐甲瞬息殘年不能生懈耶現在楚境蕩平曾國藩等掃除九江一帶賊匪後即可直擣安慶南北各要隘早經諭知各路統兵大員及各地方大吏嚴兵扼守勝保所稱南賊於年內果無蠢動則北路可望肅清是直以南賊能否北竄爲高唐能否攻復之符驗舍已責人尤爲鄙佞不知東境之賊不過連鎮竄餘之匪爲

數無多一經剿洗則南賊聞風膽落更不敢復萌北窺之心卽連鎮賊巢亦失其犄角之勢勝保束手無策借遁辭以飾非清夜自思能無羞愧且聞該逆並未關閉城門任意出入兵勇無人過問每於數十里外搶掠村莊劫取糧食儻任其陸續宵遁茫無聞知將來以收復空城入告糜餉勞師俾逆賊蔓延他處勝保尙有何顏見朕耶著卽懷遵前旨速籌攻復毋

欽定剿平粵匪方略卷一百一十二

十九

得於數日後具奏軍情一次以空言塞責也

二十一日 丙戌 曾國藩塔齊布奏言賊匪自廣濟

敗竄後逆首秦曰綱等分率各股麕聚黃梅縣城踞險死守大河鋪立營五座 臣塔齊布與羅澤南探明賊壘於十一月初一日進攻雙城驛賊匪二萬餘人乘我軍初至分三路來撲 臣塔齊布與羅澤南周鳳山等亦分路迎擊右路之

賊先潰周鳳山等奮登山岡衝殺岡下之賊亦潰惟中路賊排列溪岸死守不退鏖戰良久我兵躍溪而過刺死悍賊數人該逆抵敵不住我兵分路追殺直逼大河鋪賊壘賊從營內衝出敗賊復行回撲羅澤南等揮軍進戰將賊營五座立時踏破共斃賊三千餘人生擒九十四名奪獲旗幟軍械馬匹無算該逆所聚之糧皆為

聖朝方略卷二百二

二十

我有初二日進兵抵黃梅城初四日周鳳山等攻西門羅澤南等攻北門令彭三元等列陣橋西以待臣塔齊布與羅澤南繞北面溝港取道而入賊眾萬餘排列營柵槍礮火箭齊施臣塔齊布督率兵勇仰擊更番疊進鏖戰良久李續賓先偪木柵立斬執旗賊目數名羅澤南蔣益澧帶勇隨進彭三元等亦從西面越過二橋各

勇從柵門躍入縱火焚燒賊勢大敗辰勇湖北勇從東南進道州各勇從西南進適魁玉楊昌泗亦率兵勇由大河鋪至四面圍剿賊由營壘潰出經我兵刺斃二千餘人乘勢直逼北門城上賊匪倉猝奔潰各勇追殺千餘人入城後殺斃數百人當將黃梅縣城收復臣塔齊布與羅澤南等入城安撫難民餘賊下竄宿松太湖其大股仍屯踞孔壘驛小池口臣曾國藩已飛咨楊需桂明即日整隊東來於梅濟交界處擇要駐紮以堵西竄之路臣塔齊布即日進搗小池口與水師會合先勦北岸次清江面然後渡江以圖攻克九江此次千總周友勝爭先陷陣殺賊甚多請以守備補用

聖朝方略卷二百二

三

賞換花翎守備余星元滕國獻均請免補守備以都司

補用擬保守備王映軫被戕最慘懇

恩照守備例

賜卹

會國藩塔齊布又奏言前月江西戰船在姑塘被賊撲營小有挫失我軍水師防範愈嚴十一月初一日賊船數十前來撲營李孟羣督彭玉麟等各營奮力圍攻轟斃賊匪無數鏖戰三時

聖皇匪方略卷二百十二

三

卒未能大挫兇鋒皆因兩岸賊營太多水陸依護抗拒甚力我師與陸軍隔絕孤懸大江介處賊營之中晝夜戒嚴該逆每夜以火毬火箭近岸拋擲連日雨雪交加水師船泊中港則爲風波所撼泊岸邊則爲陸賊所撲故日來水軍勞苦有倍過於田鎮以上者臣等查近日勦辦情形賊匪搶掠焚燬日甚百姓恨之切骨臣軍所

到處民皆願爲偵探嚮導兼之今年兩湖三江

年穀豐收萬民樂業翹首望治各省餉需解到

軍士飽騰臣等全軍二萬人悉皆和睦幾如家

人骨肉之聯爲一體軍事略爲可恃惟江西水

師自姑塘失利退紮吳城該逆水陸來撲江省

戰船四十餘號盡被搶奪旗幟礮械皆爲所有

該逆現在安徽倣照我軍船式新造戰船三十

聖皇匪方略卷二百十二

三

餘號意圖西上賊艘益增其氛益熾若使屯踞湖口梗塞於鞋山姑塘之間內窺江西外拒我軍地形險隘勢難遽下我軍與江西咫尺隔絕不能相通探聞九江之賊出撲總兵居隆阿營盤湖口之賊分竄饒州臣等陸軍單薄南北不能兼顧而且轉戰千里亦恐疲於奔命將領中求其獨當一面者殊難其人水師營中楊載福

以積勞致疾何越珽以受傷出營陸路諸將皆
勇多謀少設有敗挫無能摭拄臣等隱以為慮
目今之計惟有力攻小池口孔壘驛之賊紮營
江岸使水師得所依護待督臣楊需抵黃梅後
北路足資堵禦然後臣塔齊布與羅澤南全師
渡江以圖攻克潯郡奏八

命軍機大臣傳諭楊需曾國藩塔齊布曰官軍克廣

聖學聖方卷二百二

三

濟後旋收復黃梅是陸軍頗為得手惟大股逆匪尙
聚孔壘驛小池口等處我軍水陸兩路聲勢未免隔
絕况江西水師未能得手兩岸賊營甚多水陸抗拒
曾國藩水上一軍介處賊營之中情形頗覺危險據
奏所慮各端甚為周密此時自應倍加慎重儻將孔
壘驛等處賊匪剿盡紮營江岸使水陸互相聯絡然
相機進剿庶不致有顧此失彼之虞楊需現駐黃

梅廣濟之閒即應督飭魁玉楊昌泗等迅速進剿北
岸一帶即責成該督實力攻勦俾塔齊布羅澤南等
可以全師渡江為圖攻九江之計江西帶兵之臬司
惲光宸總兵趙如勝等前已有旨由曾國藩等調度
儻該員等不知奮勇剿賊即當嚴叅懲辦逆匪搶奪
江西戰船又在安徽做造船隻意在拌力死拒該侍
郎等務當督飭各軍謀定後戰迅圖克復九江毋令

聖學聖方卷二百二

三

逆賊日久盤踞

上諭內閣曰官兵攻克黃梅縣城所有殺賊最多之千
總周友勝著以守備補用並賞換花翎守備余星元
滕國獻均著免補守備以都司補用其餘出力員弁
著曾國藩塔齊布擇尤保奏陣亡之千總王映軫著
照守備例議卹

同日兩江總督怡良江蘇巡撫吉爾杭阿奏言

續修四庫全書 史部 紀事本末類 卷二百二 五八二

六合縣在籍紳士翰林院檢討徐稟首先督率紳董將四鄉一百餘堡各自團練迨賊竄金陵復幫同該縣固守城垣安撫商民率令鄉勇隨同殺賊屢挫逆鋒力保危城厥功甚偉可否仰求

天恩量予獎勵並請將該紳仍留在籍一年辦理勸捐團練事宜以資得力奏八

聖朝方略卷一百二十一

三

諭曰徐稟著賞加贊善銜仍留該處辦理勸捐團練事宜

同日托明阿陳金綬雷以誠奏言賊匪盤踞瓜州臣等疊次誘戰堅匿不出該處地處沮洳港汊溝渠過多進兵撤隊均屬不易現籌多募民夫於東西兩岸平墊溝路以便攻勦初七日我兵由東岸整隊前進忽見鎮江賊船十餘隻駛

至瓜州旋由賊營突出賊匪六七百人擁擁前

來各兵奮勇進勦斃賊三百餘名連日分路進攻賊匪亦分股抗拒各隊奮勇勦擊斃賊無算該逆三進三退力不能支即時遁回臣等因瓜州鎮江之賊互相援應必須水陸夾擊方能制勝嚴飭焦山土橋水師速勦賊鋒奪回金山無如冬令北風最多水師未能會勦據總兵孫雲

聖朝方略卷一百二十二

三

鴻等稟報初六日偶得東南順風即率快艇礮船由北固山甘露寺進攻賊鋒賊船該逆死拒我師攻至金山賊從山後施放大礮我師即連開萬二千斤大礮將賊築新壘轟塌正欲乘勢進攻而風色轉北即回攻江神廟一帶賊營轟斃賊匪無數惟風力愈微攻勦未能得手此後雖屢次進攻亦祇轟塌所過賊隍未能直搗中

堅臣等時深焦急惟當趕緊督催相機設法籌辦其上游觀音門口時有賊匪箠船駛出經陳世忠帶同守備彭常宜駕坐龍哨快船直抵燕子磯口駛近賊船因風縱火焚溺逆匪甚多至浦口江浦現均安堵探聞全椒滁州亦無賊匪闖入石磧橋烏江一帶現已肅清其烏江池上駐馬河賊營三座已為皖省官兵剿洗無遺臣

聖朝聖方略卷二百十二

天

等仍與袁甲三消息時通並飭六合浦口江浦各官兵勤加哨探沿江要隘加意巡防惟水師聚泊浦口當以斷賊船練疏通江路為要臣托明阿疊咨向榮分飭吳全美葉常春與李德麟等火速進駛現准向榮咨商令李德麟督帶拖罾戰船會同吳全美上駛攻剿該副將所帶艇船交葉常春管帶留駐浦口臣托明阿隨卽札

飭李德麟與吳全美速赴上游斷賊船練肅清江路葉常春專防浦口所有陣亡驍騎校委參領永陞委校驍騎榮貴額外委張春生奮勇捐軀應懇

天恩交部從優議卹奏入得旨永陞等均從優議卹

聖朝聖方略卷二百十二

天

欽定剿平粵匪方略卷一百十三 甲寅年



十一月二十三日 戊子 勝保奏言 臣前就各處營

盤暗窰地道距城遠者一百數十丈近者八九
十丈現計各處工程月杪月初可望蕞事但該
逆詭譎異常揣知我兵暗窰地道勢必格外嚴
防設法抗拒 臣仍不時於東西南三面出隊進
攻十九日西南風作 臣親督官兵攻其西門先

剿平粵匪方略卷一百十三

一

將隊伍伏於關後選派官兵往西關內安設地
雷又派兵二十餘名直抵西門外向木城放火
該匪捨死撲出百餘人分股抄來我兵佯敗賊
追至關廂地雷猝發轟斃賊衆三十餘名伏兵
齊出賊即奔回 臣仍督兵相機進攻不敢因現
窰地道稍有停待奏入

上諭曰地雷轟賊纔三十餘名太不成事汝謂不敢停

待朕以爲敷衍奏章以飾遷延

二十四日 己丑 和春福濟袁甲三奏言賊匪竄擾

桐城並於大小兩關踞險抗拒 臣等派令舉人
臧紆青等分督各隊會同參將劉玉豹帶兵進
攻十一月初四日賊衆千餘人由小關出撲我
軍槍礮齊施逆賊紛紛倒退各兵擁入殺斃賊
匪百餘名賊以大股回扼大關臧紆青等分帶

剿平粵匪方略卷一百十三

二

兵勇三路進取殺賊二百餘名並殺黃衣賊目
斫倒大黃旗一面賊衆擾亂忽東面茶葉嶺突
出賊匪數百人把總呂道宣等帶勇由小徑抄
出賊後盡力奮擊又斃賊百餘名賊勢已潰西
面柵樹嶺又出賊衆數百人意圖救援經知府
葉法等截殺百餘名賊不能支我兵長驅入關
追至白沙嶺收隊自午至酉連奪兩關共斃賊

六百餘名黃衣賊目一名生擒九名奪獲槍礮
刀矛等件無數初五日臧紆青等分隊進發追
殺數十名生擒湖南老賊趙德等三名並將該
逆所存火藥六七萬斤盡行焚燬乘勝直趨呂
亭驛復殺賊二百餘名忽有黃衣賊目揮旗整
隊我軍四面兜圍生擒該賊目並偽司馬等十
二名槍斃百餘名餘匪竄奔桐城劉玉豹臧紆

聖朝聖略卷一百十三

三

青等進薄東南兩門躍過濠溝直抵城下敗賊
未及入城者被我軍趕殺數十人復用槍礮擊
斃城上執旗賊目數十名守堞賊百餘名其夜
聞緇城逸賊數十人亦經我軍截殺十一日夜
廬江賊匪會合安慶賊來救援繞至天靈莊搖
旗吶喊約有二千餘人兵勇三伏三進千總郭
錦首先陷陣刺殺黃馬褂騎馬賊目一名勇目

孫大星等率勇擊殺悍賊數十名臧紆青等復
合力鏖戰斃賊數百名殺死大黃旗黃帽賊目
三名餘衆竄入街內其竄出北街者復被郭錦
及文生鹿慶商等衝殺臧紆青亦率大隊轉至
賊後四面兜圍當將賊衆殲戮殆盡潰逃之賊
又經臧紆青追殺並殺賊目偽指揮劉姓又騎
馬賊目三名奪獲旗幟器械等件不少臣等查

聖朝聖略卷一百十三

四

桐城北至舒城一百二十里大小關適居其中
所以通安慶廬舒往來之路今爲我軍所奪則
舒城賊勢已孤卽廬賊亦將奪氣於通局大有
關繫惟該文武所帶兵勇不及二千餘人現旣
進薄桐城勢不能分兵駐防兩關而桐境距安
慶潛山廬江皆不過百餘里若再不能堵截舒
城北路設使賊潛躡其後首尾更難兼顧臣等

惟有嚴飭該文武等相機妥籌不必貪功輕進致遭挫折

和春福濟袁甲三又奏言浦口九洲賊船屬集和含兩城之賊亦圖固守臣等節經嚴飭署臬司恩錫廬鳳道張光第加意巡防相機攻取十月二十八九等日忽有賊船百數十隻裝載木料在駐馬河之林母圩地方連夜結營五座

聖皇聖考卷一百三

五

豎木爲柵晝夜巡防恩錫等督兵於初五日分三隊進攻該逆先將土埂挖斷埂外又連築牛馬牆與木柵相間并於牆內施放槍礮併力抗拒我兵開礮先將各牆轟壞斃賊數十名乘勢縱火將木柵全行燒燬該逆退守營內兵勇趕撲賊營遊擊李成虎首越濠溝兵勇繼進立破賊營二座都司劉鶴翔等奮勇直前復將賊營

三座同時攻破賊俱飛奔上船我兵追至江邊該逆駕船逃遁我兵或躍入水中或擁赴船上槍礮齊施刀矛並舉斃賊二千餘人燒燬賊船十六隻奪獲大礮數尊旗幟刀矛無算探聞賊衆敗奔金陵逆首不復收納多已薙髮潛逃是賊氣甚餒當不至再窺北岸爲聯絡和含之計惟和州偪近東西梁山賊船會合幾難數計含山未能克復浦口一帶賊船亦往來自如現飭該司道等隨時偵探一俟機有可乘卽行併力攻取奏入

聖皇聖考卷一百三

六

上命軍機大臣傳諭和春福濟袁甲三曰此次滅紆青劉玉豹等進剿廬舒以南奪回大小兩關直偪桐城桐城南距安慶西距潛山東距廬江相去皆不甚遠辦理甚爲得手惟該員等所帶兵勇不及二千餘人

我軍深入重地三面受敵即使克復縣城亦恐兵力
過單勢難守禦臨淮等處卽無兵可撥曾國藩塔齊
布水陸兩軍現在圖攻九江該處賊匪尙多亦恐不
能剋期抵皖臧紆青等攻勦桐城固不可遲延觀望
亦不可銳進貪功致有失挫舒城距桐城僅一百二
十里秦定三在彼督勦聲勢較易聯絡著和春等卽
飭該提督迅速抽撥兵勇駐紮大小關以爲臧紆青

聖學聖方略卷一百十三

七

等後路聲援該處爲安慶廬舒往來之路今爲我軍
所奪和春等正當乘此機會一面督飭秦定三迅攻
舒城一面嚴飭各營進勦廬州如能克復郡城卽可
統兵南下與臧紆青等合力進勦儻再遷延致大軍
爲其牽掣和春等貽誤之咎斷難倖邀寬宥逆匪在
林母圩偷結賊營業經恩錫張光第督兵攻毀惟和
州含山尙未克復浦口一帶賊船往來麇集著飭該

員等隨時偵探相機進勦勿得株守一隅其上游敗
竄之匪並著實力堵禦毋稍疏懈

和春福濟袁甲三又奏言上游逆匪自田鎮蘄
州潰敗後退踞廣濟黃梅一帶尙不下數萬人
該處與六安之英山霍山均係切近雖山徑崎
嶇行走非易而逆勢窮蹙蹙而走險在在堪虞
臣和春福濟已飛催河南援兵趕緊來皖以資

聖學聖方略卷一百十三

八

防禦 臣袁甲三查永亳土匪儘可責成地方官
辦理酌留兵勇亦敷調遣已調張維翰撥兵趕
赴正陽聽調復飛調都司戴世熙先赴該處會
同玉崑加意防守一俟豫兵到境再行飭回臨
淮大營再河南兵勇到皖後擬分撥正陽六安
兩處駐紮正陽歸 臣袁甲三調遣六安歸 臣和
春福濟調遣庶彼此呼應皆靈不至有鞭長莫

及之慮奏入報

聞

二十六日辛卯向榮奏言鎮江逆匪糧少情急糾

合瓜州金山賊匪於前月二十六七等日由東西各門來撲疊經兵勇擊退擒斬多名該匪因連次失利突於十一月初十日夜又勾合瓜州金山木簞之賊潛至南門外之河泥山羊角山

聖粵匪方略卷一百十三

九

偷築土牆礮臺並分踞虎頭山岡子山南台山各險十一日分股衝撲冀圖併死下竄經余萬清劉廷鎮等督兵分路夾擊斃賊無算當將南台山搶占該逆敗聚羊角河泥兩山十二日該逆出大股數千復占南台虎頭岡子三山拒敵我兵爭先縱擊擒斬多人時游巡兵勇與旗綠官兵亦來助戰復將三處山岡全行奪回該逆

仍踞河泥羊角山死守十三日黎明各隊分路

進勦先選得力兵勇繞出張王廟埋伏該逆正在培築土牆一面至三山拒敵我兵大呼殺上擒斬多名追過三山伏兵抄出斷其歸路賊眾敗入城中我兵直逼南門攻擊踰時該逆伏匿死守遂將羊角河泥山土牆礮屋全行踏毀統計斃賊三百餘人生擒二十一名奪獲鳥槍刀

聖粵匪方略卷一百十三

十

矛多件至金陵賊匪仍復負固不出官兵疊次往攻未能得手蕪湖賊船自上游來者日多不時闖入清水河百家店地方該處關繫東壩要衝高瀆堵守正在喫緊隨將駐守南陵之遊擊蕭知音撤回協防查現在陸兵尙屬得力但須水師趕上即可會合兜圍迅圖進勦
向榮又奏言臣自紅單船退回浦口後疊經設

法嚴催乃仍日久遷延探知吳全美葉常春因
意見不合互相猜疑彼此推諉查紅單為賊所
畏吳全美管帶既久仍令督駕上勦以專責成
其葉常春所領拖罾六船係在鎮江招募不妨
更員管帶查有現在浦口防堵之副將李德麟
幹練有為與吳全美亦相投契堪與葉常春彼
此對調經臣咨商托明阿札飭葉常春換帶局

聖朝聖方略卷二百三

十一

艇防堵浦口下游卽以李德麟接管拖罾船並
續行撥上之陳國泰紅單船十隻一併委令統
帶以便隨同吳全美各船會合上駛可期協力
齊心以收捷效聞各船已剋期進勦如果日內
風勢順利當不致再有稽延又已革廣東碣石
鎮總兵王鵬年經臣奏調來營效力現帶浙兵
赴甯國防勦該革員於水師情形熟悉現令催

聞

趨吳全美各船迅速上攻其所帶浙兵卽委鄧
紹良暫行接管奏入均報

二十七日壬辰僧格林沁西凌阿奏言連鎮賊匪

受創數十次時思潰竄連日窺撲瑞麟都興阿
等營牆均經官兵奮勇擊退先後斃賊無數該
逆窮蹙愈甚防守愈堅臣等每欲進攻該逆無

聖朝聖方略卷二百三

十二

分晝夜在壘瞭望並埋伏多名擊槍以待不容
我兵進撲無隙可乘陸續投出民人六十餘名
據稱情願殺賊報效臣逐一查看俱係誠心向
順現在賊糧僅敷一月該逆斷不肯束手待斃
勢必捨命奔撲臣等已諄飭各營加意嚴防乘
機進攻大約年內可望蕩事奏入

上命軍機大臣傳諭僧格林沁西凌阿曰連鎮逆匪屢

次伺隙撲擾營盤該大臣等僅能待其出撲後擊退
回巢並不思實力進攻此次所陳擊敗各情亦屬仍
前敷衍斃賊多寡亦無確數據云年內可望蕝事卽
使實有此把握又豈得謂之迅速耶所奏賊多設伏
以待不容我兵進前以數萬官軍勦此窮寇若竟任
其死守不圖進取日久相持兵糈支絀思之憤悶所
有投誠賊匪恐不可恃尤應留心駕馭勿墮奸計當

聖聖聖聖聖聖聖聖

三

此天氣沍寒士卒疲乏該大臣等惟當激勵各營趕
緊籌攻斷不准再延時日致生他變

二十八日癸巳托明阿陳金綬雷以誠奏言瓜州

逆匪經臣等於十一月十六日督率德興阿穆
克登額由東西兩岸進攻副將鞠殿華由虹橋
直逼洲地該逆分股迎拒我兵槍礮齊施斃賊
無算鞠殿華乘勝督兵支搭浮橋越過賊濠直

抵瓜州城下遊擊海明都司色普哲請葉舒青
烏勒宏阿奮力登城城上矢石槍礮紛下該員
等相繼陣亡穆克登額等復由王莊新橋等處
分投搜捕將叢林伏賊斃斃四五百名餘匪紛
紛竄逸十七八等日該逆糾合鎮江大股復竄
踞新橋連夜架造賊寨四出焚掠該處逼近東
路各營經陳金綬等督飭晉康鞠殿華帶兵馳

聖聖聖聖聖聖聖聖

十四

往西路官兵亦隨同協勦該逆二千餘人蠢擁
抗拒我兵衝入轟擊鏖戰三時之久賊力不支
我軍縱火焚寨立將賊寨焚燬斃賊六七百名
生擒偽軍帥劉孔尉偽司馬陳政容各一名餘
匪逃竄回巢查千總郭茂林常麟韓興邦把總
徐永外委譚光斗楊旺蕭永鳴何永興吳殿臣
陳祥防禦西豐阿均隨同海明等勦賊陣亡可

否仰懇

天恩賜予優卹奏入

上諭內閣曰新橋一帶逆匪經我兵痛加勦戮賊鋒已挫仍著托明阿等督率兵勇迅卽克復瓜州毋再遷延所有陣亡之遊擊海明都司色普哲訥葉舒青烏勒宏阿千總郭茂林常麟韓興邦把總徐永外委譚先斗楊旺蕭永鳴何永興吳殿臣陳祥西安防禦西豐阿均著交部從優議卹

聖朝聖略卷二百十三

十五

同日陳啟邁奏言九江逆匪自楚軍攻破田鎮後屯聚廣濟對岸小池口連日復有賊匪五千餘人由安慶前來助逆十月二十一日總兵居隆阿等率兵分路進攻斃匪四十餘人追至城下將賊卡全行燒燬二十六日官兵分隊進攻殺賊多名另股賊匪由額頭山後抄襲我兵潰

聖朝聖略卷二百十三

末

散營盤被燬趙如勝等連日奮攻下鐘山賊巢未能得手二十八日安慶匪船上駛下鐘山梅家洲並有九江匪徒前來會合賊黨約有一萬數千人趙如勝督率水軍迎擊轟沈賊船七隻火船四隻斃賊三百餘人該逆兩岸槍礮如雨趙如勝等奮力鏖戰又焚燒大船三隻擊破子母船九隻斃賊八百餘人賊勢稍卻十一月初五日該逆大股竄至吳城後河縱火十餘處下游之賊亦乘勢撲入我軍被衝潰散又值河水乾涸戰船不能退回當被焚擄戰船八十餘隻槍礮燬失不少餘船退至上游該逆跟蹤內竄適廣饒九南道恩齡等帶領快船練勇行抵該處協同奮擊賊始退走該逆現在屯聚吳城離省甚近幸饒州之賊業已擊退現飭參將祥麟

等星馳回省堵勦並飛咨居隆阿趕緊收拾潰
兵與臬司惲光宸扼要守禦咨會曾國藩酌撥
勁旅來江合勦殄滅妖氛

陳啟邁又奏言建德匪徒竄擾饒州府屬之樂
平浮梁等縣逆眾五千餘人在四十里街紮營
兩座四處搶掠均經兵勇擊回十月三十日參
將祥麟等統兵兩路兜勦該逆棄營逃遁兵勇

聖朝聖略卷一百三

十七

追殺一百餘人復於沿河擊斃三十餘人落河
淹斃者無數焚燬賊船十餘隻奪回被擄民船
四十餘隻槍礮刀矛百餘件糧食萬餘石餘匪
竄回建德惟皖省匪勢蔓延恐大兵撤回該逆
復萌窺伺石門鎮爲饒州門戶必須重兵駐守
已札飭通判慶麟等及都司常安會帶練勇七
百餘名前往扼守現因湖口賊匪竄至吳城鎮

省城防兵甚單祥麟吳錫光均卽回省防勦奏

八

上命軍機大臣傳諭陳啟邁曰此次官兵進攻九江多
有傷亡以致賊匪分股擾及吳城焚擄戰船八十餘
隻逆燄猖狂殊堪憤悶吳城距省甚近設被賊久踞
窺伺省城關繫匪細曾國藩等攻勦江面賊船正在
喫緊能否分兵助勦殊難懸定塔齊布等陸路一軍

聖朝聖略卷一百三

十六

須攻克孔壘驛小池口後始能渡江進取潯城此時
陳啟邁惟當嚴飭帶兵員弁趕緊將吳城賊匪悉數
殄除以固省城藩籬至九江兵力疲弱仍著責成居
隆阿挑選精壯認真訓練以資攻勦勿專待楚軍援
助致失機宜

同日和春福濟奏言十月十九日候補直隸州
知州博勒霍布與六安紳士李元華等進攻太

湖賊匪聞風逃竄該員等率眾進城二十三日
敗匪自湖北遙擁而來本地文生張冠鼎為偽
軍師引賊撲城該處紳士祝激鑑陳紹鳴力戰
陣亡李元華受傷山城馳回六安博勒霍布等
不知下落賊眾聲言集眾往攻英六斬境之賊
又時時窺伺英山十一月初五日賊匪直抵城
下兵勇接仗失利縣城被陷臣等查太湖英山

聖朝聖略卷二十三

十九

與湖北接壤賊為楚師勦急必至西竄英太南
竄宿望而六安正陽舒桐巢廬皆其窟宅惟和
含江浦東面沿江內有昭關清流險阻可守現
派李鴻章進勦含山恩錫屯兵官渡張光第駐
紫烏衣藉固藩籬又飛咨秦定三隨時差探如
事屬緊急即酌派兵勇馳往援勦至六安民風
強悍已嚴飭知州茅念劬糾集團勇堵禦霍山

則前接袁甲三來函已調河南防兵千名幫同
都司玉崑扼守正陽以扇鎖鑰皖省地廣兵單
分撥實形支絀臣等已飛咨英桂迅速調兵來
皖協同勦洗惟皖兵欠餉已久飢寒交迫窮困
萬分統計廬州臨淮及各路兵勇每月必需餉
銀十七萬餘兩陝西原准解銀五萬兩四月纔
解四萬四川原准二十萬兩半年之久僅解八

聖朝聖略卷二十三

二十

萬到皖尚祇一半本省鹽課及捐徵各款每月
僅得一萬數千兩點金乏術寢饋難安聞河南
藩庫積有贏餘可以就近分潤請

旨飭令河南撫臣即撥銀十五萬兩務於年內掃數抵
廬並乞

飭下川陝各省將欠解皖營餉需迅速籌解俾臣得藉
此激勵兵勇庶幾爭先奮勉以期克復廬城現

在落濟布曾國藩等已抵九江指日可以東下而恩錫張光第已連破烏江之賊參將劉玉豹等又破桐城之大小二關各路軍務頗振賊膽已寒乘此進剿較易爲力奏入

上命軍機大臣傳諭和春福濟曰前因曾國藩等節次於蘄黃田鎮等處大挫賊鋒朕卽慮楚軍得勝後該逆必紛紛旁竄諭令和春等趕緊克復各城毋使大

欽定剿平粵匪方略卷一百十三

三十一

兵爲賊牽掣致逆匪被偏北竄乃本日和春等所奏廬舒含山各營攻剿情形均不過小勝而博勒霍布等所帶兵勇雖入太湖縣城卒被賊匪攻陷英山亦復失守固由該提督等兵力未能兼顧亦因廬州等處未及攻克致竄皖之賊分支突入勦辦又多棘手現在含山官渡烏衣鎮一帶雖有李鴻章恩錫張光第等在彼駐紮攻剿惟皖省土匪本多若再與逆賊

勾結勢更蔓延該提督等仍當嚴飭秦定三迅復舒城以便移兵往剿如果事機緊急卽著秦定三酌派弁兵馳往應援其六安一帶卽飭知州茅念劬集團堵禦前調河南防兵協守正陽已據英桂飭令牛鑑帶兵前往著杏會袁甲三迅速迎提扼守要隘和春等師久無功儻復不能遏賊北竄朕必重治其罪

欽定剿平粵匪方略卷一百十三

三十一

上又命軍機大臣傳諭樂斌英桂王慶雲曰廬州臨淮及各路兵勇每月需餉十七萬餘兩現因缺餉軍士飢寒所關非細陝西原准解銀五萬兩乃僅解四萬兩四川原准解銀二十萬兩僅解八萬兩而解到者尙祇一半該省鹽課及捐徵各款均屬無多緩不濟急現在恩錫等連破烏江賊壘劉玉豹等奪回桐城之大小二關偏近城根廬郡攻剿正值喫緊之際豈可使餉項缺乏致滋貽誤著英桂卽飭藩司趕緊籌

撥銀十五萬兩務於年內掃數解往廬郡並著樂斌
王慶雲仍照前定數目按月補解毋得再有拖欠

上又命軍機大臣傳諭楊需會國藩塔齊布曰湖北逆
匪經痛剿後餘匪竄入皖境和春等攻剿廬州兵力
不敷分撥袁甲三駐紮臨淮兵力亦難兼顧此時安
徽北路情形喫重楊需現駐黃梅廣濟之間該處與
皖境毗連該督卽相機移師前進遏賊北竄毋得以
楚境肅清稍分畛域至安慶逆匪分竄九江擾及吳
城江西兵勇業經失利既不能與會國藩等會合剿
擊且恐該逆牽掣我師則會國藩等亦難直抵安慶
孔壘驛小池口等處賊匪是否業已殲除塔齊布等
能否渡江攻剿潯郡此時該侍郎等所帶兵勇雖不
能撥赴吳城協剿亦當設法兼顧毋令分竄總之上
游攻剿得手則江西安徽皆匪蹤所必至楊需等務

聖朝方略卷一百十三

三

當統籌全局使水陸各軍聯爲一氣將濱江兩岸賊
氛以次掃除實深殷盼

和春福濟又奏言建德縣自九月二十三日戰
勝後忽傳賊將起兵十萬屠城報仇以致人心
惶惑遷徙一空知縣王開貽派兵往城南之梅
山守禦自率台勇守城二十五日賊到城外候
補從九品嚴國佐督隊迎敵斃賊多名旋被圍

聖朝方略卷一百十三

三

困受傷殞命賊衆八城董事徐德先率勇馳救
斃匪多人鏖戰踰時武生徐列瑞及胡海舟胡
接軍功黃仙鎬相繼陣亡衆勇仍復苦戰賊衆
敗走徐德先率練勇進城知縣王開貽已在北
城被害是夜四更賊又入城放火二十六日賊
出東門至徐家村於火殺男婦數十人以報練
團之恨遂進東門出西門往東流一路竄去

臣

已飛飭甯池太廣道恩禧督率各屬防勦兼施
並咨會學臣沈祖懋就近商酌相機辦理以固
徽甯門戶王開貽黃仙鎬力戰陣亡可否仰懇
恩施飭部從優議卹徐列瑞等容臣等咨部彙卹奏入
上諭內閣曰本年九月間賊匪復擾建德知縣王開貽
派兵出城禦賊自率壯勇守城候補從九品嚴國佐
督率六品軍功黃仙鎬等擊斃賊匪多名嚴國佐身
中矛傷猶復手刃數賊黃仙鎬持矛衝入賊隊旋以
衆寡不敵相繼陣亡王開貽在城上被害俱屬忠烈
可嘉王開貽嚴國佐黃仙鎬均著交部從優議卹

欽定剿平粵匪方略卷一百十三

三五

欽定剿平粵匪方略卷一百十四 甲寅年

十二月初二日丙申曾國藩塔齊布奏言自我師
北渡後該逆三次大敗皆僞燕王秦曰綱僞檢
點陳玉城兩股居多其僞丞相羅大綱率安慶
新到之賊尙盤踞孔壘驛小池口一帶與潯郡
之賊對江而營使逆船得依岸久踞老我水師
本月初七日羅澤南督同李續賓等共四千人
拔營前進行二十里至濯港地方突遇大股賊
二萬餘人由孔壘馳至營於濯港小市之北羅
澤南飭令諸軍堅伏不動相持五六刻該逆分
一支從田壠繞山撲我東岡之師一支從湖尾
撲我西岡之師而由中路進者獨多直逼岡前
我東岡之勇一鼓而下斃執黃旗賊數名西岡
諸勇旋亦衝出兩路賊潰分途追殺中路悍賊

欽定剿平粵匪方略卷一百十四

一

鏖戰良久前者已死後者不退東西官軍進至市前漸抄中路之尾賊黨始三路同潰追入濯港市內斃賊四百餘人偏溺市西池中者八九百人其大股循市南奔逃我兵沿途追殺又斃賊百餘人其小股由湖汊之西逃者相尋分數隊往追寶勇繼之追至數里有伏賊在樹林中突出勢甚兇猛諸勇退卻陣亡三名李續賓等

聖朝方略卷一百十四

二

率勇由湖中橫隄抄過湖邊之賊又潰追殺百餘人共斃賊約千四五百名生擒八十五名十一日臣塔齊布進駐白湖渡十二日我軍全師進攻以北路單隄太窄不能布陣乃至烏魚金壩訪有小路可繞賊巢之西南臣塔齊布帶各標從北路隄上入羅澤南帶勇從西南烏魚金壩分路而入殺斃前隊賊匪數名追至孔壘驛

賊見我兵三面環至施放槍礮子如雨下其悍者出牆迎戰勢甚兇猛我兵一擁而前悍賊亦入牆抵禦木石紛擲槍礮愈急我軍跟蹤乘之突入土城或三四人以肩為梯互乘而入其尤勇者卓矛於地一縱躍入土城者已多而城外仍合成長圍賊黨無處可逃偏入東面寒流泥淖之中溺死者以千餘計奔入市中被諸勇

聖朝方略卷一百十四

三

追殺者約二千人因縱火大燒街市會西北風作孔壘市中數百家須臾灰燼諸勇環守賊眾鮮得脫者生擒長髮賊七十九名內有偽副丞相余幅勝一名總制陳姓雷姓二名師帥軍帥十餘名立予正法臣國藩以孔壘既破小池口之賊必不能支即飛飭水師進擊李孟羣彭玉麟等於十四日卯刻進攻而小池口陸賊已於

十三夜全數奔竄矣餘賊爭駕小划南渡我軍急起直追賊划駛近南岸陸賊開礮護之都司秦國祿等衝煙進擊賊衆紛紛墮水擊沈賊划七八隻焚燬大木簞一座復延燒洲上賊營一座遂縱火徧燒小池口陸路賊營煙燄蔽空彭玉麟乘勝追至新港復斃黃衣賊目一名賊遂波靡奔竄臣國藩卽於是夜泊紮九江城外十

聖皇方略卷一百十四

四

五日臣塔齊布亦至小池口水陸會合該逆於西門出數百人向江心施放槍礮李孟羣飭勇上岸追殺各戰船復轟礮助之賊始奔潰廣勇連擲火毬燒燬龍開河木城一座彭玉麟等遂率大隊直下湖口至扁擔峽洲邊焚燬賊船甚多各營遂分泊口內並口外之梅家洲八里江等處緊扼要隘連日據生擒並投誠之賊供稱

秦曰綱自黃梅大敗竄往舒城羅大綱自孔壑大敗卽日竄至小池口率其死黨千餘渡江連夜奔至湖口僞丞相林姓現踞九江與湖口相犄角將爲死守抗拒之計臣塔齊布於郡城上游渡江將繞出南路羅澤南於郡城下游渡江將圍攻東路水師扼截湖口務使賊所搶奪江西船礮全數焚斃不許竄出大江免遺後日無

聖皇方略卷一百十四

五

窮之累三路痛殲可期上復潯城下清湖口以制劇賊之命此次水陸兵勇廓清摧陷轉戰無前補用守備朱南桂冒險衝陣連撲賊營應請免補守備以都司補用都司童添雲每戰摧鋒不避矢石應請以參將升用其餘出力員弁兵勇請由臣等覈明保獎仰候

恩施其陣亡兵勇查明照例辦理

曾國藩塔齊布又奏言臣等一軍陸路實尙單薄北渡則不能兼顧南岸南渡則不能兼顧北岸屢欲添調兵勇然非實在得力之軍則無益而反有損是以倍加審慎現在由小池口南渡上則攻圍潯城下則勦辦湖口已屬不敷調遣而北岸宿望潛太等縣尤須有得力之員協勦方無顧此失彼之虞查湖北按察使胡林翼識

聖朝方略卷一百十四

六

略寇時所帶之勇曾經訓練臣國藩前與督臣楊需往返咨商札飭該臬司帶勇二千駐防田家鎮外助大軍之聲援內固鄂省之藩籬中則搜勦匪黨以靖輿治蘄黃之餘孽酌留礮船以巡江楚接壤之河面該臬司接札後卽馳至廣濟之武穴籌議設防事宜武穴去潯僅九十里臣等現因攻圍九江陸軍太單就近飛調胡林

翼來潯助勦一俟克復郡城攻破湖口再行飭回楚境駐防田鎮至北路黃梅太湖等縣鄂皖毗連北通舒廬東接宿望必須有重兵分布查鄂省有副將王國才都司畢金科樸實勇敢馭軍有法臣國藩咨商督臣楊需督臣卽酌撥勁旅札飭該副將都司交臣等調遣擬俟鄂境肅清卽由臣塔齊布督帶出境東征至皖省各員

聖朝方略卷一百十四

七

查有池甯太廣道何桂珍現帶勇千餘人督同已革知縣李沛蒼在六安等處防勦四品頂戴臧紆青亦帶勇至霍山疊准袁甲三函開該道等齊至英山俟臣等一軍入皖卽可會合進勦今臣等攻破黃梅已逾半月而何桂珍尙無來會之信現值勦辦喫緊急須併爲一軍乃能呼吸靈通首尾相應仰懇

皇上天恩飭諭鄂省之王國才等皖省之何桂珍等概

入此軍歸臣等調遣其所帶之兵勇由臣等簡汰分別辦理庶兵力稍厚於大局更有裨益奏

上命軍機大臣傳諭楊需曾國藩塔齊布陳啟邁曰水陸官軍續獲大勝潯郡江面肅清曾國藩所稱陸路兵單南北不能兼顧朕已早慮及此是以疊次降旨

聖聖聖方略卷二百十四

八

命楊需出省督勦北岸命陳啟邁派兵出江夾擊並有桂明等不能得力准曾國藩單銜奏及惲光宸趙如勝之兵均歸曾國藩等調遣之諭原以皖鄂江西三省帶兵之員多有距本管督撫較遠而離曾國藩大軍轉近非事權歸一則呼應不靈儻隔絕推諉於軍情大有關係所有湖北臬司胡林翼所帶之勇副將王國才都司畢金科所帶之兵均著楊需飭令

星夜馳赴曾國藩等軍營到營以後悉聽該侍郎等

調遣其和春派出之已革道員何桂珍袁甲三派出之四品頂戴戴紆青等現在桐城一帶諒因英山失陷是以未能南出潛太著曾國藩卽行飛飭催提併歸一軍如有將弁桀驁兵勇孱弱者卽認真簡汰不可稍存避嫌之見致一軍中強弱不齊轉費周折皖鄂毗連各屬楊需著卽由宿望潛太一路次第進攻

聖聖聖方略卷二百十四

九

並防逆賊由瑞昌擾竄興國轉出曾國藩等大軍之後不得專駐楚境致成株守楊需帶兵出省後湖北省不免空虛著俟克復九江後卽飭胡林翼帶兵回楚以資防堵江西逆匪昨據陳啟邁奏已竄聚吳城明係我兵攻勦緊急該逆聞風內竄仍堅踞潯郡牽掣大兵陳啟邁所請酌調楚師之處能否分撥著曾國藩等妥籌兼顧江西兵力輒弱至此年餘以來所

謂訓練者安在憚光宸係督辦大員趙如勝亦曾膺
專闢若再不整頓全軍迅將吳城逆匪擊退或至省
城復有震動朕不能為陳啟邁宥尤不能為憚光宸
等曲從寬典也

上諭內閣曰此次水陸官軍續獲大捷肅清潯郡江面
現在大軍扼守湖口內外要隘九江逆匪首尾不能
相顧可期即日掃除曾國藩塔齊布運籌決勝勦力

聖學聖方略卷二百十四

十一

同心麾下將士率皆轉戰無前爭先用命皆由曾國
藩等調度有方覽奏之餘實堪嘉慰曾國藩著賞穿
黃馬褂並發去狐氍黃馬褂一件白玉四喜搬指一
箇白玉巴圖魯翎管一枝玉靶小刀一柄火鏟一把
交曾國藩祇領又白玉四喜搬指一箇白玉巴圖魯
翎管一枝玉靶小刀一柄火鏟一把交塔齊布祇領
以示優獎守備朱南桂冒險衝陣連撲賊營著免補

守備以都司補用遊擊童添雲每戰摧鋒不避矢石
著以參將升用其餘出力員弁兵勇即著查明保奏

初四日戊戌和春福濟奏言湖北敗匪由太湖竄

至英山該處緊接楚北而英山為霍六門戶必

須趕緊攻克以免蔓延臣等當即飛飭該管六

安州及地方官相機勦辦該州茅念劬督同義

勇迅即起程沿途招集練丁赴西界嶺防守救

聖學聖方略卷二百十四

十二

援英山由間道兼程而進英山縣知縣蘇秀槐
稟報招集潰師整齊團練一面馳赴羅田縣商
撥壯勇二千名星夜統帶回英並曉諭本地各
約同聲響應者數千人於初十日乘賊猝不及
防砍斃守門逆匪一擁進城槍礮齊施殺賊無
算逃竄之賊經練勇截殺多名立將城池克復
其隘口嶺等處均先期知會一體兜擒現在境

內全行肅清茅念劬稟稱賊擾太湖時候選知

縣陳詔鳴等或力戰捐軀或守城殉難請

旨飭部從優議卹至英山縣知縣蘇秀槐甫經到任因

本城空虛被賊竄至旋即請援鄰省剋期恢復

應得處分可否免議責令實力防堵湖北羅田

縣知縣彭仲芳前次賊匪竄至英山即經派勇

越境攻剿因未獲勝又復添撥勇壯奮力擊剿

聖朝聖方略卷一百十四

十二

城池得以立時克復洵屬不分畛域懇

恩賞加知州升銜以示鼓勵奏入

上諭內閣曰英山縣知縣蘇秀槐甫經到任因本城兵

勇空虛被賊突竄旋即克復城池尙知奮勉應得處

分著加恩免議湖北羅田縣知縣彭仲芳派撥壯勇

越境接剿洵屬得力著賞加知州銜賊擾太湖縣時

候選知縣陳詔鳴等或力戰捐軀或守城殉難均著

交部從優議卹

同日

上諭內閣曰六安英霍之復藉資民衛之力居多所有

六安州英山霍山兩縣應徵咸豐三四五等三年漕

糧南米及屯折津貼錢糧概予豁免

初六日庚子勝保奏言上月十九日賊於西關受

地雷之創遂一味堅匿不出該逆雖思竄甚急

聖朝聖方略卷一百十四

十三

苦於合圍嚴密無隙可乘又因東關礮營正扼

其衝不能出入二十二二十四等日兩次出撲

均經官軍擊退二十九日臣親督兵勇攻其南

門賊仍嚴守城上槍礮密如雨下兵勇勢難攻

入所開地道四處東南係臣德勒克色楞督辦

已挖至七十餘丈忽遇沙水難望有成西南本

係善祿督辦善祿出缺後另派委員督飭趕挖

亦已六七十丈尙無阻礙但距城較遠見功稍遲北面一路興工以來頗覺順利原計本月初開即可告成乃因開挖深遠氣亦漸閉燈火不燃夫役閒有悶絕在內者但其地距城已近興作尤須慎密若明開氣眼恐爲黠賊所覺反致誤事勢不得不設法暗開氣道惟有極力督飭晝夜興作無論何處先抵城根卽由何處安放地雷現已豫挑奮勇兵丁密示機宜以便臨時親督一鼓而下奏入

聖朝方略卷一百十四

十四

上諭曰覽奏並無確實把握實深憤悶

同日托明阿陳金綬雷以誠奏言臣等於十一月二十二三等日親督滿漢官兵分東西兩岸進剿設計誘戰賊匪堅匿不出二十四日探得逆匪又糾鎮江逆黨二三千人晝夜過江潛踞

虹橋連紮兩寨二十五日臣陳金綬會同臣雷以誠督率晉康等帶領官兵由施家橋中路進攻將抵賊巢適逆匪築壘未固正在糾眾空濠竟敢大股出迎先放槍礮臣等督兵直前開放銅礮擡槍迎頭轟擊並先令穆克登額等帶隊伏於東南見臣等督兵接仗卽帶領吉林勁旅從左兜裏槍礮齊發漸至短兵相接鏖戰三時之久逆匪猶復抵死抗拒臣托明阿督同副都統富呢雅剛阿等帶領步隊官兵繞赴東岸接應維時慧成突從西路親率馬步各兵飛馳抄出直衝賊隊槍礮大震煙燄迷天逆賊驚出意外陣亂旗靡臣等乘勢督兵撲壓賊匪登時紛潰我兵人人奮勇施放連環槍礮痛加勦戮逆賊棄寨狂奔臣等督兵盡力追殺餘匪仍竄入

聖朝方略卷一百十四

十五

瓜州堅守不出當將賊寨兩座拆毀統計殲賊五六百名奪獲旗幟器械米糧板片無算臣等仍當竭力設法相機攻克瓜州斷不致稍涉鬆勁其餘受傷弁兵容俟查明辦理奏入

上諭曰此次獲勝尙屬得手惟逆情詭譎難保不潰而

復聚總須慎重勦堵杜賊外援以期克復瓜州

初七日辛丑和春福濟袁甲三奏言十一月十三

欽定剿平粵匪方略卷一百四

十六

日探得潛山賊隊二千餘人將至掛車河臣等

酌留同知李安中等守營督防令臧紆青劉玉

豹率領兵勇出隊迎擊遇賊於牛藍鋪兵勇爭

先截殺殲斬百數十人追至龍鳳岡賊整隊復

來臧紆青策騎突陣劉玉豹催督兵勇繼進歷

兩時之久約斃賊三四百人追至陶沖驛賊勢

潰散天已昏暮收隊暫駐次日又敗賊於小河

口鐵家山青草格等處共殲斃五百餘人臧紆青因聞安慶潛山之賊十七日屬集來援回營商議迎擊賊已突至西三里街臧紆青傳令出

隊未至西街賊已迎撲臧紆青督勇開礮斃賊

無算正追殺間忽西門喊聲大作城內數百賊

衝出來擊南門外續到之賊勢如潮湧一齊放

火與千總任魁武把總邵廷揚文生蔣懋勛同

欽定剿平粵匪方略卷一百四

十七

時陣亡時參將劉玉豹正攻北門聞警馳至南

門因賊繞至東門仍趕回截殺李安中等督兵

接應槍礮齊施賊隨將城門緊閉外委李應祥

中槍陣亡官兵收隊暫回呂亭驛紮營仍飭帶

兵各官於三十里鋪及大小關等處緊防北路

之賊再乘我後臣等查此次該文武等不避艱

險力圖進取各員弁兵勇又皆人人用命於十

日之內斬關奪隘疾捲長驅殲斬不下五六千人實屬奮勇可嘉卒以孤軍無援被賊偵知虛實一擁而至該文武等督率兵勇猶復以寡敵眾殺斃逆賊酣戰數時之久始行撤隊所惜者帶勇之員猝然殉難銳氣未免稍挫以致垂得之城未能收復臣等以該處逼近賊氛又勇失統領人心不無渙散儻賊鋒猝至再有失挫則

勦平粵匪方略卷一百十四

十六

軍氣愈餒難以復振是以飛飭該文武等移紮六安藉資休息仍一面整頓軍械籌運餉糈並探明楚師行抵何處賊勢何處緊急再圖相機進取昨准河南撫臣英桂咨稱已奏派牛鑑統帶兵二千名進駐潁州並酌派員弁分扼正陽又另派陝甘營參將慶瑞等帶兵四百名進駐六安臣袁甲三已札飭前調道員張維翰仍駐

歸德搜勦土匪一面飛催牛鑑迅速前來分兵駐紮以防紛竄四品頂戴舉人臧紆青性情剛毅能得士心今以力戰捐軀尤堪憫惜可否

賞加三品銜從優議卹以褒忠蓋出自

聖主恩施其陣亡守備銜千總任魁武把總邵廷揚外

委李應祥縣丞銜文生蔣懋勛應請

旨一併飭部議卹陣亡兵勇查明咨部照例辦理奏入

勦平粵匪方略卷一百十四

十九

上命軍機大臣傳諭和春福濟袁甲三日桐城為安慶廬舒往來要路我軍一旅深入先獲勝仗後因安慶潛山兩處援賊圍至城內之賊復分門出擾兵勇三面受敵以致臧紆青力屈身殉劉玉豹退駐六安垂得之城未能收復固屬可惜而軍威既挫廬舒以南道路復梗於皖省大局甚有關繫和春等為廬郡之賊所牽掣日久未能攻克復不能派兵援應袁甲三

坐守臨淮一籌莫展虛張聲勢名爲兼顧大局實則畏葸自保思之實堪痛恨桐城北達舒城南距安慶東西接壤潛山廬江均屬不遠和春等大營兵勇較多著趕緊抽撥前往策應以贖前愆若不肯踰越廬舒一步致令賊氛逼近豫境或由他處北竄惟和春福濟袁甲三是問六安有知州茅念劬糾集鄉團著飭劉玉豹重整聲威探明楚軍再圖進取張維翰現

欽定剿平粵匪方略卷二百十四

二十

在歸德辦理勦匪事宜其前調河南防兵幫同崑玉防守正陽六安等處已據英桂奏統歸牛鑑管帶本日復有旨催令英桂酌派將弁帶兵由歸德永城一帶赴皖援應並著袁甲三飛札提催毋任遲誤安慶賊旣出巢機會可乘已諭令楊需帶兵進勦總之大軍爲賊牽掣若更旁竄蔓延該提督等自問當得何罪爾等亦須統籌全局勿但專顧一隅也

上又命軍機大臣傳諭楊需曰官軍攻勦桐城逆匪始獲勝仗旋因賊援屬至致有挫失已諭令和春等嚴防北竄分撥兵勇與袁甲三會合進勦惟此次敗衄係因安慶潛山等處賊匪分股往援是潛太一路賊已無多而安慶之賊分往桐城似有可乘之機現在曾國藩等水陸各軍相距尙遠著楊需督帶兵勇相機前進直搗安慶冀可斷賊援應克復城池該督務

欽定剿平粵匪方略卷二百十四

二十一

當妥計速籌趨程前進不可稍存畛域之見致失機宜

上又命軍機大臣傳諭英桂曰官兵攻勦桐城逆匪轉戰數日以賊黨屬至致有挫失皖豫交界地方皆宜嚴加防範其與六安交界處所難保不乘機窺伺總兵邱聯恩駐兵固始原以策應六安即可飭令該員帶兵進勦或另行酌撥官兵前往截擊以勦爲堵至

歸德一路尤關緊要張維翰帶兵駐紮該處現在皖省情形緊急著卽嚴飭該員確探前路消息相機進剿力遏賊匪北竄之路並著飭令牛鑑等帶兵迅速赴皖合力進攻該撫務當卽日帶兵出省扼要堵剿毋稍延誤

上

諭內閣曰此次該文武員弁以寡擊衆斃賊甚多著袁甲三等激勵將弁迅將援應桐城之賊悉數殲除

聖朝聖略卷一百十四

三

毋稍延誤四品頂戴舉人臧紆青每戰奮勇當先親冒矢石力竭捐軀殊堪憫惻著賞加三品銜交部從優議卹其陣亡之守備銜千總任魁武把總邵廷揚外委李應祥縣丞銜文生蔣懋勛均著交部從優議卹其餘陣亡兵勇著袁甲三等查明咨部照例議卹

欽定剿平粵匪方略卷一百十五 甲寅年

十二月初八日 壬寅 僧格林沁西凌阿奏言連鎮

賊匪於十一月二十四日被剿後益形窮蹙自二十九日至十二月初四等日時時出巢撲擾均被官兵隨時擊退斃賊多寡不等誤踏地雷轟斃者亦屬不少近日陸續投誠者共計二百餘名初三初四等日 臣派員帶領六品頂戴施

聖朝聖略卷一百十五

一

紹恆並投誠人進濠誘賊調撥隊伍以備截殺施紹恆等直至賊壘叫罵該逆卽結隊出巢施紹恆等退至寬廠處開槍迎擊投誠之人無不奮勇刀矛並進斃賊數十餘名大股逆匪復出巢蠶擁而來施紹恆等一字排列擎槍以待時逆匪偽檢點黃姓突出陣前礮臺官兵卽對準開放大礮當將該逆擊斃賊衆敗退回巢查偽

檢點黃姓最爲狡悍此次被嚴轟斃實屬大快人心林逆失此一人益形喪膽現在惟有兩廣人及沿途裹脅監犯共有千餘名與林淵詳結成死黨牢不可破其兩湖等處之人屢次奔撲傷亡過多又因施紹恆等投出得有頂戴續有投出之人亦皆溫飽是以心存觀望乘閒俱要投出林逆亦深知人心不固恐生他變遇有投

聖學聖方略卷一百十五

二

出之人被該逆拏回不但不加殺害且自責無能以致衆人受困給予銀兩仍令投出該逆當此萬分窮蹙之時尙能如此狡猾實非尋常賊犯可比臣等業將林逆詭詐情形傳知各營官兵不得因賊勢已窮稍涉大意臣等一面激勵各營文武趕緊籌畫一有可乘之機無分晝夜督兵進攻庶期一鼓蕩平以贖曠日持久之咎

其駕馭投誠賊匪亦當仰遵

垂訓格外留心勿墮奸計現除施紹恆等留營隨時進隊外其甫經投出各犯擬札交附近連鎮之景州吳橋交河德州等處防堵各營分管管束以免疏虞奏入報

聞

同日楊需奏言臣前擬進駐黃梅廣濟之閒旋

聖學聖方略卷一百十五

三

探賊匪竄踞英山太湖有自蘄水閒道上竄之信當飭羅田縣彭仲芳帶勇於鳳凰關嚴行防堵飭黃州府許賡藻帶勇駐防蘄州臣親赴蘄水紮營以遏太湖英山之路復委保升知縣陳文灼馳赴羅田會同彭仲芳相機堵剿隨據彭仲芳稟稱親督紳士帶勇八千人在鳳凰關防堵初七日會同陳文灼復調勇萬二千人進赴

英山交界處所之樂利河迎擊獲勝殺賊九十餘名乘勝進剿直抵英山縣城初十日會同英山縣知縣蘇秀槐等與賊匪接仗城外鏖戰四時之久賊匪大敗殺賊二千餘名生擒八十七名該逆棄城由東路翻山而遁追逐十餘里入城搜捕餘匪會同蘇秀槐安撫地方籌畫戰守又據陳文灼稟稱羅田邊境各要隘均設有營

聖朝方略卷二百十五

四

卡派勇守禦該縣向無城池近已添築圍牆開挖深濠布置甚爲嚴密紳士義勇均奮勇出力可以無虞探聞賊匪屯聚太湖日久終爲楚邊之患擬卽會同彭仲芳相機進剿等情臣一面飛咨安徽撫臣並札道員何桂珍派兵馳赴英山飭彭仲芳等帶勇會同進剿自黃梅收復後餘賊竄至宿松復糾約賊衆二萬餘上竄黃梅

縣屬之孔壘一帶經羅澤南帶勇進剿小池口之賊經會國藩水師連環疊攻將南北岸船隻盡行燒燬並毀北岸賊營三座搜殺小池口匪匪塔齊布羅澤南進抵小池口水師連日攻城毀龍開河木城一座前營進紮十八號地方臣揣度九江賊勢尙盛江西水陸兵勇又皆敗退不能相助恐塔齊布兵單且久戰易疲先於初

聖朝方略卷二百十五

五

十日挑選精銳兵勇四千名派副將王國才統帶馳赴黃梅並咨會國藩塔齊布就近調遣後聞江西瑞昌竄匪已退南岸情形稍輕卽飭臬司胡林翼帶勇二千由瑞昌至南昌鋪攻九江之背以會塔齊布之師塔齊布已由小池口渡江紮於九江東門外與水師合力攻城水師前隊彭玉麟等已堵扼湖口賊船皆在口內擬先

攻九江後勦湖口十九日水師於扁擔峽燒賊船二十餘隻攻毀土城一座二十日賊船載柴草來燒我師戰船水師以礮擊沈之二十一日毀江岸土城三座殺賊二三百人臣卽日進駐廣濟派許廣藻嚴防蘄水蘄州員外郎銜李玉田進駐黃梅俟布置周妥卽由武穴乘舟至會國藩水師營面商一切

聖皇聖方略卷二百十五

六

楊需又奏言通計北岸兵勇除王國才統帶川練川勇等精銳四千名派令出境外其餘兵勇五千餘人似覺太單而急切又無兵可調查駐防安陸之陝甘官兵一千五百名現非緊要應卽調至省城將留防省城之四川漢屯官兵一千三百餘名及鄖鎮兵四百名調赴軍營並挑選麻城等處精悍可用之勇以集兵力臣揣度

賊情自滋事以來未有此番挫敗之甚正宜乘此殲除以期淨盡乃疊經痛勦尙敢捨死力爭殆亦知江南仰食上游非踞有湖廣難以自立其首逆如偽北王偽易王偽燕王偽丞相將軍等皆萃於兩皖一帶長髮老賊亦多上竄計江甯城內僅楊秀青一人勢必空虛應請

飭下向榮托明阿等乘勢急攻若能早破江甯鎮江則

聖皇聖方略卷二百十五

七

其死黨必皆驚潰卽上游竄匪援救江甯楚師從而壓之亦可成建瓴破竹之勢奏入

上命軍機大臣傳諭楊需曰據奏卽日進駐廣濟布置周妥由武穴至會國藩水師營面商等語自係未接飭令赴皖諭旨此時潯郡江面據會國藩等奏業已肅清塔齊布於小池口渡江紮營於九江東門外水師前隊亦堵扼湖口該督復派王國才帶兵四千馳

時虞竄突十二月初一日派令各營隊伍分作兩翼直逼賊壘攻擊該逆伏於牆內施放槍礮我兵奮力攻撲乘風射放火箭燒彼哨樓適隔河炸彈亦連環打入賊情似頗驚慌各兵勇趁勢吶喊搶上槍礮交加擊倒壘內大黃旗一桿見該逆紛紛避匿牆根併力撐拒我兵躍過梅花坑數丈復有寬濠前阻逆營子彈密如雨下

欽定剿平粵匪方略卷一百十五

十一

祇得撤隊回營初二日有賊七八百人由通濟門出至上方橋賊營經明安泰張國樑帶隊馳往截勦賊已奔竄入營開礮迎拒我兵直逼濠邊該逆死力堅拒日暮撤退至金陵下游烏龍山江面自臣札飭補用知府溫紹原辦理鎖練攔江已於十一月內安設停妥當將總兵陳世忠船八隻移泊鐵練之上與守備彭常宣之船

六隻分堵賊鋒該逆現已不能下竄所有局艇與紅單拖罾各戰船皆在上游浦口昨經臣將總兵葉常春與副將李德麟所帶戰船互相調管卽飭會同吳全美速籌協力上攻並檄令王鵬年在船催督前進初二日巳刻北風甚大起碇揚帆折銳進攻該逆於兩岸礮隄礮臺連環轟拒我船奮勇直進開礮轟打擊斃賊匪甚多

欽定剿平粵匪方略卷一百十五

十二

駛過礮隄毀其礮臺數處而李德麟所帶新練快船與三板各船因風忽轉西不能前進新練各船因頂風未能得力祇得順流退下惟將賊之礮隄礮臺儘力轟擊一面折銳收回浦口至鎮江賊匪死守孤城防範頗密惟西面城腳土鬆經余萬清派參將周兆熊於前月二十八日夜閒挑選敢死之勇潛往流水洞之西城根開

挖地道僅成一穴不甚寬深而天色漸明祇得將火藥填入約有二百餘斤封閉洞門燃點引綫藥力有限僅將城腳甄石轟缺丈餘堞口未能坍塌該逆蟻聚發喊一面將滾木甄石打擲一面環放槍礮漸集漸多我兵無路登城乃會同各隊伏兵攻擊該逆堅守不出自卯至巳始行陸續撤回伏思江鎮負固難平我兵非不踴

聖朝聖略卷一百十五

十二

躍效命奈賊情狡獪恃其城壁高堅悉力進攻徒有傷損祇有先清江面力爭上流庶可以斷賊援惟湖北師船抵九江後尙未通音信臣遣去哨探亦未回營不勝盼切現嚴札吳全美李德麟遇順趕緊上駛並專弁赴船逐日守催務令剋日進攻臣惟當殫竭心力迅掃妖氛以圖克復奏入報

聞

同日曾國藩塔齊布奏言逆黨被勦後偽丞相羅大綱奔踞湖口與九江踞賊遙相犄角牽掣我軍其小池口敗賊由彭澤渡江繞道赴潯增壘濬濠爲死守計湖口之賊自搶得江西戰船後聯檣結筏攔截內河東岸爲湖口縣城依踞獅子山連紮數營西岸爲梅家洲連紮二營木城礮臺緊相依護水師左營彭玉麟嚮導營孫國昌等直紮湖口以內前營李孟羣後營蕭捷三中營及各營戰船分扼由湖出江之口扁擔峽梅家洲並北峯之八里江口一帶層層關鎖如犬牙之交錯自十五接仗後十六十七十八等日水師屢捷焚燬賊營數座二十日夜二更後風順水流忽見上游火船分十餘起縱火下

聖朝聖略卷一百十五

十三

放礮船隨之兩岸出隊千餘人呼聲鼎沸兼放
火箭火毬時彭玉麟孫國昌兩營之泊內河者
早經準備屹然不動李孟羣等各駕三板迎擊
秦國祿等繼進撥開火路將已燃之船用篙撐
入中流向空溜下我戰船反迎火光而上向岸
賊開礮放箭之處併力攢擊斃賊無數且攻且
追至木簿之側忽又擁出火船數起火藥不時

欽定剿平粵匪方略卷一百一十五

十四

轟發我軍疾趨而進燒賊礮船十五六號賊黨
紛紛墮水隨火船同付東流當賊放火燒舟時
天陰月黑三更後月明如晝該逆油葦之船與
我軍焚賊之船光照耀秋毫畢現賊黨計窮
四更收隊我軍一無所傷陸路官軍自與水軍
會於小池口十八日臣塔齊布從上游琵琶亭
渡江次日移營南門外適胡林翼帶勇二千人

馳至分紮要隘二十一日羅澤南從下游水港
渡江以期上下夾擊賊趁我軍半渡突出數千
人分路來撲羅澤南督同李續賓蔣益澧等分
途迎剿時賊眾我寡官軍殊死戰殪其前鋒賊
遂敗退伏賊繼進移時又敗羅澤南從寶塔灣
進追沿途趕殺百餘名偏溺老鸕塘內者約二
百餘名追奔十里之遙其接渡之戰船亦遂泮

欽定剿平粵匪方略卷一百一十五

十五

江而上向岸轟礮斃賊甚多軍功蔣昌梧係督
臣楊需從漢川招撫者也自帶精勇百人在羅
澤南隊前匹馬衝突追賊尤奮焚燬城外賊營
二座至九華門外賊營一座尤爲堅固各勇大
呼撲入拋擲火彈火毬斃賊無算逆黨奔竄聲
若潰隄詎該逆暗埋地雷於營內延燒所及烈
燄轟騰我軍之撲營者猝被燒傷十餘人敗賊

之奔入北門者城內賊目持刀督截賊黨衝出各勇見我軍前隊被燒而賊衆回頭來撲遂相率退奔羅澤南勒馬小駐揮令在後者無許續追在前者無許再退且駐且戰回至岳師門外羅澤南右臂及手指再受石傷力揮諸勇衝進殲賊十數名賊衆盡靡乃從容收隊紮營白水港二十七日水師各營會合出隊舟抵湖口城

聖朝方略卷一百十五

六

邊見該逆於城下沙洲密排巨木橫繫篋纜數道聯絡於對岸賊營之下戰船數十隻排列纜邊開礮抵禦子如雨密各三板回柁收泊示之以弱別遣數舟衝入賊隊誘令出巢該逆開船迎敵各營遂揚帆疾進攢礮聚攻前三板衝過賊陣之前斫斷巨纜乘勢轟擊斃賊不少該逆力不能支紛紛梟水各船追逼直抵南岸洲尾

轟斃岸賊尤多賊遂棄營內奔惜陸兵未到未踏其營時上游忽有賊船救應依附營牆之下木簞之旁槍礮更密我軍從煙燄之中槍入迎擊斃賊約百餘名燒其戰船二隻賊始全數敗回傍晚收隊自此賊舟不敢拒敵夜夜以陸賊千餘大呼驚營我軍徹夜戒嚴不得安枕伏查官軍自大破田鎮之後私擬九江一郡指日可

聖朝方略卷一百十五

七

破不料賊數日增尙能負固死守其堅悍兇頑實出意料之外連日陸軍攻城傷亡甚衆因攻具未備擬卽先勦湖口孤塘之賊翦其羽翼水軍在湖口與賊相持李孟羣之意欲令賊船放出大江下游免其內竄江西分我兵力彭玉麟之意以爲賊奪江西船礮縱之出江其禍愈烈必欲嚴扼此關聚而殲諸鄱湖之內俟陸軍到

時再行相機辦理此次水路兵勇冒險深入奮
不顧身顛懇

天恩由臣等擇尤保敘以固士氣千總會獻成把總周

福友外委羅嘉典追賊過猛力戰捐軀深堪憫

惻應請

飭部從優議卹奏入

上命軍機大臣傳諭曾國藩塔齊布陳啟邁曰我軍自

聖朝方略卷一百十五

十六

肅清潯江進扼湖口以後滿擬九江郡城乘勝可克
乃連日焚燬賊船踏破賊壘而該逆死黨仍負固拒
守殊屬兇悍雖此股逆匪多有由楚敗竄之老賊盤
踞其中亦由江西兵力頓弱未能兩路夾攻以致驟
難克復塔齊布雖已渡江與曾國藩會合紮營城外
胡林翼之勇亦已分布要隘而岸邊之逆船既堅匿
不出城中之逆眾亦設備甚嚴現在李孟羣欲放出

賊船免分兵力彭玉麟欲嚴扼關隘聚而殲旃惟陸

軍尙未到齊攻具亦未齊備賊情變幻靡常著曾國

藩塔齊布相機籌畫不可稍有孟浪致誤事機吳城

賊未擊退該處距省甚近陳啟邁所派之惲光宸趙

如勝等均係督勦之員何以自前月奏報籌辦會勦

以後未據該撫續行入奏豈賊竄江境該臬司等竟

敢置之度外專恃曾國藩等分兵應援耶著陳啟邁

聖朝方略卷一百十五

十九

一面嚴密設防一面飭令惲光宸等迅速將吳城賊
匪擊退以便與曾國藩等軍併圖攻勦曾國藩等卽
先勦湖口孤塘之賊翦其羽翼仍設法攻城以期收
復此次冒險深入之員弁兵勇等准曾國藩塔齊布
擇尤保奏所有陣亡之藍翎千總會獻成藍翎把總
周福友藍翎外委羅嘉典均著交部從優議卹

十七日 辛亥和春福濟奏言廬城逆匪屢被官軍

攻勦緊急負嶠甚固臣等現於東北及西南兩面築壘安置大礮對城轟擊並攻七里站賊營以冀漸就得手舒城之賊秦定三督率兵勇於二十三二十七等日分門攻撲該逆堅拒如故二十七日五鼓督兵潛伏而進搭橋過河拔去梅花椿計圖暗襲甫抵城下為該逆所覺火礮木石拋如驟雨連傷兵勇數人十二月初四日官兵分攻各門北門六安門各出賊千餘人有黃衣騎馬賊十餘名在前遙擁而來當經鮑雲翥等分投迎擊槍礮之中夾以三百斤大礮立將黃衣執旗騎馬賊一名擊中倒地賊眾拌死抗拒官兵衝入賊隊痛加擊刺連拋火礮斃賊無算餘賊敗逃我軍追至城下收隊回營十一月十九日忠泰督兵進攻巢縣賊匪東門北門

聖朝聖略卷一百十五

三

各出賊千餘人接應兵勇奮力擊勦斃賊多名賊敗入城嗣西門外河內賊船突來數百人意欲抄襲我軍後路隨令協領富呢雅翰等帶領兵團攔腰截勦斃數十名該逆奔敗回船追殺落水死者甚眾二十九日復督官兵四面圍攻北門突出賊匪二千餘人經伊林布等直前迎擊斃賊四百餘名又編修李鴻章等帶領兵勇進攻含山賊匪於十一月十八至十二月初五初六等日分途攻勦斃賊甚多現在百計誘敵該逆仍堅匿不出臣等仍飭各路趕緊圍剿以期掃蕩逆氛奏入

上諭曰三城未下日久遷延和春等擁兵攻勦廬州不能顧及他處自問所辦何事稍有天良亦知愧憤否福濟又奏言查已革江西巡撫張芾上年奉

聖朝聖略卷一百十五

三

旨革職該員服官於三江者凡七八年地方情形熟悉

南昌被圍與江忠源等竭力守城卒能保護現
在各省軍務惟皖省最爲喫重可否仰懇

天恩飭令已革巡撫張芾星馳來皖或赴沿江督率攻
勦或赴徽甯辦理堵禦酌量緩急由臣臨時商
辦以資熟手奏入

上諭內閣曰已革江西巡撫張芾著發往安徽軍營交

欽定剿平粵匪方略卷一百十五

三

和春福濟差遣委用

十八日壬子陳啟邁奏言安慶逆匪分竄九江湖

口擾及吳城當飭五品頂戴吳錫光帶領兵勇
由陸路前赴吳城勦洗十一月十五日馳抵吳
城鎮時逆匪大隊下竄南康在鎮之賊無多一
見官軍猝至不戰自遁其屯聚南康城邊湖岸
者約有二千餘人又湖內停泊賊船一百餘號

吳錫光卽於十八日銜枚疾走七十餘里十九

日行抵南康當派守備林保等帶領靖勇由南
康西北鄉抄出賊後吳錫光督同軍功李玉興
等帶領靖勇自郡城東門外進勦該逆列陣拒
敵船上之賊亦開礮相助我軍奮勇直前接戰
一時之久林保等突出其後該逆陣腳遂亂兵
勇乘勢衝擊斃匪一百餘人吳錫光手刃黃衣

欽定剿平粵匪方略卷一百十五

三

賊目一名武生吳邦柱殺斃僞檢點何潮元一
名軍功周定邦等殺斃僞軍師宋春林一名餘
匪沿途逃竄逆艇亦駛往下游我軍追逐五里
趕偏落河淹斃者約計二百餘人生擒九名奪
獲賊船六隻旗幟器械八十餘件未刻收隊回
營時省標弁兵及寶勇先後馳至旋據探報謝
師塘朱天湖二處復有大夥逆眾約三千餘人

分股由陸路竄擁而來勦退匪船同時回撲吳錫光當將兵勇分爲五隊以一隊迎敵湖內之賊以四隊縱擊陸路匪徒鏖戰逾時殺賊三百餘人割取首級六十餘顆匪勢不支大敗下竄兵勇追殺十餘里賊衆沿途投水淹斃約計五百餘人適水師快船趕至協同奪獲船隻並焚燬賊船甚多餘匪逃回湖口查江面逆船現均

勦平匪方略卷二百十五

三

聚集湖口以內出江之路已爲楚省舟師攔截誠恐被勦窮蹙鋌而走險難保不復竄吳城或旁擾饒郡現飭吳錫光駐紮南康扼要守禦以堵爲勦仍察看情形與江外水軍相機夾擊並飛札饒州府營調集練勇實力守禦一面抽派兵勇七百名令已革貴州提督佈克慎等帶赴九江助攻潯郡以期速殄寇氛肅清邊境至吳

錫光前勦饒郡今攻南康均能所向克捷可否開復都司原官

賞換花翎之處出自逾格

天恩其隨同出力之武生吳邦柱軍功周定邦李玉興

石玉武得勝吳天保黃金考張桂林均請

賞戴藍翎以外委補用此外出力員弁兵勇容俟查明

另行請獎奏入

勦平匪方略卷二百十五

三

上命軍機大臣傳諭陳啟邁曰此次賊匪夤夜退竄並非大受懲創卽官軍追至南康斬獲亦未甚多該撫慮其去而復來欲嚴扼南康防其回竄吳城饒郡之路固爲腹地緊要起見但賊踞九江湖口被我軍水陸截堵豈肯甘心就戮楚省兵勇轉戰已久曾國藩等進攻潯郡似尙未能卽克該撫派往協勦之佈克慎等兵勇不過七百餘人能否自成一隊接應楚軍

吳錫光既能奮勇出力豈可轉使株守南康不令出湖夾擊著陳啟邁卽行體察情形妥籌迎剿仍一面嚴守省城要隘防賊回竄不得以本省地方專委楚軍也

上諭內閣曰此股逆匪由安慶擾及吳城意欲蔓延腹地經官軍痛加剿洗喪膽奔逃不難撲滅著陳啟邁飭令吳錫光等會同湖南水陸各軍迅速夾攻盡殲

聖朝匪方略卷一百十五

三

醜類吳錫光星夜進兵殺賊奮勇著開復都司原官並賞戴花翎武生吳邦柱等均著以外委補用並賞戴藍翎其餘出力員弁兵勇著陳啟邁擇尤保奏

欽定剿平粵匪方略卷一百十六 甲寅年

十二月二十一日 乙卯 英桂奏言攻剿桐城官兵

既有挫失深慮逆裔鷓鴣張意圖北竄皖豫交界更須加意嚴防楚北敗匪竄入皖境太湖潛山英山相繼失守商城距英山僅隔霍山一縣霍山並無兵勇防守商城與霍山交界處所山徑紛歧甚爲可慮鎮 臣邱聯恩現已帶兵前往商

聖朝匪方略卷一百十六

一

城而固始緊與六安霍邱毗連亦甚喫重若令該鎮移師六安不特光屬空虛難期兼顧且光州並所屬各縣捻匪未靖剿捕喫緊該鎮勢難遠離查固始縣在籍辦團之前任江甯布政使王庭蘭老成明練值此軍務需人 臣擬令其進駐六安相機堵剿合無仰懇

天恩飭令王庭蘭辦理六安堵剿事宜由 臣咨照鎮 臣

分派弁兵歸王庭蘭調遣並擬令添募壯勇以助兵威臣現在抽調餘丁酌募壯勇數百名剋日會齊卽行帶同出省其歸德一路仍飭候補道張維翰督率兵勇分守永夏邊境確探皖省消息實力嚴防仍咨會袁甲三就近互相知照隨時戒備儻或賊蹤逼近卽會合攻剿臣本擬卽日先往歸德惟查該處距光州較遠緩急難

聖學方略卷一百十六

二

期策應陳郡則與歸德接壤而距光州亦近兩地均能兼顧實爲適中之區一俟省中調募兵勇到齊卽日出省居中調度仍俟到防後何路緊急卽馳往何路策應固不敢株守一隅尤不敢顧此失彼奏入

上命軍機大臣傳諭英桂曰皖豫交界防堵據該撫所奏三路布置情形尙屬周密惟袁甲三前派臧紆青

等進攻桐城原以接應楚師此時劉玉豹雖退守六安一俟添有勁旅仍應迅速進剿英桂現派王庭蘭前往擬令添募壯勇是否能剋日會齊著英桂卽飭令王庭蘭速行召募統帶前進不得稍事耽延至豫省各路官兵有無可以分撥交王庭蘭帶往之處仍著英桂通盤籌畫該撫卽著前赴陳州居中調度至歸德等處雖派令張維翰等分投駐紮英桂仍應處

聖學方略卷一百十六

三

處兼顧何路有警卽往何路策應斷不准株守一隅致滋貽誤

二十四日戊午和春福濟袁甲三奏言臣等查九

江一經克復則楚師赴皖甚速且水陸齊下必須厚集兵力操縱自如方可一氣呵成臣袁甲三查已革安徽道員何桂珍先因勦辦霍山捻匪乘勝追至六安所屬麻埠一帶勦撫兼施地

方漸就安靜嗣聞英山有警該革員卽回軍由霍山中界嶺赴援其時英山逆匪已被該縣蘇秀槐等督率練勇擊退該革員卽進駐該縣督辦撫綏防守各事宜並招集鄉勇爲進規太湖之計又參將劉玉豹先同臧紆青統軍進勦圍攻桐城嗣臧紆青陣歿衆勇渙散臣等札飭暫駐六安藉資休息所有臧紆青原帶之勇經臣

欽定剿平粵匪方略卷一百十六

四

袁甲三分起調至臨淮逐加挑選仍陸續發往六安駐紮俟會國藩抵皖卽分別飛飭何桂珍等駐英山劉玉豹等由六安進駐霍山一面激勵士卒相機進取一面遣探楚師消息應如何協剿悉聽會國藩調遣俾事權歸一以期迅奏
庸公奏八

上命軍機大臣傳諭和春福濟袁甲三曰廬舒各城尙

未克復宿望太潛等縣均爲賊踞江北情形甚屬喫重袁甲三等現派何桂珍進駐英山招集鄉勇爲進勦太湖之計劉玉豹等由六安進駐霍山一俟楚師抵皖卽歸會國藩調遣自應如此辦理惟該員等所帶兵勇是否足資協勦臧紆青原帶各勇雖經袁甲三挑選能否得力和春等仍當隨時察看就近抽撥兵勇相機策應一面嚴飭該員等實力防勦探明楚

欽定剿平粵匪方略卷一百十六

五

師以圖會合夾擊前據英桂奏派王庭蘭進駐六安此項官兵並著袁甲三飛速催提毋任延宕和春等攻勦廬州秦定三圍攻舒城均係坐擁重兵日久未能克復儻再事遷延恐上游潰匪水陸屬至廬城賊匪勢更鷗張和春等自問當得何罪耶

袁甲三又奏言查江北設防扼要首在臨淮次則正陽至安慶府屬雖同在江北而遠處西南

瀕臨大江旁通江西湖北距臨淮正陽六七百里距山東河南不下千餘里中間東北則隔廬州西北則隔六安節節阻隘所以安慶賊股從無北竄鳳潁之事惟桐城既未收復則廬舒之南路未斷卽廬舒之賊援未絕議勦議防處處喫緊查河南防兵進駐皖省藩籬固則堂奧自安撫臣英桂尙無到防確信昨接牛鑑來函已

聖學聖方略卷一百十六

六

於本月十五日前後起程赴潁並稱撫臣英桂本擬出防陳州旋因輝縣等處刁民聚衆不克分身是以另行委員帶兵千名駐紮陳州以爲潁州後路臣查楚境業經肅清潁州距賊尙遠並非十分喫重與其遠駐潁州不如近扼正陽且固正陽卽以固潁州至陳州則距賊更遠似不若將駐陳之兵改駐皖境牛鑑卽駐正陽統

領一切較爲得力

袁甲三又奏言烏江一帶逆壘經我軍兩次攻毀後至今未敢再行紮營惟其地上接梁山下通江浦內達和含難保逆賊不復圖聯絡疊據探稟時有賊船至彼停泊旋復開去近復於原壘處所用蘆葦編牆中堆茅草並多挖濠溝以浮土遮蓋中實火藥逆情叵測明係欲誘我軍

聖學聖方略卷一百十六

七

當出疑兵數百人輪至該處巡哨示以不測該逆亦不敢登陸迎敵並密派兵勇於和州烏衣偏僻小路拏獲奸細僞司馬譚學松武殿元僞旅帥范政滄僞百長梅應標並究出僞百長李鈞業經潛到烏衣卽時拏獲該犯等同供賊意欲由滁州來安抄襲六合後路等情雖犯供未必盡屬可信而賊情詭譎防範萬難稍疏又據

江浦六合等縣稟稱該逆復於九洲洲搭望樓
席棚徧插旗幟江灘亦搭望樓支架帳房外泊
礮船百餘隻並有木筏一架緊靠鐵練似欲復
踞洲地紮營爲抗拒師船之計又將江南上河
賊營移於鳳林洲頭 臣查官渡烏衣兩處皆屬
要地而烏衣尤爲總扼關隘如規取和合則須
東顧陸路如緊防江六又難進偏烏江且兵力

聖皇方略卷二百十六

八

實形單薄 臣等惟有嚴飭分探賊蹤隨時斟酌
辦理總俟九洲洲一路賊練翦除則官渡烏衣
兩軍方可合力進取不至有誤事機奏入均報

二十六日 庚申 曾國藩塔齊布奏言潯城北枕大

江東南多山爲姑塘八城要路 臣塔齊布率各
營扼駐其上該逆亦嚴防東南瀕水之處率將

各路空斷其西門一路築有大營一座木城數

丈列礮三層倚龍開河以自固上月二十六至

本月初一等日陸軍分門攻剿不能得手兵勇

傷亡甚多參將童添雲夙稱驍勇是役中礮殞

命 臣等以窮寇死守我軍攻具未備不若舍堅

而攻瑕因商派胡林翼羅澤南等先攻湖口對

岸梅家洲賊營而調王國才及參將恆泰等由

聖皇方略卷二百十六

九

小池口渡江與南軍合營初五日胡林翼羅澤

南等拔營前進王國才移紮 臣塔齊布大營之

旁恆泰等分帶兵勇七百人尙在官牌峽江邊

逆黨探知突出邀截經恆泰奮力擊退遂移營

城之東南與 臣塔齊布等營聯絡初七日逆黨

四五千分股出撲王國才營經王國才等擊

退一股而賊來愈眾勢將不支 臣塔齊布整隊

聞

往援陣斬百名賊遂奔竄東門入城閉門堅拒其自西城出者另有千餘賊攻撲居隆阿江西營盤 臣塔齊布飛飭副將周鳳山等帶勇往援一律擊退胡林翼羅澤南之軍於初六日巳刻行抵廬山距梅家洲八里許梅家洲之尾爲擱湖噴江省內河出口之西岸也僞丞相羅大綱踞焉湖口縣在其東岸僞易王石達開踞焉鄱

聖朝方略卷二百十六

十

湖之賊於口內築大木簔一座東岸厚築土城多安礮位西岸立木城二座高與城等防守甚嚴我廬山之軍駐營甫定派隊前進胡林翼帶勇由洲東入羅澤南帶勇由中路由李續賓張丞實同蔣益澧等帶勇從洲西入賊衆負固不出憑牆施放槍礮我兵伏地以進逼近壘前去其竹木以水澆其地雷哨長葉楚南等從竹籤

木樁中踰溝而前直入賊營以路窄人少葉楚南等俱爲賊戕初七日梅家洲七八千人分三路進以攻我營之左腋而大姑塘之賊又以四千餘人撲我廬山大營之背胡林翼羅澤南等分營堵禦斃賊三百餘名賊乃大潰追奔十餘里沿途殺賊數百名至小湖而止水師之在湖口者聞陸軍一至卽出隊從外江進口攢礮環

聖朝方略卷二百十六

十一

攻賊殫奮力進擊將其鐵鎖篋纜立時斫斷哨官劉國斌一礮轟中簔上藥箱巨煙突發響若山頽簔已燃燒過半而未燒之一面賊仍開礮不絕我軍分一枝抄出立燒大戰船六隻民船二十餘隻賊之登岸者被李孟羣親軍截殺十餘名羅澤南之陸勇擊殺亦衆且放火助燒簔船水陸相輔是日血戰四時之久燒斃溺斃殲

斃之賊四百餘名奪獲大礮十餘位生擒一百
十三名內有偽將軍梁國汝等皆係箚上賊目
兇悍聚礮全軍為之一快此次陸軍攻城攻壘
水師攻箚攻卡冒險摧堅氣不稍餒守備劉國
斌攻勦田鎮首先衝開鐵鎖此次焚箚又係首
先衝入身受子傷守備孫昌國隨同彭玉麟屢
次進攻身先士卒劉國斌孫昌國均請以都司

聖朝方略卷二百六

十二

即補並

賞換花翎其餘出力將弁兵勇願懇

天恩容 臣等彙案保獎以固士心參將童添雲請

飭部照參將陣亡例從優議卹把總葉楚南外委楊玉

芳六品軍功黃韻南武生陳烈姜凌浩仰懇

天恩分別議卹以昭激勸

同日楊需奏言九江賊匪經陸路官兵疊次攻

城死拒不出湖口水師李孟羣彭玉麟等亦疊

次進攻衝入賊船隊內轟斃水路賊匪無數燒

賊船數隻塔齊布胡林翼燬西門外土城一座

殺賊數百人羅澤南胡林翼移營湖口勦梅家

洲屯聚之賊王國才等分路迎擊各獲大勝據

生擒賊匪供稱城內糧食將盡賊眾均思逃散

諒九江不日可下惟湖口水陸之賊既為戰船

聖朝方略卷二百六

十三

所阻不得出江九江城內之賊又阻大江難保

不內竄南康瑞昌等處已飛咨江西撫 臣嚴堵

並飭胡林翼就近堵截 臣到廣濟後探聞安慶

望江諸賊皆聚於宿松分股竄擾黃梅當派參

將劉富成等各帶兵勇馳赴黃梅堵剿初三日

分路進攻直抵城下縱火焚燒城門城樓賊於

東西兩門突出轉戰互有損傷初四初五等日

疊次進攻賊閉門不出十一日夜賊匪攻撲劉富成營盤卽督兵迎敵賊復抄襲後路拋擲火彈焚燒營盤官兵盡力抵禦賊始敗退追逐十餘里劉富成營盤爲賊所燒退至石龍鋪駐紮該參將疏於防範應請摘去頂戴以示懲儆現在所謂川兵及鄖陽兵尙未到營兵力甚單臣以九江得失爲吳楚安危所繫當全力拔之故

聖朝聖略卷一百六

十四

盡揀精銳四千付王國才並飭胡林翼帶勇二千前往協助乃相持十餘日尙未能下而宿松之賊遂乘虛復竄黃梅安徽已革道員何桂珍經臣檄飭由英山進剿太湖並飭羅田縣彭仲芳帶勇援助於初八日會合起程已抵太湖之野雞河地方必攻克太湖宿松方能與南北兩軍相併以目前情形而論必俟攻克九江察看

賊勢竄聚何方再與曾國藩塔齊布等熟商辦理

楊需又奏言探聞安慶之賊雖分竄九江湖口而守禦尙固北倚桐城之援東達江南之路非有數萬重兵水陸並攻難期得手現在賊之大股聚於九江湖口聞湖口之賊較九江尤多九江城內糧食將盡陸路兵勇連營二十餘座隔

聖朝聖略卷一百六

十五

絕糧道斷其後援勢難久踞必將窮極思竄湖口之賊亦必竭力來援勝負尙難豫卜現趕緊添兵集餉一面進攻黃梅規取太湖宿松以清邊境而爲進步俟九江湖口攻下後水陸會合馳抵安慶一面截斷舒桐之路秦定三等便可乘勢急攻則安慶廬州俱成孤立不難一鼓而下若以輕兵間道襲取孤軍深入無援南師未

能驟合三面受敵進退兩難且出省攻勦與本省情形不同本省尙有紳民團練可以隨時協助出省則呼應不靈宿太潛望一帶人心反側更在楚北之下必須厚集兵力方可鼓行而東目前楚兵聲勢方揚較西皖稍有起色更宜益加謹慎未可令有挫衄臣首發會同東下之議原以兩省之兵必須通力合作方可望戰勝攻

欽定剿平粵匪方略卷二百六

十六

取斷不敢稍存畛域之見惟兵事移步換形又不能不於奮勵之中稍事持重均奏入

上命軍機大臣傳諭楊需曾國藩塔齊布曰逆賊以全力占踞九江湖口而宿松之賊復分股竄擾黃梅牽掣北岸之師若非迅復九江則水陸各軍不能會合非盡燬湖口賊船則九江不能卽克覽曾國藩等所奏情形雖屢獲勝仗攻克城池尙無把握楊需既未

能遠攻安慶而赴援黃梅之劉富成等又復不能得力北弱於南殊爲可慮楊需所稱必須九江掃蕩後方能確定行止所見甚是湖內賊船自以不放出口全數聚殲爲上策但恐江西力不能支一經內竄又分楚軍之力究應如何剿辦方免後患想曾國藩等已能籌畫萬全楊需現駐廣濟卽著會合皖兵先取黃梅進取太湖宿松爲節節打通之計湖北本境仍

欽定剿平粵匪方略卷二百六

十七

應兼顧小池口及田家鎮等處要隘有無防兵能否與南岸聯絡尤宜妥籌布置

上諭內閣曰逆賊占踞九江等處意欲牽掣我師東下經曾國藩等派兵分剿疊獲勝仗自不難悉數殲除所有尤爲出力之守備劉國斌孫昌國均著以都司卽補並賞換花翎其餘出力員弁兵勇著曾國藩等據實保奏陣亡之參將童添雲著照參將陣亡例從

優議卹把總葉楚南著照守備例議卹外委楊玉芳
六品軍功黃韻南武生陳烈羨凌浩均著照把總例
議卹

楊需又奏言臣聞水雷最為利器若用之江湖
擊賊船筏必更迅利思欲倣造而難得其人及
來楚北詢據候補知府張曜孫知該員得置造
之法會捐資覓匠自行教導倣造數月而成上

聖朝聖考卷一百六

十六

年前督臣吳文鎔勸捐製造已成三十具因行
文廣東選募水勇未至適賊匪上竄未克施用
尙收護未失查此器每具食藥百二十斤中有
機關能水中自行發火用時令水勇潛行送入
水中水火相激猛烈非常一具可燬多船若大
筏大船浮橋等火攻所不能克者用此無堅不
破可省兵勇之力紅單船明擊於上水雷暗擊

於下江面必可肅清惟楚北水勇技藝尙不甚
精廣東香山澳門一帶精於水性能潛行水
中百里潛伏水中三日夜者現咨廣東選募前
來俟到楚後當送交會國藩水師並為楚北防
江之用奏入

上命軍機大臣傳諭葉名琛柏貴曰施用水雷擊賊船
筏頗為利器廣東香山澳門一帶精於水性者著

聖朝聖考卷一百六

十九

葉名琛等速行選募剋日委員管帶赴楚交會國藩
等軍營應用

二十七日辛酉和春福濟奏言據李鴻章等稟稱

十二月初九十二等日李鴻章等督勇進攻含
山殺賊六七百人割取首級數十顆奪獲器械
無數賊情窮蹙中夜驚惶十四日復遴派各營
奮勇三百餘人赴城下周圍埋伏吶喊放槍但

聞合城人聲鼎沸復令知縣孔繼黃等密約該縣被脅民人乘我軍夜攻相機內應十五日出隊附城誘敵該逆堅伏不出是夜三鼓密派八成隊伍攜帶攻具梯繩直至城下李鴻章率同楊鼎奎帶領壽勇潛伏城南並飭葉春培等帶勇直攻西門扎隆武督同俞應彪等暗攻東門輯順督帶常壽等馬步隊在西北門往來策應

聖皇聖方略卷一百六



巢勇先至西門上緊攻打城上賊匪槍礮迎拒城內火藥忽發延燒民房賊隊自相驚亂俞應彪等乘勢東草填濠拔樁豎梯常壽等復率馬隊鳥槍從旁照護兵勇俱從僻處攀登舉火為號一擁而進四面兜殺該逆見勢不支由南門奪路竄出談家寶扼要設伏截殺賊匪二百餘人登城兵勇奮力追勦均由南門趕出知縣孔

繼黃亦率巡檢方聯泰等帶領練丁合力協勦共殺斃賊匪一千餘人據生擒賊目供稱偽總制羅繡新業在擊斃之中該逆係廣西起事之賊逆首就戮尤快人心所有員弁兵勇力戰十數仗不及五旬攻克堅城均屬著有微勞容臣等擇尤保奏懇

恩優獎以昭激勸逆情狡譎靡常難保不再圖窺伺已

聖皇聖方略卷一百六



令李鴻章等將原帶之兵駐守該縣一面乘機會合忠泰等助勦巢縣以期得手奏入

上諭內閣曰含山賊匪經編修李鴻章等督勇進攻知縣孔繼黃等合力協勦共斃賊千餘人即將含山縣城收復所有此次出力員弁兵勇著和春福濟擇尤保奏候朕施恩

和春福濟又奏言廬州逆匪節經痛勦拒守益

堅十二月十四日臣等督兵分攻各門並攻七里站賊營該逆堅不出巢我軍將欲收隊南門突出賊千餘人意在由後抄襲即令吉順等分途迎擊立斃多名並擊死黃衣賊目二名餘賊敗退其七里站賊營經常清等槍至濠邊該逆堅伏巢內未能攻入二十日臣等督兵分路攻打賊壘各出千餘人常清爭先迎勦該逆敗退

聖朝聖略卷二百六

三

官軍追殺斃賊無算並擊倒黃巾紅衣騎馬賊二名賊勢潰敗適得勝門出賊八九百人前來接應江忠濬等左右夾擊斃賊數十名砍倒黃衣賊一名餘賊敗退入城又准秦定三函稱十二月十二日督率兵練圍攻舒城斃賊多名並擊斃黃衣賊二名十六日南門六安門各出賊數百名兵勇分路攻擊斃賊數十人該逆敗退

八城奏八報

聞

二十八日壬戌托明阿陳金綬雷以誠奏言臣等自攻破虹橋賊營連日乘勝進攻瓜州該逆固守不出官兵因於東西兩岸日間列隊進攻夜間潛往拋射火彈火箭飛入賊營使之晝夜驚慌以便乘機趕緊攻克連日據武慶等稟報該

聖朝聖略卷二百六

三

逆自洲地賊營被毀後集船安礮紮成水營守護攔江鐵練十一月十七日該逆進至洲地懸插旗幟欲再築營經馬步官兵兩翼齊張奮力擊退該逆狂奔回船我兵偪至江邊擊斃賊匪多名擠溺者不計其數二十八日該逆復率眾進撲又被我師擊斬多名追至江干仍為大礮所阻據向榮函稱吳全美等督帶各幫水師兩

次進勦雖賊練未斷業已擊沈賊船多隻斃賊無算聲威益壯遇風即可進攻臣等疊飭武慶等屆時必須努力協勦以冀疏通江路斷絕賊援惟連日西北風多誠恐賊箠乘風下駛臣等復飭各水師時刻巡防相機堵勦本月十六日夜巡船瞭見賊船數十隻擁木箠三座順流直下已過金山經總兵孫雲鴻等飭管帶快船之

聖朝方略卷二百十六

臣

遊擊張夢熊等趕緊迎勦並令各艇師嚴整以待快船至八號口以上適賊箠賊船順風衝至我兵奮勇迎擊賊眾抵死抗拒並分駛小船十餘隻從旁馳突抄我軍之後我師槍礮齊施愈戰愈勇登時擊沈賊船二隻賊眾紛紛落水餘船全行驚潰守備鞠耀乾等乘勢偪攻兵丁任肇修等躍上木箠立將賊箠三座全行奪獲並

奪得器械旗幟無數十八日孫雲鴻等聞南岸

鎮江官兵出隊攻東南兩門是日風色頗利因

即親督艇師並飭張夢熊等選帶礮船進向鎮

江北門轟擊南北夾攻以牽賊勢艇師自北固

山至金山江面游駛往來連環轟擊見有黃衣

賊目多人從小牖口賊樓上搖旗開礮我師對

準疊開巨礮立將賊礮隄轟塌其搖旗賊目連

聖朝方略卷二百十六

臣

望樓一併轟倒至未刻風息始行撤隊臣隨飭該將弁趁此聲威亟圖進勦一面督飭陸路兵勇迅圖克復瓜州奏入

上命軍機大臣傳諭托明阿陳金綬雷以誠曰近日瓜州鎮江等處沿江勦賊雖略有殲擒而南北岸匪蹤尙復時來竄撲上下游賊船亦未斷絕往來江面豈能得手吳全美等不能迅將攔江鐵練燒燬致該逆

又安列礮位繫成水營若再令占踞洲地浦口一帶
 堵剿更難武慶等連次接仗雖經奪獲賊鎗擊沈賊
 船不過小勝豈能遽慰朕懷著嚴飭武慶與吳全美
 等協同攻剿勿再遷延貽誤至托明阿等進攻瓜州
 僅能拋放火器使賊驚慌卽鎮江南北夾攻轟塌賊
 隄賊樓總未直偏城門擣其巢穴著托明阿等督率
 陸路兵勇剋期收復瓜州一面飭武慶等實力勦除
 該逆水營方爲勝算

聖祖聖訓卷一百十六

三

二十九日 癸亥 僧格林沁西凌阿奏言本月初十

日丑刻連鎮逆匪大股向協領奎星保營牆奔
 撲勢極兇猛該協領督飭官兵開放槍礮侍郎
 瑞麟等派兵協同攻擊各營齊開大礮當將該
 逆擊退現在投誠人共二千餘名業將隨同打
 仗出力者分別獎賞該勇等無不急思立功 臣

聖祖聖訓卷一百十六

三

知賊內有湖北人詹啟綸一名人極強悍現已
 投出 臣責其不遵示早降鞭責一百令其趕緊
 立功贖罪再結以恩信必能得其死力二十二
 日 臣等派委文武督帶投誠勇目施紹恆等鼓
 舞投誠各勇分路攻剿與慶祺營勇目王有明
 等槍入木城痛加殄洗卽將賊壘焚燬維時西
 連鎮賊壘經甯宗揚等攻其北面施紹恆等攻
 其西面逆匪出巢抵敵該勇等奮勇向前短兵
 相接斬擒無算割取耳級頭顱奪獲銅礮擡槍
 鳥槍刀矛旗幟甚多被焚逆匪不知凡幾林瀛
 詳在東連鎮潛匿死守未敢救援二十四日賊
 匪撲營當經我兵擊退是夜大股復向瑞昌營
 牆奔撲我兵俟該逆偏近開放大礮副都統綿
 洵令濠內外義勇抄出賊後該逆力不能支始

行敗退生擒賊匪三名割取首級七顆奪獲長梯八架刀矛旗幟等件甚多二十六日臣等飭派兵勇兩路進攻並豫傳嚴令若不攻破賊巢不准撤隊臣西凌阿帶領馬隊各處指揮策應侍郎瑞麟等督帶馬步各隊以壯聲威慶祺營義勇一千餘名進攻東連鎮因該處牆垣堅厚防守極嚴未能攻克員外郎瑞禧等督帶義勇

聖朝方略卷一百六



進攻西連鎮直抵賊壘爭先拖拉樹柵一擁而進一面劈開柵門一面拋擲噴筒火彈登時四面火起義勇趁勢由北面殺進賊巢該逆猝不及防紛紛倒地焚燒連鎮街衢賊屍枕藉生擒賊匪十餘名奪獲大小黃旗槍礮刀矛等物多件義勇由北而南焚燒賊營三座林瀾詳恐河西一帶俱爲兵勇攻破即將河東槍礮運過河

西林逆帶領強悍賊二千餘名踞住南面賊營死力抗拒維時已交申刻東北風大作兵勇攻戰六時之久俱已疲乏卽撤隊回營現在西連鎮僅贖竈戶陳莊及西面一隅之地雖有死黨亦難久踞一有可乘機會卽當擣穴擒渠掃除羣醜鑲黃旗護軍參領松林中槍陣亡深堪憫惻應請照例

聖朝方略卷一百六



賜卹以慰忠魂奏入

上命軍機大臣傳諭僧格林沁西凌阿曰據奏焚燬西連鎮賊巢逆勢益形窮蹙此次進攻情形尙爲得手西面賊營祇存一座想不日卽可掃蕩我兵全占河西地面以全力併注河東辦理較易爲力林逆旣將東面槍礮移置河西則東連鎮賊巢愈形空虛我兵若能分路齊攻使該逆彼此不能相顧尤爲妥善各

營官兵站牆巡濠固為以逸待勞當此事機順利人心鼓舞之時亟應飭令疊戰環攻速行進擊不可專恃投誠人等之力該大臣等務即督飭帶兵各員乘勝進剿刻日殄除以副朕望

上諭內閣曰連鎮賊匪被剿窮蹙時思竄逸僧格林沁等派令各營兵勇分路進攻痛加勦洗賊勢益形窮蹙僧格林沁等務當無分晝夜悉力攻勦以期迅速

聖聖聖方略卷一百十六



賊事所有此次陣亡之護軍參領松林著交部照例議卹

欽定剿平粵匪方略卷一百十七 乙卯年

五年正月初六日 庚午 向榮奏言 臣 昨聞由楚敗

竄之賊竊踞池州大通一帶其餘蕪湖金柱關及兩梁山嘯聚尤多徽甯情形喫重當移檄革員鄧紹良挑選兵勇二千名出紮黃池以遏蕪

湖內犯之路嗣據鄧紹良呈稱本月十八日帶勇出紮黃池二十二日卯刻賊眾萬餘分三隊

聖聖聖方略卷一百十七



護擁前來鄧紹良以賊眾我寡飭各營鎮靜以待並於山溝土坎埋伏槍礮高阜處多設旗幟以作疑兵該逆圍攻台勇營盤經守備周萬遠等率勇開槍礮轟擊斃賊百餘名守備劉嘉祥千總昌達等率兵兩路抄殺砍斃黃衣賊首二人賊黨約五十餘人鏖戰四時之久經鄧紹良飭令兵勇詐退誘至伏所槍礮齊施該逆紛紛

倒地鄧紹良揮兵從樹林內殺出該逆不知我兵多寡始各驚潰回奔我兵從後掩殺追趕二十餘里沿途斃賊四五百人撲河溺斃者無數等情查蕪湖賊眾以甯國兵勇出紮黃池竟敢悉眾衝撲幸我兵踴躍用命以少擊多大獲全勝然上游賊船尚多難保不復圖內犯一面諄飭鄧紹良加意嚴防臣仍隨時相機策應並催師船進扼上游以期保衛東南全局奏入報

聖皇聖曆卷一百一十七

二

聞

同日勝保德勒克色楞崇恩奏言旬日以來該逆屢次撲濠俱經站牆兵勇登時擊回該逆情急思竄膽敢向東北礮臺偷挖地道欲用地雷轟倒營牆乘機奔竄臣當於川楚各勇中挑選善挖地道之人令其分兩路橫挖將其地道破

毀該逆無計可施臣等復連日督帶兵勇進攻

西南兩門該逆一味死拒據逃出難民供稱該逆欲乘夜撲圍竄逃因見四面官兵防備甚嚴不過死守以延且夕等語臣等籌辦地道計其丈尺覈以期限原擬年內必可完竣乃因地勢間有低窪宜避地中泥水種種費手今已挖至一百三十餘丈往返紆折以致愆期現在設法

聖皇聖曆卷一百一十七

三

測量地道距城約僅十丈上下事已垂成臣等嚴飭副都統常亮前往督辦並令臣弟筆帖式恩保及委員等各穿短衣親入地道認真較量尺寸定準方向以免再有延誤奏入

上命軍機大臣傳諭勝保曰勝保等連日督帶兵勇進攻西南兩門該逆一味死拒勢難力攻詳覽各情是我兵攻勦總未得手該大臣等勦辦此股敗竄餘匪

累月經時毫無把握似此貽誤遷延殊堪痛恨至籌辦地道窰至一百數十餘丈何以尙未成功且恐該逆知覺豫先防備則此舉又將徒勞無益現在賊糧將盡攜帶火藥欲乘夜竄逃若任其潰圍而出則勝保等縱寇殃民厥罪愈重惟當乘其窮蹙激勵弁兵迅將賊匪就地殲除斷不准令其免脫僞藉口於賊守甚嚴但以籌勦情形敷衍入告老師糜餉之罪亦

聖朝聖方略卷一百十七

四

斷難屢邀寬宥也

同日陳啟邁奏言據五品頂戴吳錫光稟報十

一月二十六日湖口逆匪六千餘人水陸兩路

上竄吳錫光督率兵勇先陷賊陣吳邦柱等四

路橫擊程迪昌等接應踵至該逆大敗奔逃我

軍逐北十餘里殺賊五百餘名生擒十六名時

賊船二十餘隻正與水軍接仗旋經陸兵馳至

協助施放火箭燒毀逆艇五隻擊沈四隻斃匪無數二十八日復有逆船數十隻離南康僅三十里吳錫光派艾連升等率領兵勇漏夜前往該處徑偏河干拋擲火毬火罐燒賊船二十餘隻該逆從睡夢中驚起猝不及防焚溺無算十二月初一日探有賊匪一萬餘人帶雲梯一百數十架來攻南康郡城以圖報復吳錫光因逆

聖朝聖方略卷一百十七

五

燄狡猾我軍單薄未可力敵令兵勇列隊登陴偃旗息鼓俟該逆圍近城根始令士卒齊施槍礮斃匪七八十人有悍賊援梯而登者均被我勇擊退逆眾攻城愈急直至未初吳錫光見賊勢已懈卽派林保戴正才艾連升武得勝等分帶兵勇由四門同時並出鼓譟奮擊賊眾披靡斬僞總制譚豈瞬僞監軍萬年菁於陣生擒僞

百長陳細狗唐有用二名逆匪敗竄我軍窮追二十餘里殺賊八百餘人生擒二十八名初四日探得逆衆萬餘復由姑塘來攻南康吳錫光將兵勇分爲七隊於附近十里地面分投埋伏俟賊衆將近郡城伏兵齊起該逆不知我軍多寡登時奔潰殺賊一百餘人生擒二名先是逆船大小一百餘號揚帆上駛李逢春所帶快船

欽定剿平粵匪方略卷一百一十七

六

水勇僅三百餘名衆寡不敵該逆乘勢竄抵瀟溪吳錫光急派武得勝熊得勝匡鳳岐馳赴該處攔頭兜剿賊始敗退旋據該員稟稱湖口梅家洲姑塘屏風等處賊船木簞經湖南水軍及湖北臬司胡林翼甯紹台道羅澤南進攻燒毀甚多楚省都司蕭捷三帶水師戰船已抵南康城下並據德化縣稟報潯郡賊匪於西南二門

外加築土城挖濠注水甚爲堅固江楚官軍連日進攻驟難得手又准湖南提臣塔齊布咨初七日黎明逆匪萬餘擁出東門攻撲湖北營盤西路賊匪數千來撲江西營盤均經該提督與副將王國才總兵居隆阿等併力擊敗各等因查湖口賊黨尙衆不但南康仍當嚴防都昌陸路可達饒州尤應扼要堵禦現經遊擊馬福壽

欽定剿平粵匪方略卷一百一十七

七

帶領練勇六百名馳往都昌駐紮並令已革總兵趙如勝酌帶饒郡兵勇前往協防九江匪徒雖尙負隅固守經提臣塔齊布等此次痛剿大挫兇鋒賊勢愈孤諒難久踞其楚軍需用雲梯五百架布口袋一萬件已派弁解往曾國藩軍營應用並俟湖口肅清卽將礮位藥鉛運送出江仍咨行總兵居隆阿臬司惲光宸會同楚省

上命軍機大臣傳諭和春福濟袁甲三曰現在舒城逆
匪有欲竄六安之說和春等所籌係爲嚴扼北竄要
著卽著照所議派撥俟楚師將入皖境應如何酌撥
布置再行妥籌具奏該提督等擁兵廬州經年累月
動以無兵可撥爲詞以致各路皆爲牽掣秦定三專
辦舒城亦逾半載孤城未克轉待添兵似此遷延何
時蕙寧著和春等迅督兵勇剋期攻復廬州不准再

聖事畢方略卷二百七

十一

延時日劉玉豹等所帶兵勇旣經改赴舒城卽歸秦
定三督帶儘任該逆北竄惟秦定三是問

和春福濟又奏言十二月二十五日五鼓臣等
率同官兵直攻廬城未刻得勝門出賊千餘人
卽令常清江忠濬程智泉等帶領兵勇盡力擊
勦適吉順鄭魁士嵩瑞帶兵由南門趕至前後
夾攻該逆敗奔入城三十日申刻得勝門七里

站賊營各突出賊匪二千餘名直撲楚廣勇營
盤經江忠濬程智泉等督同兵勇緊守營壘逆
匪分路蠶擁而至漸次逼近我軍連開大礮立
斃數十人該逆猶敢開槍抗拒常清珠克登帶
兵由兩路抄襲該逆前後受敵當卽敗逃程智
泉江忠濬唐正魁等帶領兵勇出營會合官兵
追殺斃賊多名唐正魁衝入賊隊槍過外濠被

聖事畢方略卷二百七

十二

該逆連放槍礮立時陣亡又准秦定三來函十
二月二十一日辰刻督率官兵分攻各門適六
安門西門各出賊千餘名當令郝光甲等帶領
兵勇分途迎勦賊衆拌力抗拒我軍連開槍礮
斃賊多名並轟倒黃衣賊二名西門之賊敗伏
隄內六安門賊匪愈出愈多秦定三親督各軍
奮力衝殺逆屍枕藉二十五日辰刻又督官兵

分赴各門攻剿適北門出賊千餘名直前迎拒我軍奮力擊殺立斃數十名該逆猶復不退兵勇衝入賊隊槍礮連環刀矛並舉賊眾敗逃外委關玉林首先爬上賊營被該逆矛刺咽喉登時陣亡又准忠泰咨開十二月二十六日四更後官軍分攻巢縣各門攻至天明東西北三門各出賊千餘名當令富呢雅翰等帶領兵勇分途迎剿斃賊六七百名生擒七名各等因查已革藍翎把總唐正魁節次殺賊奮勇茲復臨陣捐軀藍翎額外外委關玉林槍上賊壘登時陣亡均堪憫惜相應請

聖事專方略卷一百七

十三

旨將唐正魁仍照把總陣亡例議卹關玉林照例議卹奏入

諭內閣曰廬州等處逆賊欲以犄角牽掣官軍經各

路兵勇奮力勦洗自己喪膽著和春等迅圖克復各城毋再延緩陣亡之已革藍翎把總唐正魁著照把總陣亡例議卹藍翎額外外委關玉林著照例議卹同日湖北巡撫陶恩培奏言聞督臣楊需於三十日在廣濟營盤失利兵勇潰散業已退紮蕪水縣臣抵任甫經十日一切事宜均未深悉伏查在城兵勇不足一千八百名餉銀僅餘二萬

聖事專方略卷一百七

十三

兩錢三萬餘串米穀不滿萬石正在巡閱城垣與司道等籌商防堵間忽督臣楊需於初五日申刻自蕪水退回漢口鎮臣聞信之下不勝駭異城中居民刻卽搬徙一空當猝不及防之際諸形棘手設逆匪果由蕪水分水陸兩股上竄武漢臣惟有督率文武協力同心嬰城固守除一面飛咨會國藩塔齊布兩營撥兵來鄂援剿

外相應請

旨飭令趕緊派兵前來策應奏入

上命軍機大臣傳諭楊需曾國藩塔齊布陶恩培曰據陶恩培奏總督曾盤失利退回漢口等語楊需於上年十二月在廣濟發報但言逆匪分擾黃梅並無賊擾廣濟之事何以忽有此敗實所不解究係皖賊上竄抑或另有股匪突起楊需所帶兵勇爲數不少何以遽爾失利卽或小有挫失亦不應一退再退徑回漢口詳細情形著該督速行馳奏大兵全力專注九江該逆知楚省空虛北軍輒弱乘間回撲不可不防此時皖豫兩省均無兵可撥惟有曾國藩塔齊布之兵可以就近赴援著該侍郎提督確探賊蹤卽飛速分撥官兵如胡林翼王國才所帶兵勇無論何人皆可令其折回迎剿旣以保障鄂省且免九江官軍腹

欽定剿平粵匪方略卷一百一十七

十四

背受敵之患陶恩培旣經抵省雖城中兵餉未充亦當力籌堵禦不可稍涉張皇楊需斷無竟回武昌之理現在作何行止本日已諭知官文酌撥荊州官兵順流下剿該督卽咨催會合前進以剿爲防若武漢稍有疏失恐該督不能當此重咎也

上又命軍機大臣傳諭官文曰總督楊需在廣濟失利退回漢口鎮已諭令曾國藩塔齊布分兵剿辦矣惟

欽定剿平粵匪方略卷一百一十七

十五

曾國藩等水陸各軍圍攻九江正當喫緊之際若分兵過多恐江西賊匪復肆猖獗且該逆或竟由廣濟上竄武漢正須迎頭截擊著官文調派精兵迅速沿江直下與曾國藩等分派兵勇會合兜擊至官文應否親統官兵前進以壯聲勢如未便遠離荊州卽派委得力將弁統帶進剿著就現在情形妥籌辦理並迅速由驛馳奏

太選帶精兵潛夜往辦適於城下掘得暗門一處連夜挑挖至正月初二日始成一穴寬廣約五六尺深約二丈可容火藥五六千斤力足轟城乃於初三日夜間派出各營六成隊伍分作三路交總兵德安明安泰分起統帶埋伏朝陽太平兩門及明陵之內另挑奮勇一千名由副將張國樑傅振邦帶領潛藏龍脖子左右一俟

聖朝方略卷一百七

十六

城垣轟開卽各鼓勇登陴臣於初四日寅刻親出陣前督催攻勦先令李定邦密帶弁兵二百人各負火藥一包及木石土袋諸物於三更潛赴城根聞城上更鼓甚繁乘此將土木運入填堵未乾之處築砌結實再將火藥逐袋裝入約有四千餘斤將引繩安妥帶出封固洞門時近黎明臣卽傳令點發俄聞霹靂一聲黑煙上薄

雲霄城頭人畜震落無數不料外面牆軋雖轟去二丈高下並損壞垛口數處而城身堅厚仍復壁立大隊不能擁進該逆始則驚竄暫退繼復蟻擁堵住矢石交下連開大礮我軍偏近城隅未免兩面受敵當卽退出山坡之左會合伏兵盡力攻擊該逆伏堞拒守愈聚愈多槍礮如雨攻至午時不能得手祇得撤回又據鄧紹良

聖朝方略卷一百七

十九

呈稱探得蕪湖之賊自十二月二十二日被挫後糾黨欲於二十四日內犯當調遊擊蕭知音帶兵由高瀆赴援該逆始聞風而止二十九日遊擊楊瑞乾帶勇前來時蕭知音已回兵高瀆前後聯絡堵紮正月初二日戌刻蕪湖賊首復合上下游匪黨六七千人來犯黃池分三路乘夜大進鄧紹良整隊以待並親巡浙省各勇營

盤諭令管帶文武鎮靜堅守一面分派楚兵義
勇擇要埋伏俟賊懈出擊初三日辰巳時分前
隊賊匪直撲台勇廣勇二營我勇密開槍礮立
見執旗上前之賊紛紛倒斃其後隊仍相率繼
進我營屹立靜守俟該逆至槍礮可及之處我
兵始開大礮排槍繼之斃賊無算鄧紹良親督
銳勇衝出手燃鳥槍擊中大黃旗賊渠落馬繼

聖朝方略卷一百十七

二十

以刀劈復被楊瑞乾各勇率同台廣二勇分路
兜抄沿途殲斃甚眾前隊撲營之賊無一生還
我軍追至窰山地方賊之後隊業已逃散始整
隊回營是日之戰除截斬淹斃不計外共生擒
偽官及賊黨三十九名訊明就地梟示查黃池
南通甯國東達廣德相距僅百數十里皆元明
初年閒道入浙之路實為第一要隘今賊勢漸

覺不支犯浙之念較前更急幸而仰仗

天威屢經大創足以遏賊鋒而固門戶鄧紹良節次布
置均合機宜臨陣又能手戮數賊以少勝多其
保全甯國廣德之力似可稍贖前愆可否仰懇
恩施賞給三品頂戴給還花翎以示鼓勵其餘出力將

弁兵勇容 臣彙請保奏頃復接鄧紹良呈稱章
逆率賊已由蕪湖內竄意欲先犯甯國後走灣

聖朝方略卷一百十七

三十一

址方村並分撥東梁山賊股由薛鎮抄襲黃池
以奔甯國又有偽尙書曾雲瓏領賊一股仍由
舊路來撲黃池等語查該逆分三路同進無非
使我首尾不能兼顧 臣於無可抽撥之中再撥
義勇四百五十餘名令千總楊萬青等帶領趕
赴黃池歸併楊瑞乾管帶助剿其東壩高瀆一
路已飛咨撫 臣吉爾杭阿速抽兵勇馳往會堵

甯國如果有警鄧紹良即可抽兵就近赴援現
在疊催師船上勦再據余萬清呈稱疊次督攻
鎮城該逆負嶠堅拒十二月二十六七八等日
分路擊殺皆有斬擒奏入

上命軍機大臣傳諭向榮吉爾杭阿曰此次開挖地道
轟毀牆垣我兵大隊既未能擁入自應迅速力攻牽
綴賊眾使之應接不暇方可再圖進取而黃池地處

欽定剿平粵匪方略卷一百一十七

三

蕪湖江口之外關繫甯國廣德咽喉該逆因楚師東
下圖擾江浙自必力爭黃池以肆其猖獗雖鄧紹良
一軍續經獲勝賊眾尚有欲分三路再來內犯之語
該大臣所稱委千總楊萬青等帶勇馳往歸併楊瑞
乾管帶助勦並咨吉爾杭阿抽撥兵勇往堵東壩高
瀆一路均著照擬辦理吉爾杭阿著飛速統帶兵勇
馳赴金陵以資攻勦水師各船自十二月初八日經

吳全美李德麟等督帶上勦後日久未能揚帆斬練
若似此遷延江面逆蹤往來自由勦辦何時始能得
乎現在東風司令兵船易於上駛著即嚴飭該鎮將
迅督戰船分幫進發務將攔江賊練即日掃除若再
遷延著即從重參辦至鎮江一城余萬清督兵已久
尙無克復消息該大臣所奏連日皆有斬擒不過小
勝豈能藉慰朕懷著向榮一面嚴催余萬清趕緊攻
勦毋但以籌畫布置等詞敷衍入告一面妥探黃池
等處情形及鄧紹良等如何堵勦迅速覆奏

欽定剿平粵匪方略卷一百一十七

三

上諭內閣曰金陵之賊自我軍將城外上方橋賊營八
座焚燬大加勦戮後防守益堅正月初四日向榮復
督飭兵勇穴城攻勦轟塌城牆二丈及垛數處城頭
之賊震落無數我軍槍礮盡力攻擊該逆伏櫟死守
著向榮相機迅圖克復其黃池地方緊要仍飭鄧紹

良嚴防紛竄勦堵兼施已革提督鄧紹良督兵臨陣
手戮賊渠尙知奮勉著賞給三品頂戴並賞還花翎
以示鼓勵其餘出力員弁兵勇准其彙案保奏候朕
施恩

同日楊需奏言 臣前因黃梅縣爲皖楚咽喉最
關緊要當卽督率兵勇前赴廣濟一帶相機調
度十二月二十九日逆匪竄撲荆竹鋪派參將

聖朝聖略卷一百七

三

劉官成等管帶兵勇迎擊殺賊多名三十日探
知賊匪分股攻撲大營 臣卽挑選四川甘肅官
兵及練勇二千餘名共成三隊前往迎擊施放
連環槍礮斃匪無數該逆紛紛退奔山梁李士
林首先槍上殺斃黃衣賊匪數名無如山路崎
嶇賊情詭詐四面山坳俱有埋伏突將李士林
圍困其中李士林力不能支爲其所害各兵勇

隨皆潰挫 臣卽親督後隊兵二百餘名迎敵正
在進剿間忽大營火起兵勇前後不能兼顧且
見營盤已失無要隘可守祇得暫退蘄州原擬
擇要駐紮詎各兵勇先已陸續上行贖兵無多
卽由蘄水趕至巴河黃州一帶查知各兵勇又
已先回武漢當卽知會撫 臣將首先逃回者正
法數名以肅軍令 臣隨連夜上行於正月初五

聖朝聖略卷一百七

三五

日趕到漢鎮初六日探知該逆已上竄距漢鎮
六十里之陽邏一帶竊查漢鎮屢經蹂躪遽聞
警信居民遷徙一空且向無城垣街巷袤延二
十餘里處處有路可入祇可出戰難以守禦 臣
當派守備施鴻恩等前往沙口游湖等處堵禦
將賊匪所搭浮橋全行燒燬並槍斃賊匪數人
不意該逆一股抵禦官兵復分股由沙口之上

拆毀民房紮成木筏潛渡過河臣於初七日親督兵勇並飭栗耀等隨同迎擊追殺二十餘里詎料該逆於黃州下槍獲南省新到礮船數隻溯流而上沿江施放大礮復有另股賊匪擁擁登岸旁出抄襲我兵之後兵勇傷亡甚多栗耀嚴受矛傷此時兵勇晝夜奔馳甚形疲憊力實難支該逆已乘勢搶入漢鎮紛紛放火因思楊

聖朝聖略卷一百十七

三六

店德安一帶均為北路要隘該逆儻由蔡店上竄勢更難遏臣趕赴德安堵截要口以防北竄至省城兵力雖單糧餉尚足猶堪固守待援至潰散兵勇雖已收集數千惟屢挫之餘難望復振已飛調行抵漢川之陝甘官兵及宜昌鎮兵二千餘名星夜趕赴德安一帶復飭調沔陽隨州孝感等處練勇二三千人前來防堵一俟官

兵調齊仍卽激勵將士親督攻剿以期掃盡賊氛奏入

上命軍機大臣傳諭楊需曾國藩塔齊布陶恩培曰楊需奏稱賊由黃梅武穴竄至漢鎮該督現駐德安嚴防北竄等語自上年十二月二十九日起至本年正月月初七日計期不過一旬何以一退再退全軍挫敗該督復退至德安以趕調兵勇為詞殊屬不成事體

聖朝聖略卷一百十七

三七

曾國藩等督師九江楊需為其後路應援現在九江尚未攻克漢口又遭竄擾督剿失利在該督罪無可辭而東下之師腹背受敵思之實堪痛恨所有陝甘官兵及宜昌鎮兵二千餘名現已調赴德安沔陽等處練勇亦經調往楊需斷無株守德安之理著一面遏其北竄一面相機進剿其首先潰敗兵勇並著從嚴懲辦仍須於收集之後認真防範毋生他變武昌

省城著責成陶恩培竭力保護毋稍疏虞惟湖北兵力既不足恃賊勢又甚猖獗亟須得力將弁前赴援剿著會國藩與塔齊布悉心商辦或該提督親自督兵往援或派羅澤南胡林翼李孟羣等酌帶兵勇星馳勦辦總期掃除賊氛使水陸各軍均無後顧之慮方為妥善諒會國藩等必能統籌全局妥為辦理

上又命軍機大臣傳諭英桂曰逆匪由黃梅回竄漢鎮

聖皇集略卷二百七

天

楊需退駐德安湖北與豫境毗連該逆現踞漢口難保不豕突狼奔肆行竄擾英桂駐紮陳州相距較遠前據奏邱聯恩帶兵控制光商一帶所有楚豫交界各要隘即著責成該總兵嚴密布置確探賊蹤相機堵剿不得稍有疏虞

上諭內閣曰賊由黃梅回竄漢鎮楊需督兵廣濟為楚軍後路致令逆賊回竄失利節節退守實屬調度乖

方著即革職並拔去花翎暫留本任仍著收集兵勇相機進剿以贖前愆並著官文會國藩塔齊布迅速撥兵援應毋令蔓延

同日袁甲三奏言安徽省北路州縣宿州為第一衝途現署知州郭世亨卓著循聲上年粵匪由正陽出竄界連該境人心惶懼該牧督率民丁守禦賊不敢犯查宿州毗連之亳永一帶餘孽

聖皇集略卷二百七

天

時虞蠢動非得一賢能之員勦撫兼施恐難安靖郭世亨前蒙

恩以知府升用應請將知州開缺即以知府補用仍留蒙亳宿永一帶勦辦賊匪於綏靖地方更可得力至宿州本屬要地此時遽易生手恐呼應不靈查補用直隸州知州王啟秀辦理團練推誠布公民皆樂從以之接署宿州洵堪勝任奏入

上諭曰著再與和春福濟妥商朕以爲郭世亨旣在宿得力何必多一番周折調署牧令亦非汝應干預

袁甲三又奏言查逆賊竄踞金陵已經兩載先因江路未能堵截以致揚帆上下日肆狡獪今曾國藩塔齊布收復武漢而後水陸並進所向克捷實爲全局一大轉關惟廬城不復卽楚師東下斷不能直擣金陵卽果達金陵而廬城之

聖軍方略卷一百一十七

三

賊牽掣數省軍務仍無了局蓋廬州居江北腹地之中水陸交衝四通八達廬州一日不克舒巢亦未必能克不特廬舒巢三城重兵爲所牽掣卽江北各路數萬防兵亦皆不能遽撤况廬州不克曾國藩卽攻克安慶而進兵則慮賊襲其後留兵又恐力無可分其不敢放膽徑偪下游者勢也若由安慶直擣桐舒則自南而北賊

中曉悍將悉聚於廬州萬一潰圍衝突鋌而走險北竄之路處處可通卽各路防禦嚴密賊不敢遽竄而明知萬無可逃嬰城固守以老我師恐亦非計是克復廬州爲現在第一要著至廬州之克和春福濟非不日夜圖維而總未能迅速蕺事者師久力疲精銳漸少圍城旣不能周援賊又不能斷左支右絀遂致日久未能告捷

聖軍方略卷一百一十七

三

查曾國藩原統水陸兵一萬四千人現又調臬司胡林翼帶兵三千隨勦兩湖督臣楊需防堵北岸諒亦有兵數千與曾國藩等合爲一氣如曾國藩一入皖境水師順流而下進偪安慶陸軍由北岸掃蕩太潛各邑或楊需或胡林翼帶兵進駐潛太旣可與水師夾擊安慶並防逆賊回竄楚北另以塔齊布統兵數千由六安一帶

繞出廬舒以北先攻廬州廬州一克則由北而南從後兜裹以次收取舒桐順趨安慶各路防兵並偏江岸從此直抵金陵無後顧旁顧之憂破竹勢成計日可待應請

飭下曾國藩等相機妥籌總期絕其蔓延之路方可一氣呵成至南岸情形臣未能深悉大約池州府屬以上有賊之區或距江數里或距江數十里

聖事彙考卷一百一十七



曾國藩水師扼住江路稍分陸路之兵沿岸掃蕩萬不至別生枝節其池州以下接連金陵之處應如何責成防禦並請

飭令在事諸臣隨地布置庶可一鼓成擒奏入

上命軍機大臣傳諭和春福濟袁甲三曰袁甲三奏統籌全局宜先克廬州詳覽所奏大意以廬州居江北腹地之中一日不克則三城重兵爲所牽掣江北防

兵不能遽撤曾國藩等帶兵自南而北不如塔齊布統兵數千由六安一帶繞出廬舒以北先攻廬州以次收復舒桐順趨安慶袁甲三所籌各情自係爲全局起見但於現在情形究未深悉此時九江尙未克復曾國藩塔齊布水陸兩軍互相援應攻剿正在喫緊而安徽上竄之賊又踞漢口楊需退守德安曾國藩等亟須分兵救援豈能繞出廬州以北此論不過

聖事彙考卷一百一十七



徒慮將來於現在軍情難裨實用至克復廬州原爲皖省軍務第一要著和春等統領重兵累月經年尙未得手若再遷延師老力疲勦辦更難得力袁甲三既知北竄之路處處可通卽當嚴密布置總期於事確有把握方爲不負委任若徒託空言爲他人慮而於親辦之事一味鋪張毫無實濟豈能以此爲卸責地步耶其廬舒等處仍著和春福濟督飭各路官兵

迅速攻剿毋得再事遲延致干重罪

欽定剿平粵匪方略卷一百七

三

欽定剿平粵匪方略卷一百十八 乙卯年

正月十八日壬午僧格林沁西凌阿奏言逆匪占

踞連鎮以來節節經痛勦殲無算臣因該逆詭

狡異常時與各營熟籌妥議計出萬全近來陸

續投誠人眾三千餘名臣察其並無異心酌量

收錄令於圍隄以內屯紮打仗亦頗得力兵勇

合力進攻焚燬賊營數座殺賊多名十二月三

欽定剿平粵匪方略卷一百十八

一

十日退出竈戶陳莊初一日西凌阿瑞麟統領

各路官兵員外郎瑞禧督帶投誠義勇合力環

攻三晝夜之久始將西連鎮賊巢全行蕩平立

將賊隊浮橋拆毀卽飭該義勇在西連鎮沿河

築壘屯紮晝夜攻擊並調撥義勇在竈戶陳莊

紮營將大礮運進套隄高築礮臺六座隔河轟

擊惟該逆死守巢穴四面密布礮火不容兵勇

進前雖被困萬無生路而或戰或守仍能從容
不迫毫無潰亂情形正月初二日林逆心腹四
川人蕭瀛山安徽人鍾有年帶領捻匪水手九
十一名並大礮擡槍鳥槍刀矛百餘件出降 臣
稔知蕭鍾二犯在南省自行投入賊營渡河北
犯以來俱係該二犯主謀畫策與林逆同惡相

濟並據蕭瀛山供係浙江軍營六品軍功保舉

聖學匯方略卷一百十八

二

縣丞鍾有年供係文生即使真心投降亦屬罪
不容誅更難保非技窮生詐另施鬼蜮伎倆當
將蕭鍾二犯凌遲處死夥賊九十一名全行正
法近日復陸續投出六百餘名 臣等因賊勢已
窮逆匪自知萬無生路始行投出希圖倖逃斷
難寬宥當即隨時正法至現在賊匪不下二千
名結成死黨聚於連鎮一隅築砌木城數重抵

死拒守自初三日以後不分晝夜兵勇極力環
攻業經數次逼近木城拋擲噴筒火彈將欲攻
進賊壘皆被該逆捨命抵敵未能攻克木城以
外房間焚燒殆盡查逆匪壘被剿擊兼之糧米
告匱眾心乖離賊勢萬分窮蹙揆度情形指日
必可蕆事奏入

上命軍機大臣傳諭僧格林沁西凌阿曰連鎮逆匪退

聖學匯方略卷一百十八

三

出竈戶陳莊西連鎮賊巢已全行蕩平其勢極為窮
蹙惟該逆尚有二千名在東連鎮築砌木城數重為
負隅死守之計我軍沿河築壘並將大礮運進套隄
高築礮臺轟擊正可併力進攻將此股逆匪全數殄
除大營兵勇數倍於賊若因該逆礮火難近不思搗
穴擒渠逆匪雖糧絕勢窮而狡悍異常恐滋他變該
大臣等務即督飭兵勇奮力攻剿斷不可專恃坐困

待其自斃仍一面嚴防紛竄之路毋令乘間逃逸

二十日甲托明阿陳金綬雷以誠奏言十二月

二十七日探得瓜州逆匪豫約鎮江賊黨過江約有二三千名沿江竄往儀徵境內臣托明阿飛飭駐紮儀徵之總兵李志和副將松齡等努力防堵一面督同副都統德興阿等帶領馬隊由樸樹灣追往協勦時該逆前隊竄至儀徵都

欽定剿平粵匪方略卷一百十八

四

天廟迤東已被李志和松齡等帶兵迎擊斃賊

數十名該逆卽行遁回二十八日臣等酌派遊

擊馬永泰等帶領步隊由樸樹灣渡河追勦適

遇逆匪直撲前來我兵分路截擊槍礮連環殲

賊無算是日另股賊撲儀徵縣城經李志和等

帶領馬隊迎勦斃賊數十名餘賊潰敗二十九

日夜間賊匪由儀徵境內竄過鹽河踞帶子溝

紮立土壘臣托明阿督同德興阿馬永泰等進

擊大風揚沙該逆立腳不住我兵乘勢追殺賊

皆遁入土壘三十日各營步隊分路進勦馬隊

分兩翼埋伏步隊至帶子溝搭橋過河遇賊匪

大股撲來馬永泰張維義安勇劉琮等督催弁

兵開放連環槍礮奮勇前進賊勢不支且戰且

退我兵直抵賊壘始則槍礮齊施繼以刀矛擊

欽定剿平粵匪方略卷一百十八

五

刺該逆死拒不退愈聚愈多約有三四千名四

面圍裹官兵德興阿帶領馬隊突從中路衝入

副都統富呢雅剛阿等分路截殺賊俱潰竄追

至日暮復斃賊多名生擒數名是日之戰該逆

屢敗屢進均被德興阿等奮勇擊退四散逃匿

適李志和松齡奇成額富音保等由儀徵帶兵

在新城一帶堵勦有逆匪一股竄往隨卽督兵

迎擊該逆轉向南逃跟蹤追殺至夜深同時撤回本年正月初一日臣托明阿督同德興阿等正在設法進攻帶子溝賊壘聞有賊匪數百名在儀徵北山根一帶擄掠當經德興阿李志和等派馬步官兵分路兜剿殲賊數十名餘賊星散當因兵力不足臣等又將東岸一帶防兵抽調馬步隊數百名馳往助剿初二日復有賊數

聖皇聖考卷一百十八

七

百名竄赴新城各村經豫派埋伏把總張鵬飛率兵突出戳死紅衣賊一名砍死長髮賊數名初五至初八九等日逆匪數百名突奔帶子溝迤北新集地方經德興阿揮兵截擊一面分撥馬隊馳往迎截一面令馬永泰等帶領步隊暗伏樸樹灣等處以便夾擊是日臣雷以誠與慧成等分兵攻瓜州土城臣陳金綬督同晉康帶

兵馳至樸樹灣一帶會剿該逆見兵勢愈盛全夥折竄我師沿途追擊殲斬無數其遁入荒村空屋之賊悉被官兵用火器燃燒立將帶子溝新築賊壘一座並河南新築賊營二座焚燬該逆四散狂奔分踞河南各村因日暮路歧未便深入窮追連日趕緊集夫填溝搭橋於十三日經德興阿等激勵馬步各隊分路進剿該逆仍

聖皇聖考卷一百十八

七

敢分股出拒經官兵齊施槍礮痛加剿戮該逆全行潰竄富呢雅剛阿德克津佈等帶領馬隊分兩路齊進馬永泰等由中路進攻總兵德坤帶領後隊接應立將賊壘三座焚燬殲賊匪數百名溺死溝渠者不少餘匪遁入瓜州土城現仍令官兵加意嚴防並飭儀徵縣趕緊補築帶子溝一帶土牆缺口臣等現在督飭東西兩

岸各營水陸防範並設法速攻瓜州以分賊勢
又據焦山水師總兵周士法孫雲鴻稟報初九
日寅刻見逆船連檣正渡急率將備帶快艇
船飛檣駛追該逆於甘露寺北固山龍窩大馬
頭各處連開大礮我師奮勇不顧直取賊船時
金山下賊船多隻見師船勢猛意欲逃避我船
分兩翼兜擊礮火橫飛該逆正不能支忽瓜州

聖朝聖略卷二十八

八

小口金山銀山等隄之賊開礮來援該鎮等亦
命三面迎擊又見煙霧中大賊船一隻飛檣衝
下師船連環開礮該逆欲攙避金山賊隄適爲
礁石所關不能動移我師對船開礮卽將此船
擊碎並將四面續至之小賊船擊沈多隻時鎮
江陸路官兵正在西門外開仗該鎮等卽移船
南岸大馬頭一帶爲鎮江策應至巳刻西風又

勁遂收隊回營等語臣等以瓜州近招鎮江賊
黨多至三四千人實由江面水師不能巡防攔
截所致現已嚴飭該鎮等當用大船絡繹進攻
不得僅遣巡哨快船旬日一戰虛圖塞責奏入

上命軍機大臣傳諭托明阿陳金綬雷以誠向榮吉爾
杭阿曰儀徵逆匪旣經全數遁回瓜州亟應嚴密防
堵近日克復各處城池往往旋克旋陷總因兵過之

聖朝聖略卷二十八

九

後守禦無人處處必須留兵駐守安得如許兵力儀
徵逆蹤旣退卽著嚴飭該地方文武實力備禦毋任
該逆再有竄擾余萬清專辦鎮江不能迅速攻復郡
城又不能奮力進剿致逆匪屢次糾夥渡江會合瓜
州賊黨四出竄擾該革員所司何事殊爲可恨焦山
師船所以不令上勦者原爲橫截下游江面以斷瓜
鎮賊援周士法等水師雖小有勝仗並未督率大船

聯絡進攻徒用巡哨快船遇賊追擊以致兩處逆賊往來不能阻截厥咎維均該大臣既經嚴飭進剿儘該鎮等仍前疏懈卽著據實嚴叅吳全美等所帶師船屢經降旨嚴催總以風色不順爲詞實屬遷延瞻玩現在上竄楚北之匪又復占踞漢口曾國藩等兵阻九江連日尙無奏報若再不從下游迎擊而上則蕪湖以上沿江賊船何時始能掃蕩楚師腹背受敵

聖朝聖略卷百十八

十一

而江南師船從容觀望儻有疏失咎將誰諉著向榮等再行加緊嚴催務令剋日上駛其浦口師船仍令擇要堵扼不准互相推諉各圖安逸

上諭內閣曰此次賊撲儀徵經官兵疊獲勝仗將賊擊退所有瓜州賊匪亟應剿除以杜勾結著托明阿等迅圖克復毋稍延緩

二十一日 乙酉 僧格林沁西凌阿奏言自本年正

月初三日後賊匪蟻聚東連鎮經官兵更番進剿該逆死力抗拒未能攻克倍深憤急當於十七十八等日出隊伴爲進攻密飭兵勇無須向前至十九日寅刻臣西凌阿瑞麟經文岱伊勒東阿珠勒亨達崇阿督帶馬步隊官兵在北面進攻慶祺綿洵侍衛穆騰阿營總巴揚阿在南面督帶馬步隊官兵並義勇攻打並令瑞昌玉

聖朝聖略卷百十八

十二

明雙成薩炳阿帶兵在河西扼截以壯聲勢凡我大小將士兵勇莫不踴躍用命該逆不料倉猝間四面受敵仍然死力抗拒我軍一經逼近先將賊巢木城焚燬四面火光燭天槍礮向內轟擊殲斃無數逆首林瀛詳身受重傷夥匪稍卻我軍登時將木城攻破兵刃相接痛加殄剿賊巢內屋宇牆垣被火燒塌壓斃逆匪甚多逆

黨見勢已敗紛紛投河突有逆匪并死撲出木城欲向東面奔逃經明慶都與阿督帶馬隊奮力截殺至巳刻將逆賊全數殲除奪獲大小礮十餘尊擡槍鳥槍刀矛旗幟五百餘件一面嚴搜首逆知該逆窵有地窖數處當飭兵勇逐一窮搜方將林鳳詳在極深地洞內檢獲該逆潛藏淤泥黑黯之中外有逆匪偽總制偽檢點偽

聖聖聖聖聖

三

將軍多名擁護一同拏獲當令投誠之勇詳細辨認實係逆首林鳳詳先是該逆受傷後藏入洞中復又服毒現在擡至大營醫解擬卽委派大員護解檻送赴京並令沿途查看情形設該逆奄奄將斃卽就地凌遲以免倖逃顯戮臣嚴督官兵搜捕餘匪務期盡絕根株不使一名漏網至此尤爲出力之投誠義勇守備銜勇

目施紹恆等先行開列懇

恩獎勵奏入

上命軍機大臣傳諭僧格林沁西凌阿曰逆匪鼠踴連鎮疊受創懲猶復負隅抗拒本月十九日經西凌阿等親督弁兵將賊巢木城焚燒斬獲無數並將首逆林鳳詳拏獲俾全股匪徒悉數斬擒將弁兵勇皆能踴躍用命不遺餘力該大臣調度有方深堪嘉尙務

聖聖聖聖聖

三

當督飭兵勇搜捕淨盡不可稍留餘孽現在高唐餘匪數不盈千勝保日久無功著僧格林沁卽統帶得勝官兵馳赴高唐督勦餘匪收復城池以慰廑念上又命軍機大臣傳諭僧格林沁曰本日已寄諭僧格林沁命其帶兵馳往高唐督辦軍務該城餘匪本屬無多勝保自任欽差大臣以來志驕氣惰將士未能用命以致小醜數百日久稽誅被衆各款甚多朕以

簡任乏人一時未即懲辦疊降諭旨令其改過自省
仍然不知愧懼遷延日久殊堪痛恨著僧格林沁於
到高唐後將防剿事務布置妥協即傳旨將勝保拏
問派員押解來京一面訪查勝保劣蹟並貽誤事機
各情節詳細奏聞勝保所帶將弁何人出力兵勇何
營可用詳加訪問必能知其大略該大臣仍當隨時
妥為駕馭其有素不安分擾害地方者即著從嚴懲

聖學聖略卷一百十八

十四

辦

又命軍機大臣傳諭勝保德勒克色楞崇恩曰本月
十九日僧格林沁等督率馬步官兵並義勇奮力進
攻將賊巢木城焚燬逆首林鳳詳受傷我兵痛加剿
洗將該匪全數殄滅搜獲林鳳詳派員檻送京師已
降旨分別加恩並諭令僧格林沁等即日帶兵馳赴
高唐矣因思高唐逆匪數不盈千勝保統帶大軍剿

辦至今尚無把握蕞爾孤城不能克復總由該大臣
平日調度無方以致各營兵勇不能奮勉圖功連鎮
賊匪十倍於高唐僧格林沁謀勇兼資竟能悉數殲
擒無一漏網勝保聞之能無自愧現在大兵即日馳
赴高唐若必待僧格林沁到後始圖克復州城尙復
何顏對朕著勝保督飭各路兵勇迅即進攻不准再
事耽延儻仍前玩泄不思奮勉以贖前愆朕惟有執

聖學聖略卷一百十八

十五

法從事斷難再邀寬宥

上諭內閣曰本日據僧格林沁西凌阿奏克復連鎮生
擒逆首全股賊匪掃數殲除覽奏欣慰此股逆匪自
上年竄踞東西連鎮並占踞附近村莊節經僧格林
沁等督率各營將弁痛加剿洗自攻克西連鎮後該
逆全數蟻聚東連鎮死守巢穴僧格林沁等令投誠
義勇分紮西連鎮及竈戶陳莊並將大礮運進隔河

轟擊逆首林鳳詳薙去長髮意欲乘隙潰圍逃竄賊勢萬分窮蹙十九日寅刻西凌阿瑞麟經文岱伊勒東阿珠勒亨達崇阿督帶馬步隊官兵在北面進攻慶祺綿洵穆騰阿巴揚阿在南面攻打瑞昌玉明雙成薩炳阿帶兵在河西扼截將士兵勇無不兩躍用命先將賊巢木城焚燬火光燭天斃賊無數林鳳詳身受重傷駭匪卻退我軍攻破木城兵刃相接賊巢

聖皇聖略卷百十八

十六

內屋宇牆垣被火焚塌壓斃及投河死者不計其數奔逃餘匪殲殄罄盡奪獲大小礮十餘尊槍刀旗幟五百餘件林鳳詳於地洞內淤泥中潛藏被我軍搜獲並將偽總制偽檢點偽將軍等一併生擒實足以快人心而伸天討科爾沁郡王僧格林沁經朕特授爲參贊大臣督兵勦賊疊著勛勞此次攻克連鎮生擒首逆調度有方深堪嘉尚著加恩封爲博多勒噶

台親王伊子乾清門二等侍衛伯彥訥謨祜著在御前行走察哈爾都統西凌阿襄贊軍務克奏厥功著賞給伊精阿巴圖魯名號並賞給輕車都尉世職齎遞捷報之御前侍衛穆騰阿奏蒙古事侍衛都興阿均著賞加副都統銜投誠出力之守備銜勇目施紹恆著賞加都司銜六品頂翎勇目周隆亭甯宗揚均著賞給守備銜勇目張長興詹啟綸楊順山朱興泰

聖皇聖略卷百十八

十七

均著賞給六品頂翎其餘各營文武員弁等著僧格林沁西凌阿查明保奏候朕施恩以示獎勵現在近畿地方一律肅清著僧格林沁等卽移得勝之師前往高唐督辦軍務迅速克復州城盡殲醜類

臣等謹案命將出師聲罪致討所以彰撻伐而安善良也逆匪林鳳詳等竄擾近畿罪大惡極若不盡殲醜類生縛渠魁何以伸

天討而快人心我

文宗顯皇帝特命僧格林沁督師

指授機宜

德威並濟開自新之路准其投誠解脅從之民使之歸

業賊勢遂孤大憖就擒厥後攻克高唐亦無

漏網北路蕩平烽煙無警非

廟畫之精詳曷克臻此哉

聖朝聖略卷百六

十六

同日陶恩培奏言本月初七日寅刻探得大股

賊匪連夜上竄將近漢口並未知督臣如何迎

戰臣因勢急不及渡江面商當即督同在城文

武先行實力防堵一面傳令將江北岸所泊民

船盡數逐去其有往襄河上游者亦令迅速開

行旋見漢口一帶火光四起接連十數處至巳

刻賊之黃旗已到龜山幸無船可渡未來撲城

正在萬分焦急間候補道李孟羣自下游得信

帶領礮船四十餘隻星夜來接侍郎曾國藩營

中亦派礮船八十餘隻接續到省人心稍固數

日內逆匪晝夜焚燒漢口民房甚多並在漢陽

城外江邊設壘築牆意圖久抗查城中百姓本

未全行復業今復搬徙一空城身曠大僅有兵

勇千餘名尙不敷守堦口兼以軍火守具均未

聖朝聖略卷百十八

十九

全備城外水陸兩路面面空虛臣到任旬日一

切皆未熟習而督臣猝然遽退漢鎮官民驚駭

人言謠動情狀幾不可問臣當此措手不及之

際絕不為所搖惑祇知一意堅守現住城樓與

文武員弁等開誠布信激勵將士日夜協力保

守一面飛咨荊州將軍湖南巡撫並札各屬力

籌防禦勿使該逆蔓延為害一面嚴催督臣前

調宜昌兵一千名及駐防安陸之陝甘兵一千五百名星速來省俾資堵剿現復募勇八百名紮營塘角以作水師接應聞該逆此次上竄大抵江南老賊居多詭譎異常非得慣戰勁旅恐難制勝楚北省垣雖兩遭殘破實爲東南數省門戶亦爲曾國藩等進征下游餉道設再疏虞所關非細仰懇

聖朝聖略卷百十八

三

聖恩飭令塔齊布就近酌分陸路精兵一支趕救武昌

奏八

上命軍機大臣傳諭楊需曾國藩塔齊布陶恩培曰據陶恩培奏李孟羣自下游帶領礮船四十隻曾國藩亦派礮船八十餘隻均經接續趕到惟該逆於漢陽濱江築壘意圖抗拒非水陸各路糾集兵力迅速掃除誠恐復成蔓延之勢楊需既已挫師於前若再株

守德安任令賊氛猖獗更復何顏對朕此時亟應重整兵威與官文曾國藩等派往各兵勇協同兜剿以贖前愆陶恩培雖以堅守省城爲要務亦不能將宜昌陝甘各兵徒爲保衛武昌之計置漢口漢陽於不顧礮船雖到而陸路尙須精兵協剿曾國藩塔齊布圍攻九江若楚北賊黨未除後顧甚有可虞著再於陸軍內酌派赴援惟此股賊匪據陶恩培奏俱係江

聖朝聖略卷百十八

三

南老賊究係何路賊匪朕心實深懸繫著曾國藩等飛速奏聞以慰殷念楚北賊燄復然於曾國藩等剿賊機宜大有關係此時惟有會合各兵迎賊攻剿使曾國藩塔齊布各軍無腹背受敵之患方爲妥善

二十二日 丙科爾沁博多勒噶台親王僧格林

沁察哈爾都統西凌阿奏言連鎮旣已竣事臣卽選黑龍江吉林馬隊二千名哲里木盟馬隊

二百五十名涼莊馬隊三百餘名精健巡捕營步隊八百名投誠義勇三千餘名並勝保前次留於連鎮之西甯河州宣化正定等處官兵二千餘名一併統帶定於二十一日移營高唐會同勝保協力進攻以期迅速蕩平又接准托明阿函稱揚州軍營兵力不足探聞連鎮大功將藏商調官兵等因伏查揚州軍務正當喫緊之際自應趕緊撥往以資協勦當經札令總兵薩炳阿統帶漢中等營官兵一千五百餘名並選派吉林馬隊五百名卽日赴揚聽候調遣其餘官兵飭令分起撤回本營奏入

上命軍機大臣傳諭僧格林沁西凌阿曰僧格林沁等奏選帶馬步兵勇移營高唐會勦覽奏與朕意適合高唐賊匪數不盈千該大臣現已選帶精銳兵勇八

千餘名諒已足敷勦辦現定二十一日移營高唐辦理更爲迅速可見該大臣實心任事籌畫周詳必能乘此銳氣克復高唐盡殲醜類總兵薩炳阿現帶兵前赴揚州著卽飭該員迅速前往聽候托明阿調遣

上諭內閣曰僧格林沁之兄三品台吉琅布林沁在直隸軍營屢著戰功著賞給二品頂戴並賞戴花翎

同日會國藩塔齊布奏言上年十二月初十日

胡林翼羅澤南等力攻梅家洲賊壘殺賊三十餘人該逆遁入堅壘不出水師自初六日攻破賊寨後該逆連夜將大礮鑿沈江心實以沙石僅西岸留一隘口攔以篋纜初十日陸軍攻壘之時約水師同攻此卡彭玉麟孫昌國蕭捷三等督三板各船斬纜衝入焚其戰船三十餘號民船三百餘號斃賊約數百名十二日陸軍復

攻賊壘終日以礮多壘堅卒不能破水師復衝入卡內燔賊戰舟三十餘號民船約五十號自是賊所奪江西戰舟焚燒略盡僅餘夾洲內十餘船自湖口至姑塘四十里賊船肅清矣營官蕭捷三等欲肅清鄱湖以內遂乘勝追至姑塘以上揚帆內駛日暮不歸詎料該逆窺我小船衝入內河卽出小划二十餘號突出卡外圍我

欽定剿平粵匪方略卷一百十八

三

軍快蟹大船是夜三更該逆復用小划三四十號攢入老營燒我船隻兩岸賊匪數千火箭噴筒迷離施放呼聲震天我軍以內河百餘小船未歸無以禦之被焚大戰船九號小者數號坐船三十餘號各勇狂於屢勝之餘變起倉卒快蟹長龍等船挂帆上駛李孟羣彭玉麟不能禁止次日悉回九江大營臣國藩聞信之下不勝

憤懣戰船焚失雖屬無多而百餘輕捷之船二千精銳之卒陷入鄱湖內河業被賊卡隔絕外江所存多笨重船隻運掉不靈實覺無以自立副將楊載福自攻破田鎮後卽在武穴養病因飛調來營十七日力疾往下游進剿行抵潯城十五里之張家洲賊船已分兩路上犯楊載福派哨官張榮貴陳金鏊等由新河下擊自率各

欽定剿平粵匪方略卷一百十八

三

哨由老河下擊澄海營官何敦伍亦由老河隨剿鏖戰良久該逆敗退下竄追至老灣其快蟹船貼靠北岸陸賊護之不能奪取礮斃賊數十名張榮貴等自新河下者遇賊三板及小划約三十隻我軍九船勝之追至湖口縣繞出老河與楊載福會合兩路凡焚船二十六號奪船五號四更收隊自十二日夜水師失利後賊之兇

饒頓長梅家洲之賊夜夜往撲胡林翼羅澤南等營併力堅守得摧兇鋒湖口之賊渡江上犯紮營九江對岸之小池口二十一日臣等派副將周鳳山渡江擊之四更渡畢黎明開仗該逆猝不及防踏平賊營一座殺賊二百餘人江邊一支追出街外隄內一支因搶奪馬匹衣物爲賊所乘先勝後挫被追七八里之遙臣等酌商

聖事方略卷一百十八

美

以水師既陷於內河陸軍復挫於小池口遂調胡林翼羅澤南二軍由湖口回顧九江二十五日駐紮南岸官牌峽是夜三更潯城與小口兩岸之賊各擡小划數十隻入江乘月黑迷漫攢入我軍船夾內火彈噴筒齊放右營被燒戰船一隻各哨慌亂挂帆上駛臣國藩坐三板船督禁黑夜不許開船江闊船多莫能禁止該逆已

用小划數十將臣坐船圍住臣國藩遂飭各戰船與羅澤南陸營緊相依護遣人四出追回上駛之船黎明陸續歸隊復將戰船追擊奪回三隻伏查水師自岳州以來屢獲大捷自至湖口苦戰經月破陣焚船費盡氣力賊舟所存無幾詎意各營長龍三板過於勇鷲衝入內河竟夜不歸而外江老營兩次爲該逆所偷襲實堪憤

聖事方略卷一百十八

三七

恨皆臣國藩訓練不素調度無方應請

旨飭部將臣曾國藩嚴加議處

曾國藩塔齊布又奏言水師於十二日焚燒湖口卡內賊船乘勝衝入內河後蕭捷三等及各營長龍三板百二十餘號挂帆上駛行至大姑塘尙無賊蹤卽行宿泊十三日上至平峯見賊船民船共二百餘號突起擊之該逆抵死抗拒

我軍先燒其民船賊陣遂亂復焚其戰舟凡焚船二百餘號奪獲三十五號奪礮七十餘位十四日該逆以前夕所搶我軍之船冒為官兵自湖口駛上襲我內河之師輔以小划百餘號時蕭捷三等已聞十二夜楚營被燒之信因約各哨寂靜以待逆船撲近眾礮齊發羣子噴飛該逆立刻敗下紛紛梟水擊沈燒去小划三板共

聖朝聖略卷一百六

三

五十餘號追至湖口見逆搭浮橋二道舊卡一道關鎖牢固勢難衝出收隊回泊大姑塘以上各營官以十三所搶民船恐其累重為賊所乘至是盡數焚之十九日至吳城鎮探悉逆匪由彭澤湖口而來者約有數千人竊踞都昌縣城空濠塘有大小船隻四百餘號二十六日水軍各營官熟商以都昌既有逆船竊踞儻我軍一

出仍復滋擾轉不能一律肅清不如趁此時燒盡因派定三板划船四十餘隻營官蕭捷三孫昌國段瑩圖賀虎臣鄧翼升親督之於二十七日五更開行並熟悉河路之翟秉懋前往指引是夜煙霧迷漫嚴戒各船不准放礮出其不意襲之已刻到都昌縣見逆船排於河面大小數百號該逆尚未驚覺各營蠶擁而前槍礮齊施

聖朝聖略卷一百六

三

火毬火箭並發時值東南風頃刻間火光貫日將逆匪輕重船數百號燒燬淨盡擊死賊匪及撲水死者不計其數生擒五十一名即時正法餘匪轟入縣城因無陸兵不敢上岸窮追師還路過雞公湖有小划船三百餘號各營官帶勇下水概行燒盡免為賊有伏查水師自衝入內河口三獲全勝勞動可嘉然冒險衝入與外江

水師相隔疏失實甚目下外江苦乏小船即擬
赴添民划內河水師飭令決戰衝出兩面會剿
以期力破湖口一關奏入

上命軍機大臣傳諭曾國藩塔齊布陳啟邁曰此次我
軍進剿梅家洲賊卡未能攻入小池口復先勝後挫
是陸路尙未得手而水師銳氣過盛由湖口駛至姑
塘以上長龍三板各船與外江師船隔絕雖四十里

聖朝聖略卷一百十八

三

之內賊船肅清但江艦板重小船不能相輔以致逆
氛頓熾兩次被賊襲營辦理未為得手曾國藩自出
岳州以後均能與塔齊布等協力同心掃除羣醜此
時偶有小挫尙於大局無損曾國藩自請嚴議之處
著加恩寬免惟此時百餘輕捷之船二千精健之卒
均在鄱湖內河中阻賊卡雖胡林翼羅澤南二軍業
經調回九江亟應趕添民划以便運掉輕靈即蕭捷

三等搜剿都昌之船亦須設法衝出俾內外會勦力
破湖口一關方有把握陳啟邁前此派往協勦之佈
克慎恩齡等兵勇本為接應楚軍即憚光宸吳錫光
等亦應內防腹地外籌協勦豈能坐聽蕭捷三等懸
軍深入不為援應之理著陳啟邁嚴飭該帶兵官會
合攻擊毋令稍有疏失曾國藩塔齊布並須步步為
營層層相顧不得任令兵勇輕率債事不但外江與
內河聲勢必須聯絡即陸軍與水營亦須互相依輔
免生他變

聖朝聖略卷一百十八

三

上諭內閣曰曾國藩等水陸各軍自抵九江屢經獲勝
該城逆匪猶敢負隅死守復於湖口設立水卡與陸
賊互相抵拒著曾國藩等嚴督諸軍奮力攻勦務即
盡殲醜類克復城池

欽定剿平粵匪方略卷一百十九 乙卯年

正月二十六日 庚寅 僧格林沁奏言本月

日接奉

諭旨飭查勝保劣蹟並貽誤事機各節 臣接見幫辦軍

務德勒克色楞額 臣崇恩翼長常亮總兵孔廣

順等及辦理糧臺天津道張起鵬詳加諮訪均

無指摘之事應俟隨時查察儻有別項劣蹟再

聖恩匪方略卷一百十九

當據實嚴奏惟該大臣既經拏問未便在營已

傳

旨將勝保拏問飭令崇恩派委知府崇厚參將穆隆阿

押解赴京聽候

諭旨並將

欽差大臣關防封固並神雀寶刀齎送軍機處呈繳

該大臣所帶將弁何人出力兵勇何營可用 臣

素稔所帶川勇桀驁不馴交崇恩設法遣散其

餘容俟詳加查訪至高唐賊勢 臣周歷城垣雖

不甚大而修築未久甚為完固周圍濠溝三道

亦均寬至數丈該逆占踞十月之久布置均極

嚴密若竟輕易進攻不特該逆圍濠過寬未能

直薄城下卽設法填濠逼近該逆憑高擊下我

兵徒致損傷仍難克捷且李開芳係百戰之餘

聖恩匪方略卷一百十九

狡詐異常數月以來深恃人少糧多負固自守

臣悉心籌計必須誘其全股出巢再行痛剿或

設法安伏內應使該逆內外受制方可得手總

之此股賊匪雖不甚多而地勢可憑逆謀狡黠

恐倉卒設計未必入我術中現存之兵疲羸過

半似宜訓練蓄銳俟有可乘機會始能迅速蕪

事奏入

上命軍機大臣傳諭僧格林沁曰高唐賊匪負隅固守
總因將驕兵惰紀律不嚴以致數百小醜日久稽誅
現在該大臣統領得勝官兵接辦軍務逆匪必已聞
風膽落正可乘此聲威一鼓殲擒至申明約束整飭
戎行尤為行軍要務所有高唐軍營帶兵大員自德
勒克色楞以下均歸僧格林沁節制儻各營將弁有
不遵調度者即著從嚴懲辦德勒克色楞與勝保共

聖恩匪方略卷一百十九

三

辦一事日久無功亦屬咎有應得現既寬其既往仍
命幫辦軍務尤當知感知懼力贖前愆儻再不知奮
勉即著嚴叅治罪該大臣務即力破賊巢盡殲醜類
並嚴杜分竄之路無令逃逸迅奏膚公以慰廑念
上諭內閣曰勝保勦辦高唐逆匪日久無功前經拔去
花翎並降旨革職責令督率將弁迅圖克復原冀其
感奮立功以贖前愆乃數月以來仍復遷延觀望以

致數百餘匪日久稽誅糜餉勞師厥罪甚重前經密
諭僧格林沁傳旨將勝保拏問著即解交刑部按律
治罪現在僧格林沁已馳抵高唐即督飭各路兵勇
剋日進攻迅將此股餘匪悉數殲擒毋留餘孽所有
高唐軍營領兵大員自德勒克色楞以下均歸僧格
林沁節制

聖恩匪方略卷一百十九

四

僧格林沁又奏言查此次軍營一二品大員以
下至於兵丁等均能奮勉侍郎瑞麟總兵慶祺
副都統綿洵等協同臣辦理一切甚為出力扎
拉濟特貝勒拉木棍布扎布公棍楚克林沁均
能勇往應如何獎勵之處出自

天恩奏入

上諭內閣曰侍郎瑞麟等自赴軍營以來襄辦一切異
常出力甚為勇往侍郎瑞麟總兵慶祺副都統綿洵

3 之下

等均著加恩賞加都統銜瑞麟著賞給銜勇巴圖魯名號慶祺著賞給育勇巴圖魯名號綿洵著賞穿黃馬褂扎拉濟特貝勒拉木棍布扎布著賞加郡王銜賞戴三眼花翎公棍楚克林沁著賞戴雙眼花翎在乾清門行走

僧格林沁又奏言臣於連鎮戍事後飭令各營將遣撤兵丁沿途妥爲彈壓其帶赴高唐兵勇

聖恩匪方略卷二百十九

五

亦卽趕緊前進商令西凌阿綿洵在後督催臣卽於二十一日起程二十三日馳抵高唐踏看城垣形勢官兵營盤一俟西凌阿綿洵等督催兵勇到齊卽當設法攻剿奏入報

二十七日辛卯曾國藩塔齊布奏言上年十二月二十九日臣等以兩岸之賊偏處水師新挫恐

難自立商派李續賓蔣益澧等帶湘勇一千二百人從二套口渡江攻剿小池口之賊恐湘勇輾轉疲勞難以取勝羅澤南帶勇二百人渡江接應臣塔齊布自率親兵數十人渡江督之李續賓蔣益澧從內隄入偏近賊壘鏖戰一時殺賊十餘名前鋒衝入賊營忽賊隊從營外抄出一支蔣益澧左營卻退江邊之賊復出數千橫

聖恩匪方略卷二百十九

六

截我師羅澤南從外隄往援將江邊賊隊衝退營內之賊愈出愈多李續賓等內隄一支且戰且退臣塔齊布恰至躍入督陣湘勇回戈擊賊殺賊目二人數次偏入賊壘以野曠賊衆該逆從遠處大圍包抄我軍衆寡莫敵後隊旗靡前隊亦不能按在陣腳臣塔齊布匹馬衝突羅澤南李續賓亦回馬力戰使悍賊不得窮追有黃

馬褂賊三人各帶十餘賊直奔臣塔齊布馬前羣矛攢擲臣塔齊布直前斫一黃馬褂賊落地而奪其馬又橫突而西二賊目皆落馬餘黨始靡而大隊賊自內隄出者尙窮追不止臣塔齊布念悍賊所以苦追者祇欲得一人而甘心也因揮令湘勇大隊沿江西馳而獨馳馬至北路鄉間自是賊衆不甚西追羅澤南率湘勇收隊

聖朝方略卷二百九

七

渡江餘賊北逐者臣塔齊布復刺殺一二賊終不敢偪日暮始渡江歸營查臣等陸軍在北則不能顧南岸在南則不能顧北岸南岸潯城圍攻正在喫緊而北岸小池口之賊相偪已甚不得已分渡南岸之兵擊北岸之賊士卒久勞隔江遠戰主客勢殊衆寡不敵致二十一二十九日兩次挫衄該逆自十六日由湖口分支來踞

小池口二十五日大隊復至二十六日分千餘人上竄龍坪武穴二十八日李孟羣礮船在武穴擊之又揮勇登岸力擊斃賊數十人餘衆敗回復於三十日引大股賊三千人沿江上竄初一日竄至武穴初二日至蘄州聲言直犯武漢至督臣楊需廣濟一軍臘月十二及二十四等日兩次敗衄間二十九日又被該匪撲營兵勇紛紛逃至蘄州一帶道路梗塞屢次差探未確不知督臣現駐何處黃梅廣濟股匪間亦有四五千人上犯與沿江之賊會於蘄州一併西竄目今局勢臣等反覆籌思進退兩難現派李孟羣督帶礮船至黃州一帶跟追毋使上竄之賊擄船下水如果大股賊匪占踞武漢水師當全軍回勦陸兵亦當相機返顧進止機宜關繫極

聖朝方略卷二百九

八

大至餉項設措愈艱惟求我

皇上指授方略俾臣等得所遵循

曾國藩塔齊布又奏言正月初二日臣等飭李孟羣率三營戰船四十餘號回救武漢其大隊駐潯江者欲全回武漢則恐下游江面仍爲賊有欲堅扼潯江則恐上游船少不敷剿辦正在進退兩難之際忽於初四日東北風大作巨浪

欽定剿平粵匪方略卷二百九

九

排擊漂沈長龍三板二十二號擊壞十四號延至午刻又破壞七號其存者亦俱撞損漏裂桅折纜斷倉卒之間祇得將壞船委棄而令略好者七十餘號全數開赴上游直趨武漢名爲速剿上犯之賊實則修整已壞之船臣等辦理錯謬之處蓋有二端武漢當留重兵駐守並當留戰船數十號以爲後路聲援茲因江漢無戰舟

致該逆乘虛上竄其失一九江未破遽攻湖口

冀通江西餉道弁勇冒昧輕進致輕舟百餘號陷入內河一軍分爲兩截外江無小舟內湖無大船頓形薄弱其失二至兩次被襲之後更遭大風壞船則又事機不順出於意表者也目前籌辦之法謹條列具奏一回救武漢之戰船前後共百號被風擊壞者多其完好可戰者約不

欽定剿平粵匪方略卷二百九

十

過四五十號漢口若被賊踞則修整船隻當在金口以上臣國藩並於沔陽之新隄地方設立船廠飛飭李孟羣彭玉麟等卽在鄂渚紮營在新隄整船可以固荆湘之門戶可以剿竄漢之新賊第離臣大營太遠各船口糧銀兩及修整破船之費添造三板之資概無所出應請

旨飭下湖廣總督湖南巡撫迅籌餉銀交李孟羣彭玉

麟水營應用一鄂省兵勇臬司胡林翼帶二千餘人經臣等奏調來潯會剿副將王國才帶三千餘人經督臣楊需飭令來潯都司石清吉帶千餘人經督臣飭令在富池口設防均在南岸臣等聞賊從江北上竄之信卽飛飭胡林翼石清吉先後回援武昌其王國才一軍俟江西供撥餉銀後探明鄂省確耗再定進止一水師陷入內湖者皆三板長龍輕利之船不便宿食不能紮營本擬俟春水生時卽與外江水師併力攻出今外江船壞全回武漢則內湖須添造大船添募水勇各小舟有所依附乃能自成一軍回鄂省之師船有李孟羣彭玉麟經理陷內湖之師船無得力將領統之各勇聞老營被燒衣物全失如鳥失巢人無固志臣國藩擬親至吳

聖事集方略卷一百十九

十一

聖事集方略卷一百十九

十一

城等處統轄此項水師重加整頓或竟至江省一次將造船添勇事宜與撫臣陳啟邁面商妥協仍回大營一陸軍各營銳氣尙盛現在圍攻九江開挖地道人人踴躍用命若回軍武漢則雄心頓減銳氣消磨以後斷難復振且湖口九江之賊皆將內犯江西省城有礙大局臣等定計月內設法破城一俟內湖水師整理就緒仍當鼓行東下直搗金陵該逆上竄武漢攻我之所必救也我軍下搗賊巢亦攻其所必救該逆縱復踞漢陽我軍亦不肯輾轉回顧聽其多方以誤我也臣等自誓有進無退區區愚忱實欲一雪積憤成敗利鈍皆不敢計

曾國藩塔齊布又奏言臣塔齊布陸軍自紮八里坡後日夜圍攻潯城逆匪堅匿不出我軍於

東城外潛開地道而令得力兵勇一百四十名帶同夫役二百名紮營其上別撥親兵百人往來巡哨本月初六日卯刻逆黨千餘人從大東門旁開洞門出城來犯逆首羅大綱從小池口率悍賊二千餘渡江助戰一撲開窰地道之營一撲副將王國才之營我軍之窰地道者逆料賊必來犯密排槍礮以待賊至待其撲近營邊

聖皇聖略卷百十九

十三

槍礮齊發轟斃帶隊之黃馬褂賊目一名及隨賊數名餘賊仍抵死不退臣塔齊布帶勇馳往應援衝殺十餘賊追至大東門逆黨半由洞門入城半卽縋城而上被官軍槍斃刺斃無數城上礮子如雨我軍傷亡十餘人遂繞城追至沿江一帶賊之分撲王國才營盤者共分三路該營連環開礮賊不敢偏逆黨遂以全力移撲周

祿等營盤王國才飭都司畢金科帶勇五百人

從後門潛出抄周祿營盤之左猝衝賊隊殺斃

十餘人逆眾披靡適各營援兵亦至橫截之該

逆腹背受敵狂奔不止我軍沿途追殺適臣塔

齊布亦從東門繞出併力追剿逆黨爭舟回渡

擁擠翻沈我軍奮追爲城上槍礮所格午刻收

隊計殲斃逆匪共二百餘名生擒二十一名查

聖皇聖略卷百十九

十四

羅大綱兇悍詭譎因官軍堅扼潯城急欲來撲經此次敗挫我軍銳氣愈振日內仍當併力攻剿以殄兇鋒奏入

上命軍機大臣傳諭曾國藩塔齊布陳啟邁曰曾國藩塔齊布奏稱辦理錯誤之處如水師衝入內河以致聲勢隔絕誠不免銳進貪功至武漢收復後未留後路聲援其勢本有不及水陸兩軍全數進剿猶恐兵

力單弱若彼時卽分防武漢兵數愈少刻下更不知如何棘手以現在情形而論上竄漢口之賊現有楊需督軍江北李孟羣等師船亦已駛抵武昌統計楊需收集及續調之漢川官兵沔陽等處練勇不下六七千名李孟羣戰船可用者亦尙有四五十號胡林翼等回援之兵復有三千餘名儘可相機夾擊曾國藩等既定直擣金陵之計卽著迅速設法攻克九江

聖皇集略卷一百十九

十五

合軍東下毋得再存顧慮該侍郎等營中糧餉軍資上賴湖南下賴江西接濟此時若輕舍九江回顧武漢不但江西之賊全行竄出卽漢口之賊亦必愈偏愈上兩路餉道皆梗孤軍尤屬可虞自以力攻九江爲扼要之策蕭捷三等衝入內河之船雖屢經獲勝而輕舟散泊不能成軍殊非勝算亟應設法接應出湖以爲陸軍犄角外江大船現旣全令上駛添船添

勇自係緊要機宜但製造尙需時日而陸軍銳氣正盛覽所奏塔齊布獨當賊隊情形亦屬過於冒險曾國藩旣擬親至吳城卽著一面與陳啟邁商酌製船事宜一面諄囑塔齊布加意慎重總須內河師船駛回與城外陸軍會合進攻方有把握曾國藩抵吳城後能將前項船隻卽行帶出固爲應手若一時未能全數出湖亦須察看軍情仍回大營免致與塔齊布

聖皇集略卷一百十九

十六

內外睽隔居隆阿惲光宸恩齡等現攻九江趙如勝吳錫光等現攻都昌亦係內外分辦總宜速籌會合攻破湖口賊卡以通接應之路李孟羣彭玉麟等武昌水營需用糧餉鉛藥及修整船隻經費著楊需迅籌接濟並知會駱秉章一體籌款撥解楊需自抵德安後未據續有奏報現由何路進剿漢鎮續調兵勇已到若干荊州官兵是否卽能下擊均著迅速奏聞

該督節節退守已屬咎無可辭若再株守德安致逆賊負隅久踞試問能當此重咎否耶

二十八日辰壬辰荆州將軍官文副都統載增貴陞

奏言據襄陽道羅遵殿稟稱督臣楊需移紮德安賊由漢鎮分股至襄河搶船意圖上竄又據沔陽潛江天門等州縣探稟正月十四日賊匪由漢川沿襄河陸路至沔陽州屬之仙桃鎮放

欽定剿平粵匪方略卷一百十九

七

火燒殺勢甚猖獗該州知州蕭蔭恩已親督紳士等各帶團勇分道前進會合攻剿獲勝各等情查仙桃鎮乃荆襄門戶上年收復不易今後爲賊肆擾自應先其所急速爲進剿臣等已派江陵在籍同知林天直等帶團勇千名協助蕭蔭恩往剿並派把總田達三等帶團勇三千名佐領錫齡阿等帶滿兵四百名前往應援復札

催沔陽潛江天門及荆屬之石首監利等處集團會剿奏入

上命軍機大臣傳諭官文楊需曰前因逆賊回竄漢口楊需退駐德安疊經諭令官文酌派精兵速往會剿並將能否親往之處速籌馳奏茲閱所奏情形該逆現已竄入襄河擾及沔陽是其意圖上竄仍係上年故智惟究係分股抑或全數西竄摺內未經聲敘官

欽定剿平粵匪方略卷一百十九

六

文所派兵勇既須先剿仙桃鎮卽不能遽抵德安徑攻漢鎮楊需前調之陝西宜昌官兵皆近在漢川自應早已到營何以自正月十一日發報後至今竟無續報此股回竄逆匪雖不盡由北岸而來究其所以得入楚境之由實因廣濟一軍不能堵禦所致此次上竄沔陽又從漢川闖入襄河該督豈竟毫無聞見現在無論該逆全股分股楊需總不能株守德安待

援鄰境備該逆悉數奔突襄河楊需卽應督兵上勦
儻漢鎮尙有大股盤踞楊需卽應趕緊進攻使賊不
得上窺荆襄旁犯武昌若竟一籌莫展徒以扼賊北
竄爲名獨不思沿襄河而上安陸荆門處處皆可上
竄耶官文所派兵勇不下四千餘名如仙桃鎮賊匪
擊退亟應沿河東下若因荆州緊要卽於載增貴陞
二人中酌派一人帶兵前往該將軍能親自督兵進

聖朝聖略卷一百九

十九

勦更足以壯聲威

上又命軍機大臣傳諭英桂曰漢鎮逆匪分股至襄河
搶船意圖上竄是豫省西路各要隘防堵最關緊要
英桂前奏已於信陽州三關等處層層設備光商一
帶責成邱聯恩嚴密防堵現在西路情形喫緊著英
桂妥爲布置嚴防逆匪乘虛北竄所有添兵募勇各
事宜務須確探賊蹤體察事機迅速籌辦

二十九日已癸楊需奏言據探報十三四等日賊

匪二千餘人由漢鎮分竄漢川之麥旺嘴擄搶
船隻經沔陽州鄉勇截擊篙工水手亦奮勇協
勦殲斃賊匪數百名餘匪窮蹙仍思折回漢鎮
合股復經漢陽縣鄉團攔截殲斃二三百名該
逆僅賸四五百人奔至距蔡店二十里之侏儒
山又經各處鄉團奮勇擊殺多名未能竄出等

聖朝聖略卷一百九

二十

情且連日探得漢陽漢口賊匪不過六七千人
旣未搶有船隻復因各處俱有團練不能擄脅
多人勢成孤立攻勦似易得手昨接道員李孟
羣稟稱督率礮船已抵省城協防並稱副將王
國才臬司胡林翼督帶陸路兵勇知府彭玉麟
督率水勇指日均可抵省臣現飭劉富成招集
京山勇四千餘名陸續來德陝甘兵一千一百

餘名已於十七日起到 臣原帶督撫兩標各營兵勇雖尙有四千餘名但屢經挫敗臨敵恐難深恃京山陝甘兩路兵勇均係生力精銳可期得力 臣兼派漢陽府知府栗燿漢陽營遊擊玉山等帶兵千名前赴孝感督同該縣團勇及職員李玉田之勇由孝感一路進攻一俟南岸王國才等到齊卽飭劉富成督帶京山練勇由蔡店一路攻勦陝甘新到之兵卽爲接應 臣親督後隊相機調度並飛咨官文趕緊撥兵順流下勦務期掃清漢陽漢鎮賊氛以冀上慰

宸廑奏入

上命軍機大臣傳諭官文楊需曰昨據官文等奏漢鎮逆匪突入襄河擾及沔陽本日楊需奏稱賊由漢鎮分竄漢川之麥旺嘴經沔陽鄉勇截擊仍思折回漢

欽定剿平粵匪方略卷二百十九

三十一

鎮復經鄉團殲斃多名僅贖四五百人奔至侏儒山未能竄出等語與該將軍所奏情形不同若如該督所奏是襄河一帶賊勢尙不十分喫緊然仙桃鎮已被焚擄所稱僅四五百人尙恐未確官文已派兵勇前往勦辦自應飛飭各員確探賊蹤迎頭截擊漢陽漢口賊匪不過六七千人並未搶有船隻李孟羣礮船已抵省城王國才胡林翼陸路兵勇彭玉麟水勇指日均可抵省軍威自壯但李孟羣等亦斷無株守省垣之理漢口賊匪尙多攻勦漢口卽以保護武昌况有胡林翼玉山劉富成等陸路兵勇接應水師亦不爲孤著楊需飭令各該員等先勦漢鎮以掃賊巢至襄河一帶師船能否駛入該逆竄擾仙桃鎮業經官文酌派滿洲兵四百名並調團勇四千名協同沔陽州知州蕭蔭恩力圖攻勦如果賊勢猖獗兵力尙

欽定剿平粵匪方略卷二百十九

三十一

單楊需仍須飭令李孟羣等水軍設法追勦並能否
添派陸軍策應之處相機酌辦務將上竄之匪盡數
殲除官文奉到昨降諭旨是否親自帶兵前進諒該
將軍必能斟酌盡善妥為籌辦也

欽定平粵匪方略卷一百十九

三

欽定平粵匪方略卷一百二十 乙卯年

二月初一日 甲午 官文載增貴陞奏言賊

襄河之仙桃鎮後 臣官文本應督兵進勦惟日

來盤獲奸細皆供賊由廣濟竄至漢口賊目羅

大綱遣來偵探意圖竄擾荆襄等語是賊匪窺

伺荆襄正切 臣官文若帶兵遠出恐人心動搖

所關非細公同籌商由 臣貴陞統帶協領依西

欽定平粵匪方略卷一百二十

十

布選擇滿營官兵八百餘員名於正月二十二

二十四二十六等日分起啟行至潛江渡襄河

由北岸天門取道進擊 臣載增已派兵豫備策

應 臣官文自當相機調度前派佐領錫齡阿同

知林天直之軍已由襄河以南分路前進即可

與貴陞一軍互相策應奏入

上諭曰汝未便遠離荆州自屬實情惟貴陞能否得力

中央民
學院圖書

殊深懸繫

同日陶恩培奏言臣因武昌省城陸兵未到有水師可恃於十二日飭令李孟羣督派礮船八隻隨同彭玉麟礮船四十餘隻進襄河焚勦用長龍快蟹從中流奮擊彭玉麟親駕三板船身先士卒直入河口奪燒賊船三隻搶回賊船三隻十六日復派長龍三板礮船四十餘隻自上

欽定剿平粵匪方略卷一百二十

二

游地瀝而下適漢陽城外逆眾堆運木箠見我軍至開礮迎敵我軍以長龍大礮轟擊賊不能支敗遁回巢計共燒賊船十餘隻木箠十餘座拆壞賊礮臺七座斃賊約百餘名本可乘勝速勦奈陸路無兵徒深焦急刻下所調宜昌兵一千名已到六百名遊擊石清吉帶兵千餘名臬司胡林翼帶勇二千名均於十六十八等日抵

省紮營城外卽當飭令約期會合礮船水陸夾攻冀羣醜奏入

上諭曰汝旣知以戰爲守豈能聚集多兵株守武昌逆匪現已分股上竄更應追勦

初二日乙未和春福濟奏言正月初八日五鼓官

兵直抵廬州城下分攻各門南門出賊七八百人卽飭吉順鄭魁士嵩瑞普慶帶兵奮擊適得

欽定剿平粵匪方略卷一百二十

三

勝門又出賊匪二千餘人意在抄我軍後路經常清等分途擊殺吉順等由南門趕至三面攻勦斃賊不計其數二十二日三更後挑選兵勇三百餘名攜帶引火器具乘槍礮對擊之際暗置雲梯由西門直上將及登城爲該逆所覺火包火罐紛紛下擲連傷兵丁數名湖南兵由北門緣梯而上亦被驚覺多有受傷未能登城昨

准秦定三來函正月初六日督同音德布等分
攻各門適北門六安各出賊千餘名前來救應
我軍會合夾攻追至城下約斃賊匪六七百名
又准忠泰咨開正月初十日攻取巢城派協領
富呢雅翰都司珠蘭泰等帶領兵勇分攻各門
該副都統與李文安李鴻章督同知縣邵啟元
等赴各路策應東西北三門各出賊千餘名我

聖學匯考卷二百二十

四

軍分途迎勦西門賊匪敗至城外街內有小港
阻攔我軍不能過河李鴻章飭令兵勇填河而
過珠蘭泰等一擁而進立將街內賊巢全行燒
燬約斃賊匪二百餘名十四日夜率領官兵攜
帶攻城器具計圖襲取未能得手惟東門外高
岡逆匪新築土城三座聚賊甚多防守極嚴伊
林布揮令兵勇盡力攻擊適李鴻章等一齊趕

到三路抄擊將土城三座踏平各等因前來此
連日各路攻勦之情形也奏入

上諭曰覽奏不過小有斬獲汝等每次奏摺率云斃賊
數百或不計其數若果盡屬從實何以愈殺愈衆每
至攻城必爲所覺傷亡想亦不少雖逆燄臨張何官
兵無能之至瑣瑣贅言全屬搪塞和春福濟督師皖
境一載有餘遲延委靡之罪百喙難辭朕尙不處治

聖學匯考卷二百二十

五

汝等原望奮勉圖功以贖前愆若仍恃奏章爲敷衍
則罪由自取朕惟知以軍法從事勿謂言之不先也
初三日丙申向榮奏言查紅單等船本皆堅利但
得水長風猛即可斷練而上現已修船準備剋
日進扼上游昨聞楚師尙在九江相持安慶一
帶賊蹤往來不絕池太徽甯沿江處所窺竄滋
虞浙江撫臣何桂清與臣往返函商於甯國灣

止廣德徽州要衝處所各已添兵防堵其東壩
一路亦已咨商江蘇撫臣吉爾杭阿添派壯勇
一千名前往駐紮與黃池聲勢聯絡蕪湖之賊
自鄧紹良兩次截剿未敢內犯專俟水師攻上
太平則陸軍即可直出會剿昨接托明阿鈔咨
以瓜州之賊分股擾掠儀徵六合兵力皆單商
撥官兵協剿臣卽飛咨江蘇督撫臣迅爲抽助
一軍瓜鎮之賊兩相救援必須師船奪據金山
方能斷賊水面接應已函商吉爾杭阿可否前
往鎮江督剿抑或速來金陵暫行代統大軍俾
臣赴鎮親督余萬清力籌克復先破鎮江則瓜
州便易廓清奏入

上諭曰覽奏俱悉吉爾杭阿已有旨幫辦軍務自可督
師迅克鎮江汝仍在金陵扼賊旁竄一面嚴飭吳全

美等速行斬練上駛以期水陸合擊上游師船已回
武昌俟回竄楚北之賊剿滅淨盡方能再下九江潯
郡安慶克復方能直擣金陵現在事機不順惟冀汝
等協力和衷無論江鎮兩城先克一處庶幾漸有握
勝之機也

同日略秉章奏言自田家鎮半壁山水陸大勝
後九江府城原可乘機克復因北岸廣濟黃梅

賊勢尙熾塔齊布羅澤南率諸軍盡銳攻剿始
克兩城賊以其暇得嚴密布置比塔齊布等同
軍渡江則九江已屹然堅城難以遽下矣會國
藩偵湖口以內賊船甚多慮其出江爲害卽分
軍剿之是時黃梅復陷九江對岸小池口一帶
復有賊蹤會國藩水師無陸軍夾護而三板戰
船又已盡入湖口冬令水枯急切不復得出以

致有十二月二十五日劫營之挫督臣楊需駐軍廣濟賊至卽潰正月初三日退至黃州初五日退至漢口其出也盡率兵勇萬餘以行武昌省會重地僅留逃潰疲弱之兵數百飭藩司夏廷樾等居守撫臣陶恩培到任甫數月一切未及布置當督臣退至漢口時賊匪於初七日尾追而至民人扶老挈幼號泣奔走情形極爲慘

聖朝聖略卷一百三十

八

痛而督臣又不知退駐何處矣頃據平江縣稟稱賊匪大股均聚興國州其爲犯鄂無疑鄂城餉竭兵單勢甚危急督臣所帶兵勇多已潰散曾國藩塔齊布糧臺坐船多被燒燬軍實蕩然勢難驟振臣維湖北湖南唇齒相依自去秋以來本省南路防勦兩粵之賊無日不事戒嚴搜除腹地之匪一時尙未就緒茲復值北路警報

沓至時勢更非上年可比現一面抽調南路兵勇赴省並飭局趕造船礮一面飭北界各府縣督飭鄉團添募壯勇爲援勦之計一俟諸務稍集卽當相機辦理奏入

上諭曰所造礮船仍應接濟曾國藩是爲至要

同日英桂奏言據南汝光道邊浴禮稟報逆匪在漢鎮搭浮橋正月十三日分股由蔡店竄至

聖朝聖略卷一百三十

九

漢川曾國藩等隨營礮船已抵塘角十四日卽將浮橋轟斷襄河一帶亦有兵勇馳至又據署光州知州周浩稟稱賊匪現有後隊在團風鎮屯聚與光山商城毗連各該處隘口均已設防各等情查豫省南路所調兵勇陸續到防如信陽之三關羅山之大勝九里等關光山之新店虎頭關均已設備嚴密巡防其皖豫接壤之區

亦已妥籌戒備派赴正陽關兵勇業經到防南陽鎮臣邱聯恩現駐光州於皖楚邊境各處亦可隨時策應奏入

上命軍機大臣傳諭英桂曰楚省軍情據該撫奏報與楊震所奏大致尙同竄擾仙桃鎮之賊是否已被荊州兵勇擊退亦未據楚省奏報著英桂一面嚴防信陽等處一面確切探明隨時具奏

欽定剿平粵匪方略卷一百三十

十

初六日己亥僧格林沁德勒克色楞西凌阿奏言

伏思高唐逆匪爲數無多嬰城死守牽掣重兵糜餉老師尤覺可惜該逆踞守十月之久堅匿不出自臣移營以來該逆逐夜出巢探路冀圖逃竄正月二十九夜間密令南面站牆官兵分開隊伍停止更籌故作疏防之勢設該逆潰出俟其離濠漸遠再行截擊子刻該逆果然撲出

見此段毫無官兵全股直往南竄臣等督帶馬隊五百餘名銜尾緊追該逆拌死狂奔至距高唐五十餘里之在平縣屬馮官屯八村踞守該處三村相連周圍挑有深濠當卽催調後隊馬步官兵義勇於初一日辰刻趕到由西面撲入村中一面救護該村男婦一面用火焚攻痛加殲勦立將西面二村奪回斃匪二百餘名生擒

欽定剿平粵匪方略卷一百三十

十一

十餘名據供逆衆八百餘名欲向濟甯奔竄官兵擊殺甚多僅贖五百餘名等語現已將大礮運到向內轟擊以期殄滅無遺頭等侍衛達崇阿吉林協領委營總豐山委參領豐玉同時陣亡均請照例

賜卹以慰忠魂

同日崇恩奏言勝保所募川楚直隸河南江南

等省練勇共計五千餘名僧格林沁到後即派直隸天津道張起鵠刑部主事楊熙來營與臣商辦裁撤以節經費該勇等跋涉遠歸途中若無盤費恐滋事端擬將此項練勇一體給予路費計其道途遠近覈定數目由東省糧臺按名分給仍令剋日起程俟到籍後交該管地方官遣散歸農均奏入

聖恩賜方略卷二百三十

十三

上命軍機大臣傳諭僧格林沁德勒克色楞西凌阿崇恩曰高唐收復逆賊竄馮官屯大兵四面合圍諒不至再有竄逸現在大礮已經運到即應盡力轟擊村莊設備雖嚴究不能如城池之堅固在城則利其竄出以便跟追在村則必須兜圍以防奔突務宜於奮勇之中加以慎重儻任其旁竄他處或因守村莊則又蹈從前故轍諒該大臣等早有成算不令釜魚檻

獸日久稽誅也崇恩奏資遣裁撤練勇著即照所擬妥為籌辦刑部主事楊熙本由四川帶勇前來現在裁撤川勇需人彈壓著崇恩詳加察看如該員尙能約束即飭令管帶回籍毋令沿途滋事儻此外尙有帶勇之員無須該員管帶即飭回京當差

上諭內閣曰僧格林沁等設法誘賊出巢收復高唐州城逆匪南竄現被痛勦僅餘五百餘名蟻聚馮官屯

聖恩賜方略卷二百三十

十三

村莊東南一隅抵死抗拒該大臣等務當激勵兵勇晝夜環攻立將醜類盡殲及早蒞事以慰朕望其陣亡之頭等待衛達崇阿吉林協領委營總豐山委參領豐玉均著交部照例議卹

崇恩又奏言正月二十九日三更後僧格林沁計誘逆賊出巢南竄大兵追至距高唐城五十里之馮官屯該逆踞村抗拒臣當於是夜派參

將玉山等帶勇隊四百名隨同追剿一面飛檄
荏平附近之長清東阿聊城並南路各州縣一
體嚴防臣一面督同文武選帶弁兵由高唐東
門馳入城內殘孽僅十餘人搜戮淨盡被害之
該州知州魏文翰屍身於枯井內撈獲妥爲棺
殮飭該家屬收領衙署倉庫監獄廟宇及居民
鋪戶房屋均被燒燬難民轉徙流離哀號徧野

勦平粵匪方略卷一百一十

十四

亟應妥爲撫恤當派文武各員分赴城鄉招集
流亡確查戶口動支官紳捐輸粟穀以資賑濟
臣於布置後卽馳抵馮官屯僧格林沁軍營晤
商一切以期早就廓清奏入報

初八日 辛丑 江甯布政使文煜奏言正月二十日
大股賊匪數千人由沙頭港對岸蠶擁而來伐

聞

樹毀房焚竄渡我勇疊開大礮轟斃多人始
行退走該逆又分股至南江錢家灣深港口等
處分路竄襲到處涉水夜渡委員張士楷等併
力攻擊時值昏黑該逆匿伏對岸田隄下抵死
不退黎明又復大股衝突南江口又突至數千
人沿隄奔竄適托明阿等調撥參將英貴帶大
同兵勇六百名前來協防卽經英貴斃賊數十

勦平粵匪方略卷一百一十

十五

名乘勝追至連城洲賊始竄回瓜州自二十日
起至二十三日歷三晝夜先後擊斃賊匪六七
百人我勇陣亡受傷者僅十餘人查沙頭距瓜
州東十四里中隔虹橋新橋及連城佛感兩洲
該處爲裏下河最要門戶過此則沿江八十一
洲四通八達防守極爲喫重該逆雖受創退回
而賊情叵測難保不去而復來臣仍督飭該弁

勇等嚴密巡防聯絡鄉團以杜竄擾此次堵剿尤為出力員弁可否量予鼓勵之處出自

天恩奏入

上命軍機大臣傳諭托明阿陳金綬雷以誠文煜曰瓜州逆匪屢次攻撲沙頭營盤雖經兵勇擊退而該處為裏下河最要門戶文煜所帶之勇為數無多托明阿統領全軍蕞爾瓜州日久未能克復若再令該逆

聖朝聖方略卷二百二十

末

紛紛旁竄致完善之地復遭蹂躪辦更形棘手所有沙頭等處各路要隘著該大臣等嚴密布置如有東竄匪黨即行水陸夾擊以杜紛擾薩炳阿現帶兵二千名馳赴瓜州軍營托明阿等得此援應足資分撥仍一面迅圖克復瓜州毋再遷延貽患

十一日辰甲僧格林沁德勒克色楞西凌阿奏言逆匪竄至荏平縣屬馮官屯地方拚死抗拒連

日臣等激勵兵勇奮力圍攻該逆沿牆掘地犬伏以避槍礮賊情固結毫無疏懈兼之村外有深濠圍繞進攻尙未得手臣於攻克連鎖後搜獲湖南人劉自明一名供係偽官向在賊中掘空地地道轟陷城垣已將該犯帶赴軍營現與商酌地攻之法是否可行尙難豫定一面布置濠壘一俟該逆防守稍懈即督兵勇進攻奏入

聖朝聖方略卷二百二十

七

上命軍機大臣傳諭僧格林沁德勒克色楞西凌阿崇恩曰僧格林沁等奏連日剿賊情形一摺賊匪現踞馮官屯沿牆掘地以避槍礮攻剿尙未得手該逆屢被痛剿所贖狡悍之賊諒已無多仍當激勵兵勇設法速攻以期及早蕞事尤須加意慎重勿致窮兇乘間竄突復擾他處湖南人劉自明所獻地攻之法未免曠日持久且該犯曾為賊偽官是否可恃著該大

臣確加體察勿墮奸計

同日袁甲三奏言查江北防勦分東西中北四路北路以臨淮爲最要而正陽次之現在臣親自統兵駐守臨淮牛鑑移兵駐守正陽亦歸臣調遣萬一有警迎頭截擊總可奮力決戰是北路較爲嚴密堪以上慰

宸廬至廬州爲中路攻舒攻巢兩軍現雖屢挫逆鋒第

聖東匪方略卷三十一

六

巢縣爲巢湖門戶舒城爲安廬桐往來要路皆賊必爭之地即使兩城皆克攻戰之兵必將留守不能撤回廬州助勦和春福濟兵力不厚旣不敢不於西北之衝聯營以防竄撲則東南一面勢難兼顧欲絕賊援而賊之往來自若欲斷賊糧而賊之饋運自若此中路之難以藏事也西路毗連楚省今自漢口以下黃州蘄水蘄州

廣濟黃梅無處非賊宿松太潛等邑爲皖之要

衝賊必橫互其間併力拒守非若上年之有懈可乘也已革道員何桂珍僅帶兵一百名招勇數百名前往楚北道路中梗不能徑會楚師亦不能另謀攻取王庭蘭現集兵勇數百名進駐六安以之防隘則可以之勦賊則不可此西路之難以藏事也東路沿江西梁山鍼魚嘴一帶

聖東匪方略卷三十一

七

賊壘多寡不一賊船亦聚散無常下游浦口賊設攔練之處江窄水淺南岸下關賊設礮臺十數處北岸九洲洲又新築礮臺望樓兩岸停泊賊船守護甚嚴張光第劉玉豹等分駐烏衣官渡相機進取而水師不能夾擊官軍一去賊又復來若欲徑取和州其地距西梁山六十里距鍼魚嘴十里賊援屬集未便久與相持即使一

攻而克非有重兵扼守難保不再蹈廬江覆轍
此東路之難以蕺事也刻下楚省情形臣未能
深知然賊既力爭江路希圖牽掣楚師其驍悍
賊黨必悉聚於上游則廬州機會大有可乘現
在連鎮克復移兵高唐一經蕩平便可抽出數
萬勁旅應如何分軍南來急謀克復廬州之處
伏乞

聖聖聖聖聖聖聖聖

三

聖明乾斷迅賜施行

袁甲三又奏言臣營所用槍礮至重不過二百
餘斤今統計自三百餘斤以至三千斤礮位共
三十餘尊皆係先後勦匪所得私造之多可知
查私鑄槍礮例禁極嚴地方官自顧考成不無
規避情事此時變通之法似宜責令各地方官
認真查禁一經拏獲即遵照定例將匠役人等

分別治罪所有失察處分概予寬免庶各州縣
無所回護得以隨時清理又廬鳳穎所屬向多
產硝之地奸民販私接濟逆匪為患匪淺其已
獲各案均經臣按律究辦並請由撫臣通飭各
州縣嚴定章程隨時查拏如在本境自行拏獲
免其失察處分如被鄰境拏獲仍將該管官照
例議處以示懲儆

聖聖聖聖聖聖聖聖

三

袁甲三又奏言臣前請以署宿州知州郭世亨
開缺留於永宿蒙亳一帶並以王啟秀接署宿
州知州奉

旨著再與和春福濟等妥商查此案臣因綏靖地方需
員甚急是以一面具奏一面鈔稿知會福濟等
嗣據覆函深以為然並稱先得我心實深感激
等語此次接奉

硃批復恭錄行知並加函商旋准和春福濟函覆極稱

臣因公起見整頓地方之苦衷知府陸希湜不能久出在外必須添派幹員惟

聖意既不肯更易熟手不若將現隨臣營之知府張家

駒駐紮穎毫如臣別有所見即請單銜具奏等

語是和春等於臣前奏仍未稍有異議且陸希

湜本任所屬太和阜陽霍邱穎上均偏近楚豫

聖學匪方略卷一百二十

三

界連六安正陽處處均須防禦誠如福濟等所

云勢難久出在外至張家駒委駐穎毫原可期

其得力惟臣營委員本少若張家駒再駐該處

則臣營遇有緊要事件實在無可差遣此次和

春等所見既與臣並無不合其擬改委張家駒

之處係於臣營乏員差委情形尚未深知可否

再懇

天恩准將升用知府現署宿州知州郭世亨開缺以知

府補用留於蒙亳宿永一帶勦辦賊匪並准以

王啟秀接署宿州知州以資臂助奏入

上命軍機大臣傳諭和春福濟袁甲三日皖省軍情自

以急籌攻克廬城為要現當連鎮蕩平北路勁兵原

可酌量抽撥但廬州郡城自前年失守後已越年餘

和春福濟所統官兵數踰巨萬豈不能四面環攻迅

聖學匪方略卷一百二十

三

圖克復且連鎮官兵本無數萬之眾即使撥往安徽

尚不能如和春等現帶官兵之多安得有如袁甲三

所請之數耶該提督等惟當就現有兵力迅速籌攻

不准再事遲延以添兵為藉口袁甲三既駐臨淮皖

省東北兩路有可進取之機亦宜隨時籌勦至郭世

亨王啟秀二員前據袁甲三奏請將該員等分別開

缺調署朕所以批令與和春福濟妥商者原以調署

牧令必須與督撫會銜並非不准袁甲三與聞舉劾
乃閱另摺覆奏祇稱往返函商仍未聯銜具奏袁甲
三著傳旨申飭仍著福濟會同和春袁甲三詳細酌
度如郭世亨於潁亳地方辦理實在得力即將該員
奏補實缺知府亦無不可其宿州知州應否即以王
啟秀接署亦著一併會奏至私鑄槍礮販買私硝如
何稽查如何拏禁總在地方官實力辦理如果於此

聖學聖方卷一百三十

臣

等私鑄私販匪徒拏獲較多不但寬其處分並可酌
量請獎若先將處分寬免是豫開一寬縱之條於緝
捕轉無實際著和春福濟袁甲三嚴飭地方文武員
弁認真緝拏以杜奸萌無庸另立章程

十二日 乙 楊需奏言據漢川縣知縣盧慎徽稟

稱正月二十九日督率鄉勇會同李玉田於黑

夜分攻漢川西北二門搃斬百餘名拆毀縣河

浮橋一座餘匪星散多向南岸竄赴下游亦有
竄往上游者又據何桂珍及蘄水縣知縣劉棨
稟稱分帶兵勇於正月十九日進攻戰於東南
兩門外殺賊二百四十餘名賊由西門逃竄乘
勝追逐二十餘里當即搜捕餘匪安撫居民各
等語昨又有另股賊匪竄至岳家口地方意欲
上竄牽掣北路之兵使荆襄兵勇不能遽集漢

聖學聖方卷一百三十

臣

口現劉富成等兵勇已至蔡店進逼漢陽與胡
林翼李孟羣等水陸夾擊漢陽漢口之賊勢難
久踞漢川既經克復上竄岳口之賊亦與漢口
之賊隔絕不通 臣 一面飛催李錦鑾貴陞等軍
一面另派都司葛以敦巡檢蔣立松各帶勇千
名由天門至岳口繞出賊前迎頭下擊如賊匪
悉眾上竄即當親督後隊馳赴天門安陸一帶

第一冊 續修四庫全書 4 頁三

截勦以遏其竄犯荆襄之路若賊衆尙聚漢口
卽由楊店一路前往併力進攻

同日陶恩培奏言連日探得東路逆賊由廣濟
竄至興國州通山縣一帶四路勾結土匪大肆
殺掠省垣愈加喫緊實無兵勇可分前往迎擊
督臣楊需自廣濟一路退走後探聞現駐德安
距漢鎮二百餘里竟無一兵一卒援救所有會

聖皇聖方略卷一百一十

三

經征戰之將弁均皆隨督臣赴德省中文武寥
寥不敷差遣以至督隊打仗僅有胡林翼常恩
二文員若使東路逆賊徑撲省垣則前後受敵
勢更可危應請

天恩速派得力提鎮一二員帶領重兵星夜救援

陶恩培又奏言臣抵武昌不及十日賊已大至
存城兵勇不滿二千戶口逃亡軍裝餉項接濟

維艱文報往來道途多阻臬司胡林翼聞警回

軍帶勇僅及二千渡江擊賊利鈍尙難逆睹石
清吉之兵勇千餘尤恐難期得力新調宜昌兵
一千名中途已散去四百名聞風尙且潰散臨
陣何能勇往此鄂省萬分危急之情形也探報
九江湖口之賊畏塔齊布之威名堅匿不出於
江岸偷渡以圖上犯九江湖口轉無多賊九江
與武昌府毗連師行不過十二日可到與其徵
調不能戰之兵而終歸潰散不如以南軍回勦
可望迅就蕩平惟有仰懇

聖皇聖方略卷一百一十

三

天恩迅飭塔齊布酌留勁兵一支會同江右全省兵勇
攻勦九江以牽賊勢塔齊布親帶精兵由興國
州回鄂往返一月有餘江漢可清後路無警實
於大局有裨至水師在九江挫敗又復遭風折

損名爲上援江漢實則急資修整東征之利器
全賴水師長江千餘里僅恃此百十殘破之礮
船江面何由肅清應於湖南北設局造船鑄礮
並於湖南添募水勇庶可期其得力刻下賊船
上犯江漢江西之南昌吳城並無一賊卽謂添
船募勇須與江西會商乃去已成之兵勇待未
來之船礮計亦良左且屢經戰陣得力之將如

聖學匯考卷二百二十

三

李孟羣彭玉麟等盡數上駛竊恐軍無統帥呼
應不靈應請

旨迅飭侍郎曾國藩回軍江漢急整水師則東征大局
尙可挽回均奏入

上命軍機大臣傳諭楊需曾國藩塔齊布陶恩培曰詳
覽楊需所奏漢川旣經克復上竄岳口之賊與漢口
之賊隔絕不通該督駐紮德安原爲防賊北竄而陶

恩培奏稱逆賊勾結與省城聲息隔絕此時總當迅
速克復漢陽漢口爲保守武昌之計該督由北路節
節進攻距漢鎮僅二百餘里分兵兼顧武昌較之曾
國藩等折回援應尤爲便捷現在武昌兵力單弱督
隊打仗僅胡林翼常恩二員設該省稍有疏虞貽誤
之罪楊需豈能諉卸耶曾國藩等前因戰船損壞全
數開赴上游修理又因陸軍銳氣尙盛仍欲鼓行東

聖學匯考卷二百二十

三

下直擣金陵原以輾轉回顧不但前功可惜且恐兵
勇之氣不能復振是以諭令該侍郎等攻克九江卽
合軍東下惟現在賊踞漢口漢陽武昌情形關繫緊
要應如何設法協濟武昌而與攻勦九江大局仍無
妨礙著曾國藩等體察情形或該侍郎帶兵自行前
往仍留塔齊布會同江西兵勇攻勦九江務當統籌
全局斟酌辦理楊需曾國藩接奉此旨卽將如何籌

辨情形迅速具奏以慰廑念陶恩培仍當督飭胡林翼等以勦爲防固守待援

欽定剿平粵匪方略卷一百二十一 乙卯年

二月十三日 丙午 托明阿陳金綬雷以誠奏言 臣

等飭水師嚴截江面一面分帶東西岸馬步官兵緊攻瓜州該逆仍負隅不出嗣獲奸細供稱該逆欲往江北裏下河通泰一帶擄掠等語查揚州東岸附近虹橋之沙頭地方尤爲裏下河門戶正月二十日 臣陳金綬等前往設法堵剿行至施家橋忽報逆黨直撲沙頭欲紮籜渡河當卽飛調東岸官兵分路迎截 臣雷以誠督飭兵勇復在沙頭北岸開放大礮斃賊多名該逆始退二十至二十九等日該逆欲竄裏下河屢次撲擾沙頭壘被兵勇痛勦毀其營壘餘逆仍回瓜州 臣等統帶兵勇雖有一萬四千餘名而沿江上下二百餘里在在防賊北竄以致攻圍

瓜州愈形力弱惟有嚴督焦山土橋水師並商
同向榮督催上游各水師趕緊肅清江面使瓜
州賊無援應庶逆勢漸孤可以併力攻克奏入
報

聞

同日英桂奏言查湖北襄陽及本省南陽等處
日來未據續有警報第逆情詭譎必當思患豫

聖學集方略卷三十一

二

聖學集方略卷三十一

三

防臣現於陳州行營飭派留防之副將慶德帶
兵五百名馳赴南陽會同該府顧嘉蘅添撥練
勇扼要防堵又接邱聯恩自光州來函賊匪欲
竄襄河是南陽新野唐縣等處喫重而信陽近
接漢陽又為北竄要道現親督駐紮光州官兵
移紮信陽既可控扼漢陽亦與南陽等處易於
策應又光商一帶應防之處甚多已飭汝甯營

參將成景帶兵駐紮相機防堵等情臣即函覆
照准辦理至陳州與皖省接壤之區現經布置
嚴密與正陽關牛鑑行營互相策應聲勢尚為
聯絡再派防皖省正陽六安兩處共計兵勇三
千餘名昨聞連鎮仰賴

天威擒渠掃穴以至勝之師剿高唐負固之賊定當不
日奏功將來直東軍務告蕪儻蒙

聖慈准於凱撤官兵內飭調二三千名徑趨皖省分赴
正陽六安將豫省撥去兵勇更換遣回防守本
省則皖省既不致空虛豫省亦可敷分撥於防
剿機宜大有裨益奏入

上命軍機大臣傳諭英桂曰河南省外禦鄰氛內捕土
匪防剿兼施所有防堵正陽六安兩處及南陽新野
唐縣信陽關各要隘在在需兵該撫欲請調連鎮得

勝之兵二三千名赴皖以便豫省防皖各兵遣回更換一俟高唐竄匪殲除卽行酌調赴皖俾豫省防兵得以撤回供本省之用此時豫省勇多兵少該撫惟當仍飭牛鑑等實力扼守陶恩培奏逆賊勾結興國通山土匪大肆殺掠武昌頗屬喫重襄河亦有賊船現雖南陽一帶未聞警報防範仍須嚴密光商一路該撫已派成景帶兵駐紮邱聯恩移紮信陽藉以控

聖朝方略卷三十一

四

制南陽該撫現在陳州居中調度務須隨時偵探何路喫緊卽往何路策應

十四日丁未官文載增奏言佐領錫齡阿等於正

月十四五六等日在仙桃鎮南北兩岸連獲勝仗殲賊極多因下游之賊源源裹脅而上以致二十一日鄉勇被衝林天直身受重傷而死錫齡阿行至潛江催兵接應適副都統魁玉渡襄

河往防漢川臣等卽令魁玉率同錫齡阿督帶滿兵前進於二十七日開仗詐敗誘敵引動仙

桃鎮南岸之賊跟追而來伏兵齊出槍礮疊施

錫齡阿迎頭抵禦魁玉蕭蔭恩等分路抄殺斃

賊無數追逐二十餘里該匪竄過北岸燒斷浮

橋我兵趕至河干因無船隻暫於要隘紮營右

翼副都統貴陞帶兵於二月初一日齊抵潛江

聖朝方略卷三十一

五

初二日冒雨行抵天門縣境漁泛洪地方見有

逆賊卽率旗兵二百名渡河迎頭剿殺殲賊百

餘名初三日復親督官兵過河遙見賊匪沿岸

來撲貴陞卽帶兵迎擊殲斃甚多追至漁泛洪

下十餘里之岳家口地方貴陞策馬直前率領

官兵急追不料該逆由岳家口街內突出數千

名將我兵橫衝截斷首尾不能相顧以致失利

貴陞不知下落查賊匪既竄至天門潛江境界不獨上接襄陽且逼近荆郡民心震動不可不厚集兵力以資防剿茲添派委協領安貴等帶兵前赴了角驛一帶統歸魁玉等管帶相機堵剿並札知各州縣團勇扼守要路以防上竄臣載增出城親赴各路晝夜巡查臣官文仍募勇選兵妥為調度如下游軍情緊迫即親督進剿

聖事軍方略卷二百三十一

六

奏八

上命軍機大臣傳諭官文楊需曾國藩塔齊布陶恩培曰賊蹤相距荆郡不過百餘里之遙該處官兵既須分布設防又須沿河下擊實有無可抽撥之勢楊需安坐德安所帶兵勇至一萬七千餘名之多應赴上游應剿漢口尚在游移未定究竟一月以來所辦何事該督摺內已有賊至岳口之語則該逆之窺伺荆

襄已無疑義猶以收復漢川斷水謂為賊匪聲勢隔絕抑何憤憤至此貴陞此次失利誠不免孟浪失機何以與賊接仗之時僅有荆州官兵而該督所派之李錦燮葛以敦蔣立松等並未見隨同接應是該督直置荆襄門戶於不顧終日籌畫不出楊店蔡店數十里之間殊為可恨現在荆州緊急載增既已出城郡城重地亦不可無人鎮守官文所稱親督進剿之處務須斟酌盡善不可輕為嘗試楊需前派各兵著即飛催前進並於進攻漢陽兵勇內酌量改撥折赴上游以遏襄河賊勢若再事耽延是楊需屢次玩誤朕不能再以薄罰示懲也逆匪由江入漢兩岸北趨顯係水陸並進李孟羣等水師僅在外江轟擊並須追入內河方能破其藏匿之路其沔陽以上沿河船隻亦應一體撤赴上游方能絕其搶掠以武昌現在

聖事軍方略卷二百三十一

七

情形而論患不在江面而在興國通山一路土匪會國藩等進攻九江連日不知勝負若何或酌分陸軍以救武昌東路或添派水師沿江而上協濟李孟羣等之師使得進剿襄河則上游可期得手於潯郡事機亦有裨益著卽妥爲籌酌迅速奏聞

同日沈祖懋奏言徽郡東西北各嶺隘相距二三百里浙江杭嘉湖道徐榮駐紮祁門祇能顧

聖學聖略卷三十一

八

及西路正月二十二十一等日賊匪大隊數萬人來攻石埭之琉璃嶺霧露嶺經四川遊擊周天受帶兵迎剿連日互有勝負突於二十二日賊乘大風施放火箭噴筒我軍適在下風不能抵禦嶺隘遂失賊由石埭至太平縣距歙縣之箬嶺湯口皆祇數十里賊又分隊由石埭進趨黟縣之羊棧嶺臣當卽飛報浙省又與徐榮商

撥川兵赴黟協防一面飭令周天受卽在箬嶺外堵禦又與署知府恩禧商派徽州營參將文芳赴湯口防守二十八日探報賊於二十七日繞越山僻小徑攻入黟縣有進犯休甯之信伏思賊股分竄徽郡各邑三面受敵處處告警自黟至府僅百四十里中惟漁亭可以扼堵臣飛

聖學聖略卷三十一

九

商徐榮能否移緩就急前來該處堵剿尙未接有覆信事機萬分危急臣當卽帶領練勇二百名前赴漁亭一帶防剿惟賊勢猖獗亟須浙省應援奏入

上命軍機大臣傳諭向榮何桂清沈祖懋曰黟縣至徽州府城祇一百四十里沈祖懋僅帶練勇二百名在漁亭堵禦此外惟徐榮在徽防堵兵力實形單弱何桂清想已接到該學政咨報著卽撥兵赴徽援應堵

賊內竄之路並著向榮速飭鄧紹良等撥兵由南路
赴黔應援務須前後夾擊以遏逆勢

十五日戊申吉爾杭阿奏言臣於二月初一日由

上海起程卽由宜興溧陽一帶繞道東壩察看
情形徑赴金陵大營會籌攻剿其拖帶船二十
隻內有五隻運掉不靈業已撤回廣東分撥五
隻由督臣派委署狼山右營遊擊張鳳翔等管
駕出洋肅清洋面其餘十隻派委狼山鎮總兵
泊承陞等駛赴鎮江聽候托明阿向榮酌量調
遣奏入報

欽定四庫全書

十一

聞

十六日己酉曾國藩塔齊布奏言潯城一面臨江
兩面瀕湖惟東門有陸路可入因於東門外小
嶺下紮一新營開掘地道冀轟城垣詎該逆業

已偵知於東城內深掘濠溝添築子城東門外
增修木壘暗通城內自正月十四日後日由木
壘潛出撲我新營臣塔齊布與諸將熟商乘其
屢來撲營設計陷之遂於十八日將新營器物
夜中運歸營內暗藏地雷火礮掩以茅草賊眾
果於十九日黎明出千餘人撲我地道徧擲火
毬新營地雷火礮齊發燒斃賊匪二百餘人賊

欽定四庫全書

十二

眾敗潰臣塔齊布督令參將彭三元都司周岐
山率各營兵勇追襲斃匪四十餘人其自平嶺
來攻者王國才率四川練丁禦之浙江甯紹台
道羅澤南率領湘勇自東路直抵平嶺安慶府
知府李續賓自北路繞出平嶺之後兩路夾攻
追至城根賊眾遁入木壘其伏於寶塔松林中
者經羅澤南王國才殲斃百餘名松林之賊盡

由老鸛塘奔入九華門三路共斃賊四百餘名
生擒十二名此地道停工設計陷賊大獲勝仗
之情形也水師之陷入內湖者輕舟百餘精卒
二千本向來所藉以衝鋒陷陣者也然三板小
艇一旦與老營隔絕座船被燒弁兵饑凍備嘗
自開赴江西省撫臣陳啟邁給以口糧優以犒
賞衆心始安繼聞外江被風戰船回鄂老營之

欽定剿平粵匪方略卷三十一

十一

相離愈遠內湖之軍心愈搖臣曾國藩奏明馳
至江省親自統帶而安輯之與陳啟邁商定將
江省現造之長龍三十號先撥臣軍應用又慮
春夏水盛江湖並漲非巨艦不足以壓浪而立
營擬再造快蟹大船十餘號酌派員弁回楚續
招水勇自成一軍期與外江水師會合夾攻此
內湖水師重加整理之情形也探聞湖廣督臣

楊需於初五日回至漢口逆匪於初七日竄入
漢鎮臣等卽飛飭王國才回援武漢又據探逆
黨勾結興國州匪徒復行滋擾並圖竄入江西
武甯縣境撫臣陳啟邁與臣國藩熟商王國才
回鄂之師若取道武甯山路則免其蔓延江境
而繞出興國之背勦辦亦易復札飭王國才由
武甯興國勦洗回鄂此湖北來潯會勦諸軍旋

欽定剿平粵匪方略卷三十一

十三

鄂之情形也現今攻圍潯城臣塔齊布仍日日
操練以期蓄養精銳水師一軍分爲兩截各自
整飭成軍庶幾轉敗爲功奏入

上命軍機大臣傳諭曾國藩塔齊布陳啟邁曰水師陷
入內湖久與外江聲勢隔絕曾國藩恐兵心潰散馳
往南昌省垣親自安輯已與陳啟邁商定將江省現
造之長龍三十號調撥應用惟江湖水盛旣非巨艦

不能壓浪若尙待鄱陽春漲始行衝出恐稽時日急宜與江西所撥船隻合力設法將支河賊船勦淨駛出湖口以便與外江戰船聯爲一氣則水陸會攻方能得力現在水師已上援武漢塔齊布陸軍攻勦九江尤爲喫重陳啟邁擬造快蟹各船著卽派員迅速督辦以便與湖南師船會同出江王國才業已由武甯回援武漢繞出興國之背能否速到武昌尙難豫

聖朝聖略卷二百二十一

十四

料而有此一軍勦捕土匪卽可稍分武昌喫緊之勢曾國藩續由楚省招募水勇亦恐有需時日必將湖內長龍一百餘號速圖駛出與塔齊布陸兵會合克復九江始能與武漢水師聲勢聯絡又命軍機大臣傳諭駱秉章曰曾國藩等在九江水陸屢獲勝仗惟水師船隻被風損壞居多茲據奏稱擬再造巨艦並赴楚招募水勇等語駱秉章前奏已

飭紳士丁善慶等趕造大三板艇五十隻並長龍快蟹等船此時自己造辦竣工著與捐辦船礮一併備齊下駛以資曾國藩等江面攻勦

同日陳啟邁奏言江西水陸防勦事務紛繁統帶兵勇在在均須武職得力大員查新任南贛鎮總兵劉開泰於上年四月閒經向榮奏留鎮江軍營相應請

聖朝聖略卷二百二十一

十五

飭下向榮卽飭劉開泰迅來江省會辦堵勦事宜奏
八
上諭內閣曰新任江西南贛鎮總兵劉開泰前經向榮奏留鎮江軍營現在江西防勦喫緊著該大臣卽飭劉開泰速赴新任

同日和春福濟奏言廬城得勝門南門外至七里站焦湖一帶有賊營數處路通金陵我軍必

須移營南路先將賊營全行奪毀去其外援再行四面圍剿則克復可期得手當飭吉順蕭開甲桂成等帶兵勇二千名移營得勝門外江忠濬派出楚勇數百名於二月初四日在五里墩紮營該逆見我軍逼在咽喉於初更後突出數千人直撲新營經江忠濬等督率各勇一面開放槍礮一面趕築土城極力堵禦相持一日兩

欽定剿平粵匪方略卷三十一

十一

夜斃賊多名初六至初八等日臣等疊令東西兩路官兵分攻各門一面馳赴得勝門外督率鄭魁士等先攻第一座賊營齊抵外濠盡力攻擊千總顏紹楚手刃數賊被賊眾圍殺登時陣亡我軍四面圍住該逆無路奔逃砍殺淨盡立將賊壘平毀鄭魁士等帶領兵勇復分攻賊營二處該匪在牆內連開槍礮我軍搶至牆邊火

器齊施賊眾驚潰適程智泉江忠信趕到遂一齊擁入即將賊營兩座奪獲七里站煙墩集賊營經官兵往攻亦先後奪獲計初八日一晝夜連破賊巢八處約斃賊匪三千數百名生擒八十餘名訊據生擒賊供廬城係偽秋官副丞相陳棕勝為主帥已被官兵砍死所破賊營八座共有四千餘人等語訊明後卽行正法至湖南

欽定剿平粵匪方略卷三十一

十七

永順協千總顏紹楚奮勇捐軀深堪憫惜應請飭部照守備陣亡例從優議卹以慰忠魂查廬城南路賊營爲該逆外援要道今一律奪毀城內雖有賊七千餘名而逆首陳棕勝伏誅主持無人殘敗之餘亟當趕緊圍剿設法殲除此次官弁兵勇齊心勦力奮勇可嘉可否由臣等擇尤保奏出自

天恩奏入

上命軍機大臣傳諭和春福濟曰皖省賊勢蔓延附近

廬州一帶如舒巢等處尙未克復廬州之賊雖被痛

勦援應未必盡絕著一面督兵迅圖攻克廬郡一面

將七里站焦湖一帶分兵駐守毋令得而復失方爲

善策若賊去則收復空城賊來則仍被占踞並或旁

竄他處更肆鴟張和春等擁兵鉅萬縱寇往來獲咎

聖學聖方略卷二百二十一

七

更重據奏首逆就誅羣盜無主然該郡渠魁是否實

係陳棕勝城中賊夥尙多克復有無把握和春等不

得因有小勝稍存玩誤

上諭內閣曰此次廬州城外晝夜攻勦連破賊巢八處

斃賊三千數百名生擒八十餘名並將賊目僞丞相

陳棕勝陣斬賊之外援已絕辦理尙爲得手著和春

等督飭全軍乘賊大挫趕緊圍勦迅圖克復毋再玩

延所有出力員弁兵勇准其擇尤保奏候朕施恩湖

南永順協千總顏紹楚著加恩照守備陣亡例從優

議卹

同日陶恩培奏言二月初四日賊突由襄河口

開出大小礮船一百五六十隻渡江直撲省城

臣隨調水師奮力迎敵並用小划百餘隻擇兵

勇慣戰而能泅水者二百名駛近賊船拋擲火

聖學聖方略卷二百二十一

十九

彈燒燬賊船數隻水師乘勝追擊賊船仍收八

襄河口初五日探悉悍賊多在漢口而漢陽一

帶較虛臣遂調水師直攻漢陽令北岸陸軍從

上壓下又調宜昌水師二百名從鸚鵡洲徑渡

接應賊遂驚潰我軍乘勢追殺李孟羣正在督

戰登岸忽有悍賊以矛直刺李孟羣幸千總任

鴻春裨救立將悍賊刃斃初六日下流又來賊

船十餘隻向上行駛水師向下迎擊詎賊將襄
河口內礮船全隊開出橫截中流我礮船已在
賊下流不能速退暫泊南岸賊船一齊追來軍
功彭兆熊奮勇接戰殺賊十數名登時陣亡幸
塘角下李錦鑾等督領兵勇奮力接應槍礮齊
施賊船始退至逆賊勾結興國通山土匪肆擾
警報疊至省城實無兵勇可分而咸甯蒲圻各

欽定剿平粵匪方略卷二百二十一

二十

境爲南省餉道所關再四思維擬於石清吉營
中抽撥兵二百四十名添募勇五百名派委知
縣湯景督帶前往會合該處團練相機截剿並
准督臣楊需咨稱收集潰兵及新調兵勇共一
萬餘人已派總兵楊昌泗等由長江準瀟口新
溝蔡店分路進攻漢口漢陽如能剋期到齊卽
可與省垣水陸各軍合力夾攻奏入

上命軍機大臣傳諭官文楊需陶恩培曰據陶恩培奏

賊由襄河渡江直撲省城經官兵擊退水軍進攻漢
陽未能得手等語鄂省兵力本單楊需現派兵勇一
萬餘人進攻漢口漢陽著卽催令楊昌泗等迅速前
進至襄河一帶賊勢蔓延官文所派之兵能否迅抵
武昌殊難懸定楊需等惟有遵照前旨一面進攻漢
陽漢口一面抽撥兵勇折赴上游以遏賊蹤至興國

欽定剿平粵匪方略卷二百二十一

三十一

通山土匪滋擾最爲省城之患據曾國藩等奏稱現
派副將王國才管帶兵勇三千餘人取道武甯繞出
興國之背一路剿洗到鄂此項兵勇卽著陶恩培就
近催提李孟羣等水師能否追入內地與陸兵會合
夾擊襄河爲賊船占踞荆郡情形喫重官文等督兵
進剿務須熟籌妥辦並將近日情形迅速具奏

十九日 壬子 楊需奏言據胡林翼李孟羣稟稱正

月二十五六等日進攻漢陽力戰半日之久先後燒賊營盤四座直抵漢陽城下忽有伏賊自城外抄襲後隊傷兵勇數十人二十七八等日大風驟作將水師戰船擊損五六十隻漂沈二三十隻陸營帳棚亦多吹裂亟須趕緊修葺再行會合進攻初四日劉富成自蔡店進攻漢陽栗耀楊光澍李玉田分三路進攻漢口楊昌泗

聖朝方略卷二百二十一

三

於初四日行抵漢川督率鄉勇剿捕繫馬口官橋侏儒山賊匪皆聞風星散遂抵蔡店與劉富成合軍初八日進紮距漢陽十五里之三眼橋前竄岳口之賊於初五日上犯天門當派守備穆租索朗帶兵會同署天門縣知縣楊楸等督率練勇於四更潛往襲擊殺賊三百餘人餘賊竄回岳口臣先已飛咨署提臣訥欽帶兵馳赴

安陸防堵並飭都司葛以敦等截擊以杜上竄茲復派縣丞馮端禮等管帶豫勇馳赴漢川堵截回竄之路其仙桃鎮賊匪於初二日竄赴沔陽經魁玉等殺賊二百餘名餘匪竄赴北岸現飭北岸兵勇乘勢圍剿以冀一鼓殲除奏入

上命軍機大臣傳諭官文楊需陶恩培曰官軍連日進

剿雖據報各有斬獲而漢陽漢口並未克復岳家口

聖朝方略卷二百二十一

三

仙桃鎮之賊亦未能剿除淨盡北岸天門等處僅有守備穆租索朗等督帶兵勇剿辦殊形單弱著楊需飛飭楊昌泗與劉富成會合前進並著官文飭令魁玉等會督兵勇無分南北岸併力夾擊杜賊上竄之路李孟羣等進攻漢陽均以賊匪抄襲未能攻入現駐武昌著陶恩培飭令胡林翼等斟酌情形渡江協剿以期及早收復此時兵勇既已分路進剿楊需自

應飛速前進臨陣調度斷不准株守德安致滋貽誤

二十日 癸丑 官文載增奏言據報襄河股匪於二

月初三四等日與天門等處兵勇拒敵將兵勇

衝敗初五日攻入天門縣城復於岳家口搭浮

橋渡過襄河南岸上下分竄賊蹤已至潛江等

語當派佐領安祥等帶旗營馬隊會同該縣團

勇數千名相機會勦誠恐該逆由南岸上竄荆

聖皇聖方略卷二百二十一

五

門下竄沔陽均不可不嚴爲防範卽將知府陳

均遠募勇五百名派千總劉德英管帶並派守

備蘇都哩等分路堵禦又據探報復有股匪由

與國州上竄正月二十七日竄至崇陽縣境在

大江以南滋擾等語儻竄至江岸卽偏近監利

沔陽且上與岳州毗連是省城與荊州江防均

形喫重已派守備宗維清等帶兵赴北岸監利

縣及沔陽州之新隄地方會同各該地方官防

堵

官文載增又奏言正封摺間據守備穆和索朗

署天門縣知縣楊楫報稱途次聞天門已失星

夜前進二月初七日齊抵城外賊衆出城抗拒

經穆和索朗等親率兵勇迎擊紳士許本埔等

各帶壯勇數百名四路合擊斃賊無數當將城

聖皇聖方略卷二百二十一

五

池克復餘匪由岳家口下竄彭市河等語查此

時襄河南北兩岸及上下游均有兵勇四面兜

擊自易得手襄河指日當可肅清

同日浙江巡撫何桂清奏言 臣於正月二十六

日准安徽學 臣沈祖懋稱青陽逆匪竄入石

埭之琉璃嶺防嶺兵勇甚爲單薄現已退保箬

嶺亟須由浙應援 臣以石埭爲黟歙兩縣屏蔽



該匪竄入琉璃嶺將由夥歛各嶺內犯徽州事
在至急卽飛飭金華府知府石景芬護嘉興協
副將魁齡帶勇九百名勇首李恆淞等帶勇八
百名分水陸兩路馳赴祁門聽候學臣及浙江
委員徐榮調派防勦二十八日接署湖州府知
府王有齡稟稱大股逆匪一竄琉璃嶺一竄霧
露嶺防勦萬分喫緊已由鄧紹良飛調駐紮灣

聖朝聖略卷一百二十一

三

沚之曾承禧駐紮廣德之師長鑣駐紮四安之
彭壽殷各帶兵勇前赴甯國協勦其駐紮四安
之黃熊飛蘇方拱赴廣德接應等情臣復派把
總何載賡帶勇四百餘名馳赴甯國聽候鄧紹
良調遣查徽郡箬嶺以內可以直達績溪由績
溪至昌化昱嶺關計程百餘里不必經由徽州
郡城其甯郡所屬之甯國縣亦與昌化於潛接

壤浙省防務喫重現飭紳士黃一清黃載清帶
勇九百餘名以備策應均奏入報

聖朝聖略卷一百二十一

七